





中國科學院圖書館整理

續修四庫全書總目提要（稿本）



齊魯書社



識密齋詩鈔一卷 道光十五年刻本 劉啓瑞

昆明錢符祚撰符祚字伯元號小南事跡無徵雲南府志昆明縣志滇南詩略文略滇詩重光集等均無其傳今據其集中詩題考之知曾以試籍隸大興故卷首猶署大興籍也又詩題有將歸豫章官舍留別閩中同人詩是則伯南曾官閩贛者特其為何官不可知耳是集存詩都一百七十二首古今體詩悉備略以作詩年代為次其詩各體無不工而尤以近體為最七律如霜澤夫人廟題壁詩云萬馬軍聲湧怒

續修四庫全書總目

卷 集部別集類

潮思親望帝恨難消千秋魂魄依西蜀一樣江山遜北朝弱妹波濤甘莫骨侍兒刀劍尚橫腰惠陵松柏巢磯月隱約明璫與翠翹又如舟泊荒郊風雪大作詩云曉啓蓬窓雪三尺望中烟樹失前村人來樵徑肩紅葉路轉風帆指白門山鬼百年僵凍骨梅花一夕醒春魂忍寒到此真寒士應憐綈袍感舊恩又如舟中望太白樓詩云習習南風舵尾生霎時東下已兼帆程痕入樹百千曲雁影橫江三兩聲自古神仙多酒債即今天地忌詩名樓中無我留題處坐對溪

山負此行均對仗工整格律深穩殊得宋元人意其古詩亦頗雄厚如過鄱陽湖詩云鄱陽三百里雲浪舞澎湃蜿蜒如長虹遠接潯陽派高秋陽客艚十幅蒲帆挂天清水亦澄恍入琉璃界初疑東海寬漸覺北溟隘力能吹地浮勢欲排山壞冥濛樹若蒼未去舟如芥下有蛟龍宮豈數衆鱗介大姑抗手招康郎倒身拜頑石蹲蝦蟇中流逞妖怪波神信有霸篙師不敢懈對此風濤雄使我心目快舉酒酌江心慨然發長喟浩氣磅礴卓絕今古是亦非深於古詩不辨

續修四庫全書總目

卷 集部別集類

總觀全集大要以素素託其深心纏綿固結於筆墨於舟車南北俯仰憑弔則有奇傑之篇撫時感事念舊懷人則有愷惻之篇酒場文譚朋儕道釣一花一草某水某邱則又有蕭疏淡遠之篇而一以陶寫性靈為歸序首稱其喜元人詩有以道園雁門一派相擬者殆庶乎近之矣

附錄傳記參攷材料

本集詩題



思無邪室吟草三卷 家刻本

劉啓瑞

吳縣毛永椿撰永椿字抑鋒寄籍奉天金州以是蘇州府志盛京通志均無其傳祇符葆森國朝正雅集有其名云現官直隸北河同知特未言其科第符氏編國朝正雅集時在道光咸豐之間既云現官當亦同時是則毛氏亦道咸間時人矣其詩以性情勝無一字一句不從性靈中流出處處皆得真摯之意如春日懷藝卿詩云料理衣襟舊酒痕故人遙隔暗消魂醉醒往事今何日意氣平生孰可論紅屐難忘芳

續修四庫全書總目

卷

集部別集類

草路青帘孤負杏花却况堪節物清明近杜宇聲中獨閉門又如移居詩云草舍南開白板扉耐人深坐滿晴暉交游竊喜無統袴鄰里何曾賤布衣故壘恰看來紫燕斷垣共擬補紅薇眼前第一貧家樂姊弟情親未暫違俱拳拳反朋之交怡怡姊弟之樂非深於詩道者安能得此蔣榮渭序亦以是為言略謂詩之發於至性至情者其聲和以緩其氣清而純其味澹而彌長讀思無邪室稿而有以得之矣抑鋒七兄予之良友亦予之畏友幼失恃奉嚴君以孝聞及憂

哀毀骨立篤孔懷誼慎交游與藝卿最先莫逆予已後焉嘗自道少時甘苦狀不啻歷萬仞而平地播漚

瀚之舠而登畔岬也長好讀至徹夜不寐經史而外凡叢書說部莫不涉獵賦詩即工絕不規仿諸家而真摯之思逼近遺山昔予走楚粵間家細事必請與商予每遇省試返里相遇從無虛日迨兩舅北遊君延往嘉禾設帳陳氏既仲兄素存補官石港君以送眷赴署伯兄春帆諱國祥亦尉山石陵川君留直者八年而詩益與境進辛丑南返後又役晉年餘甲辰

續修四庫全書總目

卷

集部別集類

夏素存招赴天津君以予賦閒替之北游先是春帆因差至吳約予赴陵川事阻未果行及至津春帆再差入都繞津逾臘去有退志予無容偕行是冬素存遷澶州旋按獄予予署縣事而春帆引疾還留予予四閱月素存將之澶乃歸里以病卒時君已官直分北河因澹於仕進落落自如猶予昔間形諸詩予又見不苟出處如君而知詩之道蓋深遠矣云云斯言矣誠足以論永椿之詩矣



附錄傳記參攷材料

國朝正雅集

續修四庫全書總目

卷

集部別集類

焦尾編不分卷 道光二十九年刻本 劉啓瑞

長洲錢瑤鶴撰瑤鶴字子霞嘉慶時邑之太學生平居僻處城東之隅與嘉定沈拙生琴川蔣子延等相友善工文擅尤喜吟哦嘗結社唱詩稱雄壇坫其為詩多言情之作或託興以嘲世則不示同好晚歸釋氏學有頃餘吟以見志詩云待可休時那得休蕙須如劍戒如鉤從前衽席驚蛇蝎此後車輪息馬牛努力驅魔歸藕孔隨緣听法集針頭暮齡老健初行腳佳話惟傳一趙州又咏十年詩云十年人事小倉桑

續修四庫全書總目

卷

集部別集類

夢裏功名醉後鄉慘澹鬢毛經苦樂摧頽皮骨耐炎涼難除結習餘鉛槧絕少生涯近稻梁肥瘠何關秦越視于今跼步即殊方並懈脫大悟得釋氏真諦自是遂盡焚弃前稿以為不足存迨歿前數月忽於默坐之暇自錄能記憶五七律詩百餘首名曰焦尾編未幾即逝既逝其子收合餘燼益以殘稿共得詩一百九十有五首釐為上下二卷又以頃餘吟非正聲僅錄一首餘皆刊落即前所錄者是也其他各體古詩僅存五章七律則最多五律七絕兩體稱是其間



七律佳者如渡江望金山詩云江濤湧處一峰浮金  
碧斜陽絢兩眸絕頂樓臺通蜃氣凌空砥柱脫鰲頭  
諸天花雨塵寰杳盡日螺烟化國秋甚欲登臨同伴  
沮鐘聲隱約隔中流又咏雨花臺詩云霸業蕭梁感  
廢興經臺遺址任攀登听譚未免傷賢子祈福偏教  
失聖僧香雨一時周法界雲光千載有心燈凡夫那  
契空王旨盼煞繽紛歧上層又咏桃花詩云繞著輕  
紅便可憐嬌難寫影淡愈妍春風不道來依舊流水  
如何去杳然塵俗自離非避世艷情相對當遊仙是

續修四庫全書總目

卷

集部別集類

根是葉皆愁種漫結人間薄命緣其五律佳者如咏  
秋夜詩云夜色澹如此幽人涼滿襟秋風鍊詩骨古  
月印禪心空翠竹千个清光松一林不須悵岑寂破  
壁有蟲吟又偶錄近稿自題詩云誰道窮愈妙苦吟  
我自知儲米五斗米撚得數莖髭盡老徒食字蠶飢  
絕欠絲回頭處溫飽悔不早論詩均溫又爾雅平淡  
恬真雖間襟綺靡亦復纖而不膩蓋亦善於為詩者

附錄傳記參攷材料

同治重修蘇州府志

續修四庫全書總目

卷

集部別集類



桐軒詩鈔四卷 家刻本

劉啓瑞

上元金德榮撰德榮字桐軒少有文名表簡齋僑居金陵時以詩提倡東南士大夫皆趨之然而少所許可桐軒以詩就質簡齋深器之謂人曰先求紙上字平安我舊日論詩云爾今唯於桐軒見之由是名益噪既登賢書屢徵公車不利旋以科出宰非其志也歷安徽湖南二省試任縣劇所至有政聲與民講農桑學校以興教敦本為治疾頗邪如仇剔積蠹除巨猾凡有妨於政害於民者不避豪強力鋤之以此

續修四庫全書總目

卷

集部別集類

見知於某大吏會大吏去其飛語所中坐事謫戍西陲桐軒怡然不以為意獲譴後詩益冲雅其襟懷為不可及其平生尤篤於孝友手足之愛至老彌篤故其詩能得性情之正總觀全集要以宋元中晚為合流溯源于鮑謝出入於王李故其詞安雅其聲和平然世之稱其詩者如阮侯亭等多稱其少作謂春烟著蘭諸篇月影燈影等作如瓊杯玉笋爛然可珍今集中卷一所載者是也其春烟一律云細草如茵綠到簾林陰深處最晴烟遠山一角人難盡新柳千

續修四庫全書總目

卷

集部別集類

行畫欲眠花氣小窓風定後鶯聲兩岫雨餘天生憎薄暮長江外暮靄全迷渡口船其著蘭一律云月地雲階碧鮮滋清泉白石影參差養成新綠秋逾瘦耐得輕寒放更遲真賞未逢君子佩芳馨遙憶美人貽妙香莫任到荊棘須及榮華未落時其月影一律云漸覺窓紗白方知月影低五更粘榻上一片桂樓西掃徑花枝活移舟樹色迷扶蘇庭畔樹辨得有栖鴉其燈影一律云小閣流清影金荷正燦時穿簾忘月入繪壁有花知池近紅沉水窓虛白到籬玉蟲飛不定照我舞微微玉繩綿悵惻盡態極妍不愧阮氏所稱然其塞外諸作尤有勝於斯者觀其詩中擷荒徼之勝狀異域之情觸景流連未嘗不因詩以見志而絕無牢騷不平之響如舟行始興縣望山雲作古詩云白雲遮山遮不全山耶雲耶相盤旋才見山藏白雲裡倏忽雲浮山之顛有時群峰露半面浩浩白雲橫一片有時山腰卷白雲凌風散作纖羅紋扁舟遙進去山近矯首四圍盤鶴影雲在山腰山露尖峰峰突兀撐入天倒挂夕陽紅半邊采采白雲漸化烟南



山雲氣尚吞吐北山陰陰天欲雨主大氣磅礴出語  
最奇讀者如身歷其境方之少作蓋已一變其綺靡  
之習而為古傲之章矣卷首從子小梅序謂其詩已  
梓者有珠江遊草一卷為袁蘭村所刻又塞外遊草  
一卷為朱敬亭所刻又阮文藻輯宛上同人集時曾  
損其詩數十首入選皆非全豹是集所錄則存詩近  
千二百餘首要為原稿云云是則此之所梓乃全集  
也

續修四庫全書總目

卷

集部別集類

附錄傳記參攷材料

江寧府志

卷首從子小梅序

信芳閣詩存一卷 道光癸巳刻本

劉啓瑞

江寧汪汝式撰汝式字子經幼受詩於從祖鶴亭即  
多驚人句具見於清宇山房集中太守清霽亭郡試  
江寧顧星橋居其幕得子經末覆卷曰此必名家子  
也可為郡試冠試竣星橋贈以詩箋有大言符月旦  
小筆足風流之句遂以入邑庠家固貧應山左秦竹  
虛聘多所建樹迨歸與郡中名士章荆帆何潤之周  
石生讀書於城北竹居三年學大進後又即其家後  
園與荆帆下帷其中益肆力於古未幾食廩餼肄業

續修四庫全書總目

卷

集部別集類

書院時陳稽亭石琢堂相繼主尊經講席皆歎為雋  
才陳石均以詩古文名天下者其所賞不僅在制藝  
可知既而八試六荐均不售而年已三十有二自是  
遂不就舉子試設教里中多有成就如桂小山者即  
其高弟子也性高僻少所合而天才獨絕又深於情  
故其詩纏綿沉摯惻惻動人而咏古詩尤具卓識如  
咏明史孫承宗熊廷弼二首者是咏孫承宗詩云嗚  
呼自從石屯不守經略死遼陽時事可知矣象乾誰  
者談兵盡撤藩籬守尺咫偉哉孫高陽慷慨籌邊疆



軍遠覺華成巨鎮。奄黨構陷論交章。髯張如戟有奇氣。摧餉豈為身家地。兵工何事相濡縻。往復文移敗其計。遮天隻手憑修羅。朝議邊防抵牾多。紛紛臺省喉犬吠。柳河彈罷又凌河。又咏熊廷弼詩云。廷弼黜鄱陽覆。廷弼復遼陽。築封疆容不門戶容。薊門得失真堪哭。揭辨紛紛朝怒櫻。東西南北欲殺人。功既不議罪獨論。借題曲構冤難伸。倉皇風鶴化負走。五千疲衆關吳守。覆軍寬減全軍亡。清流阱陷翻雲手。閣臣豈不明直道。難為座主情。臺臣豈不明刊錄。附和

續修四庫全書總目

卷

集部別集類

權奄迎。可惜徐韓兩疏陳。邊關傳首冤始鳴。他日空議重城築。問誰先自懷長城。二詩俱論切時事。鍼鉞黨奄不愧董史之筆。與杜陵詩史當共垂不朽。至其律詩亦頗工穩。如詠雁字詩云。飛到江南第幾鄉。青山紅樹碧雲涼。因風幻作平安篆。被雨催成急就章。有客畫沙尋爪跡。幾人翹首看斜陽。午窓喚醒歸鴉夢。閒仿來禽帖數行。其詩雖未能盡脫試帖之習。要亦無拘泥之句。是亦稱上構矣。

附錄傳記參攷材料

國朝金陵詩徵

卷首強濬序

續修四庫全書總目

卷

集部別集類



霏王軒詩集不分卷

家刻本

劉啓瑞

元和吳均撰均字藝卿嘉道時布衣性寡介與俗多  
不偶居郡之朱張里讀書授生徒斷斷如也暇則出  
行間曠或遇友覓飲醉後輒獨吟目無餘子與毛素  
存交最洽締姻好焉又以毛抑鋒善規過為益友者  
十數年如一日與蔣榮渭交尤篤嘗與榮渭為有方  
之遊偕往長沙館於榮渭季父官署課其諸弟因相  
與吟咏無虛夕既而榮渭往蒼梧藝卿則改館同里  
唐氏留長沙尋榮渭返之粵藝卿與同歸里過湖庭

續修四庫全書總目

卷

集部別集類

湖大風沉舟幾蹈不測既歸又偕侶游灤陽往燕都  
歷覽名山大川交接賢豪長者俱以詩什相唱酬一  
時和之者殆母慮數百人今集中所載酬答之詩猶  
什居七八焉晚寓郡城頗養霽性日惟賦詩飲酒看  
葯栽花暇則蒐選詩什為霏王軒詩草不分卷錄詩  
都二百餘首大率以近體為多其間七律佳者如舟  
抵常熟詩云短棹沿綠泊淺沙紅橋跨水柳絲遮遠  
城帆影來三路壓屋懸光滿萬家遠綠迷離春樹暗  
歸鳥凌亂夕陽斜前溪指點高人宅一曲芳堤幾簇

花又如靈岩月夜詩云霜落疎林葉漸黃短筇來

往白雲鄉松風一寺聲磬寂秋月半山人影涼游興

幾番曾汗漫詩懷此夕更蒼茫振衣更上琴臺立笑

向青天舉一觴又如咏秋花詩云倚闌與爾共淒涼

籬角牆根靚淡妝三月繁華成一窩清淚灑斜陽扶

持不賴東風力睥睨休勞野蝶忙怪底偏生高性格

背人深院墮寒香其五律佳者如題花農壁詩云遠

屋梅千樹疎籬一迳深種來忘幾載開處定成林也

算謀生計須知護惜心結隣吾有約隙地且先尋又

續修四庫全書總目

卷

集部別集類

如登香雪海詩云香海名仍舊遙亭聳翠微但看  
桑影密莫怪客來稀對此減幽興淒然又夕暉憑誰  
論疇昔待叩老農扉又如留宿穹窿山迎真寓詩云  
遊遍茲山勝歸途奈夕曛道人留我宿竹榻許平分  
伏枕三更雨闌窓一室雲遙知梅塢裡香雪落紛紛  
此數詩並格律深穩意句勻貼得律詩真諦吳中向  
多詩人自沈歸愚後學者多宗其体而藝卿尤為深  
入其室者



附錄傳記參考材料

同志重修蘇州府志

續修四庫全書總目

卷

集部別集類

小紅薇館吟草四卷 家刻本

劉啓瑞

吳縣毛永栢撰。永栢字素存，寄籍奉天金州。以是同治重修蘇州府志，咸豐重修咸京通志，均無其傳事跡。無徵。惟符葆森國朝正雅集，謂永栢現官青州府知府。符氏輯刊國朝正雅集時，為道光末年。咸豐初年，既云永栢為現官，是則永栢亦道光末年人無疑矣。是書為永栢詩集，古今體詩悉備，凡二百餘首。並体格高簡，語意精微。其雋永浩落，處於唐賢李東川、姚武功諸家為近。然其自寓情性，絕無規仿之迹。如石

續修四庫全書總目

卷

集部別集類

湖詩云：十里山光翠欲流。菱荷開處盪輕舟。浪遊忍憶旗亭柳。舊夢重尋沙渚鷗。詞客千秋樓閣在，美人一去水雲悠。五湖三畝渾非易，且與漁翁借釣鉤。又如月夜自石湖放舟至吳江詩云：野航悄倚客三兩，秋水澹浮鷗一雙。月湧帆檣出樹杪，波搖星斗落篷窗。寒邨人靜明漁火，古寺雲深吠夜庖。短櫂今宵泊何處，蒹葭忽斷到吳江。玉落落欲往，矯矯不群。其餘諸什亦率類是。卷首有蔣榮渭序，述其詩什進益，蓋有數變。略謂素存以清曠之才，卓犖之識，臨事機無

吟哇膠執之見滯其中習見於平昔交游之地而衆著於事上接下行政之間數十年來蓋不以出處窮達少異故其發為詠歌浩浩落落皆有灑然自得退然自足旨趣焉當少壯稽古好論不願為章句儒喜山水游游必數日遁古杭戴金谿倪未樓兩先生富於學嘗僑寓吳門相與往還具識其非凡器予初遇之友人齋中傾蓋如故因登堂謁尊公敘世交列子姪行識哲兄春帆和易坦直時柳鋒以志學年即為詩而動作間雖老成人弗之過由是不數日與舅季

續修四庫全書總目

卷

集部別集類

必一面暇則薄酒聯吟可竟夕或以事咨度必誠必信不泛為尋常詩酒交越壬午冬予南游楚旋赴粵君亦以尊公素養後不家食遂艱走北直客涿鹿見重於陳沅薊刺史刺史方被吏議降授獻令尋遷灤州君入幕者數年刺史長兄竹士訂姻契為詩率更唱迭和見者藉藉稱之後寄籍奉天入館考滿補官石港柳鋒亦送眷赴署訟庭間靜各鼓詩興且商定舊稿名作為多既上官察君才識俾究姦宄平獄訟歷舉令天津柳鋒時歸里中得君手書約予俱北上

至則敘生平歡君以津務餘劇詩偶作年餘還澶州調薊州游盤山有前門草再刺瀘適東省捻匪竄擾境通率衆殲禽殆盡民賴以安去夏還司北河五年來每公暇寄吟捷易似放翁而氣味近中晚唐較石港以前詩格微有不同而旨趣仍無弗同也云云說頗翔實誠足為是集之確證也

附錄傳記參攷材料

國朝正雅集

續修四庫全書總目

卷

集部別集類



寄滬詩存二卷 家刻本

劉啓瑞

江寧何延慶撰。延慶字善伯，訓導師孟子性開爽而  
操守極嚴，遇事能斷行，文得雄直氣，舉同治癸酉科  
鄉試，入天津戎幕，府主周武壯公，以國事如興屯  
田築新城諸役多所贊助，而於中外交涉和戰之利  
害與夫彼此短長之故，講求備至，以資為同知總理  
盛軍營務處保升知府，聞母病，假歸省視，遂不遠出，  
服闋天津，賈致堂軍門馳書招入之營，咯血疾發，  
卒於軍，年五十一。事聞，賜卹如例，贈道銜，湘鄉張通

續修四庫全書總目

卷 集部別集類

撰。延慶亦稱延慶性開爽，有執挺挺然魁出一  
時，似汝穎間奇士，學行並礪，為文取法六一，尤殫心  
時事，於中外交涉及彼之所以長，我之所以禦，彼講  
求特至，其友蔣師轍不謂然也。每一過從，縱談至於  
洋務，二人輒爭，爭輒面發，亦聞者不耐，嚙舌往往，亂  
其辭，要以開陳理勢，言多可行，雖軍中批牘，恆有傳  
誦之者，即其才可見矣。云云。與府志暨金陵續詩徵  
所載有相合者，是集乃顧石公所選錄詩二百餘首，  
分為二卷，古今體詩各半，詩均以才勝，其律詩如憶

秦際唐詩七律二首云：兩年不見秦淮海，歲月驚心

感物華，豈有才人能得意，況逢離亂走天涯。一篇潦

倒歌，兼哭千里飄零客，是家北望江雲，怕回首，滌陽

群盜正如麻。又云：痛惜年來事事非，江南失計不同

歸，莫教戀棧遲成悔，惟願乘風早脫圍。舊日有書餘

涕淚，近來入夢總依稀，何時得遂還鄉約，作伴青春

願莫違。又如除夕七律二首云：身世無端感亂離，十

年風味耐人思，記從瀨水移家日，猶見吳門全盛時。

鶴淚華亭空悵望，琴彈海上又棲遲，年來慣作無家

續修四庫全書總目

卷 集部別集類

客，爆竹聲中酒不辭。又云：羈旅光陰幾變遷，又逢佳  
節一開筵，無窮文字窮難送，有限詩篇祭可憐，鼓  
角不堪悲往事，刀環未卜唱何年，江湖別夢窮途淚，  
醉後狂歌一枉然。時粵寇甫平，飽經離亂，故不覺言  
之深沈。其他諸什亦復如是。如六合溫太守歌，兩賢  
將歌，張將軍歌，紀難詩，有感詩，婁縣行，滬城謠，松江  
老兵行，後張將軍歌，城西路歌，太倉歎，聞江北有警  
詩，京口行，哭姊詩，程將軍克復嘉興歌等，均即事述  
懷，憂時感世，凡粵寇之暴行，禦事之失策，人民之板

蕩士庶之流離無不以詩寓之蓋與少陵詩史當共垂不朽矣

附錄傳記參攷材料

江寧府志

國朝金陵續詩徵

張通典撰傳

續修四庫全書總目

卷

集部別集類

迦陵金詩鈔不分卷 道光二十年刻本

劉啓瑞

陽湖莊縉度撰縉度字眉村事跡不見於常州府志陽湖縣志據集中諸詩証之殆亦坎坷未達者其重題三十歲小象詩有云金泥石黛姓名存嵩華披香宿火溫願我已非青鬢色是誰能掃白雲痕十年湖海携詩鉢一笑梅花壓酒尊祇恐再來尋瓜迹仙山猿鶴守重門又附註云二十年前吳文笛江夢至一山榜曰嵩華吳文及周文伯恬與余三人姓氏在焉

續修四庫全書總目

卷

集部別集類

今周文尚滯校官吳文屢躡春闈余則困於秋試故伯恬又有石黛金泥好名姓只愁都被白雲封之句云云是則眉村僅青一衿未獲鄉試牢愁抑鬱憎鈍名場既苦未達遂一意為詩以寄其不平之志以故於各体無不工而尤嫻於近体陸繼輅嘗評其寄詩謂披讀近作色聲香味都臻絕妙其一種清逸之氣東往行間如海上神山倏忽飄渺不可形狀則年長於繼輅者獨一黃君仲則年少者獨一足下所謂妾非受於人而忽自有之此造物不輕相付者慎無負



也云云其說見於集中詩題所引其期許可謂甚至而眉村詩什之工亦可於此緣知矣眉村最擅七律如曉起看雪詩云家傍鶯溪第幾灣草堂新葺屋三間雲光襯黑一湖水霧氣吹黃四面山古寺無人煨芋火故園有鶴守柴關蘆簾紙閣清寒甚春夢羅浮枕底還又如咏豆蔻詩云豆蔻梢頭月乍弦餘情如夢復如烟溪邊楊柳蛾眉鏡江上桃花鴨嘴船此去名場曾選佛本來綺語愛遊仙離騷尊酒憑誰共憶到青衫更惘然俱韻調鏗鏘才華綺麗不愧才人之

筆其古詩亦復近是如詠蠶池詩云天上房星夜中墮茄花滿地長安破蠶池流水漾新紗燕草如絲石麟臥碧欄杆外水底天由來浣女門使嫌越州十樣官家錦碎翦鴛鴦不值錢班姬團扇愁水早錦軸何如尚衣好莫辟璇室賦鸞機似聞簫局熏龍腦深淺君恩不自知忍隨春水寄相思黃槐葉落疆蠶瘦猶向宮門盤網絲按蠶池在京都西華門內明宮人浣紗處也而眉村咏此乃能如斯句貼是亦不易為者強添賞許其集謂通誦各体及覆吟諷可諧金石可

被管絃時而骨貌清峻風神散朗時而婉約淒楚情致徘徊時而麗服靚妝燕歌趙舞真所謂泉飛藻思雲散襟情詞秀調雅意新理愜者誠非虛譽也

附錄傳記參攷材料

卷中各詩

味清堂詩鈔二卷補鈔一卷 道光三十年刻本

劉登瑞

長洲陳基撰基字竹士邑諸生詩詞超絕流輩當弱冠為諸生時即喜吟騷工與妻瘦吟夫人贈聞相唱和群目為神仙中人繼游園之門所交日廣朝夕漸劇才思跌宕袁氏詩話所稱陳竹士者也袁氏嘗題其詩卷云雕刻之詞可憑人力清脫之響必自天來唐有溫飛卿宋有姜白石元有薩天錫明有高青邱近乃有陳竹士一代清才殊非易得其心許如是即

續修四庫全書總目

卷

集部別集類

諸老名公俱莫不折服引重焉壯因於名場抑鬱不得志金夫人早歿繼室問花王夫人筆墨埒瘦吟並善倚聲由是以詩詞偕隱者十數歲迨應幕西江歸再賦悼亡而年亦就衰自是遂絕意仕進一以吟咏自娛會次子沅卿以刺史官北直因復歷游涿鹿瀛海療陽間詩益臻老境未幾返里小病而歿遺詩盈篋迨數千首此集所存不足什一計正集二卷存詩一百七十有五首補鈔一卷存詩一百有六首都存詩二百八十有一首古今體詩悉備其古體佳者如

題隨園夫子游山詩後二首之一云讀公游山詩如

讀名勝志為怪赴腕下一一勞指示黃海松蟠蟠雁宕石齒齒天台瀑狂顛武夷峰秀峙兩粵門奇詭風烟騰滿紙讀來唯恐完五岳搖胸次少年罕大觀昨夢騎龍尾海上三神山頃刻往來駛手扶霄漢星腳踏銀河水采采秋芙蓉吹落青如此天難叫忽醒跌悔何底止先生移我情學請游山始以夢言游以詩寓景凡山川之邱壑無不宛然在目誠可謂善於詩者其近體詩尤勝於古體如重過慧化寺七律詩云

續修四庫全書總目

卷

集部別集類

尋秋重曳一枝藤文室禪參最上乘殘磬暗沉黃葉雨孤燈寒照白頭僧竊樓忽觸閑方覺塵海思逃病未能便是垂眉黃面佛也應憐我髮鬢髻又如題陶鼎香紅豆樹館園詩七絕二首云涼生地館畫簾斜綠綺橫床靜不譁要識詩人情幾許相思紅散一庭花子結秋風一樹新倦游相對感前塵何當說與雙栖鳥銜向天涯寄故人又如咏飄泊七律詩飄泊纔知行路難悔將馬策換漁竿任教裘馬誇年少誰識松筠耐歲寒香爐玉爐魂易斷燒殘銀燭淚應乾錢



江風鶴曹江火接得鄉書總怕看並情韻瀟灑格律  
工穩其他諸什亦復類是方之隨園可稱為入室弟  
子矣

附錄傳記參攷材料

同治重修蘇州府志

國朝正雅集

續修四庫全書總目

卷

集部別集類

懶雲詩鈔三卷 家刻本

劉啟瑞

涇縣趙友廣撰友廣字穎存號懶雲嘉慶時庠監生  
幼負文名屢試不遇三十歲後遂棄舉子業專工吟  
咏兼善填詞年八十卒所著有懶雲詩鈔又所選有  
選詩傾液錄蘭石詩鈔等此懶雲詩鈔者乃其友盛  
春谷所訂春谷嘗謂穎存五古專精選體絕無叫囂  
之習五七律意存別裁而自大雅不群不墮旁徑所  
撰蘭石詩鈔則邑中前輩如胡凌九鄭漢林周蒼泉  
葉存叔諸先生詩無刻本者皆賴以存蘭石者邑東  
山名晉將軍俞繼死蘇峻亂處也語見盛氏之序於  
是亦可以推知穎存之詩最工五古而又兼擅律體  
今其集中詩之佳者五古如遇關旗嶺詩云一峯破  
霧出凌空豎鐵壁人從壁上行鳥飛不用翼我亦駭  
相隨始緣一線隙曲折隨雀徑偃偃踏獸迹乍前眼  
稍豁轉足峰又逼崖傾仰面艱步履攀藤亟零星藉  
寸進漸次凌山幘晴霞拂袖開崇巖吐春色猿啼花  
裏風人倚雲邊石不知身已高但覺諸巖伏始悟山  
中人履險無奇策萬事皆如此心定自生勦其詩於

續修四庫全書總目

卷

集部別集類

募寫履險處宛然如畫而用筆自然不作突兀新奇之態尤足可貴其他遊覽之詩如自高峯歷陽大嶺出坑口詩云三日山中行千山繞孤影悠悠東巖雲導我忽西嶺萬木森陰沉樵聲落峯頂幽谷響若奔征人抱虛警婆娑樹石間石瘦樹多癭離立若鬼魅參差負日景雖怖亦足喜欲去頻回頭坦然出險巖翻依失殊境亦頗幽峭嶺奇得山靈本色至其五言律詩如與俞青宇夜話詩云舊雨無多在相逢意倍親坐依殘月影共惜苦吟身窮老寧辭拙清閒別勝

續修四庫全書總目

卷

集部別集類

人愛君多道氣擬結灌園隣又如過黃沙嶺詩云瘦馬踏黃葉來尋古戰場千峰餘怒氣一片鎖斜陽往事憑誰問閒雲閱世長且泥田父飲款款話農桑俱感慨古事極盡蒼涼其七言律詩如咏九日詩云秋老丹楓雁影斜策策黃照眼酒堪賒一年過此無佳節百卉開殘有菊花且向東籬尋老友漫將短髮怒年華龍山風景應如舊塵世何人似孟嘉並雅切自然非可與率爾湊拍者比又如與客談宋高宗事感賦詩云誰是官家味是非北人歸北朕安歸一言已足

誅秦檜三字翻教殺岳飛但喜金庭來袞冕不辭君父奪青衣古來多少興亡恨獨向西湖涕泗揮亦論古有識筆力直破餘地王夢亭評其詩謂穎存頗遭坎坷絕跡名場而其詩擺落塵氛含咀山水初不見有憂愁憔悴之意讀之神移氣奪夢亭此言信能知穎存矣

附錄傳記參考材料

涇縣志

續修四庫全書總目

卷

集部別集類



星閣詩鈔十卷 家刻本

劉啟瑞

涇縣趙青藜撰青藜字然乙號星閣乾隆丙辰會元選庶常授編修戊午辛酉兩典浙江鄉試改江西道監察御史丁卯典湖南鄉試前後三掌文衡所得皆知名士戊辰以疾乞休家居惟以詩文訓勉後進年八十二卒門人私謚曰文毅所著有文集詩集詩鈔檢存讀左管窺等書詩鈔凡十卷以詩體為類別首樂府次五言古詩次七言古詩次五言律詩次七言律詩次五言絕句次七言絕句都存詩千餘首均雄

續修四庫全書總目

卷

集部別集類

健開朗憂然獨造其五言古詩如雜擬詩云大隱在朝市斯言吾不取市道交無論廟堂事千古梅福寄吳門愛君心獨苦馬有身委贄而曰吾巢許孰哉餓欲死太倉偷雀鼠天澤義不明宦遊等商賈又云大海何寥廓鷗鷺避風飛飛飛到城郭擾擾安所棲因飛過輕燕告以幕可依舍之從塞雁蘆葦枯無枝況驚藏仲輩不如遵海歸二詩並侃侃而談閨閣而論足令鄙夫咋舌貪人生愧是非胎息於漢魏者不辨其律詩亦多取法杜韓如羊流店懷古詩云豈有酈

續修四庫全書總目

卷

集部別集類

人羊叔子何來墮淚峴山碑當年信宿還如我絕代風流竟讓伊仲父亂齊蘇老論臧孫竊位杏壇悲存賢疏入身方死飲藥歸禽事未奇又如咏東坡詩云直下群川出險頻瞿塘怒馬幾能馴何年高築千山石此地分流萬井春似鎖橫江歸鳥導如梁枕海狎潮神樂成慮始艱難事今日人真賴古人又如咏歌風台詩云昔日歌風人已杳於今艷說歌風台殘雲星捲留真面落照山銜冷刻灰故里寂無鷄犬至荒郊空有酒屠來經過我客為憑吊樹外蟬聲更覺哀均對仗嚴整格律渾厚其細切處尤覺神采煥發筆意高脫是乃得於杜陵者深當於氣韻求之未可為外人道也袁子才評其集謂星閣詩鈔盈尺余開卷適其佳句曰客舟牢繫客心飛妙語未經人道說見隨園詩話姚佃芝亦謂其古文受學於方靈皋而雄健過之詩集尤需淺學者往往不能卒讀梅二如亦云沈歸愚宗伯以詩名世所著六君子詠先生與焉然與先生未謀面也余過涇上先生出詩集見付囑為點定其美蓋不可勝收惜宗伯不得見之云云三

家所評推許可謂甚至而沈歸愚六君子咏所譽尤有甚於此者是則星間詩之良窳與否固無俟後人重為之月旦評矣

附錄傳記參考材料

涇縣志

續修四庫全書總目

卷

集部別集類

環石齋詩集八卷 家刻本

劉啟瑞

涇縣趙知希撰知希字太音號環石康熙庚子舉人以內閣中書出宰館陶調奉新又調貴溪並有仁政所蒞之縣其縣人皆如家人父子旋陞晉州知州甫抵任以憂歸遂不復出年六十八卒後奉新民為請於上官入名宦祠不許遂私為立祠所著有環石齋詩集涇川詩話等詩集為家人所梓畧以作詩年代為序始自弱冠迄於歸養錄詩都千餘首古近體詩悉備古詩摹擬六朝近體則宗中晚而近體尤勝於

續修四庫全書總目

卷

集部別集類

古體集中律詩如庚辰重九登烟雨亭偕同學諸子赴湘月和尚約用杜工部韻詩云秋明何處眼曾寬烟雨亭高聚客歡徑仄自合容敝屐風高不應戴巍冠百年短髮吹無憾九月貂裘思更寒不是遠公頻載筆多時紅葉未來看又云蕭蕭木葉萬山哀雲靜當空一雁回九日共君談往事八年搔首却重來風光如舊頻窺檻登眺無勞更上台看徧秋山緣底事盡將幽意付黃杯二詩並調高氣勁風趣極近少陵又如館署寄長垣胡二彬仲詩云君馳華轂歸鄉日



是我長安下第時。屈指五年分馬首。計程三日隔芝  
眉。星同河北頻窺野。夢繞江南漫捲帷。祇恐還家同  
把臂。鱸魚膾熟髻成絲。則又有白香山風味矣。又如  
濟南旅舍用壁間韻詩云。馳驅自昔別親闈。恰似鴉  
雛試翮飛。每倚柴門教上馬。多從驛路盼斜暉。拂塵  
審視風霜色。警惰休將志願違。今向高堂誰問訊。墓  
門長跪告先歸。語從中出。意本至性。讀之令人涕下。  
其餘諸什亦多類是。是皆本乎自然。非雕琢字句者  
可比。張湘門評其集。謂太音詩取材中晚。出入宋元。

續修四庫全書總目

卷

集部別集類

不肯高言漢魏。摹擬盛唐。而自有廬山真面。耐人尋  
玩。葛岡橋亦云。太音才豪氣盛。同輩避其鋒。而詩獨  
中正和平。寄情言外。令人不可一覽而盡。胡凌九亦  
云。刻屈孤深。自立門戶。奇不說皇墳古。不節鼎彝險。  
不矜矛戟。稱心而發。惟自適其性。翟及三亦云。太音  
詩清切雅健。寄托遙深。每一篇出。輒令我流連諷誦。  
欲歌欲泣。斯諸家者。其言均能深得太音詩旨。非徒  
泛泛立言者。証之斯亦復信然。

附錄傳記參考材料

涇縣志

續修四庫全書總目

卷

集部別集類

台巖詩鈔四卷 家刻本

劉啟瑞

涇縣趙良爵撰良爵字雲起號台巖嘉慶時名諸生有聲庠序間性喜書畫工蘭竹尤長於詩年五十卒所著有巧峰雜憶台巖詩鈔等詩鈔凡四卷錄詩二百餘首古近體詩悉備畧以作詩年代為次始自髫年逮於卒歲年如起訖不相凌次其詩各體無不工而尤以五言古詩為最勝集中如同部二賞溪看月詩云月色不入畫時時得畫意隔溪樹影來分明不到地波紋細細流水面寫空翠樹動水無聲水流月

續修四庫全書總目

卷

集部別集類

自在有時微風起樹與月俱碎大笑老畫師此景孰與繪以詩繪月以意寓畫真可謂詩說得出而畫不出者此誠是詩中之畫也其五言律詩佳者如登始信峯尋寒江子獨坐處詩云石斷不見底蒼然松蔽空一枝扶我上長嘯與天通葉落千巖雨秋生萬壑風古來有奇士只在此山中又如咏海嶽庵詩云割斷研山愛名垂海嶽樓斯人不可作懷古獨生愁一帶暮潮色千峯江月秋此時衆香國應憶澗城遊又如入中峯寺詩云盼斷中峯寺纔經第一峯山高先

續修四庫全書總目

卷

集部別集類

見日雲重不聞鐘鳥道人煙少花時曉露濃何當假禪榻跌坐看長松並一片神行吐屬雅雋集中諸詩雖無論古之律然要皆以遊山詩為第一如入中峯寺詩句山高先見日與山高得日遲就所見言之各有至理所在未可互為軒輊也其七律詩佳者如張位南還晉陽詩云灑酒離亭綠滿樽醉攀楊柳欲銷魂孤帆帶月開牛渚正馬嘶雲過雁門西去美人秋易老天涯名士恨難論黃榆嶺上重回首夢斷江南雨樹春又如東村詩云花柳參差小有村一枝竹杖出雞根軟紅似雨繞沾屐新綠如江忽到門打麥屋場雲漠漠宜蠶天氣日曠曠此間樂事吾曾與社鼓聲多酒滿樽又如中秋得月喜赴蓮上人約詩云瑤台金闕湧嬋娟老袖樓頭影最圓佳節有時定招我巧峯無處不宜禪三間茅屋寒于水萬壑秋雲白似煙如此好山如此夜一樽未便愛高眠亦均吐詞清綺別饒生韻而興到揮筆之處尤自然合拍天衣無縫姚佃芝評其詩謂台巖承其家學與諸昆自相師友續學砥行不徒以詩自見然讀其詩而性情之和粹



氣度之夷曠意興機趣之超朗均歷歷如在目前盛  
春谷亦謂台嚴詩諸體俱善尤工五言如落日銜山  
去寒潮抱郭迴屋老風生牖燈殘月到檐鶯聲花裏  
出客夢雨中深一揮名士劍大笑腐儒餐皆憂憂獨  
造幽奇實絕二家所云皆非虛語是信能台嚴詩者

附錄傳記參考材料

涇縣志

續修四庫全書總目

卷

集部別集類

敬閣集不分卷 家刻本

劉啟瑞

涇縣趙司直撰司直字維生明末歲貢生兩中副車  
有聲復社與宣城沈壽民貴池劉城吳應箕及同邑  
萬應隆等文最厚咸以道義相切劘不在文章聲氣  
也鼎革後隱居不出年九十六卒著有敬閣集沈眉  
生嘗謂維生以偉文淹識起涇上同社之士引而重  
之不獨以制藝雄也萬道吉亦曰維生詩古文合集  
俱能宗法漢唐余曾為敘之竟堅不肯出以問世云  
云二家並當世文學而均稱維生詩文如是是則維

續修四庫全書總目

卷

集部別集類

生詩文之佳固足以為定評已此敬閣集者乃其孫  
曾所刻錄詩凡百餘首古近體雖半其間詩之佳者  
古詩如咏山榘詩云荒荒半畝畦林林數竿竹清風  
起碧潯延引到虛屋遊魚傍石梁識我履聲熟高吟  
出短牆清夢過殘菊舉止絕將迎神情無局縮庭空  
落葉多寂歷媚幽獨五律如咏嚴棲詩云四圍雲作  
簇依木遂成家幽夢驚飛蝶閒情趁落花風吹新月  
出石逼老松斜徐步青苔上歌聲出晚霞又如咏村  
隱詩云灌菜吾何事松風觸石喧殘書留白日明月

老黃昏水抱雲為榻山環柳作門一橋斜斷處紅葉  
罩前村又如過梅朗三山莊詩云徑盡復開徑茅廬  
依古楓觀花方辨歲候日始知東山抱松門外溪流  
槿戶中隔林人不見遙與白雲通七律如咏春日暮  
山詩云山氣空濛愛夕曛亭臨絕壁翠平分一欄草  
色時侵座雨屐苔香漸襲雲風拂竹磯開蝶煙衝帆  
影散鷗群揮杯共擬抒狂嘯驚落桃花亂水濱七絕  
如客夜聞笛詩云山雨孤燈照夜愁天涯吹出故園  
秋煙波夢裡難尋覓風送梅花到嶺頭又如輓左公

續修四庫全書總目

卷

集部別集類

遠詩云風雨相聯夜話長孤燈深照讀書堂文章達  
海秋風濶空把鬚眉付雪霜並氣味深幽吐納雅雋  
其慷慨蒼涼處尤情真語摯讀之令人生感沈眉生  
評其詩謂近體大雅不群不染近時習氣候晉水評  
其集亦謂維生詩命景抽靈匠心軌哲抒奇碩磊落  
之抱而調以淵懿渾灝之氣蓋有得性情之正者二  
家所評並能得能其賡理是固非忘為月旦評者

附錄傳記參考材料

涇縣志

續修四庫全書總目

卷

集部別集類



肖巖詩鈔十二卷 家刻本

劉啟瑞

涇縣趙良肅撰良肅字肅徵號肖巖乾隆乙卯進士  
內閣中書嘉慶戊午典試廣東未幾即移疾歸杜門  
教授以著書為事所著有讀春秋讀禮讀詩等此則  
其詩鈔也詩鈔凡十有二卷畧以詩體為別其詩各  
體均佳了無疵瑕其七古尤才力雄偉興會所至意  
到筆隨如千金駿馬駐坡驀澗不失分寸殊屬巨觀  
其七律則氣象高華而意曲詞暢不落浮響固宜為  
當時諸名流所推重凡此皆各家序首所云可為肖

續修四庫全書總目

卷

集部別集類

巖詩之定評者茲証之集中諸詩其古體如冰落葉  
詩云秋氣肅天地老樹心先知飄然一葉下婉轉從  
風飛亦既離本根焉知何所之勞人起中夜皓月流  
堦墀眾響忽爭作疎影久參差搖落從此始感歎不  
自持又云方春惜花落花落綠陰深及茲感落葉葉  
落枯枝森亦或存一二未足藏棲禽殘星闇無色逝  
水波載駸榮悴物之理造化曾何心緬彼後凋者落  
落蟠遙岑均清疎超脫雅似步兵感懷其餘古體亦  
復相類其近體七律如臨清弔謝茂秦詩云好俠能

續修四庫全書總目

卷

集部別集類

詩謝四溟布衣禮數抗王庭生前眇目輕餘子死後  
芳名動改亭自愧風塵總肮髒誰將聲伎慰飄零一  
柘欂共山人把千里漳南墓草青又如望西苑詩云  
萬歲山臨綠水湄紅牆白塔望逶迤恩波近處春風  
早玉漏傳來曉日遲仙島花能承警蹕瀛台晏每集  
龍靈自憐生不如黃鵠猶得飛從太液池並典麗清  
亮體製全似唐人又如咏到家詩云避人小徑獨欣  
奔雀噪難棲恰入門豈以田園歸栗里庶同饑渴返  
羌村三千餘路屢為客四十九年今抱孫老矣塵途  
誰向說一杯聊自慰離魂又如歸懷詩云偕計都門  
九往還風塵贏得鬢毛斑年來下第成常事老去題  
名轉厚顏紫陌看花懷舊侶清宵聽雨夢家山已拚  
三紙書驢券歸結茅廬水五間並襟懷宏遠得杜陵  
遺意若以唐人春風得意馬蹄疾以一第自詡者較  
之何啻有霄壤之別趙味辛評其詩謂肖巖宗法唐  
人縱橫變化無不如意洪北江亦謂肖巖承其家學  
詩古文皆有法度集中七古七律尤擅勝場云云之  
斯言也信能評得其腴理矣

附錄傳記參考材料

涇縣志

續修四庫全書總目

卷

集部別集類

旅農詩畧四卷 家刻本

劉啟瑞

長洲俞瑒撰。瑒字犀月，號旅農。明末遺民，入清不仕。休陽汪晉賢為之傳，稱其尊人芥庵嘗從遊於休陽程雲莊之門，研窮理學，闡義文之易，多所發明。旅農淵源家學，不屑制舉業，亦嘗聽講程先生所，與韓君望、湯萍庵諸君子切劘攻錯，為程門後勁。博觀羣書，以詩古文自娛，染濡揮灑，排宕有英氣。始余選時人詩，友人持君詩致余，余披誦一過，輒生愛慕，遂為神交。江右曾青藜亦謂余曰：「詩人如犀月，吳中之錦錦者也。」

續修四庫全書總目

卷

集部別集類

者也。未幾蘓臺諸同學於虎丘來賢堂有文會之舉，余赴時，急欲一見君，而君竟未嘗至。及訊所以，則以居憂故也。薦紳先生多重君才名，有欲招致燕臺者，堅辭不赴。人咸以為高。康熙己未，館余仲兄齊頭課，余姪為素繼燦，觴詠倡和，日以為常。是時華及堂雅集，無旬日間，君每與焉。燭地別去，及詰朝，余方洗盥，而小胥持君詩至矣。才思橫逸，興到筆隨，或一題至十數，和往返如織，未嘗見其思致之澀也。君飲興復豪，以大戶自負，余從粵東得一香檮，可注酒二斗，嘗



酌送他客無不辟易君則欣然滿引蓋惟余與君時  
相對壘他無能之者居恒談論凡古今人品著述別  
妍媸程工拙瞭然不爽聽者莫不踈然生敬服其該  
洽又好評點諸書於考訂證據中間附已見文選昌  
黎集尤多發人所未發歲己巳君同里友顧俠君搜  
輯元人詩邀君共事君假余架上藏本若干種以資  
採擇抄撮成書君實贊之既而以事將過桐舟中午  
餐飽啖肉食起立移座竟端坐而逝時康熙甲戌也  
年五十有一所著有胥臺集治河纂要此旅農詩畧

續修四庫全書總目

卷

集部別集類

者則其詩稿也詩凡四百六十有一首介為四卷要  
以古體為多如擬古詩二首云江畔芳草多寒雲步  
蘭皋采采復何為將以貽同袍同袍在遠道好音久  
寥寥珍重馨香物持此當瓊瑤蒼蘂豈不芳終傷化  
為茅願君念區區無為棄平交又云靜夜朔風悲長  
空雁南飛雁飛隨風急征人寒無衣不惜寒無衣但  
恐生別離鴻雁有還時征人無歸期撫劍坐長歎中  
心復誰知並古興典雅可規樂府沈歸愚選國朝詩  
別裁亦曾以此詩入集並謂其餘諸詩精心獵古可

稱作者沈氏素不輕率許人既心折如是則旅農詩  
什之佳可知矣

附錄傳記參攷材料

同治重修蘇州府志

江蘇詩徵

國朝詩別裁集

續修四庫全書總目

卷

集部別集類

平集居集不分卷 家刻本

劉啟瑞

嘉興沈進撰進原名馭字山子號藍村工制舉藝翰  
冠補博士弟子員家故貧授徒以給饘粥訓課之餘  
漁獵諸子百家性狷介喜寂靜故沉思刻意下筆有  
幽致其為詩詞與管谷竹垞秋錦各擅其勝嘗有梅  
花高館落春草斷垣生之句武林陸麗京盛稱之人  
因呼為沈斷垣云卷首汪晉賢序稱康熙乙卯冬晉  
賢至梅里邂逅藍村於潛采堂申酉間藍村兩過豁  
上面之秋吳江葉己畦丹陽賀天山拓庵同時相聚

續修四庫全書總目

卷 別部

別集類

者七八人長篇累幅倡妍刻麗有所錫桐豁倡和傳  
為盛事壬戌館余勤有居助余續輯詞綜補遺拜搜  
錄明人詞詞綜之補人補詞既就梓而明人詞管谷  
携之京師被友人取去不復返竟未獲成書乙丑春  
夏間吟情甚豪重雲倡和錄成一帙其秋管谷之燕  
君贈行揮淚於聚散之間三致意焉丁卯君下帷郡  
城是年秋高弟譚君書兩疊小阮則遠並獲高計偕  
時邀同北首君館於譚侍御左羽寓齋與竹垞古藤  
書屋相密通君往來其間歎然道故差不寂寞獨是

管谷南旋旋於淮上余在高涼同日聞之既傷管谷

而且念君北余南相思遶澗有詩紀之越數月俱返

里門君過余出所覓宋元人小集見貽語及管谷相

對款款自此往來不少間辛未之秋君忽於華及堂

席上三舉杯三失手扶就寢竟以是夕卒所著有平

集居集藏於家云云平集居集者既所是本也是本存

詩凡二百四十有六首而律詩居其大半其七律詩

如季秋夜漫賦詩云蕉葉翻風夜向晨碧河秋冷列

星陳早寒自信軍衣怯漸老方知素髮新盜賊中原

續修四庫全書總目

卷 別部

別集類

無格調瘡痍南紀負沉淪從今粒米難很戾怪殺窮  
簷有敵民又如出郭同岸月景周詩云出郭綠溪日  
欲斜渚蘋吐稻滿晴涯都無白墮堪停策刺有青山  
可憶家細語啾啾蘆葦聚淺寒重疊木棉除蒙頭尚  
喜蟄然黑怪道霜天未著花其五律如寓齋示歌兒  
詩云野蛭參差白蘼花寂寞黃已甘雙鬢短不計一  
秋強詩怪沿流弱書懸下筆荒自來悲失學垂老復  
何傷又如鳳鳴寺看梅詩云春風渺何許吹我客中  
行寺靜吹寒犬林深啼早鶯疎香閑意好度影連條



陳利有刻詩壁，徘徊一愴情。並律格嚴整，字雕句琢，雖無才人之筆，而謹慎則有餘也。

附錄傳記參考材料

嘉興府志

續修四庫全書總目

卷

別部

別集類

雪坡詩草二卷 康熙四十九年刻本 劉啟瑞

常熟顧文淵撰。文淵字湘源，一字繪思，號雪坡。清初

布衣，疎狂縱酒，兼味補悅。里衍中有顧癡之目，能詩

善書畫，可遠追鄭虔三絕。虞山自錢宗伯公為一代

文章宗匠，溯源尋說，家多師承。雪坡從陸勅先，錢湘

靈諸君子遊處，所為詩雖才氣奔軼，而步趨不離繩

墨。山水則宗王子石谷，有小元人別致。雅慕羅浮張

鐵橋作霜蹄露叢，又善畫馬，至諸家書法，刻意摹臨，

輒多酷似。中年亦擅八分，停雲館帖歸虞山錢氏，其

續修四庫全書總目

卷

別部

別集類

斷缺處，出雪坡補勒馬卷首汪春序，補康熙丁巳夏

雪坡過汪氏華及室晴軒，兩夜倡和之餘，觀其潑墨

煉素及談論古今，輒留連不忍暫分。雖時名流難逮

集艷閣樽，雪坡撥兵三北，每每樞堂中所置漢代銅

鼓，或醉倒座隅，為一時韻事。戊午四明毛宣來桐溪，

作雅集團，鹿床簞谷，雪坡皆與焉。丁卯同余遠走羊

城，還宿暇日，吟咏成編，今散落殆盡，惟存高涼雜興

數十首。癸酉，余倅粵右，適雪坡赴山左，行聖公之地，

往還其地，致麟羽邀然，逮余粵西未歸之前，一貳雪

坡遇余猶子齊中方作寄懷詩詩未就而體中作惡燈下猶引滿大酌明日遂成物化矣其詩僅得首二句八千里外寄書掃不得回城慰渴饑蓋絕筆也余聞之不勝悲悼因記曩在高涼時忽得簞谷卦音余兩相對嗚咽雪坡不覺推胸呼號聞者駭然不知為何事羣相奔視訊知其由如哄然而散豈謂雪坡未及簞谷之年而又再受雪坡云云可以緣知雪坡為人本於真率故汪氏序之如是今觀其集中諸詩要以得自性靈者為多所以詩不及二百首而竊然可

續修四庫全書總目

卷

別部

別集類

親之言已溢於詞表其詩以古體為衆均胎息漢魏取法六朝不落唐人窠臼至其近體亦頗清雅如題碧簾新築二律云爭羨間居寄興多經營小園日相過煙條拂地移人柳雨蔓經春補女蘿行樂預聞花下徑彈琴更結竹間窩他時景趣應無限望寄新詩一細哦又云兩板前扉面北開牆匡疊石不防隤地藍谿水疑重壑屈鐵梅枝買舊栽風側帽簷黏脫葉雲生欄角染新苔從知此後多車轍莫訝萍踪獨未來海虞詩苑稱其為詩酒然清雅迥異浮艷古體春

容演述尤近歐梅今以是詩較之殆信然也

附錄傳記參考材料

同治重修蘇州府志

續修四庫全書總目

卷

別部

別集類



無殊山人詩鈔一卷 康熙四十六年刻本

劉啟瑞

吳江俞南史撰南史字鹿床號無殊山人安期字美長之長子也其次子名南藩字無穀逃於淳屠則世稱箸庵和尚者也鹿床遺明末閩亂棄諸生移家九福山中老屋數椽左圖右史旁多隙地植梅竹以自娛角巾方袍古心古貌有襄陽耆舊之風吳中固多隱君子鹿床實居其一每當酒闌燈地時有訊及前朝遺事者輒能道其原委娓娓不少倦雅好古鼎彝

續修四庫全書總目

卷

別部

別集類

琴硯及法書名繪辨別特精詩尚性靈長於五律尤自負其工於賦物錢宗伯牧齋列朝詩選中亦稱之與休陽汪晉賢交最篤晉賢初識於汪鈍翁苦華書屋中遂為忘年之契嘗同選三唐人詩去取悉合嗣又商榷編輯宋元人詩館汪氏桐溪草堂者數載惜搜討未竟業而鹿床謫居長逝矣晉賢既為位哭之復與屏月走吊山中為之經紀寬宥生平所著詩稿屬其婿許子年繕寫刻本並錄其倡和諸詩都為一集先付剞劂即此本也此本錄詩凡一百十首大要

續修四庫全書總目

卷

別部

別集類

以五言者為多如懷徐元歎詩云樹暗川原淡問堂晝已陰我愁一水濶君又萬山深遠樹芳蘭渚空思群芳吟名高身不出花下且彈琴又如邇來漢作云無處堪容足歸心寄小初鳥聲經夕照人語度溪橋黃脫添寒屋雲間見晚樵正逢新釀熟隣客好相邀又如月夜懷子惠庵詩云古道沉淪日交情若獨深忽逢明月照如見故人心秋入庭前樹泉鳴石上琴廓然天宇淨四顧少知音均清空明晰確如沈歸愚別裁所稱至其七言律詩亦頗搖曳如鄧尉山居詩云蘆葦蕭蕭響晚聞菱荷香動片帆分雙橋夜鎖千峯雨孤嶼朝連萬頃雲遠泛漁歌移柳岸清翻月渚亂波紋好教放艇中流去把盞閒隨鷗鷺羣亦致格律工整頗可喜松陵詩微稱其詩如樹中松柏新枝嫩葉自具蒼翠之色蓋非溢譽又云甲申之後携家居元墓之青松塢與高僧遺老唱和為樂不復知世事其詩與潘木公史弱翁沈君服徐介白齊名號松陵五才子是亦一詩家也

附錄傳記參考材料

列朝詩集

國朝詩別裁集

江蘇詩徵

松陵詩徵

同治重修蘇州府志

吳江縣志

續修四庫全書總目

卷

別部

別集類

曜庵詩鈔不分卷 康熙五十年刻本 劉啟瑞

吳江徐崧撰崧字松之清初布衣以居近宋乾道間  
王文孺曜庵遺址因以古曜庵目王文孺而自號為  
今曜庵所輯與時輩和答詩統曰雲山詞唱而分為  
數集曰橫秋閣聚遠樓雲閣楓林蓮葉嶺林諸刻則  
揭古曜庵中景勝之名有云真竹齋釣雪亭者則今  
曜庵所擬為之者也松之賦性真率狀貌蒼古對客  
不妄交一言有如三家村學究人或請之輒面發赤  
唯唯含笑而已平生吟履自淮揚以南武林以北凡

續修四庫全書總目

卷

別部

別集類

城郭村巷造訪諸名宿足跡殆徧棲心內典深有得  
於禪門三昧故其微寓多在花宮梵剎中甘於藜藿  
絕無他慕康熙庚戌春與汪鵬亭相遇於雲間之石  
笥里遂成襟契及壬子往汪氏桐溪對酒論文歲無  
間潤先是松之有詩端貯之選海內多欽其名嗣遊  
江氏兄弟共訂四方人士吟咏名曰詩風曹付刻則  
惜當兵革中板多散佚未得廣為流布崧山果亭先  
生與松之為同宗雁行之好甚相得也家居時每懸  
榻待之晦明風雨留連不少輒連晚或遊某郭某邑



或和古感今或此作彼賡者為一編更名百城煙水  
 建松之亡後遂零落少傳惟吳郡一映里人張中翰  
 文一為之補綴重梓得復流行焉此履庵詩鈔者則  
 汪氏兄弟所輯存詩凡一百餘首大半以與汪氏酬  
 倡者為多其詩質樸無文得於自然如枕上偶成索  
 汪晉賢和詩云離夢忽然醒微躬寄匡牀無端動秋  
 思浩蕩難可量鼓聲從何來詎知夜未央度蕉滴疎  
 雨砌草鳴寒蛩君今稱玉峯朗朗揚輝光二十甫有  
 餘累月如太常清吟擁翠被郁郁餘芳香不知當此

續修四庫全書總目

卷

別部

別集類

時能否在睡鄉又如次答晉賢詩云我正憐君獨君  
 適妬我遊月無常滿夜天有不晴秋雨洗千人石風  
 回一葉舟昨宵秋興發真用更遲留均真率平淡得  
 自性靈其七言絕句詩亦頗風致搖曳如園花道中  
 二首云曲曲清溪棹小舟青山滿目海鷹秋我來借  
 得漁風便兩岸蘆花盡點頭又云停舟度嶺上鷹峯  
 石遲榮近夕照中為問秋光何處去白雲黃葉與丹  
 楓均滿灘灘在得於唐人者多然此類之詩僅居集  
 中什一然松之平生甚喜為近體也

附錄傳記參考材料

同治重修蘇州府志

吳江縣志

續修四庫全書總目

卷

別部

別集類

采山集不分卷 休寧汪氏刻本

劉登瑞

嘉興周質撰質字青士號簪谷清初布衣少嗜學學成去學賈賈之暇輒從同里王邁人及其兄介人所學詩且賈且讀身雖在市閭中未嘗一日無詩也與竹垞藍村秋錦最友善相倡酬詩日工名日著遠近英流樂造訪者致多至則具酒有聚晨夕有貧乏者周之傾囊不少惜其有才名而未獲謀面者冀一得見為快或輕帆一葉或徒步重繭興至即行雖家人莫知其蹤跡也其所至輒伸紙疾書頃刻十言故留

續修四庫全書總目

卷

集部

別集類

題殆偏而於琳宮梵宇為尤多又喜究心浮屠學過之高行者與之語莫逆於懷則纏綿不忍別蓋三車上乘素所探索然也嘗於歲除日鼓棹明日元旦往訪臯亭山僧通鑑其後寄詩云作詩賈未周青士白業還能稍進無忽憶歲朝風雪裏扁舟訪我到西湖人多傳為佳話君胸無城府不立崖岸過友以誠視人如已好引掖後進苟片長足採樂與獎成有負之者不以介意而求友之切終老不倦故四方從事風雅者無不知有簪谷然簪谷交愈廣家愈貧窮愁抑

鬱之慨往往溢於篇章人或咎其賈之廢而抑知詩

能窮人窮且益工自古有然者也簪谷生平與休陽汪晉賢交最篤館其齋者十年後都門色太僕慕其人郵書當事以幣招之簪谷亦念嚮之最親切者莫如竹垞自徵召後久留京師思一見之遂欣然命駕至之日傾動輦下莫不相見恨晚居歲餘踴躍風塵間康鹿之性非所好也輒思歸會友人冀主事衡圃攜之南旋每抵淮上卒於徐塘年六十有六所著詩文有采山集又精於詞律遍摭唐宋元諸詞家各調

續修四庫全書總目

卷

集部

別集類

中有字句長短平側變換者分別體裁輯詞緯一書惜未行世行世者惟汪晉賢所梓采山詩集即此本也是書不分卷錄古近體詩五百餘什畧以年代為序其詩各體無不工而尤以律詩為最如次和鷗亭閒居即事二首云自笑歌狂更酒耽却來館舍若溪南心無一事居身泰架有群書看眼貪杓子抱琴行伴鹿仙人濟藥市當蠶遊山足力今差倦只少門生為縛籃又云濠梁柱下已深航道北渾忘異道南歲月共暮權自爛功名吹夢何貪狂于少壯慈窺豹



重尚表選笑縛蠶最賴兒曹恣拈拾晚歸襟袂各盈  
籃兩浙輶軒錄楊李詩繫均稱其詩與竹垞相彷彿  
今以此詩較之雖云未逮亦庶幾近之矣

附錄傳記參考材料

嘉興府志

兩浙輶軒錄

楊李詩繫

續修四庫全書總目

卷

集部

別集類

西塘唱酬集二卷 乾隆十八年癸酉刻本

劉啓瑞

吳縣王廷魁輯廷魁字岡齡號西塘道光同治兩修  
蘇州府志及王豫江蘇詩徵均無其傳事跡不詳馮  
奎伯吳晉之國朝畫識亦祇載其姓氏今據卷首沈  
德潛詩稱岡齡為王生是岡齡曾從歸愚受業者比  
檢歸愚王岡齡畫記謂王生岡齡遊於吾門善帖括  
工韵語為名諸生兼好繪事一以文待詔為師又云  
岡齡早歲多病獨坐斗室懸待詔畫終日靜對心凝

續修四庫全書總目

卷

集部總集類

神寂耳不聞鐘鼓聲目之所注手之所摹欲與待詔  
追逐當與酣落筆一丘一壑蔚然蒼然詣門徵索者  
往往以文家畫目之假令生同待詔之時亦當引之  
入室而不止於循牆而走者也中歲卜居楓江西塘  
蒔花疊石種竹穿池皆仿待詔畫意余嘗願其讀書  
處為傳雲小築兼贈以詩家有名人舊跡近世自南  
田石谷漁山麓臺尊古外慮為時氣所染屏不經目  
而於文氏書畫不惜典衣稱貸以收之岡齡之於待  
詔可謂好之切師之專若宿世有契合者矣云云於

此知廷魁為吳縣名諸生既工繪事又喜度藏家居  
楓江雅擅園林之勝歸愚又嘗贈之以詩顏其小築  
為藝林佳話此西塘唱酬集者則同時名家後先唱  
和沈詩之作而廷魁又從而葺之者卷首蔣恭棊序  
稱楓江以張繼詩得名江干漁火山寺鐘聲風景至  
今不殊歲庚申王子岡齡卜居楓江之西塘讀書自  
愛不染習俗所葺林亭一邱一壑瀟然有出塵之韻  
尤上畫喜吟藏弄名人舊跡客至清談相賞輒移日  
分夜不倦以是余數數黃緣楓橋之旁而其師沈侍

侍郎歸愚贈之以詩凡詞人勝流後先題詠于是都  
為一編梓之以傳云云更稱其風景之佳林亭之勝  
秉性之雅度藏之富與沈記言合益知廷魁為吳門  
之高士而又宏獎風流者宜其收葺唱酬如此之博  
且多也是書卷首為沈氏詩次則周準張曾蔣恭棊  
陸枚朱受新虞景星褚寅亮黃中理王鳴盛吳山秀  
俞萬選董家駒王世球吳泰來鄭廷暘沈彤王昶葉  
廷筠高景光等和作凡五十餘家都詩百數十首大  
率依韻和聲以揚其園林之勝者最末則殿以廷魁

西塘棋咏七絕十有二首其間佳什如第三首云青  
山一抹小樓旁烟外征帆是柳塘憶得頻年此留戀  
野梅籬菊幾回香又第五首云小沼繞容三兩弓游  
魚過處起微風桂林影落天心月宛坐伊人秋水中  
又第七首云野鶴翩翩傍碧池霜翎雪貌影參差風  
流未遇林君復瘦骨年來只自知並情韵瀟灑丰神  
獨絕得歸愚之真諦可謂登其堂而入其室者其他  
諸什亦復類是世之譚歸愚弟子傳者蓋當有取於  
斯矣

附錄傳記參攷材料

沈德潛撰王岡齡畫記

國朝畫識



盤溪唱酬集二卷 乾隆二十一年刻本

劉啓瑞

吳縣王廷魁輯廷魁別有西塘唱酬集已著錄事跡  
並已詳前此則其盤溪唱酬集也廷魁向居楓江雅  
擅園林之勝置酒賦詩名流畢集業師沈歸愚首以  
其園林為詠同時詩家更唱而迭和所得佳什殆毋  
慮數百首廷魁擷其精英祛其糟粕葺而為集以識  
其趣此西塘唱酬集之所為而作者迨丙子四月移  
家南園顏其居曰盤溪自賦詩什以占其懷同時師

續修四庫全書總目

卷 集部總集類

友又復和之此則盤溪集之所為而成集首有自序  
略謂余自江邨卜居南園同志賦詩為贈且顏其居  
曰盤溪以水木環向後所好也居之旁曰梅橋閑家  
時梅摯所居故居之前後曰梅園又為梅聖俞之別  
業迤邐而東有亭翼然名曰滄浪則蘇子美釣遊地  
也按摯字公儀第進士通判蘇州尋歷御史緣事降  
知海州徙居於此聖俞子美去官未吳詩酒往還歐  
陽文忠稱莫逆交嘗為文以表之宜其姓氏傳里居  
亦無不有傳者矣乃子美園亭歷宋元明代有題咏

入國朝商邱宋大中丞復鼎新之而滄浪之名至今

不朽其二梅所居畦蔬通野阡陌交錯求所為堂構  
亭館邈不可得訪之士人莫由指示一二且訛傳為  
漢代梅福隱居之地噫異矣論者謂三人品行氣節  
高才絕學約略相埒及問其故廬有存有不存咫尺  
之地盛衰判焉豈非莫為之前雖美弗彰莫為之後  
雖或弗傳龍門附驥諸言良有以也云云於其所居  
之勝備述靡遺益知盤溪水木明瑟不亞於楓江之  
雅其卷首更冠以自作遷南園新居寄友詩詩云辛

續修四庫全書總目

卷 集部總集類

苦年來屢卜居蕭然生事竟何如祇緣避俗移窮巷  
且付閒情好讀書近寺鐘聲鳴夜月隔籬樹色映園  
蔬藥欄乘興須來看水竹依稀似舊廬其詩亦致雅  
潔足與園林互相輝映其和廷魁詩者集中有沈歸  
愚惠定宇李絳溪朱適亭王蘭泉沈沃田姜笠堂褚  
楷升顧花橋鈕半邨陸翼高盧雅雨王鳳階阮澂園  
顧景嶽蔣子宣顧壽暉阮紫坪諸人前後都百數十  
家並一時之名士每家和詩或一二首或四五首不  
等均次廷魁原韵其間尤以沈歸愚詩四首為最勝

其詩有云、城居彷彿似邨居、竹木扶疎、書不如、有客只談山水趣、無為時讀老莊書、彈琴笑听牛鳴聲、鋤壤欣逢鼠棄蔬、采藥養生聞許遠、何妨泛宅過桐廬、其餘三首亦復如是、惠定宇序是集、謂集中名賢林立、即其未拔濤塗者亦皆雋才云云、蓋誠足為是集確評也、

附錄傳記參攷材料

圖朝畫識

續修四庫全書總目

卷

集部總集類

臺萊集詠不分卷 乾隆十二年刻本 劉啟瑞

崑山顧博量輯博量字萬陶家貧資修脯養刻苦力學夜無銓油挂一編於籬落間月上誦百遍始寢為諸生歷試高等以優貢入成均由官學教習授南匯訓導學宮就圯至即設法興修又創建尊經閣及文星閣士林稱惠會丁內艱而去服闋補甘泉士從遊日衆丹黃甲乙矻矻忘疲以疾歸揚人士為立碑頌之博量所著詩古文馴雅有法族祖登重修邑志屬博量主其事苦心衷集再閱寒暑始就此臺萊集詠

續修四庫全書總目

卷

集部總集類

者亦博量輯其叔祖懷劬七十壽言及詩也懷敏少孤苦賴勤儉以生既稍稍裕則篤念一本之誼仿范文正公義田制割膏腴五百畝令族之鰥寡孤獨廢疾者仰食其中而舉族無化離之歎又嘗修崑山學宮建尊經閣士子既安文教亦繁其他為德於鄉之事指不勝屈由是義聲直達九閭旋擢為亳州司馬懷敏素無官情蒞任未幾即賦歸來杜門教子以樂善為事蓋一鄉之善士也乾隆十二年懷敏年七十一時名士咸壽以詩詩凡五百餘首壽者二百餘人



博量為梓而行之首列壽序述其行誼次列諸家之  
詩歌其德善詩之佳者前後母慮百數十家並一時  
之名雋言其較者如沈歸愚詩云玉山洞壑貯雲烟  
杖履將迎半列仙并汲丹砂籌八百函窺碧蘿笈三  
千禾園誼向親朋洽菱舍謠從父老傳遙識德門多  
瑞氣斑斕隊裏獨星躔又如杭大宗詩云玉峯之山  
何蒼蒼上有珠樹飛鸞翔陽城之水何悠悠中有泛  
泛忘機鷗高人鍾祥發雅里碩望鴻聲似鵲起解袍  
投綬養朱顏手把長竿釣赤鯉又如秦蕙田詩云功

成名社去投閒五畝歸來未買山白雪故能工郢曲  
青牛曾是出函關風雛麗日行占雨鳩杖春風好駐  
顏誰得似君金紫誥錦衣重見舞斑斕又如錢香樹  
詩云雙鑠精神七十年湖山觴詠傲雲烟篤親厚澤  
宗枋著尚義高風綸紵宣堂上網囊名教樂庭前五  
樹子孫賢甘棠歌遍譙陽境如與岡陵句並傳此四  
詩並頌其立德鄉閭型表里閑足為後世之式要非  
虛譽者其他各家之詩亦復類是是皆稱懷故德澤  
在人也

附錄傳記參考材料

同治重修蘇州府志

梅氏詩畧六卷 家刻本

劉啟瑞

續修四庫全書總目

卷

集部總集類

宣城梅清輯清字淵公原江南省寧國府宣城縣人康熙中分江南為江蘇安徽二省遂籍隸安徽為梅勿庵文鼎之族中長老續學能文歷修宛陵縣志宛陵續志宣城縣志江南通志諸書雖或總或分而所司多山川人物藝文之類蓋一鄉之祭酒也是書為所輯先世遺詩之總集始唐昭宗光化間迄於明季得詩稿五十五種詩家三十有二人詩都六百十有二首介為六卷卷一收梅遠維明梅詢昌言梅堯臣宛陵梅機隱竹梅繼芳陵峯梅繼英吉山梅繼勳嶧陽梅繼善城山梅繼儒蒲溪梅守選公甫梅守立石門等十有一人卷二收梅守德宛溪梅守聘起草梅守默龍泉三人卷三收梅守相春寒梅守樞斗樞梅守峻大庾梅守和鏡水梅守恭想泉梅守心見復梅守秩心泉梅守紳松湖等八人卷四收梅守箕季豹梅陸祚賓瞿梅龍祚元錫梅膺祚誕生等四人卷五收梅鼎祚禹金梅綿祚公衍梅咸祚以虛三人卷六收梅國祚華本梅嘉祚錫余梅台祚秦符等三人其

書經始於康熙五年丙午歷二十五年至康熙三十

年辛未始成時淵公年已七十餘矣其自叙畧云曩

歲丙午族人三修家乘屬余謬首其事羣從載筆者

十人計閱兩載中間搜採藝文得詩稿五十五種維

時同事羣從朝夕商酌乃建梅氏詩畧之議謂七十

載之譜牒不可不修五百年之風雅流傳亦不可不

輯蓋家譜與詩畧人物文章實相表裡文藉為不朽

盛事甚哉前人有賴於後人也又云夫世遠言湮古

今同慨疾之我梅而使先人抱遺恨於九京謂之不

續修四庫全書總目

卷

集部總集類

孝侮可受也不孝不可受也今年辛未曾身閉戶自夏徂秋閱五月而是集始告竣不禁慨乎言之同輯者梅夢綬季赤梅文鼎定九梅允開中伯梅銷爾止梅庚爾長梅曰文子蔚梅子魁玉次梅之珩左白梅麒夢徵梅瓊霞蒸梅蔚鈞方梅彪班幼梅詰通仙梅神培翼而淵公總其成也

附錄傳記參考材料

宣城縣志



江南通志

續修四庫全書總目

卷

集部總集類

續修四庫全書總目

卷

集部總集類

唐宋八家詩五十二卷 雍正五年刻本 劉啟瑞  
華亭姚培謙選培謙別有元詩自攜已著錄此則其  
唐宋八家詩選也先是培謙有東坡分體詩鈔之刻  
同邑王西亭給事原見之勸其準茅氏文鈔之例並  
及諸家培謙暇日因各據唐宋八家全集選選為唐  
宋八家詩鈔八家者韓昌黎柳河東歐陽永叔蘇老  
泉蘇東坡蘇樂城曾南豐王臨川是也八家之詩各  
為卷帙不相雜廁其錄詩多寡不等卷帙亦繁簡不  
侔大要以佳善者為歸其例約有四端一昔人以杜

韓並稱怪奇偉麗靡所不有茲於韓集但分詩體不  
復去取二柳州蕭條高奇位置在陶韋之間於全集  
中錄其尤者三廬陵樂城南豐半山四家卷帙浩繁  
故去取獨嚴不得已也四老泉詩不多作於諸家中  
最為寥寥今全鈔入之此四端其全書選例大畧可  
見矣至其選旨見於王西亭序畧謂有唐昌黎韓公  
才本天授而吐辭為經匠心成矩言不詭于聖人道  
不離於雄沈接孟氏而闢佛老表六經而斥百家使  
及聖門游夏文學之科以公廟列無不逮也其文備

古今之體制殆如周公之制作監二代而綜百王可  
以為憲百世至於神奇變化鳳翥龍翔自公而後罕  
見其匹詩亦兀異奇崛創前古所未有而婉麗爾雅  
又深得三百篇詩人之旨柳河東文其初猶未脫唐  
人碎瑣風軋之習自見韓公而後遂變為精深醇  
厚足與韓公相上下詩嚴靖微妙斂才歸法彼使才  
役知之流當之猶一映也宋之歐陽得法于韓而無  
摹擬之迹神湛而味永其太史公苗裔乎詩似太白  
而風流蘊藉不失繩檢方之太白毫變差遜而溫雅

續修四庫全書總目

卷

集部總集類

過之矣眉山父子各有所長老泉卓識閑議筆力雄  
駿如項羽之戰鉅鹿光武之破昆陽山崩海裂辟易  
萬軍詩雖不多稱其為文亦當時諸家所不易及也  
子瞻之才得之于天非斗碩可限經學史錄靡不淹  
洽時務政術靡不練達見道雖不如韓之純而氣魄  
力量海涵地負足以軼宋陵唐迥非不窮原於國策  
莊列而經濟瞻富未得施行徒垂空文以見志風流  
跌宕託諸詩篇儲時博而運用神矢口點筆無不奇  
妙此豈人力也哉樂域才不逮兄而演迤淵渟別有

神致對之者矜躁咸釋惟詩亦然抱奇而不炫砥礪  
而不露不以屬對纖巧為能不以使事工切市博坡  
公自謂不如子由用益公向作之法于陸放翁放翁  
以為宜讀子由詩斯言豈欺我哉南豐之文實而醇  
臨川之文嚴而潔蓋曾之學深于經而王之法得于  
韓曾詩淳質古淡足為有德者之言朱子服膺子固  
因其理勝辭達其所詣可知已王詩峭刻而別味在  
酸鹹之外非世所同嗜介甫每誚人不讀書亦其功  
深力到甘苦自知非孟浪語也至於恃才執拗引用

續修四庫全書總目

卷

集部總集類

匪人此行事之失若其文章固橫絕一世也八家之  
文元人素有定論茅鹿門合而鈔之言古文者宗焉  
固無異辭獨於詩世但知重韓蘇而次歐柳餘子概  
置之自鄧無識之列至謂少陵不能文子固不能詩  
非通識也王氏此言信為篤論而培謙此選尤足以  
矯前人謬說信可與茅氏文鈔同傳世矣

附錄傳記參考材料

松江府志



江蘇詩徵

續修四庫全書總目

卷

集部總集類

尺五莊餞春詩彙二卷 道光丁未刻本 劉啟瑞

曲阜孔憲彝輯 憲彝別有孔氏詩鈔已著錄此則其

尺五莊餞春詩舊也尺五莊者居京師右安門外為

士大夫觴詠之所當道光庚子之時憲彝於尺五莊

為餞春之會一時名流畢集相與飲酒賦詩既而憲

彝彙集諸家之詩總為一集分與會之詩及題辭為

二卷各自起訖不相雜廁即是書也是書卷一錄姚

燮化一首次錄梅曾亮張際亮朱琦潘曾瑩張金鏞

潘曾綬陳鳳孫黃秋林秦湘葉孔憲彝詩十數首每

續修四庫全書總目

卷

集部總集類

家或一二首或四五首不等古今體詩悉備最末殿

以黃憲清詞一闕此皆與會者其不與會而有所作

則名曰題辭則第二卷也首錄葉紹本黃爵滋潘誥

湯鵬宗稷辰許瀚莊縉度王柏心魏源鄭憲詮李如

金張曜孫汪暉汪昉陳克家陳光緒朱錦琮潘尚楫

王大淮曹懋堅韋坦葉名澧馮志沂李湘華洪毓琛

曹尊葵王大培王鴻俞浩孫念培李英潘曾瑋徐子

陵宋傳書俞元相孔廣權孔昭仕孔昭焜孔憲恭孔

憲庚孔慶銓諸人之詩次錄戈載孫鏘鳴鄭昌琪沈

宗約邊谷禮鄒在衡孫佑培潘希甫諸家之詞更次錄葉俊傑朱興二家閨秀之詩其人並一時之名雋其詩與卷一諸家之作多有互相輝映者蓋此二卷名什俱秀逸清穎可饒古作如葉紹本詩云看花最是城南勝置酒知君意興濃駿足且教馳紫燕蜜脾漸已熟黃蜂恰衣紅扇明簪集桂髓蘭蘇野藪供莫共衰翁話今昔十年飽聽寺樓鐘又如葉名澧詩云燕郊春色自無邊又值東風試錦鞵畫裏蒼茫悲往迹故人寥落感中年笙歌未散金張宅烟水空迷韋

續修四庫全書總目

卷

集部總集類

杜天楊柳蕭蕭花似雪荒莊遙指重淒然二家之詩均甚確切外此諸家之什亦率類是誠足稱為鴈詠之盛舉卷首憲彝自序亦謂輩下人才薈萃文字之飲無虛日獨錢春之舉相傳而不置者豈非極一時之盛云云信非虛語又憲彝謂是歲會後尺五莊遂廢今且無過問者顧念諸公或居清貴或任繁劇或家食而碌碌或客遊而翼翼名流盛地不可復得云云則又不禁有今昔之感矣

附錄傳記參考材料

曲阜縣志

續修四庫全書總目

卷

集部總集類



王氏錄存詩彙草不分卷 清乾隆時家刊本

劉啟瑞

吳橋王實堅輯王氏之家集也。首為王世德之荷香館詩草。次為世德之配王范景似之冰玉齋詩草。又次為世德之子孫錫之無念齋詩草。孫作肅之復初齋詩草。曾孫履吉修修園詩草。耳孫實堅冰雪齋詩草。都凡六種。皆實堅之所輯刊。世德字德啟。為諸生。早死。專治舉業。有畧傳。見顏李師承記中。荷香館詩僅一首。曰。包家莊過看飛來目。對青山自倚台。一綫

續修四庫全書總目

卷

集部總集類

冷泉清沁齒。呼童亭畔洗楊梅。詩不為工。是讀書人口吻。其裔孫實堅跋。謂是隨范仁元公任越中所作。僅存餘句。蠹殘不可讀。世德妻王范景似。為明故相范文忠公之妹。歸世德後。年二十四而寡。二十九而亡。所著冰玉齋詩若干卷。曾見于王阮亭之池北偶談中。記之。此則其佚存焉。詩凡一十四首。溫婉清平。不失閨人常態。而立意亦自有婦身分。佳者若悲秋。曰。獨伴銀缸坐。秋風亂搗衣。通宵聽不斷。一雁入雲飛。又仲秋雜菊吐紅感而有作。曰。終日昏昏似夢中。

懶持纨扇恨秋風。可憐舉目淒清色。蘇菊驚舒却自

紅。語雖未工。妙能寫出嬌媚情思也。孫錫字申之。歲

貢生。其無念齋詩亦僅存五言律二首。實堅識其工

書善山水。喜寫竹。與蘭。日以吟咏自娛。有詩集若干

卷。均燬于火。此則燼餘耳。二詩一題夢遊山。又一題

為園居。均佳。微似宋人。胎息如老僧。竹作閑遊客。石

為牀。如山淨雨初沐。竹深雲欲留。等句是也。作肅字

敬一。曾司教南宮。復初齋詩凡百有三十七首。大抵

均生平所歷得失悲愉之言。借韻語以舒懷抱者耳。

續修四庫全書總目

卷

集部總集類

雖非詞人之語。要能妙得自然。不嫌生硬。如尋隱者。曰。白雲來往罩青山。隱隱柴門不上關。孤杖已迂塵外路。沿溪猶隔幾迴灣。如旅中有感。曰。夕日山城紫。秋霜薜蘿黃。舉頭雲樹外。征雁一行行。履吉字慶旋。乾隆壬午同里蘇鶴成序。謂其是辛卯孝廉。修修園詩實亦只八首。仍是實堅所搜。散佚幸存耳。顧五七言均工。近于詩人之言矣。如滑台梅花云。東郡梅花早。檐前既已開。不知疎影畔。扶杖有誰來。實堅字宜。號冰雪齋。詩都約百首。頗工五言律。如楊柳青云。楊

柳青何處蒼茫望眼餘轉蓬流水急作客夕陽斜冰  
在春猶淺村寒杏未花蓬門依兩岸多半是漁家實  
能寫出長河孤舟鄉村野景也七言絕如連高驛道  
中云遠林疎處片帆斜路近河干望轉餘茅屋村村  
溪水上門前多半是蘆花則感慨之情在于言外矣

附錄傳記參考材料

吳橋縣志

續修四庫全書總目

卷

集部總集類

蕭湯二老遺詩合編

富達黃氏刻本

劉啟瑞

富達黃錢輯錢字左君一字左田九十喪明以後更  
自號盲左幼孤露寄居外家補諸生為大興朱文正  
所賞掣游京師俄成進士觀政戶部尋告歸主書院  
十年睿廟聞其名特起由主事擢贊善值南齊應官  
至禮部尚書屢典鄉試再督學政晚年乞歸人比之  
董華亭云工書善畫一時與富陽董相國稱黃董兩  
家卒謚勤敏著西齋集行世此編則所輯蕭尺木雲  
從湯燕孫元翼之詩也雲從字尺木號無悶道人晚

續修四庫全書總目

卷

集部總集類

又號鍾山老人蕪湖人夢郭忠恕而生長而博學能  
文與弟雲倩有二陸之譽中崇禎丙子壬午兩科副  
榜明亡不仕著易存杜律細若干卷入四庫存目有  
文集藏蕪湖沈氏今佚畫山水人物得北宋人矩矱  
所繪太平三書圖離騷圖皆鏤板行世離騷圖純廟  
極賞之近人有合陳章侯所繪屈原九歌諸圖影為  
一函者黃鐘大呂洽合無間可知其畫之風格矣而  
子孫式微殊甚左田訪其蕭家巷故居時其後人存  
者僅一擔水夫耳慨夫燕生字元翼號嚴夫太平縣



人明末諸生鼎革而後設帳授徒方兆曾家所以避地也工詩通六書精篆籀著有商歌集若干卷今佚不傳與雲從蓋均江表之勝朝遺老故所為詩風格雖不甚相似而皆多銅駝離黍之悲燕生詩如不獨君親雙淚盡因之生死一身孤得知方外王司馬未媿高流駭義烏幾歲攜家甘泛海何年變姓却歸齊閉門臘用嘉平歲萬紀詩從甲子題雲從詩如未靖干戈中外警當年冠蓋往來疎生長貧賤原非隱未許青門學種瓜皆可窺見一斑而雲從詩中如江邊

續修四庫全書總目

卷

集部總集類

解醉魚多旨秋後題詩雁數行十里江聲聞古驛五更鄉夢續寒衾以詩論之宋人亦不多讓燕生詩則明詩綜收其緒山二首已有定評不復再論今左田更從簡翰遺留稟集得六十篇古近體詩皆備雲從詩僅存七律一體且稟集草率又多譌字存者三十首而已然前賢手澤因得不泯亦盛事也

附錄傳記參考材料

當塗縣志

豫寧三盛詩不分卷 家刻本

劉啟瑞

清雍正時盛大謨等兄弟三人合集也大謨次仲字子楚弟鏡次叔字子明樂次季字水賓叔與季幼並受學于仲而仲督之嚴已而二子自成立仲自謂學弗如不敢以弟目之尤服季所為詩聞嘗語人曰吾于詩文中少所畏唯畏吾季人疑其大言獎借然得江王世章訥夫嘗親見叔與季格摘仲詩至片語隻字亦嗤之或爭執聲響希微抑揚高下往復數四而不已蓋季氣盛而銳叔遜之仲又遜之也究之季不

續修四庫全書總目

卷

集部總集類

能掩仲叔亦不為仲叔掩三人詩各有瑜瑕要不能以兄弟之爭論標榜為定衡也夫論詩之道當各就所長豈三百篇後無漢晉唐宋哉而人之嗜取性情亦不同譬之饑寒寒專帛治玩好者專珠玉若必強人以所同是執途人而欲一其面目也總計三盛謂所為詩不下千餘首而此所刊者不及十之一二皆刪削所餘宜為精萃矣觀于仲叔所為詩各四十餘篇季所為詩約一百二十篇中求一能如三盛兄弟所自負者蓋渺不可得仲所為詩以五言古為獨

多五言律次之七言古又次之長短句偶一見他體均無有也五言古格律尚道而措辭流薄如擬古曰憶昔妾未嫁阿母髮已皓大兄營私產大嫂蓄私正兩弟亦歧路家計遂析剖云云固叙家難之始然去諷婉之旨遠矣且有時專為選字鍊句而竟失韻語意者如癸卯冬莫嶼三十邀予飲飲盡賦詩云山有十圍松根食千年早云云此為何辭五言律佳者如憐君清夜榻看我一燈微如昨夜衆星暗月從今夕研如先生去已遠著述滿乾坤等皆饒有唐人韻

續修四庫全書總目

卷

集部總集類

失粘者如諸將已荒土幽魂夜荷戈如文章工無益乾坤久不平不成辭者如一朝辭大帽百里委狂瀾如文章虛翫辭鹽米竟燈牕等皆是蓋學工部而未成並其短而亦學之者也叔所為皆古體與長短句詞較仲為清麗通順而風骨不如其健觀其遺語造句殆沈潛於靖節及工部者故氣息有時似之季所為各體皆有而以五言古為最多健不如仲清不如叔而豪則過之此其所以貌兩兄者歟如感懷五古云種蘭荒階下三歲足風露花實不療饑空爾為朝

暮君子有苦心零落失其故結根良不深區區徒怨慕寓意自佳措語亦楚楚有致餘律詩中則生造語太多如孤鼠精神如腐鵠頭如磴磴寒壁等觸目皆是要皆不足語于大雅也

附錄傳記參考材料

卷首各序

續修四庫全書總目

卷

集部總集類



雲南倡和編三卷 吳興陳氏說劍樓精刻本

劉啟瑞

吳興溫日鑑字鐵華暨其社友王直淵陳鑾陳經倡和集也日鑑直淵鑾經均越人事都不詳而詩皆清新可誦風緻翩跹如渡江人士經叙補宋吳贊府齋居十韵云余輩生際雍熙之世優游里社朋好追歡雨笠宵鐙跌宕文史云云誠信然也詩都三卷卷一收和元人十臺懷古詩補齋居十韵詩等目凡若干首十臺者章華姑蘇朝陽黃金戲馬歌風望思銅雀

續修四庫全書總目

卷

集部總集類

鳳凰凌煙是十韵者焦桐森蘭破硯殘畫舊劍塵鏡廢樂敗表斷碑卧鐘是也卷二收玉湖治春詞十放詩讀明史分韵十六朝事諸目十放者放驢放鶴放鷹放牛放螢放蝶放蟻放鴨放魚而始以放雲卷三收謝文節公歌為吳素江賦道場山雜詠等目每目日鑑直淵鑾經各賦其一都數百十首其詩以楊鐵崖薩雁門為主亦頗受阮亭神韵一派影響故不似唐人沈雄惆悵亦不似江西一派之桀驁突兀而何睹神清自具格調佳句如讀明史分韵陳鑾分得洪

續修四庫全書總目

卷

集部總集類

武建文永樂洪熙四朝事云誰留叔父操戈向未許皇孫託鉢行王直淵分得宣德正統天順景泰成化四朝事云卹典首追司禮記殊恩專賞奪門勳番僧寵錫名殊麗戎卒侵官小印紅日鑑分得宏治正德嘉靖隆慶四朝事云萬乘漫加威武號八倉爭擅法王倚陳經分得萬歷泰昌天啟崇禎四朝事云閹僧天鑒高張網帝拱宸居老弼輪不是廟堂未綢局都緣將相斗臂材諸聯均極精鍊不讓玉溪軍令未聞捷書惟報一聯甚多也玉湖治春詞如陳鑾之盈盈刻機踰陽春行過紅橋不染塵女伴相逢齊小立衆中誰認墜釵人直淵云東君花信已頻催記得風幡手自裁無賴韶光繞過半采萍橋畔討春來亦輕情似不食人間煙火者而日鑑小院簾垂十二行春愁深鎖鬱金香朝來讀月居前過不見風流謝五娘學漁洋秦淮雜詩直可亂真矣至書名雲南者乃雲溪之南也

詠霓續譜一卷 初刊本

劉啟瑞

無錫鄒鳴鶴輯。鳴鶴字鍾泉。道光二年進士。分發雲南知縣。以親老改歸河南。歷署新鄭、羅山。均有政聲。五年丁內艱。歸。羅山紳民六百餘人。至籲請保留十次。巡撫程祖洛因疏請服闋。仍發原省補用。於是終道光之世。二十年閒足跡未嘗出中州。歷知開封、陳州、衛輝諸府。除開歸陳許彰懷衛諸道。或理民政。或綜河工。而皆政績斐然。道光二十一年。河決祥符。會議徙省城河南府避之。鳴鶴獨采輿論。陳六不可得。

續修四庫全書總目

卷

集部總集類

罷徙省之議。豫民尤利賴之。咸豐御極。授廣西巡撫。會洪楊難作。鳴鶴力衛省垣。屢剿賊。而欽差大臣。蹇尚阿數阻扼之。卒以其許去官。咸豐三年。以在籍散員。籌辦江蘇防堵事宜。力疾任事。洪軍攻金陵。大吏多遁去。鳴鶴獨死之。同治中。曾文正疏言。鄒鳴鶴在開封府任內。正值祥符決口。捍禦水火。卓然有古循吏風。迨巡撫廣西。守城却賊。公論昭著。回籍後。以聞散之員。力疾辦團。誓死勿去。綜其平生。歷任府縣。均有政績可傳。而在江寧殉節。本無守土之責。尤為

臨難不苟。大節凜然。懇請加恩。照巡撫例。優卹。并准予諡。又為言官所扼。八年始予諡。壯節。詠霓續譜者。

乃道光二十年。鳴鶴為鄉試內監試時所為。閨中即事詩。及倡和諸作之合刻。蓋前年己亥秋間。鳴鶴即為監試官。今舊地重遊。因復感而賦詩。夫官鄉倡和之作。誠難數計之工拙。要為良吏之逸聞。林間之佳話也。時同作者。臨桂況澄。少吳武進費庚吉。耕亭和詠者。殿撰牛雪樵。中丞正主考博露庵學士。副主考汪嘯庵侍御等二十人也。

續修四庫全書總目

卷

集部總集類

附錄傳記參考材料

清史列傳



詩求一卷 蔣氏刻本

劉啟瑞

宜興蔣景祁等倡和集也。一曰燕臺倡和詩，都為三集。曰夏日雅集，京少寓齋分韻，計九律五言四韵，南海梁佩蘭得門字，泗州戚理得堂字，海寧陳奕培得衣字，太倉葉藩得泉字，長洲黃庭得鳳字，宜興陳枋得初字，宜興蔣景祁得新字，理奕培各二律，餘皆一律。又即席分賦，佩蘭得蘋婆四絕，理得冰五言古詩一首，藩得香四絕，庭得桃五言八韵一排，枋得醉蟹五言長古一首，景祁得茶五言長古一首，又聯句冰

續修四庫全書總目

卷 集部總集類

糖一首。曰夏日阮亭祭酒招同讌集，用柳子厚雨後獨至愚溪詩，高樹臨清池，風驚夜來雨，為韵，賦詩，梁佩蘭、蔣景祁、馮廷樞、陳奕培各五言古十首。曰蔣景祁、豐台觀芍藥，用杜集春日江村韵，五古五首，同艾圃、初至塔院寺晚步，曉起，期子厚子荷不至，別豐台諸目是也。又宋牧仲招蔣景祁、梁佩蘭、景祁先往，待牧仲不值，紀事五古三首，牧仲父子及錢栢齡待蔣梁不至，各五古一首，梁佩蘭和牧仲并贈景祁共五古四首，又景祁一首，陳奕培次韵一首，海寧查嗣琛

賦蔣京少招往豐台，花下七律二首，陳奕培次韵二首，蔣景祁奉答一首，計得古今體詩七十五首，亦洋洋大觀矣。蓋時際天下承平，王阮亭先生方執詩壇牛耳，以風雅教天下，故京朝名士，若戰國題賦詩，刻燭無虛日，詩雖未能盡佳，亦足見一時風氣焉。是集以蔣景祁為盟主，景祁字京少，佩蘭字藥亭，理字綏耳，奕培字子厚，藩字南屏，庭字叢山，枋字次山，宋至字山言，錢栢齡字介維，查嗣琛字德尹，惟馮廷樞字無考。詩求云者，謂取易同聲相應，同氣相求之義也。

續修四庫全書總目

卷 集部總集類

附錄傳記參考材料

宜興縣志

丙午春正唱和詩 寫印本

劉啟瑞

鎮江巴哩克延清輯延清姓巴哩克字子澄號鐵君蒙古鑲白旗人京口駐防籍同治庚午并補丁卯科優貢生癸酉舉人甲戌進士觀政工部尋由郎中轉翰林院侍讀充講官國史館纂修等有蝶仙小史遺逸清音集諸書行世工詩文辭為同光兩朝詞壇名宿此丙午春正唱和詩者乃光緒三十二年丙午正月子澄與其僚友唱和集也自元旦至二十一日排日賦詩時禍亂未萌京國清曹文酒之會誠無虛日

續修四庫全書總目

卷

集部總集類

老子亦興復不淺蓋時年已六十一矣苟不膺鼎革之變六十年閒賦詩萬首視放翁恐未必多讓計集中所收初一日太和殿侍班恭紀仍用岑嘉州和曾舍人早朝詩韵一首初三日晚歸道經十刹海一首初四日同吳佑之侍御保齡宴客長吳館一首初六日集吳佑之前輩寓齋一首初七日王石鵠觀察招同宴集同豐堂一首初八日何潤夫前輩家牡丹盛開置酒招同諸公賞之一首又是日寅初陪祀一首琉璃廠散步一首初九日漫作用杜少陵客至詩韵

一首初十日劉履負舍人招飲寓齋一首十一日張

振卿少宰自製家庖招同諸公宴集寓齋一首十二日立春節作一首十三日祈穀壇侍班恭紀一首十四日何子祥太守招飲慶雲樓一首十五日保和殿筵宴侍班恭紀一首十六日桂月亭會帥招同諸公宴集寓廬一首十七日何智人大令招飲雲山別墅一首十八日攜長孫金源廣德樓觀劇一首又是晚文瀛生太守邀赴大觀樓看電影戲一首十九日開印之期喜賦一首二十日同鄉尹壽人內翰等招飲

續修四庫全書總目

卷

集部總集類

同豐堂一首二十一日日講起居注官同人假江蘇館園拜並合照相片一首二十二日翰苑值日一首又是日鄧伯英大令王月莊儀部置酒江寧館招飲一首二十四日文功甫侍衛招飲泰豐樓一首二十六日大雪勤政殿引見恭紀一首二十七日恭請邸鈔感賦一首二十八日早赴西苑門內謝照舊供職恩恭紀一首及和詩若干首唱和者張英麟取道冲吳陰培何乃瑩張瑞蔭翁斌孫李毓琛閻普通武詩公而宴集諸詩於名公寓處酒肆所在無不詳註地



址足補朱一新京師坊巷志震鈞天咫偶聞諸書之  
缺詩估不論以掌故言亦足以備一朝野史也又後  
附錦官堂詩二首鐵樓極帖九聯亦頗雅致

附錄傳記參考材料

道逸清音集

續修四庫全書總目

卷

集部總集類

玉琴集纂註四十六卷 乾隆己卯丹陽陸氏雙香書  
屋刻本 劉啟瑞

丹陽陸式玉選輯式玉別有璣音詩鈔已著錄事蹟  
並已詳前此則其所選歷代近體詩也時乾隆初葉  
功令方以排律取士一時海內學子率以明人試帖  
為宗轉相研習流為風尚式玉深懼其沿波忘源習  
非成是因為重選歷代近體之詩以為楷式大要以  
得乎風雅之正者為宗與沈歸愚別裁偽體之旨相  
合始自唐初迄於昭代錄詩萬餘首為卷四十有六

續修四庫全書總目

卷

集部

總集類

計卷一之五為國朝試律卷六為國朝館閣應制五  
言律卷七之八為國朝館閣應制七言律卷九為國  
朝館閣應制五言排律卷十為國朝館閣應制七言  
排律卷十一為國朝館閣五言絕句七言絕句其所以  
以試體詩居首者蓋示專功令也次則以時代為序  
卷十一之十二為唐試律卷十三之十四為唐五言  
律卷十五之十七為唐七言律卷十八為唐五言絕  
句六言絕句卷十九為唐七言絕句卷二十為唐五  
言排律卷二十一為宋五言律卷二十二之二十三

為宋七言律卷二十四為宋五言絕句七言絕句六  
 言絕句卷二十五為宋五言排律七言排律卷二十  
 六為宋詩補遺卷二十七為金元五言律卷二十八  
 為金元七言律卷二十九為金元五言絕句七言絕  
 句卷三十為明五言律卷三十一之三十二為明七  
 言律卷三十三為明五言絕句七言絕句六言絕句  
 卷三十四為明五言排律七言排律卷三十五之三  
 十七為國朝五言律卷三十八之四十四為國朝七  
 言律卷四十五為國朝五言絕句七言絕句卷四十

續修四庫全書總目

卷

總部

總集類

六為國朝五言排律其所以別律絕排律於試體者  
 乃藉以區分詩體也至其選例試律則責體製嚴整  
 屬對工切律詩則責神味淵永與寄遙深以無失乎  
 溫柔敦厚之旨者為主至於詩之體裁不一風格不  
 同者要以擷其菁英汰其煩蕪為歸並於每詩之下  
 各為註釋以便士子之用信至善也按乾隆之時文  
 教大興士子臨文務趨帖括時海內選試詩而為楷  
 式者造母慮數十百家惜不失繁即失之隘或去取  
 望漏或註釋俚俗求一善本如玉琴集者造不多觀

宜乎儲掌文庫鳴球儲掌等咸稱是書為善籍也

附錄傳記參考材料

續修四庫全書總目

卷

總部

總集類



歸田贈言不分卷 乾隆丁巳刻本

劉登瑞

上海顧成天輯成天字良哉號小崖康熙丁酉舉人  
賜翰林院編修官至侍講著有金管集花語山房詩  
文鈔等松江詩話稱金管集八十餘章蔡中舉所  
定內皆太楊忠孝懿行者故取晉元帝金管書之語  
以名編侍講開戶著書詩學瞻麗中舉所稱如和王  
木巖卧龍松歌紫玉硯歌和寒谿啄雪及浴象行諸  
作惜乎不可見也云云江蘇詩事亦稱雍正己酉世  
宗於金管集內見其恭親聖祖仁皇帝詩六章睿覽

續修四庫全書總目

卷 集部

總集類

大恟旋召來京欽賜進士授翰林院編修值上書房  
乾隆初晉侍講歸田後年八十二卒著有離騷九歌  
解若干卷其事蹟可考者大畧如是此歸田錄者乃  
成天自輯乾隆初年歸田時朝貴祖饌之章而又以  
歸途自作附之者有自序述其緣起畧謂夫求全則  
難節取斯易士鮮克齊君民之志學而獨潔其身特  
遠於貧冒耳可謂賢乎况衰老無能並無當於潔身  
之義也予以乾隆元年五月二日入覲天顏二年六  
月二十四日乞身七月初九日告行期十七日辭陛

二十一日出國門遭逢進暮難違曠官曲荷聖慈免

於罪戾幸已引更獲被寵崇祠城張相國手書朱夫  
子青雲白石聊同趣霽月光風更別傳之句以贈方  
深惶恐辱諸公篇章絳繹尤耻過情然以善善欲長  
之意濟之風雅斐然藹然雲錦分開翰情不容不可  
不留示後人以志不忘也如整行裝恐其遺失屬友  
人隨到隨錄付梓不復編次云云知是書編次乃以  
贈言先後為序故首錄雷鉉詩次林令旭次汪由敦  
次彭啓豐次陳浩次于枋次吳華孫次梁詩正次鄒

續修四庫全書總目

卷 集部

總集類

升恆次胡金蘭次胡寶林次張若需次蔣溥次鍾衡  
次顧昂次凌如煥次戴永柱次金應元次任啓運次  
張鵬坤次張漢次蔣建次謝芳連諸家之詩都錄詩  
家二十有三人錄詩凡數十首每家或一二首或四  
五首不等古近體詩悉備其間最佳者如梁詩正詩  
一首云露冷旗亭柳欲凋故人南去雨瀟瀟影孤清  
禁思仙侶夢繞長河逐畫橈烟水江頭歸自闊瀛蓬  
雲外望非遙好憑圓卻河中鯉錦字緘封慰寂寥其  
他諸作亦率類是至所附成天歸途諸作其詩題有

都門留別張夢舟次易未夜宿天津御津九日舟至  
臨清泊塔灣武城縣詠懷舟至南旺微湖阻風對菊  
懷侍直諸公渡河又九月九日與客談有作渡江到  
家等作其詩均華瞻雍容不愧如椽之筆如渡江七  
絕一首云三秋鄉國音俱斷寥瀟真如萬里行到此  
雲間歸路近扁舟輕截大江橫浩氣磅礴了無寒儉  
之態於此亦可知其餘什矣

附錄傳記參攷材料

續修四庫全書總目

卷 集部

總集類

松江府志

江蘇詩徵

松江詩話

江蘇詩事

趙氏淵源集十卷 滁州趙氏古墨齋刻本

劉啓瑞

滁州趙紹祖輯紹祖字繩伯號琴士康熙貢士試用訓  
導道光辛巳荐舉孝廉方正著有金石文鈔金石跋  
涇事涇川金石記新舊唐書互證建元記校補竹書  
紀年古墨齋文鈔詩鈔讀書偶記書畫記涇川叢書  
跋等此則其所葺趙氏之家集也趙氏於涇為望族  
自明以來世有達人其間能文章擅詩歌者迨世慮  
數十人其已有專集行世者猶不惟此惜乎專集行

續修四庫全書總目

卷 集部

總集類

世流傳者少其僅有零稿斷續待梓者更不乏人紹  
祖既輯涇川文獻為涇川叢書更輯趙氏文獻為趙  
氏淵源集以光家乘以揚清芬計錄趙氏詩家凡二  
十有五人介為十卷卷一錄敬閣集三十有七首趙  
司直著司直字維生前明歲貢生而中副車有薛復  
社次錄文燕齋遺稿四十有四首趙崇禮著崇禮字  
谿叔前明諸生卷二錄環石齋詩集一百有三首趙  
知希著知希字太音號環石康熙庚子舉人以內閣  
中書出宰館陶調奉新貴溪並有仁政卷三之四錄



星閣詩集一百一十有三首趙青藜著青藜字燕乙  
號星閣乾隆丙辰會元選庶常授編修戊午辛酉兩  
典浙江鄉試改江西道監察御史丁卯典湖南鄉試  
前後三字文衡所得皆知名士卷四又錄五松遺草  
十有九首趙際飛著際飛字雲翔號五松居士庫貢  
生次錄漱芳居遺草七首趙希文著希文字秀重乾  
隆丙辰孝廉方正次錄梅軒草六首趙樹著樹字冠  
文乾隆丙子舉人次錄耕畝草十有七首趙良震著  
良震字修遠號耕畝乾隆庚午舉人卷五錄甄溪小

續修四庫全書總目

卷

集部

總集類

稿五十有五首趙守勳著守勳字書常增廣生次錄  
築巖詩集四十有三首趙良霖著良霖字蒼雨乾隆  
丁卯舉人咸安宮教習次錄竹坡小草十有一首趙  
良猷著良猷字叔于增廣生卷六錄肖巖詩草九十  
有五首趙良霽著良霽字肅微乾隆乙卯進士內閣  
中書次錄月巖詩遺三首趙祝聖著祝聖字梧江庫  
生卷七錄台巖詩鈔六十首趙良霽著良霽字雲起  
增廣生次錄繡餘草四首趙環著閔秀也次錄韻雲  
軒詩集二十有五首趙友娘著友娘字拱辰乾隆壬

申舉人官高陵知縣卷八錄懶雲詩鈔四十首趙友  
廣著友廣字穎存庫監生次錄偉堂詩草六十首趙  
帥著帥字元一乾隆壬午舉人次錄龜山遺草七首  
趙友璋著友璋字逸吾布衣次錄竹廬詩鈔三首趙  
望齡著望齡字相忱官鄧州二州知州卷九錄葵陽  
詩鈔二十有三首趙燮元著燮元字章平庫貢生次  
錄柳陰居詩草四首趙楷著楷字瑞書侯選州同次  
錄省齋詩草二十有八首官鎮寧知州次錄枕山面  
水堂詩草五首趙祖慶著祖慶字孫年嘉慶甲子舉

續修四庫全書總目

卷

集部

總集類

人次錄雲閣遺草五首趙星垣著庫生凡此皆趙氏  
先德之詩也卷十則錄紹祖兄弟之詩首紹祖古墨  
齋詩鈔八十有六首次紹祖有堂詩鈔十首蓋皆附  
錄也紹祖之詩袁簡齋評其近體純是唐音不落宋  
元以後真豪傑之士世多稱為唯評至趙氏先德之  
詩簡齋亦各有確論大旨謂不名一家而悉歸於正  
是乃得風雅之遺音者

附錄傳記參考材料

滁州志

國朝正雅集

唐風定二十二卷 明鈔本

劉啓瑞

明邢昉選昉字孟貞高淳人崇禎時諸生有聲復社間與楊文舉顧夢游薛岡史玄戴重等游相與排擊時政議論得失一時朝野為之側目謂清議可畏也如是最工詩清淳古淡出入韋孟之室與錢左司劉隨州相伯仲為晚明詩才中之傑出者著有石臼集范印心為之梓行陳伯璣謂其集中無一暢懷語讀之令人感益遺時離亂所致也此唐風定者則其所選唐諸家詩也書最罕見范印心刻石曰集時已稱

續修四庫全書

卷

集部總集類

其不傳今又越三百年乃復見此本真可謂僅存者矣書都二十二卷以詩體為次卷一之六為五言古詩卷七之十一為七言古詩卷十二之十五為五言律詩卷十六之十七為七言律詩卷十八為五言排律卷十九之二十為五言絕句卷二十一之二十二為七言絕句每卷又各分正變以為後學者式同休者又以初盛中晚為次每首之眉復列評語此其選輯之大較也據其自序謂詩亡久矣論者謂雅亡而風不亡苟使盛衰之際正變之間有弗定焉者其愈

於亡也幾何云云蓋斯集之選乃所以師三百篇之

遺意從而定唐詩者也攷近代唐詩選本無慮數十家就其著者言之最早者莫先於楊仲弘之唐音然其分始音正音遺響各類蘇伯脩已議其非次則高廷礼之唐詩品彙盛行一時明代館閣諸公奉為宗主其體要大率祖仲弘而分正始正宗大家名家羽翼接武正變餘響傍流九格然初盛中晚舉諸人而強為限斷二馮力攻其謬無以何李摹擬盛唐號為復古後來門戶攻擊遂集矢高書謂胚胎實兆於此

續修四庫全書

卷

集部總集類

鍾譚詩歸最為晚出自矜新穎力造幽玄而纖仄詭薄雅意益復淪亡且其學識謬陋復以私意割裂竄改顧亭林至以妄誕斥之此三書皆數百年來世人所通觀而習誦者而其遺議乃如此然則選唐詩者豈易言哉今孟貞此編取古律分卷而統以正變類次之固已絜其綱要而品隲特為矜嚴主旨略仿仲弘而恢其規緒蒐采類於廷礼而芟其繁蕪誠如孟貞自謂爰取諸選旁及本集汰擇刪定者也至於集中去取扶擇之間尤與其詩之造詣互為消息孟貞



嘗自謂弱冠酷嗜兩漢曹子建詩，謬謂唐世近，体直可盡廢。久之，覽觀晉宋所擬十九首，鄙下之作，並北地、信陽、濟南諸子所擬古詩，而咤曰：斯皆膚郭已爾。神理弗寓也。於是稍去漢魏，而事盛唐名家久之，益酷嗜。徧及錢劉之清婉，韓孟之鏗刺，寔能窮探旨趣。究極原委，逾二十年。厥後客游永嘉，吳江史弱翁亦來游，與予論詩，絕契。弱翁故習杜，至是乃大悔，以予說為然。迄今又十餘年，弱翁已沒，而予亦益老矣。平生所出入，馳驟於唐，工拙高下，炯炯有不甚瞽者。

回思中歲耽嗜，以至於老，其間用志則可謂不分也。云云。於是可知其詩之屢變愈變愈純，而是集之選亦正可以此意推其評選之先後矣。

附錄傳記參攷材料

高淳縣志

明詩綜

瓊花集五卷 明鈔本

劉啓瑞

明曹璿編。璿字玉齋，號衡甫，江都人。嘉靖元年進士，累官兩京，官遼河洛，終於南京國子監祭酒。家世揚州江都人，居近大東門外，傍著麓觀，觀舊有瓊花一株，艷傳於世，故又以瓊花觀名之。玉齋官踪所寄四方人士，無不以瓊花詢者。玉齋酬對既敏，尤苦辨証，因編歷代題咏篇什，以及賦記詩餘、遺事等，彙為一集，名曰瓊花集。集都五卷：卷一為考証及遺事，卷二為宋人題詩二十九首，元人題詩二十一首，本朝人

詩十一首，卷三為詩餘十首，卷四為賦四首，卷五為記一首。復自著辨証一首，以弁其端。藉以考訂是花之形色，馬略謂吾揚舊有瓊花，世傳海內一本，今花久枯悴，騷人墨士各以傳聞為據，或謂即玉蘂，或謂即聚八仙，或謂漢前已有茲花，或謂隋煬帝以觀花來幸江都，以璿考之，疑皆非是。蓋瓊花形色微類八仙，瓊花異香芬郁，八仙無香也。若唐人所謂玉蘂，則與之大異矣。矧長安之唐昌觀，集賢院潤州之招隱山，其時皆有玉蘂，悉在其為一本者乎。宋至道中，王

元之守揚州作瓊花詩其敘云不詳何木俗謂瓊花者即為玉蘂元之何以云不詳何不即自後韓魏公劉原父鮮于子駿相繼賦咏歐陽永好又作亭花上扁曰無雙由是遐陬絕壤無不知揚州有瓊花矣若五代以前花之有無靡可考見乃以大業荒游歸咎茲花目為亡國之詳其証不已甚乎且煬帝東巡諸所詭異之跡備載南部烟花記等書當時果有茲花其事尤為絕殊師古輩願肯略之而弗錄耶蓋兵火荐更郡志散轍閭巷之談逸為口實遂令絕代之芳

續修四庫全書

卷

集部總集類

永蒙不根之誚惜哉成化中浙人有為花集者止據黃冠舊簡潦略成篇雖知隋事之誣而猶踵延元封號之謬中間所載李衛公劉夢得詩俱咏玉蘂花者餘篇悉用兔園俚語冒稱唐宋名公之作璿少讀而疑之然未敢以語人也近里人有購得寶祐維揚志者茲花始末具在其詩篇斷自王黃州與隋事略不相涉璿乃釋然以喜遂手自抄錄復通考群籍增所未備舊錄賾篇悉為芟汰又著考証諸語冠於簡端於是花事粲然可睹矣云云其考証殊為精確然按

之史乘所載郡志所記以及各家筆塵所錄曹氏所攷猶有未備蓋舊觀原為古后土祠漢元延中建唐高駢更崇大之祠神肖女像本漢書所謂后土富媪也又因唐小說有韋郎事塑綠衣少年於旁宋程頤以其褻始撤之政和間賜舊觀額舊有瓊花一株故又以瓊花觀著名歐陽修守揚州時以瓊花天下無雙為作無雙亭履之考瓊花前未有稱至宋始盛傳多有謂隋煬帝因瓊花幸揚州者於載籍無徵也其花不知實何本齊東野語云絕類聚八仙花色

續修四庫全書

卷

集部總集類

微黃而香甚宋仁宗慶厯間嘗取植禁苑淳熙中壽皇又嘗移栽南內皆未幾而槁遂還揚州則敷榮如故杜游瓊花記紹興辛丑金主亮揭本而去其小者皆剪除之逾年故林旁復出三蘂道士金大寧自加培護久之暢茂不異昔時及元至正十三年忽枯其種遂絕道士金丙以聚八仙代之花之始末如此宋次道春明退朝錄云揚州后土祠有瓊花一株即李衛公所謂玉蘂花也宋景文筆記曰揚州后土祠有花名玉蘂王禹稱愛賞之稱之曰瓊花尤延之金唐



詩話又謂揚州有唐昌觀是以明洪武間府志及成化間高崇本維揚志皆謂著釐觀一名唐昌瓊花一名玉藥不知唐昌觀因唐昌公主得名在陝西長安光業坊玉藥公主手植康駢劇談載神女來游事時王建白居易張籍嚴休復等各有詩此與揚州著釐觀遠不相涉然相承譌誤已非一人一日即宋劉敞蘇軾元宋元亦皆以瓊花為玉藥引用唐昌故實惟葛常之韻語楊秋云瓊花天下無二本惟揚州后土祠有之其他皆聚八仙花近似而非此尤足以破羣

誤鮮謬承矣惜言氏所攷僅辨花之形色而未詳其始末故特徵之群籍俗載於篇以為讀是書者之藉鏡焉至若集中文詩亦多為郡志之所未錄者蓋修志時是書已不易觀矣

附錄傳記參攷材料

揚州府志

武林怡老會詩集一卷 明鈔本

劉啓瑞

明張瀚輯瀚字子文號元洲仁和人嘉靖乙未進士仕為工刑二部郎歷直隸廬州大名郡守陝西廣東四川福建山西藩臬巡撫陝西總督漕運兩廣南京都察院右都御史工部吏部尚書加太子少保贈太保諡恭懿著溪囊蠹餘等書事蹟具詳明史稿傳瀚當萬曆乙酉時致仕家居嘗仿香山九老之例初為武林怡老會會年四集集幾二十人皆高年並武林之耆舊海內之俊賢樽罍既行間以詠歌紀太平

宣性情感慨諷諭時時寄寓於篇什均皆揀德勵志仕宦勉修政行家食無誤鄉評非徒冒榮名積歲月飲食宴樂流連光景已者一時稱為盛會既而萬曆戊子子文集四會之詩復為一篇名曰武林怡老會詩集錄詩一百二十有五首詩家十有八人曰潘翊褚相沈蕃林鳳碩樞孫本王休坤金鐘朱璣邵鑑饒瑞卿張洵張溥錢文昇沈友儒吳臬許載而瀚與焉其與會而無詩者則陳善也每家錄家或一二首或十數首不等詩亦古今體不一要皆視其成詩先

後為序詩境亦各任其意興所到不拘一格正所以  
怡老也此諸老事迹可徵者除瀚外計得十有五人  
曰潘翊字汝昭寧都縣知縣歷湖廣沅州知州直隸  
松江府同知伊府左長史曰褚相字朝弼山西霍州  
知州升江西饒州府同知曰沈蕃字介甫直隸鳳陽  
府臨淮縣知縣補山東青州府樂安縣歷福建福州  
府通判曰林鳳字文瑞鴻臚寺序班供事史館升中  
書舍人曰顧楫字良濟福建延平府沙縣知縣曰孫  
本字立甫直隸真定府深州知州曰王休坤字惟厚  
通政司知事供事史館升中書舍人曰陳善字思敬  
歙縣知縣歷礼部郎僉事參議副使參政按察使雲  
南左布政使曰邵鑑字汝明滁州學政寧國府南陵  
縣知縣曰朱璣字儒珍江西南昌府武寧縣教諭歷  
直隸淮安府沛陽縣知縣雲南廣西府師宗州知州  
直隸淮安府同知曰張洵字子明福建寧化縣知縣  
山東濮州知州江西吉安府同知曰饒瑞卿字應之  
直隸安慶府宿松縣知縣歷廣西桂林府通判福建  
建寧府政和縣知縣四川龍安府推官曰沈友儒字

子真刑部主事歷直隸揚州府同知曰吳臬字憲甫  
山東青州府莒州知州調廣西柳州府賓州知州升  
河南周府長史曰許徽字子峻南京工部主事歷員  
外郎中直隸常州廣西柳州梧州三府知府廣東按  
察使副使餘若金鍾張溥錢文昇者則事迹不可徵  
矣考昔人稱結社之盛者必曰白傅之香山祁公之  
睢陽洛國之洛都而廬山東林不遠焉蓋以其會崇  
真率志尚清修跡謝紛華咏接風雅有以光晚節而  
履終吉者雖越數十百年而彌為人膾炙迨非偶然  
也然跡其行誼猶或有議樂天暮年屏葷茹素似惑  
浮屠睢陽五公縱免此惑而亦有髯霜鬢雪之嗟豈  
盡脫然於遲艾者惟洛都諸老誓約孔嚴礼儀卒度  
庶幾駕軼千古通其中有過守葵藿艱於作主而自  
願辭去如庾公者抑又何也杭故東南一大都會也  
內真胥山外引明聖林亭水竹之勝綉錯綦置視香  
山睢陽洛都迨相匹亞顧自明初迄於萬歷其間名  
公巨卿相繼後先垂黃髮而擁朱旆者固代不乏人  
然會聚不恆倡和寡侶無有如斯會之純且正者豈



不以間適擬香山而不慕禪齒俾睢陽而不嘆老  
禮酌洛都而不苦節所以優於前人乎是則斯集之傳  
亦足以覘其盛矣

附錄傳記參攷材料

明史

明詩綜

續修四庫全書

卷

集部總集類

皇明西江詩選十卷 明嘉靖四年鈔本 劉啓瑞

明韓雍韓陽李奎同編雍字永熙長洲人正統七年

進士授御史負氣果敢以才畧稱景泰二年擢廣東

副使大學士陳循荐為石僉都御史巡撫江西赫然

有才智所規畫措置咸可為後法天順初改山西副

使以事下獄尋起為大理寺少卿復為石僉都御史

巡撫宣府大同入覲為兵部右侍郎旋貶為浙江左

參政成化元年佐趙輔征廣西徭獍有功遷左副都

御史提督兩廣軍務累陞右都御史總督尋罷歸卒

續修四庫全書

卷

集部總集類

謚襄毅事迹具詳明史本傳當其巡撫江西時請追

謚文天祥謝枋得事論歸之復以遍歷列郡考察之

餘訪求洪武以來詩家遺藁長篇短章諸休悉備屬

會稽韓陽廣信李奎與之同選陽字伯陽時適為江

西按察副使奎字文曜時為大理寺少卿而永熙自

總其成集都分十卷錄詩一千二百七十有四首詩

家八十有八人卷一為梁寅朱善劉伯序劉崧朱夢

炎胡季安卷二為王沂王佑解縉胡廣守正金幼孜

卷三為胡儼楊士奇吳溥卷四為鄒緝朱彥昌胡敬

方熊概羅養蒙羅汝敬蕭翀卷五為曾榮李時勉余  
鼎尹昌隆劉子欽卷六為黃宗載梁潛劉球曾鶴齡  
余學夔蕭時中卷七為王英周述周孟簡張徽戴仲  
才卷八為李禎周忱彭連黎光輝潛演曾一本卷九  
為劉士皆周敏劉素孫曰恭陳仲述揭軌李頤劉承  
直熊鼎劉昭年卷十為張無為張率陳汝言周樸賀  
子徽羅坤泰李學黎公昇張潮宗羅子璿劉仲珩彭  
鏞熊升誠李廷儀李仲訓左彥彰鄭誠陳素龔燧黃  
熙涂子雄喻伯唯萬宗海齊尚洪羅碩民黃孟蔚鄭

懷麓堂書畫譜

卷

集部總集類

與常徐行張升同王仲序熊友尚熊子維金思廉魏  
源每家錄詩或一二首至六七十首不等各冠以小  
傳明其爵里事迹蓋仿元遺山中州集例也考江西  
為海內名邦文獻為東南之最由晉歷唐由唐及宋  
才人迭出就宋世言詩則廬陵歐陽氏臨川王氏豫  
章黃氏相繼挺出以古學相高雅音正調足鳴當代  
之盛諸詩派者如呂居仁作西江詩派圖至推黃氏  
為祖而列陳后山以下二十五人為法嗣則其地之  
盛可知矣元興有虞邵庵范太史揭文安諸人高詞

健筆雄視天下悉復盛唐之風逮及明世益振丕緒  
至治崇文詩追古作茲編所選尤擇其純而正典而  
實者入焉故所選諸作雄深而不蕪冗精妙而不粗  
疏麗蔚焉而不流於纖巧渾厚焉而不病於瑣碎誠  
一代之名選也惜乎選中所錄以江右名公為多而  
山林韋布之士收者較少要為美中不足然以曾賓  
谷煥所選江西詩徵明世相比如卷首六家梁寅朱  
善之後繼以劉伯序劉崧朱夢炎之後繼以胡季安  
皆為曾氏之所未錄此固曾氏書有聖漏要亦是書

懷麓堂書畫譜

卷

集部總集類

傳本甚稀曾氏選詩徵時猶未及見也

附錄傳記參攷材料

明史

明詩綜

蘇州府志



雲間三子新詩合稿九卷

明鈔本

劉啓瑞

明陳子龍李雯宋徵與同撰子龍字臥子華亭人雯字舒章上海人徵與字韓文華亭人時子龍方偕郡人立幾社海內宗仰之而舒章韓文尤與之善同為幾社之雋相與倡和無虛夕世之言詩者亦首推雲間三子而三子之名相齊而尤以陳氏為先論者或曰陳李或曰陳宋皆不敢有所軒輊子龍殉難舒章晚節不終韓文且入仕新朝世人遂略舒章韓文而獨稱陳氏後人操選政者更以陳氏忠裕集列明李

續修四庫全書

卷

集部總集類

氏夢齋集宋氏林屋詩列清各為區別蓋有微意存乎其間焉此三子合稿者則甲申國變前作幾社同人所輯者也集都九卷卷一之四為古體詩錄陳氏詩六十二首李氏詩九十九首宋氏詩八十二首共二百四十四首卷五之九為今體詩錄陳氏詩一百八十六首李氏詩二百三首宋氏詩一百六十七首共五百五十六首各以詩體為序先四言古詩次樂府次五言古詩次七言古詩次五言律詩次五言排律次七言律詩次五言絕句次七言絕句各體錄詩

續修四庫全書

卷

集部總集類

多寡不等要悉屬為唱酬之作或感世或興懷皆有合於雅頌之道而非徒詠風雲月露者也按陳忠裕集有三子詩選序略謂庚辰崇禎十三年子治獄越州行役之暇間有篇什不能盡錄者十之二而二子在里門相倡和無倦嘗一再過從相與上會稽探禹穴投贈送別之篇亦有存焉癸未李子從其太僕公入燕邸予移書尼之不聽明年春先皇帝召子為諫官未至京師陷於賊太僕殉難虜師入寇邇李子守父喪不得歸今天子起淮甸都金陵東南底定子入備侍從請急還里宋子間居則梓三人之詩為一集大率皆庚辰以後作也云云今取與是集之詩相較疑三子詩選之序或即為是書所作而又知是書乃有刻本也考崇禎壬申幾社刻文選後社事日擴癸酉陳李刻倡和集時宋年祇十六歲至丙子始在南園與陳倡和故送臥子至南都詩有十年裘馬同知已萬里江湖等比鄰之句陳至南都按之年譜癸未甲申之間也疑此三子詩刻當在乙丙之際鼎革之後故是集所選陳李詩篇大抵庚辛壬癸所作一則

越州從公一則入都行役俱無甲申年詩惟宋之野  
哭三首及聞吳大將軍率關寧兵以東西二虜大破  
李賊二律皆甲申以後詩也甲申鼎革陳方奔走國  
難李則遭大僕之變故詩傳抄少耳據宋甲申年詩  
及陳序云云則是書之刻于乙丙無疑惜乎此為抄  
本首無序言不審刻本所載即此三子詩選序否乎

附錄傳記參攷材料

明史

續修四庫全書

卷

集部總集類

小腆紀傳

明詩綜

離憂集二卷 鈔本

劉啓瑞

明陳瑚輯瑚字言夏別署確庵常熟人崇禎壬午舉  
人生際橫流聖遠言湮以倡明濂洛關閩之傳為已  
任一時起而和之者遠近畢至學者咸稱之為安道  
先生泊乎劫火既燃鳥舉雲散肥遯於荒村寂莫之  
濱憂心愁悴崎嶇乂離不復繫念於當世然身雖隱  
而明道之心愈篤戊子己丑間舉講學會每月朔必  
考德課業同志之士靡然向風相於往來吟咏於七  
十二潭之上於是有離憂集詮次諸同人之詩歌而

續修四庫全書

卷

集部總集類

為之傳記者也離憂者屈原放逐憂愁幽思而作離  
騷太史公以為離騷者猶離憂也集之命名蓋本於  
此集分二卷錄詩家二十有二人每家錄詩或一二  
首或十數不等皆變徵之音也之二十有二人者悉  
為明世遺民國變後皆隱逸不出以舒嘯寄其拂鬱  
不平之氣一寓之於詩故詩家皆冠以別署藉以識  
其與世忘也卷中如文祖堯署滇南先生黃翼聖署  
攝六道人王挺署減庵顧有孝署濯足子陸鉞署異  
庵徐時逸遂庵陸義賓署西郊隱者林佳璣署東山



逸民瞿共美署海外時人瞿宣美署梧陰居士費參署蔚庵吳自惺署遠齋陸廷掄署海樵子陸元泓署畢水漁人陳璧署雪峰李潛署安愚處士李沛署木頭老子李沂署艾山魏應星署弁山衛巷署昌亭餓夫李長祚署雲莫延陳朝典署溫如先生溫如先生者言夏之父也言夏之意蓋以家集殿其最焉每家詩前又各冠以小傳識其姓氏爵里而尤拳拳於節義按有宋之季王鼎翁謝皋羽唐玉潛諸公之事殆與此相類方其運去物改之後傍徨徙倚於殘山賸

水之間孤憤激烈悲鳴長號其平生著述見於諸家別集中者猶斑斑可考識者謂其身不啻滄海之一粟而綱常繫之誠有見於天理民彝之不可泯安道當明末時以理學文章為海內物望一時意氣相與之人又皆重道敦倫之士或倡和焉或傳述焉皆足以啓人心之忠義振末俗之萎靡百世之下誦其詩論其世尚考其人猶足為世法是則斯集之輯安道之意固別有在焉案安道孫橫山布衣述安道年譜有云戊戌離憂集成公以國變後諸賢懷寄負異而

肥遯不得志者紀之以詩綴之以傳列為一集取離騷者離憂之意以為集名等語蓋是集之成已詎甲申國變有五年矣

附錄傳記參攷材料

明詩綜

陳安道年譜

劉啓瑞

續修四庫全書

卷

集部總集類

毛衮毛表毛天回葉裕石湘杜蘅馮名佐葉虞封盛傳敏陳大成劉人琰江龍震龔張嶸費耒陳遜陳遼陳陸輿均一時之從安道游者安道因集其詩每家十數首各加品評冠以小傳述其師承淵源家世爵里或有隱逸不仕者傳中尤道之考漢唐以來凡為學者必有師專門名家各稱詩說而讀書肄業之法至宋之考亭西山為大倫元季則吳萊立夫唱道於白麟溪宋景濂胡仲申為高弟子悉得其蘊奧而景濂當洪武初自槩林歸浦陽方遜志執經來侍一坐

續修四庫全書

卷

集部總集類

也。劍佩鏘如也。其稱詩佚而不偷。怨而不怒。商歌羽音。聲滿天地。以是為可樂而窮。窮而老也。率是而行。古學可以興。俗學可以絕。先王之詩可以變。而克正。若猶是駢花儼葉。以詞賦為君子。則靡靡者天下皆是。而確庵子亦何樂乎。有是哉。余嘗尚論皇初。當九域颺迴。三精霧塞之後。中山開平。以干戈汗馬。蕩滌宇宙。金華以黼黻文章。繪畫日月。其為元功一也。容刀璆璫。陶鑄寧海。麻衣碧血。樹三百年節義之幟。類宮之闕祀也。祖亭其舍。諸此則確庵與諸子之責而



余未能以極論也。此虞山錢蒙叟之序言也。而蒙叟之集失載。故特表而出之。以見安道踐履篤實。志乎聖賢之學。而四方門弟子亦能互相砥礪。克傳其業。皆可於斯集徵之。

附錄傳記參攷材料

明詩綜

安道先生年譜

續修四庫全書

卷

集部總集類

清音集三卷 明鈔本

劉啓瑞

明賀世壽輯。世壽字函伯。別署天放生。丹陽人。丹陽志無其傳。事跡無徵。據卷首自序。謂自謂僇人以來。萬念遺落之語。是函伯曾登仕籍。而又被放者。惜不可詳攷矣。是書專錄歷代登山臨水之作。彙為一編。上起兩漢。下迄宋元。錄文都二百五篇。析為三卷。總名曰清音集。清音者。山水有清音也。其編晉之意。見於自序。略謂劉舍人嘗言。山林阜壤。實文思之奧府。夫當其疏烟孕雨。非有非無。一丘一壑。宛寓文心。至

續修四庫全書

卷

集部總集類

於墨采筆。潤吐納靈怪。猷酬清玄。亦恍若與造物者爭敏巧。豈才人慧業。偏於山水間。機數冥濤。興會潛映耶。予故癖嗜泉石。自為僇人以來。萬念遺落。惟是煙霞結習。不能降伏。嘗咏秋游有句云。未遣文章習。難空山水心。又云。何夜風光不相媚。喜余公已是間人。自謂登高咏深。湛然玄對。澹矣忘歸。不知老之將至。山窓多暇。又謀取古人山水間文字。彙天機而通性靈者。別錄而笥之。題曰清音集。澄懷則天籟自流。觸手而風泉互落。冷冷焉瀟瀟焉。煙液霏微。於竹素。

松蘿蕭瑟於縹囊有會予心更洗吾耳半畝之宮藉以鼓吹花竹三餘之隙因之陶寫性情遂覺宗生四壁尚賴絲桐戴氏雙柑空酬現院所得玄賞不既侈乎云云於此乃知是集之輯原欲以棲心丘壑樂志林泉集古人之名篇作寄興之幽賞開自來選文之例啓歷世遊覽之奇博采不拘於專集搜討或引之史書凡屬雅記悉在網羅每篇又間為考証其事實或加月旦附以品評並能淪漑性靈飽飫視聽虛想巖穴隱躡窮崖具考証佳者如跋宗炳畫山水序云

續修四庫全書

卷

集部總集類

炳字少文宋武帝領荊州辟為主簿不起問其故荅曰棲丘飲谷三十餘年武帝善其對而止好山水愛遠遊西陟荆巫南登衡岳因結宇衡山欲懷尚平之志有疾遂江陵歎曰老疾俱至名山恐難遍歷唯澄懷觀道臥以遊之凡所遊履皆圖之於室撫琴動操欲令衆山皆響云云其性好間適志棲物表悉可於此跋徵之矣其他諸跋亦率類是是蓋非足跡遍天下者不易言也

附錄傳記參攷材料

卷首自序

續修四庫全書

卷

集部總集類



車書樓四六爭奇八卷 明萬曆鈔本 劉啓瑞

明許以忠選以忠字信甫別署養恬主人春穀人春穀今繁昌也繁昌志無其傳不識其曾否入仕有無著述但據卷首程堯功序推之未署萬曆紀元疑信甫或亦與之同時也集名車書樓彙輯各名公四六爭奇又名車書樓四六爭奇車書樓者信甫齋署也四六爭奇者以所選之文悉為明世各家之儷辭也卷首無例言目錄不分體無以知其選輯之旨編次之例今就抽繹所得者言之一錄文上自洪武下迄

續修四庫全書

卷

集部總集類

萬曆凡屬駢辭儷語者錄之而尤以書啓函札為衆其此一也二文体分類除可顯見者外書啓函札一端約以壽啓賀啓候札答書謝函報柬為次每体又各以其作家之先後為次此其二也三作家先後以其時代為序同時者以科目之先後爵級之尊卑為序無者依其行輩之先後為序或按以其答書之人先後為序至若不可攷者則附於後此其三也四每文之後另附評解顧文中之精英與夫引徵之故實各為注釋以便學者若有本文事實或須附見者則

備列之此其四也四端之外可攷見者文則三百二

十有一首作家一百十有一人其間見明史或明史稿者十之六見於各家總集所引者十之三焉惜各家文首不列小傳無以攷知其人之名氏閭里世次官績此一弊也目錄之內不別文体無以攷知其書之分類選文之標準此二弊也注解引書多援緯織徵引故實妄下己意其自附會者有之竟失真者亦有之此三弊也又中格式悉舊章已失坊選之陋繁文辭辭亦所不廢尤乖衡文之旨書中並加圈注為

續修四庫全書

卷

集部總集類

之品評軒輊既非更泯真意此四弊也總此四弊蓋皆明人選文評詩之積習要非信甫一人創始者固不足為其病也程堯功序是集稱其書宗旨俱自墳典中來拔秀揚芬鑿鑿可式以為有剪裁而未始無繩尺以為有關鍵而未始無波瀾一吐一吞極盡風雲之態所云蘭臺幕閣之精括之殆盡管窺之或見其為筌為蹄而不知一派鼓吹為藝圃之亦職其用小為詞人之指南其用大凡士大夫之杼杼陳情罔有不寄徑於茲者云云其推許可為甚至然明世駢

文上既不逮於六朝中亦不媿於唐宋下更不及於  
乾嘉其格卑而其氣弱其辭蕪而其律平皆不足為  
後世法況是編之輯體例不當更不足為後世式而  
堯功稱道乃如是得無為溢美者歟

附錄傳記參攷材料

卷首程堯功序

續修四庫全書

卷

集部總集類

鍊山草堂詩合鈔二卷 明鈔本

劉啓瑞

明王光承暨弟烈同撰光承字玠石烈字名世江南  
華亭縣南橋鎮人今分隸奉賢縣兄弟並為崇禎時  
歲貢生有聲畿社互以道德學行相砥礪尤留心經  
世之務及朝政得失嘗共訪同社邑人陳龍慷慨論  
兵至於泣下陳氏甚推重之比國變兄弟同耕於海  
上之石筍里今分隸南匯境隱逸不出聞南都兵欲  
赴未果尋執政交關權出私門遂太息而止生平詩  
什至夥與陳子龍亦嘗酬唱評其詩者謂雲間三子

續修四庫全書

卷

集部總集類

外玠石兄弟或當另闢一席焉兄弟著述至多均不  
傳此其僅存者集都分上下卷卷上為玠石詩卷下  
為名世詩每卷各以體類先樂府次五言古詩次七  
言古詩次五言律詩次五言排律次七言律詩次五  
言絕句次七言絕句每體各錄詩一二首十數首不  
等皆為昆弟憂時感世之作間有倡和亦多愁苦憤  
懣之音所謂變徵之聲也集中玠石詩如避兵二首  
云昨夜邊書始報聞今朝鼓角忽紛紜免冠前殿廣  
開府錦蓋南山祖鎮軍井幹樓台空萬戶茂陵烽火



入重雲家人扶得相<sub>如</sub>避猶倚長松說古文又云野  
火連天芳草洲茫茫旌旆白雲愁霜清大寨吹龍角  
風起中軍入鳳樓道上解衣懷故印江干遺甲識通  
侯書生奔竄無人問蕭瑟寒林一敝裘又名世詩如  
懷古二首云茫茫兵甲走齊梁鉅鹿關東古戰場六  
國提戈方虎視將軍罷釣亦龍翔當年事業開新主  
今日風雲動太行鼎足不移明大節蒯通何用足  
後皇又云劍閣重關蜀帝都宗臣遺恨月明孤襄陽風  
物多者舊梁父驅馳出壯圖羽扇千年留八陣巴江

終日走三吳可堪仙掌悲零雨銅雀於今定有無均  
感慨蒼涼寓意深遠所謂有心人語也朱竹垞選明  
詩綜曾錄其兄弟詩各一首入選玠石詩送人之廣  
南云並馬銜杯日未曛羊城山水正愁君秋聲已入  
庭前樹客路遙尋嶺外雲溟海上連辰極動星河南  
去越天分年來莫問流入狀知有清猿不可聞名世  
詩送客入楚云大江南北去雪紛紛回首荒臺盡白雲  
夢澤天寒爭夜獵何人鼓瑟弔湘君並凌空峻拔超  
然獨上不愧朱朗詣所稱惟是此二首集中失載意

者王氏詩什或已有散佚歟

附錄傳記參攷材料

明詩綜

小腆紀傳

三蘇雋五卷 明鈔本

劉啟瑞

明湯賓尹選賓尹字嘉賓號睡庵宣城人萬曆乙未  
賜進士第二授翰林院編修歷中允諭德掌司業事  
遷右庶子升南國子監祭酒著有睡庵集此則其所  
選者初睡庵少好宋三蘇文昕夕寢饋雅得其髓嘗  
謂眉有三蘇而淵源之合惟一大約宗之孟軻故文  
於今稱聖語有之文以理為主百家文不雅馴理  
蔽也孟軻理中文學士研其理不暇標其文蘇氏文  
中理學士賞其文尤貴根其理高山巨川巉巖萬狀

續修四庫全書

卷

集部總集類

浩漫千頃可望而不可竟者蘇之大也名園曲檻繞  
翠環碧十步一停百步一止徘徊而不欲去者蘇之  
細也疎雨微雲清茗白雪濃淡總相宜者蘇之間雅  
也風濤烟樹曉夕百變刻鏤夷曲轉入轉佳令人驚  
顧錯愕而莫可控揣者蘇之怪奇也其何以發微乃  
爾則家傳學脈之正父子兄弟並有浩氣然在故理  
溢為文鮮澄爽徹秦漢以來作者莊之幻馬之覈陶  
之逸白之超蘇氏蓋集其大成因選三蘇文之最雋  
者為五卷名曰三蘇雋即是本也編中錄老泉文為

第一卷東坡文為第二之四卷類濱文為第五卷都

文三百五十有八首每首各為品評以見其文之精  
意其評蘇老泉辨姦論有云介甫名始盛時老蘇作  
辨姦論譏其不近人情厥後新法煩苛毒流寰宇晚  
歲歸鍾山作放魚詩云物我皆畏苦捨之寧啖茹其  
與梁武帝窮兵嗜殺而以麵代犧者何殊余嘗有詩  
云錯認蒼姬六典書中原從此變蕭疎幅巾投老鍾  
山日辛苦區區活數魚此亦可以見其大奸慝處老  
蘇之論信為有見云云其品評誠為精到按張文定

續修四庫全書

卷

集部總集類

作蘇眉山墓表有云嘉祐初王安石名始盛朋黨友  
傾一時其命相制曰生民以來數人而已造作語言  
至以為幾於聖人歐陽修亦善之勸先生與之遊而  
安石亦願交於先生先生曰吾知其人矣是不近人  
情者鮮不為天下患安石之母死士大夫皆往弔先  
生獨不往作辨姦論一篇等語嘉賓是評蓋本於此  
而又闡發其所未盡其他諸評亦多類是蓋寢饋久  
而積力深得其精蘊故所評之言無不當也惜嘉賓  
之詩不類蘇氏如弔同年友於鼎季云落木淒淒江



水渾行吟澤畔已聲吞、三年地下君安否、人世風波不可言詩派近俚罕足比者、是亦有工有不工矣

附錄傳記參攷材料

明詩綜

續修四庫全書

卷

集部總集類

海嶽靈秀集二十二卷 明萬曆元年魯藩刻本

劉啓瑞

明朱觀炬選觀炬字中立魯藩鉅野僖順王玄孫封鎮國中尉好著述喜文詩尤擅書畫嘗手繪太平圖一卷上永陵被嘉獎又著畫法權輿傳世事迹具詳明史本傳此則其所輯山東諸家詩也山東詩教素著孔子刪詩正而不邪為詩教之始厥後業詩者魯則申培公齊則轅固生皆顯名當世累傳不墜王式以詩諫韋孟以詩風而孟之孫若賢及玄成賞貴極

續修四庫全書

卷

集部總集類

於取將相天下以經術歸齊魯而詩尤為之冠降至明世迨於弘德其間一百四十年中詩教之盛亡異於周漢之時而齊魯之存紳達振繼有未能舍訓故而談比興者然如邊司徒廷實乃確能得雅頌之遺司徒於詩當李何之力復古而司徒悉厄賦以從鼎足而稱三傑又五十年而有李觀察于鱗觀察之詩志在超乘足將牛耳自是厥後其彰彰在人耳目者如殷近夫蘇允吉靳子愚李伯承楊伯謙馮汝行兄弟等或矯勁其骨或澹雅其旨彬彬然三百篇之緒

而有合於夫子之詩教者觀樞風工詩又當留心山左文獻考詩教之盛為他邦所不及因輯明初以來諸家之詩彙為二十二卷錄詩十餘首詩家三十有六人總名曰海藏靈秀集蓋取殷鑒河嶽英靈集意也其例一人以時次同時者以科第先後為序無者視其行輩先後為序二詩以體次每家皆次以五言古詩七言古詩五言律詩七言律詩五言絕詩七言絕詩諸體三各家詩什或錄十數首或錄數十首不等均視其詩什之善否為定故一卷錄一家者有之

續修四庫全書

卷

集部總集類

錄二家及附見者亦有之四采詩所本或取自專集或輯之總龜或訪之子孫或收之冷肆其已有刊本世行者錄較少其僅存零縑斷簡者悉錄之以寓表微闡幽之意此其全書體例之畧而抽繹所得者也若其所錄詩家卷一則殷石川卷二則邊華泉劉函山卷三則李北山龔虹洲卷四則王順渠黃海亭卷五則李中麓卷六則李滄溟卷七則馮陂門卷八則許龍石卷九蘇則穀原蘇鴻石卷十則劉範東李西吾卷十一則靳兩城卷十二則楊夢山卷十三則許

空石卷十四則馮少洲劉念庵卷十五則吳旺湖丁觀峯卷十六則郭魯川卷十七則謝四溟戚南塘卷十八則馮海浮趙少虛卷十九則方兩江沈澄川卷二十則蘇玄石卷二十一則于穀峰附于航隱于冊川附劉孺人卷二十二則魯藩二宗室蓋以家集殷其後焉考清世盧見曾輯國朝山左詩抄時嘗欲搜輯明世詩什為山左文獻之徵會遭連戍未遑言及其反宋弼踵成之名曰山左明詩抄時人殊稱其備謂不在沈歸愚明詩別裁之下今取與此集相較其

續修四庫全書

卷

集部總集類

罍漏蓋猶宏多於此益信古人輯選之難搜羅至屬不易倘宋氏當日得見此豈復有所遺哉

附錄傳記參攷材料

明史



蓬萊閣集十卷 明萬曆三十一年刻本 劉啓瑞

明馬行健輯行健字運強大寧人萬曆間進士官山東蓬萊縣知縣事跡無徵今據山東通志職官表攷之如是職官表稱其任蓬萊時為萬曆二十九年辛丑今卷末自跋稱輯是書為萬曆癸卯是則三十一<sup>萬曆</sup>年也攷昔人謂蓬萊方又瀛洲在海之中皆神仙所居人莫能及其處其言恍惚詭異多出於方士之說難於取信然世人相傳即登州海中之沙門島而秦漢之君東遊以追其跡者又相率止於是以是改邑

續修四庫全書

卷

集部總集類

名為蓬萊復於海島中小垣山築祠以祀海神額之曰蓬萊閣此為閣名之始閣不知何時建據邑志謂宋蘇軾由端明殿學士知登州時曾禱祀於此是則此閣之建也久矣閣既居海中為蛟龍之所出沒層氣之所滃結洪濤巨浪之騰沛居民亦艱於航海不克以時而祝釐閣遂以圯逮明成化七年督斯土者始遷於近城之崖而鳩工庀材崇墻殿宇視昔閣為閭麗焉自是厥後代有修葺過斯閣而題名或咏詩者蓋比比是行健既官斯土因為之彙葺歷代題咏

合為一集命之曰蓬萊閣集復上考始皇琅琊臺刻石本玄虛海賦及隋煬咏海之詩下迄同時題署總得十卷以體為次先刻石文次招海賈文次碑銘次海石記次蓬萊閣記次五言古詩次七言古詩次五言絕句次七言絕句次五言律詩次七言律詩次和韵詩均以詩文體類別而各為之分釐焉其同體者以時為次同時者又以其題署之先後為序計是集之所錄刻石海賦咏海詩題署詩等總達百餘家其間最著者如秦則始皇晉則木玄虛隋則煬帝虞茂

續修四庫全書

卷

集部總集類

楊師道唐則太宗盧肇王維張何姜公輔李白高適柳宗元獨孤授楊濤張友正王起高適獨孤及孟浩然劉詹虛薛據李益韋應物李嶠周絲賈島李洞宋則蘇軾朱處約賈黃中王師中梅賁杜子民趙抃許遵等元則趙亨張國卿蕭貢邢具瞻黨懷英王應庵李本丘處機王汝玉黃士表李愿于欽等明則高啓丘濬韓敏薛瑄楊琅張璠楊瑞吳謙王崇慶于濬杜庠王士昭秦金喬宇張穆杜民表陳鳳梧左思忠游連張鵬顧中立姚文焰沈松潘九齡趙秉倫陳鼎浦

鉉郭忠泉鄭芸楊載鳴王傳李洞吳景浦之浩王言  
陳其學周整譚綱應大柱吳維嶽趙紳王世貞喬應  
春郭朴張應登李填周寵趙鶴齡等均皆彰彰在人  
耳目者其他各家亦多見於正史或載籍者茲不備  
錄馬集末並附馬氏自題詩四律亦頗雋永其尤佳  
者一律云一上蓬萊眼便空此身疑在廣寒宮雲圍  
滄溟浮山綠日發扶桑映水紅後樂且娛今日景前  
程休問幾時通臨深恨少滴桐句海若相憐不謂窮  
是亦善於詩者

附錄傳記參攷材料

山東通志

休陽詩雋前編四卷後編八卷 明天啓四年刻本

劉啓瑞

明汪先岸輯先岸字登子號同卿別署白嶽山人休  
寧人萬曆己丑進士南京太僕寺少卿家世受毛詩  
而尤精唐律居嘗搜輯徽州鄉賢篇什欲為閭里詩  
徵嘗謂唐有六集曰篋中曰國秀曰搜野曰河嶽英  
靈曰極玄曰中興間氣此皆以唐人而選唐詩者比  
其時詩為功令家吟戶咏作者如林其篇什不可殫  
述然諸集中共得人二百有六詩七百七十一首是

何元結諸君子所收如此其儉或亦有微意存乎其  
間歟明興經術設科郁郁乎文而詩學亦復不少徽  
郡隸於首善之區漸被實通休陽詩壇與白嶽爭峻  
騷人墨士往往狎盟四方聲聞於因以暇日蒐輯休  
陽當代之詩名之詩雋雋者謂非雋則弗傳非雋則  
弗錄也云云蓋以休陽之人而選休陽之詩既為一  
邑文獻之徵尤寓表微闡幽之意意至善也是集計  
分二編曰前編曰後編前編四卷乃涓益李功甫教  
薇詩類編與汪汝父淮徽郡詩二書而成間有增汰



亦復謹嚴。後編八卷。則同鄉自輯者。上起洪武。下迄天啓。凡有佳什。都在網羅。篇帙之富。蓋視前編加倍焉。其編輯之例。凡有十端。今權量言之。可總為四。一。詩什前後。概以人次。不以體分。人之先後。亦以時序。不以仕官隱逸為分。昔功甫汝父之刻。俱以汪忠勤伯冠首。蓋以元勳而弁書端。茲則以趙東山為首。亦國初之人望也。二。作者小傳。原以明其姓名爵里。世序後先。倘別為一編。列之卷首。則錄冗失當。倘各人附見。則又慮檢尋為難。茲則隨卷編錄。以便繹閱。而

續修四庫全書

卷

集部總集類

家集殿後。則尤所以明世序也。三。詩篇采擇。務從賅廣。其已見各家選集者。悉錄之。有專集者。選載之。倘或時賢藻翰。盟壇和章。如有關於地方文獻。則備錄之。如或遺興咏懷。無關政教。則寧缺勿濫焉。四。各家篇什。多寡遺錄不一。或一人數十首。或數家僅一卷。各襲其篇什之長。非有心於損益。而所錄者。尤以詩家原作為主。倘或託名署篇。則刊落之。之四端也。皆其書其大較也。若夫家集之後。附以已作。則尤異於各家選輯之例。其自序謂蕪章妄附篇末者。蓋以燕

石不可入。溷珠璣。既屬收刊。又不敢以主踰客。就正是圖。不復藏拙云云。是蓋以已作殿後。妄附前賢。既連生存。不錄之旨。更增廁名附雅之譏。然徵之昔人選詩。無不已意為進退。唐人尚猶不免。明人更之。無論矣。同鄉之鑒。尤其小焉者也。

附錄傳記參攷材料

徽州府志

續修四庫全書

卷

集部總集類

皇明律範二十三卷 明刻本

劉啓瑞

明郭玄極選玄極字玄生林陵人今江寧也邑志無傳江蘇詩徵金陵詩徵文徵等俱無名據卷首李維禎序知其為隆萬間人又李序稱其為使君蓋亦曾筮仕者惜其詳不可攷矣是書專選明人律詩為主蓋藉以為世人軌範者計分五律七律為二卷一之十為五律卷十一之二十三為七律各以時代之先後次第各家之篇什而方外釋道閨閣則另為一編各附諸卷末蓋襍而不廁焉卷一錄詩一百五十四

續修四庫全書

卷

集部總集類

首詩家七十四人卷二錄詩八十九首詩家四人卷三錄詩八十九首詩家四人卷四錄詩一百五十五首詩家五十五人卷五錄詩九十五首詩家四十四人卷六錄詩一百六十六首詩家三人卷七錄詩一百四十八首詩家十三人卷八錄詩一百四十一首詩家十八人卷九錄詩九十首詩家三十六人卷十錄詩二百八十九首詩家三十四人都錄詩一千五百十六首詩家二百七十七人此五律也卷十一錄詩一百一十七首詩家八十二人卷十二錄詩一百二首

詩家六十二人卷十三錄詩四十八首詩家三十二

人卷十四錄詩九十二首詩家二人卷十五錄詩一百二十八首詩家三十九人卷十六錄詩一百十五首詩家五十六人卷十七錄詩九十一首詩家二人卷十八錄詩一百九首詩家一人卷十九錄詩九十七首詩家十四人卷二十錄詩九十三首詩家四人卷二十一錄詩一百三十一首詩家二人卷二十二錄詩一百二首詩家三十九人卷二十三錄詩三百七十首詩家四十五人都錄詩一千五百九十六首

續修四庫全書

卷

集部總集類

詩家三百八十八人此七律也復於詩首詳載詩人字里世次俾世之考文徵獻者取焉案詩體變遷律最晚出錄風雅頌以來為樂府為古選為歌行絕句而律詩始出五之為四十言七之為五十六言其體未嘗不沿於樂府而實不相似以其體為晚出而與諸體分道而馳勝負爭於片言美惡懸於隻字諸體伸縮由人而律則為體所未縛故詩不易工者莫如律唐以律盛垂八百餘年盡善盡美世咸宗之明律克紹其緒乃能與之相儔明者且謂出於唐而盛於唐



馬撥殿壇變約有四端明洪永之際律得唐之中成  
化以前律得唐之晚弘正之際律得唐中威之間嘉  
隆之際律得唐初威之間蓋其威於唐而又久於唐  
矣茲再合諸體而言之以律詩為難復析律體而論  
之以七言為最難唐五言律自初及中得一長以成  
一家者甚眾至於七言初則體未嚴中則格已降雖  
當盛時合作者鮮而明律七言較五言迨有過之蓋  
已兼唐之所感而擅唐之所難矣凡此諸端皆可於  
斯集徵之是則斯集也不徒為明律之軌範且可於

此規明律之源流升降與夫盛衰矣

附錄傳記參攷材料

卷首李維禎序

影園瑤華集三卷 乾隆二十七年鄭氏重刻本

劉啓瑞

明鄭元勳輯元勳字超宗崇禎癸未進士以母老家  
居不仕甲申聞國變痛哭出家資募勇使捍禦鄉里  
會福王立命高傑鎮揚州裨將驕悍怒掠城外超宗  
單騎往說大亂立平民情疑洵誤解勳意謂將翻城  
應寇竟罹非命督師史可法斬亂民三人以祭逾三  
日而有兵部職方之命時元勳已及於難矣先是元  
勳家饒於財築草堂於蜀岡之南讀書養母華亭董

玄宰以為在柳影水影山影之間題曰影園手書二  
字以贈之素風流播勝流過廣陵者莫不以不踞影  
園之門戶為恨飭廚掃徑賓至如歸吳橋范景文吉  
水劉同升其往來最熟者崇禎庚辰園中黃牡丹忽  
放一枝一時碩彥成就翫賞有詩百餘章超宗悉糊  
名易書送虞山錢蒙叟評定甲乙南海黎美周遂球  
實為之冠因鑄金甌一雙內鐫黃牡丹狀元字贈之  
既而益東園中題咏之作刊布遠近題曰瑤華集從  
岳岱今兩瑤華例也集分三卷首卷錄詠黃牡丹詩

黎遂球十律外有梁雲構萬時華徐穎買襄陳名夏  
梁應圻顧爾邁梁于洪王光魯李陳玉程運馬是龍  
姜垓李之本陳丹衷李之椿姜永宗諸詩次續詠黃  
牡丹詩有錢謙益四律次黎氏謝金甌儼東中卷錄  
茅元儀影園記黎遂球影園賦元勳影園自記而附  
以劉侗顧爾邁兩跋末卷則為各家題贈倡和之篇  
其詩題則有寄題影園遊影園探梅影園夏飲影園  
看芙蓉影園影園秋夜影園翫月影園留別影園即  
景諸目其作家則有萬時華丁孚乾甘元鼎顧爾邁

續修影園書

卷

集部總集類

周正儒梁于洪李澹然范景文錢位坤陳聲曾徐穎  
孫竹姜垓徐遵湯史在醇沈元龍陳名夏萬年華汪  
立賢汪應宣孫復道強惟良梁應圻李之實徐宗道  
閻汝哲劉同升黃裳吉茅元儀冒襄陳丹衷陳素來  
國弼趙進美諸人其詩體則有五言古詩七言古詩  
五言律詩七言律詩五言絕詩七言絕詩諸格而詩  
餘亦附載焉考元世至正末年崑山顧阿瑛家富於  
貲築草堂於玉山四海名流以詩為幽贊者咸申縞  
紵楊廉夫方居吳中及諸弟子皆主其家開設壇坫

標映一時阿瑛嘗輯其草堂觴詠之詩都為一集今  
世所傳草堂雅集者是也時四海鼎沸淮張竊據中  
吳玉山在其境內不能自拔蹉跎而死其事其時均  
與趙宗相類而趙宗是集之輯尤與之同風夫文章  
聲氣學士之結習論不歸於卓詭事不切於倫常不  
踰時而散為飄風燐火者有之若賢人聚而星明正  
氣伸而道重雖一編之詩三光五嶽蟠結於行間可  
以昭回於千載之下者蓋鮮而是集所錄如范景文  
劉同升竟殉社稷而黎美周毀家紓難畢命虔州與  
趙宗後先輝映是則斯編也之輯與玉山相較其相  
去固未可以道里計矣

續修影園書

卷

集部總集類

附錄傳記參攷材料

康熙重修揚州府志

明畫錄



彙選百家評林明文珠璣十卷 明萬曆二十二年刻  
本

劉啓瑞

明焦竑選竑字弱侯江寧人為諸生有盛名從督學御史耿定向學復質疑於羅汝芳舉嘉靖四十三年鄉試萬曆十七年以進士第一人官翰林院修撰益討習國朝典章二十二年大學士陳于陞建議修國史欲竑專領其事竑遜謝乃先撰經籍志其他率與所撰館亦竟罷竑既負重名性復疎直時事有不可輒形之言論政府亦惡之張位尤甚二十五年主順

續修四庫全書

卷

集部總集類

天卿試舉子曹蕃等九人文多險誕語竑被劾謫福寧州同知歲餘大計復鵠杖竑遂不復出竑博極群書自經史至稗官雜說無不淹貫善為古文典正雅馴卓然名家集名澹園竑所自號也講學以汝芳為宗而善定向兄弟及李贄時頗以禪學譏之萬曆四十八年卒年八十熹宗時以先朝講讀恩復官贈諭德福王時追諡文端事跡具詳明史本傳是編則其所選之明代文也明代以制藝取士士皆溺於舉業相沿二百餘年莫有改者而歷代之名臣魁儒又相

續修四庫全書

卷

集部總集類

率以舉業為進身之階以故世之論文者莫不以制藝為宗而世之選文者益以有裨於舉業者而後選選者既旨有所屬則其所選之文有當與否固足以概見而明世一代之文其不足槩括也益愈明而焦氏是編獨能矯其弊務取名臣章疏朝廷詔檄以為世人識國家要務者取而又採諸大家之文以為治古文辭者之式雖自序猶謂可以為後進法程有益舉業實則所選之文乃復絕不相類於此益足知其用心為何如矣其編次之法首列聖詔示尊君也次則各以人次略以時代為序而不以文体為分故詔檄之下繼以宋濂王禕劉基方孝孺為首卷朱善吳伯宗呂柟丘濬羅倫曾啓程敏政楊一清王鏊高啓何喬崔銳張純為二卷邵寶李夢陽何景明許綸張時徹楊德政秦清徐禎卿顧璘王守仁劉弘賓為三卷楊載鳴張邦奇楊慎陳德文霍韜鄒守益胡纘宗柯維騏田汝成王慎中謝驥唐順之阮鶚沈越劉堯誨鄭曉海瑞楊繼盛為四卷薛應旗黃省曾王維禎高拱茅坤徐師曾李攀龍張四維翁大立張居正

汪道昆為五卷、王世貞宗臣申時行許國王錫爵何洛文于慎行王世懋為六卷、沈一貫徐顯卿朱廣陳于陞劉虞慶吳中行楊四知黃洪憲陸可求為七卷、李維禎郭子章阮子孝馮夢禎李存恕楊應賓黃輝為八卷、袁黃王雲鳳沈自邨區大相鄒德溥楊起元張一桂李道統李廷機葉向高劉應秋蕭雲舉范梈敬陶望齡為九卷、周應賓董其昌鄧宗齡吳應賓唐文獻彭烺袁宗道李啓美劉曰寧為十卷、而以自作附見焉。此其編次之大凡也。至於每家錄文之多寡

續修四庫全書

卷

集部總集類

或一首或十數首不等。要皆有關於補功令存典章伸忠義遏奸回稍有裨於世道人心者而後取。雖間有文優而人劣者固不以人廢言。或人是而文遜者亦不以言廢人。惟在得其當與是而已矣。而每家文首又復冠以各家品評藉為承學者之楷式。尤有功於後學。書名彙選百家評林明文珠璣者蓋以此也。竊嘗與友人論當代文謂唐世之文實不勝法宋世之文法不勝詞近世之文則吾不知彼其所有者道耶事功耶。蔑其實而欲妄之為詞身居一室而指顧

環海之圖家蓋屢空而侈談崇高之饗非徒實不中窾乃其中疑似影響方不自快又安能憮然于口與手乎云云蓋於當代之文已深致不滿况于制藝故於是編之選別初宏謀志規於正殆亦有深意存乎其間也說見澹園集與友人論文書中

附錄傳記參攷材料

明史

續修四庫全書

卷

集部總集類



翰海十卷 明刻本

劉啓瑞

明陳繼儒選繼儒字仲醇松江華亭人幼穎異能文章同郡徐階特器重之長為諸生與董其昌齊名太倉王錫爵招與子衡讀書友硯山王世貞亦雅重繼儒三吳名下士爭欲得為師友繼儒通明高邁年甫二十九取儒衣冠焚棄之隱居崑山之陽構廟祀二陸草堂數椽焚香晏坐意豁如也時錫山顧憲成講學東林招之謝弗往親亡葬神山麓遂築室東余山杜門著述有終焉之志工詩善文短翰小詞皆極風

續修四庫全書

卷

集部總集類

致無能繪事又博文強識經史諸子術伎裨官與二氏家言靡不較數或剽取瑣言僻事詮次成書遠近競相購寫徵請詩文者無虛日性喜獎掖士類屢常滿戶外片言酬應莫不當意去暇則與黃冠老衲窮峯泖之勝吟嘯忘返足跡罕入城市其昌為築采仲樓招之至黃道周疏稱志尚高雅博學多通不如繼儒其推重如此侍郎沈演及御史給事中諸朝貴先後論荐謂繼儒道高齒茂宜如聘吳與弼故事屢奉詔徵用皆以疾辭卒年八十有二是編乃繼儒自所

選輯而命門人沈佳胤重為次第者專取心書翰為

主編取周秦兩漢之文下逮近世凡屬函札都在網

列總為一集名曰翰海為部十曰情部曰美言部曰

自敘部曰文際部曰情至部曰藥石部曰憤部曰逸

部曰臥遊部曰文部每部各為類別情部為類四曰

思曰惜別曰旅曰訊候美言部為類五曰贊美曰稱

美曰荐曰屬曰憐才自敘部為類四曰述曰謙曰自

快曰銜戢交際部為類十有四曰邀顧曰謝顧曰謝

不顧曰報晤曰敘失晤曰謝翰曰討無翰曰餽曰謝

續修四庫全書

卷

集部總集類

餽曰辭餽曰招飲曰辭飲曰謝飲曰乞情至部為類五曰慰曰悼逝曰唁曰賀曰諧謔藥石部為類二曰勉曰砥憤部為類四曰恨恨曰鄙薄曰諄讓曰慨世逸部為類二曰邀思曰邀臥遊部為類四曰郊居樂曰山居樂曰逸政曰紀遊文部為類三曰論文曰論讀書曰論書畫總為類四十有七錄文部一千一百八十有三首釐為十卷每卷各以部分標而不廁每文各加評點藉便誦讀信乎其為翰海也考明人最喜小牘或選前代名翰或取當世文札集而為書者

蓋比比是此特其一也。繼儒為當世所推重，所選諸書又皆為當世所誦讀，故此編既梓，世皆風行。然是書所選諸文，如選周楚莊姬上楚王書及鬼谷子與儀秦書入之砭類，選漢卓文君與夫長卿書及王嫱報漢元帝書入之恨恨類，均有未是。莊姬之書，王嫱之報，皆後人所偽託。鬼谷之言，近於誕。文君之札，近於虛，皆不應收入。即收矣，亦不應列之於砭與恨恨兩類。其他諸札所入亦多類是。蓋此書分類既未盡，當錄文又復蕪穢不精也。朱竹垞靜志居詩話謂仲

續修四庫全書

卷

集部總集類

臨以處士虛聲，傾動朝野，守令之臧否，由夫片言。詩文之佳惡，冀其一顧。市骨董者，如赴畢良史權場，品書畫者，必求張懷瓘估價。肘有兔園之冊，門闥驚羽之車，時無英雄，互相矜飾。甚至吳綾越布，皆被其名。竈妾餅師，爭呼其字。今遺集具在，未免名不副實。云詆之可謂備至，然取是集相較，擇焉不精，編之不當。意者竹垞此言，或亦未可盡非也。

附錄傳記參攷材料

明文

明詩綜

明畫錄

續修四庫全書

卷

集部總集類



皇明文則大成二十二卷 明萬曆元年刻本

劉啓瑞

明慎蒙許選蒙字山泉號正子吳興歸安人嘉靖癸丑進士累官南京湖廣道巡按直隸監察御史事跡具載吳興府志茲則其所評選者山泉嘗論明文選本以新安程敏政文衡為最倫惜所選諸作以國初之文為多時猶未脫元人之習亦如唐之沿六朝宋之沿五代氣與運會使然非人力之所能與迨至孝廟闢西李崆峒出力追古制號為中興一時徐何彬

續修四庫全書

卷

集部總集類

彬輩出馳騁藝苑幾復於古時選文者如皇明文選文苑之屬不失之冗即失之濫更較文衡為蕪方之程氏誠有未逮因復別為評選以文衡文選文苑為主刪其舊之冗者增其今之未入者錄其文之有為者削其文之空言無當者勒成一書名曰皇明文則大成蓋欲以是為天下則也書共二十有二卷為類三十有五曰檄曰詔曰制曰初曰群章曰表曰頌曰議曰奏議曰疏曰錄曰贊曰箴曰銘曰原曰辯曰說曰議者曰文曰證曰論曰序曰記曰傳曰書曰題曰

續修四庫全書

卷

集部總集類

跋曰書後曰讀後曰碑銘曰墓志銘曰行狀曰墓表曰哀辭曰祭文每類錄文或一二首或十數首不等共得文千餘首作家百數十人仿玉台新詠之例別題作者姓名於篇首例至正也而書中去取之嚴尤足以當文則之目總其要端約十有二一文以明道紀事以垂教也不及道與事者於世教何補故凡文之贈行慶賀隨時應答者雖工不錄二忠孝節義生人之大閑所以風勵當時興起後世者也故凡傳忠孝節義者不論文之高下者畢錄使達節懿行因文以傳所謂顯微闡幽意也三高人隱士雖不與忠義者同科然亦能逃脫世網足以為貪而不返者戒故不論文之高下者畢錄四闡明理學足以發前賢之所未發關於道統者甚大故錄陽明白沙諸子之文五今人志墓過於稱譽既失善善惡惡之旨尤乖褒貶之義故志文非人品最高有合於公論者不錄六文集之序愈趨愈妄人皆班馬詞盡屈宋稱揚過情言夸且誕故於序文雖工者亦不錄七方選志文篇篇皆有闕世教根本六經故集中於其文什選者獨

多。八是選兼主教化。故鐵漢樓記與漢愍帝廟碑。鼎記。羅文質公序。鷄鶉記。畢錄者。欲假其文以傳其人。故不論其文之工拙錄之。又吳興弼及解大紳鄉祠文移亦附入者。亦以教化有關也。九昔人謂漢無駢唐無賦。況沿至今日。則其文益錄。其模擬益甚。崆峒所謂異其意而襲其詞者。風雲月露何取於文。故是集凡賦不錄者。以此十名山巖洞之勝。雖於世道無關。然紀歷甚詳。使觀之者若親至其地。亦足以當臥遊。故凡記遊覽者。畢錄。十一奏議止錄五篇者。以

兵法入神。關係甚大。特表之以立教。不厭其複也。十二洪武迄今。凡名臣功臣碑文誌傳。皆不錄者。以有功臣錄及理學名臣錄。近復有近代名臣錄。名臣言行全錄。再加哀選。似為重複。故削而不錄云云。凡此皆是編選輯之大端。有合於聖賢立言之旨者。而是篇之蒐采。博別擇之嚴。擬之程氏文衡。固已凌駕而上。較之文選文苑。更有軒輊之分。名之文則誠非誣也。

附錄傳記參攷材料

浙江通志

吳興府志

歸安縣志



皇明經濟文錄四十一卷 明嘉靖三十三年刻本

劉啓瑞

明萬表輯表字民望晚號鹿園居士鄞縣人正德末中武進士累官淮安總兵提督漕運南京中軍都督府都督僉事著玩鹿亭稿事跡具詳明史稿本傳家世勲勩累著功績逮及民望尤擅韜謀嘗破寇於浙江悉以奇兵為用退食之暇又嘗留心時務志存開濟而於朝章國故更所究心當其運漕之時曾蒐輯一代之典章彙為漕暇錄若干卷其意以為堯舜之

續修四庫全書

卷

集部總集類

道不以仁政不能平治天下士欲致君堯舜當求之於朝政典章典章謂何祖宗之法是也祖宗之法即堯舜之法舍祖宗之法而別求所謂堯舜之法者皆妄且凡物之製也有体裁焉久而或弊修治以存之可也因其弊而去之易之以美材弗善也或非其休也夫典章乃國家之元氣典章具存而國家之元氣完矣雖歷代沿革之不同諸臣議論之勤懇惟以復其舊而已故茲錄者皆以發明夫典章者也云云其說見於自序惟是卷帙過繁書成未刊既而又見黃

君訓所集之名臣經濟錄及其九邊十三省錄因又

刺取其若干篇以入越十年又得阮鶚所集之大名

新刻疏義更采其數十篇為輔逮及嘉靖中葉官南

京中軍都督府都督僉事時始克彙集前此所錄者

益以各家文集擷其精華去其糟粕總為一編名曰

皇明經濟文錄文錄者錄明代經濟之文也始自洪

武迄於嘉靖凡歷代之典章國故靡不網列為卷四

十有一為類三十有三曰開國曰保治曰吏部曰戶

部曰禮部曰兵部曰刑部曰工部曰南直隸曰北直

續修四庫全書

卷

集部總集類

隸曰浙江曰江西曰福建曰湖廣曰河南曰陝西曰山東曰山西曰四川曰廣東曰廣西曰雲南曰貴州曰九邊通考曰遼東曰薊州曰宣府曰大同曰三關曰榆林曰寧夏曰甘肅曰固原先之以開國所以識國體也次之以保治所以識平治天下也次之以六部所以識朝政之樞機也次之以十三省所以識民情之癡結與地方之興衰也次之以九邊通攷所以識其形勢也次之以九邊所以識外患之頻仍也凡此皆其分類之大要也至於分卷每類或一卷或二

三卷不等。錄文亦多寡互異。均擇其有關於朝政之大者始錄之。如保治一類。所錄者以漢府之變。趙府之變。王振之變。石亨之變。曹吉祥之變為多。其他諸類亦率相似。綜其大要。可分六端。一凡先臣訐謀。淵慮。忠言嘉猷。久而無弊者。則錄之。二凡達權處變。安危定亂。保社稷者。則錄之。三凡老成謀識。深達國体。曲當時宜。不愆舊章者。則錄之。四凡言由深衷。事專毗主。犯顏無諱者。則錄之。五凡論事必原始。詳夫沿革之因。可倫徵攷者。則錄之。六凡議論剴切。深究

時弊有所建明者。則錄之。若夫言悉民隱。而處置或未一一盡當者。亦錄之。以見其成敗之由。而為治世者之所昭鑒。意存炯戒。旨寓興亡。尤見其識見之大。至於辭詞泛論。不切機宜。或論事瑣屑。非關大体。無裨經濟者。皆不錄入。此益臻其選輯之精。去取之嚴。方之皇明經世文編。其錄殺精蕪。益未可以相較矣。

附錄傳記參攷材料

明史稿

明詩綜



皇明百大家文選十七卷 明萬曆十三年刻本

劉啓瑞

明朱國祚選國祚字兆隆號養淳浙江秀水人以太醫院籍補順天府學生萬曆壬午中鄉試明年癸未賜進士第一人除翰林院修撰知起居注己丑充會試同考官辛卯典試江西歷司經局洗馬遷諭德丁酉典試應天進右庶子戊戌以禮部右侍郎兼翰林院侍讀學士攝禮部尚書事壬寅轉吏部右侍郎引疾歸光宗即位起南京禮部尚書是年命入東閣加

續修四庫全書

卷

集部總集類

太子太保進文淵閣壬戌主會試尋以戶部尚書兼武英殿大學士加少傅回籍卒贈太傅諡文恪事跡具詳明史本傳所著有介石齋集所輯則皇明百大家文選也文選者以其所選明世之文而又以百大家為斷也當文恪初入翰苑時嘗與同僚習文事進奉之暇每病末俗文風流於卑靡文休既乖文氣日弱思有以挽救之因與編修楊起元石樓侍讀張位洪陽檢討王祖嫡師竹等共選有明一代之文藉以為舉業楷式上起洪武下迄萬曆錄文都三百八十

有三首作家一百人此百人中其昭昭在人耳目者

如王鳳洲茅鹿門宗方城李滄溟顧涇陽吳川樓宋潛溪鄭汝泉方遜齋楊耕山李空同陳白沙唐荆川許松皋唐伯虎薛敬齋李西崖歸震川王陽明楊升庵王左輔羅念菴程篁墩劉伯溫祝枝山王玉源于忠肅何仲默葉桐齋鄭少谷等或為名臣或為名儒或功業彪炳昭著後世或文章顯赫蜚聲藝林均皆卓卓可傳者稱之為大家固宜也各家之文復以類次先各志如錦衣志庚戌始末志是次功臣贊如開

續修四庫全書

卷

集部總集類

國功臣贊成祖功臣贊是次書序如漢書許林序古今誼法通紀序是次贈序如贈魯尹序贈徐子與入計序是次壽序如賀大中丞孟公壽序方君敬七十壽序是次記如太華山記遊雲門記是次策議如正士風議是次行狀如故誠意伯劉公行狀是次墓碑如淳泥國恭順王墓碑是次釋如釋統是次奏疏如勸行王道疏略扶植綱常疏是次贊如龍馬贊孔璋贊是次祭文如祭宋景濂文瘞旅文是次論如嚴治論任將論是次辨如淮陰侯不及辨李氏義學辨次

傳如鉄崖先生傳南湖高士傳是次說如思齋說獲麟說是次對如牧羊者對冷庵對是次解如成齋解遂庵解是次賦如嘉禾賦黃河賦是次書札如鄭耕度書與陸元靜書是共分類二十有一每類錄文或一二首十數首不等均各按其作者之時代先後為序同時者以科目之前後為序各家錄文亦多寡不等要以選其文之佳者始入錄此其選輯之大概也惟是書選旨多偏於舉業自序略謂太祖高皇帝龍飛淮甸汎掃胡元首創科目於干戈甫定之餘即其

表彰六經石文圖治列聖相承二百餘年於茲故海內人材輩出養成益彬彬昱昱其間真儒碩輔即未可更僕數肆著之為文若詒誥表制若碑銘序記若書疏論說傳贊狀賦問對訓解之類猶班班可攷體裁雖曰不一大都囊籥六經而闡帝王聖賢之學術者良非徒與月露呈形風雲入態者爭妍今取厥有裨於舉業者始登諸帙以壽之梓云云蓋是書之輯乃專為舉業之用是則未免失之陋矣

附錄傳記參攷材料

明史

明詩綜

皇明文選二十卷 明嘉靖三十二年刻本

劉啓瑞

明汪宗元選宗元字春谷崇陽人嘉靖己丑進士累官總理河道右副都御史以忤嚴嵩出為福建參政遷右布政使復三運八運之法歲省民金萬餘釐其正辦襍辦檄汀建諸鹽商盡地而鬻又檄南台洪塘去其五稅商不告病盜利以興旋轉江西布政使卒於任居嘗以為明興以來至於嘉靖此一百八十年間人文蔚起士不榮躍馬之勲人各競搢觚之業摘

皇朝文獻通考

卷

集部總集類

翰之士代有其人以文名家者亦歷歷可數自高皇開天敷治崇重文學一時鉅工摘藻修詞如未雕之玉未吐之華渾弘博大論者以為有浩古之風宣德天順以後人自為藝瀆風少更逮至弘治之間儒教聿興藝文相尚迄於嘉靖尤稱大備雖體制不同規模不一然巨者日融小者星列長者江流微者河浸無不各臻佳妙振起藝林惜乎操選政者自新安程敏政篁墩文衡後無繼之者因蒐輯洪武以來迄於嘉靖之文都為一編名曰文選蓋欲繼程氏而作者

皇朝文獻通考

卷

集部總集類

錄文都五百有二首為類二十有九計詔四制二誥冊文二表八頌六贊二箴三銘二述二論二十有八議三說七文二解三辯二對一襍著二十有四記八十有六序二百四十有二題跋引十有二傳九原五書五碑十五神道碑六墓碑六行狀二墓表四祭文九總為卷二十分類大抵依程氏而又增析其所未備焉攷四庫全書提要稱程氏分類首代言為詞臣奉教撰擬之文次賦次騷次樂府次琴操次表箋次奏議次論次說次解次辯次原次箴次銘次頌次贊次七次策問次問對次書次記次序次題跋次襍著次傳行狀狀次碑次神道碑次墓碣次墓誌次墓表次哀誄次祭文次字說為類三十有八視汪氏之分類更為加詳然徵之汪氏自序謂篁墩選本極為浩繁學者藏攜不便乃於容臺暇日采而集之以便觀覽自國初以及於今詔制誥冊以代言也頌贊以告君也箴銘論議說解辨對以訓世也傳原襍著紀序跋引以紀事也碑誌以彰微也夫代言之體先於渾告君之體先於忠訓世之體先於規紀事之體先於



正彰微之体先於實。夫渾則不愆。忠則不阿。規則不達。直則不偏。實則不偽。渾也。忠也。規也。正也。實也。皆孔礼之善物也。予取以爲則焉云云。蓋汪氏之意。旨主於選。故於程氏分類。不妨略爲消益。而於文篇之錄。亦更有所去取。是則遵者僅十之三。不遵者十之七焉。又按提要稱程氏文衡所錄諸文。如吳訥文章辨体序。題劉定之謀志之類。皆非文体。而袁忠徹瀛國公事實之類。事既誣妄。文尤鄙俚。皆不免蕪穢之譏。朱石樓寧生傳謀述醫案。至以一篇占一卷。亦乖

續修四庫全書

卷

集部總集類

体例云云。今取斯書相較。凡斯諸文。皆已芟蕪而類此者。亦復汰去大半。蓋汪氏久已有見於此。與提要所評。適相符合。倘亦昔人所謂前修未密。後出轉精者歟。

附錄傳記參攷材料

重修湖北通志

重修福建通志

精選名家短札字字珠正集八卷首一卷新集六卷

明泰昌元年刻本

劉啓瑞

明許以忠選以忠字信甫。號貫日。別署養恬主人。春谷人。邑志無傳事跡。無徵。然如朱國祚所選之皇明百大家文選。陳繼儒所輯之翰海。李日華所編四六類編。陰太乙蘇紫蓋同輯之四六驚鴻譜。新集等均采以忠文。疑以忠爲當世文家。名或與眉公等持。惜其行誼不可攷矣。以忠別有車書樓四六爭奇。亦其所選輯者。卷首有程堯功序。末署萬曆紀元。此書新

續修四庫全書

卷

集部總集類

集卷首亦有項桂芳序。末署泰昌元年。疑以忠爲萬曆泰昌時人也。是書專以短札爲主。取便世人之用。故名短札字字珠。計分正集八卷。首一卷。新集六卷。集各以所選文之先後爲次。不以類分。首卷爲王惔諸玉選。經以忠評閱而後錄入者。以其非自選。故不欄入正集。因另爲一卷。冠於卷首。既以別其選人。亦所以尊惔也。正集卷一之上。爲當世短札。上起洪武。下迄萬曆。每家錄文或一二首。或十數首。不等。均各冠以文目。別其孰爲答書。孰爲往札。書札之下。復附

著者以別其人之時代先後每文各加品評識其事跡之顯晦辭與之出處或山川之勝境間里之異名以便承學者誦讀之餘無滯義信可稱也正集卷八則為古集古集者錄文上自周秦下逮唐宋以其非當代文故以古集名之古集選例一如舊規悉視時代為次如首楚成王秦昭王蘇秦等則周文也次司馬相如楊雄東方朔班超蔡邕等則漢文也次曹植陳琳魯肅袁紹關羽諸葛亮等則三國文也次晉宣帝陸機王羲之陶潛山濤等則晉文也次韓愈李白柳宗元張籍等則唐文也次歐陽修蘇軾黃庭堅王安石曾南豐等則宋文也以古集不錄駢儷故六朝文收者獨寡僅庾信等文一二首而已此正集選文之大要也至新集選例一如正集特皆當代之文所以補正集之未備其所以異於正集者則各家文首僅標著者之名而不別以何者為答書何者為啓事此一異也錄文先後或依官爵之尊卑依或時令之次第再以時代為分此二異也之此二者豈以忠選新集時旨另有指意另有會故為之分別如斯歟

總之書牘之精最稱晉世右軍墨翰彪炳千秋六朝唐宋以還益復精華明代諸賢尤多名筆其輯之而為總集者亦以有明為盛以忠此選蓋於明人總集中可謂佳者惜其所傳不廣也

附錄傳記參攷材料

四六爭奇程堯切序

本書新集項桂芳序

棟塘詩前集一卷後集一卷外集一卷別集一卷附錄

一卷 明嘉靖十二年精鈔本

劉啓瑞

明李循義編循義字時行浙江鄞縣人正德丙子舉人嘉靖癸未進士改官戶部主事尋出為池州推官累遷至山東道監察御史父正華字本素隱居不仕嘗植棟於門外水塘曰棟苦木也吾以示子孫世人因又以棟塘老人呼之循義既以進士起家蜚聲郎署遂迎養棟塘於京師棟塘既至與同時以詩名者相唱和終歲無虛夕時人服其潛德者又相率題咏

續修四庫全書

卷

集部總集類

以為壽不及二載而篇什盈篋會循義為池州推官又隨官之任相與酌唱和者益衆循義既官御史時為嘉靖庚寅天子錫類推恩榮褒棟塘贈如其子官時棟塘已前卒矣循義感於此因彙著歷年贈翁壽翁挽翁之作都為一編名曰棟塘集棟塘者示不忘本也集共四卷卷一為前集集首錄勅誥示尊君也次錄棟塘丈人錄棟塘敘說棟塘說棟塘翁小傳棟塘先生小傳棟塘老人贊者以明棟翁之德而末次其行者也次則各家題贈之詩以體為次先四言古

詩次七言絕句次五言律詩次七言律詩次五言排

律次七言排律次五言古風次七言古風次樂府次

歌辭次集句以其詩純為棟塘而發者也卷二為後

集後集者以棟塘將離京師而作也首榮歸序次棟

塘記次各家祖餞詩詩之編次如前集其辭殺亦相

等而壽詩又附之卷三為外集外集者居池州時所

得也得者多而精者少故所錄祇賦一首五言排律

一首而已卷四為別集別集者棟塘既卒世而挽之

者也首五言古詩次七言古詩再次則各家所題棟

續修四庫全書

卷

集部總集類

塘詩冊之詩也殿之以附錄者以所錄無可附麗因別為一卷以錄之首錄贈棟塘壯進歌次送棟塘遊杭東歸詩次耕讀圖題詩次孝誠三感記均有關於棟塘者此全書之大概也按棟塘以一隱君子而能砥礪德行懋昭時譽得克家之令子獲交遊之宏篇子循義又能孝養兼承揚親顯志是皆世不多覩者信乎難能而可貴矣

附錄傳記參攷材料



寧波府志

鄞縣志

續修四庫全書

卷

集部總集類

悲原錄不分卷 明嘉靖二十三年刻本 劉啓瑞

明梁汝璧輯汝璧字一江四川江津人嘉靖二十年進士改官南京戶部主事尋知湖南湘陰縣事縣舊有屈忠節清烈祠祀楚之屈原原以謫而被放投汨羅以死世人哀之為建祠於汨羅以祀復於磊石菱子市湘陰縣之廣照寺建祠三以祀之以此三所為屈原所常遊也湘陰祠久荒廢累經修葺又復類放汝璧既為令尹因為之重建以重祀祠既歲事更為輯歷代弔原之作彙集一編名曰悲原錄錄者

續修四庫全書

卷

集部總集類

所以為屈原紀哀也首屈原傳以廣其事次宋玉之九辨以玉為原弟子辨所以憫其師之忠也次招魂亦宋玉作次大招雖作者有疑然亦以其為招魂也故並錄之次賈誼弔屈原賦而真德秀擬作附之次歌行先宋人之鄒季倫彭淮而汝璧自作附之次五言古詩先宋人之魏了翁張孝祥而明人之桂榮附之次七言古詩祇邑人夏原吉一首次五言絕句先唐人之戴叔倫而宋人之王十朋附之次七言絕句先唐人之韓愈柳宗元繼宋人之張文潛朱行忠張

詠文彥博趙彥政王寅陸放翁而明人之劉儲秀陳煥附之次五言律詩先唐人之崔塗繼宋人之曾丰司馬光王十朋而明人之張意楊祐翟表附之次七言律詩先宋人之趙希鄂魏良臣張翔而明人秦良汪必東劉儲秀李鳳翔胡有恒戴嘉猷及汝璧自作附之更附以同時和詠者如施昱范爽吳邦大賈上書孫本李表蕭輝羅奎余廷瑚胡經邵演蘇奈吳孟芳蕭淮吳永介李廷龍夏弘濟吳鵬甘藍孟淮等人次碑記唐蔣防撰次廟記次修行祠記並宋胡嘉撰

重修屈公書目 卷 集部總集類

次重建廟記元劉行榮撰次重建汨羅廟記次重建獨醒亭記並明人戴嘉猷撰次重建屈公祠記明邑人羅奎撰則紀汝璧重建屈祠之始末也按屈原行吟澤畔憔悴以死世人哀之者既始於宋玉九辯以及招魂而賈誼之賦尤稱於世然世俗往往有以五月五日為竹筒盛米祭之者此乃愚夫愚婦之舉然亦足以示世人悲忠之切至於今弗衰焉當漢建武中長沙歐回白日見屈原謂之曰君嘗見祭甚善苦蛟龍所竊後有惠以楝葉塞其上仍以五米絲縛之

則蛟龍懼不食今人為角黍始此然為之祠祀者則始於唐之天寶後唐天祐二年復封原為昭陵侯宋元豐間封荊楚肅祠後改封忠潔侯元祐中加封忠節清烈公汝璧重建祠名蓋本於此而是集所錄亦可見屈原以忠而死而後世悲原者迄今弗衰云

附錄傳記參攷材料

江津縣志

重修屈公書目 卷 集部總集類

平石城和韵詩二卷 明嘉靖六年刻本 劉啓瑞

明管漕編漕字弘濟浙江餘姚人正德丁卯舉人累官萊州府通判當其為四川布政司經歷時時為嘉靖五年會生番叛石城石城今達縣也朝命總憲鄭信之嚴山討之不期月而平因歌詩以紀其事一時與其事者咸倡而和之而川人和之者尤衆前後達二百餘首漕亦與焉越一歲川人擬為付諸梓藉以識平番之功而咏鄭公之武漕因為編次成集分為二卷首卷已佚不識其編次如何此則其下卷也下

續修四庫全書

卷

集部總集類

卷之詩為七律或一二首或十數首不等均用鄭公原韵而疊和者以人為次按人系詩詩家先後首舉人詩次監生詩次生員詩次儒士詩其同為舉人監生生員儒士者又以川省之地域為分如成都內江新都華陽富順諸地是也然和韵有先後遞詩有連連雖壤地相同亦以時為次如成都魏廷璽詩後繼之以內江李宜嗣新都楊忱之詩而又繼以內江王之臣成都桂珠之詩是也惜乎上卷不存無以測知鄭詩原韵若何而編次先後若以舉人監生生員之

序推之或亦以官爵之尊卑成詩之早晚為定歟其

詩下卷佳者至多如荀銑詩云何事潢池盜弄兵元戎一怒赫南征霜旗繞動瀘江影雷斧先轟黠虜城面縛渠魁漸負固魂搖群醜幸偷生歸來千里薰風道滿耳饒歌字字清又周尚仁詩云旌旗初建擁雄兵聲罪橫江遂一征捷報未將傳列陣銳師先以破堅城無疆時雨偏常沛有限蠻烟更不生豈但燕然同媲美奇勳千古肅風清均咏事典切和韵雅正要亦可佳稱為章者其他諸什亦多類是惜乎書僅

續修四庫全書

卷

集部總集類

一卷未獲窺其全豹也至於和韵分類有分之十事以得報整兵發程出陣納降凱還勞燕紀功奏捷受賞為目者殊有類於傳奇之章回節目未免失之錄瑣矣

附錄傳記參攷材料

明詩綜

餘姚縣志



崇祀嘉頌錄十六卷 明萬曆四十二年刻本

劉啓瑞

明耿庭栢編庭栢字奉常山東新城縣人父鳴世字茂謙別署敬亭隆慶間以名進士尹邢臺三載攷最擢刑部主事尋遷監察御史以忤張江陵改外任歷臬僉晉少參又以宿嫌故罷之自是遂不復出當其令邢臺時飭治精明廉潔自持邑人咸頌其德政據邑人胡以祚撰去思碑稱其德政如興學育才置田以贍不給建閘溶渠灌畝以利生民清稅課以祛

續修鳳陽縣志

卷

集部總集類

侵漁減徵派以仁凋瘵脩墮墾義倉議馬政備軍儲節省支費平審均徭及閭閻火夫保甲之屬悉取而更定之為經久計其申請建白動有規畫炳若丹青已傳播為當官者法宏度遠識雖簡如烹鮮而細及蘭絲雖厚如敦彘而明同著蔡奸猶伏術善鋤強鄰壞皆化其德與古之邵父杜母無異而其清介絕俗雖范萊蕪陶荊州不過也云云蓋其德政之在民也深矣邑人既感其德因為專祠以祀之祠地復重建又於名官祠崇祀之而邑人之歌咏敬亭者雖歷數

世而弗衰其四方之名士過斯者又多式其政而為之詩其官斯土者猶欽其遺範更廣為篇什以揚其事以此題咏既多誦政者衆會其子庭栢以王命過邢臺趣其祠而拜焉既拜邑人出其題咏以進庭栢受之復遍徵於四方逮及萬曆甲寅已巍然成巨冊庭栢因彙為一編名曰崇祀嘉頌錄即此本也錄計十六卷卷一之十五為詩不分歌行不分律絕但以題詩之先後為次不分時代不分官階亦以題次之順序為定其間題詩之多者要以邢臺之人居什七

續修鳳陽縣志

卷

集部總集類

四方之士居二三焉其卷十六則為文首邢臺縣新建百泉閘渠記次邢臺縣新建水利祠堂碑記次邑侯耿公去思碑記次重脩耿公祠記次重脩生祠記次德政祠碑次重脩耿公堤祠堂記亦大抵為邑人之作蓋敬亭之遺愛在民要非徒然者矣且也敬庭以直聲著朝野世人方且欽其忠貞高其誼行是又不徒以政績著邢而已矣

附錄傳記參攷材料

新城縣志

續修四庫全書

卷

集部總集類

清風祠錄三卷 明成化十一年刻本 劉啓瑞

明許岳英編岳英字邦賢廣東潮陽人成化九年以鄉舉官浙江紹興府嵊縣知縣縣有清楓嶺嶺上有清風祠祠祀宋末王貞婦貞婦者元永嘉李孝光傳稱其夫家為臨海人德祐二年冬元兵入浙東歸舅姑俱被執師中千夫將見婦色麗乃盡殺其舅姑與夫而欲私之王婦痛憤即自殺千夫奪挽不得死責俘囚婦人謀守之婦欲死不得間自念當被污即揚曰若殺吾舅姑與夫而求私我所為妻妾者欲善事

續修四庫全書

卷

集部總集類

主君也吾舅姑與夫死我不為之哀是不天也不天君馬用我為願請為之服莽苟不聽我我終死耳不能為若妻也千夫恐其誠死遂許之然愈無置守明年春師還挈行嵊嶺守者信之滋益懈逼上青楓嶺婦仰天竊嘆曰吾知所以死矣乃齧梅指出血寫口占詩山石上已南向望哭自投崖下以死既死里人欽其節為祠於嶺上以祀名清風祠因又易嶺名為清風嶺云死越百餘年明成化間里人請於朝旌之名曰王貞婦祠時岳英適官斯土因彙輯歷代題

祠之作都為一編名曰清風祠錄錄者所以標王婦之節烈也錄計三卷首卷為文錄王貞婦傳烈婦王氏事述重建王烈婦祠記重建王烈婦神祠記王貞婦祠記王烈婦跋王烈婦詩辨重脩王貞婦祠記等大抵為元明間人所作所以載貞婦之事跡及建祠之始末也卷二卷三為詩均元明間人所題者以體為次先七言律次五言律次七言絕句次五言絕句次歌行次古詩詩凡百餘首其間作者名著者元有楊維禎陳君從張肅等明有黃鎬范理花潤生羅以

續修四庫全書

卷

集部總集類

礼等而岳英之作則附諸後岳英詩云曉過清風挹翠嵐仰懷烈婦思何堪命輕州芥心無二節重丘陵德有三胡運竟哀沙塞北芳名長著浙江南斷霞斜日題詩處遺迹模糊血已涵感慨蒼涼欽仰備至而是集之輯尤足以表彰貞婦矣

附錄傳記參攷材料

湖陽縣志

嵎縣志

翠娛閣評選四種八卷 明崇禎四年刻本

劉啓瑞

明陸雲龍評選雲龍字雨侯浙江錢唐入杭州府志錢唐縣志俱無傳事跡無徵據其自序結銜有太史氏字樣蓋亦曾登進士榜者惜不知其何年何科矣是編專以評文為主不拘文体不別時代但有合於所評者錄之大別之為四種一曰文韻二曰文奇三曰書雋四曰四六儷四六儷者所以別於古文以文韻文奇書雋三者皆以古文為主也其評選文辭之

續修四庫全書

卷

集部總集類

旨亦可分為四端首曰文韻韻者其意以為今之談文者類專高古尚雄奇一切閑情逸致猶為小家不知高古無韻便淪枯寂雄奇不韻便落粗豪試仰觀天穹然上浮高矣綴以流雲綺霞更煥其彩觀之松竹亭然獨勁古矣蕩以輕飈流月更生其致更觀之山川排空逼漢世寧不怖其雄奇然使無迴瀾飛湍抑且一洩無味無烟雲花鳥便爾塊然無色文固不可不韻學韻不成猶不作倉父面目高古雄奇不就罕有不為粗野者故於古文中搜其艷不隣俳淡而



有姿者為文韻此則所謂韻者乃所以別於雄奇高古也次之曰文奇奇者其意以為語云陰壑積雨之奇險可用以行文不可用以立心則奇固文所不諱第一拳之石一杯之水其嶽崎瀾倒幾何則奇又不

雋雋者其意以為古人以文字繼語言之窮於是有所書蓋語言過耳而意盡文字繙閱而味生初玩之而睽隔之面目露再索之而蔽抑之心神見味如膏而炙愈出藿食者固咀其英而肉食者亦且咋舌沃心曰文旨哉故書取於雋雋則談理學不作幽腐之氣言經濟不落肥瘠之病談山林不帶蔬糲之色芍藥之羹頓趨并栗而上至於寫深閨之怨抒纖錦之詞雋固佳人之勝場故並附之此則所謂雋者乃雋在神味所以別於粗野也次之曰四六儷四六儷者其

意以為雁影亘青空一畫洩羲皇之秘魚鱗翻碧浪八分開蒼后之先鱗羽具現文章人士可無藻績故昭明錦帶與錦鬣爭光子卿素書隨素綸俱逸穿天心透月腋落筆炫邨雲五朵組米絲飛星孖染楮濯天錦七襄敲金戛玉鳴務取於驚人擷艷飛香薄何妨於點鬼蓋事不做於古則無稽言不增以華則疑撲擊土鼓而歌烏鳥終是閭閻景色陳劍佩而成濟濟方為廊廟規模第奪餘度之席者非以擬其皮拔盧駱之標者詎在襲其貌則選雖及故樣盡翻新什

雲霞而匪奇匠月露而駢麗此則所謂儷者乃所以別於樸也此四者皆其評選文辭之大要也而其選文之例則上始六朝下迄明季各附品評以類為別文韻為類四曰選賦曰選騷曰選序曰選記文奇為類五曰選賦曰選騷曰選序曰選記曰選論書雋為類三曰啓札曰報書曰閨書四六儷為類九曰通候曰稱賀曰迎送曰延請曰報謝曰言事曰寫懷曰干請曰婚聘總得類二十有一蓋全書之大端盡於此矣

附錄傳記參攷材料

卷首自序

續修四庫全書

卷

集部總集類

雅雪園詩鈔六卷 同治八年新化鄒氏重刊本

劉啟瑞

新化鄒湘個撰湘個別有二十五家詩鈔已著錄入  
總集類事蹟並已詳前此則其所撰詩集也詩凡六  
卷以古近體分卷一之二為五言古詩卷三為七言  
古詩卷四為五言律詩卷五為七言律詩卷六為五  
言絕句七言絕句每體各存詩多寡不均均以作詩  
之年代為次其詩性真磅礪資深達源而尤嚴別邪  
正得乎風雅之旨自序謂童時就外傳每日自家塾

續修四庫全書總目

卷

集部別集類

歸先府君於燈下課經成誦即講授古詩迨漸長習  
舉業畢效為五七言府君訓誡之曰經義根柢史鑑  
考證有得於心方形諸言詩為言之一端則心聲也  
觀吐屬即知性情邪正學問淺深溫柔敦厚本之風  
雅詩教立矣若隨聲逐流連篇累幅語不擇題憫窮  
憤屈體艷詞腴音非大雅皆非無邪正宗謹守庭訓  
罔敢或違云云蓋湘個為詩純得庭訓故能積之深  
而發之厚冲和夷醇穆如清風得雅音之正其古詩  
如畫鷹為祁陽王初田明府題詩云寒山古木翻江

濤蒼鷹拳鉤刷羽毛。稜稜動色縣生綃。四壁慘澹風  
聲颺。知君矯逸真英豪。著眼突兀雄凡曹。昂藏雲表  
脫錦條。瞥眼萬里秋天高。雄奇古奧上通唐人。其餘  
諸什亦復類是。羅遵殿評其詩謂其或據事直寫。或  
借題發揮。皆真氣貫輸。戛然深造。開卷讀之。但覺道  
勁沈鬱。峻潔閑深。詩外別有事在。其音韻其品格。可  
於詩求之。其根柢其識見。不於詩求之也。冲穆之度。  
渾浩之氣。超卓之抱負。淡定之胸懷。陶冶漢魏晉唐  
諸大家。而自成其面貌。其登臨弔古撫時感事諸作。

續修四庫全書總目

卷

集部別集類

大有關於世道人心。贈送應酬諸章。則皆稱其人之  
分量。按其地之風土人情。而婉轉周摯。隨寓箴規。無  
尋常貢諛語。彼依門傍戶之習。門靡逞妍之詞。芟剔  
淨盡。真風雅中正響。孔子言詩三百。蔽之以思無邪。  
一言資山。其有得於無邪之旨。而神理意境。迥非時  
俗所可企及者。云云。其言蓋能深得湘個之意。鋪觀  
全書。證之羅說。益信記云溫柔敦厚。詩教也之語。方  
之湘個。信有徵矣。

附錄傳記參考材料

見二十五家詩鈔

續修四庫全書總目

卷

集部別集類



毛東山文稿不分卷詩鈔七卷 同治丙寅重刊本

劉啟瑞

上海毛肇烈撰肇烈字東山事蹟不見於松江府志上海縣志據其裔孫祥麟後跋謂東山篤志好學上而經史下及諸子百家之書無不有以討論而貫通之乾隆間以詩古文藝為時所推重中年得足疾常坐卧一室而四方從學者日益衆聞文之暇專心著述有毛詩存說毛詩音義四書精義怪說紀蹟詩及東山文稿數百篇云云其事蹟可徵者如是而已其

續修四庫全書總目

卷

集部別集類

著述多罕傳傳者惟此書書分文詩為二編文不分卷均為時藝首論語次孟子次學庸凡得文一百五十餘首大要以經證經不為空疏無用之談然弊於時習所云仍不出於看題說題曹秀先序其文謂其宏中肆外能立意看題分明章脈直超軼向來名作之上實則其文之弊正在此也其詩以體為次首恭和御製詩十有八首次五言古詩五十有三首次七言古詩五十有五首附樂府十有九首次五言律詩七十有四次七言律詩四十有六首次五七言絕

句詩四十有八首次論古四言五言七言絕句詩一

百十有四首介為八卷其詩方輿嶮奇雅得韓柳之勝同里賈履上序是集謂其詩古體渾噩似韓峭拔似柳安貼排鼻似蘇似黃其今體則空靈敏妙不染鉛華近接王韋遠宗陶謝論古諸絕則不必以詩傳而無不可與史評並傳云云其推崇可謂甚至櫟括全集證之實說雖有未逮要亦似之矣其論古諸詩並附史實加以品評如卷十論唐太宗及魏徵云讀史久沈吁唏聲文皇盛事賴文貞當年田舍翁須殺

續修四庫全書總目

卷

集部別集類

莫問遺碑建與傾又附以評云人君以納諫為先人臣以能諫為職三代而下求治之詳無如太宗致治之盛亦莫如貞觀致之者太宗匡之者鄭公之力居多觀一時議論君無不受之言臣無不盡之隱千載盛事也然而時有面從心拂者予是以數直言難而能受言尤難也云云其說似本於宋范祖禹之唐鑑而又深刺過之其餘諸首大率類是要皆語有所本論有所中不為妄言不為激論蓋深得詩史之旨者

附錄傳記參攷材料

卷末毛祥麟跋

續修四庫全書總目

卷

集部別集類

環天室詩集四卷後集一卷 曾氏家刻本

劉啟瑞

湘鄉曾廣鈞撰。廣鈞字重伯，號觚盒，國藩孫。事蹟不詳。據卷首瞿鴻禨序，稱其入翰林已十年，既厭承明，至以郡守乞外，乃亦浮湛桂林，終不得補一官，鬱鬱無以自見。又云：重伯提一軍出榆關，守塞已久，又聞其執戈勤王時，會不值，皆不能以功績著，而其英氣亦稍稍衰矣。云云。於此知廣鈞曾登甲科，入翰林，出守桂林，備兵榆關，特其詳不可考耳。是集乃其自訂。

續修四庫全書總目

卷

集部別集類

者計正集四卷，後集一卷，自序述其訂詩顛末畧謂：觚子大錄其所為詩歌約七百首，刪其冗取可施於美刺者凡四百七十三首。自庚子以前本有詩千餘首，失其稿過半，又刪去二百許首，今存三百五十餘首，以體為類，以刪為選，名之曰古近體詩類選。計五古七古五律七律七絕凡五類，為五卷。惟五絕一體不備，緣其體難工，又詩少不成卷帙耳。自庚子後叢雜錄之，既不分體，亦非編年，蓋是編皆近年之作，今日見以為不愜意而刪之，異日又以為可存而錄之。

凡百十四首名之曰後集自為一卷云云於此知其  
編次大凡按其詩溫文爾雅得乎風人之遺而遊覽  
諸作尤具清新秀穎之致如遊南嶽祝聖寺云夢魂  
夜上芙蓉頂曉踏雲煙曠望同瀑下藤崖千丈縹日  
穿楓嶺半林紅隨猿先到留猿寺送雁目窮迴雁峰  
樵路傾巖藏近照更疑寒燭下高春又如贈方廣寺  
僧云蟬蛻污泥有遊心桃源不比藕絲深請看山水  
清嘉地盡屬人天祇樹林漁桂風煙通鳥道朱張講  
樹作龍吟已驚奇絕祝融力更向東南秀一吟並格

續修四庫全書總目

卷

集部別集類

律工整無慚作者瞿子致稱其詩包涵沈浸源八代  
而委三唐藻麗溫雅超然有逸氣信乎天才獨絕而  
學養以相深者殆定評也

附錄傳記參攷材料

卷首瞿序

隨筆集十卷續集一卷 康熙癸酉刻本

劉啟瑞

錢唐高士奇撰士奇別有左傳紀傳本末已著錄事  
蹟並已詳前此則其自輯紀遇述恩詩也先是聖祖  
御製詩有翰林隨筆進辭章句士奇因取之以為集  
名名之曰隨筆集凡十卷又續集一卷率為承制應  
詔廣和紀恩之作都凡詩二百餘首雍容華貴典麗  
高皇不愧承明珥筆之才先是士奇為布衣邀聖賞  
召為侍從之臣寵賚倍加世無倫比以是集中所紀

續修四庫全書總目

卷

集部別集類

大抵為承恩圖報之作如紀特旨禁中乘馬四絕云  
天街攬轡許承恩草野何由親至尊從此曉烟宮漏  
下直容款段到金門其二云幾載珂聲傍紫宸馬蹄  
日踏鳳城塵瀛洲館閣高如許得沐恩光有幾人其  
三云禁籞深嚴羽衛森揮鞭一任騎駸駸雖無千里  
騰驥力不負天家養養心其四云長嘶久困鹽車路  
聖主偏憐伏櫪情敢憶長林豐草畔願因驅策盡平  
生又如恭和御製山海關詩云歷代稱巖險相沿治  
內邊喜峰沙氣擁碣石海雲連壁賴千丁鑿門容一



箭傳豈知龍躍日。應是鹿亡年。赤羽飛軍壘。黃花捲  
戎烟。綢繆終失守。變伐迭乘權。永奠龍為極。長波錦  
作川。休哉清宴久。扁輪自天然。何冲融間雅。法嚴氣  
舒穆。然有古君子之風焉。按應制奉和之詩。始于唐  
歌。通於樂律。將以鳴國家之盛。乃中古以還。風騷之  
體盛。而雅頌之義微。激昂感慨之詞多。而和平窈眇  
之音寡。降及唐宋。如李白杜甫蘇軾陸游之倫。何嘗  
不思揚光斐英。竭筆墨之能。潤色鴻業。而無如身在  
萬里。希得近天子之光華。即嘗一侍班行。望屬車旋

續修四庫全書總目

卷

集部別集類

出在疎遠。因而想像儀衛。眷戀闕廷。凡其鋪張揚厲  
者。適足以為沈吟悵慕之資而已。方之士奇。乃適反  
是。既以布衣荷特達之知。而又逢聖祖化育之德。以  
是集中諸詩。昌明渾灝。粹然大雅。有卷阿魚藻之遺  
音。非尋常應制之詞。所可覩及。信乎其為承明珥筆  
之佳籍也。

附錄傳記參攷材料

清史列傳

清史稿

續修四庫全書總目

卷

集部別集類

撫吳草四卷 安化陶氏家刻本

劉啟瑞

安化陶澍撰澍字子霖累官至安徽巡撫江蘇巡撫事蹟具詳清史列傳此則其撫吳時詩也子霖撫吳凡四年在任有善政人咸頌其德澍於頌德則謙讓不遑謂非敢貪天之功然遇事必慎必勤每事必紀以詩凡詩中所紀皆有惠政可循嘉事可述者孝感陳運鎮序其事畧謂道光乙酉夏子霖自皖移吳其時淮堰決邗江東溢演迤合於海漕反登陸既賑其

續修四庫全書總目

卷 集部別集類

流離且籌海運集數千艘為圖以詳島嶼之深碕石瞭於尺幅較元明故道安且捷矣復濬吳淞以洩震澤下游諸水使由滬瀆直達決曲岸二千餘丈泥沙無所壅圩田可耕者遂多復疏京口以通糧舟下積軟泥深且久僉曰神物伏焉不可去排眾議決之悉盡今利涉焉子霖素勤於求治復際時也多艱故事在必舉而動輒有成勞無墜緒其意有自得有不自得者每發之於詩至發於詩有自明有不自明者而其旨微矣然徘徊之忱與和平之氣未嘗不可得之

行間簡外若其友朋之唱酬山水之眺聽怡情適性

之趣則自風人騷客俯仰嘯歌又不禁悠然寄興而

時露其夙昔之本然者眾且驚其才之高且逸不知

特餘事而已云云於子霖撫吳之惠政既彙括而靡

遺於子霖詠詩之事功亦已舉而畢備誠所謂知言

者其詩如臘八日大雪用東坡韻詩云隨風珠影落

纖纖院宇深沈夜轉嚴恰似飛符能調水可知平準

合增鹽嗽鴻集澤驚殘粒冷燕回巢誤舊檐獨喜占

豐今有北攜壺欲倒玉山尖又云雪山高處不飛鴉

續修四庫全書總目

卷 集部別集類

萬里元戎走傳車瓊筵曉垂風舞毳鐵衣寒重雨摧花軍聲鵝鴨恢唐績樂府龜茲念漢家計日收還銀世界坦平皇路本無義俱寓感深遠鍊響沈雄昔元道州柳柳州感念民事多悲思之作元白作郡率以山川相誇其致不同然皆有合於三百篇之旨聲音之道本與政通故詩者政之聲也正風多樂變雅多憂君子不溺於情故樂而不忘其憂不役於物故憂而不改其樂方之子霖斯集正可謂政平而聲正矣

附錄傳記參攷材料

清史列傳

續修四庫全書總目

卷

集部別集類

澄懷堂詩集十四卷 道光己丑刻本

劉啓瑞

錢唐陳裴之撰。裴之字孟楷，又字朗玉，以父文述字雲伯，故又字小雲。幼聰穎，讀書日可百行。年十七為博士弟子，負著書已盈尺，會遇艱而數奇。四試有司，不售。乃佐父治吏事於江都縣，究心經濟之學。為兩江總督孫公荐，歸部銓選，需次京師。相國英公深重之。既而選雲南府通判，以道遠不赴。營醴業於淮揚湘鄂，以吟咏自適。夙廣交游，蹤跡所至，老輩英流無

續修四庫全書總目

卷

集部別集類

不傾倒。在廣陵與汪劍潭、阮梅村結紅橋詩社，在白下與唐陶山、侯青甫結青溪詩社。在錢塘與馬秋葯、屠琴塢結西湖詩社。在吳門為最久，唱和亦最富。其詩初學心餘仲，則以縱橫跳宕見長。既而罷官，則一變為淒艷，如晨葩浥露，夜猿啼霜。凡諸篇什，皆載集中。集都十有四卷，古今體詩不分，而以年代為次。自九歲作詩迄於亡殁，凡得詩殆萬首，汰其不可存者，猶近千首。其詩少時即已可觀，如卷首載其十歲詠物詩四首，其一詠庭前松云：「稚松纔數尺，蒼翠未成



陰已有凌雲勢長懷捧日心烟霄舒鶴蓋風雨學龍吟  
靜聽鏘檐鐸飛花糝石琴於此已知其胎息有自  
其壯年所作如卷十三咏瀟湘詩云清流無際是瀟  
湘湘雨湘雲客路長處處貧簪妃子淚家家蘭芷美  
人香三生雲夢烟波渚千古風騷翰墨場何處零陵  
飛石燕九疑如黛色蒼蒼則一變曩時丰致葉廷琯  
評其詩謂世之讀小雲詩者皆傾倒其七言長古謂  
近心餘仲則余謂兩家之詩奇崛跳盪則有之非詩  
家之正宗也余最喜其近体如黃鶴樓云紫鳳音書

續修四庫全書總目

卷

集部別集類

吳苑香青鸞消息林陵愁漢武帝茂陵云金莖月冷  
宵承露玉樹風疏夜有烟武后乾陵云譙罷石淙秋  
雨細夢回鏡殿月華涼號國夫人莊云門前楊柳樓  
鴉樹林外桃花飲鹿莊丑深視小倉山房其詠古七  
律更為細密若岳陽樓之蘭氣香消湘浦晚月華涼  
浸洞庭秋武陵桃花源之芳樹春流中有路翠巖烟  
靄自成村尤極清華曠逸之致非巨手不辦云云蓋  
非虛譽也

附錄傳記參攷材料

徐尚了撰陳小雲傳

續修四庫全書總目

卷

集部別集類

晚香書屋遺稿四卷附錄一卷 黃氏寫印本

劉啓瑞

善化黃誠撰誠字月崖與弟倬同以文名鄉里倬既官兵部侍郎誠亦以第官馳封光祿大夫誠幼承庭訓授書早畢十三經績學不售遂棄而習法家言倬舅氏唐太常鑑臬藩署中佐理政務性博節一裘恒數十年著有晚香書屋襟存日省山房文存客游紀程詩等既歿子膺為之編次重釐為晚香書屋遺稿四卷附錄一卷計卷一之三為客游紀程詩草係纂

續修四庫全書總目

卷

集部別集類

游吳粵黔楚之作卷四為倦游紀事詩草係退老家園之什其附錄一卷則為日省山房襟存者又也附錄詩後所以別於詩也其詩以性情真率為勝字字皆從肺腑中而出雖格調不必有合乎古辭句不必盡切於事然興之所寄而性命之理遂不知不覺流露於行間矧半生游幕久客諸侯其詩大半從驢背船舷而得故發為舒嘯得於山水者為多如船中襟興詩云春風初暖整輕裝一葉扁舟放碧湘早起看書山是葉夜深聽雨客連床閒烹白水淡中味初熟

續修四庫全書總目

卷

集部別集類

黃梁分外香獨有離愁揮不去怕聽舟子話家鄉又如舟夜聽雨詩云夢醒薄寒侵孤舟夜雨深谿流奔斷岸石溜下高岑山縣殘更遠江天去雁沉瀟瀟蓬背急客裡倍驚心又如灘上吟云客路老江干驚心怕過灘飛泉似雨急白浪生風寒人事順流易舟行逆水難前程頻屈指雲樹隔漫漫均能即景抒情藉物寓事冲和平淡極具自然方宗朝評其詩謂其少歷艱辛棄儒之申韓身世豈無屈抑誦其詩朗徹閑雅紆餘和平一似行所無事者良由冲澹之性養之愈深而其人亦終不為天之所厄故詩乃曲肖之何紹基亦謂其詩率真而有風致二家所評均能得其真實證之詩稿信為的評至於其文亦頗渾厚與詩有相似者

附錄傳記參攷材料

光緒三年重修善化縣志

湖南文徵

黃倬撰兄月崖墓志銘

貞定先生遺集四卷 莫氏原刻本

劉啓瑞

獨山莫與儔撰與儔字猶人一字傑夫嘉慶三年舉人四年進士改翰林院庶吉士散館改知縣署四川茂州知縣旋徙鹽源縣知縣有善政舉卓異授遵母喪服闋請改官教職選授遵義府學教授遵義之人習聞其名爭就而受業其說六藝也宣通通儒之說如易則稱惠氏書則稱閻氏詩則稱陳氏禮則稱江氏說文詁釋則稱段氏及王氏父子蓋未嘗隔三宿

續修四庫全書總目

卷

集部別集類

不言言之未嘗不津津聽者雖愚滯未嘗不怡如旱苗之得膏雨久之門人鄭珍與其第五子友芝遂通許鄭之學充然為西南碩儒是集為友芝所編都四卷卷一為牂牁考莊蹻考漢旦蘭縣故地考獨山江即漢毋斂剛水攷都勻邦水河為沅水正源攷毋斂先賢攷卷二為都勻府自南齊以上地理攷元定雲府及合江陳蒙二州治所攷示諸生教四首卷三為補葺遵義府學記貴州置省以來建學記陸馬棧道民家宿記雲南河西縣知縣斯未張君家傳大父崇

叔君家傳顯考健行君家傳先王父馬贊送遵義知

府越峰平公左遷詩序夢餘筆談序書便面言不文

解落齒說卷四為壽人洞詩等十數首其說經論詰

最重詳確如牂牁攷論牂牁形體壇變云牂牁二字

漢書凡十數見並從牂牁正從木唐書志元和郡縣

志同牁有從牂作牁者史記後漢書及補後漢書及

補漢志三國志也三國志牂或從牂作牂隋志同晉

宋齊三書志二字並從牂作牂牁華陽國志牁亦從

牂船弋之名或用牁弋玉篇弋部云牁字即切繫船

續修四庫全書總目

卷

集部別集類

大弋也又牁牁亦作牂牁各何切牁弋即牂牁也廣韻七歌云牁所以繫舟又牂牁郡名牁陸云上同十一唐云牁牁亦作牂牁又作或或廣雅釋宮云牁或牁也或或書作或佩觿云或各何翻地名校者曰玉篇作或又作或或即牂牁也今按船牁郡名並當以漢書牂牁為正因牂从牂而別牂牁愈不知所以益固牂而誤牂牁又因牁增製或或筆迹小異或又或之別皆鄉壁虛造之書也云云歷述牂牁二字之壇變源流與夫譌異言簡而賅足為世法其



他諸說亦率類是信乎其為西南大儒也

附錄傳記參攷材料

曾國藩祺墓表

續修四庫全書總目

卷

集部別集類

解脫集四卷 萬歷丁酉精刻本

劉啓瑞

明袁宏道撰宏道別有中郎集已著錄四庫入別集類此則中郎集所未收者據江盈科序謂中郎還自武林示余解脫集凡二卷皆諸體詩也無何君渡江僑寓真州郵致後二卷示余則其浪遊時所撰山水記與夫朋儕往復諸尺牘云云是則此集乃歸武林僑真州時所為者集凡四卷卷一之二為詩卷三之四為紀遊雜著尺牘先是中郎方廬無錫遊西湖還

續修四庫全書總目

卷

集部別集類

武林後又入天目山往真州故其紀遊諸文有遊惠山記遊惠山後記初至西湖記晚遊六橋侍月記兩後遊六橋記記孤山記西陵橋記遊飛來峯至北高峯遊龍井記過烟霞石屋洞題壁遊蓮花洞記由勝果寺上觀排牙石記遊吳山記湖上襟記遊湘湖記遊禹六記宋六陵記蘭亭記記鑑湖記西施山記吼山由諸暨至五泄寺記觀第五泄記踰響鐵嶺至洞巖記初至天目雙清庄記記遊天目聽響水石記齊雲巖記石橋巖記宿落石臺記新安江行記釣臺記

等其詩題亦如之詩之奇者如雜詩八首第二云古今只四倫大抵缺朋友誰識楚越人萬里為奇偶我腸寄君心君言出我口覓同本自無異于何處有如湖上別限韻聞方子公賦詩云寧作西湖奴不作吳宮主死亦當埋粉香漬丘土一住二三月天食供窮窶萬五千樹花百二十回舞花為結子忙人為別花苦譬彼一天雲特他吹作雨彼此俱黑頭一夜添霜縷並奇突峭傲迴異凡響惜乎此集所錄俱不見於中郎集而此本又傳者甚希不獲令世人數數

續修四庫全書總目

卷

集部別集類

觀之致使奇又奇詩流傳不廣良可惜矣

附錄傳記參攷材料

明史

句注山房集二十卷 明末刻本

劉啓瑞

明張鳳翼撰鳳翼字九苞雁門人萬曆癸丑進士第五名授戶部主事崇禎時累官兵部尚書庸懦無戮亂才清兵入昌平都城戒嚴鳳翼自請督師與盧維寧梁廷棟相犄角皆退却不敢戰言官劾疏五六上鳳翼自知不免遂日服大黃而卒當其為兵部尚書也自勒詩文為一集法文選之例先列賦次列詩次列文都得詩文二十卷名曰句注山房集句注山房

續修四庫全書總目

卷

集部別集類

者九苞家於茲山之下遂以此為集名也是書卷一為賦卷二之九為詩卷十之二十為文詩以体分曰擬古詩曰五言古詩曰七言古詩曰五言律詩曰七言律詩曰排律詩文亦以体為次曰詞曰序曰小引曰銘曰駢辭曰祭文曰傳曰碑記曰牒著每体各存詩文若干首其詩以古体為佳尤以模擬樂府者為勝如滿歌行云萋萋原上草曄曄沼中荷芳華味零落忽焉霜露過去日既莫挽來日亦無多人生苦不足歲月能幾何蜉蝣競羽翼蟋蟀鳴簷阿有酒不為

樂其如髮髮暗幻矣青城藥悠哉黑水禾力民而代  
食曳履且行歌請看北邙坂古塚鬱嵯峨其律詩亦  
頗可觀如聞警云長城萬里鎖金微百二分明拱帝  
畿瀚海自歌朱鷺後陰山誰射白狼歸薰葭夜永鴻  
初集首首秋深馬正肥見說甘泉烽火急君王未許  
罷宵衣亦雅有丰致其文則挹唐宋之緒餘而又錯  
雜以排體蓋未為醺備且間以佛老之言則流於異  
端矧卷末禪著一体所錄祇講楞嚴經疏二首淨土  
庵銘一首而已乃李茂春序其集評其詩則謂其芳  
可紉其美可襲其音節可比金石如古所稱詩人之  
度非字櫛句比模擬格象裝積襯砌以為工者評其  
文亦謂古文辭則宏富近六朝骨力參東西京至於  
陶洗鉛華自生姿態則又在昌黎眉山之間云云則  
未免過於溢譽矣

附錄傳記參攷材料

山西通志

續修四庫全書總目

卷

集部別集類

飲水子詞存一卷 南林劉氏刻本

劉啓瑞

曲阜孔廣牧撰廣牧別有勿二三齋詩集已著錄事  
蹟並已詳前此則其詞也詞存二十有五闕都為飲  
水子詞存一卷乃其友馮煦成聲磨劉嶽雲所尋錄  
者先是廣牧為成孺心巢高弟子開敏執同學嘗著  
禮記夫算釋孔子生卒年月考最為成心巢所賞尤  
善倚聲有石帚遺意會父繼錄以江浦軍潰殉於難  
廣牧欲復仇不可得遂從陳國瑞軍於宿遷既而亦

續修四庫全書總目

卷

集部詞曲類

以疾卒軍中家因中落所為文字多不存成聲磨於  
敝篋中檢得一本夾紙零亂有詞二十餘闕塗乙過  
半漫漶不可識馮煦為撮拾始可讀即此本也馮氏  
並為正其誤云過秦樓一闕不標題詞旨怨抑似為  
送別又臨江仙詠水仙瀟湘夜雨次心巢師乞兒韻  
二闕詞意與諸作不類筆跡亦非是蓋闕中竄改數  
句乃心巢筆也云云可知其書原本散亂得此撮拾  
乃可讀也又劉嶽雲為考其詞事及其謠歎云詞中  
輓龔金井題軍中九秋當為九闕今僅存秋窻一闕



則所逸多矣。又云南浦一闌為題家伯佩卿鹿女談禪圖卷中未標題千秋歲一闌云浩然主人即家伯也。首四句及寄韻媚韻皆家伯作。時客有王伯英在座將往姑蘇故末句云愁憑淮水送雲誤吳山翠樓休倚姑蘇城外青如洗雨中花慢所云蓮龜為城東門外蓮池庵修禊諸人為合肥黃韞之六合孫艾衫廬州蔡篆卿天長崇桐林及邑人朱佩齋王思光陳海長高雲生家伯佩卿姪子固主社則直隸胡厚堂與先生繪圖則沈旭庭也云云於是書詞事與夫謠

續修四庫全書總目

卷

集部詞曲類

收遺漏得此二評瞭然在目蓋廣收於詞素不輕作作亦不輕示人而又不自收拾既歿軍中遺稿散佚微此三子幾不免傳矣

附錄傳記參攷材料

成孺撰孔廣牧傳

校刊詞律二十卷 光緒二年刻本

劉啟瑞

蘇完恩錫編恩錫字竹樵滿洲旗人累仕至江蘇布政司使巡撫事跡具詳八旗文經此則竹樵所編者先是康熙二十六年陽羨萬樹有詞律一書錄詞調六百六十為體千一百八十有奇其篇則取之唐宋兼及金元自謂病嘯餘圖譜而作蓋自明世以來詞學失傳舉世奉嘯餘圖譜為準繩但取其便乎吻而不知其戾乎古萬樹是編掃除流俗力追古初一字

續修四庫全書總目

卷

集部詞曲類

一句皆取宋元名作排比而求其律律嚴而詞之道始尊時欽定詞譜未出故學者多奉以為圭臬然萬樹作詞律時幕游山西行篋所藏籍無多故攷訂之疏猶或不免逮嘉慶道光間高郵王寬甫敬之吳縣戈順卿載均擬增訂之而未果咸豐辛酉間秀水杜筱舫文瀾官海陵得見王寬甫詞律舊本戈順卿七家詞選及江都秦氏玉笙抄本均有校正詞律之處因作詞律校勘記凡萬氏原文有誤叶者有失分段落者有脫漏至二十餘字者有並作者姓名而誤者

一一為之釐訂。洵乎萬氏之功臣。嗣同治癸酉間。德清徐立誠本。又有詞律拾遺之刻。書凡八卷。前六卷補詞律之未備。以未收之詞為補調。已收而未盡。厥體者為補體。後二卷則訂正原書所補注。補注所采。要以取校勘記者為多。然間有采自他書。別出新意者。亦足以補校勘記之闕。降及竹樵。始廣為校訂。取杜氏徐氏之作。散附各闕之後。注明何家。以示出處。更糾正萬氏之失。如刪除俳體釐定。糾調立分韻目。標編詞人姓氏錄等。均足輔詞律而行。蓋至是詞律

續修四庫全書總目

卷

集部詞曲類

始得稱為善本焉。所惜者詞調詞體。猶未云備。按欽定詞譜所收。計列八百二十有六調。二千三百有六體。今詞調所錄。僅六百六十調。一千一百八十體。雖拾遺補一百六十有五調。四百九十有五體。又續收五十餘詞。列為補遺。然方之欽定詞譜。調則云廣。體猶闕焉。學者倘取斯二書合觀之。於詞律一道。或思過半矣。

附錄傳記參攷材料

八旗文經

續修四庫全書總目

卷

集部詞曲類

聲調四譜圖說十四卷 同治甲子刻本

劉啓瑞

洪洞董文煥撰文煥字研樵少工舉業尤喜韻語稍長得趙詒山聲調譜一書奉為枕笈紬繹既久苦其未盡因復別為考訂重釐一集即是書也是書凡十有四卷分類為八曰源流表曰總圖曰五言古詩曰七言古詩曰五言律詩曰七言律詩曰五言絕句曰七言絕句並附以六言律詩絕句每類又各為目別計五言古詩為目十有一曰平韻平起曰平韻仄起

續修四庫全書總目

卷

集部詩文評類

曰仄韻平起曰仄韻仄起曰平韻拗體曰仄韻拗體曰平仄韻轉黏曰平仄韻拗黏曰平仄轉韻曰三韻短古曰五平五仄七言古詩為目六曰轉韻曰平韻一韻到底曰仄韻一韻到底曰句句用韻曰句句用韻轉韻曰長短句五言律詩七言律詩均為目三曰四聲遞用曰拗體曰短律五言絕句七言絕句亦各為目三曰律絕曰古絕曰拗絕分類詳析解釋精當其卷首源流一表以五七言古近體詩圖為表解縱橫黑白不煩言而已明尤足為後學之津逮各卷復

取古人詩與之相証無不悉合凡各詩之平仄承轉

黏對拗救皆為分條析縷辨定體例有圖有解無異

口授杜甫為審言之從孫杜氏之詩律極細故杜甫

有詩是吾家事之句無論五律七律其最要之法有

二一為每句之中四聲皆備一為第一句第三句第

五句第七句之末一字不可兼用兩去聲或兩上聲

或兩入聲必上去入相間律詩備此二法讀之必聲

調鏗鏘方盡四聲之妙所以古人云新詩改罷自長

吟又云煥時未就且長吟可見古人惨淡經營之時

續修四庫全書總目

卷

集部詩文評類

亦純在聲調上做工夫矣是書專於此等處詳為解釋學者一見即能融會貫通真學詩者之捷徑也

附錄傳記參攷材料

卷首自序



詩學指南八卷 乾隆己卯刻本

劉啓瑞

金匱顧龍振輯龍振字苓窗事蹟不載於常州府志無錫金匱縣志卷首各家序言亦無道其事蹟者其行誼竟不可徵此則其所輯詩學指南也考詩學之道有二一曰詩則二曰詩指則者如伐柯之詩選是也開之晉摯舍人指者如指南之指詩話詩也開之梁鍾記室此二家流別甚廣古今作者殆毋慮數百人紛紛漫汗問道者否之然其被於用也又有辨何

續修四庫全書總目

卷

集部詩文評類

者為詩教至梁陳間漸講聲律聲律興而條別宜忌動輒有犯初機之士苟晦厥指則雖陳莫尋其軌犯輒不免焉龍振是編乃專條別宜忌為世之告者歷采古今論詩叢話論詩條軌及今之應制應試詩式等都為一集名曰詩學指南是書凡八卷卷一錄元傳與礪詩法正論黃子肅詩法揭曼碩詩法正宗詩宗正法眼藏楊仲弘詩法家數詩學正源卷二錄宋嚴滄浪詩辨詩體詩法詩評考證附答吳景僊書陳應行歷代吟譜卷三錄魏文帝詩格唐賈浪仙二南

密旨白樂天文苑詩格王昌齡詩格詩中密旨李嶠

評詩格僧皎然詩議詩評詩式卷四錄李洪宣緣情

手鑑詩格徐衍風騷要式僧齊己風騷旨格僧文或

詩格僧虛中流類手鑑僧湛詩評王玄詩中旨格王

叔詩格王夢簡詩要格律徐宣雅道機要白樂天撰

梅聖俞續之金針詩格梅聖俞詩評卷五錄名賢詩

旨高似孫石林詩話卷六錄選詩句圖陳應行續句

圖卷七錄楊仲弘杜律心法附虞註刪要范德機詩

格卷八錄應制詩式應試詩式等大要彙歷世論詩

續修四庫全書總目

卷

集部詩文評類

之法以為後學楷式法至善也按詩之為道原有六義風雅頌為之經賦比興為之緯自後世專講聲律而風雅之道遂亡是集所錄又專為學詩之範以云其善可法後學以云其戾有乖詩旨讀者但互為勘證勿泥其道可也

附錄傳記參攷材料

無

音分古義上下二卷附一卷 光緒丙戌刻本

劉啓瑞

錢唐戴煦撰煦字鄂士文節弟也精算學亦善畫畫高出文節上尤精律呂嘗辨正七律之說謂凡神與人以數合以聲昭然後相應故以七同神人之數而以律和神人之聲于是乎有七律也州鳩之語頗涉傳會而七律七同名義鑿鑿自漢以後劉安京房之徒用弦定律始取黃鐘太簇姑洗蕤賓林鐘南呂應鐘為七音韋昭亦遂以四律三同解七律於是七律

續修四庫全書總目

卷 經部樂類

之義晦而七同因不得其解歷魏晉五代唐宋元明未有起而正之者我朝吹律定聲始知清濁二均當律呂分用千年疑竇一言而決發復三代之元聲正累朝之異說誠盛事也云云世咸服其知律其說見於是書鄂士既有所得因詳為辨正歷代解律之誤為通言十五則以弁書首俾解律者有所遵循既而上溯古義推証今說益以新解祛其夤解更為說十則曰黃鐘定制曰用連比例定管音法曰律呂借用倍半曰六間準分曰黃鐘同形管曰黃鐘同形管生

各律各間同形管曰用連比例定弦音法曰弦音度

分配管音律呂曰琴弦徽分曰琴弦轉調都為二卷

復訂正世傳諸法為說三則曰用連比例訂正世傳

弦音度分法曰改設管音度分以合世傳弦音度分

法曰改設黃鐘同形管以合世傳弦音度分法因別

為一卷以附諸後凡此皆其書之大要也按清世言

律呂者多失之隱澀玄晦至陳澧律呂正義出而後

世人方知前此之誤而是書所解多有與陳說合者

迹其撰述之時亦復後先相侔乃梓行較後行世較

續修四庫全書總目

卷 經部樂類

晚世人遂多有知陳說而不知有戴說者其傳與不傳母亦有幸有不幸歟

附錄傳記參攷材料

杭州府志



萬言肆雅不分卷 同治庚午重刻本

劉啓瑞

常熟屈曾發撰曾發字省園乾隆戊子科舉人候選知縣夙攻訓詁尤慧文字嘗仿周興嗣千文字例取康熙字典所載之字凡一萬言無重複者以四言歌行編排系聯以天地人物為大別每類各取歷代典實為之詞句每詞二句句各四言每詞之下注以音訓及其形變俾初學者有所遵循錢大昕序其集述其纂著之旨略謂漢時閭里書師合倉頡爰歷博學

續修四庫全書總目

卷 經部小學類

之篇為一書僅三千餘字凡收訓纂遺有增益及許并重說文解字出所收凡九千三百五十有三字嗣後楷隸相嬗訛謬日滋字愈多而愈失其宗公私轉寫習以為常有志古學者不無遺憾屈君省園精於小學仿周興嗣之體撰肆雅一篇凡一萬言無重複者歌頌聖德詞必雅馴具訓童蒙休兼通俗云云可以知省園之意乃續倉頡爰歷博學凡將急就諸篇而為者取以便童蒙也其例亦謂康熙字典所載共四萬一百六十九字其見於經史子集內典道藏碑

官野史鐘鼎碑碣至世俗所習用者實得一萬四千

餘字今除篇中編取萬字外附見音注又三千七百四十二字所遺者不及十分之一童而習之中人之資一年可畢識字一道思過半矣云云亦與錢說相符也然綜括全書乃有二獎即以例言所云論之一例云字有古文籀文本体俗体之不同凡習用之字篇中各体俱載注中仍分別注明若僻字則未備收附見音注加圈以標之云云按重文形体之變字典所收多著出處以便考徵此則泯去其跡有失形体

續修四庫全書總目

卷 經部小學類

嬗變之真此其一也二例云字見四子書及照邊旁讀者音注概從省略餘則詳注俱用直音間有無可直音者則用反切云云按反切之法乃清直音之窮直音之弊正坐一無同音之字則其法窮說見陳澧切韻攷通論況反切之法行之已久而此獨用直音無乃昧於音史之變此其二也矧康熙字典一書所收本屬蕪穢王引之奉敕輯訂時已議其非而爾省園乃竟取此毋亦陋歟



附錄傳記參攷材料

卷首進呈書表

續修四庫全書總目

卷

經部小學類

字學津梁不分卷 康熙丁卯刻本

劉啟瑞

錢唐傅起儒撰。起儒字汝為。杭州府志。錢唐縣志均無傳。事蹟不詳。據卷首自序。署康熙丁卯證之。汝為蓋為康熙時人也。是書不分卷。而分四帙。一為歷代名論。如六義。古文。大篆。籀文。小篆。八分。隸書。章草。行書。飛白。草書。永字八法。蕭何蔡邕筆法。衛夫人筆陣圖。王羲之書論。筆勢論。唐太宗指意。歐陽詢三十六書法。虞世南筆髓論。顏真卿傳。張旭十二意筆法。書

續修四庫全書總目

卷

經部小學類

訣。黃庭堅書記。米芾論書。姜堯章書法。梁武帝書評。韋續書評。切韻法等。是二為字法歌訣。歌行如篆法歌行。篆書歌訣。隸法歌行。隸書歌訣。楷法歌行。楷書歌訣。草書歌行。草書歌訣等。是三為草書歷代應制詩。如五言律詩。七言律詩。五言絕句。七言絕句等。是四為百家姓。正聲類音。是書專務啟發後學。使於應制。故先取歷代論書之作。詔以源流。次列篆隸楷草歌訣。詔以遵循。再次草書歷代應制之詩。詔以學習。最末殿以百家姓類音正聲。則為審音正讀。前三帙

多取前人之說姑置不論後一帙則起儒從胡須所習者其說重在改訂反切以符當時音讀故於切韻唐韻廣韻集韻反切概不遵循於中原音韻洪武正韻之切亦不引證但按時讀分別紐韻推量其法可得四端一反切上字悉用三十字母之名不更取同聲之字如趙屬澄母即以澄較切為切是也二反切下字專取同等如朱為三等字即用居字為切定為照居切是也三反切韻部悉從時音如楊字本屬陽韻江字本屬江韻各不相侔此則以時音為主定楊

字為喻江切是也四反切之外更註聲調以助反切之窮如秦字從中切下復註音盡平聲是也之此四端於反切改良殊得宏益雖其法粗疏不若潘耒韻音李光地音韻闡微之精然亦有可取者

附錄傳記參攷材料

卷首自序

漢隸辨體四卷 光緒乙未刻本

劉啓瑞

諸城尹彭壽撰彭壽字慈經光緒戊子科副貢候選教諭光緒十七年山東學政裕德以其達於訓詁學有根源荐於朝賞加國子監學政銜先是光緒十三年嘗奉檄為國子監校修石經考求篆隸備極精詳因著石刻証經五卷既而又考求漢隸形體為漢隸辨體五卷其書以說文五百四十部首為次始一終亥凡說文所有之字而亦為漢隸所有者條舉列之

或漢隸無其本字而有其段借字者則著其段借字於下並各為詳說以明形體之嬗變字義之引申旁徵博引頗稱精確如口部吟字漢隸有吟無吟因加按云玉篇吟古吟字漢書息夫躬傳秋風為我吟韓非子楊權篇宗室憂吟楚辭悲回風孤子吟而按吟吟吟皆作吟是也又如售字漢隸有隹無售因加按云隹與售同詩大雅無言不隹釋文作售漢書高帝紀隹數倍如瀉曰隹亦售也宣帝紀輒大隹師古曰隹讀曰售是也其餘諸則率多類是然亦有近於穿

鑿者如漢隸無酌字因以卓字當之加按云石門頌  
揆古卓今按是以卓為酌也儀禮親禮匹馬卓上九  
馬隨之鄭注讀卓王孫之卓猶的也古音如酌非如  
廣韻之音竹角切鄭故特著之以明其異而酌字古  
亦音酌詩賓之初筵發彼有的與以祈爾爵為韻釋  
文亦出有勻云本亦作的同故鄭云卓猶的也以的  
証卓其音酌益明碑以同音而借用也說文的明也  
从日勻聲易曰為的顯今易作的詩亦作的俱應傳  
寫之誤非从白也云云跡其推証固屬遠博然不免

過於牽引是亦有失之於謹慎矣

附錄傳記參攷材料

諸城縣志

群書校補一百卷 光緒刻本

劉啓瑞

歸安陸心源輯心源別有皕宋樓藏書志已著錄事  
迹並已詳前此則其據宋元明本校補諸籍之總龜  
也心源藏書至富有千元皕宋之稱世之推藏書家  
者亦必曰皕宋樓陸氏是書即據皕宋樓所藏以之  
校補群書者其所以分校補為二一則以正謬舛故  
曰校一則以載散漏故曰補也其校補群書凡三十  
有七種曰李氏易傳據宋本校曰劉元詩說據宋本

補曰陳友曰周礼集說據明成化足本補曰陸淳春  
集秋傳纂例據明覆宋本校曰蕭楚春秋辨疑據元  
本校補曰王元杰春秋獻議據影元抄本補曰賈昌  
朝群經音辨據宋本校曰丁度集韻據宋本校曰蘇  
天爵元名臣事略據元本校補曰賈思聰齊民要術  
據宋本校曰劉涓子神仙遺論據周香岩抄本補曰巢  
元方諸病源候論據元本校補曰王彞外台秘要方  
據北宋熙寧刻本校補曰李治政齋古今註據舊抄  
本校曰黃伯思東觀餘論據明覆宋本校曰王充論



衡據元覆宋本補曰鄭克折獄龜鑑據劉墀隱居通  
議補曰姚寬西溪叢話據影宋本補曰高似孫硯箋  
據宋本補曰封氏聞見記據舊抄本補曰王謙唐語  
林據明刻本補曰徐堅初學記據宋刻本校補曰徐  
鉉稽神錄據太平廣記校補曰薛用弱集異記據太  
平廣記校補曰道德真經指歸據元本校補曰陸士  
衡集據宋本校曰王禹偁小畜集據影宋本校補曰  
韋驥錢唐集據明覆宋本補曰王安石臨川集據宋  
文鑑宋文選撰播芳大全能改齋漫錄校補曰曾鞏

續修四庫全書總目

卷

史部目錄類

元豐類稿據宋文選宋文鑑播芳大全能改齋漫錄  
緯略校補曰曾鞏曲阜集據通鑑長編諸臣奏議名  
臣碑板琬琰集播芳大全校補曰張耒柯山集據明  
抄本補曰徐照集據宋本補曰徐璣集據宋本補曰  
孔延之會稽振英總集又續集據錢穀手抄本校曰  
尤延之文選考異據影宋本補凡此或以宋本元本  
明本抄本校或以宋本元本明本抄本校或魚校補  
為一或藉他書補校均以四部分類為據前人經籍  
多藉傳寫刊致謬漏往往不免後世校刻或得善本

以付刊者則嘉惠士林尤為佳籍或竟不得善本為  
據而書棚刊刻以致失當者後世又不得互校遂致  
魯魚亥豕輾轉相傳流毒孔長豈有涯涘今得此校  
足正千古之失其功豈云小哉

附錄傳記參攷材料

見函宋樓藏書志

續修四庫全書總目

卷

史部目錄類

臺州經籍志四十卷 民國四年活字本

劉啓瑞

臨海項元勳編元勳字士元事跡不詳據卷首例言考之知其為晚清時人也。是書專仿孫仲容溫州經籍志例搜輯台州一郡經籍凡四千餘種以四部為類別名曰台州經籍志都四十卷各錄書若干種其分類則略依紀昀四庫全書書目其解題則仿晁公武郡齋讀書志陳振孫直齋書錄解題復遵馬貴與文獻通考朱彝尊經義攷詳載序跋其論斷存佚

續修四庫全書總目

卷

史部目錄類

則參錢綱珊瑚天祿琳琅書目間采題跋姓名收藏印記蓋欲藉以闡發潛幽意至善也其有與四庫不同者四庫於譜牒一類刪汰者多蓋因家置一編餘不勝錄汰之所以免誣濫也郡邑目錄則重在文獻舍此無以徵世家喬木故是書於譜牒一類凡有序跋見各家文集或志乘者悉為甄錄例有不同非立異也按台州文獻向稱繁盛其見於四庫全書者五十有二部其見於存目者六十有四部方之他郡實有過之然搜之而為目錄者則始於謝文肅赤城新

志第所錄僅一百四十部未云備也厥後康熙府志增至三百六十部惜每書惜趣無所發明而部居不別卷數不明甚至名編巨製見於正史藝文諸家目錄者亦往往失載可謂陋矣雍正浙江通志經籍門凡屬於台州者一千一百餘種分別部次視前為勝但疎漏舛錯仍所不免今士元此編所錄至四千餘種起自隋唐迄於近世凡屬台人著述莫不搜羅靡遺攷而訂詳明尤為前人之所未逮論台州之文獻者當舍是無取矣

續修四庫全書總目

卷

史部目錄類

附錄傳記參攷材料

無

皇朝聖詩考七卷 同治己巳刻本

劉啓瑞

曲阜鄭曉如輯曉如字曙明事蹟不詳是書專輯有清奉祀之皇師帝師王師先聖之傳考其行實為典禮者資按大清會典卷四十五禮部載凡釋奠傳心之禮為殿於禁城內文華殿之東每歲春秋仲月皇帝御經筵先遣官祇告傳心殿皇師伏羲氏皇師神農氏皇師軒轅氏帝師陶唐氏帝師有虞氏王師夏禹王王師商湯王王師周文王王師周武王均正位

續修四庫全書總目

卷

史部傳記類

南響先聖周公東位西響先師孔子西位東響皇師帝師王師位各一案先聖先師位各一案皇帝親詣行禮云云蓋清世所奉祀之皇師為伏羲神農軒轅帝師為陶唐有虞王師為夏禹商湯周文周武先聖為周公先師為孔子都凡十有一人之十有一人者其事迹並載之史乘固無俟乎尋錄特代遠年湮史乘所紀多憑傳聞或記載失辭或詳畧互異曉如生於曲阜親覩先師孔子釋奠之盛因上溯正史旁推野乘凡有關於皇師帝師王師先聖先師之記莫不

搜羅靡遺成書七卷殆十餘萬言計卷一為皇師伏羲氏神農氏軒轅氏卷二為帝師陶唐氏有虞氏卷

三為王師夏禹王卷四為王師商湯王卷五為王師周文王周武王卷六為先聖周公卷七為先師孔子人各數千言或萬餘言不等其說先本之經後本之史再雜采百家之說以補經史所未備而於纖緯所載則辨其荒誕如伏羲氏考云案緯書稱帝龍顏虎頭虎軀猿背蛇皮蜂腰之類皆形容略似之言耳不足信也於此蓋徵其考証精確不妄稱述雖間有用

續修四庫全書總目

卷

史部傳記類

陰陽五行之說以配武帝然此皆前人成語不得不從而因襲非曉如之過也所憾者卷首無序目卷末無跋語不獲考知曉如究為何許人也

附錄傳記參攷材料

無



祝天大讚集解一卷 光緒二十二年敬畏堂周氏刻

本

劉啟瑞

榆城馬德新譯阿日乎集解德新字復初別有據理  
質證已著錄阿日乎別署認真主人事跡無可徵是  
書乃復初據天方教回文教劫真經譯為祝天大讚  
阿日乎又從而集解之復初天方教徒也謂詩曰天  
生烝民書曰天降下民是人之賦畀皆出於天故盡  
心知性所以知天存心養性所以事天人固不可一  
日而忘天也自漢魏以來佛老教興只知瞻拜土木

續修四庫全書總目

卷

子部雜家類

偶像忘其生我降我本來自然之天獲罪於天致干  
天怒是以天降浩劫莫能挽回僕心焉憫之拳拳久  
矣後游天方得教劫真經特譯為祝天大贊一章天  
即吾教所謂天地人萬有之真宰也誠能齋戒沐浴  
朝夕虔誦悔罪改過求天恕宥自可回天之心較之  
誦千萬佛號讀千萬道尊如逢人而呼父見吏而稱  
君者其功何止千萬也云云意在尊天故譯經文為  
祝天大讚其文襲積周易尚書詩經三礼三傳四子  
書佛老莊墨之句按經文之後先排比其次第而成

故其文辭殊甚雅馴非尋常譯經者可擬蓋復初家

世雖天方教徒而自則遠於儒書故發為文辭始能

如是之典喬也阿日乎者復初之弟子也亦深於儒

理故其集解亦頗精當如解清我玄天則謂清淨

之体與物無染玄玄奧而不可測又如解我妙天

則謂我無形体無方所寂然而不可睹不可聞妙造

化萬有妙用無窮又如解真我皇天則謂真具体實

有不染於幻化不縻於氣數也具体雖不可見而妙

用顯於萬有有用必有体猶之有造藝必有工匠不

續修四庫全書總目

卷

子部雜家類

得以其体不可見而遂其為虛無也云云均不偏不  
倚得乎中正其他諸解亦率類是蓋日乎於儒理之  
書真積力久故所說不悖於儒教不愧復初之弟子  
也至卷中所附天字解主字解教統解教門解回子  
解反教議回回源流叩頭辨洪水辨等均阿日乎撰  
大旨闡明回教源出自天與儒釋老教併行不廢非  
若邪說可比是亦有助於天方教者

附錄傳記參攷材料

無

四部正謠三卷 光緒二十二年刻本

劉啓瑞

明胡應麟撰。應麟別有少室山房筆叢，已著錄。此則其辨四部屬書之作也。自序謂屬書之昉，昉於西京。時六籍既焚，衆言淆亂，懸疣附贅，假託實錄。今其目存於劉氏七略，班氏九流者，亡慮什之六七。然率弗傳於世，世故莫得名之。唐宋以還，屬書代作，作者日傳，大方之家，第以揮之一笑。乃銜奇之夫，往往驟揭而深信之。至或點聖經，廁賢撰，矯前哲，溺後流，厥係

非眇淺也。余不敏，大為此懼，輒取其彰明較著，抉証摘偽，例為一編。云云。據此，是應麟之作，乃專為辨偽書而著。鋪觀全書所辨偽作，迨亡慮百餘種。大率四部名籍，彰彰在人耳目者，如鬼谷子、騶冠子、黃帝內傳、穆天子傳、山海經、越絕書、西京雜記、列仙傳、洞冥記等，是均按歷代之後，先為之條序，其次第，每書各臚憑証，條舉綱列，或一二則，或四五則不等，必辨析詳明而後已。綜其所辨，均甚確著，而辨偽之道，尤具卓見。卷一論辨屬書法，有云：「凡屬書之作，情狀至錄。」

約而言之殆十數種有偽作於前代而世率知之者  
風后之握奇岐伯之素問是也有偽作於近代而世  
反惑之者卜商之易傳毛漸之連山是也有擬古人  
之事而偽者仲尼傾蓋而有子華柱史出關而有尹  
喜是也有挾古人之文而偽者伍員著書而有越絕  
賈誼賦鵬而有鵬冠是也有傳古人之名而偽者尹  
負鼎而湯液聞成飯牛而相經著是也有蹈古書之  
名而偽者汲冢發而師春補檮杌紀而楚史傳是也  
有憚於自名而偽者魏泰筆錄之類是也有耻於自

名而偽者和氏香奩之類是也有襲取於人而偽者  
法威晉書之類是也有假重於人而偽者子瞻杜解  
之類是也有惡其人偽以禍之者僧儒行紀之類是  
也有惡其人偽以誣之者聖俞碧雲之類是也有本  
非偽人託之而偽者陰符不言三皇而李筌稱黃帝  
之類是也有書本偽人補之而益偽者乾坤鑿度及  
諸緯書之類是也綜斯所論多發昔人之所未發足  
為古籍之諍臣而為後學之津逮刀關榛蕪誅鋤荆  
棘使世之學者不復重履迷途誠善籍也

附錄傳記參攷材料

浙江通志



稱謂錄三十二卷 光緒乙亥刻本

劉啓瑞

福州梁章鉅撰章鉅別有文選旁證已著錄事跡並已詳前此則所輯歷代之稱謂錄也案古人稱謂各有等差不相假借其名號蓋定於周公制禮之時今之列為書者爾雅釋親戴記曲禮其最著者厥後世代愈積稱謂愈繁如孔鮒之小爾雅揚雄之方言劉熙之釋名張揖之廣雅各有增益而雜見於前後史書及各家著述者尤夥惜無分門別類薈萃而成書

續修四庫全書總目

卷 子部雜家類

者章鉅於受業阮文達時嘗論及之語見自序文達因命其上溯經史下逮百家推證雅言旁徵俗語條舉綱列輯為一書以輔爾雅戴記小爾雅方言釋名廣雅之所未備章鉅遂旁搜遠紹積數十年之功成此一書昔後周盧曾辨賞撰有稱謂五卷載之宋志書惜不傳章鉅因襲其名名是書為稱謂錄蓋取其易於通曉辨識也是書分類大要有八一首親親本也故自遠祖以下至父為卷一母為卷二父黨為卷三兄弟為卷四二為夫妻妻為卷五子孫為卷六夫

黨妻黨為卷七姊妹並姊妹黨為子女孫黨暨姻親

為卷八師友附之三由親而尊天子並天子父母以

下至皇子孫為卷九卷十宗室公主駙馬外戚大監

為卷十一師傳保上書房暨封爵宗人府內閣為卷

十二四軍機處翰林院詹事府為卷十三都察院為

卷十四部官並吏部戶部倉場為卷十五禮部兵部

刑部為卷十六五工部理藩院通政司並大理太常

為卷十七太僕光祿園子鴻臚並順天府欽天監為

卷十八太醫院內務府上駙院武備院鑾儀衛為卷

續修四庫全書總目

卷 子部雜家類

十九領侍衛內大臣八旗都統步軍統領九門提督  
前鋒統領護軍統領為卷二十以上皆為京朝官六  
外省文員皆撫以下暨河務漕務鹽務各官為卷二  
十一知府至佐雜為卷二十二欽差官大將軍暨駐  
防將軍都統並綠營提鎮以下為卷二十三學政官  
暨大小試官以及甲第各出身為卷二十四七官眷  
紳幕僕婢為卷二十五書役兵勇為卷二十六技藝  
各項為卷二十七工商各項為卷二十八八廚與各  
項並琴棋書畫歌射拳賭為卷二十九匪類並優校

為卷三十九流三教並三姑六婆為卷三十一各種  
稗稱為卷三十二凡此皆其書之大要也其書善處  
在於類別詳明徵引繅繹然其獎也亦正在是既重  
詳明則易流於醜縷既重繅繹則難嚴於扶擇要之  
稱謂之書本屬鑿空而為後周盧辯曾稱謂之編既  
不可見得此一帙亦足以備攷矣

附錄記參攷材料

清史列傳

續修四庫全書總目

卷

子部雜家類

據理質證一卷 同治四年刻本

劉啟瑞

榆城馬德新撰德新字復初事跡不詳據卷末署年  
考之但知其為同治時天方教徒也是書專辨天方  
教與天主教之異同而尤嚴別天主降生為耶穌一  
說所辨迨近萬言大旨謂天主教性理首章云天主  
者生天地神人之大主宰也無形象無聲臭至極純  
神有天地萬物而無所增無天地萬物而無所損生  
之不煩其力存之不擾其靜滅之不泯其肅雖以時

續修四庫全書總目

卷

子部雜家類

而見自無始而常有變化庶類而自無變遷始終萬  
物而自無始終萬物而不與物同體閱萬世而不  
與世推移其行無動其靜無息其理不可測至玄而  
非虛至穆而非無乃至誠而至善之極云云德新謂  
其說大謬辨謂彼等謂耶穌乃天主聖子甘心結合  
一人性於己位而成為一真人而真天主者也真人  
以有靈魂有肉軀與人無異真天主以聖三中第二  
位聖子實與聖父聖神本一体一性一天主真人而  
天主者因耶穌一位有天主性與人性而成一救世

者故其原性而言之天主也以其所取之性而言之  
人也以其兩性結合屬聖子之原位而言之乃二其  
性而不二其位也誠為一位天主而人人而天主者  
余天方教獨認真宰為獨一無偶至尊至大雖聖人  
亦歸功於真宰不聞穆罕默德為真宰降生之書茲  
再援儒釋道三教証之儒教尊孔子為聖不聞有上  
帝降生為孔子之書道教以老子為聖釋教以如來  
為聖亦不聞天降生為老子如來之書然則天主與  
耶穌合為一體之說其為背謬不待辨而明矣云云

言至詳切餘說亦頗可采足正天主教聖經之誤然  
德新乃天方教徒所說亦有近於詭辯者要皆本其  
教以立言故不得不與儒說有異至其卷首有致天  
主教古司鐸書亦以天主降生為耶穌一說奉質於  
天主教司鐸者其說有十疑十不可解證大氏與前  
論相似蓋德新本意重在闡明天主教聖經誤處故  
名其書為據理質證也

附錄傳記參攷材料

無



故事白眉十卷 康熙壬午重刊本

劉啟瑞

吳縣許以忠纂以忠別有精選名家字字珠已著錄  
事蹟並已詳前此則其所輯類書也類書部居凡二  
十有五曰君道曰官品曰人道曰法教曰人品曰交  
際曰德器曰庸劣曰文學曰人事曰吉事曰凶事曰  
雜劇曰仕進曰天文曰地理曰歲時曰宮室曰花木  
曰禽獸曰器用曰珍寶曰衣服曰身體曰飲食每部  
又各為區別如君道為類則十有二曰上皇曰太后

續修四庫全書總目

卷

子部類書類

曰皇帝曰聖節曰聖壽曰皇后曰太子曰宗室曰外  
戚曰詔書曰赦書曰朝制官品則為類十有五曰宰  
相曰參政曰尚書曰學士曰諫官曰御史曰使臣曰  
郡守曰縣宰曰幕官曰縣丞曰主簿曰縣尉曰吏掾  
曰武將人道為類則二十有三曰祖父曰父母曰賢  
父曰賢母曰孝養曰子孫曰女子曰兄弟曰伯叔曰  
子姪曰兄嫂曰姊妹曰夫妻曰娣婦曰宗族曰閭閻  
曰翁婿曰親戚曰師生曰賓主曰惡客曰寵妾曰奴  
僕法教則為類十曰神仙曰仙食曰仙居曰仙術曰

佛教曰僧類曰僧亡曰講僧曰道教曰鬼神人品則

為類十有四曰隱逸曰漁釣曰農夫曰商賈曰醫士

曰相士曰地師曰卜士曰星士曰滑稽曰畫者曰傳

神曰射者曰技藝其餘諸部亦率相似或分類五六

或分類七八或分類十二三或分類十四五要皆視

其引徵之繁殺定類目之多寡每類俱旁搜遠紹取

精用宏上溯秦漢下逮近世每事必求其源沿其流

原原本本條舉網列如君道部上皇類分子目為三

一曰太上皇取證於史記漢高本紀尊太公為太上

續修四庫全書總目

卷

子部類書類

皇二曰上徽號取證唐紀穆宗詔加我虛尊三曰高  
蹈亮舜取證宋史高宗行內禪禮陳康伯等言陛下  
高蹈亮舜之舉凡此皆其書之佳處然其弊處亦正  
在是良以徵引過博則擇焉而不精品評過繁則易  
流於庸俗前人編類書者每易得此二弊以忠蓋亦  
未能免也

附錄傳記參攷材料

見精選名家字字珠序

千金裘初集二十七卷二集二十六卷 道光丁酉重

刻本

劉啟瑞

漢陽蔣義彬輯義彬事蹟無可考檢府州邑志均無其名以其卷首自序署年嘉慶徵之屢知其為嘉慶時人也。是書乃類書仿冊府元龜北堂書鈔之法參證近世科第臺閣詩賦所需為之斟酌消益分門別類為卷二十有七為類二十有八曰天部曰地部曰人部曰帝王曰仕宦曰科名曰性道曰人品曰文學曰武功曰禮儀曰樂舞曰倫類曰形體曰居處曰服

續修四庫全書總目

卷

子部類書類

飾曰飲食曰農桑曰雜藝曰閨閣曰仙釋曰物部曰珍寶曰文具曰武備曰雜物曰鳥獸蟲魚曰草木蔬菓大抵以天地人物為類別焉其書每類錄典或數十目或百餘目不等每目均舉其出處及其釋解言簡而賅典多而約所引之書上溯史漢下逮元明旁紹百家遠徵方俗舉一名必詳其源舉一事必求其本逐條臚列不忘臆附言其美善雖未可與冊府元龜北堂書鈔相持然較之晚近坊間類書如事類廣賦等籍或且過之別卷末又附以虛字之對為便於

續修四庫全書總目

卷

子部類書類

士子類聚尤異於他籍至於二集分類一如初編乃補初集之所未備者然鋪觀全書言其偽誤亦有可述如天部中桑榆一條應引淮南子日西垂影在於樹端謂之桑榆不應引劉元詩仕宦中注紫微郎應作微字不應與紫薇花俱作微字又鸞局一條引唐中宗制本係鸞局誤作鸞局科名中燒尾宴原有三解聞見錄虎化為人須燒其尾又云新羊入羣燒其尾乃定又云魚躍龍門雷燒其尾乃化三義以魚化龍為冠冕乃獨引虎化一條於義未當禮儀門鳴儀一條六帖本作鴻儀乃誤作鳴儀武備門虎帳引詩渾詩虎帖齊中設乃誤作齊字雜物門鳳冰條下僅寫楊妃外傳書名而不載其事種種悖謬殊堪貽笑方之冊府元龜其不逮也遠矣

附錄傳記參攷材料

卷首自序



黃眉故事十卷 康熙庚辰刻本

劉啓瑞

明饒州鄧百拙生編百拙生係別署檢饒州府志人物傳鄧氏諸人下無別署百拙生者未知此究為何許人也是書乃類書卷首有萬曆丙辰董玄宰序稱百拙生先有白眉故事一集燁然為世珍今復從諸經傳子史百氏中纂出為黃眉故事云云按白眉故事今未見然百拙生既與玄宰友要亦為當時之名士特其原名無可徵耳是書取法白氏六帖冊府元

續修四庫全書總目

卷

子部類書類

龜初學記等書條分部居襟而不廁計分部類三十有二曰乾象曰坤輿曰歲時曰帝統曰官品曰人品曰倫道曰藝術曰異教曰女子曰身體曰美德曰劣性曰吉礼曰凶礼曰人事曰仕進曰居室曰器用曰衣服曰文史曰寶貨曰飲饌曰衆花曰衆木曰果實曰百草曰翼禽曰蹄獸曰畜產曰水族曰昆蟲每類又各為子目或十數目或數十目不等要皆視其部類之繁簡分子目之衆寡如乾象為目十有三曰天曰日曰月曰星曰風曰雲曰雨曰雷曰霧曰霜曰雪

續修四庫全書總目

卷

子部類書類

曰冰曰雹坤輿類為目十有八曰地曰山曰水曰濤曰泉曰海曰江曰河曰湖曰池曰井曰石城曰路曰橋曰市曰鄉曰園是也每目又各視徵引之約傳定條列之單複如天得八條日得四條月得四條星得四條風得四條雲得三條雨得六條是也每條更以引書之後先為之臚列其源流如天目雨金雨衆條先引史記次引事文類聚次引宋書是也更於每目之眉擇名公翰札有關本條之事者冠諸書首以便閱者之嬾祭信善籍也董玄宰稱其書謂其分門別類曲盡古人事迹紀某事則標額曰出某書攷某書則點綴曰屬某事援引根據註釋詳明且門類之中先列故事後列四六以故事可資乎四六而四六可印正乎故事云云誠可謂詳得其實矣

附錄傳記參攷材料

無



地學二卷 康熙壬辰刻本

劉啓瑞

望江沈錫撰錫字六圖事跡不詳據卷首江瑞序謂其康熙己丑捷南宮是六圖曾登進士第者是書專言葬經以五行之生剋語窅窅之安否自謂地理本形家言謂即形察理也自大極分陰陽陰陽生五行五行生萬物太極無形者也陰陽亦無形者也至於五行乃有形象在天成象歲時感填太白金辰為五星在地成形水火木金土為五材凡此五材民並用之

續修四庫全書總目

卷

子部術數類

而大地渾土也人生於土歸於土故卜居卜葬視土而已夫土一耳起而為峰巒曼而為岡阜行而為平原古之哲人知五行之中復有五行爰即土之生相以別為木火土金水之形論其生剋制化以立尋龍求穴之法是為山家五行行云云因廣論山川之形勢與夫穴沙水之利害為地學二卷計分類三十有一曰木曰火曰土曰金曰水曰五行曰龍格曰局曰總論曰穴星曰穴場曰穴暈曰沙注曰龍虎曰案曰朝曰外陽曰擺列曰侍衛曰護纏城郭曰宮曰鬼曰禽

曰曜曰沙總論曰水泛曰殺曰怪穴曰權宜訣曰論方法曰論選擇每類各論其利害生剋並詳為之圖歷述山脈之起伏水源之流澀不偏不倚不怪不奇大要因山川之形勢求窅窅之佳美凡世俗日者之言概屏勿取昔司馬溫公力僻葬經之非謂為有害於世今觀其書雖未能力祛其非要亦無邪說存於其間是亦有可取者

附錄傳記參攷材料

續修四庫全書總目

卷

子部術數類

卷首江端序

山海經存九卷 光緒二十一年撫立雪齋本印

劉啟瑞

婁源汪紱撰紱初名烜字燦人號雙池家貧困傭於江西景德鎮為畫碗之役後之閩中館楓嶺浦城間從游者甚衆乾隆中以諸生終其學博綜儒經以宋五子為歸因陸隴其著讀禮志疑乃作參讀禮志疑多傳經意又著周易尚書四書詮義春秋集傳禮記章句樂經律呂通解理學達源儒先語語等二十餘種此山海經存者亦其遺書之一也考山海經一書

續修四庫全書總目

卷

子部小說家類

語多荒誕前人已言其非四庫提要更譏其侈談神怪百無一真是直小說之祖入之史部地理類未為允當因移之子部小說家類世人多遵行之然為之注者晉郭璞外當推吳任臣之山海經廣註郝懿行之山海經箋疏為最著而雙池是書亦足與之頡頏按雙池釋是書時郝懿行箋疏猶未刊行世之學者咸尊吳註吳註於名物訓詁山川道里皆有所訂正可補郭註之未備然引據過繁考証未當雙池因更為之拾遺補闕上溯經史下逮百家凡有涉於山海

經者莫不蒐采徵引重為釐定而於荒誕之說尤嚴

於辨正書中如正大荒北經夸父不量力欲追日影逮之於禺谷將飲河而不足也將走大澤未至死於此應龍已殺蚩尤又殺夸父乃去南方處之故南方多云既曰追日曰飲河則渴死也而又曰應龍殺之豈應龍不興雨澤以致夸父之渴則是以為是應龍殺之歟考此書所傳言夸父大氏不量力之人意者欲窮日出入之所而不能至遂道困而死如穆王之欲周行天下者耳又或且作亂而為應龍氏所誅

續修四庫全書總目

卷

子部小說家類

則蚩尤實也南方多雨以山澤多而土薄日近水氣易蒸而上故多雨非以龍在焉故也云云語至平允可正山海經之失其餘諸說亦有與郝疏合者或為郝疏所未及者要皆可傳之作足與吳註郝疏並行不悖也至於書中圖釋尤見審慎凡奇怪險異之說皆屏而弗取但取其有合於事理之常者而後圖之與前人所繪山海經圖皆有不同是亦可資考訂名物者助焉

附錄傳記參攷材料

徽州府志

婺源縣志

續修四庫全書總目

卷

子部小說家類

滇南文略四十七卷滇南明詩略十卷首一卷國朝詩

略二十二卷流寓詩略二卷詩略續刻十卷 光緒

二十六年雲南五華書院重刻本 劉啓瑞

保山表文典暨弟文揆同纂文典字儀雅號陶村乾

隆丙子舉人官廣西州學正著有陶村詩鈔文揆字

時亮號蘇亭乾隆丁酉拔貢官雲南縣教諭著有時

舍堂稿兄弟並以詩文名當世才行為滇南冠時人

比之為蘇氏軼轍兄弟既貴連益粹力於傳世之作

相與選輯滇人士之詩與文以為鄉邦文獻之徵始

續修四庫全書總目

卷

集部總集類

事於嘉慶之初凡歷二十年而後成文略計四十有

七卷始自兩漢迄於國朝以時為緯以體為經凡分

體四十有四曰奏疏曰表曰檄曰上書曰策曰議曰

教曰論曰書曰啓曰札曰喻曰解曰辨曰攷曰說曰

銘曰頌曰贊曰引曰募曰序曰碑曰記曰傳曰狀曰

志曰紀略曰事略曰記事曰書事曰題跋曰墓表曰

墓志曰行狀曰行述曰誄詞祭文曰擬騷曰擬表曰

辭曰賦曰駢體曰四六表曰雜論每體各以時次或

先漢魏或先六朝或先唐五代或先宋元明或竟以



清代為首、均各視其每時之文有無為定、同時者又以其人之先後為定、其所以始奏疏經史劄子者、尊君尊經也、繼以檄上書策議教者、取其義正而事有關、係與夫事之近於公者也、其他論書喻解辨考說、銘頌贊引序又次之、碑版之文、先於遊覽表誌、狀述誄文、後於列傳、裸體題跋、皆以義與事權衡、賦為古詩之流、長卿謂賦家之心、包括宇宙、總覽人物、而乃與駢體並列者、欲後學斂華而就實也、駢體殿以賀表者、以尊君始終也、此其文略之大凡也、詩略則分

續修四庫全書

卷

集部總集類

為三、一為明詩略、計十卷、以洪武、建文、永樂、洪熙、宣德、正統、景泰、天順、成化、宏治、正德、嘉靖、隆慶、萬曆、泰昌、天啓、崇禎諸代為次、同代者、又以其人之先後為序、而閩秀、方外、則殿諸末、每家復各系以小傳、以紀其人之爵里事迹、則仿元遺山中州集例也、明前之詩、則別為一卷、以冠諸首、如渡蘭滄歌、樊道謠、譯白狼王歌、唐驃信、趙抃、達揚奇、鯤布、變詩、元高氏、阿禮、楊淵海、羌奴、段寶詩是也、二為國朝詩略、計二十有二卷、其編次如明詩略、惟時代則始自順治、辛丑迄

於嘉慶己未、其不錄生存者、則杜標榜也、三為國朝流寓詩略、計上下二卷、錄倪琬、吳銘道、胡致堂、胡蔚、薛河、錢青選等詩、近二百首、流寓所以別錄者、以免與滇人裸廁也、其所以不及前明者、以代遠年湮、文獻無徵故也、此詩略之大凡也、詩略錄詩有闕漏、乃搜訪之不易、以滇地僻處邊陲、聞見有未周也、詩略既成、復續有所見、因又葺成詩略續刻十卷、卷一之二為明世卷三之十為國朝、其編次則一如前集、其間作者或已見前集、而詩有未盡收者、或前集至漏

續修四庫全書

卷

集部總集類

而今茲始續錄者、並各按其時代之先後為之補錄、復各述其葺補之故、以備攷徵焉

附錄傳記參攷材料

光緒重修雲南通志

沅湘耆舊集二百卷前編四十卷 正編道光二十三年新化鄧氏刻本 前編二十四年新化鄧氏刻本

劉啓瑞

新化鄧顯鶴暨子琮周纂顯鶴字子立號湘皋嘉慶九年舉人篤於內行事兄顯鵬如父撫兄子如己子嘗作聽雨圖及南村耦耕圖以見志博涉群書足迹半天下凡海內文人多慕與之交晚授寧鄉訓導尋乞病歸時因事至長沙治旁舍舍客造請詩文者日相接歸然稱楚南文獻垂三十年性嗜善幼時聞長

續修四庫全書

卷

集部總集類

老稱述鄉賢嘉言懿行輒欣然聽之此長搜討楚故尤不遺餘力嘗謂徵文考獻當自鄉始湖南自屈原賈誼以來通人志士仍世相望而文字放佚湮鬱不宣於是搜訪濱資郡縣名流佳什輯資江耆舊集既而又東起澧源西接黔中北匯於江全省之方輿略俗鉅製零章甄采略盡為沅湘耆舊集而以資江耆舊集入之復命次子琮補其所未備為沅湘耆舊集前編琮道光丁酉拔貢癸卯科舉人以父歿哀毀而卒世論惜之是書正編上起明世洪永下迄清代雍

乾隆錄詩一萬五千六百八十有一首詩家一千六百九十有九人釐為二百卷卷一之四十三為明卷四十四之二百為清人各以時為序而閩秀方外則另為卷第殿諸篇末其書編次悉遵前規言其名則襄陽耆舊記錦里耆舊傳傳其鄉之文獻也言其地則沅湘資澧四水可色湘境沅湘耆舊集即湖南詩徵之變名也言其時則洪荒以前既無可采中古文字又復簡略故託始於明迄於昭代其不錄生存者則文選不錄何遜詩之例也言其稱則選家向多書

續修四庫全書

卷

集部總集類

名惟蕭選則多稱字中州集祖其例而變之或以官稱或以德稱或以隱逸稱或以字號稱茲悉仿之以敬恭桑梓之意也言其次則各以類相從先之以科目而恩拔歲貢如之次以韋衣騷人逸士視其家世交游前後為序大抵以三十年為一輩乃列朝詩集之例也言其選則或以詩存人或以人存詩不拘一格要以表彰先哲搜剔遺隱為心為後學之程式備一方之掌故皆選一郡一邑詩之通例也凡此並各有所通務祛虛造探本窮源深得前人選詩之旨



而蒐采之宏博審定之精當猶居其次焉自序稱輯是書時乃有四難一曰上溯為難二曰旁求為難三曰扶擇為難四曰品藻為難以茲四難遂成五患一曰濫收二曰挂漏三曰去取失當四曰許隔不允五曰草率將事恐其書之不足以信今傳後於此亦可見其搜討之不易編次之謹嚴矣前編者則補正編所未及也正編始於明世茲則起自晉宋洎於元代上而公卿下逮韋布旁及閭閻釋道之流與夫仙鬼謠諑之說皆附之凡得詩二千二百三十餘首詩家

續修四庫全書

卷

集部總集類

三百三十有奇釐為四十卷其編次之例亦如正集顯鶴自序所謂年代懸邈必多就其所見哀而存之亦雖駭以後懷麓以前不可缺之典意也

附錄傳記參攷材料

清文稿

清史列傳

曾國藩撰鄧湘皋墓表

棠集詩法度錄三十三卷 乾隆三十三年刻本

劉啓瑞

豐城徐文弼編文弼字勳石號蓋山乾隆鄉舉官鄧陽教諭擢四川永川知縣再補河南伊陽知縣立義倉編保甲皆有善政以年老致仕歸生平最工詩尤精杜律嘗與同郡裘日修蔣士詮等相倡和望聲壇坫間一時有詩人之目其為鄧陽教諭時朝令以律詩試士士咸以不得中繩墨為慮學使之來鄧試士者而諸生獨彬彬為閭省冠大吏詢知為出於文弼

續修四庫全書

卷

集部總集類

教因德思為輯歷代之詩有合於功令者都為一編以便多士越年書成遂名曰詩法度錄度錄者欲以詩法度與人也書共三十三卷雖為八集而以八音名編首全集錄詩法錄論次石集錄杜律錄體次錄集錄全唐詩帖次竹集錄漢魏六朝詩次鮑集錄全唐古體詩次土集錄全唐近體詩次革集錄宋代各體詩次木集錄元明各體詩每集又各為類別以清釐目全集為類三曰五戒曰十宜曰十四論石集為類三曰杜甫五言律曰杜甫七言律曰杜甫雜體錄



集為類七，皆唐之試帖。曰天文類，曰時令類，曰地理類，曰花木類，曰鳥獸類，曰珍器雜用類，曰人物雜事類。竹集為類八，曰漢詩，曰魏詩，曰晉詩，曰宋詩，曰齊詩，曰梁詩，曰陳詩，曰隋詩。鮑集為類五，曰初唐五言古詩，曰盛唐五言古詩，曰中唐五言古詩，曰晚唐五言古詩，曰全唐七言古詩。王集為類六，曰初唐五言律詩，曰盛唐五言律詩，曰中晚唐五言律詩，曰初盛唐七言律詩，曰中晚唐七言律詩，曰全唐五七言絕句詩。草集為類二，曰宋古體詩，曰宋近體詩。木集為

續修四庫全書

卷

集部總集類

類二，曰元各體詩，曰明各體詩。蓋自全集論詩法外，餘皆以時代為次。同代者，又以詩體為次焉。其選詩之例，亦有四端：一是編為詩家續譜，專明金鉞秘法，顧詩法莫嚴於杜，而杜法莫備於律，故首編少陵律詩，而殿以雜體。次編試帖，乃急科舉之先務，窮化於神明者，又次編漢魏以迄元明之詩，列敘世次，以識其間作述之源流，與運會之升降，藉知體製之正變焉。二是編所選歷朝古近體詩，唯排律一體從略，以有試帖專集成法，具備可因類推，其古近體詩亦唯

詩各一式，專錄詩體法程，或人錄一首，十數首不等，故於歷代名篇，則不免多所罣漏。三是編唯全唐古近體二集，悉依初盛中晚載列名氏，自餘各朝俱不拘先後，以體格有正變，門類有異同也。至於宮閨艷詞，棄置不收，以香奩偽體，窮力追新，未必足以懲創也。四集中切要評論，兼採諸選家語，有全錄原文者，始則明標姓字，以後俱載某氏，或刪節字句，省餘文，以便簡帙。既異舊本，即不署原名，而文獨自所註闡者，則加按字以別之。之四端者，皆其書之大要也。而

續修四庫全書

卷

集部總集類

其書之最見稱於人者，則為全集之詩法，標論、標論、所謂五戒者：一戒訛謾，二戒諛諛，三戒鄙俗，四戒纖褻，五戒剽竊。所謂十宜者：一宜入門從高，二宜取法因近，三宜儲材充裕，四宜立格謹嚴，五宜命意超卓，六宜遣詞鏗鏘，七宜鍊字肅警，八宜用古渾融，九宜苦心經營，十宜成就家數。所謂十四論者：一論樂府，二論五言古詩，三論七言古詩，四論五七言律詩，五論排律，六論五七言絕句，七論和章，八論聯句，九論韻譜，十論情景，十一論八病，十二論初盛中晚十

三論命題十四論熟習平仄凡此並作詩之要法為  
歷代詩家之秘言而文獨獨能發之於斯雖其意存  
便士急就科場然亦足為詩家之法式也

附錄傳記參攷材料

光緒重修江西通志卷一百四十

南昌府志

續修四庫全書

卷

集部總集類

唐詩箋要八卷後集八卷 乾隆二十三年金陵三樂  
齋刻本 劉啓瑞

高淳吳瑞榮箋瑞榮字匠珂少從父習詩即喜唐什  
稍長欲為唐詩箋註苦學未克因銳志讀書徧涉載  
籍既成名壹意為註迨及乾隆戊寅始選古今體詩  
最要者衷為一集名曰唐詩箋要綜錄五言排律長  
律七言排律五言律詩七言律詩為前集五言古詩  
七言古詩五言絕句七言絕句及詩歌各類為後集  
集各八卷每類又各以初盛中晚為分每家或錄詩

續修四庫全書

卷

集部總集類

一二首十數首不等要以選其佳者入錄每家詩首  
又各冠以小傳以便論世知人其箋註亦不憚詳贍  
体格尤求完備茲釋其要略計有八端一引諸書原  
文冠其書某篇於前倘原文繁曠節錄大略則於末  
端云見某書以別之或一事見諸書甚夥者則不悉  
引載二注釋文雖簡約事必詳明庶幾舉目瞭然若  
故實習見可以不注而又不得徑遺者則稍加旁訓  
不復於篇後另釋三唐詩字句諸選互異詳攷舊本  
取其確核者從之一切倉鄙屏棄弗用四律詩最忌

字重調複唐人坐此者儘多謬加旁抹非吹毛求疵但使覽者易於別白他若詞句庸腐亦任鄙見抹出讀之涇渭自明五書之有圈有點本屬後人踵事然能俾脈絡分明精采透露亦鼓舞學者之一助至人心如面喜好不同即一人雌黃先後刺謬又當別論六宋元選唐詩者具有評論猶多渾沌未鑿至明人精深透闢能發前人所未有茲編則采歷朝名家評論之中肯者餘加己意不構成說七唐以排律取士茲編參錄試帖以示淵源然必擇其粹精汰其粗穢

學者乃有所折衷如韓退之張文昌皆有試帖而不甚佳亦不選入八輯詩体格先古風次五七律詩次排律次截句品彙先截後律雖少變動然無先排律者茲編為應制而設故先排律次近體續以古風截句并各體即變舊格所不計也之八端也箋註之例或於此盡之案選唐詩者始於次山篋中而間氣搜玉諸本繼之厥後選詩者毋慮數十家均体尚專收意主獨是苟不失之汎濫即病其偏枯迨王漁洋沈歸愚出始返諸正矢論和平持擇精當茲編選詩即

本斯意而箋註亦但求其是不徒廣博尤能得毛萇箋詩遺意要亦為箋註唐詩中之最佳者

附錄傳記參攷材料

江寧府志

高淳縣志



全唐近體詩鈔五卷 道光二年歸安姚氏刻本

劉啓瑞

歸安沈棠錦選袁錦字瑞斯號西巢為東南徵君孫少有神童目讀書數行下初應童子試為學使者所賞取冠其曹嗣久歷場屋連蹇不遇以明經終世論惜之所著有西巢吟稿浣花軒詩鈔等若干卷俱不傳傳者惟此篇乃其所輯者時因春秋兩試初用詩學者苦於不知軌範而清初以來選唐詩者雖夥然不失之汎即失之偏惟新城王漁洋長洲沈歸愚所

續修四庫全書

卷

集部總集類

評失論較為精當願以其古近体半非當務之急而坊間流行之本又蕪穢不足為法遂立意以全唐詩為主擇其合於近体者得六百餘篇分為五卷卷一為五律卷二為七律卷三為五絕卷四為七絕卷五為長律總名曰全唐近體詩鈔蓋專為承學者用也其編選之例約有四端一辭尚体要作詩者要在立言有体体立而才與法因之三百篇中貞淫並列晉示勸懲後世文人輕薄暨唐之中葉宮詞閨艷翻新出奇近導侮一概屏却他如迴文轆轤等不下數

十体在爾時游戲偶及或猥為弋獲計雅非正格六

字七排佳篇罕著五言試律元本五排且單行集夥

概不闌入二詩有箋釋利獎參半間有博徵故實闢

靡誇多者在作者當日正未必定謂從某書擷取某

句某字本諸某人而牽引穿鑿徒乱人意是集不贅

一評遇本事及數典處闕涉主腦者間注數條以顯

約為宗更慮蒙士嬾於成誦概施圈點三音韵之辨

應屬小道施之於詩莫先乎此且村究或狃於故習

依聲傳響恬因為虞是鈔則為始學者張本其在正

續修四庫全書

卷

集部總集類

音例難偏示若字關通轉隨方圈定要俾寓目了然至於區別音義悉遵字典參校點畫並據說文訂正為識字之權輿也四唐以前書無雕本類皆傳寫故異同紛如有一詩而見兩人集中及三四人不等者有一詩而題目判殊一律而分作兩絕者一句之中數字互異一字之辨諸本不同舊刻或但據一書或旁列分注雖屬存參究清緒閱茲從全唐詩酌定正文不復瑣列以一誦覽唯題目及姓氏異同書之以存其舊間有一題數章錄止其尤者必注明幾首鈔

幾從知昔人章法首尾聯貫不致盡昧其本來而獮  
豹一斑庶免截頭斷腳之誚凡此皆為是書選擇之  
大端即此可以見是書之精確至於詩人次序各家  
選本或多沿於初盛中晚之習茲則以全唐詩鈔為  
準一按史乘排而詩什去取尤折衷於沈氏別裁例  
嚴而擇慎要為選唐詩中之佳者是固不僅為功令  
急就已也是書初刊於家塾未行而板燬迨道光二  
年其表姪姚文田始為之重梓此本是也

續修四庫全書

卷

集部總集類

附錄傳記參攷材料

歸安縣志

湖州詩錄

歷代詩發三十八卷 康熙丁丑刻本 劉啓瑞

如皋范大士選大士字兩奇號拙存邑貢生累官兵  
部職方司郎中遷粵西梧州府知府有善政事跡具  
詳邑志所著有拙存集所輯則歷代詩發是也詩發  
者取子夏言詩發乎情止乎禮義之意嘗謂詩本性  
情人生而靜天之性也感於物而動人之情也發乎  
情止乎禮義發而能止之情未離乎性也是故發乎  
父子止於親發乎君臣止於義發乎夫婦止於別發  
乎長幼止於序發乎朋友止於信推之發為日月而

續修四庫全書

卷

集部總集類

止寒暑發為風雨而止晦明發為山川而止高深發  
為鳥獸草木而止飛潛動植發乎其不得不發止乎  
其不得不止情動於中而形於言言之不足故嗟歎  
之不足故永歌之永歌之不足不知手之舞之足之  
蹈之此詩之所由作也朱子之序詩曰詩者人心之  
感物而形於言之餘也夫既心有所感而摠為長言  
永歎之詞則心心相印前以有感而形之詩後以讀  
詩而發其志相得益彰不易之理也詩三百篇所以  
感發人者無窮自茲以降作者代有傳人特風會遞



更不無正駁滄海之別。甚至風雲月露堆垛成篇。使讀者觸屏欲睡。不足以感發人心。因搜輯歷代之詩。上起漢魏。下迄元明。凡有合於感發之旨者。錄之。得三千餘首。離為三十八卷。務期抉摘作者之旨趣。宣淪學者之神明。倘有稍涉風雲月露之辭者。皆所不取。此其選詩之大要也。其書選例。亦有六端。一商周以前。如喜起卿雲。擊壤銘盤諸什。雖云為詩。然一時間作。不必錯列於葩經雅頌之先。商周以後。則有秦秦如車鄰。駟鐵蒺藜。黃鳥業已臚於十五國之風。他

續修四庫全書

卷

集部總集類

若荀卿李斯輩。非不文。采蔚然而詩。又不槩見。故今茲選詩。則斷自漢魏始。由漢魏而六朝。而四唐。而宋金元明。其間血脈相承。雖有古樸淫靡之判。簡適浮曼之分。然忠而質質而文。亦由風氣默移。如四時之遞為涼燠。而不可截然歧者。其不及清初者。則有斷代有分焉。二音人以畫品論詩。詩之具品。不必錄也。斷自能品以上。能品十之二。妙品十之八。神與逸品。庶幾一遇焉。然不必一一標題。惟心領默識。得於字句之外。可耳。十九首暨蘇李詩。五言古詩之鼻祖也。

鮑參軍行路難十八首。七言古詩之嚆矢也。故茲選特全錄之。三漢如蘭臺明堂寶鼎諸詩。晉如鴉鵒郊祀諸樂歌。固足譜宮懸而鐫金石。然莊雅有餘。而情致未足。若吳聲歌曲。晉子夜。歡聞。懊懷等歌。宋碧玉讀曲諸作。則機趣橫生。音響流麗。真樂府之遺風。雅人之逸調。故茲選所存。不嫌其多。四淵明才思超拔。造語淵澹。歐文忠云。初看若散緩。熟讀有奇趣。靈運天姿穎秀。雖体格稍變。而運意精卓。張耒東稱。為吐言天拔。政由素心。獨絕。二家開詩人悟機最捷。故茲

續修四庫全書

卷

集部總集類

選特多錄之。五有唐一代之詩。自以開元大厯為極。則元和以後。則體輕而味薄。然其雋爽清逸。瑰奇幽潤之作。不可沒也。猶之齊梁不及晉宋。而亦能自為齊梁。有明選家直欲擯而不收。似非萬論。茲選特拔其尤者錄之。六宋元文章理學。輝映千秋。惟詩則風會所趨。自成格調。顧其神骨清秀。韵度悠颺者。實能拍肩陶謝。追蹤王孟。若樸而近俚。靡而入詞。則非雅裁。故不苟同。明初劉宋高楊張徐諸公。並是真詩。厥後館閣詩出。始多俗調。北海信陽起而振之。然溫厚



和平之旨亦稍稍失矣。至於何李王諸大家馳驟中原亦規撫少陵故於全明之詩特酌其近古者錄之。凡此皆其選例之大端而有異於各家之標選政者故特標而出之以見其蘊焉。至於選詩而有圈點批評殊有失之寡陋是猶襲明人之積習況其品評亦不盡當。尤乖作者之原旨更無俟乎謬附要皆為美中不足也。然自梁世蕭選以下如英霸國秀諸集與夫孟蜀之才調宋之文粹明之詩紀皆然是猶未足為大士一人之私病也。

附錄傳記參攷材料

如皋縣志

江蘇詩徵

唐詩觀瀾集二十四卷附唐人小傳一卷 乾隆己卯

江蘇學使官署刊本

劉啓瑞

晉寧李因培選因培字其材號鶴峯少以名諸生肄業五華書院為山長孫潛村所賞乾隆己丑成進士選庶常授編修廷試翰詹得一等晉學士歷躋卿貳膺恩命典試浙江復視學山東浙江江蘇等省所拔皆知名士士林悅服輿論翕然歷任湖北湖南福建巡撫降四川按察使為人所構逮問賜自盡世論惜之平居剛毅端嚴常晏坐靜英四射雖親近子弟望

之生懷仕宦數十載矢志清白所至振拔單寒伸理冤抑風節凜然一時士大夫多敬憚之每公事畢常讀書至夜分不輟遇有好學之士雖片言隻行佳者往往稱道不衰士亦以此多歸之其為江蘇學使也會朝命試鄉會士二場以詩五言八韻列為程式時承學之士多未嫻習或竟不中繩墨因培深憫之遂為類選唐詩之有合於功令者得詩一千一百七十有三首雜為二十有四卷名之曰唐詩觀瀾集觀瀾者觀水有術必觀其瀾蓋特其瀾也其書編次以体

為序卷一之二為樂府九十首卷三之四為五言古詩六十八首卷五為七言古詩二十一首卷六之七為五言律詩一百六十三首卷八之十一為五言排律一百八十三首卷十二之十三為七言律詩九十三首七言排律二首卷十四為五言絕句三十首六言絕句五首七言絕句三十八首聯句三首卷十五之二十為試律三百首卷二十一之二十三為詠物五律一百四十九首卷二十四為詠物五排二十五首聯句五首每體之前又各冠以小論藉識其詩體

續修四庫全書

卷

集部總集類

之源流升降與夫得失盛衰每體序次以時為分同時者以其人之先後為分各家小傳復另為一卷名曰唐人小傳載之卷首示尊崇也各家之詩或摘藻遺詞有出處者命蘇松太材俊之士各為集注以附每什之後藉為後學者式法至善也至其編次之旨則凡例所謂先就唐人奉詔應舉諸篇引歸繩尺又謂茲選以應制為宗古今俗體至於贈答言情恒就目前抒寫故附於後云云是則是集之選乃所以便於場試之用沈歸愚序其集謂其取有唐一代應制

應試之什上自樂章下及絕句釐而審之皆宏深典麗可為準則者而詠物明秀諸篇亦得附之選輯之餘詳加評論抉擇之精搜羅之細從此習雅頌而考聲律者始而誦習繼而涵詠久而淪浹可以調性霽而得中和是則沈氏所云是集又不徒為應制之用更可為考聲律者取矣

附錄傳記參攷材料

雲南通志

續修四庫全書

卷

集部總集類

滇南詩文畧

國朝正雅集

通化詩存十卷 光緒十三年通化州官署刻本

劉啓瑞

豐潤孫贊元輯贊元字襄臣績學能文以名孝廉主講通化燕山書院時知通化州者為合肥陳以培雅重名教網羅俊乂既集州人相與議修志事又為襄臣刊其通化詩存通化人文素著代有達者長洲陶樸輯幾輔詩傳搜載甚衆然道光以前諸人尚多不能得之於陶氏更無論前此二百餘年襄臣課士之隙留心鄉梓又獻前後得九十餘家詩達千餘首因

續修四庫全書

卷

集部總集類

離為十卷名曰通化詩存詩存者或以詩存人或以人存詩也其編輯之旨與夫凡例約得四端一通化先哲全通以前多無詩詞可攷惟金之王穉著有拙軒集清人釐訂為六卷四庫全提要稱其詩文清刻鏡露有寥寥獨造之風穉第家著有曲金子集明代張儒著有九峰集餘皆多不可徵以每代止一二人是集以清世為首始於順治迄於光緒斷代而徵所以明昭代之人文也二編次先後率以科第為斷無科第者則按其世次約略序入若現存之人有可

傳者恐久而湮沒亦為載入並另區一卷以杜標榜

其編次先後亦如之三每人名下必詳其字號爵里

與夫著述其有嘉言懿行見於某書及本集序文者

亦必摘錄數語以表概矧今後世誦其詩者即可想

見其為人四嘉慶欽定之熙朝雅頌集專錄滿蒙漢

旗籍之詩故陶氏幾輔詩傳不復為收旗籍然屯居

之漢軍在清初以前原係民籍聚族而處歷有年所

與滿蒙不同故是集仍為載入至寄籍他所猶注本

籍者則仍按本籍收錄凡此皆其書之華華大者若

續修四庫全書

卷

集部總集類

夫搜引之書或采自專集或徵自原稿或訪之故家或得之冷肆其間名目碩儒文人學士或已見諸史傳或已載之邑乘固不待是集而傳然如甕牖繩樞之士終身佔曝皓首窮經不獲一抒其懷抱登廊廟坐明堂相與編天下之政而僅有一二篇什以寄其鬱抑不平之氣其傳與不傳殊難逆料而是集獨能搜采靡遺甄錄精當其闡發潛幽之功蓋其不可沒矣



附錄傳記參攷材料

豐潤縣志

卷首陳以培序

續修四庫全書

卷

集部總集類

南宋文範七十卷外編四卷作者考二卷采取書目

一卷 光緒戊子江蘇書局刻本 劉啓瑞

秀水莊仲方編仲方字興寄號芝階嘉慶庚午順天舉人候選布政司理問以恩蔭循例引見授中書幼而嗜學既長所誦書靡不淹貫為古文整而潔四方走書幣求碑版者無虛日閉戶著書至老益篤性剛正疾惡如仇而周卹寒畯識拔善類孜孜焉務殫其心與力不近名亦不望報戚友貧不能殯者葬之而厚遺其後亦終不以語人故雖貴冑而家驟落布衣

續修四庫全書

卷

集部總集類

蔬食怡如也生平所述錄甚富秦漢以下詩文俱有選本今存者惟南宋文範而已按南宋高熙時東萊呂成公曾奉敕為聖宋文鑑采取詳審然終於北宋九朝南渡以後缺如誠未暇也仲芳因補其未備蒐采諸書達三百餘種錄文一千六百二十有六篇為卷七十為目五十有六曰賦曰騷曰辭曰樂章樂歌曰四言詩曰樂府歌行曰五言古詩曰七言古詩曰詔敕曰冊文曰批荅曰教文曰制誥曰檄曰奏疏曰繳指揮曰進故事曰經筵講義曰表曰箋曰啓曰書

曰箴曰銘曰頌曰贊曰廟碑曰御試策曰試策曰策  
問曰記曰序曰策曰議曰論曰說曰言曰辨曰解曰  
史斷曰義曰答問曰講義曰題跋曰勸諭文曰祈謝  
文曰上梁文曰祭文曰哀詞曰謚議曰行狀曰傳記  
曰書事曰墓銘曰墓表墓碣曰神道碑每類錄文及  
詩或一二首或數十首不等各以其見在者為斷若  
文章雖未合選而或以人存文或以事存文或以人  
所傳誦而存其文者則別為外編以免淆亂外編計  
四卷為類十有三曰制曰奏疏曰啓曰書曰銘曰記

續修四庫全書

卷

集部總集類

曰序曰辨曰策曰跋曰雜著曰存疏曰祭文錄文四  
十有七首而詩不與焉攷南宋文多散漫姜弱而墓  
志碑銘敘事處尤甚茲編則其雄渾道潔者存之以  
見其槩此一例也南宋說理文最為明達雖北宋猶  
未盡及惟近語錄無意為文者不錄此二例也書判  
樂語文鑑雖備一格究非文體正宗故茲編不取而  
連珠露布南宋本無此體故集中亦無至詩賦止錄  
古體而不選近体者則仿唐文粹之例此三例也南  
宋北宋間人凡文鑑已選者即不錄入惟入元而不

仕者雖蘇氏已採入元文類然為從其志計故仍選  
及此四例也四例之外又別為作者攷二卷採取書  
目一卷以冠諸首作者考者以知人論世為讀書之  
要故於所選之人各記其里居出處以備考鏡不知  
者闕之米取書目者以本書引書達三百餘種有詩  
文兼採者有專採其文或採其詩者有本無專集或  
有集已佚而采自他書者有其文偶為本部所未收  
而見於別部者有集雖存而文不工不能入選者故  
別為書目一通以見其搜討之勤徵引之博凡此皆

續修四庫全書

卷

集部總集類

有賢於呂氏文鑑四庫提要稱文鑑多有未是處而  
此編獨能矯之是亦煞費苦心已

附錄傳記參攷材料

褚榮槐撰中書舍人莊芝階先生傳

滇詩嗣音集二十卷補遺一卷 咸豐元年刻本

劉啓瑞

昆明黃琮輯琮字象坤道光六年進士選庶吉士授編修累擢兵部侍郎以親老乞養歸咸豐七年雲南回亂賊有詔命琮偕在籍御史寶塋召團練時餉絀兵單疆臣主且勦且撫而漢回仇隙素深團練驕悍不聽約束往往撫局將成練勇債事總督某劾之與寶塋皆得罪事稍定有白其冤者始復原官同治二年回首馬榮詐降入城戕殺支琮並遇害事聞贈石

續修四庫全書

卷

集部總集類

都御史光緒中追諡文潔此則其所輯者先是嘉慶初保山袁文典文揆兄弟在滇南詩文略之纂蒐采詳博甄別精當世之論滇南文獻者皆有取於斯顧其成書急就不免有罅一漏焉之譏而嘉慶以後之詩又復追蹤曩哲毋慚前賢其篇什之富雖云未逮亦庶幾近之琮因續為廣輯以成此篇名曰滇嗣音集嗣音者嗣表氏之音也其書都二十卷補編一卷錄詩凡二千餘首詩家二百七十有一人入以時次同時者以科目之先後為序無科目者約以其行輩

之先後為序選詩之旨亦以已往之人為限或以詩

存人或以人存詩凡此皆前人選當代入詩之通例

而嗣音集者有與之合者至其方外閩粵二門則另

編附末免淆亂也按滇省僻在西南自司馬相如通

夜郎王褒祀金馬碧雞已通文教維時威覽從相如

遊著賦心四卷相如答書褒之與張封輩同為滇南

文章之祖後漢興平中武侯南征觀瑞雲文石之異

占云石為雲根雲為文彩千餘年後文運將開歷代

以來綿綿延延流風弗替明世楊文襄樹幟連然勳

續修四庫全書

卷

集部總集類

名耀天壤詩文載入冊府關中李獻吉既評點其石淙類稿且與西涯並稱我師崛起楊與李力挽一髮回千鈞蓋文襄為一代文人不獨為滇南大開風氣自是而張弼山承南園家學又師事獻吉友何仲默楊升庵力追正始比升庵以議禮謫滇處荒漢之鄉賴有弼山及王鈍庵楊宏山李中溪唐池南胡在軒吳高河諸子相與詩酒酬唱放浪於明詩台寓韻樓昆池碧峴太華間以抒其抑鬱無聊之氣故至今有楊門七學士之稱迄於清世流風益廣論滇詩者泰



半推湖升庵以明淵源自漢藩為治之後文人學士接踵步武每慮數百家惜葺之而為總集者僅袁氏詩文略一書且復有所脫漏故世之考文徵獻者舍袁書外咸以是書為指歸也

附錄傳記參攷材料

雲南通志

昆明縣志

續修四庫全書

卷

集部總集類

緡雲文徵二十卷補編一卷 道光己酉原刊本 光緒丙子重刊本 劉啓瑞

清苑湯成烈等續成烈字春舫道光末官浙江處州府緡雲縣知縣為好風雅提倡文獻嘗於簿書之餘集邑人士之尚文者相與纂輯緡雲縣志得十八卷而一邑之政事文章志在於是既而復與邑人趙維英等謀文徵之編與其事者凡二十有二人分總校參校董理三役而成烈自總其成越二年而事竣得書二十卷又補編一卷付梓行世即此本也文徵分

續修四庫全書

卷

集部總集類

二帙計文詩各十卷文徵而錄詩者仿昭明文選之例兼賅詩也詩文各以時次始宋次元次明次國朝而迄於道光修志時之已故者都得詩一千七十有四首文三百十有四篇作者近二百人而重複不與馬詩卷一為宋元卷二之八為明卷九之十為國朝文卷十一為宋元卷十二之十八為明卷十九之二十為國朝補編則僅為文一卷每卷錄詩多寡不等均按其人之時代先後為序同時者以其人之科目先後為序無科目者又以其人之行輩先後為序人

各系以小傳詳夫姓字爵里事迹出處蓋仿元道山中州集錢牧齋列朝詩集之例也按結雲自宋元以來人文素著僅就是編而言名臣有趙恪庵李蒙齋周白齋樊斗山鄭崑巖李廷新儒林有鮑文虎鄭寶水文人學士有潛君高范天碧趙太古李場谷樊樊山李鐵城等五皆縉雲人士之矯矯者其文與詩又皆淵懿樸茂雅厚深臨在朝言朝則見忠愛肫摯之忱在官言官則見勁直清峻之節說經講學則除漢宋門戶之習咏詩行吟則多晉唐雅正之音文而不

絳質而不野博而不奢約而不儉彬彬秩秩誠賅乎得立言之體要為先正之典型焉惜乎邑中累經兵燹文獻鮮存成烈自序謂余於輯志之暇詳披舊載在元明名臣碩儒著作如林乃訪求故家鮮有藏本大半失之兵燹之後後昆不克世守以至闕籍無徵良可浩歎逮求之終年間有時髦以先世遺編來獻類殘闕失次余皆錄而還之僅得十餘種因復網羅群集搜剔遺翰得什一於千萬中裒而成集云云是則成烈搜輯之功要亦不可沒者矣

附錄傳記參攷材料

保定府志

清苑縣志

武定明詩鈔四卷國朝詩鈔十二卷補鈔二卷 乾隆

五十九年惠民李氏刻本

劉啓瑞

惠民李衍孫輯衍孫字味初以鄉舉歷官河縣知縣有善政事蹟具詳邑志少工詩尤喜聞鄉梓遺事遇有事蹟可述者每稱道不輟以是於梓里文獻多所究心既罷官歸益耽著述成武定國朝詩鈔十二卷補鈔二卷復輯明世洪永以來迄於天崇之詩為明詩鈔四卷各為部居襍而不厠法至善也按武定舊為濟南之東鄙雍正癸丑間始改為郡領州縣十惠

續修四庫全書

卷

集部總集類

民其一也其地東瀕大海平衍無山自春秋戰國以來歷秦漢魏晉南北朝隋唐五代宋元明迄於清世順治康熙雍正乾隆代有達人史不絕書願以世遠年湮莫可稽溯其有事蹟可徵者多已載之正史詳之簡策其不可徵者並其名字亦無考焉故茲集之選以明為始以其時代較近有詩可輯也其間明世詩人之可紀者表忠愍以書生辨正統姦遭罹璫獄抗聲對簿受禍最慘杜友伯布政江西不附璫祠之議履虎尾而免其咎僅遭罷歸其詩並生氣凜凜留

存行墨之間其他膾炙人口者尤以楊夢山為最夢

山詩真澹雅素為王漁洋所推而朱竹垞則稱為水

仙十囊江梅一萼嫣然薄冰殘雪之外其冲淡高潔

之致迥出塵埃之表為武定一郡詩宗其餘亦多可

紀而巾幗中之見稱者更以馬夫人邢氏為魁馬夫

人萬里舟車安夫櫬於山魃水魃之鄉匍匐北闕卒

以疏夫勞績得獲恤贈其貞魂烈魄當與天地間並

存矣降及清世人益蔚起詩家尤不可卒數其見之

於盧雅兩山左詩鈔者殆四十人而猶不能稱備其

續修四庫全書

卷

集部總集類

不幸辱在窮巷憂愁幽思著成述一家言者雅雨更未之載衍孫因廣為搜輯得百餘人而李氏一門賡歌酬酢迭唱迭和者蓋居是集十之三焉其為是集之所未及或已及而不備者更復另載斯則補鈔是也

附錄傳記參攷材料

武定府志

惠民縣志



清畫家詩史

續修四庫全書

卷

集部總集類

西谿聯吟一卷 光緒戊戌刻本

劉啓瑞

吳祖枚陳如松同撰祖枚如松字號俱無徵里籍亦不可攷然以詩什風格言之殆清人也是書專咏西谿勝跡凡四十首或為祖枚撰或為如松撰而無和章蓋各以勝跡為題每題一首悉聽自為不拘酬倡也勝跡可徵者曰吳大帝石枰峯隋唐棧道吳越教場唐李隱君西齋唐肆明河泊所金峴深潭口徐家橫頭九曲嶺象鼻山安樂泉森羅塢神道路菩薩泉鄭公<sup>狀</sup>童婆洞金四將軍宅祝九相公祠地藏殿章

續修四庫全書

卷

集部總集類

神墓詩僧塔橫山渡九間樓玉池庵聽法庵鱗兒橋箭帽峯養衣泉獅居石鳳凰坡鴛鴦池鹿苑風渚花碓迴龍殿伏虎庵七十二賢峯樓三十五茅庵塢玉屏峯曳霞軒桃花塹浴硯谿梅花泉酒安樂山茶永福社松二雪堂梅古蕩菱董家灣桃宋聖僧無尾螺此諸勝跡祖枚咏者居十之七如松咏者居十之三均各視其情景為韵自抒懷抱不限時日然要以七律為主祖枚詩佳者如咏唐李隱君西齋云金碧遙山絢隔谿石橋閒築小齋西絲黏晴雪時隨蝶竹暖

斜陽亂臥難乾繫秋心藏酒宿土壤荒徑種花齊革  
除塵事甘棲隱木落天空鳥自啼又如咏深潭口云  
水曲潭深靜不波瓜皮艇載客閒過四圍斷岸居民  
少一徑荒林宿鳥多髡柳半欹餘嫋嫋蘆花平放舞  
娑娑興酣只有漁人好高唱寥寥月子歌如松詩佳  
者如咏徐家橫頭云扁舟閒盪水雲鄉徐氏橫頭繫  
綠楊帆影翩翩收斷岸笛聲遠遠遞滄浪數竿修竹  
遮平屋幾樹寒梅出短牆解纜歸來斜月上漁燈一  
點射陂塘又如咏鴛鴦池云池在荆山西復西雙雙

續修四庫全書

卷

集部總集類

開鏡隔芳溪早偕鸞鳳同心偶已效鴛鴦一處棲桃  
李無言猶解意蘼蕪有夢幾曾迷水心雲影常親近  
春暖晴波繞玉隄並各具詩境別饒風格其體物瀏  
亮韻調鏗鏘要俱相似是亦善於即景咏事者足為  
武林掌故之徵矣

附錄傳記參攷材料

本篇詩什

南宋文錄錄二十四卷 光緒十七年蘇州書局刻本

劉啓瑞

吳江董兆熊輯兆熊字敦臨一字夢蘭本姓王父早  
世母董氏董無後兆熊承祖命後董氏遂冒母姓為  
邑諸生一意著述嘗病新唐書疏略取舊史通鑑考  
及碑版山經地志詩集一一攷訂其舛漏成新唐書  
注若干卷又以南宋一朝多載道之文輯南宋文錄  
若干卷又以勝國遺民散在天下成明遺民錄若干  
卷兆熊成三書所閱書不下千餘種故所為駢體文

續修四庫全書

卷

集部總集類

特工時江震績學推陳壽熊沈曰富二人務精論名  
理至博約則讓兆熊馬咸豐元年有司以孝廉方正  
荐巡撫某以其貌樸無文為儀表不端拒之越數年  
而歿既遺稿散失僅存者為文錄一編文錄原分甲  
乙丙丁戊己庚辛壬癸十編編首皆載採用書目蓋  
見即手錄百景而編每編而諸體悉備殆草稿也尤  
緒中葉吳門書局既刊莊仲方南宋文範因謀復刊  
此編遂重為釐定名曰南宋文錄錄存文都三百八  
十餘篇為體三十有七曰賦曰七曰辭曰對問曰德

音曰制誥曰詔曰批答曰奏疏曰表曰書曰箴曰銘  
曰頌曰贊曰碑曰對策曰策問曰記曰序曰論曰說  
曰辨曰攷曰題跋曰祝文曰勸諭文曰弔文曰祭文  
曰謚議曰行狀曰傳曰書事曰墓銘曰墓表曰墓碑  
曰墓碣每類錄文多寡不等均以其原稿為定雖編  
次與原稿不同而錄文無異且視原稿為清晰焉按  
輯宋世文者當以宋呂祖謙宋文鑑為始顧文鑑錄  
文止於北宋其不及南宋者乃時為之限厥後選之  
者如姚絳祥之南宋文鑑則久已不存顧修遠之宋

文選又復不能盡如人意錢泰吉跋莊氏南宋文範  
謂嘉定張雲章嘗輯南宋文鑑未脫稿而王西莊續  
成之乾隆甲午海寧蔣顯謨亦有南宋文鑑然莫先  
於嘉興沈仁舉之南宋文鑑書共四十有八卷為体  
三十有四然若與莊書相較錄殺猶未可比今董氏  
之書較沈氏為渚是更不及莊氏且原稿錄詩強半  
與莊氏同贗者僅數十首不能成卷重編者為之刪  
去是亦有卓見存乎其間也

附錄傳記參攷材料

江蘇府志

吳江縣續志



海虞詩苑十八卷 乾隆己卯刻本

劉啓瑞

常熟王應奎選應奎字東淑乾隆時諸生嗜學汲古手不釋卷古文博綜典瞻中有修潔之致詩品更高不拾人牙慧同邑陳祖范王峻雅重之凡郡邑志乘之役必咨訪焉所選海虞詩苑搜羅遺佚尤見闡幽苦衷詩苑都十八卷起自清世順治迄於雍正乾隆錄詩一千六百八十有八首詩家一百八十有三八始於錢陸燦而殿以童雪樵所以不及前明者以明萬厯間邑人張選卿已有海虞文苑之輯其書仿蕭

續修四庫全書

卷

集部總集類

選之例以文該詩錄詩居三分之一故詩苑不復及之蓋有斷代為書之意焉其書選例或以詩存人或以人存詩或詩有關於地方山川風俗人物事迹者即詩僅平通亦必節取或詩僅殘佚經搜訪而後得者尤謹錄之以備徵考若遇邑志所遺行事不顯者更為表而出之以補一邑之文獻而每家詩首又復仿元遺山中州集例八各系傳以見其姓字爵里事迹俾論文又考獻者助凡此皆有關於各家選詩之通例而斯集有與之相合者其不合者則亦有說一元

氏中州集例寓史於詩人各有傳然此中體例究與

史傳有別應采佳事佳話以為點綴正不必多引列

傳家譜取實語沒却前人風華此一不同也二是集

卷首不錄牧齋君按列朝詩劉青田之例自應首載

然唐人才調集選李而不選杜明人唐詩正音李杜

俱不選蓋皆所以專之是集於牧齋亦然此二不同

也三是集所選不及流寓然如玉西澗張無悶梅圃

侯等並徙居海虞四五十一年以訖於沒子孫又皆占

籍故即入之邑人不復為之分別此三不同也四方

續修四庫全書

卷

集部總集類

外之詩固以本邑為主其有雜染在他方而生長在本邑者則仍選之又本非邑人而移錫在此以至終老者則亦選之其餘則概在舍旃此四不同也之四端者皆為本書之特例而與各家選旨有不相同者於此亦可見其書精粹矣按海虞之詩前明無論矣清世當以錢牧齋為首創為一代之宗而兩馮君繼之流風餘韻沾溉百年至於應奎之時昌明極盛選之而為總集蓋為急務而文奎乃以諸生獨任其艱據其子後跋謂苦心搜討凡厯二十載而後成斯則

其編香之勞瘁，殆可想見矣。

附錄傳記參攷材料

同志重修蘇州府志

江蘇詩徵

續修四庫全書

卷

集部總集類

唐詩選十三卷 宣統三年刊本 民國十二年刊本

劉啓瑞

湘潭王闓運選闡運字壬秋咸豐三年舉人幼好學十五明訓詁二十通章句二十四而言禮攷三代之制度詳品物之所用二十八而達春秋微言張公羊申何之學遂通諸經潛心著述尤肆力於文溯莊列探賈董其駢儷則揖顏庾詩歌則抗阮左記事之体一取裁於龍門刻苦勵學寒暑無間經史百家靡不誦習箋注抄校日有定課遇有心得隨筆記述闡明

續修四庫全書

卷

集部總集類

與義中多前賢未發之覆學成出遊初館山東巡撫崇恩幕繼入都就尚書肅順聘復參雪國藩幕胡林翼彭玉磨等皆敬禮之丁寶楨督四川聘主尊經書院成材甚衆歸為長沙思賢講舍衡州船山書院院長光緒末湖南巡撫岑春暄為之請於朝授檢討鄉試重選加侍讀入民國後曾一領史館不合而歸生平著書以經學為多其已刊者有周易說尚書義尚書大傳詩經補箋禮記箋春秋公羊傳箋穀梁傳箋周官箋論語注爾雅集解又墨子莊子鵠冠子義解

湘軍志湘綺樓詩文集日記等此則其所選唐詩也  
按清代選唐詩者甚衆前後每慮數十家大抵踵襲  
前人更改次第或詳為箋注便於場屋就其勝者言  
之稱其備則莫如全唐詩稱其精則莫如唐詩別裁  
外此則多依何無定可取者寡焉而湘綺此選則亦  
精之流亞也其書都一十有三卷卷之十三又析而  
為二每卷以體為次卷一之二為五言古體卷三之  
五為五言律體卷六為五言禪體卷七之十一為七  
言歌行卷十二為七言律詩卷十三上為七言絕句

續修四庫全書

卷

集部總集類

卷十三下為七言絕句別體同體者以初中盛晚四  
唐為次同時者又以其人之先後為序其編次之旨  
強半與各家所選唐詩者相合其不合者則一無評  
注免箋釋失當之譏二無小傳免評略失攷之誚三  
無試律免應舉繩尺之誼四無圈點免軒輊濫標之  
妄凡此皆為流俗之所不及而湘綺獨優為之此其  
書之所以精歟

附錄傳記參攷材料

清史稿

王代功撰湘綺府君年譜

續修四庫全書

卷

集部總集類



八代詩選二十卷 光緒辛巳四川尊經書局刻本

民國十二年訂補經濟堂校本

劉啓瑞

湘潭王闓運選闡運字壬秋咸豐三年舉人幼嗜學通訓詁稍長明章句及壯而達春秋微言張公羊申何之學遂通諸經潛心著述刻苦自勵無間寒暑遇有心得隨筆記之闡明奧義多前賢未發之覆嘗曰治經於易必先知易字有數義不當虛衍卦名於書必先斷句讀於詩必先知男女贈答之辭不足以頌學官傳後世一洗三陋乃可言礼礼明然後治春秋

續修四庫全書

卷

集部總集類

又曰說經以識字為貴而非識說文解字之字為貴又曰文不取裁於古則亡法文而畢摹乎古則亡意又嘗慨然自歎曰我非文人乃學人也學成出遊初館山東巡撫崇恩幕尋入都就尚書肅順聘肅順奉之若師保軍事多詔而後行左宗棠之獄闡運實解之已而參曾國藩幕胡林翼彭玉麟等皆敬礼馬闡運自負奇才所如多不合乃退息無復用世之志唯出所學以教後進歷主四川尊經書院長沙思賢講舍衡州船山書院並有所成就著述多至十餘種俱

梓行其選輯之書亦達十餘種此即其一也八代者

漢魏晉宋齊梁陳隋也選八代之詩所以前於唐詩

也書共二十卷卷十一復析而為上下卷均以詩為

次先四言次五言次齊以後新體詩次雜言次郊廟

樂章及頌德樂詞次歌謠次雜體同體者以時為次

如四言凡二卷一為漢至晉二為晉至隋次五言凡

十卷一為漢二為魏三之五為晉六之七為宋八為

齊九為梁十為陳隋次齊以後新體詩凡三卷一為

齊至梁二為梁至陳三為北朝至隋次雜言凡三卷

續修四庫全書

卷

集部總集類

一為漢至晉二為宋至梁三為陳至隋次郊廟樂章及頌德樂詞次歌謠次雜體均各一卷各以漢至隋為序同時者以其作者之先後次之此其編次之大凡也其編次之旨則見於其門人楊廷瑞之序略謂嘗聞吾師壬秋先生言凡選詩文肇漢訖隋自唐以下別樹幟焉古樂府歌詩胎祖風騷詞旨深遠後人凡測祇得一偏譬井中見天曰天僅在是豈理也哉善讀詩者以意逆志其所觸悟亦因人之志趣境地各有不同而所得互異故一涉許雋即成俗本馮氏

古詩紀其失錄沈氏古詩源其失簡先生寓蜀時折衷其間分體纂集乃有八代詩之選予從先生遊得知是書本末並述先生選詩之意于卷端云云是則壬秋此選乃折衷於馮沈二氏之書而別具抉擇於其間也惟是楊氏云其書選成於蜀今據壬秋次子代功所述壬秋府君年譜謂八代詩選選於咸豐九年是則楊氏未免有誤矣

附錄傳記參攷材料

續修四庫全書

卷

集部總集類

清史稿

吾爰集一卷 光緒丁未虞山丁氏刻本 劉啓瑞

常熟錢謙益輯謙益字受之號牧齋晚號蒙叟明萬曆庚戌一甲三名進士累仕至禮部尚書國初官禮部侍郎管祕書院事事跡具詳清史稿本傳所著有初學集等乾隆三十四年高宗以其著述荒誕詩謬諭令天下銷燬復命史館立傳列之貳臣於是牧齋著述遂永為厲禁世之藏者亦更慎密此吾爰集亦在禁書之中傳世者僅有鈔本而已晚近丁氏始為付梓世人乃稍稍得窺其全豹所選大都為遺民之

續修四庫全書

卷

集部總集類

詩計詩二百四十有五首詩家二十有一人曰錢後人曾連王曰太倉黃翼子羽曰南陽鄧漢儀孝威曰合肥龔鼎孳孝升曰句吳沈祖孝雪樵曰廬山光熊幻住曰宣城唐允甲祖命曰廬陵趙疑園子曰秦人王天佑平格曰舊京孤臣一是曰皖僧幼光曰舊京胡澂靜夫曰宣城梅磊杓司曰楚江杜紹凱蒼略曰江上張項印大玉曰建昌黃師正帥先曰舊京王漢元俔曰東海何雲士龍曰西江半衲澄之曰橘社吳時德不官曰侯官許友有介其詩大半為板蕩之餘



音黍離之變調蓋遺民故老愴懷舊國其零篇廢墨可歌可泣令人流連詠歎憑弔歎歎而不能自己者意者牧齋此選或有深意存乎其間也惟是吾爰集名盛傳當世各家詩什多以得入吾爰集中為榮然徵之是編乃復不載頗疑斯書或非完帙茲舉四証言之王漁洋古夫于亭錄錄稱以詩贊虞山時年二十有八其詩皆丙申年少作也先生欣然為序之又采入所纂吾爰集余嘗有詩云白首文章老鉅公未遺許友八閩風如何百代論騷雅也許憐才到阿蒙

續修四庫全書

卷

集部總集類

今集中無漁洋詩其証一陳確菴詩鈔有錢梅仙五十贈言詩云著述誰宗匠虞山有巨公登龍聲氣合斟雄本源同攷牒知昭諫題辭重太冲尚傳吾爰句一日滿江東自注梅仙與虞山同系武肅虞山序其詩手書其警句入吾爰編寄示京師各家今集中無梅仙詩其証二結埼亭集外編周徵君墓幢銘鄭山先生周姓諱容字茂三浙之寧波府鄞縣人也少即工詩常熟錢侍郎牧齋稱之謂如獨鳥呼春九鐘鳴霜所見詩人無及之者錄其詩於吾爰集牧齋有學

集題文蘆言怨集亦言吾爰集中有周茂之許有介及宗人幼光者皆能為針師者也今集中無鄭山詩証三柳南隨筆載牧齋跋讀與黃庭表與堅云往往行卷中得見新篇珠光玉氣涌現於行墨之間輒為採錄收入吾爰集中時人或未之許久而咸以為知言也今集中無庭表詩其証四之此四証書非完帙要屬可徵然此集以遺民之詩為主或者漁洋梅仙鄭山庭表諸詩與牧齋選旨不合故始取之而終合之歟案漁洋之序迎陵篋衍集也謂牧齋此集祕不

續修四庫全書

卷

集部總集類

示人是則牧齋此集斷章取義實有難言之隱不錄四家要非無故然則此集固未嘗有闕也

附錄傳記參攷材料

清史稿

清史列傳



懷舊集二卷 光緒丁丑刻本

劉啓瑞

常熟馮舒輯舒字已蒼幼承父教篤志讀書年四十謝去諸生與弟班並自為馮氏一家之學吳中稱二馮其學肆力於古舍咀經史穿穴百家尤邃於詩賓筵客坐辨論鋒起凡當世所推尚若前後七子悉受掇摭嘉定程嘉燧時目為詩老而舒塗抹其集幾盡家多藏書皆宋元善本丹黃甲乙手自讎勘構小閣設兩厨各題一銘以寶藏之妻東張溥倡為復社屢招舒舒以社名犯父偏諱謝弗往平生抗直遇事敢

續修四庫全書

卷

集部總集類

為不避權勢小人嫉之如仇明崇禎丁丑邑人錢謙益瞿式耜為奸民張漢儒誣舒委曲營救漢儒黨陳履謙寬舒名於捕檄中遂并逮舒下錦衣獄移刑部訟繫經冬誦讀不輟會漢儒等敗舒乃得釋釋里邑中漕糧諸弊惟舒洞悉具詳思蘇民困順治初屢上書爭之邑令時邑令瞿四達性貪酷憾甚羣小又構釁其間指所選懷舊集為謗訕曲殺之士林痛焉舒既歿集亦遭禁逮於晚季方有梓者集都錄詩詞二百餘首作家二十有四人分為上下卷卷上錄十

有一人曰顧雲鴻邵濂何大成徐濟忠魏浣初魏冲

徐錫祚孫森孫朝肅顧大武郭際南卷下錄十有三

人曰錢謙貞錢孫艾孫胤伽沈春澤張維騷武未陸

泰徵何遠皋陶世濟釋大寂釋道衡釋宗乘徐鳳各

家錄詩詞一二首十數首不等其人悉屬虞山之士

晚明之人或身廁廊廟或名著鄉邦皆與已蒼有舊

者因名之為懷舊集其序所謂僅取維桑者則以山

川阻絕搜索無從兼之鴻鯉參差存亡未審蓋僅以

常熟為限也至於卷末錄及釋氏兼逮青樓則又以

續修四庫全書

卷

集部總集類

流寓視之矣惟是已倉成書之歲時為順治四年江南甫定瘡痍滿目凡屬志士皆深感憤故自序有謂豈生初感世老際橫流火燄崑山嗟玉石之莫辨桑生滄海痛人琴之兩非雖魯殿獨存亦竟年道改譏諷當世愴懷故國板蕩遺音可歌可泣因此集中各家小傳亦復時露譏如顧大武傳有云崇禎初東兵大入當事者不敢發一矢顧苦釣脚亟遁去因為飛將軍賦其詞曰聞東兵之入薊者為白鳥所驅踉蹌出塞畏之異甚雖李都尉不過也余聞而歎曰國家

養士三百年功乃出公麼蟲味下因號曰飛將軍云  
云時大軍甫下江南人皆畏言東卒而矣蒼獨乃觸  
犯時諱顯著褻明其遺干禁網要非無故聖人有云  
危行言遜已蒼蓋未喻斯旨也

附錄傳記參攷材料

清史列傳

續修四庫全書總目

卷

集部總集類

國朝十家四六文鈔十卷 光緒己丑長沙王氏自刻  
本 劉啓瑞

長沙王先謙選先謙字益吾晚號葵園少孤苦嘗出  
為水師掌記室尋謝歸以廩膳生舉同治甲子鄉試  
乙丑成進士改翰林院庶吉士散館授編修累遷侍  
講國子監祭酒著有尚書孔傳參正等數十種均著  
錄入各類此則所輯駢儷文也先是益吾有駢文類  
纂之輯上始秦漢下迄昭代二掃陽湖李氏駢體文  
鈔之習時人咸稱道之既而又病國朝駢文之選猶

續修四庫全書總目

卷

集部總集類

或未備蓋曾南城輯國朝駢體正宗時止乾嘉吳  
全椒錄國朝八家四六文鈔人限朋盍雖世人稱其  
書萃一代之雋雄匯斯文之淵海牢籠百態藻繪群  
倫鼓鐸以齊聲容膏馥足資津逮然所甄錄淵源師  
友前徽未沐或歡遺珠未軫方道多能踵武益吾因  
復為之廣輯仿南城全樹之例輯為國朝十家四六  
文鈔鈔凡十卷卷各一人人著集名襟而不厠此十  
家者劉開字方來號孟塗安徽桐城人布衣著孟塗  
駢體文鈔董基誠字子詵江蘇陽湖人嘉慶丁丑進

士刑部郎中河南開封府知府著子說駢体文鈔董祐誠字方立一字蘭石亦陽湖人嘉慶戊寅恩科舉人著蘭石齋駢体文鈔方履錢字彥聞順天大興人嘉慶戊寅恩科舉人大挑知縣署福建閩縣知縣著萬善花室駢体文鈔梅曾亮字伯言江蘇上元人道光壬午恩科進士戶部郎中著柏規山房駢体文鈔傳桐字味琴安徽泗州人道光丁酉拔貢著梧生駢体文鈔周壽昌字荇農湖南長沙人道光乙巳進士翰林院編修內閣學士兼禮部侍郎著思益堂駢体

續修四庫全書總目

卷

集部總集類

父鈔王闓運字壬秋湖南湘潭人咸豐丁巳補行壬子乙卯舉人著湘綺樓駢体文鈔趙銘字桐孫浙江秀水人同治庚午舉人署直隸順德府知府著琴鶴山房駢体文鈔李慈銘字悉伯浙江會稽人光緒庚辰進士戶部郎中著湖塘林館駢体文鈔以此諸賢方軌前哲鱗翼附湊風雲回薄綜其辭翰彌復葦然發思古之幽情聽承平之雅奏燥濕殊節同倚徽絃之張方圓并施推本椎輪之始所謂禮堂法器見者神傾正始元音聞之意遠而益吾斯輯亦復挾擇謹

嚴屏祛蕪襍挹十家之精華見其本真葺四六之宏辭廣其續集自序所謂採輯遺集求珠時髦不使西河侯君失文漢代東海何生闕美蕭選蓋欲吾之意乃欲上紹南城全耕之遺矩而更補其未備雖云網羅未密而甯珠已在握矣

附錄傳記參攷材料

清史稿

續修四庫全書總目

卷

集部總集類



驪珠集八卷 康熙二十年刻本

劉啓瑞

吳江顧有孝選有孝字茂倫少仕俠遊華亭陳子龍之門子龍死國難有反亦謝諸生隱去為人開美長身玉立善談論喜交遊家釣雪灘陋巷蓬門四方賓至無虛日有孝傾身攬接每脫粟對飯欣然一飽而去時人有著菜羹當君之目明末吳中詩習多漸染鍾譚有孝與徐白潘陸俞南史周安顧樵輩楊樵風雅一以唐音為宗所選唐詩英華盛行於世詩體為之一變繼又有五朝詩英華明文英華詩選雅好汲

續修四庫全書總目

卷

集部總集類

引人有寸長必咨嗟激賞寒素多依以揚聲故雖布衣窮居而名聞海內海內賢豪長者亦必得友有孝以為榮此驪珠集者蓋其交游之詩彙也先是有孝選朋盍之詩以體為次曰五言古詩七言古詩五言律詩七言律詩五言絕句七言絕句各為一集顧以篇帙繁重不遑付刻遂先以七律一體問諸世即是本也書都八卷卷各若而人人各若而篇篇次先後均以得詩之次第為序不別歲時不限地域至有子弟列前而父兄列後者乃得詩之次第不同也是編所選諸人

初平為國初賢俊勝國遺民如錢謙益金之後吳偉業龔鼎孳

梁清標魏裔介邢昉陳名夏李雯梁清遠曹溶周亮工李蔚魏象樞杜濬申涵光侯方域宋之繩王時敏法若真宋琬施閏章王士禛李振宜曹爾堪鄧漢儀吳之紀趙開雅顧大申陳瑚陸圻冒襄孫枝蔚吳振宗尤侗宋華柴紹炳陸世儀陳恭尹吳嘉紀王岱歸莊李以篤葉方藹計東董以寧宋曹嚴繩孫繆彤陸舜朱彝尊等並一時知名之士其詩什品評久有定論而是編所選尤能擷其精英去其糟粕其餘諸家

續修四庫全書總目

卷

集部總集類

亦復各有臻詣或聲著里閭或名聞鄉邑其篇帙之工雖不逮於牧齋諸人而刻畫窮愁殆有過之至有孝編次去取之間亦復別具微意其例所謂詩之能傳遠與否者在詞之工拙不在選之多寡應思名賢林立刻非專集縱使其工豈能多載云云蓋例嚴而擇精非與妄採選政者可比若夫佐之編次者卷一則王士禛程康莊宗元鼎田茂遇卷二則程允衡孫治程邑宋寶穎卷三則曹琬徐絨魏允梅沈自南卷四則倪之煌秦松齡周聲計東卷五則柴紹炳毛際

可董黃趙澐卷六則丁克振趙錫胤王揆沈攀卷七則錢肅潤吳兆寬許虬梅磊卷八則曾王孫鄒祇謨徐乾學陳啓源並國初詩才卓犖之人皆與有孝有舊者宜乎此選之精且當也

附錄傳記參攷材料

同志重修蘇州府志

清史列傳

續修四庫全書

卷

集部總集類

三十家詩鈔六卷 同治甲戌刻本

劉啓瑞

湘鄉曾國藩選國藩字滌生道光十八年進士改翰林院庶吉士散館授檢討累仕至內閣學士禮部兵部侍郎直隸兩江總督諡文正事跡具詳清史稿本傳此則其所選魏晉南北朝詩也先是文正嘗輯魏晉以來迄於宋元之詩得十有八家曰曹子建阮嗣宗陶淵明謝康樂鮑明遠謝元暉王石丞孟襄陽李太白杜工部韓昌黎李義山杜牧之白香山蘇東坡黃山谷陸放翁元遺山總名曰十八家詩鈔既而又

續修四庫全書

卷

集部總集類

輯魏晉南北朝詩為一集與十八家詩鈔相輔而行屬以王事不遑啓處集創未就僅得六家曰曹子建阮嗣宗陶淵明謝康樂鮑明遠謝元暉文正事歿後子紀澤始屬東湖王鼎丞為之補纂鼎丞文正門人也嘗聞詩教於文正因推廣其意益以王仲宣劉公幹潘安仁張茂先陸士衡左太冲張景陽劉越石郭景純顧延年謝希逸謝惠連王元長江文通沈休文任彦昇范彦龍何仲言吳郡庾子真陰子堅徐孝穆庾子山二十有四家凡得三十家遂即以

三十家詩鈔名諸集而另於每卷之內分別其原輯補輯以清釐目又復於卷首著例十有三則以見文正選輯去取之意其說略謂漢世蘇武李陵之詩近於偽託十九首詩作非一人皆所不取取自曹植斷代為魏次及王劉建安諸子次及嗣宗當塗後勁次及潘張陸左為興亡一代詞人次及張內史劉太尉同是祖述仲宣而景陽華淨越石清拔郭宏農憲章黃門陶靖節守道不屈俱為漢魏以來詩宗次及劉宋之詩謝康樂雕鏡山水還乎自然鮑明遠模範樂

續修四庫全書

卷

集部總集類

府激昂悲壯顏特進鑊金錯采當時之俊他如希逸之清宣遠之儁法曹之麗均謝氏之傑次及齊以後詩謝元暉雋才逸姿獨高當代王元長腴淨有餘道警不足在爾時已難其選故僅以此二家為限次及蕭梁之世江屯騎沈家令何水部才思華瞻洵堪鼎足文通整飭中尚饒骨幹休文雋永中不少神味仲言婉麗中特見性情原其體製亦安仁茂先之亞彥昇彥龍左右駢新并庠子慎接軫聯鑣詩道卑靡時得此數子要亦足以維持次及陳詩以陰子堅徐孝

穆為主次及北朝之詩當以庾子山為最時有南徐北庾之稱實則徐不逮庾故以庾氏為殿凡此皆其選輯之大旨於是足以見文正去取之意而鼎丞補綴之功亦可於此徵之矣

附錄傳記參攷材料

清文稿

清史列傳

續修四庫全書

卷

集部總集類



南北朝文鈔二卷 光緒乙亥刻本

劉啓瑞

鎮洋彭兆蓀輯兆蓀字湘涵號甘亭貢生道光元年  
荐舉孝廉方正就少隨父礼官山西年十五應順天  
鄉試即聲滿名場然竟十餘年無所遇父歿家貧隻  
身客遊以為養諸大吏多資其才傾身納交兆蓀願  
未嘗以私請義所不可疑如也胡克家為江蘇布政  
使兆蓀與顧千里同為克家校刊元本通鑑世稱善  
本而文選之槩兆蓀又獨成文選攷異鈎稽探索頗  
具要領兆蓀少為閩覽博物之學覃精訓詁曾輯有

續修四庫全書總目

卷

集部總集類

經歧臆案後以為多前人所已言乃芟蕪之為潘澗  
筆記晚讀其鄉先生黃陶庵日記憬然有省深悔其  
於聖賢大道茫于未之有得遂作懺摩錄然亦時裒  
禪學妻縣姚椿微諷之隕然不以屑意也所為文鴻  
博沈麗力追六朝三唐見者以為金玉淵海卿雲翻  
散尤長於詩始務琦琬晚乃益慕澄淡孤負深得古  
人之意著有小謨觴館詩文集等行世此則其所輯  
之六朝駢儷文也案六朝駢儷之文自以導源蕭選  
為極則然自奇偶既判源流遂分陽湖李氏刊駢体

文鈔凡蕭選所錄一字不遺於是賁生過秦論太史

公報任少卿書乃均指為駢体宜乎為陸祁孫輩所

訾議且選樓以外遺珠甚多降至陳隋不乏名製甘

亭因另為重輯更補未備謀取南北史文苑英華藝

文類聚百三家集四六法海諸書擇其文之尤工者

斷自永初迄於大業得文百篇彙為一集名曰南北

朝文鈔鈔分二卷以体為別曰初曰詔曰令曰教曰

表曰彈文曰疏曰啓曰書曰移文曰報問曰序曰頌

曰論曰說曰銘曰誄曰碑曰哀詞曰墓志銘每類錄

續修四庫全書總目

卷

集部總集類

文錄殺各異每文之後間附評語或有攷據亦極當  
蓋是書與湯顯祖之續文選例正相同方之蕭選誼  
居諍臣世之治選体者或當兼及是書至編中不錄  
徐庾則自序所謂仿選詩家不收李杜例也然是書  
之獎亦有一端案甘亭平生論文宗旨具見集中荆  
石山房文集序及與姚椿木兩書於虞通議昏表釋  
真觀役僧書皆詆毀不遺餘力而此編仍錄有釋真  
觀書豈欲聊儔一格此一事也又篇中於文選之已  
錄文徐庾之文概置不錄見於自然序如劉峻山栖

志溫子昇寒陵山寺碑亦以習見不錄此豈與唐文粹不載昌黎子淮西碑例相同歟此二事也之此二事殊乖選例宜乎徐達源序譏其輕塵足岳隊露添流非所以攬翮剔毛足翼選學也

附錄傳記參攷材料

清史列傳

續修四庫全書總目

卷

集部總集類

松陵詩徵前編十二卷 嘉慶丙子原刻本 光緒癸未重刻本 劉啓瑞

吳江殷增輯增字曜庭號東谿乾隆時諸生少嫻詞翰尤擅篇什所為古近體詩情韵悠長見稱於陳壽熊而所輯之松陵詩徵前編尤為吳錫麒石韞玉等所重稱其為吳江詩什之總龜可備郡邑文獻之徵討而蒐采遺佚之功更有不可沒者蓋其編次之謹嚴也如是崇松陵為蘇州屬邑地居太湖之濱襟帶江浙山水清遠風俗尚文故自古即多詩人殆巖壑

續修四庫全書總目

卷

集部總集類

秀靈之氣所結而發焉者也然世人多謂吳江建邑肇始朱梁朱梁以前為松陵鎮唐皮陸二公有松陵唱和之詩尤足為其左證第稽之載籍晉張瓊為齊王同大司馬東曹掾陳頤野王官黃門侍郎蘇州府志均列之吳江且張步兵里居宛在論其蹤跡足可憑依輯吳江詩者要當以此二公為首惜乎明之董二酉吳江詩乘國初之顧雪灘吳江詩略周笠川吳江詩粹張雪窓松陵詩約袁景輅之松陵詩徵均不之及董氏之書止於明季顧氏所采僅一時知名之

士周氏張氏又皆始自元初不遑遶溯袁氏自國初至乾隆己卯一百一十六年之間蒐輯略盡若繼乎國初諸公之業者其書最為精審然為之前者不能無闕略之憾更無論乎晉陳東谿乃重為蒐葺補所未備上始晉陳下逮前明凡得作者二百八十有五人流寓二十有二人方外三十有三人閩粵一十有六人雖為十有二卷襲景輅之舊名而以前編別之上下一千二百餘載錄詩九百二十有奇例悉仿之袁氏重在以詩存人或以人存詩以其詩足傳者則

重其詩人足傳者則重其人也而去取之間尤悉秉之公正凡此皆有與袁氏之旨合者至其編次之法有科第者以科第為次無者則約略其行輩為序而每家之下又各系小傳凡行事之已見於國史省府邑志者錄稍簡若逸事可傳潛德可風詩話可述雜記可引者則詳錄之以見其人此亦與袁氏之旨有相合者其不合而有特異者則袁氏之書時代既近篇什可徵是編則代遠年湮難於攷証遇有零縑斷簡概視同拱壁重在表揚非同選訂區別在是其蒐

葺難易亦可於是見之矣

附錄傳記參攷材料

吳江縣續志



詩持一集四卷二集八卷 康熙十年枕江堂魏氏刻  
本

劉啓瑞

福清魏憲選憲字惟度別署虛舟漁史明末人嘗輯  
清初名家詩得百家總名曰皇清百名家詩集已著  
錄四庫入存目提要稱憲以曹學佺有十二代詩選  
止於天啓因選是集以補之自天啓甲子以後康熙  
壬子以前由縉紳迄方外共得百人云云而不知是  
書命名已為皇清百名家集所選又以入清者為斷  
也憲事跡無可徵據百名家集後憲詩小引考之陸

續修四庫全書

卷

集部總集類

雪樵稱其風度俊潔豪邁軼倫有如天馬游龍足迹  
未至聲光先之文章遍海內注之於昭代久矣云云  
是則憲亦當時之名家也是書專選同時師友之詩  
分為二集一集四卷始明天啓甲子迄清順治丙戌  
凡二十有三年錄詩千餘首詩家九十有四人二集  
八卷始順丁亥迄康熙辛亥凡二十有五年錄詩三  
千餘首詩家二百二十有一人其人或生存或已故  
或明末遺民入清隱逸或歷官數朝再登仕版者大  
氏一集之人多稱高士故一集斷代止於丙戌時順

續修四庫全書

卷

集部總集類

治雖已入閩江南尚未底定明朝正朔猶且奉行藉  
其微意隱寓分別若二集選時則江南救平已久所  
選諸人大都入仕故二集翔閩已書康熙辛亥蓋時  
為之也書中選詩皆以得乎風雅之正者為主自序  
所謂体裁必正丰格必高性情必深意旨必婉諷誠  
微典實必確而後始錄故所選諸詩咸稱高逸不失  
凡庸而選詩標榜之習尤深屏棄間有許隲亦復精  
審然其獎也亦有二端一為錄詩地域惜未稱廣俗  
序例所謂是集所載吳越為多齊魯次之燕趙次之

秦晉又次之楚蜀兩粵又次之滇黔三閩又次之既  
已有次則其未備可知矣二為同時詩家錄有聲漏  
序例所謂如吳之沈眉生顧修遠顧茂倫張友鴻越  
之陸梯霞范文白毛馳黃徐野楚之李雲田譚擬陶  
豫章之萬茂先曾青藜秦之李封則韓聖秋晉之魏  
斗仲韓雨公豫之侯朝宗燕之梁公狄齊魯之王鶴  
潭姜如須滇黔之台九峯沈石友粵之郭并子蜀之  
劉浣松閩之李元仲崔五竺徐器之彭爾仁許同玉  
高雲客羅石夫陳子集林丹夫何皖仲皆風雅宗工

而山川修阻無從得其傳稿因付闕如則其書之敘漏抑又可知矣之此二事要可類推全書若夫書之命名不曰詩選而曰詩持者則自序所謂詩者持也蓋將持之于其盛而逆有以振其衰也

附錄傳記參攷材料

皇清百名家詩集卷八十九

續修四庫全書總目

卷

集部總集類

蜀秀集九卷 光緒九年成都試院刻本 劉啓瑞

南海譚宗浚選宗浚字叔裕少擅詞章尤精駢儷為文操筆立就洋洋千言年十六以國學生舉咸豐辛酉鄉試舉人甲戌成進士以一甲二名及第授職編修先是壬戌訂偕北上時中英和議初定俯仰時事憑眺山川作覽海賦以寄慨凡數萬言都人士交口稱誦迨通籍後聲譽益著碩德名臣爭以文字相結納丙子散館奉命督學四川得人稱盛壬午典試江南甄拔多名士嗣歷充國史館協修纂修總纂功

續修四庫全書總目

卷

集部總集類

巨館纂修文淵閣校理庚辰癸未兩科會試磨勘官教習庶吉士乙酉記名道府簡放雲南糧儲道有善政兼權按察使祛弊除姦百廢具舉去之日幾不能備資斧其廉潔也如是當其為四川學政時前學使張文襄方創尊經書院成聞宗浚代其任大喜曰譚君來蜀士有福矣既至嚴剔弊竇獎借英才選刊蜀士之文與詩為蜀秀集士林翕然仰為儒宗蜀秀集者是編是也編都九卷卷一之七為文卷八之九為詩文以經史子集次經又以易書詩三礼三傳爾雅

論語為次而又綴以小學以小學為通經之路也其餘史則以四史為次子則以儒農為次集則以騷選為次復以擬賦殿諸後以賦者文之流別附於文末用昭明文選例也至於詩什則以擬作和作雜詩為序不復以體制為介以篇什過錄不易分也案四川夙為人文之數代有才士漢則有楊馬唐則有陳李有宋理學則魏張功烈則虞范詞翰則蘇文文學則王李以及元之虞明之楊莫不輝朗前史續連叢籍人才之盛照曜寰區洎乎國朝更無論矣晚近以來

續修四庫全書

卷

集部總集類

士多出之尊經人莫不以張文襄王湘綺之教為稱而宗浚亦並及之宗浚之教人也曰為學之道大要有五一日講明訓詁之學二曰考証史傳之學三曰稽求器數之學四曰校刊經籍之學五曰講習詞章之學蓋其意於初學之士必先課之以研經引之以讀史旁兼諸子下逮百家而後始能植柢詞林探源藝海以故是編所錄大半出之宗浚所教文質彬彬斐然可觀較其著者多屬蜀之俊乂而能克自樹立者惜乎風簷寸晷急就者多偶有刪潤多出宗浚之

手瑜額五見蓋不免也

附錄傳記參攷材料

清史稿

清史列傳

唐文治撰譚先生墓碑

續修四庫全書

卷

集部總集類



吳越錢氏傳芳集一卷 嘉慶十五年原刊本 光緒二十三年重刊本 劉啓瑞

常熟錢泳輯泳字立群號梅溪乾嘉時布衣工隸善畫能鼓琴嘗周歷楚豫浙閩齊魯燕趙之間為諸侯賓客者迨二十餘年壽至八十外詩強半為酬贈之作其精者風格亦高著有梅花溪詩草行世此則其所輯錢氏之家集也錢氏之處於江浙者泰半為錢武肅王鏐後鏐字具美杭州臨安人唐乾符二年以偏將擊黃巢有功為都指揮使光啓二年拜左衛大

續修四庫全書

卷

集部總集類

將軍杭州刺史景福二年拜鎮海軍節度使乾寧二年封彭城郡王浙江東道招討使旋加鎮海東軍節度使檢校太尉中書令賜鐵券光化元年加檢校太師天復二年封越王天祐元年封吳王梁太祖即位封吳越王兼淮南節度使後唐莊宗封吳越國王長興八年薨諡武肅王自是厥後子孫蕃衍散處天下者莫不世系昭著傳之梅溪殆已三十世矣先是在宋時有文僊公者嘗輯武肅王以下詩篇為吳越錢氏傳芳集一卷後集五卷見於錢曾讀書敏求記錢

牧齋列朝詩集小傳書惜不傳祇宋綬之序尚可考見而已梅溪因為重輯採錄全唐詩並續慶系譜宋詩紀事等書得錢氏凡九人計三世詩都詩四十有五首此九人者首武肅王鏐次文穆王元瓘武肅之第七子次忠獻王宏佐文穆之第二子次忠遜王宏綜又穆之第七子次忠懿王宏休文穆之第九子次富水侯昱忠獻之長子次秘書監昆忠遜之第十子次翰林學士易忠遜第十二子次彭城郡王惟治忠遜之長子此九人之詩其多寡固不一要均雄闊壯

續修四庫全書

卷

集部總集類

麗排界嶽奇得於天者為厚如武肅還鄉歌云三節還鄉兮掛錦衣碧天朗朗兮愛日輝功臣道上兮列旌旗父老遠來兮相追隨家山鄉眷兮會時稀今朝設宴兮觥兕飛斗牛無字兮民無欺吳越一王兮駟馬歸則胎息於漢高之大風歌矣其餘諸什亦多類是有近纖巧者如忠懿咏小窓云粉雲牙貼小窓涼坐見澄波泛夕陽更待夜深方有意半環新月上重床又如舟中偶書云輕舟畫舸枕江濱眼底波濤日日新瞑目穩收雙足坐不勞詢問醉禪人亦頗清韵

孫逸纖而不佻巧而不冶非與艷詞儂句者可擬蓋錢氏之源遠流長德澤孔厚宜乎世傳清芬迄今子孫猶不衰也

附錄傳記參攷材料

國朝正雅集

續修四庫全書總目

卷

集部總集類

寄園七夕詩不分卷 康熙丁丑寄園趙氏刻本

劉啓瑞

仁和趙吉士等撰吉士字天羽號恒夫一號漸岍順治辛卯順天舉人辛丑會試副榜貢生初令交城以奇兵破交山巨寇有功行取主事升給事以父子各占籍被劾落職尋降補國子監學正性豪爽好義曾憫鄉里遊京師者無所棲止出三萬金創造金浙會館寒士北遊者咸得庇其宇下官京師時即月張園舊址築寄園以居有綠天深處叢桂小山柱笏軒和

續修四庫全書總目

卷

集部總集類

青閣諸勝境仰屋著書風流照耀康熙丁丑七夕大會名流一百六十七人以詩牌集字用堂額相賞有松石間意為韵分賦五言七章主人延賓治酒之餘即席詩成客散後復用前韵成詩如數雕繪滿眼一時皆服其遠藻凡此皆見於是集集分三編一曰寄園七夕詩牌集字詩詩共七集集各有韵即傳云以堂額相賞有松石間意為韵者也二曰寄園七夕集字詩係和漸岍原韵者以詩之多寡為次凡得一百六十七人計直隸十七人江南五十九人山西四人

陝西八人浙江五十三人福建三人四川一人雲南  
一人奉天一人山東三人河南一人湖廣四人江西  
一人廣東一人貴州二人各有詩詩或一二首十  
數首不等其補和者則附於後復得十有九人另附  
七夕別韻倡和詩七律十六首則漸岍與史胃司會  
後唱和者又附四景絕句詩四首則漸岍以詩牌集  
句者三日月張園酬倡詩係和明袁宏道舊倡者先  
是宏道有月張園看荷花長律漸岍首和之復約同  
好與和凡得四十三人人各和詩一首以成詩先後

續修四庫全書總目

卷

集部總集類

為序此其全書之大略也按孫國救燕都游覽志云  
月張園離阜城門外里許傍城垣下入門垂柳拂地  
黛栢蒼槐深環石砌更有老榆植自元代堂前一池  
甚脩廣可泛舟水落時不涸以塞北得江南勝地目  
所僅見云云蓋月張園自元明以來已為勝境漸岍  
就其地更為重築數欄種葯景優於前惟是古人題  
咏久付闕如僅於袁中郎集得此一律可以想見昔  
日之風流題咏盛極一時漸岍因踵其故事七夕為  
會更梓和詩以紀雅集詩雖未逮於古人而勝會則

有似之矣

附錄傳記參攷材料

國朝杭郡詩初輯

續修四庫全書總目

卷

集部總集類



網師園唐詩箋十八卷 乾隆三十二年宋氏尚絅堂

刻本

劉啓瑞

元和宋宗元箋宗元字光少號慙庭乾隆戊午順天舉人直隸成安良鄉知縣歷官天津清河道遷光祿寺少卿旋乞養歸於舊居葑谿南築網師園以奉板輿建義莊以贖貧族諸從子皆受析產邑人咸稱其義時吳郡文風甲於天下四方賢儒又多流寓其間人文之盛殆為世冠慙庭廁身其中日與諸名流相倡和分毫題咏稱雄壇坫復以網師園為鵲咏地流

續修四庫全書

卷

集部總集類

連倡酬歲無虛夕更以餘暇為唐詩箋嘗謂世之選唐詩者平奇澹麗各有指歸如唐人選唐詩及元楊伯謙選本俱不收李杜韋穀才調集收李不收杜有明自嘉隆後慕高古者一洗詞華趨新穎者不登渾樸王文簡唐賢三昧集專取神韻淵永而典重之什未及沈歸愚別裁初本不錄長慶體重訂本乃為補入揆其指歸固各有當然其弊也亦正有在茲傳會時趨致去取之間有乖風雅竊意詩以永言敦厚溫柔而已舍是無問平奇澹麗皆所必顯其或索枯險

以為高修容服以矜媚是皆誤於彼之指歸而實悖

乎詩人之指歸者蓋平澹之內非乏精腴奇麗之中

豈無蘊藉以皮相求詩而詩之真意不出即詩之正

軌不存遂貿貿以恣其品論曰某某家為平為澹是

為一体某某家為麗為奇又為一体因謂錄某某家

數則某某家數不得更登是風雅之教與有唐諸詩

家之所為不詭乎風雅者未必不轉汨沉於選詩者

之各持其意見因復以詩以永言敦厚溫柔之旨自

樹其指歸不立門戶不別是非但以体類為介計為

續修四庫全書

卷

集部總集類

類有七曰五言古詩曰七言古詩曰五言律詩曰七言律詩曰五言絕詩曰七言絕詩曰長律詩同体者以時為介凡錄五言古詩一百八十有二首詩家五十八七言古詩一百十有一首詩家五十八五律詩二百三十首詩家一百八七言律詩一百九十有八首詩家八十八五言絕詩九十有四首詩家六十有五八七言絕詩一百七十有三首詩家八十有五八長律詩七十有四首詩家四十有三人每詩之下各為箋注首明其詩題次傳其著者次述其詩意次解

其典故別為條列，系於詩後，誦詩者不特藉以考知其人，且以知其詩典出處，一舉而兩得焉。況其注箋尤稱瀉正，推溯源流，陳括條例，凡經之注疏、史之集解、子之百家集之駢選，莫不蒐采靡遺，條舉精當，或有歧說，皆所不取，一洗前人箋注之積習，蓋是書不僅抉擇謹嚴，而箋注為尤審焉。

附錄傳記參攷材料

同治重修蘇州府志

續修四庫全書

卷

集部總集類

珠林風雅不分卷 康熙十年刻本 劉啓瑞

長洲徐增選增字子能明末遺民江蘇詩徵引遺民集稱增有咏黃牡丹詩百首為時所稱所著有唐詩說尤為藝林津筏索唐詩說又名而庵說唐詩或簡稱說唐詩已著錄四庫入存目提要稱其所錄唐詩三百餘首一一推闡其作意其說悠課支離皆不可訓又云增與金人瑞遊取其唐才子書之說以分解之說施於律詩穿鑿附會尤失古人之意云云是其書之近於奇詭流於俚俗不足以為世法蓋可徵信

續修四庫全書

卷

集部總集類

而此書之選亦復與唐詩說相類殆猶未脫金人瑞之積習也書選僧釋之詩尤限於西湖靈隱寺僧之詩故是集又名靈隱詩選詩錄凡百餘首詩家十有七人曰戒顯曰元興曰正瑞曰元通曰德玢曰元迴曰通賢曰顯赤曰寀証曰善暎曰方璿曰海雲曰等璉曰定兩曰通賢曰性質曰德良每家錄詩多寡不等各家名下均系小傳詩之尤者並附以評其間詩之佳者要以戒顯詩為最其詩如咏金谿翠雲寺躍馬泉云天馬從空下河源蹴踏來波濤驚駭骨冰雪

送龍媒。瀕洞金鞭迅。奔騰鉄騎催。何年水戰罷。隘口  
息風雷。又如過道士。狀絕壁云。劍閣移何代。危崖瞰  
楚天。不因施斬劈。安得斷攀緣。影削龍宮避。根蟠鰲  
背穿。驅山留此跡。怪絕鬼神鞭。俱聞壯奇麗。不愧作  
者。吳梅村序是集。稱戒顯嘗與之同硯席。詩文絕才  
名滿天下。次因滄桑。焚書學道。開法江楚二十餘年。  
是戒顯乃一遺民遁迹而之佛家者。固非原為釋氏  
也。戒顯詩外佳者亦多。然大抵儒釋相襟。不能脫盡  
經偈之言。或玄澁隱晦。流於竊香。或艱奇光怪。近於

幽峭。昔選詩家。謂選釋子羽士之詩。必稍明風雅者。  
而後始登。倘能讀儒書。悉詩學源流者。而後方可與  
之言詩。今是編雖未能悉如其旨。然大抵詩品詩才。  
俱有可采。蓋其間隱逸者居多。固未可盡以釋詩衡  
之也。然而庵所評。則不免溢譽。如許戒顯詩云。晦山  
和尚有詩。高山大川之局量。金鼎寶劍之光華。驚人  
見聞。奪人氣魄。乃知巨霸擎藏。手在和尚處也。云云。  
則不免俱矣。

附錄傳記參攷材料

江蘇詩徵



古詩鈔二十卷 民國十七年武彊賀氏刻本

劉啓瑞

桐城吳汝綸選汝綸字桴甫幼喜讀書少長以文章見知於曾文正遂從文正受學同治甲子舉於鄉乙丑成進士以中書用時文正督兩江奏調桴甫與偕直隸又調北來補深州知州又署天津府知府均有善政嗣主蓮池書院得人稱盛時大學堂初立張百熙請於朝以桴甫為總教習加五品京堂既受命因求學制於日本甫歸而歿世論惜之此古詩

續修四庫全書總目

卷

集部總集類

鈔者桴甫所選書之一也書分五言古詩七言古詩為二編卷一之十三為五言古詩卷十四之二十為七言古詩五言古詩始漢迄唐錄詩一千三百有九首詩家四十有一人漢則蘇武李陵班婕妤卓文君孔融蔡邕諸葛亮辛延年宋子侯蔡琰而無名氏及古辭錯次之魏則武帝曹植王粲劉楨晉則阮籍潘岳左思劉琨郭璞陶潛宋則謝靈運顏延之鮑照齊則謝朓梁則何遜沈約范雲江淹柳惲吳均陳則周宏正江總北周則庾信唐則陳子昂李白杜甫韓愈柳

宗元張籍等七言古詩則始漢迄元錄詩五百二十

有九首詩家三十有一人漢則武帝張衡而樂府古辭漢魏歌童謠附列之魏則武帝文帝曹植陳琳晉則傅綰歌詩宋則鮑照梁則無名氏後魏則元禧北齊則斛律金北周則庾信唐則劉希夷王維岑參白杜甫韓愈李商隱宋則歐陽修王安石蘇軾黃庭堅晁補之陸游金則元好問元則虞集等都為一集各以體次其書大氏以王阮亭曾文正選本為主又從而消益之據桴甫五言古詩小引云鈔五言古詩自

續修四庫全書總目

卷

集部總集類

漢魏迄於李杜韓柳係於阮亭視曾公斷以九家者亦稍廣而為詩殊約恐有遺美則識力固未至也又七言古詩小引云鈔七言古詩起漢武帝秋風辭以阮亭選周秦諸詩多出傳記難信詩亦未上李杜前名作殊少獨鮑詩驚矯蘇黃前歐王卓然成宗元白亦別成一隊亦依阮亭不入選恐學之入滑易也下至虞伯生而止云云蓋桴甫之意原欲各家選本中斟酌盡善以期得一完本為後學楷式時世所風行者要推王曾二家選本為最因即以此二家為主更

為廣約惜乎二家之獎摯甫未能盡除如蘇武李陵之詩係後人所偽託而是編猶未芟蕪又如樂府古辭及漢魏歌並非純為七言古詩豈可闌入七言此二者固非摯甫之病然要為美中之不足且也桐城諸子夙以文名詩則未逮姚鼐序徐璣桐舊集稱惜抱詩選足為天下選本之首識者譏其未當而摯甫猶蹈襲之選此古詩毋乃俱歟

附錄傳記參攷材料

續修四庫全書總目

卷

集部總集類

賀濤撰吳先生行狀

華國編文選八卷 乾隆己卯孫氏自刻本

劉啓瑞

高郵孫漢孫選漢孫字邃人號沛村又號虛舟幼穎異十三歲補博士弟子員雍正元年以年資充恩貢二年補行癸卯正科舉於鄉七年致授內閣中書舍人管司經局正字明年差監督京石翼太平倉十二年以羨米課最陞刑部浙江司主事在任四年而歸天性孝謹而讀書有識明習諸務當其未仕時嘗欲選歷朝詩賦文三集為一編名曰華國編文選華國

續修四庫全書總目

卷

集部總集類

者詩書禮樂文也其所載則聖帝明王之所以治其國者文章之於國為華凡人道之經緯萬端其微而為德性顯而為事功皆莫不賴文章以華故以華國為文選之名惜甫草創未成而仕罷仕歸隱方始重輯時始漢魏逮於唐宋得文百有六篇為類五十曰符命曰策文曰詔曰制曰璽書曰勅曰德音曰批荅曰鐵券曰策問曰諭祭曰疏曰劄子曰狀曰表曰樂語曰雅曰頌曰碑曰銘曰戒曰箴曰贊曰序曰令曰教曰牋曰啓曰書曰記曰論曰議著曰移文曰彈文



曰檄曰牒曰露布曰設論曰誄曰哀辭曰墓誌曰吊  
文曰祭文曰駢曰辭曰歌曰七曰問答曰連珠每類  
為文一二首十數首不等蓋仿昭明文選文苑英華  
之例而又消益以成也是書於各代之文去取並有  
微旨而要以偶體為主奇亦不廢其於兩漢文則以  
文至東漢漸趨煩縟渾浩之氣不及西京然由質而  
文實自西漢始鄒枚已開駢儷之原而東方朔司馬  
相如並以文辭馳騁於武帝朝其後王褒楊雄班固  
崔駰蔡邕之徒接踵而興辭皆華艷六朝法門胚胎

續修四庫全書總目

卷

集部總集類

於此故茲選以兩漢為始此一事也其於三國六朝  
之文則以三國文氣疏快而加以選言之功晉宋齊  
梁駢體日盛逮至徐庾驚采絕艷盡態窮工六朝  
佳麗于斯為極然密而不傷於氣艷而不累於辭乃  
為麗家之上乘惜乎六朝之文辭勝於氣惟徐庾之  
文差稱並美而庾又勝於徐故是選收庾為最多此  
二事也其於唐文則以唐書藝文傳論云唐文章母  
慮三變王駢建標於前燕許專幟於後莫非駢偶韓  
吏部出而起衰八代風雲月露排逐一空故是選登

其文為衆而柳州之文亦所甄錄此三事也其於宋  
文則以言古文者必稱八家中宋居其六然詞章之  
文老蘇子固子由寥寥少見臨川六一表制較多而  
皆不若東坡居士之天生逸才其麗品實工妙絕  
倫也故宋世文選東坡居半此四事也之此四事總  
論選文大抵理取光明正大奇險詭僻者不與辭取  
冠冕爵皇纖巧衰頹者不與得選文之正旨惜乎選  
本以偶為宗以奇為輔分類又近於應制殆未脫當  
時之積習也

續修四庫全書總目

卷

集部總集類

附錄傳記參攷材料

高郵州志

吳紱撰陳沛村墓表



增訂唐詩摘鈔十卷 乾隆十五年南屏草堂朱氏刻  
本 劉啓瑞

歙縣黃生選生字扶孟號白山前明諸生著有字詁  
義府已著錄入四庫小學類提要稱其於六書多所  
發明每字皆有新義而根據博奧與穿鑿者殊蓋生  
致力漢學而於六書訓詁尤為專長故不同明人之  
勦說故精華如是也是編專選唐人近體詩其精華  
與字詁埒書凡十卷卷以體次卷一錄五言律詩一  
百八十有七首卷二錄五言絕句八十有四首卷三

續修四庫全書

卷

集部總集類

錄七言律詩一百十有二首卷四錄七言絕句一百  
五十有五首此初輯也卷五錄五言律詩一百三十  
有一首卷六錄五言絕句五十有二首卷七錄七言  
律詩七十有三首卷八錄七言絕句二十有五首卷  
九錄五言排律二十有一首卷十錄七言排律二首  
六言絕句六首此增輯也初輯所選止於發凡增輯  
所訂乃復廣博其序所謂先之務約務精務顯易故  
中晚視初盛為多也白山嘗論詩體之升降源流謂  
詩至陳隋而淫靡為極李唐氏作時則有若陳梓州

子昂振興古道沈雲卿宋延清調合聲律一及之一

因之皆救弊之善物自是詩家遂分二體散行者曰  
古體排偶者曰近體於中又自分三種曰律斷八句  
成篇者曰排律引四韻而伸之者曰絕句截四韻而  
半之者曰頌唐賢古體自李杜高岑王孟常建李頎王  
昌齡劉春虛韋柳數大家之外高古之作指不多屈  
其窮工極巧全在近體蓋一代風尚所趨篇什之富  
才調之工遠過古詩亦勢使然故白山此選悉以近  
體為宗其不及古詩者以古詩必宗漢魏近體始法

續修四庫全書

卷

集部總集類

唐人而唐人近體尤以中晚為最所選要以此為主  
也白山為詩夙工近體而尤折服杜詩編後附有杜  
詩說句法曰實眼句曰倒裝句曰走馬流水對曰上  
因句曰對起法下因聯曰硬裝句曰分裝句分裝對  
曰倒敘聯曰折腰句層折句虛虛句曰縮脈句曰虛  
眼句曰下因句呼應句曰雙眼句曰藏頭句曰明暗  
句兩截句曰背面對曰直迷句曰硬押句曰倒剔句  
雙關對曰開合對曰反裝句曰足上句曰博換句曰  
不對而對曰分疏句曰套裝法比賦句曰參差對曰

硬押句、倒剔句、鶴膝句、曰重字助句、曰換柱句、曰橫  
插句、曰問答句、曰混裝句、曰掉字句、曰渾成句、曰串  
因句、橫插句、曰倒剔句、曰斷續句、曰長短句、曰三折  
句、曰虛實對、長裝句、凡四十有二種、條分縷析、深得  
杜詩遺意、故篇中所選諸詩、亦以論杜詩之法推之、  
各家此固斯選之佳處、然其弊亦正在是也、

附錄傳記參攷材料

欽縣志

續修四庫全書總目

卷

集部總集類

欽定熙朝雅頌集一百六卷、首集二十六卷、餘集二卷、

凡例一卷、目錄一卷、嘉慶十年刻本、劉啓瑞

長白鐵保奉敕輯、保字治亭、號梅庵、乾隆三十七年

進士、授主事、籤分吏部、遷員外郎、中擢詹事府少詹

事、翰林院侍講學士、日講起居注官、內閣學士、禮部

右侍郎、鑲紅旗蒙古副都統、調鑲黃旗充經筵講

官、江南鄉試正考官、洊升吏部右侍郎、正白旗滿洲

副都統、咸京刑部侍郎、授漕運總督、調廣東巡撫、山

東巡撫、陞兩江總督、事跡具詳清史稿本傳、先是鐵

續修四庫全書總目

卷

集部總集類

保充八旗通志館總裁官時、於藝文一門、得滿洲蒙

古漢軍詩鈔百數十家、以篇帙浩繁、未克悉錄、因請

於朝、另為編次、總括八旗之詩、都為一集、書成、錫名

定為熙朝雅頌集、分三編、各為卷第、首集二十六

卷、錄天潢之詩、次正集一百六卷、錄八旗滿洲蒙古

漢軍之詩、次餘集二卷、錄八旗閩粵之詩、均起自崇

德、迄於乾隆、其天潢另為一編者、蓋示尊崇也、三編

編次各有不同、首集之次、先親王、次郡王、次貝勒、貝

子、以近支為先、近支中以長幼為序列、慈厚鎮國公

於卷首者尊近支也。餘則公將軍以下，惟酌篇什之多寡，以分卷帙之先後。此一事也。諸王各卷標題書謚，而其名爵世系，則仍詳註於標題之後。其詩已有專集者，錄據專集。無者，則據皇朝文穎以入。此二事也。之此二事，以天潢之詩例，有殊異，故不得不編次如是。至於正集，則依通例排比次序，參攷沈歸愚國朝詩別裁集法，分若干年為一段落，中復按據科名、先文科、次武科、次繙譯科、副榜，即附本科之後。其無名者，則按其行輩，有官爵者，則按其出仕歲月，未出

續修四庫全書

卷

集部總集類

仕者，則按其詩中酬贈之人與存沒之日為定。此一事也。詩之選錄，自以品端學粹、詩律精深為最。其有詣猶未卓，而夙望可風，則以人而存詩，亦有品或未醇，而文名尚著，則以詩而存人，節取所長，不為偏廢。而每家詩首，又並各著旗分，以示區別。此二事也。此二事較之首集，蓋有異矣。若夫餘集，則準正集之例。凡此皆其編次之大端也。案八旗人文，夙有宗室、滿洲、蒙古、漢軍之別。士重韜略，未嫻文藝，間有二者，亦推漢軍。而滿洲、蒙古旗籍之人，乃復不逮宗室詩。

篇尤復瑕瑜互見。往者伊福納曾輯有白山詩鈔，卓奇圖亦輯有白山詩存，惜均未成而罷。迨於鐵保始以公力成之，其色舉靡遺，蒐采詳博，視之白山詩鈔、白山詩存，蓋已什百倍於是。然其抉擇不嚴，審識未當，亦復為是集之累。此固在鐵保曩日處奉教之下，不得妄為軒輊。然佐之纂集者，如朱珪輩，要不得不尸其咎也。

附錄傳記參攷材料

續修四庫全書

卷

集部總集類

清史列傳



本朝館閣詩二十卷附錄一卷續附錄一卷 乾隆戊寅刻本

劉啓瑞

山陽阮學浩學濬同編學浩字裴園號緩堂雍正庚戌進士官翰林院檢討居翰苑時嘗進經史摺子受特達之知與試山右稱得人替學湖南進士尤有法乞養歸後講學勾湖邑之人士皆彬彬向化弟學濬字澄園號蘊村雍正癸丑進士官翰林院編修與兄裴園同以文名人稱淮安二阮是書則其兄弟居翰苑時所編者先是裴園嘗奉詔編次皇清文類病文

續修四庫全書總目

卷

集部總集類

穎卷帙浩繁詩文並纂窮鄉下士購求為難且卷首錄及帝王之作更未便為攷試程式是時功令方以試帖取士士皆苦無楷法裴園因於暇日率弟澄園以皇清文類為宗取其詩什益以他書編為本朝館閣詩一集凡館課進呈廷試與夫恭紀恭和公餘于役等詩以及札闌試帖皆在甄錄計得五言古詩百有六首七言古詩七十有五首五言律詩三百七十有四首七言律詩一千一百五十首五言排律三百七十首七言排律八十有三首五言絕句四十有一

續修四庫全書總目

卷

集部總集類

首七言絕句三百三十有八首更以續錄之五言古詩三十首七言古詩十有六首五言律詩五十有四首七言律詩一百二十有六首五言排律六十有二首七言排律七首五言絕句五首七言絕句二十有六首合為一編介為二十卷復以補采之五言排律二百六十有七首分為附錄續附錄各一卷殿諸後時始順治迄於乾隆初葉凡一代之典麗巨製鼓吹休明之作大率皆在是焉案館閣之詩貴氣局嚴整屬對雅切然必具有性靈而後開闔變化泯排儷之迹王楊盧駱陳杜沈宋燕許曲江應制贈選諸篇所以弁冕三唐輝映百代胥是道也自後世謂臺閣之詩主堂皇山林之詩主蕭疏臺閣體非性靈之所屬詩家弗尚於是作詩者遂相率而為寒瘦與雅頌之音迴別選詩者亦判為兩塗如殷璠之河嶽英靈高仲武之中興間氣元結之篋中數種或詩取襟篇或人收遺佚並無承詔應制之什與謝靈運顏延年之晉宋宴會各編專紀當時侍從應詔之作者有異降逮後世更無論矣縱有彙選存者蓋寡以弗為時人

所稱道也是編之選毋論其例嚴選當與否其不為  
時人稱道則一書首沈歸愚齊次風二序已於此深  
用致概況時越百年以後乎意者後世試帖之詩性  
需弗尚其傳與不傳或在是乎

附錄傳記參攷材料

淮安府志

江蘇詩徵

續修四庫全書總目

卷

集部總集類

國朝詩十卷外編一卷補編六卷 新陽趙氏刻本

劉啓瑞

吳縣吳翌鳳選翌鳳字伊仲諸生於學無所不窺尤  
長於詩自漢魏三唐及宋金元人詩皆手自選定吳  
祭酒梅村詩集舊注詳略失宜翌鳳攷訂五十餘年  
據史傳為之注所為詩格律深穩得溫柔敦厚之旨  
所撰輯之書甚多卒年七十八中歲應湖南巡撫姜  
晟之聘繼主瀏陽南臺書院操行潔白不可干以私  
既老倦而歸囊中惟書數千卷而已父死哭過節一

續修四庫全書總目

卷

集部總集類

目失明事繼母以孝聞與人交有終始友人林蕃鍾  
為妻縣教諭病篤以書招翌鳳馳往卒為經紀其喪  
其篤於友誼如此當其主瀏陽南臺書院時為嘉慶  
元年丙辰時選唐宋金元明人詩已竣復有同時師  
友詩什之輯分已故者為懷舊集見存者為印須集  
更以餘力輯國朝人詩另為二集名曰國朝詩欲與  
沈氏別裁相輔相行上起國初下逮乾隆得詩三千  
餘首詩家一千餘人為卷十為外編一為補編六外  
編者所錄多貳臣傳人如龔鼎孳輩是以干例禁故

為外編補編者則補正編所未及或已反而詩什有遺漏者故編中諸詩間與正編相複其詩家卷第則以時相侵同時者則以有無科第為別每家詩首各系小傳論詩知人殆仿元道山中州集例也翌鳳嘗論今人之詩與古人之詩不同古人之詩渾今人之詩巧古人之詩含蓄今人之詩發露古人之詩多比興今人之詩多賦古人之詩紆徐婉曲無意求工今人之詩好著議論動使才氣每用一意惟恐不達往往自下注腳此今人所以遠遜古人至今人中有卓

然名家者若萊陽宋氏之渾雄宣城施氏之澹遠新城王氏之音調諧暢秀水朱氏之意趣疏宕求之古人未易多得況其羽翼接武者又不一其人乎翌鳳因以此論為本歷取國朝諸家專集凡有法度神韻純超自然可同於古人之詩者概在甄錄編為斯集而以常山婁東諸家之詩附之然釋其選詩大半出之別裁凡別裁初選本已錄而重訂本又已取者則酌為列入遵之功令如錢牧齋輩仍未錄也其他如諸王貝勒之詩概置不錄以示尊崇所以異於別裁

其有別裁所未及者則以吳人為眾詩云維桑與梓必恭敬之翌鳳殆有取於斯意也

附錄傳記參攷材料

同治重修蘇州府志



國朝三家文鈔三十二卷 康熙甲戌商邱宋氏刻本

劉啓瑞

商邱宋榮選榮字牧仲別署綿津山人順治四年以  
大目子列侍衛逾歲致試注銓通判康熙三年授黃  
州通判旋補理藩院判選刑部員外郎出權贛闕還  
遷本部郎中授直隸通永道擢山東按察司遷江蘇  
布政使升江西巡撫調江蘇巡撫擢吏部尚書以衰  
老乞罷事詳清史稿本傳此則所選侯朝宗魏子  
汪鈍翁三家之文鈔也朝宗名方域少有文名喜結

續修四庫全書

卷

集部總集類

納名士嘗與吳應箕陳貞慧檄阮大鍼罪大誠按治  
之朝宗走依鎮帥高傑始免為舉業有盛名崇禎己  
卯舉南雍第三人以策語觸諱斥入清舉順治辛卯  
豫省第一有忌之者又斥尋鬱鬱死著有壯悔堂集  
并子名禧一字冰村能文章與兄祥弟禮並稱寧都  
三魏少補邑弟子員試輒冠其曹會甲申之變遂謝  
諸生益肆力於古文辭喜讀史尤好左氏傳及蘇洵  
入清以博學宏辭徵不就著有并子文集鈍翁名琬  
字若文晚居堯峰學者稱堯峰先生順治乙未成進

士除戶部主事遷員外改刑部遷郎中請北城兵馬  
司指揮多惠政尋謝歸康熙十七年以博學宏辭徵  
試甲等改翰林院編修與纂明史後以疾終著有堯  
峰文鈔此三家者文並清初冠聲譽藉當時世之稱  
古文家者亦首此三人而牧仲並得與之反嘗謂奮  
迅馳驟如雷電兩電之至颯然交下可怖可愕嘗然  
而止千里空碧者侯氏之文也文必有為而蹕厲森  
峭而指事精切鑿鑿乎如礪石可以伐病者魏氏之  
文也溫粹雅馴無鉤唇棘吻之態而不盡之意含吐

續修四庫全書

卷

集部總集類

言表譬之微湖不波風日開麗而帆檣之容與者汪  
氏之文也斯論並為當時所稱惜三家之文卷帙並  
衆學者傳誦苦於浩繁牧仲因為詮次得侯文百有  
七曰序三十書十有八奏議十有三傳八記十有一  
策三論九說二書後三墓誌銘六祭文二禱著二合  
為八卷次得魏文二百二十有九曰論二十有八策  
六書二十有二簡二十有二序四十有九壽序二十  
有一跋六書後九哭祭文五說十有二記二十有二  
傳十有四墓表四墓志銘九合為十有二卷次得汪

文二百三十曰論八說議五碑七誌銘二十有七墓表六記二十有四序五十壽序四書十有七行狀一傳十有四書事四贊頌四題跋二十有四祭文哀辭四擬明史列傳三十有一合為十有二卷總得三十有二卷名曰國朝三家文鈔其去取大率衷於至正存其精華屏其糟粕其不取者如侯文之馬伶傳李姬傳則以其近於唐人小說魏文之地獄論則為儒者所不道汪文之擬明史列傳則錄其序事古雅或議論有關係者凡此皆其選輯之準則要足為後世

續修四庫全書總目

卷

集部總集類

法者固無主見存乎其間也

附錄傳記參攷材料

清史列傳

桐舊集四十二卷 咸豐元年原刻本 民國丁卯影印本 劉啓瑞

桐城徐璈輯璈字六驤號樗亭嘉慶甲戌進士授戶部主事以母老請改官知縣便於迎養知浙江壽昌臨海縣調山西陽城縣令壽昌時修廢舉墜事無留滯任臨海時獄訟殷繁處之裕如任陽城時尤多惠政民為立生祠以祀遂於經學官京師時與諸名流相切劘胡承洪公蔡鄭康成於蒿柳堂時同會者朱珔錢儀吉魏源胡培翬張成孫陳奐諸人璈亦與焉

續修四庫全書總目

卷

集部總集類

為詩懲鹵莽流易二弊性情所抒時有超詣端木國瑚謂其有得於葩經溫雅之旨著有詩經廣詁牖景錄河防類要黃山紀勝詩文集等書其所選者則桐舊集是也桐城於漢為一鄉依山建城肇於唐至德間然自宋元以前著聞記傳之人類統稱為舒州舒州者兼今懷寧舒城之域惟洎有明以後凡皖北舒南之產皆別之為桐始不至於紛淆而人文之盛亦於是為著自是厥後數百年間名臣碩儒文人畸士蓋相繼輩出其往行故蹟流風餘韻傳於文字見於

篇什者亦較之宋元以前近而可徵其蒐之而為總集者國初有錢田間詩傳姚鼐湖詩選潘蜀藻龍眠詩王悔生樵陽詩皆為總集之佳本第其書或未經鈐梓或已鏤板而漸就燬蝕皆不足以徵一邑之獻樽亭因為重輯上起明初下迄道光庚子凡得詩七千七百餘首詩家一千二百餘人介為四十有二卷顏曰桐舊集桐舊者取襄陽耆舊傳之意也書之編次分姓列卷姓之後先以時為序時之次第又以每姓之最前一人時代為序倘甲家之前一人為洪武

續修四庫全書總目

卷

集部總集類

朝人乙家之前一人為永樂朝人則以洪武朝人居前永樂朝人居次明世相城詩人之最早者當推方氏為首次則姚氏陳氏謝氏章氏邱氏盛氏袁氏余氏錢氏齊氏吳氏江氏汪氏阮氏秦氏林氏蕭氏何氏趙氏丁氏戴氏胡氏張氏馬氏劉氏左氏葉氏倪氏周氏李氏侯氏童氏范氏鄧氏高氏殷氏王氏程氏朱氏楊氏光氏夏氏唐氏潘氏等同氏者又以輩行之尊卑年齒之長幼為序至閩粵方外則另為二卷以附諸後自四十一卷以下皆是也案桐城向稱

為古文之數姚石甫謂古詩之數亦在桐城樽亭之選蓋本此意惜乎書甫付梓未成而歿石甫乃重為續成更以增詩數十首附諸徐氏之後其第三十六卷續編是也

附錄傳記參攷材料

本書第三十六卷續編徐璈傳

清文列傳

國朝正雅集

續修四庫全書總目

卷

集部總集類



竹里詩萃十六卷 光緒十八年刻本 劉啓瑞

聞川李道悠輯道悠字子遠咸豐時諸生工詩文才譽遍鄉里嘗與秦瀛如等相倡和名亦與之齊會遭粵寇亂不獲上達避地嘉興之竹田里惟以詩文自娛既輯聞湖詩鈔更以餘力輯竹里詩萃竹里者竹田里也竹田里屬里仁鄉為嘉興之一隅邑境市鎮有四梅會里竹田里其二也梅會里當國初時朱竹垞領袖風雅同時周氏昆季三季先生人文薈萃甲於一郡厥後流風餘韻相繼弗衰故有梅里詩鈔梅

續修四庫全書

卷

集部總集類

里詩人遺集梅會里詩選梅里詩輯清芬集續梅里詩輯諸藁本以云竹里則付闕如逮道咸間里人徐同柏始有竹里詩存繼之者王達辰有竹里詩輯惜均未梓燬於兵燹世所傳者祇金湯孫里仁鄉詩綜一書而已道悠既寓居竹里迨三十年於竹里文獻多所留心復糾合里人廣為蒐輯以里仁鄉詩綜為主補所未備上始元明下逮道咸得詩家二百八十有八人彙為十通六卷卷一之二為元明卷三之十四為國朝卷十五為寓賢方外卷十六為列女每

卷錄詩各數十家每家錄詩或一二首或十數首不

等其元明人之詩則以代遠年湮專集多佚不得不采自總集如明詩綜櫟李詩集等書是或有散見於他書中者亦悉為錄入若國朝之詩則采之專集取之家乘訪之子孫聞之父老詩必求之真實而後始錄至於每家詩下又各系以小傳詳其字號科目仕宦著述以及序跋之可采者悉綴於下蓋仿朱竹垞明詩綜之例也至若每家編次之序其有科目者以科目為序否則略以輩行年齒為序其有某為某之

續修四庫全書

卷

集部總集類

子若孫若弟若姪及裔孫等更復為之註明既所以明家學之淵源亦所以廣邑乘史傳之不足蓋意在徵文而考獻固無拘乎選輯郡邑詩之通例也索乾嘉以來人文輩出大江南北尤稱極盛其達而仕者或居廊廟或館疆圻各紆其經世之才建立勛業昭垂百世或不幸遇艱而數奇皓首室簪之中不獲出其才智以為世用則退而以著述為事其大者固足以名家小者亦足以為一郡二鄉之善士若道悠者殆其流亞歟矧道悠非竹里鄉人而能以流寓之士

為竹里存文徵猷是其功尤有足多者矣

附錄傳記參攷材料

嘉興府志

續修四庫全書總目

卷

集部總集類

窺園吟稿二卷附江上吟一卷 家刻本 劉啓瑞

寶應喬億撰億字慕韓號劍溪又號寶豐老人監生  
為人美鬚髯善談論嘗應棘闈試不獲售輒棄去宣  
肆力於詩五言宗漢魏其近体亦不屑作大歷後語  
時沈歸愚主東南壇坫海寧查氏群從以詩鳴浙西  
億與之游頗能自樹一幟著有小獨秀齋詩三晉遊  
草等已著錄此則億乾隆丁卯至壬午詩也詩分上  
下卷卷上為丁卯至癸酉詩卷下為甲戌至壬午詩  
詩都三百餘首其所附江上吟則癸未過和州江上

續修四庫全書總目

卷

集部別集類

覆舟時詩也億詩源本於古淡沈歸愚稱其詩謂味  
則泊乎不覺其甘格則渾乎不覺其奇音則泠泠乎  
不覺其傾耳動聽然平心定氣以求之始貴其氣體  
漸親其神韵既決其性靈近体在王孟錢劉間而五  
言古体欲攀典午當塗而上窺其原是可為今人之  
古澹者已云云其推許可謂甚至今集中五言詩如  
過湖上僧居云蒼蒼葭茨外結宇臨清源斷渚曾無  
路乘流忽到門儵然逢白足淡爾接玄言乞取軍持  
水吾將洗六根又如咏空庭云空庭無草木獨坐聞

商音不見葉黃落。颯然秋已深。天高白露下。月冷清  
蛩吟。誰念離居者。沉冥忽至今。均清深淡遠。骨格超  
奇。方之淵明。庶幾近之。其七言詩。如北望云。枉駕前  
綏。為古歡。明燈細雨。在長安。遽歸尚覺情懷淺。久別  
方知會合難。千里關河共明月。九秋風露又芳蘭。相  
思北望真無奈。更展來書子細看。亦韻味深遙。上追  
古人。無晚近趨時之習。不愧沈氏所稱。其餘亦大率  
類是。殆得於古者深矣。符葆森寄心金詩話。謂寶應  
喬氏代有詩人。尤著者惟喬劍溪詩。專工大歷一派。

續修四庫全書總目

卷

集部別集類

如柘溪艸堂云。禮讓鄉人化。詩書子姓慚。寄沈歸愚  
云。遠道何嗟及。相思未敢言。泊無錫云。一夜自明湖  
上水。半空長送塔鈴聲。程令延宅守歲云。興來後飲  
還先醉。老去新春只舊容。置之錢劉集中。幾無以辨。  
說與沈氏相似。蓋劍溪於詩。夙宗大歷。嘗選大歷十  
子之詩。為大歷詩略。自序殊謂其能詩。謂毋慚大歷  
要非為虛語也。

附錄傳記參攷材料

揚州府志  
寶應縣志  
廣陵詩事  
國朝正雅集

續修四庫全書總目

卷

集部別集類



麗則堂詩鈔四卷 咸豐元年自刻本 劉啓瑞

甘泉吳慶恩撰慶恩字蓋山道光時諸生幼隨大父竹屏官河南飲聞祖教稍長作洛陽懷古詩驚其長老工為樂府每酒酣耳熱鬚眉欲動設先朝掌故不輟後進恒樂與之遊咸豐三年城陷被害死著有毛詩辨証麗則堂詩鈔詩鈔乃未歿時所手訂者凡四卷卷一存詩一百二十有九首卷二存詩一百有四首卷三存詩一百三十有八首卷四存詩一百三十有七首都存詩五百有八首古今體悉備先是蓋山

續修四庫全書

卷

集部別集類

嘗問詩教於顧千里千里謂三百篇者詩之海也屈宋以暨李杜諸大家經潰也其餘卓然可傳之人枝流也而其指趣在四始六義以海為歸也苟指趣之一失而徒恃雕鏤摹擬聲調對偶之類即謂之詩乃斷港絕潢焉耳時蓋山已以詩名著鄉里聞其言益肆力於詩三百篇更泛覽於莊駢李杜以及水經注山海經之流無不覽得其要一浴貫於篇什之中會大父以事謫伊犁蓋山隨侍塞外間關萬里備嘗艱阻迨放歸後又適遊齊魯燕趙登名山涉大川足迹

半天下以故詩益奇律益工篇什益衆昔人謂詩窮

而後工者殆蓋山之謂矣是集所錄強半為登臨遊覽之作而居新疆時詩為尤多如塞上四時曲云春光昨夜過天山瀚海冰銷鉄騎還十萬征人折楊柳一齊回首唱陽關蘇門十又卷朱旗澍雨親隨六月師斬得樓蘭齊報捷恰逢今日是瓜期西風吹徹亞夫營班馬嘶殘感東聲調得雲中飛將在防秋新築受降城萬名良弓勁不開將軍冒雪到輪臺羽書飛檄洮河外報道陰山牧馬來此雖詠古非復時事然

續修四庫全書

卷

集部別集類

寄興寓情殆非身歷塞外者不能道又如洛陽懷古詩云拓跋規模據上游龍門鑿遍佛千頭臨朝力可誅元又作史才偏許魏收南北聯疆衛晉宋東西分國讓齊周憶從鄴下還都日嗚咽黃河旦夕流又云楊花飛盡草茸茸故址曾傳煬帝宮後主笙歌蓬地下四郊烽火徹天中東征虎將旌旗盛南幸龍舟穀洛通莫向迷樓問消息舊京仙李已成裝懷古詩凡六律此僅錄其二時蓋山方弱冠而能懷古如是是非具宿才者不辨蓋吳氏世以詩名而蓋山尤能挹

其緒餘惜乎詩甫梓行板旋遭燹不永其傳殆亦有幸有不幸矣

附錄傳記參攷材料

同治重修揚州府志

續修四庫全書總目

卷

集部別集類

雨窗文存不分卷 道光十六年家刻本 劉啓瑞

高郵周敘撰敘字雨窗別號禊亭嘉慶時貢生累試省闈不售遂棄去一意為文尤喜治詩古文辭先是年十二三齡時嘗作詆浮屠報庫論寒食祭野冢文又於州試作武侯論邦上梅花書院作趙魏韓三家論並為時人所稱既而謝去專肆力於試藝以冀為進身之階一紓其懷抱而為世用既不達復返初服與邑人王寬甫講求詩文為鄉里楷式里中之大著作亦咸出其二人手復與寬甫共輯高郵耆舊詩前

續修四庫全書總目

卷

集部別集類

後集表闡幽潛厥功尤盛性耿介不妄取幼喪母事父極孝家有屋讓兄居之友愛終其身道光三十年舉孝廉方正不就著有雨窗詩文存行世詩存已著錄此則又存也又存不分卷以篇什為次大氏分年繫錄不別體類文都數十首均古文辭間有駢儷亦僅一二首如冬月小集蘭若啓是也啓中佳句如落拓下士半屬冷交寒窗秋容尤牽離緒又云本擬秋宵竟逢冬月梅花開未應多白雪之吟秋意如何猶動蒼葭之憶意摹徐庾而句未逮方之趙宋或可以

之。至於散文多襟時藝。如展九文游臺後遊記有云。蔗之啖也。愈啖而愈佳。遊之勝也。亦愈遊而愈佳。夫我輩豈能遊之人哉。又如松楊小記有云。自學使試院設於海陵。遂為吾曹數數往來之地。其由少而壯。壯而老於斯塗者。不知凡幾。所見朱門華屋。一再過而改觀。亦不知凡幾。何有於一艸一木哉。此均為時藝之語。而以之襟襟散文。不古不今。殊有失其文旨矣。昔郵人之能古文者。首推夏澹人。澹人有半舫齋古文集。世人多比之方望溪。惜澹人之後無繼之者。

續修四庫全書總目

卷

集部別集類

此風遂聞。雨窓既起。頗謂能繼軌澹人。上追歸方。宋實甫亦如斯言。乃不知實有未逮。寬甫評其文。謂雨窓於經生才士之業。無所不涉。而古文為最工。兩窓時藝精深。以不步趨風氣為高。而古文真摯沈著。真折疎快。復工於時藝。語具抑揚。蓋亦有微辭矣。然而窗之文。性霸發露。能使曠懷卓識之士。誦之津津。不忍去手。如微刻高郵感舊集。啓等是。是亦有可取者。

附錄傳記參攷材料

同治重修揚州府志

高郵州志

卷首自序

續修四庫全書總目

卷

集部別集類



猶存集四卷 道光乙未孫氏小康書屋刻本

劉啓瑞

高郵孫應科輯應科字研芝一字彥之廩貢生選於經學工文詞築一室藏其先世書板榜曰書窩教授寶應生徒稱藏寶應縣治南舊有八寶亭久圯應科掘得舊碑募貲重建著有半吾堂文鈔又輯孫氏先世事跡遺詩等為猶存集四卷卷一為孫氏宗譜本支述孫氏世系自遷郵始祖以下至於應科凡有五世世各詳其事跡與夫出處卷二為孫氏遺事先

續修四庫全書

卷

集部總集類

是應科伯祖全輟有沛城孫氏遺事一卷沛城高郵湖上村名孫氏始祖所居處也後漸為郵邑望族應科遂去其沛城二字曰孫氏遺事因以之入集不事更錄其所未備者則另為遺事補一卷附諸後又分卷二下以別之卷三之四為贈言錄紀順治至道光時人贈孫氏之詩文卷三為詩卷四為文詩之名家有吳世杰錢陸燦韓荃宋曹文慶汪耀麟黃元治吳穆吳世燾李必豫王潔李必恒伊秉綏殷嶧任啓運徐葆光汪由敦鄭方坤賈田祖夏廷英夏之蓉吳際

咸夏味堂程贊和劉文淇宋茂初劉寶楠李周南夏

崑林周敏等家父之名家有周鳳翔錢陸燦王澤宏

夏之蓉錢名世史貽直任啓運阮元王懋竑劉世謙

等家並一時知名之士按孫氏源出於孫武公後新

唐書康州八世孫武公和生忠孫再傳昭子以王父

字為氏遂姓孫氏至宋莘老居郵族始大後復遷蘇

明初由蘇復遷郵此則以遷郵之惟善為始祖厥後

子孫蕃衍代有達人祀鄉賢入名宦者要應數十人

而宗彙尤為名臣宗彙字孝則號虞橋崇禎八年拔

續修四庫全書

卷

集部總集類

貢生順治丙戌江南鄉試舉人丁亥進士授內府中書歷任吏部四司主事員外郎中辛卯順天同考官河南正主考官外轉荊州副使未任而歸既歸凡民之所疾苦必先州紳言之替撫而於治河利弊言之尤切以此觸津要怒中以他事入獄當是時直聲遍天下人咸以名臣目之而子孫亦能世其直不屈不阿為時所重其散處四方者亦能以礼法自持循循規矩故江淮稱世家者必曰高郵孫氏而此編乃其世德之總龜云

附錄傳記參攷材料

同治重修揚州府志

續修四庫全書總目

卷

集部總集類

資江耆舊集六十卷 道光己亥新化陶氏刻本

劉啓瑞

新化鄧顯鶴輯顯鶴字子立號湘皋嘉慶九年舉人傳涉書史足迹半天下凡海內文士多慕與之交晚授寧鄉訓導尋乞病歸所輯有沅湘耆舊錄等均著錄此資江耆舊集者則輯湖南資水流域之文獻也按湖南有四水曰沅曰湘曰資曰澧而資水獨源遠而流長漢書地理志注都梁山資水所出東北至益陽過郡二行千八百里又水經注資水出都梁東北

續修四庫全書總目

卷

集部總集類

過夫夸縣東北過邵陵縣之北又東北過益陽縣北又東與沅水合湖中今按資江發源武岡會夫夸水過邵陽新化安益陽經流至沅江入洞庭為今沅江縣地支流至陵子口入湘為今湘陰縣地是書所選則以湖南寶慶一府及長沙之安化益陽湘陰常得之沅江四縣為斷以其為資水經受歸過之地也又資水之別流連道為今湘鄉而顯鶴居寧鄉久復以寧鄉與湘鄉附之此書是地域之大概也攷資江之先賢唐以前著名者甚少如邵陽之胡曾益陽之齊

已具載全唐詩宋之名人惟湘陰鄧氏為最若鄧忠臣王池集鄧深紳伯集鄧淵中丞家集為尤著今祇紳伯集二卷散見永樂大典四庫全書采入餘均散佚故茲集斷代以明為始降逮清世迄於嘉慶凡得八四百四十有一得詩四千四百三十有四其間有目無詩者一十四人石刻無名者一首都為書六十六卷其書之編次大氏以科目先後為次騷人韵士布衣野老則略按世次年代與科目間敘中有一家父子兄弟彙存者則若益陽陳氏胡氏安化黃氏陶氏

續修四庫全書總目

卷

集部總集類

各占一卷以資博徵至選詩之例則以書名者舊乃文獻之所系或以詩存人或以人存詩故集中所錄不拘一格要以表揚前哲搜剔遐隱為心若功業昭鑠又有專集行世者則錄較少無者則悉錄之其每家之下各系小傳凡生平軼事為見聞所及紀載所略者則不憚顛瑣悉為載入若其人無他表見則祇叙爵里蓋仿元道山中州集例也至於閩秀方外則另為二編附諸每代之末以免褻廁閩秀則以所適之地為主方外則以卓錫之地為斷故非資江所產

亦在所收之列凡此皆是書編次選輯之大要也若夫書本所附資江盛事一卷則陶文毅入覲時上以資江舊事見詢旋錫印心石屋四字命鐫資江諸石壁以為摩崖文毅因遍徵海內文士倡和紀盛或撰為記以傳其事計錄詩十有八文十有二合為一卷以垂永世其所以附資江者舊集行世者則以其亦為資江之文獻也

附錄傳記參攷材料

續修四庫全書總目

卷

集部總集類

清史列傳

湖南通志



韓江雅集十二卷 乾隆癸亥馬氏小玲瓏山館原刻

本

劉啓瑞

江都馬曰琯曰璐郵縣全祖望等同撰曰琯字秋玉一字嶠谷布衣曰璐字佩兮號半槎監生祖望字紹衣一字謝山雍正壬子舉人三人者均同舉乾隆丙辰博學鴻詞時廣陵民物殷阜士大夫多崇尚風雅而馬氏小玲瓏山館尤稱巨擘阮元廣陵詩事稱馬氏兄弟並嗜古能詩家藏書極富性好交游四方名士凡過邗上者款留觴咏無虛日結邗江吟社與昔

續修四庫全書總目

卷

集部總集類

之主塘玉山相將又符葆森寄心金詩話謂馬氏業離揚州時貲產不及他氏而名聞天下交游噴噴稱道不衰豈不以風雅之能醫俗而好士之殷之獲報哉云云於此可以見當時風雅之盛矣此刊江雅集者即其結社倡和之詩而全謝山為之編次者也書凡十有二卷以得詩之先後為次分年系錄各以題序同題者又以各家成詩之先後為序其間詩家之可攷者有胡期恒唐建中程夢星汪玉樞屬鴉方士庶王藻方士慶陳章閔華陸鍾輝全祖望張四科史

肇鵬楊述曾洪振河鄭江張世進趙昱丁毅杭世駿

趙信趙一清戴文燈陳祖范查祥邵泰姚世钰王文

充劉師恕程士樾樓綺園昇陸錫疇諸名宿其詩則

有金陵移梅歌冬日集會經堂分詠雪中故事浮山

禹廟觀壁間山海經塑像五言排律梅花紙帳歌分

詠梅花事行庵食笋打麥詞養蠶詞分詠揚州古跡

漢首山宮銅雁足鐙歌分詠銷寒故事采蘋曲徐幼

文師子林畫冊銅鼓歌詠邵文莊溫研爐東園襟詠

集讓園投壺集珠溪草堂流觴展重午集小玲瓏山

續修四庫全書總目

卷

集部總集類

館分賦鍾植畫及遊金山焦山諸題其所為詩均各有造詣無間古人據廣陵詩事謂每一題成莫不誦遍大江南北則其風傳當世也可知矣茲就卷一言之如移梅歌之佳句胡期恒有冰肌玉骨自儵然坐待清溪畫閣句唐建中有十里江梅看不足老樹更訪六朝遺句屬樊榭有換石翳簪鎖水怪循牆屈曲藏凍旭句其餘諸家亦率類是至王藻却笑白田王內翰夢裡栽花夢裡看句則兼述王樓村事按樓村嘗夢老人付以十三本梅花因屬禹之鼎作十三本

梅花書屋圖繆澧南等皆有題詠事見寶應縣志藻亦曾追咏其圖者故此詩及之是亦一佳話也

附錄傳記參攷材料

馬曰琯

馬曰璐

揚州府志

江都縣志

國朝正雅集

續修四庫全書總目

卷

集部總集類

全祖望

鄞縣志

清史列傳

所知集初編十二卷二編八卷三編十卷初編乾隆

丁亥刻本二編乾隆癸巳刻本三編乾隆辛亥

刻本

劉啓瑞

江寧陳穀選穀字直方號古漁上元監生邑志無傳據鉛山蔣士詮序稱古漁績學負才年過四十且困場屋食貧養親出遊名卿入天間磊砢兀傲無所動其心凡志節議論皆借詩歌發揮之抗爽超逸極烹治刻畫之功而出以自然蒼渾以是見知於袁簡齋為之延譽賢達間於是江東名士大夫莫不知有古

續修四庫全書總目

卷

集部總集類

漁云云又據王豫羣雅集稱古漁工詩好友縞紵盡名士尹文端督兩江欲延為鍾山書院諸生說詩古漁呈詩有餓夫為將一軍驚句議遂寢云云古漁行誼之可攷者大略如是而已是集所選以古漁所知者為主益以前賢先達諸作逮於生存凡得三編初編十有二卷二編八卷三編十卷卷各四十人人各錄詩若而篇計三編所錄凡得詩四千八百有奇著者千二百人斷自雍正初年迄於乾隆四十年其五十二年之間凡海內之公卿大夫布衣方外無論編

紵訂交聞聲嚮慕者莫不廣為搜羅期於博選因取孔子知之為知之不知為不知之義以所知名集其於所不知蓋闕如也是集編次大要有三一曰次第每卷先廊廟而後山林然三編所刻先後有年每卷附梓或間時日以此序次略有參差其科分年齒之後先遂未能逐一按定次序譬之初編第十二卷以韓洄芳為首洄芳為上元布衣而非廊廟之人列之卷首例與前字然以梓刻不同遂復不限通例此其一也二曰選詩凡海內公卿大夫多有專集行世詩

續修四庫全書總目

卷

集部總集類

有定評毋俟表襮茲則錄其尤者以為儒林楷式若布衣寒士或已故友人詩既乏傳久漸泯滅故茲編所錄不特篇什稍寬而後綴以摘句斷珠零玉期與世之嗜好者共賞意主闡幽非同妄附此其二也三曰詩體凡集中諸詩祇有五七古五七律五七絕六體間有排律錄者蓋寡至於帖括概加刪削若六言絕句以及諸體變格俱不入選而所選者要以和平博大出風入雅者為主各取其長不拘一格式此其三也之此三端全書大要或在於此至其每家詩首

祇錄姓名籍貫不更系以小傳者意蓋杜絕標榜祛通聲氣然其弊也適正在是若衡以昔人所謂論世知人之旨豈古漁未知之耶且也書中所錄以云所知則必限於朋好或存或沒何以上溯前賢追錄先達於例未純徒可知矣

附錄傳記參攷材料

江蘇詩徵

金陵詩徵

續修四庫全書總目

卷

集部總集類

群雅集

蔣士詮序



國朝詩寄心集三卷 道光庚戌刻本 劉啓瑞

江都符葆森輯葆森字南樵咸豐元年舉人幼工詩賦豪於酒廣交游嘗游京師齊楚間以發其胸臆磊落之概而詩益工著有寄鷗館詩稿等均未梓此其則所輯國朝詩也詩凡三卷卷首錄黃紹統張眉大彭光斗顧朝泰孫永清費宏勳畢沅卷二錄查揆徐熊飛吳會汪全泰儲徵甲黃培芳卷三錄張海珊黃咸修秦嶽徐琢張維屏都十有八人人各錄詩十數首數十首不等每家詩首均各著其小傳詳其事跡

續修四庫全書

卷

集部總集類

俾讀詩者有論世知人之徵法至善也惜乎首無序言末無跋語每卷書首以及板心魚尾之下均不注明卷次頗疑是書非復全帙逮攷國朝正雅集序乃知此為正雅集之初編也按朱琦序正雅集有云符子南樵少志於詩及長名益重交游日廣而有意乎哀纂沈文憲國朝詩別裁集之續又自傷見聞之隘而卑微之不獲達也於是之吳之越之豫章渡江涉河靡不搜訪積年既久所錄彌多南樵自云詩之道以寄吾心也其要歸於雅音而已雅有正有變正者

可備樂歌於古所謂宣上德抒下情者是也變者傷逝感時舒憂娛悲之作而義不戾於古詞不病於激則變而不乖於正亦謂之雅焉故曰發乎情止乎忠孝又曰上以通道德而備以維風化正雅之謂也是集初名寄心南樵來京師經陶張兩侍郎審定更今名凡詩之可錄傳者梓之其編次一準之文憲惟不拘存殁差異而自為序例及寄心齋詩話固詳言之讀者當能別擇夫以一人之力而綜攬百餘年來之詩豈能無異同其中正變得失亦豈能盡當作者之

續修四庫全書

卷

集部總集類

指要其用力勤而采摭博為詩至百卷所存至二千餘家之多自乾隆丙辰迄今皆可攷後之君子必有據而取之者云云斯則是書初名原號寄心後更正雅乃緣陶張之易可証是書三卷乃正雅初編其每卷次第所以未注明者益足証原為初稿猶待編定而卷內諸人先後較之正雅均不相同更足証正雅梓時復重編次此為初編殆無疑矣然初編卷帙亦非三卷舉二事明之按符氏正雅自序謂是集自乾隆丙辰鴻博科託始迄今百二十有二年所編詩人

凡二千餘家釐其詩為百卷其詩凡八千有奇云云是則正集為卷已得百帙初編繼殺亦非祇此三卷此可証一也且自序又謂粵十年己酉嶺南張南山先生促梓乃於庚戌春開雕甫成二十餘卷而癸丑楊郡之變作矣云云是則初編梓時已得二十餘卷縱全書卷數不得逆知若干然非三卷已明此可証二也之此二証合以前言益信正雅之集原號寄心而此又僅得寄心集之什一也

續修四庫全書總目

卷

集部總集類

附錄傳記參攷材料

重修揚州府志

扶輪廣集十四卷 康熙元年刻本 劉啟瑞

無錫黃傳祖選傳祖字心甫明諸生少以詩文名鄉里既長益稱雄壇坫嘗北游齊梁燕趙覽晉亢地圖登金臺縱觀帝王都會山川邊塞一時鉅公名卿文人墨士以詩鳴者皆投贈滿奚囊傳祖因葺為扶輪廣集以彙選諸家之詩凡得詩五千八百四十有二首詩家四百十有五人介為十有四卷卷以体次先古体次今体次排律同体者以得詩之先後為次均各著其閭里姓氏以便攷徵間附品評亦得風雅之

續修四庫全書總目

卷

集部總集類

正先是傳祖嘗哀同人唱和之詩以入清不仕者為斷成扶輪正集續集兩編行世會遭時忌幾罹大辟銜冤北游幸免於難因重為編次仕隱襍糅而名曰扶輪廣雅非初志也黃秋谷嘗云心甫刻苦為歌詩好竟陵鍾譚之學甄綜有明一代之詩名曰扶輪凡正續二集性率易好飲晚益貧日借諸家文集于知交手抄欲有所選刻竟不能也云云蓋心甫此集之梓原非本意故後深諱言而秋谷又更為飾之謂未梓也然集中凡例猶尚言之如第二例云代經鼎革

兵火之餘詞多感愴固宜向友索詩有涉時事者輒云觸忌不以示予竊惑之夫怨而不怒含蓄溫厚何忌可觸若肆口指斥全無蘊藉詩先不佳豈止取忌予所錄正續兩集間涉時事皆言之無罪可公同好又第四例云予此稿大半為甲午京師携歸清朝文運甦起一時元老鉅公皆詞壇名宿舊契新交縑衣篤切傾笥惠教不負寶山臺閣氣象遠追開元大厯茲集不敢多讓云云言近矯適非復稱心而出者於此亦可以見其不得已也至集中諸詩亦復時有流

續修四庫全書總目

卷

集部總集類

露如周亮工汴上謠有云簌簌莫哭東隣眺肉東隣者言清也心甫為之評云慘動天地時亮工此謠已懸厲禁而心甫乃評之如是毋亦孤臣孽子不得不爾耶王柳村選江蘇詩徵搜心甫詩僅得一律係贈馬公眉者詩云欲卷經綸事釣緒滄桑閱盡傲風塵神情爾久宜邱壑品望人皆擬鳳麟老厭名場鷄肋淡墨耽詩律彈丸新清泉白石高風在策杖他年好結隣心甫歿後詩集未梓旋遭禁錮篇什散佚故傳者僅此而已

附錄傳記參攷材料

江蘇詩徵

無錫縣志

續修四庫全書總目

卷

集部總集類



舊言集初編不分卷次編不分卷廣編不分卷 道光

九年刻本

劉啓瑞

陽湖李兆洛編北洛字申者嘉慶十年進士改翰林院庶吉士散館授安徽鳳臺縣知縣在任七年轄境大治旋以父憂歸遂不出主江陰書院者迨二十年得人稱盛生平為學無所不達凡音韻訓詁輿圖歷律之學並有所著述而於詩古文辭為尤精所著書達數十種俱著錄入各類此則其所選者舊詩之一詩分三編均以人次人各起訖不分卷第計初編錄

續修四庫全書總目

卷

集部總集類

人七十有八曰楊雪臣楊靜山楊敬齋楊尊一李慈塘李棟原李北山湯西箴湯緯堂湯與竹湯誼御劉五峰劉旭岑劉元贊劉會理劉序林奚鶴溪呂雲莊師謝蔭堂周宿航吳江帆張恕堂鄒北江毛洋溟畢莘農邵芳原陸秋崖吳二安吳景韓莊明軒附夏楚畹莊酉君附莊蓮佩莊傳永莊總群莊觀喻錢魯思錢像啓錢雙山錢黃山錢傑士錢申甫徐叔瞻趙亦之趙子述承勉齊吳遠庵汪衡村謝碧岡丁石香楊西園法蓉裳孟心閑孟麗堂蔣紫真邑省邑京宿奚

蕉峯奚美坡莊念農周文邑周師尚周天衢周高衡

周幼愚周嗣堂陸本治劉潤楠劉珂園劉柳溪沈青

業趙汾如陸元見王附雲毛岐公毛曾三毛金吾鄒

岳山次編錄人十有二曰翟雷谷吳默池路思元師

李竹軒蕭揆三蕭友人蕭兀峰蕭桃巖蕭仲璋史毓

人吳瑤田潘國裳廣編錄人凡五曰劉又徐鄧完白

吳醒蕉李蘊軒張月霄都得人九十有五人各冠以

詳傳紀其事跡以便攷徵每家錄詩錄錄至異亦均

各視其佳否而後定此其書編次之大凡也先是乾

續修四庫全書總目

卷

集部總集類

隆壬子癸丑間常州將輯閩郡志因搜求郡人詩文之集悉令選局俾便藝文之纂申者預於是役時申者搜得者僅得十餘家益以他人所采者亦僅得數十家其所未見者且不下百家其人或素有詩名而集未行世或不無詩名而其集反寂然成帙大抵名不聞於鄉里者十之三四焉既而郡志未成稿已就佚申者因重為搜訪益以朋舊之作始得七十有八人次為初編先梓行世其間詮次旋得旋編不以前後為序其書所以不別卷第者蓋以此也厥後搜討

益廣兼及他郡他郡故人亦間有以未刻詩什見投者申者更次為次編廣編二帙次編則限於鄰郡廣編則不別省邑計次編所錄十有二人僅一人為江陰餘則為宜興馬至若廣編則劉又徐為寶應鄭完白為懷寧吳醒蕉為婺源李蘊軒為揚州張月霄為常熟蓋以故人為準不以郡邑為主故書名舊言不以常郡藝文志標焉

附錄傳記參攷材料

續修四庫全書總目

卷

集部總集類

清史列傳

吳風二卷 康熙三十三年刻本

劉啓瑞

商邱宋華選華字牧仲年十四應詔以大臣子列侍衛逾歲考銓通判康熙十六年補理藩院判十七年遷刑部員外郎旋升郎中累官直隸通永道山東按察使江蘇布政使江西江蘇巡撫並有善政事跡具詳清史稿本傳當其巡撫江蘇也時為康熙三十一年蒞任後宏獎風雅勸勉多士先後有漁洋綿津合刻江左十五子詩選提倡後學風氣為之一變此吳風者亦其選吳人詩文之一也先是於康熙三十二

續修四庫全書總目

卷

集部總集類

年巡視蘇土凡七郡一州之士莫不親炙其教既而拔其制義之尤者梓行之逮三十三年更擇其工於詩文者命題為文分韻賦詩以鳴太平之盛藉規一省之風都得詩文若干首分為二卷卷上為文卷下為詩文題凡九曰擬江南通志序曰擬江南都御史行臺題名記曰宋詩源流論曰三江水利攷曰擬重修東林書院碑記曰擬重修濂溪書院記曰古文今文尚書辨曰班范二史優劣論曰戲馬臺賦詩題亦九曰賦得白門楊柳曰春日泛舟石湖過范文穆公

祠觀宋孝宗御書歌曰寄題三高祠曰咏蓴曰陽羨  
採茶歌曰焦山古鼎歌賦得月映清淮流曰千山堂  
春晚曰放鶴亭歌每題作者二三人十數人不等均  
選其尤者始入錄計作者都七十有一人曰卽如贊  
狄字汪份張涵殷愈奚士柱徐舒周鳳奕龔秉直沈  
巨源宋廷枝張起霞陸慶譽杜詔謝方琦儲大文薛  
鉉荆應岷蔡景沆丘綸洪人英曹遠金鏡連城汪源  
鮑衡蔡堡張發祖陳發祖徐兆蘭王孚陳實穎馮嵩  
徐珠顧嗣立全貞鼎吳士玉周旦齡沈世永屠彪錢

續修四庫全書總目

卷

集部總集類

斌周耀朱鳳陸廷璧徐師稭陸錦方印陸榮唐秉禮  
錢濟世呂廷鵠吳緯周方石盛度何邦猷郭梅湯之  
龍王鳳彩楊開沅王師維洪鶴年蔣繼猷蔣繼修宗  
元鼎余光紀梁衍泗施震鐸陳國賢朱奕种等而種  
複者不與焉之七十一人者並一時之秀不僅為一  
省之偶如龔秉直沈巨源謝方琦儲大文顧嗣立蔡  
堡杜詔宗元鼎輩俱有專集行世固不待以此而彰  
者然若梁衍泗等名祇播於鄉邑詩僅傳之一方生  
既不達歿亦旋湮得此猶存其什於一後世斯亦厚

幸已至於詩文之体今古不分駢散錯錄均視其佳  
否為定是亦有合於選例者

附錄傳記參攷材料

清史列傳

續修四庫全書總目

卷

集部總集類



原獻文錄四卷附錄一卷 光緒庚辰刻本

劉啓瑞

三原賀瑞麟編瑞麟字角生恩貢生少有志正學年二十四聞李元春講學朝邑從之游遂棄舉子業致力於儒先之書其學以朱子為準的於陽儒陰釋之辨尤嚴與芮城薛子瑛朝邑楊樹椿友善以道義相切劘同治元年關中亂避地絳州顛沛之中仍與于瑛樹椿講學不輟亂定歸里知縣余賡颺請主學古書院手定學要六則曰審途以嚴義利之辨曰立志

續修四庫全書

卷

集部總集類

以大明新之規曰居敬以密存養之功曰窮理以容是非之極曰反身以致克復之實曰明統以正道學之宗時人皆歎服之尋舉孝廉方正不就左宗棠聘主關中蘭山書院亦固辭晚闢清簾精舍於涇陽之清涼原來學者益衆生平以倡復橫渠礼教為己任或延講古礼不遠千里郡縣屢請行古鄉飲酒礼觀者如堵墻風俗為之一變居恒不入城市惟振窮墜荒均田積穀諸事則莫不躬親贊治同治十三年吳大澂為請於朝加國子監學正銜光緒十七年柯達

時復疏荐加五品銜十九年卒平生著述綦多有五

子信好錄讀朱錄要等此則其所編次者是書專錄

三原邑人之文兼逮詩什以人為次卷一為王恕王

承裕張原馬理卷二為雒遵溫純來儼然來復雒于

仁馬逢皋焦源溥溫日知溫自知韓許孫枝蔚卷三

為劉紹攸卷四為周元鼎李學源楊秀芝每家錄文

十數首數十首不等詩則一二什而已至附錄則唐

李靖上西嶽書也索三原之文大氏確質古樸不事

雕飾以淵源於理學者為多黃黎洲明儒學案云關

續修四庫全書

卷

集部總集類

中之學宗薛氏文清而三原又其別派其門下多以氣節事功著風土之厚而又加之問學故端毅康傳忠憲為三原之學云云蓋其土之學原有所宗故人文之盛亦復有所有自今鋪觀全書所錄其文風之淳固毋慚於曩哲雖三先生後諸子未嘗知三先生之道與學為何如而所謂風土之厚又加以以問學者未焦韓溫以及約人大略可見至九畹之窮經好古亦庶幾古之立言者勉齋學雖可議而文自足傳以云方軌前賢庶幾似之矣至瑞麟躬踐實行一

以濂洛關閩之傳為己任尤為三原講學之宗迄今  
有奉行弗衰者其入人之深也如此而是編所選亦  
足以覘其趨向惜乎不近於理學者不錄則不免失  
之於隘矣

附錄傳記參攷材料

清史列傳

續修四庫全書總目

卷

集部總集類

同岑詩鈔十四卷 道光己丑刻本

劉啓瑞

南城曾煥選煥字賓谷乾隆四十六年進士累官至  
兩淮鹽政著有賞雨茅屋集等已著錄此則其所選  
朋盍詩也先是賓谷嘗開題襟館於邗上一時名流  
畢集就毘陵言有趙甌北秦小峴洪稚存孫淵如趙  
味辛楊蓉裳徐閔齋楊西河等賓谷嘗謂芝明蕙秀  
並茁一方鳳舉鸞鶩不越百里蓋毘陵擅五湖之腴  
表攬三江之雄奇土厚水深故地富而人傑也如是  
惟是日月不居風流易歇踵繼之者惟無錫趙良甫

續修四庫全書總目

卷

集部總集類

函碩菴塘翰蘭厓研金匱徐廉峰寶善楊伯愛愛生  
五子而已會賓谷再來邗上因彙其詩為一集計錄  
趙良甫樂潛堂集二卷碩菴塘拜石山房集四卷碩  
蘭厓金粟庵集二卷徐廉峰壺園集四卷楊伯愛真  
松閣集二卷都十有四卷名曰同岑詩鈔賓谷又為  
之評云同岑詩鈔者五家之所作也或則才華颯舉  
鏗響於華鐘或則詞旨淵深寓情於錦瑟振其藻采  
則溫李之後身論其精能亦韓蘇之宗子雖絃匏各  
奏而均響於律雖江漢異流而同趨於海昔郭景純

云及爾臭味異苔同岑信乎氣類之孚自成響逸性情之契克泯參池其推許也可謂甚至而五子詩律要亦可於此徵之惜乎斯編所錄多有闕佚就趙艮甫言春草堂詩話謂艮甫落魄揚州作枯柳詩四首其三云徐娘老去太伶憐賸有風情倚畫屏陡覺十眉全失翠不如雙眼為誰青前塵已悔成飛絮後世休教更化萍屋角疏星如夢裡要憑羌笛一吹醒今集中無此詩其証一就顧萊塘詩言群雅集有萊塘車遙遙詩云車行何遙遙直上長河源北出燕關西

雁門沙黃草白無冬春落葉辭枝飄蓬無根浮雲四飛揚疑是萬古征人魂嗚呼盲風吹山飛作塵何時吹轉車中人今集中亦無此詩其証二就徐廉峰詩言寄心齋詩話謂廉峰官御史時以事干物議仍回翰林有詩云汲黯已云邈高風接迹難邱山臣罪重天地主恩寬策未能匡俗官都懼素餐西清仍侍從何以勵儒冠今集中亦無此詩其証三之此三証則其書之闕佚可知雖顧蘭屋楊伯夔二家無可考見然度其闕佚必可緣知意者賓谷選時業已嚴於挾

擇此三子詩或正為其刊落者歟

附錄傳記參攷材料

清史稿

清史列傳



唐詩英華二十二卷 順治十年刻本 劉啟瑞

吳江顧有孝選有孝字茂倫明末諸生入清不仕康熙十七年舉博學鴻儒固辭不就家居葑門釣雪灘日以選詩為事詩雋永不苟作家貧好客賓至輒留有著菜羹當君之目每脫粟對飯欣然一飽而去生平胸無柴棘負海內重望不欲自顯於時所交率高尚士與徐介白俞無殊周安節稱莫逆交有孝長身王立意氣自豪博學窮日夜不休四方過松陵者必停橈相問訊以是名滿大江南北少受業陳子

續修四庫全書總目

卷

集部總集類

龍門其沒也夢子龍招之自為遺令屬門生勿擬私謚親友勿作祭文以頭陀殮其自蹈晦也如是平生著述至富有鈞雪灘集為時所稱此則其所選唐律之一唐人以近体擅場而五七律為尤足貴六朝以來凡比偶工聲韻諧者俱為五言濫觴獨七言近体則初唐實為肇始景龍以後代多作者一變而為開天再變而為大歷三變而為長慶四變而為西崑而音節之升降世運之污隆蓋若累黍而不天焉降逮晚世律詩益彰凡臺閣山林酬倡贈投之什咸以此

体為準習之者率以唐詩為宗惜乎古今唐律選本

多失之通有孝既工於律因選唐人七言律詩以為世式家凡數百詩約三千初次為二十有四卷卷一之二為初唐卷三之四為盛唐卷五之十為中唐卷十一之二十為晚唐卷二十一為補遺子名媛所以別於儒者卷二十二為五代則以其風氣近乎晚唐派別猶是唐音也卷二十三之二十四則為補遺乃補前此所未備者第以抉擇未嚴不欲附梓遂先以十二卷問諸世即此本也卷中選例一以時代為次

續修四庫全書總目

卷

集部總集類

同時者以人之先後為次均與各家選本之例相合其不合而又優於各家者則有二端在一詩章之興多緣羈旅行役感憤諷刺無聊不得志之作不攷其出處遇合遺言逸行則詩人言外之旨不見茲則采輯新舊唐書及唐詩紀事等編備列卷中不但有唐一代名臣文士爵里行實燦然在目庶幾得乎古人讀書論世知人之旨二詩之風氣有初盛中晚之分人品有貞淫誠偽之別詩格有雄高輕逸絢麗清癯之殊各自成家采輯具備庶使千載下詩人與會或

因流以溯源或因本以及末性情既有所歸風格端  
知所自凡此皆其書所以優於各家者蓋有孝薦精  
於律出入三唐故能擇之嚴而挾之慎也如是宜乎  
諸家有不逮也至於卷中諸諱猶及明世斯則孤臣  
遺民之微旨也

附錄傳記參攷材料

清史列傳

蘇州府志

續修四庫全書總目

卷

集部總集類

吳江縣志

評選四六法海八卷 咸豐元年刻本 劉啓瑞

鉛山蔣士詮評選士詮別有思雅堂文集已著錄此  
則評選明王志堅四六法海也四庫提要稱法海所  
錄下迄於元而能上溯於魏晉俾讀者知四六之文  
運意遣詞與古文不異於茲體深為有功至於每篇  
之末或箋註其本事或攷證其異同或臚列其始末  
亦皆元元本本語有實徵非明代選本所可及據其  
凡例雖為舉素而作實則四六源流正變具於是編  
云云評為四六選本中之善籍士詮更從而評選之

續修四庫全書總目

卷

集部總集類

剡唐存液崇實黜華辨正体裁精而益善就其原本  
評定甲乙得甲者二十有五乙者三十有二丙者五  
十有二丁者二十有二戊者四十有一己者三十有  
五庚者十有四辛者十有八壬者八癸者二十有九  
都得文二百七十有六首視原本蓋什得八九焉若  
論文体於敕錄其二於詔錄其二於冊文錄其一於  
制錄其一於手書錄其一於德音錄其一於令錄其  
二於敕錄其一於策問錄其二於表錄四十有九於  
章錄其二於狀錄其二於彈事錄其一於牒錄其二

於啓錄五十有四於書錄五十項錄其三於移文錄  
其二於機錄其五於露布錄其三於詩文序錄十有  
六於宴集序錄十有一於贈別序錄其五於記錄其  
一於史論錄其二於論錄其四於碑文錄十有三於  
墓誌錄其五於行狀錄其一於銘錄其七於贊錄其  
一於七錄其二於連珠錄二十有四於志錄其一於  
弔祭文錄其五於誄錄其一於判錄其四總其體別  
雖無間於原本而錄殺則迴殊焉至於品評每文之  
後先列王評次列蔣論更於紙眉各列瑣語遂句附

釋以清界限復於卷首論文源流凡十一則俱各精  
粹言其要者如云古文如寫意山水儼體如工畫模  
摹寫意非通人莫辨工畫則匠手可勉然如小李將  
軍徐熙手筆又豈工人之所能為乎知此可以讀徐  
庾之文又云四六至徐庾可謂當行王子安奮而溢  
李義山纖而薄然不徒王李兩家討消息終嫌枯管  
不解生花又云唐四六畢竟滯而不逸麗而不道徐  
李穆逸而不道庾子山道逸兼之所以獨有千古又  
云學任沈而不到者濫學江鮑而不到者生學庾而

到者粗學徐而不到者碎學燕許而不到者硬學四  
六而不到者濫均追本溯源語中肯綮方之王氏自  
序縱論駢體利弊蓋亦毋多讓焉

附錄傳記參攷材料

清史列傳



浙江詩課十卷 嘉慶三年刻本

劉啓瑞

儀徵阮元選元字伯元號芸臺乾隆己酉進士累官至休仁閣大學士予告歸里在籍加太傅諡文達著有學經室集等十數種均著錄事跡並詳前文達之在浙也一任學政於乾隆六十年再任巡撫於嘉慶五年三任巡撫於嘉慶十三年每至必有政聲而宏獎風流勗勉多士尤藉藉於兩浙人士之口世傳兩浙輶軒錄話經精舍文集等均其居浙所選一時才士比傳而興者迨母慮數十人或譽著文苑或聲

續修四庫全書

卷

集部總集類

蜚藝林並克各自樹立以見稱於邦國說者謂文達所選要為兩浙人文之蔚觀此浙江詩課者亦其一也詩課凡十卷為文達初任浙江學政時所選至嘉慶三年而後梓行自序所謂余自乙卯冬蒞浙點訂諸生詩課至戊午夏勒成十卷雖風檐寸晷不足以盡諸生能事且諸生他日所造亦不止此者然哀集之略可見諸生執業之勤及余得士之樂者也書之編次均詩題為序不拘詩體不別郡邑但於每詩之首各註著者以資識別或一人兼咏數題者則祇

標其姓氏分註詩題或數人共咏一題者則僅著其

詩題分列姓氏與話精經舍文集選例迥不相侔蓋

一為文集一為詩篇固不同也文達選詩一以得乎

風雅之正者為主其自序有謂近時選詩者若有所

效法以為依附求俊快則流於僞務工巧則涉於俚

皆非唐宋人正格也余之錄詩也不以一格為限之

性情所近才力分屬惟不肯於正格者斯可已云云

蓋以不悖乎正出乎性情有合於三百篇之旨為定

者而已其間詩之佳者如陳曼生咏春草云林稀花

續修四庫全書

卷

集部總集類

缺見遙山新沐容光點翠鬟綠遍深崖開隱隱拂餘幽澗咽潺潺梅花夢後春繞到燕子歸時客未還南浦從來牽別恨絕勝楊柳不禁攀又如陳文杰咏春草云幾回山雨沃霜根一片萼迷直到門紅豆空迷游客夢玉鈎誰吊美人魂踏來屐齒春無迹望裡裙腰綠有痕曾過當時送行處祇應愁煞舊王孫均清穎遙曳不愧才人之筆文杰第文述尤工詩嘗隨父達出塞外得詩數百首時人皆艷稱其捷南野堂筆記謂文述詩工體物綺思壯采作繞梁三日音嘗為

阮司農賦仿宋畫院式團扇招勇將軍寶刀歌以此得名揚州張子貞贈詩句云兒女深情團扇詠英雄本色寶刀篇今團扇詠寶刀歌均載詩課中於此知文達當時宏獎樓進之殷與夫倡和之盛即此一編可以得其綱挈矣

附錄傳記參攷材料

清史列傳

續修四庫全書總目

卷

集部總集類

唐詩體經六卷 嘉慶丁丑刻本

劉啓瑞

天都吳廷偉廣陵顧元標同選廷偉字端人家世鹽筴流寓廣陵與元標同硯席元標字天飛先世於前明有街國功改國後棄儒就賈與廷偉互以業齋雄揚郡時揚郡能文詩者必數元標廷偉互相倡和雄壇坫為丹徒張玉書所譽謂其年少篤學閉戶著書卓識弘才未可限量以是名益彰而詩益著既而同中康熙四十一年江南鄉試舉人才華備感時人皆以大器目之會計偕不遇屢黜春官遂一意以詩文

續修四庫全書總目

卷

集部總集類

自娛舉向時之抱負悉納之於篇什復病唐詩選本未有佳籍遂共選唐人之詩另為一集其意以為詩之由來甚久自孔子刪訂之後而三百篇始定其間忠孝臣子思婦勞人貞淫正變靡不記諸音韻令人可歌而可泣漢魏兩朝詩亦不乏至唐稱極盛科第悉出於此其所以取科第者蓋緣詩本性情可以觀行藏察心曲攷經濟卜邪正古之名公鉅卿高士大儒無有不能詩者千百世以後名垂不朽見其詩如見其人真所謂可大可久之道宋代諸儒為詩清麗

而有明三百年來詩亦平正可風然求其是則是傲者蓋莫不以三唐為正韻夫三唐之句味厚而意該旨深而法備得三百篇之真傳細為體認自成一家是在扼其節要尋其理脉則前入之心事得後入而始彰後入之法則得前人而悟解所患者唐人之詩不勝讀正如一部二十一史從何說起因取其理明意正可法而可傳者彙成一集由博而返約張裘而挈領先別其体裁或賦或興或比判然分明復為之詮其字句或事或人或地釐然昭著更為之探其旨

續修四庫全書總目

卷

集部總集類

趣或歌或泣或諷確然共見俾覽之者一見了然毫無遺憾至於忠且孝子思婦勞人貞淫正變無不備於其中因名之曰唐詩體經是說見於張玉書序所引即此可以見其邏輯之旨趣而編次之凡亦可於是徵之身是書以體為分卷一為五言古詩卷二為七言古詩卷三為五言律詩卷四為七言律詩卷五為五言絕詩卷六為七言絕詩更以六言絕句附之每體各以時分初盛中晚禡而不廁每詩之首又各冠以著者系以小傳每詩之下更標比興期於讀者

區分以合於三百篇之旨而比興之後又附箋注凡與是詩有關者不別古今之說悉為櫛錄而箋注之後復附品評綜其所論亦頗精當如評沈佺期遙同杜員外過嶺詩云此因佺期流於驩州審言流於峰州同過嶺而分途故賦風景之難堪而復眷戀於君王云云其說亦頗得是詩真意惜乎所選過寡不足以盡唐人之所長也

附錄傳記參攷材料

續修四庫全書總目

卷

集部總集類

揚州府志又流寓門

歙縣志

本書張玉書序



卜硯集二卷 乾隆甲辰初刻本 道光元年重刻本

劉啓瑞

宛平查禮編禮字向井院儉堂監生乾隆丙辰荐舉博學鴻詞不第尋以資授戶部主事未一年保舉補廣西慶遠府同知旋補四川寧遠府擢川北道調松茂道陞按察使轉布政使旋授湖南巡撫入覲卒事跡具詳畿輔通志四川通志此卜硯集者礼所編同時諸家咏宋文節卜硯詩也按宋史謝文節本傳文節諱枋得弋陽人寶祐中成進士以江東提刑江西

續修四庫全書總目

卷

集部總集類

招諭使知信州元師東下公以兵逆戰於團湖坪張孝中流矢死信州不守公變姓名入建寧唐石山轉茶坂日麻衣躡屨東鄉哭已而賣卜建陽市上其賣卜時有歛硯一日與相隨共盡義父會魏天祐強迫北行硯不及携素之水中遂不復與俱後為元集賢學士程文海所得銘其硯為橋亭卜卦硯更為銘曰此石吾友也不食而堅語有之人心如石不如石堅誰似當年採薇不食守義賢也時文海為閩廣訪使既銘此硯復歸之於橋亭吏嗣又淪沒明永樂間建

文節祠時始復得於土中事見於硯背趙元所記逮

及清世為天津周月東焯所得時方雍正初年也月東歿時遺命以硯贈向井院因博徵同時名士各為古詩共詠盛事時不僅為硯紀且以欽枋得節也詩都二十有七首分為二卷卷上為陳兆崙全文淳錢載紀復亨錢大昕王昶彭元瑞戴第元劉芬畢沅吳璜陸錫熊吳省欽劉斌程晉芳吳省蘭管世銘詩卷下為萬光泰趙文哲嚴長明洪亮吉姚汝金鄭王臣吳煥文趙東淵汪照劉光緒詩並一時知名之士

續修四庫全書總目

卷

集部總集類

其詩均各有所詣非復尋常題咏之作其間尤佳者當推王蘭泉詩詩云歛溪一片寒於鐵傳自弋陽謝文節其修一尺廣半之正氣棱棱迴不滅上有題字云是橋亭卜卦時所置旁有銘語鐫云似窮餓不食守義賢嗚呼謝公風節真雷礪上書傳概何堂堂提攜此硯閱寒暑哀哉宗祐仍滄桑團湖坪前鼓不起飄泊垂簾建陽市海陵風信溯江潮天意寧容論卜筮想當變名姓遁跡茶坂間蟾蜍亦淚滴相對舍辛酸乾坤否泰未能轉明夷獨有貞艱難石田可耕等

採蕨頑民誓同此石頑何人創議徵遺士飴甥屬養  
今誰是江南豈復有人材草履麻衣欠一死攢宮拜  
哭秋草殄木波祀謁同朝參指南有願竟未遂翻幸  
此研留天南靈旂歸來風雨怒十丈崩濤夜奔驚蛟  
螭擎攫鬼神扶洗濯良材出煙霧何年轉輾來燕陲  
月東時人欣得之星芒壓脚贈石反什襲珍重伴梨  
羹酒闌眎客誰敢把古色蒼然照杯竿清墨應供思  
肖蘭臨池肯寫鷗波馬曹城碑下塵冥冥重吟采石  
悲零丁雲根瘦削堪千古如見西山疊疊青語紀實

續修四庫全書總目

卷

集部總集類

事亟盡蒼涼悲歌之概與前人咏文節琴者當共垂  
不朽矣

附錄傳記參攷材料

四川通志

畿輔通志

使署閒情三卷 乾隆十二年刻本 劉啓瑞

長白六十七選六十七字居魯旗籍以世功累官吏  
科給事中奉使巡臺灣喜屬文尤工詩著有遊外詩  
草臺陽雜咏臺海番社播風圖攷西域聞見錄等此  
則其巡臺灣時所選者時臺灣甫定方六十年民風  
淳樸漸濡聲教居魯既蒞任巡視郡縣甄拔雋尤或  
試以文或課以詩多方循訪人文蔚起居魯因搜采  
文獻纂為臺志創臺灣清世志書之始既而復最其  
邦人詩文與夫賦頌益以官師酬答都為使署閒情

續修四庫全書總目

卷

集部總集類

三卷閒情者以見其廉儉正直政有餘暇之意也是  
書分卷以類為次卷一為賦詩卷二為詩卷三為雜  
著如疏表議檄示書論序等是也所錄文詩官師臺  
人各居其半其間官師之可攷者有周彭高拱乾沈  
光文陳廷和勞之辨齊休物王兆陞孫元衡黃學明  
婁廣陳瑄陳兆蕃陳聖彪宋永清周鍾瑄陳夢林蔡  
世達郁永和藍鼎元景考祥夏之芳林興泗王之敘  
陳昂林元俊王洪王取登周日燦陳元圖何借宜舒  
輅楊二酉書山張湄熊學鵬高山德齡諸人臺人之

可攷者有戴逵徐元陳斗南葉洋英李霽王璋范學  
洙陳輝盧九圍方達聖林麟錢元起陳廷藩諸人斯  
諸人者其文則典麗可法其詩則清婉可誦方之當  
世固未可與名家相埒然僻在邊境而為官師者其  
人大氏遜於廊廟故所為文詩亦復難稱至若臺人  
則初向化詩文亦難同於大邑第尚雅達亦頗可誦  
是亦難能而可貴者如博汝霖咏赤嵌城云千重雲  
海繞城東影落平沙夕照紅夜月飛銀漁火暗晚烟  
積翠成樓空星分牛女雙垣外地隔蓬萊一水通好

續修四庫全書總目

卷

集部總集類

向安瀾徵登訖由來聲教紀攸同格律平穩要屬佳  
構餘縱未逮亦難得矣至於官師之詩居魯之作例  
亦附之其詩大氏為咏臺事者如初抵臺灣東書都  
諫詩即事偶成詩鹿耳門汎即事詩北行襍咏詩等  
是然熙朝雅頌集有居魯臺郡書事詩此書未載詩  
云飽餒檳榔未是貧無分妍醜盡朱唇誰呼水族名  
新婦却愛山蕉號美人劇演南腔聲調澀星移北斗  
女牛真可憐負販猶羅綺何術民風轉樸淳餘若臺  
郡夏日即事等詩此書亦未載是則居魯纂輯之時

於識臺人諸作迨已有所抉擇矣

附錄傳記參攷材料

鐵保輯熙朝雅頌集

續修四庫全書總目

卷

集部總集類



是程堂倡和投贈集三十卷 道光五年刻本

劉啓瑞

錢唐屠倬輯倬字孟昭嘉慶十三年進士改翰林院庶吉士散館授江蘇儀徵知縣甫下車即捕盜梟真之法四境懾服勸民紡織種桑養蠶並出貲募抗人為教習在任五年循聲大著道光初擢江西袁州府知府未赴任旋移九江府皆以疾辭八年卒年四十有八倬夙智早成質行獨絕鄉舉後讀書清平山中與一時名流以詩文相錙厲阮元嘗謂吾於浙西得

續修四庫全書

卷

集部總集類

文筆三人一陳文述一查棧一屠倬詩才伉爽與郭唐查際齊名郭唐稱其詩有幽并烈士河朔少年之風畫工山水見重於時著有是程堂詩文集等此則其所輯倡和投贈之詩凡三十卷卷以集名集各有序以述集旨計卷一之二為山居足音集系讀書清平山時倡和詩也卷三為僧寮吟課集亦山居時詩也卷四為銷夏彙存集則許周生主銷夏會時詩也卷五為小檀樂室題詞則居拂塵庵小室時詩也卷六為說詩類編則與查棧郭唐論詩時又新題論詩

圖詩也卷七為讀畫錄則友朋題贈倬畫之詩也卷

八為耶谿漁隱題辭則友朋題耶谿漁隱圖詩也卷

九為日下題襟集則通籍後居京師時倡和詩也卷

十為雙簾錄別詩鈔則改官真州時同人選別之詩

時倬居有雙簾大可合抱故以名集也卷十一為從

政未信錄則居真州時友朋譽其政績詩也卷十二

為弦韋贈處集則居江南時朋友投贈詩也卷十三

之十四為湘霽館襟鈔則罷官後所得詩也卷十五

為鑒江懷古則追紀真州時懷古倡酬詩也真州地

續修四庫全書

卷

集部總集類

濱大江故以鑒江名集卷十六為江上詠花集卷十七為真州官舍十二詠均追紀居真州時遊覽興懷之作與倡酬詩也卷十八為三十六峰吟則友朋贈倬藏三十六奇石詩也卷十九之二十為替園吟社集則倬歸隱後同人倡和詩也卷二十一之二十二為養病襟編則亦歸里養病時詩也卷二十三為病榻拜恩集則道光初同人促赴袁州任詩也卷二十四之二十五為詩餘卷二十六之二十八為襟父卷二十九之三十為尺牘以皆非詩不得與前此諸編

相錯故另為集以示區別凡此皆是集之大要也案  
倬在當時詩名藉甚凡海內知名之士莫不慕與之  
交倡和投贈歲可盈篋詩篇之外兼及詩餘更有襍  
文尺牘附詩以贈總其平生所得毋慮數千百篇倬  
既歸隱遂為編次據其自序謂僅什一是此所錄乃  
祇一斑若悉付梓恐逾百卷追想其倡和之盛投贈  
之樂三百年間可比擬者寡矣

附錄傳記參攷材料

續修四庫全書總目

卷

集部總集類

清史列傳

是書前目無是程士三字今補正

國朝詩集十卷首一卷 康熙己丑刻本

劉啓瑞

江寧劉然遜然字簡齋號西澗府志邑志均無傳江  
蘇詩徵金陵詩徵文徵亦無名事跡無徵據卷首丁  
灝序謂簡齋最從李昌相公詣京師修史之暇常與  
名公論詩溯流窮源別裁偽體又云簡齋有論史書  
書二十卷載史事甚詳云云卷一又有印云五百里  
內有臥聚是簡齋亦嘗與修明史觀政鳴琴疑簡齋  
或亦曾登翰苑散館外任特所任何邑無可緣徵耳

續修四庫全書總目

卷

集部總集類

是集專選國朝之詩始自順治迄於康熙凡曾任明  
而又仕清者或入清而未仕者俱在甄錄都得詩三  
千餘什詩家一百四十人綜為十卷名曰國朝詩集  
其間詩家著者有魏裔介宋琬施閏章王士禛徐乾  
學熊賜履杜濬曹溶尤侗陳維崧陳鵬年陳恭尹梁  
佩蘭陳廷敬王士禛程可則顧夢游紀映鍾屈大均  
李因篤宋華王藻孫枝蔚計東魏憲梁清標錢謙益  
吳偉業龔鼎孳王文治周亮工曹貞吉諸家餘則多  
幽隱之士丁灝序所謂惜其集隘諸所著名稱雄詩

壇者或闕焉而加意表彰幽隱之士頗與荆公所刪宋次道之唐詩百家選同意者也然推其言頗寓褒貶蓋是集編次殊失允當如卷帙之先後不以時代為次而以得詩之年月為次此一失也又如詩家斷代不以隱逸者入而與入仕者同列此二失也又如選詩不錄生存斯則兼及友好如卷九有丁灝是也此三失也又如錄詩準則應幽顯同登斯則隱逸者多而顯達者少有乖選例此四失也綜此四失蓋其書可取者寡矣然卷首有詩乘發凡一卷於六義之

續修四庫全書

卷

集部總集類

正變諸家之派別五七言之源流古樂府之聲辭離合固不腫陳陳賸燦然如指諸掌是亦有可取者固未可因噎而廢食也

附錄傳記參攷材料

卷首丁灝序

陸氏傳家集四卷 同治壬申陸氏家刻本

劉啓瑞

吳江陸迥晉輯迥晉字秋丞晚號門鴨蘭主幼以世家子遊皖省泰戎幕會粵匪亂起屢以軍功受知於英翰游由丞倅保道員署理鳳穎六泗道安徽按察使有循聲時中興甫定湘淮軍力遍天下其緣軍績而起者迨母慮千數百人英翰亦以旗籍大令掣偏裨定皖北累擢督撫拔戟自成一隊與湘淮軍人相抗衡湘淮軍人亦積不相下迥晉見幾而作幡然辭

續修四庫全書

卷

集部總集類

官歸隱吳門以陶朱術自娛積年竟致富既富廣求先世詩文謀著始明迄清都為陸氏傳家集一帙即此本也書凡四卷錄陸氏詩文集凡十有六種計卷一錄陸文衡中台方房詩牋一卷書庵手鏡二卷陸鎬菴存小詠史一卷讀史小識一卷卷二錄陸方濬卿山味蓴鱸軒詩鈔一卷戊庚隨筆一卷遺文一卷陸桂馨綴園冷理漫稿一卷讀禾見書齋文鈔一卷卷三錄陸昌言月園詩存一卷偶著一卷陸泰增淡安客窓偶吟二卷遺文一卷卷四錄陸鑒藝香問花



樓詩鈔一卷詩話三卷詞話一卷綜得二十卷通普  
分為四卷按陸氏於吳江為望族當明嘉靖間有陸  
勲陸尚德者並為一時俊人至陸文衡而尤著其陸  
氏文獻可攷者亦自文衡始故此集所錄即首文衡  
文衡當萬厯時嘗以直言忤魏璫出為浙江叅政後  
補河南憲副轉少叅守洛陽與熊文燦撫流賊議左  
謂撫賊必先剿賊賊畏剿乃受撫古之辨賊者有解  
散法無安插法熊怒其撓撫局不從後賊果潰明室  
竟覆識者謂文衡有先知之明文衡之後縉縉相繼

簪纓不絕或以功著或以言存或以世澤沛於鄉里  
或以潛德隱於邦家其所著述大都根據經訓揚托  
風雅彬彬然作者之遺風立言之高矩吳坤修序是  
集謂若詩若文若筆記莫不義淵懿而言雅馴雖澧  
泉之波一勺吉光之裘片羽有足動人流連景仰而  
不能遽釋者信為的許蓋根之茂者其實遂膏之沃  
者其光華非陸氏數世之積累不克永其世澤詩云  
君子有穀宜厥孫子斯當於陸氏徵之矣

附錄傳記參攷材料

據吳寄荃述陸通普事迹

孟津詩十九卷續一卷 康熙五年刻本 劉啓瑞

孟津王鐸第鑑同撰鐸字覺斯明天啓二年進士改庶吉士授編修游陞少詹事充經筵講官崇禎十一年以進講獲罪明年改侍班尋乞歸十七年擢禮部尚書未赴而流賊起福王立授東閣大學士順治二年與錢謙益同降於江寧三年命以禮部尚書管宏文院學士充明史副總裁四年充殿試讀卷官六年授禮部左侍郎加太子太保八年晉少保九年授禮部尚書而鐸先以二月間祭告西嶽江濱事竣歸里

續修四庫全書總目

卷

集部總集類

率事聞謚文安事跡具詳清史列傳載臣傳第鑑字子陶號大愚官學使事跡具詳邑志此孟津詩者乃周亮工選輯鐸鑑之詩先是鐸有文安公集鑑為之選訂既而鑑又有大愚集並命亮工為之選訂鑑因合斯兩編仿清江三孔之例都為一集亮工為命曰孟津詩詩之編次兩家錯列或第後而兄先或兄後而弟先均以倡和次第為序而總以詩體為類別計卷一之二為賦卷三為騷卷四為古樂府卷五為今樂府卷六為五言古詩卷七之八為七言古詩卷九

續修四庫全書總目

卷

集部總集類

為五言排律卷十為七言排律卷十一之十三為五言律詩卷十四之十七為七言律詩卷十八為五言絕句卷十九為七言絕句至續集一卷則為鐸鑑子姪無咎無泰無逸無荒無回等懷伯耕之詩亦以詩體為次先五言律次七言律次七言絕句此是書之大凡也案鐸鑑之詩在當時已甚著如陳其年篴行集等均選其詩沈歸愚國朝詩別裁集初定本亦曾選其近望牛頭山一律詩云漢西郊野望牛頭深滾寒雲萬頃流鐘磬不關興敗事藤蘿猶掛古今愁樹連山色低秦塞水帶軍聲別閬州割據雄圖憂後日夕陽無語下寒邱又附以評云文安詩名甚著然每入荒幻如山聳香殿微雲猛石林平之類不可勝數此章特取其明順流利者云云語頗抑揚然歸愚於其詩什並有所改竄如樹連山色低秦塞句是集則作人從山氣低秦岫其改之佳否不具論然其屬易也可知矣逮重訂之本更為削去其詩則以鐸已入載臣列傳與錢謙益同在刪乙之列矣至於鐸詩與鐸相類特工律有不逮其子姪之詩亦率類是並以

玄妙見稱云

附錄傳記參攷材料

清史列傳貳臣傳

篋衍集

國朝詩別裁集

孟津志

續修四庫全書總目

卷

集部總集類

國朝文述不分卷 道光壬寅刻本

劉啓瑞

吳縣王涇選，涇初名仲涇，字子兼，諸生。嘗問古文法於族兄芑孫，三十後喜為考據之學，成鄉黨正義四書地理考，毛詩多識篇，又因陳確庵聖學入門書，欲為大小學廣要，積稿數十卷，不克成，乃刪為聖學入門演義，有壑舟園文稿，其中如釋性辨，董子性猶禾善猶米，禾非米，性非善之失，答鵠鵠問發明聖人當日悔過心事，皆為有見。又徵補水利議，謂仿南方築圩蓄水，參用古人溝洫法，確然可見諸施行，而所最

續修四庫全書總目

卷

集部總集類

自信者，惟鈔幣畧言一書，謂三代下惟鈔法可以富國富民，故井田之窮，積思三十年，旁搜廣訊，以成是編。侯官林文忠公撫吳，見其書，題之同縣顧通政純武進李太令兆洛涇縣邑太令世臣，亦不河漢斯言。而邵陽魏刺史源痛詆之，嘗依嘉興沈侍郎維鐫學幕，先後八年，北眺居庸，渤海，南瞻白嶽，黃山，浩歌自得，既歸，隱於書肆，卒年五十，有八自為墓志以終。此國朝文述者，乃居書肆所選書，分四編，一曰考典，二曰闡道，三曰敘事，四曰游藝，每編俱不分卷，以錄文



之先後為次每編又各自起訖不相聯屬以故錄文雖錄卷帙雖衆而並不以卷次為介焉且卷首無序更無例言書之編次渺難攷稽茲就抽繹所得者言之  
一曰攷典重攷也據以易書詩禮春秋為序如易則錄董以寧周易正文三編序書則錄錢大昕古文尚書攷序詩則錄毛詩補傳自序禮則錄胡培翬儀禮非後人偽撰辨春秋錄顧棟高春秋謚法攷等次以史漢三國南北史為序如史記則錄錢大昕與梁曜北論史記書漢書則錄梁玉繩漢書人表攷序三

續修四庫全書總目

卷

集部總集類

國志則錄洪亮吉補三國疆域志自序南北史則錄邵晉涵南北史提要等是也二曰闡道明性理也塗向宗陳瑚聖學入門因以聖學入門書自序冠首次錄顧炎武湯斌孫奇逢張履陸隴其劉開方苞張爾岐等文入之三曰敘事傳先賢也凡先賢事跡可紀功業可述者按其人之後先以各家之撰傳列之入要以忠孝為主外此者錄蓋寡焉四曰游藝禠文章也文章足以華國故凡百學問皆重文辭昔人云辭之不文身之蓄也故此類以擅於文辭者始錄如侯

朝宗姚鼐劉大櫟杜濬袁枚彭兆蓀全祖望章學誠惲敬王芑孫等文皆卓卓可傳者故錄者居多焉凡此皆其書之大要也然若擬之於魏源國朝經世文編姚椿國朝文錄等言其分類則有乖中道言其編次則卷帙不分以云選文之別裁或幾當之若云盡善則未遑也

附錄傳記參攷材料

同治重修蘇州府志

續修四庫全書總目

卷

集部總集類

歷朝詩鈔十卷首一卷 稿本

劉啓瑞

河間田璋選璋字宜廷別署謙受齋主府志邑志俱無傳檢畿輔詩傳亦無事跡據卷首自序末署乾隆四十六年蓋璋為乾隆時人也是編專選歷代之詩上自漢魏下逮康熙以體為次凡得十卷卷一為五言絕句錄唐明國朝之詩卷二為七言絕句錄唐元明國朝之詩卷三為五言律詩錄唐明國朝之詩卷四為七言律詩錄唐宋元明國朝之詩卷五為五言古詩錄漢魏晉宋齊梁陳北魏北齊北周隋唐明國

續修四庫全書

卷

集部總集類

朝之詩卷六為七言古詩錄漢唐宋金元明國朝之詩卷七為歌行錄漢魏晉宋隋唐宋金元明國朝之詩卷八為樂府錄漢魏晉宋齊梁陳北周唐宋明國朝之詩卷九為排律錄唐宋明國朝之詩卷十為雜體錄四言六言迴文聯句贈答餞送慶賀戲謔祝壽頌揚弔輓渾亡琴操歌謠諸體而時代則不復為之區別此是書編次之大凡也至卷首所載則為說詩之作曰讀詩法曰詩論曰詩法曰詩正題十二體曰律詩體格曰調四聲法曰作詩準繩曰詩中句法曰

詩有喜怒哀樂四得之辭曰詩眼竅法其間各區子

目如詩法則分句字法格意趣神情境物事十一類詩正題十二體則分榮遇詩體諷諫詩體登臨詩體征行詩體贈別詩體咏物詩體讚美詩體慶和詩體迴文詩體哭輓詩體聯句詩體律詩體格則分起承轉合破題領聯頸聯聯繳結六韻格八韻格七言律平起式仄起式五言律平起式仄起式十一類餘率類是此說詩之大凡也綜斯二編鋪觀全帙言其善則每體詩首各系小序略言各體源流與夫升降言其

續修四庫全書

卷

集部總集類

弊則有四端一為詩體次序異乎常選不以古詩律詩絕句為次而以絕句律詩古詩為序於詩體嬗變戛然不明此一事也二為五言古詩不錄宋代不知宋代古詩固未亞於唐人此既錄唐而不及宋以云時代則付闕如此二事也三為歌行另立不附古詩雖云長短句錯異於五七古體然前人選例往往列斯乃分別未免獨異此三事也四為雜體類次失之流俗如慶賀戲謔祝壽悼亡諸體雖世俗酬答仍用通行第選家謹嚴取者蓋寡斯乃入集殊見庸陋此

四事也。之此四事若與歷代詩發古詩源等相較斯  
集蓋判然有別矣。

附錄傳記參攷材料

卷首自序

續修四庫全書總目

卷

集部總集類

近光集二十八卷 康熙五十八年刻本 劉啟瑞

長洲汪士鋐選士鋐字文升康熙三十六年一甲一

名進士授翰林院修撰官至右中允入直南書房少

受學於長兄份與份暨兄鈞弟倭俱知名時稱吳中

四汪又嘗受學於從父琬得文章指趣比弱冠進京

師名益著繼遊四方遍交天下賢士大夫學彌進會

康熙甲戌從弟倭入翰林乞鋐選古詩文字以備館

閣之休選鋐入館所選益廣於應制之作則有玉堂

金鑰之選於言情之什則有陶冶性甯集之選於四

續修四庫全書總目

卷

集部總集類

六則有文苑麗則之選皆取高華典雅清新俊逸之

詞以適於用此則選唐宋元明近體之詩分門別類

以備館閣之用者其自序所謂其體雖不皆應制然

鴻篇傑作關於館閣者十居八九而單詞警句亦間

為摘錄之謂也其所以名近光者則以其所選之詩

限於近體故也是書分類以律絕分曰五言律詩曰

七言律詩曰五言絕句曰七言絕句每體又各分類

別曰天文曰時令曰地理曰帝王曰官寮曰巡幸曰

朝會曰寓直曰宴饗曰祭祀曰文學曰武功曰釋教



曰道流曰物類其七言律詩復增以科第一類每類錄詩各以時次先唐次宋次元次明同時者又以年代為別如唐則以初盛中晚為次是也凡此皆其大略也至各家詩後復綴以註傍徵博引頗便尋繹與阮學濬學浩所選本朝館閣詩例相同特一為唐宋元明一為國朝時代不同分類有異耳至其去取抉擇之間尤見其謹慎詳嚴如卷首襟論有云唐人選國秀集序云陸平原之論文曰詩緣情而綺靡是彩色相宣煙霞交映風流婉麗之謂也仲尼采古詩三

續修四庫全書總目

卷

集部總集類

餘千什得三百五篇皆舞而蹈之絃而歌之亦取其順澤也茲集披林擷秀略同斯旨又云老杜論吳道子畫云冕旒俱秀發旌旆盡飛揚則於莊重之中何嘗不具飛動之致東坡論書亦云端莊縹流麗剛健含婀娜並是此指今茲所採雖多冠冕佩玉之音然必汰除板重庶幾皆所謂前輩飛騰入餘波綺麗為者也襟論都十有九事茲則取其二則僭著於篇以見其蒐采之當與夫選擇之慎焉

附錄傳記參攷材料

清史列傳

同治重修蘇州府志

民國重修吳縣志

此書前目誤書唐詩以先集今改正

續修四庫全書總目

卷

集部總集類

文苑珠林四卷 道光丙午刻本

劉啓瑞

江都蔣超伯選超伯別有通齋集已著錄入別集類此則所選歷代文也超伯嘗謂文猶珠也漢魏晉宋之文琅玕火齊之珠也厥質珍矣韓柳曾王諸子之文上清七曜之珠也華嚴海底之珠也厥品殊矣光鈇又有別矣觀其采而相其中習於此而貫於彼則導師說文章子自舒拳耳至於元明各家近世小品則泉客所流涕波斯所護持雖瑕瑜互形而礪硎有致詎稱至寶亦復走盤並為摘而繫之遂譬之為珠

續修四庫全書總目

卷

集部總集類

林云云其意蓋比文章猶珠文章之不同猶珠光之不一因選歷代文之近於性靈輕快者得文一百十有八篇介為四卷始自漢魏迄於明清每代錄文錄殺至異論其著者於漢則有淮南子晁錯中山王王子湖楊子雲崔篆馮衍田邑朱浮范升朱勃班超曹昭第五倫馬融張衡崔駰崔瑗劉陶駱胡廣崔寔陳忠郎顏褒楷陳蕃皇甫穎段熲張然明於後漢則有蔡邕臧洪於魏則有王粲舒綰於吳則有胡綜於晉則有嵇康木華左思於成蜀則有龔壯華陽真逸

續修四庫全書總目

卷

集部總集類

於宋則有范蔚宗於梁則有庾信於唐則有李白岑參韓愈柳宗元杜牧李商隱陸魯望孫樵於宋則有石介歐陽修王安石曾鞏蘇軾黃庭堅葉夢得陸游劉岑於金則有王庭筠元好問於元則有郝經鄭牧揭傒斯許有壬於明則有宋濂高啓何景明王廷棟歸有光陶望齡鄭汝璧張岱於國朝則有朱彝尊田雯徐善胡天游蒲松齡薛蘊汪中周濟蔣繼伯繼伯超伯弟也每家錄文或一首或數首不等均以合乎旨趣者而後錄外此者不與焉其去取之間尤嚴抉擇凡家絃戶誦之文如三都賦兩京賦以及辭翁亭赤壁賦之類以坊間多有選本久失流俗遂不復錄以示區別若宋人之文則錄者多以宋人文品之峻莫過曾王筆力之道罕及山谷故於此三家錄者居多若明人之文如張陶庵之說報恩屠屠蒲留仙之口技本皆稗乘原可不錄特以其良工心苦吐屬不凡因亦列之以備參証凡此皆其編選之大概而有異於諸家之選本者推其旨趣或亦與明人所選文腴有相似者歟

附錄傳記參攷材料

同治重修揚州府志

江都縣志

國朝正雅集

續修四庫全書總目

卷

集部總集類

明詩鈔十二卷首一卷外集不分卷 乾隆七年魯氏  
語石山房刻本 劉啓瑞

江北魯之裕選之裕字亮儕雍正間作令河南與田  
總督文鏡不洽每被劾一次世宗必召見一次每名  
見必升一官世人皆稱其奇遇累官至清河道而終  
袁子才稱嘗其遺事謂田文鏡嘗命之裕摘中牟李  
令印即攝中牟事魯為微行入境知李令為好官借  
俸迎母至被劾遂怒馬馳去之省謁文鏡盛氣迎之  
曰印何在曰在中牟曰交何人曰李令文鏡乾笑左

續修四庫全書總目

卷

集部總集類

右顧曰天下摘印者寧有是耶皆曰無之魯免冠叩  
首大言曰固也待裕言之裕一寒士以求官故來河  
南得官中牟喜甚恨不連夜排衙視事不意入境時  
李令之民心如是士心如是見其人知虧帑故又如  
是若明公已知其然而令裕往裕沽名譽空手歸裕  
之罪也若明公未知其然而令裕往裕歸陳明請公  
意旨庶不負大君子愛才之心與聖上孝治天下之  
意公若以為無可哀憐則裕再往取印未遲不公然  
轅外官數十皆求印不得者也裕何人敢逆公意耶



田公默然變色曰微汝吾幾誤初賢員矣蓋亮儕平生亢爽行事也類如此是集之選乃亮儕居清河道時所為取明詩自洪永以逮天崇凡能寫性需而不謬於詩教且能脫沈窠臼無或腐俚卑陋者百餘家家自為介不相襍廁總得書十有二卷復以閨秀縉流黃冠青樓另為一編名曰外集附諸卷後更以明詩著家之可攷者別為小傳一卷冠諸集首此其書之大略也業明詩選本明清以來毋慮數十家或簡或錄或偏或正各有旨趣未可攸同而清世選本要

以錢牧齋列朝詩集朱竹垞明詩綜為最博沈歸愚明詩別裁汪端明詩選為最正此外以簡勝者當以此書為最蓋亮儕取錢牧齋朱竹垞王又貞三選本彙次而刪補之故能成有明一代之全編且以覘明詩之精英而亮儕述明詩盛衰升降之由尤足與歸愚序明詩別裁相媲美略謂明初四傑弘嘉二代七子茗溪則有五隱嘉定則五先生著稱要皆風雅之宗公安以後竟陵一趨僻澁是以北郭之十友景泰之十才以及伯玉元瑞伯敬友夏道甫諸子罔不收

入以其取經偏而氣休薄不足以惠後學並非遺也云云益足以見其去取之間不偏不阿得乎選詩之正信乎為明詩選本中之嘉籍也

附錄傳記參攷材料

國朝耆獻類徵卷二百十一

袁枚撰書魯之裕事

歲華紀勝二卷 康熙丁丑刻本

劉啟瑞

新安朱觀選觀字自觀事跡不見於徽州府志歙縣志據本書例言謂康熙丙子僑寓廣陵有國朝詩正之選云云是曾僑寓揚州比檢揚州府志江都縣志甘泉縣志流寓門亦無觀傳惟揚州畫舫錄云觀以鹽筴起家嘗往來揚州與諸名士相唱酬詩絕塵拔俗得風人之遺性喜山水足迹幾遍天下博學好古揚人稱為雅士云云與卷首潘應賓序相類惟畫舫錄又云觀嘗選國朝詩正仿牧齋列朝詩集之例卷

續修四庫全書

卷

集部總集類

帙浩繁未成而歿遺稿旋逸云云則潘序未之及乃時限之也是書取清初名家詠歲時之詩凡十餘首合為二卷以歲時為類別都為類三十有二曰立春曰元旦曰元旦立春曰元夕曰花朝曰春社曰春分曰上巳曰閏上巳曰寒食曰穀雨曰送春曰人日曰穀日曰清明曰上巳清明曰立夏曰端陽曰閏五日曰立秋曰七夕曰閏七夕曰七夕立秋曰中元曰中秋曰閏中秋曰重陽曰展重陽曰立冬曰冬至曰臘月二十四日曰除夕每類各選詩若干首其詩多名

家之什如龔鼎孳顧圖河翁斌元曹溶吳雯清吳嘉

紀孔尚任汪士鋐王方岐宋華杜濬高士奇陳鼎張

潮方特城巴通程用昌吳綺冒襄曹貞吉張宗齡洪

嘉植周亮工梁清標侯方域許承家汪懋麟潘耒等

皆是其間詩什若龔鼎孳詠舟中立春云罷酒天隅

感鬢華客心驚對日南花春王自布條風令星使虛

淹北斗樵萬里紫宸喧佩玉三冬白浪送鳴笳館娃

今夜刀環月應逐銀幡綠燕斜其詩為龔氏佳什不

僅徒詠歲華者其餘諸家亦復類是是自觀殊嚴於

續修四庫全書

卷

集部總集類

扶擇據例言謂其選國朝詩正時於諸名家詩稿內拔取節序詩另為一編因有是集云云蓋選時取精而用宏故能博大而精審也如是是固非如陳眉公等所選以風雲月露之辭為歸也自觀詩載於集中者亦多可觀如詠閏上巳云晴雲片片遠山開橋畔輕舟共溯洄修禊兩番偏喜閑採蘭今日更重承鳥啼別墅連歌管花出層欄映酒杯幾度尋幽情不盡烟迷古寺暮鐘催神韵飄逸是亦工於詩者襟諸名家之中追亦毋多讓焉

附錄傳記參攷材料

揚州畫舫錄

卷首潘應宿序

續修四庫全書總目

卷

集部總集類

國朝三槎風雅十六卷 嘉慶十五年刻本 劉啓瑞

嘉定朱綸英輯。綸英字竹尹，南翔鎮人。太倉州志嘉定縣志、南翔鎮志均無其傳。事蹟不詳。據卷末程芝筠跋稱：竹尹為太史是曾登進士第者，特不審其為何科。又據卷首自序謂：秉鐸姑孰，量移潤州，游擢京職二十年來，鹿鹿從事，適年給假歸田，忝主愛山講席。云云。是其事蹟可徵者。如是而已。是集專集南翔一鎮之詩，起自國初迄於嘉慶，凡一百六十年間善詩之人，莫不蒐輯，凡得詩二千餘什。詩家四百餘人。

續修四庫全書總目

卷

集部總集類

介為十有六卷。卷一之十二為南翔風雅，卷十三之十四為流寓，卷十五為名媛，卷十六為方外，而總名曰國朝三槎風雅。三槎者，南翔里舊有上槎、中槎、下槎之名，統名曰三槎。因以三槎名其集。志不忘里居也。其選輯之例，悉與梅里詩輯同。蓋輯一郡一邑一鎮之詩者，其例大率相似焉。案古昔太史陳詩之意，良以一方之人必有一方之詩，所由諗教化而覘風俗也。前明選一方之詩者，首推趙氏中州風雅為最。蓋其時中州多詩人，集中所列若北地、信陽、何氏、望



之孟氏茂秦謝氏皆卓然可傳者然未備論者猶有憾焉嘉定為古之練祁市具區之野吳淞之漣洞庭峙其西大海環其東山川毓秀代有作者宏治間邑人翟校書嘗求宋天聖以後逮明中葉諸人之詩合為一編凡七卷名曰練音集迨入清後王翌思以其尚有遺漏為之補綴成明練音集九卷國朝練音集十二卷沈歸愚為序而行之而七百年來練江之人之詩胥彬彬可按籍而稽矣而三槎者又為嘉定之名鄉能詩者冠於全邑之勝宜乎人文萃美凌

續修四庫全書總目

卷

集部總集類

駕一縣觀於是集所錄諸詩諸人俱恂恂自好類多通儒碩彥為邦家光為閭里榮者自序所謂一百五十六年推著作手者迨不乏人而潛德幽光揚芳擢藻蔚然含和而吐氣者正未易更僕數不獨練音集所收錄已也云云蓋紀實也

附錄傳記參攷材料

卷首自序

元詩自攜十六卷 自刻本

劉啓瑞

華亭姚培謙選培謙字平山乾隆時貢生著有松桂讀書堂詩集董柴如蘭集稱平山著述甚勤所刊刻書史及詩古文數十數種行於世松江府志藝文志亦載有平山所選唐宋八大家詩鈔數種均未見見者祇此集及與張景星同選之元詩別裁集此集專選元人七律之詩凡十有六卷首帝王如文宗順帝等是次諸詩家如元好問李俊民等是次閨秀如万俟蕙柔鄭允端等是次釋氏如善住大新等是次道

續修四庫全書總目

卷

集部總集類

士如馬臻張雨等是次外藩如陳益稷黎前等是都凡二百三十有二人錄三千餘什其專以七律為限者卷首所謂元詩各體雖斷然自成一家要其精能獨擅處七律近體為尤茲集意在探其格律故於別體殊多割愛然元人之聲情格調已可以望而得之莫謂一斑可知全武之謂也其編次要旨可得三則一此集自遺山靜修而下若虞陽范揭以迄鐵崖雲林諸大家悉從全彙中摘抄其詩至幽人吟士一鱗片甲奇雋亦所必登不以集小而遺之二每家詩什如

有一題連章而詞意起訖聯貫者必全錄之蓋連章猶一章也餘仍摘鈔三古人詩多自註出處若杜蘇兩集非自註後人遂無由得解非若今人動輒牽連也故集中於已註出處者悉依原本刊入不再增註凡此皆其書之大畧也然審繹全編厥弊有二一為錄詩限於七律與各家選詩之旨不同世之選元詩者毋慮十數家在元如傳習之皇元風雅賴良之大雅集在明如孫原理之元音楊偶桓之乾坤清氣集姚宗緒之元詩體要在清如顧嗣立之元詩選等均

不以律詩為主而以古今體詩錯雜即如培謙與張景星等同選之元詩別裁集亦如之何以此集獨以七律為主意者培謙選旨別有所在歟二為論詩限於詩韻卷首畧例有謂元人作詩用韻多雜雖律詩往往不免明興有洪武正韻之作想以元詩之不可為訓今若以佩文詩韻相較殊難一一指駁云云殊未知音韻之變遷譬之三代古音不可與今音相比較時之不同昌克以後例前况佩文詩韻已不同於洪武正韻洪武正韻又異於元人用韻培謙不察妄為

比附毋乃僥倖

附錄傳記參攷材料

董崇如蘭卷十四



漢魏詩集廣序十卷 康熙十五年清遠堂刻本

劉啓瑞

海寧朱嘉徵編嘉徵別有樂府廣序已著錄四庫總集類入存目事蹟並已詳前此則所編漢魏詩集廣序也嘉徵嘗謂詩與樂異而同者又有同而異者古者採詩合樂所以致其同也王制春教樂夏教詩蓋溫柔敦厚詩教也廣博易良樂教也錄其事異故異教然則夫子刪詩正樂之義不可述而志矣傳曰正迹熄而詩亡明乎採風之制失也太師不幾聲而時

續修四庫全書總目

卷

集部總集類

人子弟分散錄是正變不列雅頌無章故四始則亡孔子起而正之取古詩三千餘篇並絃匏之有所合之也是謂變風變雅蓋亦審異以致其同云漢興諸儒腹經間出而馬班之徒猶承秦弊祇列郊廟頌聲採詩夜誦之文及燕射食茂如也六義不明而詩愈亡可勝痛悼諸儒立說因而乖異鄭漁仲云詩為聲也不為義馬端臨則云義可久存而聲易亡郭茂倩合樂府詩集成一書其時代體制亦舊雅無考於古六義之指槩乎無稽焉若夫昭明選詩與寄都絕孝

穆新詠兒女情多至如河嶽才調集八種選出唐人

無異女史之誦近代濟南竟陵論同冰炭矣為汝言

詩紀高新寧品彙古近詩稱為善本第諷興之義未

標正變之聲未審爾余間取漢魏六朝及唐人詩與

樂府別為一集四言依三百五篇首韋孟諷諫繼變

雅也五言首古詩十九首為雜詩詠懷感遇古風所

由興七言自柏梁始結虞廷之賡颺啓四愁燕歌行

之夕秀兩晉六代尚踵騷賦餘音至唐穩順聲勢體

製弘焉絕句始漢歌風人之什梁陳以來不乏具體

續修四庫全書總目

卷

集部總集類

有唐稱盛蓋古樂曲體也律詩自俳句始也元嘉以還謝朓運初為俳句梁陳間陰何徐庾為沈宋之淵源乎名五七言近體爰採其下效箴規而上隆慈愛一以中聲為度專詩教也云云是說見於卷首題辭凡詩樂之異同詩體之嬗變詩教之盛衰與夫選旨之大要概可於此說徵之矣是書都十卷卷一為漢四言詩卷二為魏四言詩卷三之五為漢五言詩卷六之八為魏七言詩卷九為漢七言詩卷十為魏七言詩每體之先各著詩序以述此體源流升降是為



大序每詩之後亦著詩序。歷論此詩興賦諷諫。是為小序。更引各家評語。以及校訂備讀者有所考徵。法固至善。惜旨有乖。四庫提要論其樂府廣序。謂樂府之於三百篇。猶所陌之於井田。郡縣之於封建。嘉徵必摹擬刻畫。一一以風雅分配之。牽強支離。固其所矣。云云。於嘉徵多所譏彈。今以此集較之。迨亦有相似者。

附錄傳記參攷材料

續修四庫全書總目

卷

集部總集類

海寧縣志

漢鏡歌釋文箋正一卷 同治壬申虛受堂王氏刻本

劉啓瑞

長沙王先謙撰。先謙別有漢書補註。駢文類纂等。均著錄。事蹟並已詳前。此則所解漢鼓吹鏡歌十八曲也。十八曲者。曰朱鷺。曰思悲翁。曰艾如張。曰上之回。曰擁離。曰戰城南。曰巫山高。曰上陵。曰將進酒。曰君馬黃。曰芳樹。曰有所思。曰雄子班。曰聖人出。曰上邪。曰臨高臺。曰遠如期。曰石留。此十八曲者。詞旨秘奧。歷來箋釋者。咸苦昧茫。往往得一句之奇。欽為瓊寶。

續修四庫全書總目

卷

集部總集類

集義之獲。矜若神會。而於全篇文理。反致不論。其論全篇者。如董若雨之鏡歌發。陳本礼之鏡歌箋。世稱佳本者。然每遇疑難。輒謂聲詞是僂。猶未得稱為善籍。先謙因旁搜遠紹。另為箋釋。各曲之首先冠解題。次於本文。詳為臚註。更於曲後附列釋文箋正二種。釋文者。畧例所謂爰借德明經典之目。引伸吳兢解題之旨是也。箋正者。畧例所謂敬述前聞。各題姓氏。以相甄綜。一義之長。必歸蒐納是也。總其所列。均稱詳確。凡遇一事一物。莫不遠徵已事。引合故訓。切究

旁通冥搜隱合義訓所存折衷精當方之前人迨有過之先謙更於卷首詳論鈇歌源流畧謂十八曲不皆鈇歌蓋樂府存其篇名在漢時已屢增新曲實為後代擬古樂府之祖朱鷺上陵諸篇其確証也宋書既已沿譌仍統名鈇歌以存其舊劉勰文心雕龍謂漢武始立樂府師古不察襲謬以註漢書由此讀鈇歌者以為皆武帝時作是大不然高祖愛巴俞歌舞令樂人習學之嗣是樂府遂有巴俞鼓員矣孝惠二年夏侯寬為樂府令矣讀思悲翁戰南城巫山高三年篇知鈇歌肇於高祖之時讀遠如期一篇知鈇歌行於宣帝之世推原終始皆在西都蓋采詩協律武宣代盛前有作者悉在輶軒踵事所增以時存錄刺上之作不得獻焉則又散之民間傳之易代同題異曲於是乎出佚缺互亂收結多門孰後補前因甲替乙矧若聲音訓詁渺矣莫詳使一代文章閤若幽室史冊斯存稽合時事發矇探賾無使廢墜云云頗能發明鈇歌起源言樂府者當有取於斯矣

附錄傳記參攷材料

清史稿

篤舊集十八卷 咸豐九年刻本

劉啓瑞

閩縣劉存仁選存仁字念義一字炯甫道光己酉舉人咸豐丙辰薦舉孝廉方正官甘肅蘭州知縣著有岷雲樓詩集生平雅好友朋性情真樸每與人交輒出肝膽相示尤喜蒐葺師友佳什以共晤對歷年既久搜羅遂衆官蘭州時朱伯韓為名曰篤舊集慈惠付梓以傳諸世逮權莊浪同知始克刊刻凡十有八卷錄詩五千餘什詩家八十有五人曰陳壽祺薩王衡謝震劉紫嵐陶樸林則徐劉士榮湯儲璠黃釗陳

續修四庫全書總目

卷 集部總集類

沆郭儀霄徐寶善楊季鸞陳偕燦查銀徐夢熊宗稷辰梅曾亮黃爵滋黃文琛潘德興張維屏張翼張肇修溫松雲管同黃培芳王欽霖戴絢孫朱綬姚椿潘諮戴熙符兆綸林仰東溫訓桂超萬董平章端木國瑚崔暘姚燮陳世鎔瑞常溫肇江沈兆霖吳昆田蔣湘南汪暉朱琦陳墉張際亮江開楊維屏魯一同黃紹芳何紹基孔憲森林昌彝葉名澧翁時埤許廣暉蔡壽祺龍啓瑞王錫振王柏心魏源林壽圖蔣超伯何兆瀛端木埰楊傳第謝章铤戴鈞衡尹耕雲楊彝

續修四庫全書總目

卷 集部總集類

珍陳濬孫衣言符葆森許宗衡劉溥仁孫翼謀譚慶文漢光江有蘭何履亨等是也之八十五家者於存仁或為師或為友論其出處或散或聚或遊或歸或溘先朝露遑遑咀絕紛墜雨矣其詩並為當世所稱道蓋此八十五家之中名家居其大半焉其選詩之法一遵元好問中州集例各家立傳以見生平或有逸事可傳佳話可載者尤備錄之以存其人其有與存仁倡和之什更為註明以見友朋倡酬之樂莫如談肝鬲性命觸而為詩尤談之還者云云於此可知其選旨矣符葆森與存仁友存仁既選其詩入集葆森亦選存仁詩入國朝正雅集正雅集錄存仁詩凡六首其中答友人一首云客倦悲吾老詩成見汝豪饑鷹盤大漠哀雁下晴皋天地一何肅江湖惜此遭悲茹淒咽處餘恨滿江濤大氣滂礴純乎天籟陳偕燦評其詩謂閒澹雋永如見性真香山劍南之遺云云推崇可謂甚至今觀存仁此選益足徵其性真矣附錄傳記參攷材料



國朝正雅集

閩縣志

續修四庫全書總目

卷

集部總集類

明詩歸八卷 順治庚寅刻本

劉啓瑞

江寧程如嬰朱衣同選如嬰字晏如衣字子吉江寧府志隱逸傳稱如嬰及衣並明世臣入國朝不仕云云蓋遺民也是書專選有明一代之詩以體為次曰五言古詩曰七言古詩曰五言排律曰七言排律曰五言律詩曰七言律詩曰五言絕句詩曰七言絕句詩都為體八區為八卷其卷二卷六卷八更分為上下二卷錄詩凡五千餘什上起洪武下迄崇禎其所以名詩歸者則襲鍾譚之舊稱也是書選例大要有

續修四庫全書總目

卷

集部總集類

四一是選所收大率多名節忠義之什而風雅次之即如靖節之賦閒情亦必其寓意於規諷者始得列選集中如無題宮詞閨怨所見所思等篇百不存一蓋取刪詩之意二鍾譚詩歸以人為次故不便分體明人向如顧選國雅俞選百家李之十二家曹之十二代諸名選亦各不分體茲則襲鍾譚之舊而分體不同焉三選集本主於簡而此則務求其繁蓋詩有當於心者始存之若詩即未甚當而其人不可不存或其題不可不存或其詩中所及之事所寓之意不

可不存者均備錄之藉寓以人存詩之意四選中評語或重於作詩之人則詳人而畧詩或重於題中人物則詳本題之事而略作者或就詩中一意或詩外之意引伸觸類曲暢旁通則詩與人又並畧之均各因人而述發抒所見而不拘泥焉之此四端並其書之大要焉然總括全書論其選旨乃別有在有序謂始於明終於明者明之其人存也始前明不終於明者亦明之其詩存也語兼抑揚乃有所指如卷一有黃傳祖毛晉卷二有陳子龍吳偉業卷五有陳維崧

續修四庫全書

卷 集部總集類

宋宛邢昉李雯以及龔鼎尊錢謙益等均存甄錄之列並於每體之後自附如嬰及衣二家之詩意者其書選旨既主表忠故錄子龍等人復貶貳臣故錄謙益諸家又附以自作者則更明遺才之微忱焉

附錄傳記參攷材料

江寧府志

名家詩永十六卷 康熙戊辰刻本

劉啓瑞

至德王爾綱選爾綱字紹李清初廩生幼聰慧能文及長博通群籍善詩文沉鬱頓挫入古當時海內名流爭引重之平生撰輯有經史子集四部稿凡二十八種詳載卷首附目內有已刻者唐二周先生紀畧等五種見存者僅砌玉軒殘藁詩永初集已耳詩永選旨意主表微潛幽凡明末清初高人逸士名公鉅卿與夫方外偉才閨中慧質並附外國作者一經徵選合格之詩悉付剞劂力求表章即本集凡例所謂

續修四庫全書

卷 集部總集類

欲傳傳者以傳不傳者是也其卷一至卷十四均當時朝野名家之詩卷十五為香奩分閨淑難女才妓三目卷十六為方外分禪林羽士星士女冠四目都九百九十有三人又再見者十有三人合為十有六卷其詩雖未顯明分體然皆不論年月遠近由古體而近體由五言而七言所有古今樂府五七排律四言六言迴文聯句集古集唐各體俱備尤貴者選詩先選題其詩與題有關忠孝節烈者有關名教綱常國計民生者有關裨官野乘者採錄無遺至風月閒

詠壽輓朕詞則屏之不錄所錄小者亦有闕掌故之作也詩人姓名下注字號及某省縣人目錄則另詳其府州其詩通卷有圈點評註徵引翔實議論博大足資後人考証其自作詩弟爾緯從王默公之議強出其砌玉軒詩附十四卷末然亦僅錄二十餘首足徵爾綱謙讓未遑之意而原列目錄亦無其名尤隱示非爾綱本意更可傳其謙德於後世矣初集刻於康熙戊辰旋遭兵燹傳本甚稀聞僅至德徐氏及故宮圖書館有藏本此則至德周氏據徐氏藏本影印

者又道光光緒安徽通志皆未著錄此書本縣志則稱其以表微自任今觀所錄諸詩有為某集未刻者有某集已不傳或傳而已殘缺者悉賴此存略如卷二黃道周據得據不得三律耿耿孤忠關係一代之史事為詩源及黃文忠漳浦全集所無其一例也其餘類此者不勝枚舉又洪即濬評註爾綱詩謂十年之間留心一代風雅鬻負郭田以梓斯集並刻唐二周先生紀畧以全表章先哲之心云云其毅力尤足佩已

附錄傳記參攷材料

至德縣志



玉堂試帖振米集六卷 道光癸卯刻本 劉啓瑞

吳縣潘曾瑩選曾瑩字星齋道光辛丑進士累仕至吏部侍郎星齋為相國芝軒仲子與兄春泉及弟黻庭並擅詩名春泉取逕幽而寄託遠黻庭用筆俊而吐屬新星齋之詩則婉而多風麗而有則當時稱為吳中三傑而星齋為之冠星齋既入翰苑才華茂甚一時俊彥多習其詩以為楷法嚴肆書坊因乞其選近代試帖為一集以傳諸南北先是芝軒相國有芸館試律之刻哀輯國朝試帖之詩凡屬名作皆在蒐

續修四庫全書

卷

集部總集類

列一時多士群尊為枕中之秘惜其鮮睹遂未續選逮星齋選此集時因以清真雅正為訓星齋遂秉斯旨選近科名作編為六卷每卷各著其科分以及作者如卷一為壬辰科作者為吳鍾駿朱鳳標李芝昌趙德濟姚福增覃懋謙瑞常張星燦花沙納汪振基潘鐸嚴良訓王朝耕戴熙駱秉章勞崇光羅傳球許乃安蔡錦泉周銘思李湘棠郭柏蔭鍾保夏廷楨吳珩陳慶鏞陸應穀李星沅趙長齡等卷二為癸巳科作者為汪鳴柏蔣元溥李思慶焦友麟王芳何元杰

鄧爾恆汪元方福濟葉觀儀史佩瑤花燕春黃贊湯

王清選蔡宗茂胡正仁黎光曙劉潯陳文翥徐耀董作梅譚廷襄夏廷槩博迪蘇喬邦憲黃廷瑞溫予翼何家駒劉用賓等是也每家選詩或一二首或三四首不等均選其佳者而後錄每詩之首均先解題詩什之後更註引典如吳鍾駿舉筆不忘規詩解云朱子名臣言行錄歐陽文忠公在翰林仁宗一日見御閣春帖子讀而愛之問左右曰歐陽修之詞也乃悉閱諸帖見其篇篇有意歎曰舉筆不忘規諫真侍從

續修四庫全書

卷

集部總集類

之臣也是也其註引典也亦如是如注舉筆不忘規詩直將投匭意句云唐書百官志武后垂拱二年魚保宗上書請置匭以受四方之書乃置銅軌四塗以方色列於朝堂建中二年投匭者使光驗副本開成三年李中敏奏罷驗副封云云均詳考出處備著源流使覽者了然於胸毫無渾渥蓋星齋不僅選試帖詩且註詩矣

附錄傳記參攷材料

國朝正雅集

同治重修蘇州府志

續修四庫全書總目

卷

集部總集類

遼逸清音集四卷 活字本

劉啟瑞

鎮江巴哩克延清選延清巴哩克字子澄號鐵君蒙古鑲白旗人京口駐防籍同治庚午并補丁卯科優貢癸酉舉人甲戌進士官工部主事由郎中轉翰林院侍讀充經筵講官國史館纂修工詩所作不下數千首掉鞅詞壇垂五十年辛亥鼎革後賦閣筆詩云官情久冷義熙年老去詞臣法晉賢多事我嫌彭澤令奈何甲子借詩篇遂不復作因自號閣筆老人遺逸清音集者為其所輯同時八旗名家詩集都為四

續修四庫全書總目

卷

集部總集類

卷第一卷恭王溥偉肅王善耆等二十七人詩二百三十五首第二卷文焯嵩麟等二十四人詩二百二十五首第三卷趙爾巽等二十八人詩三百五首第四卷劉尚倫等三十一人詩三百四十七首共一百十家詩一千一百十有二首而以自作附焉其詩大都皆沉鍊典雅而苦少性靈清所自為詩亦稱是蓋其好尚如斯也所選以三六橋都護多詩為多其山海關七律馬蹄翠蹴秋山響鴉背紅拖夕照飛一曲兩朝徵信史九邊千載困戎衣大連灣五律之春從

牆外望朝在枕邊聽諸聯談鐵隍國桓題忠泉十二  
字之我到岳王墳痛飲忠泉水天命不可知臣心有  
如此一絕最為名句他則其弟子思華晚郊即事之  
暮雲江上樹殘雨渡頭煙及定鎮平成和延子澄學  
士同年三十六天詩韻之古調重翻長慶集新詞誰  
唱太平年亦溫婉有致肅王善耆和毓將軍遣感詩  
韻之多少興亡恨長歌對酒時乃公無所用豎子爾  
何知與後此渡遼詩之立馬看烽火中原落照紅橫  
刀成一笑長揖返遼東實相伯仲惜渡遼一詩晚出

續修四庫全書

卷

集部總集類

未得入選是集選輯之初本擬徵有清一代八旗之  
詩續鐵梅庵熙朝雅頌後以年近古稀恐不得卒業  
乃先收時人之作為此一帙先付梓焉

附錄傳記參攷材料

本書卷四延清詩

停帆書屋存稿一卷 乾隆戊子刻本 劉啟瑞

大興潘榮陞輯榮陞別有且止軒詩文鈔已著錄此  
則所輯其祖潘楚吟停帆書屋題詠之作也潘氏先  
世世居浙郡烏程之純孝里其五世祖有名襄古者  
自烏程始遷於歙建其高祖仰衷更徙揚州其祖楚  
吟好壯遊旋徙家於京師此停帆書屋者則其祖楚  
吟燕居讀書處也楚吟志高尚性愛客樓連小築戶  
外屢常滿其居邇水也臨流有軒曰春水船地多桐  
構屋曰桐齋沿湖葺小屋曰可舫與二三名士遊息

續修四庫全書

卷

集部總集類

其中昕夕聯吟絃歌觴酌文藝為一時之盛逮康熙  
甲辰北遊都門見城南金魚池流泉潑潑葭蒼蒼  
謂髣髴故鄉風景爰結廬焉曰蘆屋屋之外有亭曰  
半艸復緣地構岸舫曰停帆停帆書屋之名自此始  
其所以名停帆者清苑陳僊停帆說謂潘子楚吟構  
旅舍於長安有類乎舫取義於帆止而不流有類乎  
停因題其居曰停帆是也楚吟既以停帆名書屋又  
工詩善文不樂仕進日惟與諸名士相唱酬一時名  
公鉅卿通館停騁者比比是以此贈言題詠殆盈千



軸楚吟既歿越四十年孫榮陸始為收錄成集存精  
取華凡得一卷言其文見有陳僖張琴之停帆說言  
其詩有朱彝尊尤侗陳廷相宮偉鏐張琴李名世范  
酤政張昭等之停帆詩均言其潛德弗曜隱居人海  
如尤侗詩云二十四橋行樂處掛帆忽向天涯去騎  
驢踏遍薊門秋擊筑聽殘燕市雨長安車騎紛無數  
小戶閒居得佳趣看來水馬與檣鳥便欲停帆停不  
住云云可以知之其餘諸詩亦率類是蓋世人之情  
恆樂仕進不樂隱退而楚吟乃於京師人海中構屋

隱居為人所不願為宜乎當時名士稱道弗衰也

附錄傳記參攷材料

順天府志

公歸集四卷 鈔本

劉啟瑞

嘉定陳紹馨輯紹馨字衣聞邑諸生工詩文不樂仕  
進遂絕意於舉子業但教讀於鄉里而已此公歸集  
者則紹馨所輯當湖陸隴其罷嘉定令時邑民之謳  
歌也按陸氏本傳稱隴其為康熙九年進士十四年  
授江南嘉定知縣十五年二月巡撫慕天顏請行州  
縣煩簡更調之法因言嘉定及崑山丹陽金壇等縣  
政務甚煩賦多逋欠如隴其之操守稱絕一塵才幹  
實非肆應若調補稍簡之縣必勵其素守惠愛百姓

疏下部議謂煩簡更調非例既無肆應之才應照才  
力不及例降三級調用愈縣民有被盜殺而其親屬  
以讐殺訴隴其詳報是讐是盜候緝獲後擬既而獲  
盜鞠實論如律總督阿席熙入奏部議隴其初報不  
直指為盜應照諱盜例革職隴其遂罷歸云云是隴  
其罷職緣於諱盜事出冤抑宜於邑民之謳歌而隴  
其平日為政清廉尤得邑民之去思錢朝鼎序此集  
稱隴其善政治嘉定素號難治自隴其蒞任後一意  
推誠率物濟之以愷悌慈祥訟之上幾於彈琴而治

下車之初狐鼠為之屏息豺虎為之斂形魑魅為之殄滅公實未嘗動聲色也期月之間頑廉懦立利興害除四境之內如登春臺如享太牢龔黃不能擅美於前中牟武城亦將同其時化此不特一隅得私其美即江左列郡尤交口頌嘉績不<sub>置</sub>云云於此可知隴其善政實惠在民既罷斯任民咸思之或歌或詠或詞或曲或問或述或序或跋均言其治績之美感人之深隴其既去紹馨因為菟茸凡得序文六首記述四首客問一首隴邑諸紳士謳歌詩一百九首

續修四庫全書

卷

集部總集類

本邑諸紳士謳歌詩三百五十六首思公曲一首詞三首跋三首附徵詩文啟並壽序各一首合為四卷而以公歸名諸集公歸者言陸公之罷任而歸也

附錄傳記參攷材料

嘉定縣志

國朝詩選十四卷 乾隆十四年刻本

劉啟瑞

楚攸彭廷梅選廷梅別有據經樓詩選已著錄事蹟並已詳前此則所選順治康熙雍正三朝詩也時選國朝詩者至多或以博稱或以精勝逮沈歸愚國朝詩別裁集出始無此二者然前乎沈氏而無斯二者則推是集是集凡十有四卷以體為次計卷一之二為五言律詩卷三之四為七言律詩卷五之六為五言古詩卷七之八為七言古詩卷九之十為五言絕

續修四庫全書

卷

集部總集類

句卷十一之十二為七言絕句卷十三為五言排律卷十四為七言排律都為體八每體各錄詩二百餘首詩家各數十人或百餘人不等其例先列諸王例言所謂以朱邱冠首者尊天潢也次列諸家凡前明諸臣毋論其或仕或隱者均為載入但科目行輩則不為之次第而以得詩之先後為序其選詩亦以冲澹元穆者為則如有稍涉矜才使氣者即不采入若詩家佳什有已經編次復為重出者則以其所見佳什先後不一苟不重出懼有遺漏如杜茶村詩至於



一見再見三見是也。案廷梅選此書時，為乾隆十有四年。時禁綱疏濶文字之獄，猶未酷烈，故廷梅所選尚得以錢謙益、龔鼎孳、周亮工等欄入。乃十年以後，歸愚進別裁集時，即遭顯斥，何有幸有不幸者如此。是集卷首例言有云：茲集鼓吹休明，皆盛世元音，其咏人逸客，有生於前明，目擊兵燹間有一二紀事之句，寫其境遇，究竟並無刺諷，以此刪去，未免可惜。乾隆二年欣逢聖旨，凡發人詩中陰私無叛逆實蹟者，罪坐而作者選者均得邀免咎戾云云。蓋廷梅已見及此，特引聖旨，以免讎家之咎。然甫梓行，即遭刊剗，如卷五陳志襄下有二家詩，即行刊去。於目中書失名於卷中，創其詩即其一例，乃竟不免仍遭禁錮，今世傳本猶罕見也。

續修四庫全書

卷

集部總集類

附錄傳記參考材料

湖南通志

百一草堂集唐初刻二卷二刻二卷三刻二卷 乾隆  
戊寅顧氏刻本 劉啓瑞

錢唐柴才輯才字次山號卯村康熙時諸生工詩文撰述極富會中年有所感遂盡棄去不自收拾日以集句為娛最工集唐所集詩迨母慮數千首舉凡舒情適性之作唱和投贈之篇一以集句成之如集柳宗元李洞李商隱白居易杜甫吳融來鵬司馬禮句為病中苦雨詩云密雨斜侵薜荔牆身閒未免藥中忙秋霖腹疾俱難遣壯盡衰來亦自常庾信生平最

續修四庫全書

卷

集部總集類

蕭瑟隋隄風物已淒涼不堪吟罷東回首何處漁歌似故鄉以他人之詩為自己之作驅遣一如己出渾然天成可徵其得心應手之妙又嘗集唐詩為詩餘如集袁暉李成用李羣玉韋莊李叔卿句為碧窗夢調云遠砌梅堪折臨池鶴對閒春初携酒此花間正是去年今日月如弦詩餘用唐句集者前人多不數觀而次山乃能運用自如無裂積痕尤為難能而可貴者昔東坡追和陶詩使神似淵明後又集歸去來辭為詩十首亦復如東坡自作世咸服其神妙乃次



山所集唐詩亦如之陳榮杰序此集稱其所集諸詩均營構天成宛如自作起伏則狀如岡嶺屈注則勢若江河卷舒則又不啻波委雲屬驅策三唐如出一手聚腋成裘釀花作蜜天下有霸心慧性如此者乎云云所評蓋非虛語惜其生平所集存者蓋寡此集所錄十不逮一僅得初刻二刻三刻各二卷而已每集各自起訖以詩體為次曰五言古曰七言古曰五言排律曰七言排律曰五言律曰七言律曰五言絕曰七言絕更以所集詩餘附諸後焉案集句之始要

續修四庫全書

卷

集部總集類

以傳長虞集七經成語為此道之祖其後石曼卿王半山踵而行之沿宋迄明代有集者然以之而為專集者甚罕大率附別集以行而次山乃創為專集開集句單行之始是固次山之好事要亦其集句有可傳者

附錄傳記參攷材料

杭郡詩輯初編卷十四

可作集八卷 道光二十八年上海王氏刻本

劉啟瑞

上海王慶勳輯慶勳字叔彝嘉慶季年貢生累赴省試不售遂棄舉子業壹意以著述為職志少時嘗以舉業就正於邑人李學璜學璜江南宿儒也答慶勳書謂足下秉資亮特作文頗有興會較諸詩筆尤為警拔是科名中人毋徒以詩人自畫慶勳感其意因銳志功名萃心帖括既年三十猶未一獲鄉試適學璜沒慶勳益悲不自勝既棄舉業因選平生友朋之

續修四庫全書

卷

集部總集類

詩都為一集名曰可作集而以學璜詩冠諸首並自述其緣起如是是集凡八卷錄詩千餘什詩家四十有六人曰李學璜鍾曾洽沈恂蔣寶齡楊桂馨計渤周樽元火藻蘇士榮王城錢元章張敦訓程南張心言蔣文炎許桐瞿金弟劉熙程應星凌昌喬重禧李鍾璜金樹淵蔣寶印黃增淦曹慰曾朱岳徐邦基蘇士棠程達庚楊炳金樹濤鍾曾淇曹樹奎曹榮孫或文蘇元奎許春張益榮黃志澄吳淮蘇元烈范嘉璧甘堯鍾曹鐸劉清淳等其人並為慶勳生平知契而

又能詩者論其地域大率為江南之士而尤以吳縣  
長洲崑山常熟無錫金匱上海華亭青浦嘉定諸邑  
為眾其編次則以已往之人為限其現存者不錄若  
生前未經謀面而遺稿流傳得之掇拾者或故人子  
弟出示先集以備采擇者均不闕入以免攀附之誚  
而要以手錄者為斷若師友中有名位煊赫梨棗風  
行已有專集行世者亦不闕入以避結納之風若覽  
牘繩樞之士其詩既鮮時虞湮沒者雖吉光片羽亦  
復備載以彰其人凡此皆其書編次之大畧也至每

人詩首並仿元遺山中州集例各系小傳以存其人  
其例言所謂作者姓氏里居性情行誼各紀始末但  
祇就所知而言其有名公評論附志一二以徵其人  
之謂也總之是集之編乃仿漁洋感舊之例特交游  
不廣錄詩遂鮮所錄之人又大都無名位者而其詩  
又不著於當世方之漁洋感舊之集實有未逮焉然  
其表微闡幽之功是亦有可稱述者

附錄傳記參考材料

上海縣志



建溪集前編四卷後編二卷 道光癸巳九霽山房刻

本

劉啟瑞

金華戴聰輯聰有春塘集已著錄事蹟並已詳前此則所輯戴氏歷代之文獻也戴氏自唐咸通間始居馬劍將及千年代有聞人載在史乘及譜牒者不可勝數顧以地當諸暨富陽桐廬之交屢遭兵燹文獻散佚存者蓋寡考文徵獻世每難之聰因根據明世天順間宗譜所載旁採元明詩文集及國朝詩文分為前後二編前編皆名賢贈答詩文而戴氏所作亦

續修四庫全書總目

卷

集部總集類

間採入後編則凡有關於其鄉之山川風土故蹟及戴氏之掌故可考者皆採焉以其所居之地名建溪遂以建溪名其集昔浦陽義門鄭氏哀集其先世朝紳鄉彥所贈詩文為麟溪集深溪王氏仿之為深溪集迄今六七百年其先世之名德懿行昭著在人耳目久而不湮者賴麟溪集以存聰選是集乃師其意以此集中編次之例亦多仿之言其大較可得五端一麟溪集詩文皆分體類編但同一題而體不同因而分列者則未免散而難稽今則以人為斷一人

續修四庫全書總目

卷

集部總集類

而有數題者則又以題為斷但分詩文不復分體如九霽山房圖有詩有文詩則有古有律皆彙附是題之後文則有賦有記亦彙是題之後其天機流動軒及九霽山房集及贈答詩文皆以類相從以便披覽餘可類推二麟溪集傳文墓志祭文壽文無不登載此則畧有異趣凡戴氏傳誌已載譜牒者概不重刊至壽文祭文則擇其尤雅者偶載一二餘皆從刪三戴氏每公叙明世系字號封爵止載首題之後餘不重出四前編既以人為斷以題為斷而一題之內則先古體後律體後絕句仍以五七言為次其後編詩文則分體類編以符體例五前編以戴氏之世系為先後以作者詩文分隸之後編既分體則不能復遵其世系然一體之中仍以世系為先後凡此皆其大畧也案一家一姓之文獻每足以裨史乘徵世澤昔人多有蒐之而為專集者然聖人有言君子之澤五五而斬而世俗子姓多有不及五世者蓋世澤之永傳也甚難今觀戴氏此集其世澤乃歷唐宋元明而不衰謂非有巨人長德存乎其間曷克臻此覽斯集



者但頌其盛可也

附錄傳記參攷材料

金華府志

續修四庫全書總目

卷

集部總集類

南宋二家小詩集二卷

劉啟瑞

長白文昭選昭字子晉別號薌嬰居士一曰紫幢軒  
主鎮國公百綬子工詩有古韻集松風塵餘集飛騰  
集知田集松風支集東屯集整吟在告集交春集古  
瓶續集龍鍾集臺溪集石玉集盤山紀遊草畫屏齋  
榮槐次吟艾集檜樓草行世清華文采跌宕詞壇一  
時咸推重之其詩格澹遠絕似米顗潑墨山水康雍  
朝太平和吉之音也鐵梅庵保熙朝雅頌集收其古  
近體詩至四十六首古詩似元道山近體全學南宋

續修四庫全書總目

卷

集部總集類

如晚行羊房道中斷句云瘦馬馱殘夢驚看去路長  
遠煙低似水小雪淡於霜夜雨即事斷句云小雨不  
成凍沉沉夜向闌圍爐數殘漏把酒說新寒均極親  
切有味蓋自明七子上溯宋唐者時新城王氏神韵  
一派方盛行昭詩似亦曾受其激盪者此南宋二家  
小詩集者則其所輯范石湖楊誠齋詩也石湖詩最  
工描摹田園蔬笋情事誠齋復以纖麗名是集於二  
者皆不取專收澹雅真切一路殆平生學詩得力處  
遂疏以為家塾讀本或寫供披覽者故前後并敘例

跋尾而無之。以集中石湖遊寧國奉聖寺之不惜寒  
裳呼小渡。夜來春漲失浮橋。誠齋庚子正月五日過  
大皋渡之渡船滿板霜如雪。印我青鞋第一痕。與昭  
詩相較。可思過半矣。集凡二卷。介為上下二冊。上冊  
為石湖下冊為誠齋錄詩近四百首。

附錄傳記參攷材料

鐵保輯熙朝雅頌集

續修四庫全書總目

卷

集部總集類

江北七子詩選七卷 康熙癸卯刻本 劉啟瑞

漢陽李以篤選。以篤字雲田。才高淪落。好遊狹邪。龔  
鼎孳為賦老蕩子行。世咸傳為韻事。此則以篤所選  
同時七家詩也。七家者。彭爾述。子錢。趙進美。韋退宋  
琬。玉叔。周體觀。伯衡。中涵。光。子孟。邵煥。元。凌。玉。趙賓  
珠。履等是。此七家者。以其並為江以北人。故以江北  
七子詩選名其集。集中各家選詩。每家各數十首不  
等。均按其專集之後。先為之排比。其次第。家自為卷。  
卷各起訖。間附品評。亦頗精當。其所以選是集者。自

續修四庫全書總目

卷

集部總集類

序謂近代說詩者。率以王李鍾譚為戎首。夫王李承  
北地信陽之後。一以氣格為主。一時如京山李氏。興  
國吳氏。踵事增華。盡態極研。其弊也。縛續而無風骨。  
公安袁氏起而乘之。獨尚清迴。鍾譚揚其波而逐其  
流。其弊也。佻巧而無聲韻。夫數君子又皆吾楚人。於  
是海內率以楚為口實。余思有以正之。則要之不離  
乎唐者近是。唐則雅。後則俗。唐則厚。後則薄。唐則渾  
後則露。唐則深靜而有體。後則焦殺而失度。故王李  
者。學初盛而過者也。鍾譚者。學中晚而過者也。余數

年來往往與海內名流上下其論頗不以余言為謬方苦倡率無人信從不力而七先生者起中州則禹峯彭公錦帆趙公山左則韞退趙公玉叔宋公北畿則雪嵐邵公伯衡周公鳧盟申公之七公者既以淵才博識掉鞅詞苑其於聲律之言皆原本性情沈酣風頌故能力挽頽風還諸正始今取其集而讀之即奇正濃淡言各有殊而聲調格力一程往度上者武德景隆下亦不失開元大曆間語溯諸李唐諸家有累黍之差否耶於以息兩家之異同正羣言之淆亂

續修四庫全書總目

卷

集部總集類

將使王李鍾譚異趨而同歸蔚然鳴我清一代之盛者舍七先生其誰與歸云云於以知其選旨上宗唐世初盛下法明人七子七子之後世幾無詩程封伯序是集述以篤之言謂七子之後世無詩者迨六十餘年可以知以篤之意乃欲藉此七子以續前明七子一矯世人譏七子之非庶不知明人前後七子之弊無可諱言而此七子之詩又是否與明人前後七子相同世人已有定論而以篤乃矯枉而過正毋亦慎歟

附錄傳記參攷材料

漢陽府志

續修四庫全書總目

卷

集部總集類



國朝詩萃初集十卷二集十三卷 嘉慶甲子刻本

劉啓瑞

懷寧潘瑛選瑛字蘭如別號十四洞天山人乾隆時貢生素工詩嘗奉教於桐城姚姬傳得其衣鉢所著有晉希堂集時人多稱為逸情適性康伯山詩話亦稱其歌行之妙蒼堅渾灝具有昌黎昌谷之長而近體亦日鍛月鍊得未曾有時人群推伯山為知言是集則蘭如所選者先是乾隆庚午辛未間沈文懸歸愚予告還吳采百餘年間名家之作以續陳維崧之

續修四庫全書

卷 集部總集類

篋行集名曰國朝詩別裁集然以首錄錢謙益諸詩為高宗所斥重命儒臣為之損益由是名家大家之詩燦然具備然其時名公鉅卿布衣耆舊散在朝野者皆未收錄逮蘭如選此集時已越四十餘年蘭如深懼散而莫稽遂復更為補綴凡得詩家百餘人錄詩近千首合為初集十卷二集十三卷名曰國朝詩萃其所以分為二集者以沈氏所錄悉為已往之賢茲則兼採時人不得不另為區別以已往者入初集見在者入二集焉綜其所選例蓋遵之沈氏而畧有

異同言其要者可得四端一曰選詩以得乎風雅之

正者為主必義取法戒詞尚真醇足以勵風俗而感

人心者始錄之不以一人之趨向以衡量天下之詩

什二曰詩評以重公論以詩之為教言近而旨遠倘

閱者嗜好不同即難於阿好偏倚茲則蒐采眾說期

得確評三曰小傳以存詩人凡詩人名下悉載表字

省分郡邑與夫科目官階並採錄詩話志傳綴以評

論或詳或畧俾得誦詩知人之旨四曰分類以別儒

詩凡閨秀方外之作悉另為類別附諸兩集之末以

續修四庫全書

卷 集部總集類

合於各家之選例凡此皆其書之大畧也至於卷中編次科目行輩先後錯雜不若沈氏別裁有條不紊則以此集梓時隨到隨刊科目行輩不及考校例有不同非創異也案順治康熙以來選昭代詩為總集者迨母慮數十家沈氏別裁要為其間之善籍自是厥後續沈氏者亦母慮十數家蘭如此選要亦為其間之佳本惜其所選例不盡與沈同未免為美中不足耳

附錄傳記參攷材料

懷寧縣志

國朝正雅集

續修四庫全書總目

卷

集部總集類

方外詩選八卷 光緒三年自訂稿本 劉啓瑞

蜀僧含微編含微字雪堂一字懶懶頭陀俗姓支父傳新母氏甘均成都新繁人出家龍藏寺師雲塢老人老人善詩含微遂蒙其教化於詩學至遠卷首有序有云雲塢老人手書諸名僧詩教余雖誦以當課程誠曰儒家詩教陶淑性情與佛門禪悅相表裏汝等小子不可不學於是平昔得努力為之數十年中消磨日月而吟哦不輟觀覽頗多云云於此知其致力甚深而得於師者為多是集專選歷朝僧人之詩

續修四庫全書總目

卷

集部總集類

起自唐世迄於昭代凡得詩三千五百五十有二首詩家五百八十有八人合為八卷卷一之三為唐卷四為宋元卷五為明卷六之七為國朝卷八則為含微自作其自作所以附後者有序所謂甘為續貂附驥者也其詩以唐世寒山拾得冠諸首以前此僧詩率多偈語非若後世之詩韻律俱工故自寒山拾得為始其餘諸家則以時代之先後存詩之多寡為次並各為小傳以存其人法至善也惟是方外之詩前人未有選為專集者良以僧人之作多近梵偈梵偈

之句似歌似謠似吟似咏與詩不同若言其妙則超  
出於漢魏六朝唐宋元明諸大家之外若言其弊則  
不合於詩體故前人選總集者率多另為一類藉以  
別於儒詩而所選者又以近乎儒詩者為斷即符葆  
森國朝正雅集例所謂釋子之詩於少明風雅者畧  
登一二於能讀儒書悉詩學源流者倍錄之是也今  
含微以僧人之目選僧人之詩於凡不近儒詩者悉  
錄之母論其似歌似謠似吟似咏俱不為之抉擇是  
則此集之選精與否從可知矣

如蘭集二十卷 乾隆庚辰綿上董氏半壁山房刻本

劉啓瑞

介休董崇輯崇字也愚號惟園官涿州知州著有半  
壁山房詩集山右詩存稱也愚肆力風雅與梁秋谷  
王田夫任西郊結社唱酬號縣上四山人初仕宿州  
後補涿州所至與賢士大夫交游遇名流傾心延接  
書選刻海內知交數百家詩曰如蘭集亦漁洋感舊  
之意云云如蘭集者即是本也部二十卷錄詩五千  
餘什詩家一百六十有五人自序所謂家居時及歸

田後遊覽四方相與諸君子之詩取而次第譜之者  
也其書編次大要有六一是集編次前三卷並係故  
人遺稿四卷而下或名爵相亞或年齒相次或以時  
相接或以地相比於交游前後之中畧叙長少之次  
至方外道流統列卷末以免雜廁二諸家原詩分體  
編年各不相侔茲集編次概係分體取其劃一以便  
觀覽三集中諸詩或曾經巨公名流品題者採錄其  
語附注姓氏下以徵公好而不自為月旦至生平著  
述及藝術所長者亦從附入以便考徵四集中諸人



於交誼尤深者具於姓氏下畧序梗概解迨之投不復再述至爵里字號科分間有遺忘者亦不復為之更載姑從闕畧五集中錄詩俱係數十年中各家投贈及一時倡和諸什或偶寄數篇者即便登錄非謂所選諸詩即足概作者生平也或時月遷延表帙散佚或生平不以詩名僅存一二雖非傑構亦並登之以存其人六當代名卿巨公或為生平知己者固不乏人然須擇其有文字素交者而後錄否則不敢妄登凡此皆其選輯是書之大畧也至其選旨見於自

序畧為朋友為五倫之一而言結納者率聽之一時聚散之常其聚也若膠漆而其散也若雲烟越時地雖面之不復識舉姓氏不復記住往而是抑何與性命之不相屬也夫友之等有三而其歸則一年相若者我友之其外則為忘年之交年我大則從人忘我年大我則從我忘人古所謂老友小友者是也今是集之釐即以是書爵里及所撰著而不敢為月旦評其得之諸人之緒論者則分疏其下會有繼則續之昔陶靖節詩云門多素心人樂與數晨夕今予所遇

素心人有之矣而數晨夕者幾何其不能使膠漆之不雲烟勢也為排比而臚列之九原之下千里而外每一展卷不啻鬚眉鬱郁而聲款於我前者集如蘭將以使雲烟而膠漆之也亦庶乎盡倫之一端也云云綜其所言蓋師漁洋感舊之意其例亦復相同特所錄詩家時代不同此為乾隆時人耳

附錄傳記參攷材料

介休縣志

國朝正雅集

山石詩存

閩詩選鈔小傳不分卷 鈔本

劉啓瑞

不著選人名氏卷首亦無敘例無以考知為何人所輯第以時徵之或為鄭杰全閩詩錄之別稿歟按杰字昌英號人杰候官人為嘉慶時名諸生以詩文鳴鄉里家富藏書自弱冠為諸生時即潛心稽古不汲汲以科名為務嘗刻爾雅鄭注說文字原隸書正謬等書皆有碑於學者時各省賢達多務以表彰鄉獻為職志文徵詩徵之刻遍於大江南北而閩人之詩獨付闕如人杰因為旁搜遠紹上自有唐迄於清世

續修四庫全書總目

卷

集部總集類

為全閩詩錄若干卷錄詩家若干人願以卷帙浩繁難於付刻僅以國朝一世錢梓名曰國朝全閩詩錄凡得初集二十有一卷錄詩家一百五十有二人又續編十有一卷錄詩家三百八十有一人第所錄者僅順治至乾隆數朝蓋不敵原稿什一八杰既歿原稿散失其自唐迄明之稿輾轉歸於鄉人郭兼秋乃兼秋獨取有明一代之詩為之付梓兼秋熟於閩中掌故於原稿多所訂正成柳湄詩傳散附於各姓名爵里之下其書亦改名明詩傳至八杰原名亦為刪

續修四庫全書總目

卷

集部總集類

乙僅於敘中略述原委而已嗣原稿又輾轉入謝枚如家枚如歿後歸武昌柯其庵舉而還之閩人閩人陳衍為之補輯更名曰補訂閩詩錄蓋人杰之稿至是始獲悉傳諸世然全稿雖傳名已再易且所梓者僅自唐迄明之稿其有清世詩家之稿尚復多所敘漏此閩詩選鈔小傳者頗疑為全閩詩錄清代之補稿稿中所錄凡得八人曰伊秉綬曰郭可敬曰林崑瓊曰陳奇銑曰林雨化曰祝天霖曰許懿善曰張熙廣錄詩都九十有一首計伊秉綬錄二十有七首郭可敬錄詩二首林崑瓊錄詩八首陳奇銑錄詩四首林雨化錄詩十首祝天霖錄詩三十有三首許懿善錄詩五首張熙廣錄詩二首雖所錄未多而八家精華已在於是矣考伊秉綬為乾隆己酉進士郭可敬為乾隆乙酉舉人林崑瓊為乾隆乙酉舉人陳奇銑為乾隆戊子舉人林雨化為乾隆辛卯舉人張熙廣為乾隆辛卯舉人並皆為乾隆嘉慶詩家大半與人杰編選全閩詩錄之時其人或已歿或生存歿者固已入錄生者猶尚有待故國朝全閩詩錄中詩家有

與此相複者有未錄者即此一証其所未錄者則留  
以有待或作懷舊之篇或作心儀之集不幸歿世稿  
又散失輾轉流傳終未付梓又不幸稿無題識並全  
詩閩錄之跡亦不可徵此雖略攷一二足與不是猶  
難信也

附錄傳記參攷材料

侯官縣志

陳衍補訂閩詩錄序

續修四庫全書總目

卷

集部總集類

昭代詩存十四卷 康熙十九年刻本 劉啓瑞

錦州席居中選居中字允升一字書樵事跡無徵檢  
盛京通志錦州府志均無其傳僅陳其年維莊篋行  
集有其詩二首一為訪黃仙裳於華藏庵詩詩云訪  
幽東郭外漸次入煙昏細雨竹籬路新秋松葉門時  
能成促坐隨復到清樽自愛過逢處禪樓隔世誼二  
為贈朱長孺詩詩云高隱從知吾道尊一生自許老  
邱樊由來歲月為耽學如此乾坤合閉門蹤跡久同  
綺里李詩篇絕愛浣花村迢迢道里雙魚香長向江

續修四庫全書總目

卷

集部總集類

千損夢魂詩首並冠以小傳第祇於名字之下注云  
奉天錦州人而不著其事迹遂致無可詳攷今據其  
例言所述有謂徵啓既出四方皆有鴻編郵致其為  
同志借手甚勤見惠孔多者則黃子仙裳顧子茂倫  
金子孝章許子竹隱紀子伯紫孫子豹人賀子天士  
宗子定九孫子無言諸公尤有厚力焉云云案此諸  
子皆為當時名家居中既與之往來則居中亦為名  
家可知第不諗通志府志何以無傳也柳居中後復  
改名不及檢獲歟是書專選國初名家之詩凡五百



餘家錄詩三千有奇，分為十四卷，卷各若而人，人各若而篇，或取其大而遺其細，或擷其精而棄其粕，大要以得乎風雅之道，合乎六義之旨者始采，外此者不與，是亦猶歸愚選國朝詩重別裁之意也。所錄詩家，大半為當時詩學，其間如董以寧、曹爾堪、郝浴、魏裔介、葉榮、張陞、柯崇樸、柯弘本、柯維楨、吳綺、王士禛、佟國鼎、何金鑲、楊端本、李潛、張元標、許煥、董官治、陳玉琪、杜濬、徐乾學、富鴻基、王廣心、勞之辨、鄧漢儀、張英、戴逌、孝孫、廷詮、朱裴、梁清遠、杜濬、蔡方炳、顏光猷、丁德明、王巖、王洛等，或已有專集行世，或已有鴻篇流傳，斯皆卓卓可稱者，豈僅闡發潛幽而已。抑且將為國初詩家之總龜焉。至於選例，尤見謹嚴，一不濫采例言，所謂其人可傳，其事可傳，其人之篇可傳，方登入集，他如問勞贈答、藉唱和為金蘭譜者，不敢濫收之謂也。二不妄選，例言所謂諸名家入選，有多至數十首，有少僅一二首者，多則係全稿，餘富美不勝收，少則或得之箋札，及箋頭，雖吉光片羽，咸足增重簡帙，非敢任意寬嚴，以從私好之謂也。其他諸例

亦頗可稱，大氏與各家選詩文之通例有相合者，於此亦足以見其書之謹嚴矣。

附錄傳記參攷材料

陳維崧篋衍集卷四

停雲集二卷 道光十二年刻本

劉啓瑞

歷城謝煜遜煜別有心儀集已著錄事迹並已詳前  
心儀集所錄太半為嘉道間生存諸家之詩此則所  
錄為嘉道間逝者之作乃所以別於心儀自序所謂  
別心儀於停雲嘆逝者也心儀所錄之詩既以投贈  
者為斷而停雲所存亦用斯例自序所謂余自結客  
少年每逢佳士傾心前輩喜託賞音或隔關山訂知  
心於兩地或驟風雨得聚首於一方莫不杵臼交深  
笠車誼篤言敦道義真可終身論到文章洵堪千古

續修四庫全書總目

卷

集部總集類

乃者棠鈔存以編次感親故之凋零一卷遺詩讀當  
殘照數行老淚濕向秋風者是書錄詩凡百餘什  
介為二卷詩家凡十有一人各標以詩稿原名各  
自起訖不相標圖計首錄吳肇元會昭詩曰吳百藥  
稿次錄江清抱村詩曰江桐敏稿次錄畢旦初蘇橋  
詩曰畢蘇橋稿次錄胡思聰稿詩曰胡聰齋稿次  
錄徐霖肖巖詩曰徐肖巖稿次錄徐秉鑑冰品詩曰  
徐冰品稿都為第一卷次錄延壽君壽詩曰延荔浦  
稿次錄胡卿習亭詩曰胡習亭稿次錄饒文震蒼竹

詩曰饒蒼竹稿次錄時銘子佩詩曰時有雪稿次錄

劉錫韻湖詩曰劉韻湖稿都為第二卷每家錄詩多  
寡不等或十數首或數十首均視其存錄所得者為  
斷以各家有專集者或竟敘漏斯篇無專集者或僅  
存此片什模索遺珠撮拾碎玉蓋非易事且各家當  
時投贈原稿多未乙增是尤足以校勘刊本推定事  
迹如時香雪稿等皆是也又時銘居京華時曾與張  
船山同作秋花詩一時有時秋花之目世人多傳為  
韻事張氏詩既已列入專集而時氏詩乃散佚不可

續修四庫全書總目

卷

集部總集類

復得惟問山此書載之幸得傳世其詩第一首云笑  
容寥影菊成裝開落霜天也自紅已覺絲華歸逝水  
不因遲暮怨東風樽前舊恨歌金縷陌上新愁避玉  
聰一樣人間好顏色笑他桃李太匆匆第二首云瑟  
瑟秋林澹澹霞玉顏何事比寒鴉拚將弱質憑青女  
誰有閒情關鈿車舊雨不忘三徑約當筵曾荷曲欄  
遮黃蜂紫蝶休相關未是長安得意花第三首云泣  
露啼煙總不支斷腸情緒海棠知尋春客每同心少  
絕代人偏會面遲枝葉因緣應識我園林風景惜殊

時潘郎便種河陽樹三十年來鬢已絲第四首云偶  
尋芳草到皇洲杜曲城南憶舊遊前渡未消才子淚  
幾生能上美人頭名花過眼原如夢客路關心易感  
秋咏得淮王招隱句此身爭不故山留時氏詩品要  
當在子才仲則之間卓然可以名家惜乎此詩未入  
專集幾致不傳幸賴是集猶得窺見一二亦云幸矣  
至於其他諸家之詩亦復類是是亦可為纂詩話者  
參證焉

續修四庫全書總目

卷

集部總集類

附錄傳記參攷材料

卷首梅成棟序

松陵詩徵續編十四卷 咸豐五年刻本

劉啓瑞

吳江陸日愛選日愛字曦叔家青浦之金澤少任俠  
有朱家郭解風比長折節讀書為詩古文有氣格邑  
中長老咸稱道會以科試選浙江同知以母老不赴  
家居讀書詩花種菊藉吟咏以發其舒嘯嘗與邑中  
能詩文者結社吟詩對花作賦極一時唱酬之樂咸  
豐庚申粵賊下窺日愛條列城守事宜上之大吏未  
幾以疾卒日愛廣交遊尤與元和陳克家同邑沈曰

續修四庫全書總目

卷

集部總集類

富陳壽熊為至契慷慨任事三人嘗交口稱之此松  
陵詩徵續編者乃續袁景輅松陵詩徵之作也松陵  
為蘇郡屬山川秀美人文郁蔚歷代文人以詩見稱  
者史不絕書迨及袁氏彙為總集於是松陵之詩始  
復斑斑可攷然袁氏之書上始國初下逮乾隆己卯  
僅得一百一十有六年而於明代以前未之及嗣邑  
中殷增更為補輯上自晉陳下迄明世得詩九百有  
奇分卷一十有二縱橫一千二百餘載名曰松陵詩  
徵前編例悉仿之袁氏降及日愛又起袁氏九十有



六年其間人文輩出不減於袁氏之時日愛因更為之蒐補凡袁氏所未及者無不蒐葺殆徧上始乾隆壬申下逮咸豐乙卯得人二百八十有奇得詩六百七十餘什名曰松陵詩徵續編續者續袁氏詩徵以後諸作也其例亦仿之袁氏或以詩存人或以人存詩詩家次第以時為序同時者又以科第行輩年齒交游為序閩秀方外殿諸卷末謀而不厠例至善也其有與袁氏例不同者殿為分別郡邑案吳江之分震澤始於雍正四年其詩人沒於分縣後者皆宜言

續修四庫全書總目

卷

集部總集類

某縣人然前後之間頗不易定故袁氏選正編時未及別白逮及日愛分縣已久在編此時必當列分然仍有難指實者要當詳為攷證此其所以與袁氏不同也

附錄傳記參攷材料

同治重修蘇州府志

重修吳江縣續志

營陵詩略十二卷 光緒十三年刻本 劉啓瑞

儀徵黃咸寶選咸寶字稼軒純嘏孫純嘏別有草堂詩選已著錄入別集類咸寶幼承祖訓工為詩什既長翰墨為吏不廢吟咏同治間累以軍功游升昌樂縣知縣在任五載百廢興當於清釐素贖修舉廢墜之餘思欲表彰文獻嘉惠士林先是乾隆嘉慶之間邑人黃樂朋方遠有采輯昌樂詩什之舉惜未成篇適先朝露咸寶既蒞任訪知此事乃就樂朋輯本復加搜羅錄成卷帙始自明世迄於國朝兼錄生存

續修四庫全書總目

卷

集部總集類

以示懷舊計於明得六人於國朝得一百五十有二人兩代閩秀得七人同時詩人得十有五人各得一百八十八分為十有二卷先明次國朝次閩秀方外最末殿以時人蓋視樂朋原選已什百倍於舊矣案昌樂為尚父初封之地營邱城址猶存曩時民俗歌謠與十四國詩並列樂官故季札觀樂歎為泱泱大國之風漢初齊人轅固以治詩擅名齊之以詩顯者皆其弟子東漢時邑為北海劇人徐偉長幹為建安七子之一著中論二十篇其遺詩至今衣被海內此

後流風所漸鴻篇巨製照灼藝林者宜自不乏乃嘗  
 上討晉宋以迄於元顧如鳳毛麟角渺不可得者豈  
 風雅道熄揚芳擣藻者鮮其人歟迨及清初山左詩  
 學最稱極盛如荔裳漁洋山薑秋谷咸各先登樹幟  
 鼓吹休明昌樂僻處鄰邑其文人學士目濡耳染究  
 心聲律者多接踵而起故乾嘉間吟壇稱盛前後鏤  
 稿行世者六七家而秘諸枕囊藏之篋笥者復指不  
 勝屈就可考者言之傳世有問思庵陪尾山房詩鈔  
 閻惠庭鈍齋詩集閻懷庭西澗草堂詩集劉汝滋松  
 月廬詩稿陳希白藤花軒詩鈔陳建侯謀稼軒詩草  
 八家而外其詩之列入廬雅雨山左詩鈔者四人入  
 宋蒙泉補鈔者一人入張南莊續鈔者二十有三人  
 入余秋門彙鈔者三人他如載在辛魯感曲元詩選  
 渠風集略今詩所見集山左詩課山左試牘諸書者  
 猶指不勝屈咸實均取而錄之以樂朋原輯為主而  
 輔以傳世諸刊更蒐之邑志訪之紳耆故其所得燦  
 然大備方之廬氏山左詩鈔蓋未多讓其所以名營  
 陵詩略者乃襲諸城隋昆錢琅邪詩略之舊也

附錄傳記參攷材料

揚州府志

端人集不分卷 同治六年刻本

劉啓瑞

高要彭泰來輯泰來字子大一字春洲道光時諸生著有詩義堂集劉彬華玉壺山房詩話謂比年曾賓谷來藩吾粵一時操奇觚者咸以詩就正賓谷前輩虛懷折節多所許可如彭春洲者皆其所心賞也余久耳春洲名而四至端州未獲一把臂其詩集亦未得見茲從方伯署齋借得兩小帙錄而存之天才雋雅吐屬不凡以此知青萍結緣長價於薛下之門良不虛也是說載於劉氏所選嶺南群雅群雅並錄其

續修四庫全書總目

卷

集部總集類

詩數十首入集推許可謂備至顧邑志所紀春洲事跡不若群雅之詳殆以其為諸生而略之歟是書不分卷而以冊分冊凡四帙錄詩家二十八並為同郡人詩曰吳槐炳曰劉世馨曰莫元伯曰陸樹英曰溫承恭曰何彬曰何元曰譚敬昭曰吳松曰劉星漢曰陳免曰陳在謙曰易友蘭曰溫賜曰區慕濂曰區拔熙曰石經曰蘇廷魁曰陳旦而終以彭敬輿敬輿泰來父也泰來自序謂此輯乾隆以來端人之詩出於偶然所輯詩家亦不足以盡端人知者錄之其不知

者以知者發其端而俟之將來且以俟之將來之人

又云今二集之中不相識者無二三焉云云是此集之選一則以偶然而輯原無嚴例錄與不錄未有限斷二則以相識而定原無甄別詩家先後不分存殁大氏以及朋黨紆之投鄉里酬唱之什為定其自序所謂舉吾所知從吾所好志吾土風雅之大略而已然即此言亦有可說泰來成書在道光二十五年乙巳先一年甲辰同里黃登瀛已有端溪詩述之選其第六卷所選國朝端州詩人較之是書頗多溢出言

續修四庫全書總目

卷

集部總集類

其同者僅得六家曰莫元伯曰陸樹英曰何彬曰何元曰劉世馨曰譚敬昭言其闕者凡三十有二家曰易宏曰梁鳳來曰林煥曰何光文曰何遜曰吳漸曰黃端麟曰謝大振曰楊源曰英世戴曰梁而珊曰龔駿文曰黃淮曰王宗烈曰何世林曰黃及鋒曰唐汝風曰陳誥曰盧歡曰何英曰胡敬業曰馮敏修曰趙元驄曰潘衍琳曰莫汝蘭曰陳燦曰周振陞曰沈若琦曰陳宜誼曰何宏京曰蘇應祥曰蘇維熙於此知是書之輯敬輿已多雖云志吾土風雅之大略然不



免略而又略矣

附錄傳記參攷材料

嶺南群雅二集

高要縣志

續修四庫全書總目

卷

集部總集類

嶺南群雅初集三卷二集三卷 嘉慶癸酉刻本

劉啟瑞

番禺劉彬華選彬華字藻林號樸石嘉慶辛酉進士改翰林院編修累官有卓績後歸粵主端溪書院得人稱盛高要黃登瀛曾選其詩入端溪詩述事蹟具載廣州府志及番禺縣志是集乃選國朝粵人之詩擇其尤雅者斷自乾隆迄於嘉慶都得詩家七十有二人分存二集名曰嶺南群雅群雅者取司馬長卿曰載雲罕掩羣雅言求之者勤也案粵東之詩

續修四庫全書總目

卷

集部總集類

自曲江而下明季三家以上作者前後蛇蟠相望珠稱輝盛然校前人能事要以近體為最次則五言古詩多溯源漢魏六朝有醇無疵若七言古詩風格高不過高岑王李間或馳騁才華則更駕之焉不暇顧銜勒繁會之音不盡諧鍾呂求其毫髮無憾者往往難矣降及清世鉅手迭興迨魚山藥房二樵諸家崛起研鍊諸體各擅所長獨七言古詩專以李杜韓蘇為之師引氣必盛徵事必實運思必沈矢音必洪置陣必整彬彬乎入大家堂真有起衰式靡之功粵中

水避齡顏相帆亭衡東中郎雲姚匠門廷掄穀耕野

黃登瀛端溪詩述卷五

集部總集類

三台詩錄三十二卷詩餘二卷續錄四卷 嘉慶元年

潘友于堂刻本

劉啟瑞

太平歲學標選學標字翰芳號鶴泉幼有異秉從天台齊召南遊稱高弟高宗南巡浙江學標獻南巡頌乾隆四十五年成進士官河南涉縣知縣苦閭布徵學標請於大府得減額權林縣有兄弟爭產者集李白句為斗粟謠以諷皆感悔性強項多與上官齟齬卒以是罷後改寧波府教授未幾歸著漢學諧聲等十數種此則其所輯台州歷代之詩詞也學標嘗謂

續修四庫全書總目

卷

集部總集類

台郡之有詩刻自南宋初桑肅輯天台石橋詩始而李御史子長繼之州學諭林師威及子表民又繼之有天台正續集及別編然皆前代人題詠天台山水之什非郡人自作詩文也惟鄞天一閣傳有寫本赤城集專錄郡人詩文亦表民輯而其書於乾隆四十八年間進入中秘詩已佚不存明成化初吾鄉黃定軒謝方石兩侍郎以台號禮義邦世稱小鄒魯不可任遺詩零落哀集自宋來先輩詩始左經臣訖余尚則得四十餘家應憲使志欽刻之黃南其亦名赤城

集蓋未知有表民本也神廟時郡守磐石李公偕鄉

老秦華峰輩益廣搜羅為三台文獻計得詩七卷三倍黃謝二家所錄而佳篇遺佚仍多又自隆萬迄今近三百年詩人輩出無起而甄錄者余台山水之秀鍾為人物而登為文章者幾何而不湮沒耶其說見於自序是書乃學標病前蒐討之未備而重輯者肇唐五季訖清世乾隆為詩凡三十有二卷為人一千數百總名曰三台詩錄計卷一之四為唐五代宋卷五之八為元卷九之十一為明洪武卷十二為建文

續修四庫全書總目

卷

集部總集類

永樂卷十三為宣德正統卷十四為景泰天順卷十五為成化卷十六為宏治卷十七為正德卷十八之二十為嘉靖卷二十一之二十二為隆慶萬曆卷二十三為天啟崇禎卷二十四之二十五為清順治卷二十六之二十七為康熙卷二十八為雍正卷二十九之三十為乾隆卷三十一為方外卷三十二為閩閩而流寓不錄者乃免如樵李詩繫之清雜也者初編之後更附以詩餘二卷亦取雜而不廁之意別以所未備者又如續編四卷其編次先後悉如初編特



所錄者寡耳、蓋台州之詩什自南宋桑維翰後、至此始稱大備焉。

附錄傳記參考材料

清史稿

台州府志

太平縣志

續修四庫全書總目

卷

集部總集類

岡州遺稿六卷 康熙庚寅顧氏綠屏書屋刻本

劉啟瑞

長州顧嗣協、嗣立同選、嗣協字迂客、康熙間累官廣東新會縣知縣、嗣立字俠君、嗣協弟、康熙己卯舉人、累官內閣中書、賜進士選庶吉士、當嗣協之新會任也、誓神而後入、革除陋規、因俗成化、慕白沙先生遺風、作仰止堂於東門外、公餘集人士為文酒之燕、既去官、邑人即仰止堂肖像事之、他日嗣協重過、為題楹帖云、做一個不要錢的新會縣、留一個不昧心的

續修四庫全書總目

卷

集部總集類

蘇州人其廉潔愛民也如是、是書乃嗣協所選、新會邑人之詩、而又屬嗣立為之重訂者、始於元世、以迄明末、都錄詩家五十有八人、各系以小傳、得詩凡一千一百七十有五首、分為六卷、題曰岡州遺稿、案嶺南自張曲江開闢後、詩教大興、其後篇什最富、膾炙人口者、莫如廣州南園五先生、孫仲衍、王彥舉、生於南海、李仲修、黃庸之、趙伯貞、生於番禺、流風餘韻、迨數百年、而屈翁山、陳元孝、梁藥亭繼之、長篇短詠、流傳海內、而岡州去羊城僅二百里許、地接厓門、故



端溪詩選六卷 道光甲辰刻本

劉啟瑞

高要黃登瀛選登瀛字液洲嘉慶時邑諸生年十八肄業端州端溪書院稱高材生旋以選拔赴京朝考而歸既歸益銳志於學此則其所輯端州歷代之詩與夫流寓詩人之作凡得詩六卷計卷一之二為唐宋元明流寓端州人詩以及端人之詩卷三為國朝名卿大夫名士宦遊端溪紀事酬贈之作卷四之五為國朝端溪書院山長及監院之作粵秀山長詩為端溪作者亦並存之卷六為國朝端人之詩始自順

續修四庫全書總目

卷 集部總集類

治迄於嘉慶所錄詩家都二百餘人得詩殆千餘首自序略謂端溪為兩粵交會之區講院為陶冶人文之地前明制府駐節於此國朝因之歷年聘名師嚴課藝以養以教恩至渥也瀛年十八始肄業焉居十年與選拔應朝考罷歸復肄業五年所得諸先生講論為多凡詩文經義之指授名公卿往來寄示之篇章輒手錄之不敢忘道光初載與修邑志訪求古蹟蒐羅存稿殘編斷簡不忍遺遺以為後進欲觀先進風流文采於此可窺見一斑況其為風教之助也云

云於是書編次之顛末備述梗概知其為居書院時

所錄要有關於端州之文獻長白瑞獻亭亦謂是書皆漢唐至今賢士大夫遊人遷客及都人之篇章歌詠凡有涉於端江名勝事蹟者無不叙而述之云云說見瑞氏序言是亦稱其有關於邑之文獻案端江為荆揚南境春秋時為百粵地自秦漢建邑風氣始開六朝而後人文日起且地連五嶺控三江洵為名都其間有七星嶺羚羊峽鼎湖山諸處皆此方名勝之區古來之賢士大夫冠蓋景從游人遷客行李往

續修四庫全書總目

卷 集部總集類

來此邦人士游衍酢酬亦莫不有篇章歌詠以記其登臨而行其嘯傲苟無記載文獻何徵故是書所輯殆為急務惜乎蒐錄猶未稱備考登瀛輯是書時在道光二十四年甲辰後一年乙巳高要彭泰來復有端人集之選所錄端人不及是書什一且所錄者又為國朝之人不溯前代更未可與是書埒然所收國朝諸家尚有溢於此者如吳槐栢溫承恭吳松劉星潢陳堯陳在謙易友蘭溫賜區慕濂區拔熙石經蘇廷魁陳旦彭東郊諸人是書均未之錄豈旨另有在



不錄之歟抑造次成編未遑及歟是亦為美中之不足矣

附錄傳記參考材料

高要縣志

續修四庫全書總目

卷

集部總集類

眠雲出岫集一卷詞鈔一卷駢文一卷 家刻本

劉啓瑞

江都孫宗禮撰宗禮字定夫道光甲午舉人丙申進士選授廣東澄邁縣知縣以勞瘁卒官生平以詩詞駢儷之文聞於鄉里顧不多作作亦多不存此眠雲出岫集乃待選京華時作起道光甲辰至丙午凡三載所謂眠雲出岫者蓋以成進士後家居待銓甲辰始出取聞雲出山之意集首小引云蜀岡之麓揚子之津雌伏蠖屈八載於今芟衣甫脫夙駕首途烟雨

續修四庫全書總目

卷

集部別集類

淮甸星月皇都盡簪散冕投佩瓊瑤驚心節序渺渺愁余蟲吟鶴唳其庶幾乎自甲辰夏迄今得詩若干首名曰眠雲出岫集此其大旨也又自序略云少受先君子訓日讀唐詩一首十一歲出就外塾溺於制藝時猶未敢為詩也辛未壬申之間先後受知於邑侯郡伯學使者屢以排律雜詩冠童子場其於五七古諸體仍未敢為也癸酉應白門省試有燕子磯七律復有雨花臺水木亭拜方正學墓和漁洋山人原韵七律及焦山東升樓觀日出七古先兄見之意願

許可然終戒其勿為恐以此廢舉業也嘉慶戊寅先兄見背家事靡襍百憂紛來中間二十年屢困場屋伊鬱鬱觀乃學為詩歌更學為長短句詞問亦為駢儷之文苦無師資亦無沉潛底蘊日月既久隨手散失歲壬辰以朋友請收輯詞百闕勉付手民甲午登鄉薦丙申成進士居家待銓稍稍檢尋舊作條次書出仍不敢示人也甲辰夏以例截取赴選人長途車馬多所吟詠僦居旅館已近兩載春初秋晚雅不喜微逐跳蕩又性不耽麴蘖之飲閉戶息影日與筆墨

為生活物候感觸師友微和長篇短什居然成帙計古近體詩百十數首詞十闕四六文十一篇自署為眠雲出岫集取閒雲出山意也序中所述頗見本原惟溺於舉業中年始一意於詩不脫當時士大夫風尚然其詩猶夷宕往寄託遙深得涵養之醇見賞於吳門潘世恩是亦當時之矯矯者如富莊驛詩云高城日落暮雲邊終古旗亭客黯然錦瑟何曾留綺夢黃金難得駐華年人間飽壯應重見岐路楊朱太可怪多少勞人禁不得布帆南下馬西旋格律謹嚴雅

近唐音非同凡響而詩餘亦頗可觀其清麗處有草窓夢窓規格至駢儷之文學容甫而未逮然與陳氏之點鬼簿相較猶有清氣往來於其間也集中與蔣升超趙伯酬答至多皆在京師作升超揚郡人有通齋集等行世已入別集類

附錄傳記參攷材料

竹葆森國朝正雅集

寄雲樓詩集四卷補編一卷 嘉慶甲辰家刻本

劉啓瑞

甘泉吳本錫撰本錫字汝蕃號舊浦乾隆丁卯舉人少孤貧無家業隻身游江淮間為諸生文名鵲起士申以大挑官和州學正升潁州教授留愛於和遂家焉旋擢廣西馬平縣知縣不赴時高郵沈業富轉運河東因聘主宏運書院得人稱盛晚年邁返郡城資館穀以為生生不負氣伉爽不屑與異己者伍道氣充腴蕭然塵壒之外性嚴介不苟取學問極賅博晚

續修四庫全書總目

卷 集部別集類

年讀書不輟力求精到嘗仿春秋大事表例著通鑑甲子提綱若干卷惜不傳尤工吟咏與鄉人汪對琴秦西嶺張松坪吳竹屏朱二亭等善相互唱和極稱款洽有集四卷補編一卷名寄雲樓詩集初名松下清齋詩稿見王柳村江蘇詩徵詩徵謂其詩於沈著處見精采高淡處見丰神所謂天半朱霞雲中白鶴譽之倫至蓋汝蕃詩為體裁至古而尤講風調大雅之音力追正始秦西嶺評其詩謂古詩胚胎樂府五言出入元白七言直逼老杜近體中沈嚴深至則李

玉溪個儻秀拔則杜樊川五絕足以並駕東野文昌

純乎唐音信為定評今觀集中佳句七言如戀樹心

情難再綠學花顏色不能紅春好夢游禪智寺雨餘

山遠歷陽城蕪水有情楊柳倦求魚難飽露絲愁明

月笑人千徧換晚花慰我一秋鮮雄心未敢題黃鶴

舊夢何堪問碧雲萬里秋雲心共碧一天詩思菊初

黃諸句皆清俊秀拔霸奇超妙不愧才人之筆宜其

選入阮文達淮海英霸集阮仲嘉亭珠湖草堂筆記

而無慚色也至於專講風調處如遇和聖墓云邦國

續修四庫全書總目

卷 集部別集類

尚難容直道想蘇誰解愛殘碑次石蘇門師韵云小人薄祿家何在夫子長貧道自尊雨歇云生意意前青草長閑身江上白鷗輕金陵秋思云細雨亂蟲秋乍冷小窓微月夢初回皆別有丰神不事規襲尤為汝蕃所獨擅汪喜孫跋其集謂與大父兆初先生交最篤尤精樞素今集中無與汪兆初贈答諸作蓋詩已有散失者矣

附錄傳記參攷材料



甘泉縣續志

續修四庫全書總目

卷

集部別集類

說文堂詩集八卷 道光戊戌金氏刻本 劉啓瑞

甘泉許之翰撰之翰字春卿號淨齋道光時歲貢生

少穎異負雋才嘗奉手汪容甫中門下獲侍文酒之

譙擊鉢成詩容甫許為國器揚州許汪兩氏自清初

時即往來稱莫逆以詩文相尚汪氏如蛟門懸麟鴻

博有百尺梧桐閣集舟次輝麟檢討有抱耒堂集許

氏如力臣承宣太史有金臺集力臣詩集師六承家

吉士有獵微閣集均迭唱迭和為王西樵宋牧仲所

稱辛未汪制澤太守歸自粵西結吟社一月三集凡

續修四庫全書總目

卷

集部別集類

七人春卿與其列因與汪氏竹海竹素穉泉泳泉飲

泉等游交誼益篤飲泉嘗招春卿集冬巢吟館垂覽

時以八棺浮屠屬春卿改莖並飲泉而九焉春卿既

營葬其棺又兼存其孤是許汪二氏不僅以詩文結

緣且以死生相託即此既以覘春卿性情亦足以知

春卿之詩得風雅之醞正矣春卿又嘗往來於大江

南北疏瀹性霏客白下走都門泛海濱渡洪澤得名

山大川之助有燕趙悲歌之風作詩既多所詣益遠

尋李白青山登謝朓北樓即事即景發為歌咏則又

幾躋於唐音矣惜春卿詩稿多不自收拾散佚者衆道光戊戌門人金竹籜守楷請其詩稿付梓並為搜索於諸友好處得若干首屬宜良嚴秋槎釐為八卷即此本也秋槎嘗立詩社於邗上與春卿倡和最密序中述其事云維揚為東南名勝區重江複闕氣象雄壯金焦兩點遙與蜀岡相聯絡山川秀氣所鍾代有傳人不僅何遜之東閣樊川之記室也慨自瓊花冷落腐草螢飛廿四橋邊遂無能聽玉簫者道光丙申予倡春草詩社於韓江因得盡交東南士而尤心

折於許君春卿是歲五月予自昭文歸以虞山飲酒詩與春卿疊韵倡酬詩成皆送其詩弟子金君竹籜家竹籜之使朝城北而暮城南奔走不停趾予時客居贈玉樓每夜深家人聞叩門聲急咸知為春卿和詩至是時予二人尚未謀面也竹籜折東還集於懶雲草堂予二人始定交春卿於詩少所許可而獨喜予詩予於詩亦少所許可而獨喜春卿詩或疑為互相標榜而不知氣類相感而合也秋槎又論春卿詩云謂詩以道性情學為詩者卑靡庸平固無論矣規

摹漢魏附託六朝務為艱深晦澀之文而性情亡宗唐抱宋優孟衣冠貌合神離而性情亡間有一二主性靈者又才力不足以副之淺近直率而性情亦亡三者之失均也春卿詩能道人意中語又胸有萬卷書以供指使故其為詩獨來獨往宜古宜今如晴空之雲卷舒自如如秋夜之月清潔自愛又如絕代佳人

不加粉黛但覺其修短得中穠纖合度也予足蹟數萬里所交皆一時知名士然才如春卿則生平所僅見者覺香山放翁去人未遠是集一出豈但揚北風雅實足疏濬性情所益詩教豈淺鮮哉秋槎當道光世稱詩學居揚郡最久與揚人之能詩者往來最衆一時詩人或以得其品評為榮顧秋槎不輕許人而獨推許春卿如是蓋春卿詩確能修短得中穠纖合度能道人意中語不愧其所許也如渡河詩云來自天邊去海邊窮源誰與問前賢崑崙以上錫纒濫徐豫中間道屢違大吏防川心岌岌下游懸釜沸年年斷難理濁膠盪手我手無膠更惘然述黃河變遷之禍下民昏墊之苦不盈六十字而能盡情道出深

得杜甫詩史之旨亦可貴已符葆森寄心金話詩謂  
春卿力耽吟咏至老不衰年七十如五十許人尚能  
馳馬至百里外豪談善飲興會淋漓是其精力學力  
均足有過人者矣

附錄傳記參攷材料

符葆森國朝正雅集

自撰汪椿年逸園吟草序

續修四庫全書總目

卷

集部別集類

琴語堂文述二卷 魏體文續刻一卷

文述咸豐丁巳活字本  
續編同治甲子木刻本

劉啓瑞

甘泉李肇增撰肇增字冰村道光時諸生少有文名  
喜涉獵典冊家貧乏書日手昭明文選雜誦不輟性  
不諧俗謂隋唐以下文等於自鄒流俗因是詆訶之  
不之顧也嘗作氣賦謂幽居之暇悄然疚懷有感於  
天地庶幾之變時代興喪之機稟氣不同呈象遂異  
因就目論作為氣賦破張文之越越廓宙表而為言  
賦中歷述天地陰陽之變人事傾軋之險言近而賅

續修四庫全書總目

卷

集部別集類

旨深而達論者多以容甫汪中擬之因是名益噪凡  
邑中典制之文銘誄之作一時多出其手然孤標自  
潔不同凡響坐是抑鬱不得志年三十不獲舉孝廉  
登明堂因作釋愁文自傷小引云余今年三十名業  
無進與難驚爭食復慳一飽壯不如人來者可知曩  
嘗自負意氣凌忽儕伍謂金閨玉堂易若俛拾烏知  
二毛漸生而此命之卑賤如故乎日月蹉奪徒令鄧  
禹笑人乃設烏有之論以解悼休匪必效揚雄之解  
嘲蔡邕之釋誨也然冰村終不得志客幕以終著有



琴語堂文述詩稿及續刻等詩稿未梓已佚僅符葆森國朝正雅集錄其寒夜偶題等五首餘未見文述二卷多駢儷之文斷自咸豐丁巳時客吳門鄧郵甫司馬幕鄧氏用活字板印行之咸豐丁巳以後文則別為謀體文續編一卷同治甲子自刊於揚州郡城文述首有自序略謂余弱年好弄業荒於嬉稍長為文僅事帖括間披往牘拳然於懷擬有規摹懼累時學風尚所指識覽遂局吁可悲也顧嘗靜夜冥想綜計身世專趨俗業便致青雲雖無裨於斯文尚有盆

於進取若溺苦終歲口不絕蟬嘯之聲目不過蠅鑽之紙賦命窮薄老死編蓬不且望實交際白駒空擲我端居多暇方冀求音或望古以奏懷或覽今以從叨曠年餘日不韜於言匪敢貽厥後未聊以此自娛也自序所云頗多牢愁文人命薄自古已然說者謂天爵人爵不可交并或以祿見或以文傳冰泮蓋能以文傳者不必斷斷於世俗之見以祿位相尚也十寶第序其集謂以君之才二十年前鄉先輩多器許以為立名譽取仕宦何不可者兀然至今奔衣食不

暇漢無所階進信乎其才與命違也下是所言是猶未能脫名利場中習也符葆森寄心金詩話謂冰署年少工詩於大歷十子中有文房仲文之長尤工西崑駢文則於齊梁別置一席是蓋能知冰泮者

附錄傳記參攷材料

民國重修江都縣志未刊稿

吳文節公遺集八十卷 咸豐七年家刻本

劉啓瑞

儀徵吳文鎔撰。文鎔字甄甫，嘉慶十八年舉人，二十四年進士，改庶吉士，授編修。道光二年，典試山西。八年，典試湖北。視學河南。累遷至翰林院講讀學士。十四年，視學順天。十六年，擢內閣學士。十七年，署禮部左侍郎，補禮部右侍郎。兼署刑部右侍郎。十八年，充會試總裁。十九年，授福建巡撫。兩署閩浙總督。二十一年，調江西巡撫。二十三年，奏請以宋臣文天祥從祀。

續修四庫全書

卷

集部別集類

文廟六月，調浙江巡撫。三十年，升雲貴總督。咸豐二年，兼署雲南巡撫。三年八月，調湖廣總督。甫抵任，而粵匪已猖獗不可制。下游諸軍潰散。四年，督師出勦，不利。乃投塘水死。予諡文節。生平服官中外，垂四十年。經濟所施，在人耳目。而雅不欲以文字見。歿後，子養原，葺其奏議公牘，尺牘傳記，序書後祭文，贊銘詩詞賦試律詩等，為吳文節公遺集八十卷。卷末有養原跋，謂略第一卷至第三十六卷為奏議，係文節入告之言，皆據實直陳，從無粉飾者。第三十七卷至第

六十三卷為公牘。文節久膺疆寄，事必躬親，雖延幕

賓襄辦，而一切批檄，稍異尋常者，恒手自屬草。第六十四卷至第六十八卷為尺牘，亦皆文節手自屬草者。藁多散佚，茲益存十一於千百。其中多與同官商榷庶務與公牘相發明者，故以次公牘後。而一二友朋問訊之書，亦附見焉。第六十九卷至第七十卷為文。第七十一卷至第七十四卷為詩。文節詩文不多，作輒隨手散失。早年之作，半已亡去。十餘年來，檢藏敝簾所存，僅得若干首。間有命幕客代撰者，概不

續修四庫全書

卷

集部別集類

屬入詞，僅二闕，亦早年作。附於卷末。第七十五卷第七十六卷為賦。第七十七卷至八十卷為試律詩，皆文節官翰林時手藁。亦敝簾所僅存者。茲依題分為數類，編次如此。此遺集之大概也。文節少孤苦，讀書有大志，見賞於阮文達，許為國器。以家貧，汲於仕進，謀升斗祿以養母。汲汲制藝帖括，而不遑予問。既貴，又溥於政事。日講求經世有用之學。於詞章之道，有志未逮。故集中所載，半為政事之文。雖間有詩文，亦不免翰苑之習。蓋立德立言立功三者，不可專並。文

節蓋立功者固未可以詞章小道譏之也

附錄傳記參攷材料

續纂揚州府志

續修四庫全書總目

卷

集部別集類

半舫齋古文八卷詩鈔二十卷 家刻本 劉啓瑞

高郵夏之蓉撰之蓉字芙蓉號醴谷侍讀學士庭芝弟康熙癸丑進士選教諭乾隆丙辰應博學宏詞試得翰林檢討著古文八卷有方望溪序言往者姜西溟與余論古文之學至明而衰至本朝而復振今醴谷崛起於後以嗣興為己任擇而精語而詳駁駁手與侯魏諸子比烈其亦昌黎所云能自樹立不因循者其序抑揚頗有致陳勺山序則謂立言之道以至性為骨元氣為輔精其學而窮其變不必一趨一步

續修四庫全書總目

卷

集部別集類

蹈襲前人而寧華咀腴自能臻極妙境洵乎文以載道非苟然也醴谷類情指事剷除一切浮庸之言而體裁淵茂真氣流行其餘漢唐宋以來諸家之矩範未嘗規規求合固已沉浸變化融冶入神方之前賢殆未易軒輊朱梅崖序曰先生之文肖心而出與道大適未始不原本古人而生氣騰躍不可端倪蓋卓然自成一家之言其真精為不可掩魏冰叔有言文之佳者能自傳於世非世之能傳之吾於先生亦云陳朱之言殆與望溪同蓋以不因循為能自樹亦緣



任情不中繩墨為未能深造也詩鈔二十卷起康熙  
丁酉迄乾隆辛卯凡五十餘年中出處事蹟彙為一  
編原二千六百餘首屬門人侯學詩刪訂侯跋略謂  
選詩之例以氣格為主嚴儀卿云孟襄陽王石丞諸  
公不必篇篇皆佳但氣格高耳氣格者家數之所由  
辨也其氣格合手家數者雖平淡之作必存其氣格  
損吾家數者雖閎麗之作必黜此古人訂集之大概  
也先生以為然因沉潛往復詳加厘訂於集中所錄  
存一千一百餘首皆格高氣渾卓然可傳覺杜韓蘇

之宗風於茲大矣竊念先生以盛名耆德為海內  
文章矜式者數十年一時風雅壇坫諸鉅公莫不歛  
手推服而猶於承學之士不吝往還商榷或一字之  
畎疑必幡然改而從之此其若無若虛誠非淺固所  
能推測者學詩又安敢有所見而不以告重負師誼  
之拳拳哉周石帆序曰醴谷之詩其由蘇而韓而李  
杜世所得知也其體性達情不斷乎蘇韓而蘇韓合  
不斷乎李杜而李杜合所不得知也醴谷銳意復古  
於世所稱壇坫主盟者浩然不以芥其胸中獨涵其

性情以與古作者相際而達之於天下後世則李杜  
韓蘇所以直追乎四始六義而他詩人不得與者於  
醴谷見之矣傳為詩序曰醴谷之詩不事雕飾舉數  
十年中一切憂悲愉懌觸景摠懷皆長言咏歎以矢  
其音予為往復推誦知其得於性情之際者深已昔  
者美人香草三問以之託興迨六朝以降寢失其意  
流為側艷之詞後人沿其陋習轉相仿效如香奩諸  
體所謂靡靡之音也醴谷詩無是也抑吾又聞魏冰  
叔之言凡詩集中有擬古諸體如將進酒艾而張君

馬黃等題便當隨手棄去不復省錄此其病在襲也  
醴谷詩無是也以視唐宋以來諸名家具離合遠近  
深於詩者當自辨之蓋其肖心而出傾寫性靈必傳  
於後無疑矣門人陶易序曰夫詩以言志由漢魏迄  
唐宋作者代出雖其間支分派別要亦各自名家後  
人師古必執其成心曰我宗誰氏亦偏之手言詩已  
先生於古人詩窮源溯流深入空奧要未嘗沾沾規  
撫一家故形諸篇什者隨筆所之油油手動與天俱  
而不自知洋洋乎若古人未會而不覺與古為化蓋

性情之故深抑學問之功遠也諸序皆言其不守一派蓋亦文序之意然醴谷體物達情不以雕字之語為工不以月露之詞擅美諱切懇到可以感人風世羣雅集曰鴻博諸賢品學兼優罕有及者茹敦和銘其墓曰靈衷樂美出乎天性于己不諱其所短于人務盡其所長皆言其品高也廣陵詩事曰夏檢討作茅貞女詩委贄即為臣遇變身可致委禽即為婦其道安有貳頗怪泥古者顛倒失經義敢為苛刻辭綱常竟安寄指歸震川筆斥貞女者言也檢討甥陳繩

續修四庫全書總目

卷

集部別集類

祖溺死其妻葉年二十歲無子有勸改適者泣涕以誓檢討汾河之水二章又載檢討於京師得文待詔楚詞小楷作詩云遊絲或裊空細筋真入骨勁若展努機微乃折毛髮蓋待詔此卷相傳用高麗筆書之檢討詩狀之偈有檢討又得大觀帖寶而藏之或借去致失三十行乃作詩以志恨其詩均見集中

附錄傳記參攷材料

高郵州志

自撰丙子六表自述

續修四庫全書總目

卷

集部別集類



據梧吟館詩集二卷 王氏石印本

劉啓瑞

儀徵汪滋樹撰。滋樹字沁園。竹海子。創澤孫。以副貢出宰直隸。同治七年。夫婦並故。無子。孤女佩珩。嫁王錫蕃。守兩代詩集。使從姪昌順校字。印行。集名據梧吟館。襲其祖創澤據梧書屋名。以名其旅京時所居。凡二卷。首為趙庭集。二為萍梗集。卷首有潘小江宗藝及王守訓題句。小江題為辛丑。以酬沁園贈詩。守訓則沁園沒後追題。其詩雕琢為工。名句頗多。王守訓詩。交游盡名宿。吐屬襟仙心。信非虛譽。然性情真摯。

續修四庫全書

卷

集部別集類

莫如自京赴淮陰紀述四百字。蓋其父避亂淮陰。卧病沁園。聞信趨視。中間有句云。畏途誰敢試。相顧生太息。我進絕返計。僕御諫輕易。豈不識艱險。至性實所迫。決旬達淮陰。訪叩曲巷宅。何兄走迎門。灑泣說避賊。阿壻行下堂。慰藉話悽惻。入室見我父。偃卧在床席。我憶前年秋。父始謝朝籍。干謁東諸侯。通貸獨作客。冰霜損肌膚。勞瘁動筋脉。一身集百感。冷氣乃潛殖。父恐傷我心。欲告語仍塞。但言見我喜。所苦頃若失。吾知父深意。悲痛自過摘。長跪不能起。熱淚滿

胸臆。幸荷蒼穹慈。蚤夜見起色。直寫情事。自成文章。

信為可傳。又如潘小江文。自蜀至都。述棧道所遇甚奇詩。有云。潘丈負豪氣。十載游成都。今年到京邑。訪我城南隅。置酒快談笑。月照堂前除。酒酣述奇遇。追憶游蜀初。九陟鳳嶺棧。道行崎嶇。山頭檉葉大。落日啼雌狐。有女儵相值。綽約二十餘。冰雪淨仙質。秀采生雙瞳。烏鵲作高髻。尺帔銜明珠。搖搖玉釵下。絳綬太乙符。羅鞋秀方斂。翠帶垂交蘇。七首著草囊。森寒血模糊。豹帶左右板。中係青紉襦。側坐錦驕上。嬌叱

續修四庫全書

卷

集部別集類

鞭白驢。斯時石棧仄。攬轡如踟躕。瞥轉躍羅澗。驚湍閃華裾。擬身出峭壁。碎佩鳴珊瑚。須臾入雲去。千仞蒼煙孤。四座聞君言。賊目同睚眦。我起酹大斗。拊髀為軒渠。金方肅。□□俠女無時無。願修衛鞅法。徵以雕輪車。團作壯女軍。東海誅天吳。功成截畫舸。拂袖歸五湖。雄材世不識。踪跡悲奇觚。將尋越處女。長歎彈昆吾。其事固奇。其詩亦足以傳之。又紀事詩。羽書昨日報神京。海上檣槍夜色明。天子中朝封詔下。將軍前殿賜衣行。六曹冠劍趨郎吏。七校弓刀發禁兵。



我欲請纓係南越何人抽簞薦終生紫泥封降五雲  
間詔釋宗臣入玉闕下涕惟聞梅死罪中原敢望得  
生還嚴城日落銅笳急大海風沉翠旆殷料有平夷  
神策在九重宮闕慰天顏倉涼悲壯可歌可泣

附錄傳記參攷材料

儀徵縣志

續修四庫全書總目

卷

集部別集類

止心樓詩上下卷 乾隆癸未家精刻本 劉啓瑞

江都鄭玉珩撰玉珩字荆璞號箬溪本籍新安自六

世祖始遷揚州遂為揚之江都人祖為光順治乙亥

進士官御史有直聲父熙績康熙戊午舉人官刑曹

尚嚴整箬溪生有異稟七歲就外傳已嶷屹如成人

十四歲喪父隻身鬻之內奉慈訓外禦強侮井然有

條鄉人敬慕焉乾隆甲午祖母雷氏年古稀箬溪走

京師乞言於名公巨卿主外父李存田宅因得遍交

天下士酬倡無虛夕箬溪舉止端凝言論侃侃朝野

續修四庫全書總目

卷

集部別集類

推為正士而名益噪而鄉里之忌益甚箬溪以父歿

於旅邸未獲親視含殮抱恨終天歸櫬後經營葬事

盡儀備物造兩舍為廬墓計詎鄉里讒口中傷罹文

字之獄賴弟崑貽顧請於朝始脫於難自是絕意仕

進恣情遨遊凡足迹所至一寓於詩家本素豐擅園

林之勝重以山川之助詩境益廣詩篇益衆顧左右

無人收拾遂多散佚歿時子慶祐方再期因是著述

日就零落僅餘古近體詩數百首而已慶祐既長請

於王海沂為選存十之七得五言古詩五十八首七

言古詩四首五言律詩三十四首七言律詩十七首  
五言律詩十七首五言排律二首五言絕句二首七  
言絕句二十七首合爲止心樓詩二卷乃甫梓行又  
以諱忌遭禁刊板既燬傳本亦稀府縣修志芟除其  
名私家記載亦避不列身既不彰名亦淹沒良可哀  
己著溪爲詩多源先德憑藉既厚繩繼遠深願遭家  
不造丁逢文網因此歡愉意少悲憤音多屈平漁父  
之詞宋玉悲秋之作殆將彷彿似之如春晚泊無錫  
雨中望惠山詩云自笑馳驅卒未休三旬重向此停

續修四庫全書總目

卷

集部別集類

舟歸帆前度何如割客路今宵復滯留萬點雨聲愁  
裡聽千巖暝色望中收山霽莫漫生惆悵夢裡還能  
覓舊遊又如七夕絕句云三秋自古傳佳會百結離  
情欲曙天一夕歡娛一年別世人何事學神仙憤悲  
抑鬱之情不覺自然流露是亦重可傷已王梅沂謂  
其詩音節數暢氣體純正質者不俚直者不伉不拾  
唐人咳唾亦不落宋代窠臼蓋止求自吐其胸所欲言  
與時流之藻績以爲工鉅釘以爲古者有異又謂  
著溪耽好吟咏居則擅家園林壑之勝出則一瓢一

笠問水尋山常西帆彭蠡陟匡廬南遊吾吳抵錢唐  
蠟屐所居一泉一石必有詩寫之蓋其勝情誠有不  
可及者余讀其詩恍然想見其高風雅度爲沈歸愚  
亦謂荆璞韵語蘊釀深厚摭發光明藉累世之盛賦  
二十四橋之明月詠三百六十之紅欄若山川之明  
麗萃於斯矣而其心深不以爲足也於是由淮海詣  
吳越金焦九龍駕水西湖恣其攀陟自越至豫章樓  
賢三峽五老峯萬杉寺無不窮其幽邃以青鞋布襪  
軍持漱囊爲行裝以野人逸士高僧羽衣爲伴侶一

續修四庫全書總目

卷

集部別集類

己之性情氣韵與山水之性情氣韵互相映發宜其  
詩峯嶺迴合濤瀾洶湧不求工而不能不工也王沈  
二公並爲海內詩宗而謂著溪之詩如是蓋皆非輕  
於阿譽者而歸愚謂其以一己之性情氣韵與山水  
之性情氣韵互相映發尤能得著溪詩旨信足爲定  
評已

附錄傳記參攷材料

楊汝穀撰鄭荆璞傳

退齋詩稿五卷

劉啓瑞

儀徵方鼎銳撰鼎銳字子穎儀徵人原籍歙縣咸豐壬子順天舉人內閣中書改刑部主事軍機章京簡浙江溫處道有集五卷首循陔集起己亥事辛亥家居時作次北征集起壬子至甲寅入都以作後三徵省集起乙卯至丁巳官中書時作四樞垣集起戊午至丁卯官軍機章京時作五浙東集起戊辰至己巳官浙江時作為詩共二百六十四首子穎世家子兄弟均能詩兄鼎祿字元仲先子穎成名其村震時字

續修四庫全書

卷

集部別集類

敏安則道光二年舉人循陔詩侍家君及茗庵村父看紅葉即敏安也詩不多作然身丁憂患敘述時事亦可備風人之采其歸至標小草堂詩時粵賊踞揚未退詩云標山高處望蕪城笳鼓聲中有亂營大帥行間資靜鎮游魂斧底尚縱橫征輸已竭閭閻力團練徒存保衛名翹首故園今在否桐間柳下最關情誤國狂徒恨陸通至今豺虎滿寰中元戎號錫巴圖魯幕府刀鉞逼必隆螢苑平蕪依舊夢虹橋疏柳又秋風他時重跨揚州鶴不似當年錦繡叢書憤指咸

豐北將事云允逆無端背舊盟甘泉烽火鬼神驚邊誰是趙充國罵賊徒聞顏杲卿漠漠陣雲低四野煌煌紫氣壓邊城諸君連上平戎策親奉鑾輿返帝京己巳送大兄回里詩云中年與人別輟作數日惡况我國懷親少長共憂樂自我來東甌兄為送細弱汎舟溯長淮戒送警風鶴數月達甌江資用務儉佐我榷海關馬御朽索愧遺屏弗納唯恐盈豁壑勗我西厭貧侃侃發忠里門遭喪亂街市成墟落諸弟兄率皆能詩故吐屬亦自名貴

續修四庫全書

卷

集部別集類



曉樓詩鈔不分卷 家刻本

劉啓瑞

高郵賈成祖撰成祖字肇先號曉樓稻孫從弟乾隆癸巳進士少孤事母孝先意承歡寸晷不離母歿哀毀骨立每家忌追慕愴痛華顛如一日友敬伯兄事必諮行從父檀村期以國器試輒冠其曹南北闈屢膺房荐不售積學深至不以得失介懷生平溫厚謹慤三黨稱長者義有不合輒慷慨見顏面家故不足而性輕財好施與遇人急周之無吝色深於史學卓然成家凡所闡發皆忠孝廉節大義著有古香堂史

續修四庫全書

卷

集部別集類

論百二十篇楷法出入大小歐陽九經史漢至三四鈔竟帙無一率筆其資性端肅類如此尤工詩文著有曉樓詩鈔四卷文鈔四卷文鈔久佚詩鈔亦多散失存者僅得一卷即此本也曉樓為詩原本從父檀村檀村以太史歸田主盟騷壇作詩與衍宏肆殆不可當曉樓規撫摹得其神妙而詩亦幾與之埒江河之水大而本薪之盡而火以傳淵源蓋有所自而尤得從兄稻孫影響為多稻孫當乾嘉世與江都汪容甫中高郵王石隴念孫興化任子田大椿實應劉

端臨台拱等以實學為江淮倡一時士人多所欽慕

稻孫既以經學名而最曉樓以史學不拘拘於詩文

故曉樓史論多為當時所稱惜俱不傳僅以詩名也

集中有題稻孫七兄廣恨賦詩云弔古無端幽恨盈

茫茫都作不平聲魂消郭北黃蒿曲腸斷江南紅豆

情調比七哀還激越韵於三弄倍淒清繫余也是悲

秋客空和牆根蟋蟀鳴則其情亦可知已高郵夏半

舫之蓉謂曉樓詩才偉偉與問巷間能為詩者結社

聯吟追程角進而詩益工又云余與曉樓為中表昆

續修四庫全書

卷

集部別集類

弟數相過從見其謙遜謹飭溫然如玉則又靄然君子人也近出其詩示余余繼觀之大都硬語盤空而不失溫柔敦厚之旨天機溢而出而時多瑣瑣刻露之奇爰為失聲歎曰技遂至於此乎夫詩之道難言也駢枝摘葉儼白妃黃以靡曼為工而真意索然者固無足論矣即高步曹劉追擬王謝而其間縱橫之派見諸蘇豪冲亨之音致流凡劣且或千篇一律徒為優孟之衣冠競響爭奇不出東施之顰笑別裁偽體豈不難諸若曉樓之詩祇自述其情性不規規然執

漢魏三唐之詩以為準的而得心應手自無不渾合而曲肖其天事學力殆俱有過人者歟夏氏為高郵詩學不輕許人而推崇晚唐若是是晚唐詩固有不同於尋常者如幽居詩云幽居寡無人微情寄孤賞出門成小立清聽滿秋簷林表澹餘暉石路平可仰扶筇遂言歸啣杯看月上習靜耳忘言庶絕鞅塵想硬語盤空間多瑣琢而不失溫柔敦厚之旨誠有合於夏氏之許者矣

附錄傳記參攷材料

重刊高郵州志

逸園吟草四卷 家刻本

劉啓瑞

儀徵汪椿年撰椿年字孟謙嘉慶諸生幼耽吟咏弱冠即獲交於涇縣色慎伯世臣以詩就質飲聞緒論嗣族姪劍潭自粵西解組歸結吟社於西城一月三集孟謙往來其間所作益夥丙申秋嚴秋槎初春草吟社孟謙與許春卿之翰亦預其列所詣尤深性慷慨重然諾與人交務盡其忱足迹所至其鄉之宿德名流多與之遊處一時士大夫推為長者生平作詩至夥頗不輕示人道光丙午始以舊作數百首囑嚴

秋槎為之刪定釐為四卷首有自序略謂幼耽吟咏長而涉世務此事遂廢然吟風弄月涉水登山欣戚之情不能自己偶一寄興弟自抒懷抱久亦不甚記憶近因錢唐陳魯山孝廉宜良嚴秋槎明府勾留邗上倡為白桃花草新咏予愛而和之承諸詩人見許索觀全稿愧無以應爰從暇日搜括敝篋擇其可存者手錄一冊王勾生茂才見之謂其寄託處頗有古意因為選擇若干首僅先付梓夫子詩何足問世不過欲使披覽者笑而諒之知風塵潦倒中猶不能自



已於性情之事云爾序中所稱固深謙抑然不自矜  
異互相標榜猶有書生本色集中諸詩亦多自道性  
情不假雕飾如六十自述第四首云入世偏嫌缺陷  
多此身雖在竟如何未能免俗趨軒冕安得歸田住  
薜蘿自惜春秋催代謝忍教冰雪供銷磨看山著屐  
差強健浪說胸中五嶽羅純任自然脫却凡響有超  
然物外之致陳卓人<sup>立</sup>謂其詩古詩言近旨遠別饒  
意趣近體亦清真雅正流露自然風雅緒餘辨香有  
在氣味醇正非根柢深厚者未易臻斯詣力蓋許推

甚至劉孟瞻<sup>文淇</sup>亦謂孟謙擗管苦吟好學出自天  
性而不為標榜之習又謂楊州當鹽務殷富時張氏  
之讓園馬氏之行庵號召名流爭相雄長士之懷才  
抱藝者莫不有以自見使孟謙生逢其盛則必能於  
諸詩老間高置一席近今數十年間騷壇歇絕即有  
義山樊川之才誰復有相賞於風塵之外者斯不獨  
推許其詩更惜其生不逢時未能與諸詩老并駕齊  
驅其見重概可想見矣孟謙並工醫求之者輒應汪  
廷儒序述其言云詩猶醫也題之旨趣猶脈也詞之

數佐猶藥也藥失當則不應脈而病不起詞失當則  
不切題而詩不工茫於識者旨必昧猶陰陽虛實之  
舛謬也矜其才者詞必蕪猶菖陽締苓之襍投也古  
之說詩者格調氣體門<sup>也</sup>各分猶言醫者攻補寒熱  
治各異也題有應發之意應用之詞不善學者非泥  
即偏猶仲景東垣不能無議而好奇者又欲別開門  
徑爭新門奇譬之仙方秘傳非不偶中病機而能醫  
者卒不舍正宗以行微律此人人言詩而詩人不易  
逢人人言醫而良醫不易得也孟謙既工詩又工醫

以醫理說詩得其通貫之道主於中正和平是亦醫  
中之良工也

附錄傳記參攷材料

儀徵縣志



愛日堂文集八卷詩集二卷外集一卷 乾隆庚寅家刻本同治庚午補修本 劉啓瑞

高郵孫宗彝撰宗彝字孝則順治丙戌舉人丁亥進士授中書科中書掌科事高郵舊有優免馬差房差田差現催丁差等害孝則首請除之著為令又上請明職業請歸職掌等疏擢吏部考功司主事轉員外郎時有以城工授官者力持不可堂官劉正宗宋牧民怒之証孝則以索詐下部面質冢宰議均得罪上直孝則免之獨坐牧民調文選司典試河南轉稽勳

續修四庫全書

卷

集部別集類

司郎中又補考功司外陞薊州分巡道副使以病歸適里中水患孝則為請賑收活甚多又建議周橋不可開宜激淮水刷沙河流之奠終用其議唯論治河之工搜弊大露觸怒河員姦民乘隙誣以他事遂下揚州府獄總督于成龍知其冤將昭雪之會病死獄中太守崔華傷之以礼殮葬州人哭者徧於道路年七十二所著有愛日堂詩集四卷易宗十二卷圖說一卷律數四卷文集十二卷除易宗等已著錄入四庫全書外愛日堂詩文集僅存文集八卷詩集二卷

外集一卷初刊於乾隆庚寅閱百餘年復補修於同治庚午即此本也集中諸文多為經世之作有裨於國計民生如代條陳水利疏徭役論海防策淮揚治水全議淮揚治水利害議周橋議治清水潭議漕河條議治河議催科議等篇均有關於經國大端或已行或未行行者固足以見其卓識未行者亦足以規其宏議蓋孝則平生於經史百家天官地志星厯象數以至釋氏無生之旨神仙導引之術無不深造貫通得其要領而於礼義廉讓忠信孝弟之旨尤講求

續修四庫全書

卷

集部別集類

最深故發為文章莫不以憂時憫世為裏而不以利害為趨避而行文馳發泉湧援筆立就淵然之光蒼然之色尤令人望之儉衽屏息不敢狎視其格調高古之處曾不屑同於模擬竄竊而按其辭義無不與古人造軌合轍蓋文之所在斯即道之所在也至於為詩不務名家近舉胸情旁起耳目絕去詞人拘攣而無風雲月露之辭門人陳可畏論其集中諸體謂擬古瑞雪之章安世樂府之亞也渡河弔古之什龜山采芝之作也感遇述懷則步兵射洪趙州泗上則

達夫青蓮望岱古律羅列兒孫之句江淮歌行春陵  
北征之音題孝子之傳寓生氣於廬江誦廬哀之詩  
儼椎心於社哭以至應制齋宿之篇足以黼黻太平  
予告秋情之律不改和平溫厚及夫自題小影則說  
法分明志謝報恩則聲前有曲斯皆指天唯我証性  
拈花字句全無不落二義忘情進道非復情性之文  
蓋皆道德之指足以諷末世而垂昭戒固不僅以詩  
見者阮文達淮海英靈集引其庚申湖泛詩有句云  
兩日江上船一夜天邊雪朔風裏薄衾依舷抱寒鐵  
續修四庫全書總目

卷

集部別集類

嗟彼蓬中人竈冷炊烟絕家家哭無聲淚凍寒哽咽  
頃刻棄溝渠此苦甚漂沒聲情悽楚不忍卒讀仁者  
之衷深可佩已

附錄傳記參攷材料

阮元淮海英靈集乙集

長嘯齋集三卷 家精刻本

劉啓瑞

高郵孫穀撰穀字雨田號祈園漢孫子少穎悟年十  
七雍正戊子補博士弟子員丁未舉賢良方正庚戌  
引見試補江西南康令康為入粵通衢民苦征役下  
車革船差馬差諸弊政省獄出無罪者三十人廉潔  
孤直不愧祖風在任五載以廉幹署贛府同知除漕  
弊之不便於民者刊諸石上官忌之誣以他事落職  
撫軍岳公廉得實保題於朝復原職後病歸卒於家  
著有長嘯齋集祈園性孝友與人恂恂無爭而嚴毅

續修四庫全書總目

卷

集部別集類

自持弗詭隨於俗故所為詩亦呈醇厚卓然如見其  
人集中如廣陵遇施磧在從蜀中歸詩云暫息征車  
訪故人天涯知己情性真蜀山蜀水題應滿淮北淮  
南別幾春戎馬縱橫談往事詩書搖落慟前津多君  
熱血襟懷古為破愁顏酒入脣一片情真見諸裏抱  
黔南劉晟謂其詩古足新奇刪除陳言獨標己意不  
拘拘於聲調為工要皆本乎性發乎情其纏綿悱惻  
近乎騷而溫厚和平則復歸於雅斯真言行相顧間  
無愧於其名者之斯數言信可謂知其詩者集後二



卷附其子全庶全郊詩全郊字兩疏一號潮子生祈園長子諸生少隨祈園官南康綜理精明胥吏輻服嘗以父遺象歷繪弗肖隻身赴江左乞祈園門人果圖之其天性過人類如此為文力守先正詩則蒼茫渾厚多從馬蹄驢背間得之全庶字一鶴號培莊祈園少子廩膳生少穎異讀書目數行下文不加點操管如飛壽言哀誄有求者口占應之十八秋闈不遇為人負奇志不可一世視全帛如土直為詩力追漢魏杭大宗劇賞之著有飛桂軒文集詩集瓶室詩餘若干卷均不傳僅存詩數十首附集以行葉孫氏為高郵大族詩人奕葉弗墜自順治時葉橋宗彝以詩著厥後無燁弓安遂人漢孫澍田中均能抗其緒而祈園父子迭唱迭和尤為孫氏之傑出者迄今猶冀紹弗衰云

附錄傳記參攷材料

阮元淮海英薈山集

王文肅公遺文不分卷道光辛丑初刻本咸豐丙辰再刻本民國乙丑羅氏翻印本

劉啓瑞

高郵王安國撰安國字書城號春圃先世蘇州人祖式耜通五經副榜貢生父曾祿拔貢生教授百人為名儒書城稟父訓熟精宋五子書性孤介不苟合康熙丁酉舉於鄉雍正甲辰會試第一名殿試一甲二名授編修初謁座主高安未文端載文端謂之曰學人通籍後留得本來面目為難春圃疎然受教奉為楷模十年典試福建還國子司業十二年以侍講督

廣東學政累遷至都察院僉都御史其教國子必以瀛洛闕閤之書抑營競務實踐在粵嚴教官校士之法闕院署西齋簡士之尤者親為講授復周恤其貧使一意於學乾隆四年入為左副都御史不踰年晉左都御史巡撫廣東在任三年嶺表稱治八年內召為兵部尚書丁父艱歸里服闋後遷禮部尚書嘗心典制每有正議人不能奪時聞有龍興撫臣疏請立廟祀加封號書城建議聞之有奏駁福建巡撫請加天寧山龍神封號疏載遺文其窮理持正類如此二



十年夏晉吏部尚書兼工部尚書二十二年病卒諡文肅文肅起家寒素由巡撫入為尚書衣食器用不改於舊公餘則杜門矻矻如諸生中年喪偶不畜妾媵子念孫甫齒相依同寢起者十餘年常欲取朱子師弟問答之語衷其粹精以附之章句未克就而卒遺文亦多散失越八十餘年道光辛丑孫敘之衷其遺文得八篇曰奏濬海口疏奏舉賢良疏奏省簿書以課農桑疏重建八蜡廟記重建天長縣城西嶽廟記朱子年譜序古堂府君行述奏駁福建巡撫請加

續修四庫全書總目

卷

集部別集類

天寧山龍神封號疏共為一卷梓以行世自跋謂訪求所得僅獲百一非盡語也既梓曾孫壽同又從京師訪得三篇曰奏懇賜封外祖父母疏孺人壽言夏伊園詩存敘統刊於黃州黃州兵火版失咸豐丙辰敬之又彙刊於高郵逮民國己丑上虞羅振玉翻印王氏父子諸集名高郵王氏遺書而以王文肅遺文附見其集中除古堂府君行述已移入王氏六葉傳狀碑誌集不入遺文外較王氏重刊多廷對策少夏伊園詩存敘各一篇其次第亦不盡同奏懇賜封

外祖父母疏列重建八蜡廟記前而最末為廷對策卷末羅跋謂駁天寧山龍神封號疏廷對策二篇為初刻本所無茲據咸豐丙辰重刻本增入今檢王氏初刻重刻兩本相較並與羅說不盡似而夏伊園詩存敘一篇為補刻本所有而羅本所無疑羅氏所見為又一本歟至集中諸文多宗理學悉以紫陽為主其序王白田朱子年譜序有云自涑泗徂而羣言亂有宋朱子集濂洛之大成以上溯孔孟於是道之晦者復明如日再中矣乃服習朱子之道者激於艸廬

續修四庫全書總目

卷

集部別集類

吳氏調停之說乃亦截取語錄所述蚤歲未定之言傳會於離間學而尊德性者汲汲辯言謂吾朱子何嘗不足於是以為庶幾可以競勝於非朱子之徒而不知道為惑世誣民者助之薪而張其策也文肅斯言可聞異說文肅少嘗問朱陸異同於父父謂性理本一而隨人氣質不同居敬窮理力行於聖教何間焉必棄絕物理以求本心豈孔顏之旨哉文肅自是秉承庭訓躬行實踐既登廊廟凡朝章國故無不以紫陽之說見諸實事學有淵源宜其為理學名臣而

無愧色讀斯集者尤當體會其旨固不可以文章衡之也

附錄傳記參攷材料

夏之蓉撰王尚書安國傳

程敦撰文肅王公行狀

汪由敦王文肅墓誌銘

續修四庫全書總目

卷

集部別集類

恕堂詩四卷 嘉慶丙子王氏刻本

劉啓瑞

泰州宮鴻曆撰鴻曆字撫麓一字友應號恕堂工詩文康熙四十一年考授教習四十四年仁廟南巡獻詩四十首上稱善謂侍臣曰此老學也賜金帛命在南薰殿纂修方輿路程四十五年成進士改庶吉士授編修移武英殿纂修御選唐詩注五十一年充會試同考官旋告歸所著有棣園集舊雨集感秋集恕堂詩瀛海策略等初恕堂以詩名藉藉江淮間商山宋牧仲華選江左十五子詩首列其名而名益噪與

續修四庫全書總目

卷

集部別集類

同里繆湘芷沅並稱江左詩學第恕堂生平雅不欲以詩見歿後又遺集久而未梓世人多淡然忘之阮文達元葺淮海英肅集時於宮氏詩人多所羅列獨於恕堂以未得其集而罷是亦有幸有不幸者逮嘉慶丙子邑人王世豐始取付梓人時去恕堂之歿蓋已百餘年遺集亦多散失存者僅散懷集舊雨集兩種合為恕堂詩四卷梓時又選廟諱缺名為鴻尸近世泰州修志因即謫為鴻尸亦可慨已集首有唐孫華序略謂恕堂詩本韓杜而稌蘇體蓋詩之為道所



以摠發性情摹狀景物隨其分量之所至各自成家如蛾眉之不同貌芳草之不共氣非必其一格也古人之詩或有單言隻句而傳誦後世稱為獨絕者非必其多辭也然而才力有大小學殖有厚薄氣弱者其節短實大者其聲宏固亦有不可強為者唐之詩人莫雄於少陵昌黎宋之詩人莫雄於眉山皆所謂實大而聲宏者後世之稱詩者亦多偶異之才而往往局於邊幅譬之斷鑿沼沚之水雖清而易挹公弦孤韵之鳴雖高而易厭之以自成一格亦足以備詩

家之偏伍然以語於大家則未也吾友瀛海宮恕堂先生門第高華才性瓊麗篤學好古於書無所不闢發為聲詩瑰奇典博其雄深峭健橫空排莽得之韓杜二家至於豪蕩曲折或一韵疊和變化不可端倪則尤神似蘇長公其嘯吟閨路音中黃鍾之宮小者不窕大者不樸信所謂實大而聲宏者歟往者余官京師與恕堂及姜西溟惠研谿趙蒙泉楊晚研查夏重聲山湯西崖吳西齋輩數人為文酒之會恕堂刻燭擊鉢千言立就舉坐皆為驚怖懷伏自歎為不如

也近者扁舟遇余出新詩數百篇見眎其氣益豪其才益壯蓋當擔簦挾策遨遊四方沂江楚歷閩越旗亭郵臺泚筆留題故其逸興奇情多得之江山之助如恕堂者固當以大家推之而非余之阿私所好也唐氏所論稱其雄深峭健橫空排莽得之韓杜豪蕩曲折或一韵疊和變化不可端倪則神似蘇長公而尤得江山之助之此數言信為得之集中如題王阮亭帶經堂圖放鵬圖諸詩良得韓杜宗而北食和願書宣太史韵詩至於七疊亦能得蘇長公遺意至其

與商山言查德尹方霧皋錢亮工徐學人蔣揚孫姜西溟湯西崖等唱和諸作尤能得唐人深旨蓋諸君並一時名之士為海內法式而恕堂與之疊唱疊和磋商琢治則得諸並時師反之益從可知矣

附錄傳記參攷材料

泰州志



紅粟山莊詩六卷詩續六卷詩餘一卷又補遺一卷

同治九年福州刊本

劉啓瑞

泰州朱寶善撰寶善字樓船號悔齋世為泰州望族生而奇慧四歲在抱即能識字甫冠應童子試以詩有雲遮山露脚句見屏四應布政司試兩膺薦條不得解咸豐辛亥以縣丞需次閩中管藩庫適大崙會匪平得保知縣庚午署澄海縣知縣有政聲嗣補長泰縣濬河儲穀諸政取次施行旋辦沙埕浦城釐金等差又辦閩安鎮海防己丑冬病歿差次年七十矣

續修四庫全書

卷

集部別集類

生平無他嗜好最喜功甫茶篤志詩畫詩為杭人譚仲修獻所識謂可趾美吳野人野人者為清初泰州詩學名嘉紀著有陋軒集已著錄入四庫存目泰人之為詩者多宗之悔齋並喜畫長沙徐樹銘尤稱之謂質重氣輕近二百年所罕見初學繪於同邑馬呈圖復近顧堅晚入黃大癡之室淺學者多不知其詩名轉為畫掩著有紅粟山莊詩六卷詩續六卷詩餘一卷同治九年梓於福州悔齋為詩不名一家獨寫襟抱自出機杼不以摹仿塗澤為工而其沈鬱婉摯

續修四庫全書

卷

集部別集類

之處則於杜蘇二家意境為近固不在乎貌襲詩體無不工而五古尤勝五古絕似初白七古及五七言近体雅與虞山為近五言如題友人彈琴圖云天高萬籟沈風壑瀉清音激激七絃上都成山水音手招元鶴舞夢墮碧雲深愧我難同調徒為澤畔吟七言如自笑詩云匆匆野馬逐飛車眼底流光感歲華誰為風敷憐病葉每因秋老惜餘花佳人翠袖寒能耐仙侶黃梁夢太奢自笑螭身多苦惱十年看慣井中蛇並撫時感事頓挫纏綿尤得詩人諷諭之義宜黃陳少香偕煉謂其詩有骨力有才情有氣韻頗合風人溫柔敦厚之旨而器識之超邁抱負之宏濶悉於此想見桐城吳宜農鴻謨亦謂其詩澄澹精緻洗盡鉛華如珍泉出澗但覺清冷之狀令人塵慮皆蠲非苦心孤詣希蹤古人何能潛索冥搜深窺如此沅陵吳桐雲大廷亦謂其詩五古駘逸七古清峻近体亦志和音雅意極感喟而卻無焦殺之音斯為有合風雅之旨三人者言雖不同而意旨則一得風雅之正澄澹精緻洗盡鉛華要為悔齋確切不移之論惜乎

海齊之後，繼踪野人者，近猶聞如也。

附錄傳記參攷材料

袁鑣撰宋大令傳

續修四庫全書總目

卷

集部別集類

卧秋草堂詩鈔不分卷 道光甲午金氏刻本

劉啓瑞

江都朱冕撰。冕字老範，乾隆初布衣，學問篤實，品格清高，安貧樂道，見稱閭里。時揚州民物殷富，為淮海魚鹽之區，富商大賈，挾貲而至者，踵相接，豪飲酣歌，於風雅一道，茫然不講。其間隱君子，多閉戶讀書，以自娛。而老範尤淡泊自守，卓然為一代詩人。好苦吟，無以窮老，故語多瘦削，寒韻逼人。有詩二千餘首，錄為六卷，分六冊。其五冊燬於蘭陵蕭生宅，餘一冊又

續修四庫全書總目

卷

集部別集類

為其婢藉鐵縷，無復存者。友人汪約谿宏收集之，得一卷，謂大抵得之於野寺村店，朋舊零楮廢墨中，蓋不足什之一。斯亦可哀已。老範既歿，葬江都沈家山西子孫零落，酬奠闕如。墓道圯毀，無復知者。嘉慶八年，東陶袁獻竹得其墓碣，約同人歸之，更新墓，並歌詩弔之。閱三十餘年，江都葉布帆、李獻北等復重修其墓，而金竹移為刻其集，即此本也。老範存時，嘗掃逸民潘雪帆墓，有句云：孤墓痛哭無家客，爾化莊生我杜鵑。不圖自負，亦遭遇如此。斯亦有先見矣。汪約

谿謂老鮑為詩必千錯萬錯而出出必可驚可愕如  
笑如唬抉摘刻削露其情狀乃已是亦其境遇有使  
然者阮仲嘉亨珠湖草堂筆記選其佳句五言云被  
僵渾似鐵風勁欲如刀枯僧雙耳重衰草一腰深年  
隨雙鬢改身與一燈孤滑鼠風翻草饑鷹月掛枝七  
言云萬頃荻花飛雪浦一川楓葉散秋屏夜月已空  
携酒約歲寒曾記贈金時生如俊鶴盤空蚤身似殘  
棋受劫多一笛離亭紅豆曲五更殘夢白門山聲情  
淒楚宜板橋道人鄭燮有不堪遠讀老鮑詩之句也

附錄傳記參攷材料

光緒重修江都縣志

思純堂集十四卷 家刻本

劉啓瑞

江都程名世撰名世字令延號筠榭先世新安人自  
曾祖之猷始遷揚州遂家焉累世積善有隱德至筠  
榭與從兄魚門晉芳尤能克大其緒魚門既以編修  
貴宏獎多士為海內仰望而筠榭不汲汲於富貴以詩  
文相尚與方扶南杭堇浦厲樊榭沙白岸韋藥軒杜  
補堂江橙里諸人相倡和賓客文酒之譔埒於馬氏  
曰琯文采風流超出魚門之上乾隆壬午南巡賜四  
品頂帶性爽朗和厚可親詩亦出諸心性自三百篇

至近代悉會萃研討浸淫貫串其源流本末盛衰升  
降興廢異同分合之故耳然於胸爬搜抉剔澄去沙  
礫而擷其菁華不隨俗為好尚亦不以人地時代相  
限斷期於實有所得而止少解四聲十歲即能握管  
作詩積五十餘年得詩不下三千首合為詩集十四  
種而手自勘訂斷於乙丑凡少所作多半刪乙起乙  
丑至辛巳十七年合編為坐而安居集三卷嘗以庚  
午辛未間作吳越遊涉江至京口達姑蘇訪杜補堂  
於杭州遍曆湖山諸勝得詩一卷名飲淥稿陳徵士



章序之以行稱其意趣天出自然與溫柔敦厚之旨相合戊寅復渡江過杭州至富陽越桐廬登嚴陵釣臺歸新安掃墓覽齊雲諸勝跡別錄為雲山小稿一卷壬午至戊子家居譚子時於里中集諸詩人為文酒之譙得詩五卷合訂為小函館詩存筠榭有別墅在寶應之柘溪戊子冬挈家以往謝絕人事凡五年編其詩為柘溪集一卷撈蝦集一卷柘溪續集二卷間以事至贛榆別為海上集續集各一卷一至京口別為紀遊詩一卷金兆燕題其端謂筠榭詩本以才

勝近則歸絢爛於平淡愈真愈深直與初唐樂府相頡頏非阿好也癸巳詩曰春雨樓集二卷甲戌詩曰秋水芙蓉館稿一卷乙未復移家郡城有詩一卷曰老屋吟稿丙申至戊戌時復來寶應贛榆間詩一卷曰海上吟稿筠榭詩以外有詞一卷樂府一卷筠榭素好遊遊展所至輒與鉛槧俱山水性情與胸中實府相疏濬探奇領異一寓於詩寄居揚州歐蘇遺蹟近在指顧京口三山金陵之攝山牛首皆杖履間物歲或一至或間歲一至至則必有詩深得於山川之

助此其詩之所以迥出尋常不拘拘於唐宋諸大家也筠榭既歿越四十年其子贊和等以詩稿屬王柳村豫選訂得六百餘首合為十四卷即此本也柳村當嘉道世為揚州詩學曾選江蘇詩徵海內稱善不輕許人而謂筠榭詩以晉唐為宗五言旨趣高潔被除俗調如置身斜川輞水間儼然絕塵世想阮梅村亨謂其許至當蓋非虛語也筠榭詩詞外別有左傳識小錄楞嚴法華維摩詰三經註等惜不傳蓋筠榭固不僅以詩詞見者

附錄傳記參攷材料

嘉慶揚州府志

香葉草堂詩存不分卷

嘉慶元年家刻本  
民國聚珍做宋書局翻印本

劉啓瑞

江都羅聘撰聘字遜夫號兩峯又自號花之寺僧原籍歙縣流寓江都居天寧門內彌陀巷額其堂曰朱草詩林因自稱為揚州人善畫嘗受業金冬心農門門畫梅入高格尤喜畫鬼有鬼趣圖題者百餘人為時所重與金冬心等同稱為揚州八怪亦工詩得超然物外之致有冬心風詩凡若干首大興翁覃溪方綱為選存二百餘首名曰香葉草堂詩存首有翁序

續修四庫全書

卷 集部別集類

略謂兩峯為冬心高弟子腹貯皆金石琳琅深情遠韻不僅師冬心畫梅者又謂兩峯於畫理深入古作者之室幽深寬逸之趣悉寄之於詩蓋冬心詩以含蓄見味而兩峯能盡發其所欲言者予嘗論古淡之作必於事境寄之故翁亦言絕塵邁往之氣於舟車道塗間得之為多而兩峯自南北數千里間選勝懷知登臨節物之感離合根觸之思蕭寥沉頓每以空音淡佇若不欲暢發之至盡者此即冬心詩畫髓也錢唐吳穀人亦謂冬心詩造懷復遠蓄韻幽微如清

夜九霄落魚山之梵如深雪萬嶂品雷威之琴灑紅泉而散糴煉白石而飛澤自標高格莫躡後塵而兩峯獨能因瓶鉢之傳研花水之味指歸龍象嘯咏鸞鳳闢手師門鼓其靈樞天樂自奏六塵盡空水波不興萬里一碧句可呈佛心時雜仙媿媿乎其趣長冷泠然其旨遠已之斯兩許均能得其真旨蓋冬心兩峯之詩皆以幽深寬遠見勝者兩峯詩如西山道中云蘿徑綠無次百蟲聲裡行不知田父姓轉問野花名茅屋隔溪見柴門架樹成東皋原有約何日果躬耕又自歎詩云飄零自歎鬢成絲此夕心情減昔時楚女春衫曾拭酒洛妃羅襪舊題詩黃花籬外身同瘦紅燭風前淚共垂多謝當爐人問訊姓名只合酒家知皆蕭寥沉頓蓄韻幽微與翁吳所許相合而性情間適之處天然無斧鑿痕尤非深於元白者不能臻此蓋兩峯固不僅以畫傳也而世人獨稱其畫尤謂其畫鬼畫佛最奇而王述庵和亦謂兩峯畫大阿難漢及摩訶薩各像足與崔青蚓陳章侯上下是猶未足盡兩峯之所長也阮文達淮海英靈集李父塘

續修四庫全書

卷 集部別集類



斗揚州畫舫錄並謂兩峯妻方婉儀字白蓮亦能畫梅竹石並工詩著有白蓮半格詩及學陸集年四十八卒病時兩峯將京師為集唐句送之云病得清涼減四肢膏肓終恐誤秦醫自知死亦人間事多是秋風搖落時握手那堪此別離雨昏輕浪挂帆遲病中不用君相憶夜夜孤眠枕獨歎集句天然神情婉轉與兩峯並以詩畫名世是亦有足多者

附錄傳記參攷材料

續修四庫全書總目

卷

集部別集類

光緒重修江都縣續志

國朝正雅集

淮海英靈集壬集

契不合齋文集四卷附詩一卷 民國甲子李氏半畝

園刻本

劉啓瑞

江都李祖望撰祖望字賓陽增貢生幼穎悟讀書輒數行下六歲詠蘭花有品超羣卉外清味有誰知之句稍長問業於梅植之授楚辭文選誦習至夜分不輟又與同邑薛壽儀微劉毓崧友因覽經史尤嗜六書金石之學所居半畝園襟蒔花樹風日清美憑長几散帙點勘夜則一燈熒然持茗碗與書卷相對咸豐癸丑郡城淪陷賓陽奉父母徙居於外間闕兵燹

續修四庫全書總目

卷

集部別集類

中皆以著述為事嘗為說文統系表凡分四類前表列庖犧至西漢諸儒正表列許慎許冲尹珍並六朝以來傳說文之學者後表列呂忱張有諸人說許書而宗旨別者附表列校刻說文之人又以金壇段氏若膺分古韵為十七部博采音訓申釋段氏之義為古韵旁証十四卷又以陸孔諸本校唐石經並采顧惠錢段諸家攷証之說凡磨改旁增者標明之為唐石經箋異九卷任氏大椿著有小學鈞沉賓陽徵采異文校正異字增引序跋說部證之為小學鈞沉篇



目攷証六卷說文重文有或省或不省或如此或非是或從某或從某聲諸例賓陽折衷經史並采周秦漢魏之書辨其異同以明通段之例為說文重文攷十六卷又仿孫氏星衍訪碑錄例為江蘇碑目紀畧六卷又取段惠錢江諸儒著述能闡明許書義例音訓者彙刻之為小學類編三十六卷又編所著詩文為鏤不舍齋詩文集八卷諸書除小學類篇已梓外餘多未刊曾見遺稿朱墨爛然鏤不舍齋詩文集成豐三年曾燬兵燹賓陽旋歿未及改訂子聲傳收合

餘燼僅得文四卷詩一卷民國甲子始付梓行文集中多論小學經學諸作如文辰說三年導服說上下篇原隰豬野非地名說答友人何鼓河鼓何河二字說答陳逢衡最末說皆與薛介伯壽劉伯山毓崧等並時而作薛劉兩氏之說已見學詒齋文集及通義堂文集中今取相校知賓陽所說另有發明不相勦襲斯蓋能自樹主者楊郡自嘉道後故老經師雖多凋謝第流風餘韻猶幸有存得其緒餘猶足名家如薛介伯劉伯山等或以小學見長以經學名世皆能

卓然成家得故老宗法足以信今而傳後賓陽亦其一也賓陽嘗見日本權敦仁致汪孟慈喜孫書詢中土文獻賓陽為作汪孟慈先生海外墨緣冊子答問十六則以詳其事世人多美稱之文載卷三其子目一為問音韻二為問天文算學三為問尚書古今文四為問默魏深治三家詩五為問易公羊家法之廢興六為問鄧頑伯篆隸七為問廣州經解存錄取舍之用意八為問羅茗香春秋朔閏表九為問顧震滄姚秋農朔閏表十為問時憲用橢圓法十一為問駢

散體文十二為問校讐之學十三為問南北派書法十四為問張亨甫詩集十五為問秦敦甫石研齋藏書十六為問印刻賓陽皆一一詳答綱舉目張繁徵博引彈見洽聞與權氏所問若合符節是又不僅藝林中之佳話抑亦海外之墨緣矣賓陽亦工詩幽逸澹遠有唐遺意如為黃雨生畫揚州城西虹橋大意詩云沿隄楊柳碧如絲飲澗垂虹獨倚時載酒風流前輩少何人更唱冶春詞雲山舊迹認依稀樓閣當年是也非樹色波光何處覓空樓白塔依晴暉又如

莫愁湖詩云小堂舊是莫愁家近接山涯與水涯紅粉六朝空畫本一湖明月白蓮花丰姿翩跹氣韵逶迤不類經生之詩斯亦難能可貴矣志又載悔齋善畫尤工山水蕭散清幽得倪黃筆意惜鄉里多未見也

附錄傳記參攷材料

光緒續修江都縣志

且住庵文叢六卷 山陽何氏藏傳鈔本 劉啓瑞

甘泉汪喜荀撰喜荀初名喜孫避九世祖諱改喜荀字孟慈號荀叔通儒汪容甫中子少穎異六歲入家塾容甫手寫弟子職急就章授之又校正今文尚書銜色未改本授讀過目成誦自序所謂商瞿生子一經可遺者此也容甫歿於西湖萬嶺園時孟慈甫九歲賴母朱氏課讀以成中嘉慶十二年舉人援例為內閣中書升補戶部山東司員外郎於河政漕運多所建白並蒙施行尋以河工積勞保知府加道銜補

河南懷慶府知府有善政以病卒官著有國朝名臣言行錄經師言行錄尚友記從政錄孤兒篇且住庵詩文叢等詩叢未見傳本文叢見山陽何氏傳鈔本凡六卷諸体文悉備尤以經解序跋銘誌書議論述為多間有與從政錄複者亦祇說車與讀孟子二篇疑此二篇本應收入文叢之內刊從政錄時未及檢所致首有自序略謂喜孫三十以內校寫楹書略涉書史迨後總甄錢穀困頓簿書二十年來廢寢忘餐惟於經世之學發先人之蘊自謂向所肆力至經史

詞章自分不能紹述先人顯門之業卒無以成惟論文海內獲交老蒼所見所聞屬有天幸隨筆劄記所錄致多編弄成帙藏之於家屬文大概可見於此惟是藁中所錄不及百篇與子延熙等跋謂文凡三百餘篇者有異李賓陽祖望鏤不舍齋文集有汪孟慈先生海外墨緣冊子答問十六則敘謂日本權敦仁與齋來京師與汪孟慈先生接後以來先生彙裝成冊為題海外墨緣四字今檢文集答書僅存與某大夫書一通書中謂奉寄寸楮未暢鄙意是此為第二

書第一書則未曾錄入疑傳鈔本所據或即為不全之本然據何氏云曾見另一本較此卷帙更夥豈此即為足歟藁中所錄多考據文如戴不勝戴盈之辨引王伯厚姓氏急就篇札戴慶自注宋戴公子文之後有不勝盈之兩人辨邢疏戴不勝字盈之之誤至於設寡解引孔叢子引呂刑哀敬折獄敬作矜謂於寡即錄寡集韵錄通作矜郭公解引春秋昭元年會於號穀梁作會於郭謂郭公即號公號郭聲之轉戴十一征而無敵於天下解引詩小戎載寢載興文選

注十引作再寢再興謂載再二字古人通用証孟子趙注一說載當作再之義為長凡此皆精審詳明証據確鑿王石臞念孫謂其論古有識段懋堂王裁劉端臨台拱程易疇瑤田謂其能讀父書伊墨卿秉綬贈句有云樸學尊記注清詩緣性情凡此皆屬紀實非虛譽也

附錄傳記參攷材料

續修揚州府志

汪孟慈行述



嵇庵詩集十卷文集二卷

道光刻本

劉啓瑞

江都梅植之撰。植之字蘊生。道光十九年舉人。父衍多厚德。鄉黨稱長者。植之年十二。即善古今體詩。長博覽經史。家貧無書。率手自鈔寫。以穀梁師說最古。義往往與毛荀氏合。擬作疏證。未果。工書法。見舊拓珍玩不釋手。至歲學琴。慕嵇中散之為人。署所居曰嵇庵。中歲遭考妣喪。未闋服。妻許氏又卒。家室蕩然。其愁苦抑鬱之狀。一寓於詩。年五十卒。卒之前日。繼娶黃氏。始舉一男。猶強撫之。命名曰毓。著有嵇庵

續修四庫全書

卷

集部別集類

詩集十卷。文集二卷。詩集初自訂為六卷。友人王瓚為梓行之。自序略謂。年五歲。先君口授四聲。便日誦古詩。七歲命為五言。年十二。能為古今體詩。自十三歲至十八。得詩四卷。自名曰趨庭集。年十九。舅氏謝秋潭歸自越州。舍於家。見植之善為詩。又曲愛之。令朝夕唱酬。凡二年。又得詩四卷。自名曰墅游集。後為舉子業。自此遂事帖括。少吟咏矣。不幸辛卯。先君子棄養。甲午。又丁先妣憂。乙未。室人又亡。貧病不支。死。喪踵接。費費一身。無所逃命。書籍文物。飄零四散。岑

君紹用。邀余館課其猶子。始有食宿之所。我友賓應

劉君楚楨。與同邑王君瓚華。皆令急錄稿本。楚楨已代錄一通。藏諸篋。而瓚華為余刻。因檢前所成八卷者。已散失過半。乃合續作叢錄鈔之。僅得五卷。名曰嵇庵集。嵇庵。余故居鼓琴處。所自署者也。錄稿既畢。又以哀傷惜。但死生不得之。不能已於言。而無父母之可呼。天之可問者。成一卷。為野哭集。雖其名為孔子所惡。而余實當之。據此可知蘊生作詩之大概。與詩集之哀成。而一片愁怨哀苦之音。溢於言次。昔人

續修四庫全書

卷

集部別集類

謂詩窮而後工。蓋於蘊生見之矣。蘊生卒之前三月。門人黃菊人。圖華。為梓其續集七八二卷。既卒。門人薛壽等。又搜葺其遺稿。乞劉孟瞻。文洪。王句生。翼鳳。選定。為詩二卷。文二卷。合之為詩十卷。文二卷。菊人並付諸梓。即此本也。蘊生詩。劉孟瞻謂其近体主少陵。古体導源康樂。黃春谷承吉亦謂其今格宗主少陵。更薄延清廷頌。古体尤深康樂。或近明遠嗣宗。二說並相似。集中五言詩。如遊平山堂云。迢迢八千里。山氣走峨眉。江迴帆飛小。空鳥下遲。法雲垂碧殿。靈

雨暗叢祠十載丹邱想登高寄所思七言詩如竭來  
云竭來情思更模糊花月樓臺夢有無滅燭我偏聞  
子夜採桑人自見羅敷游絲風斷吹千尺春水波平  
綠一湖愁絕天涯何處是萬行楊柳接蘼蕪並清麗  
卓絕深細入微得風雅正宗不愧劉黃二君所稱而  
窮苦煩怨之作讀之尤令人淒涼欲絕其野哭集咏  
長至詩云今年長至都無事更覺傷心勝去年慈母  
音容難在寢病妻呻楚絕同眠招魂無處陳杯酒野  
哭何方化紙錢禍到滅家天不悔蒼蒼與我竟何緣

含涕陳詩傷懷染翰春蠶既死猶抽未盡之絲杜宇  
無聲空腸哀餘之血其情其境良可憫矣至其為文  
集中哀流離賦係為淮溢而作規摹汪容甫中之哀  
鹽船文而情韻未逮擬連珠三十九首隸事必雋造  
詞必精感歎不遇之意居多與劉楚楨論詩書抉擇  
源流如辨淄澠答符南樵問賦書導源屈宋推轂馬  
揚謂班固已異西京陸機下開江左片言居要精詣  
可知以較劉孟塗論駢體書徒事炫異未為心得者  
益不可以道里計矣其餘諸作大半類此惜洪楊劫

後板片散失遺書罕覩傳本亦稀以梅氏之處境苦  
艱生人適盡而又天靳其傳是亦有幸有不幸矣

附錄傳記參攷材料

續修揚州府志

劉文淇青溪舊屋集梅蘊生墓表

雕菰樓集二十四卷焦里堂先生逸文一卷 雕菰樓  
集文選樓叢書本文學山房叢書本 逸文郵齋叢  
書本

劉啓瑞

江都焦循撰循字里堂嘉慶六年舉人事蹟具詳清  
史稿列傳阮元撰通儒焦君傳江藩撰漢學師承記  
本傳里堂著有易通釋二十卷圖略八卷章句十二  
卷摠名曰雕菰易學三書易餘籥錄二十卷易話二  
卷注易日記三卷易廣記三卷孟子正義三十卷周  
易王注補疏二卷尚書孔氏傳補疏二卷毛詩鄭氏

續修四庫全書

卷

集部別集類

箋補疏五卷春秋傳杜氏集解補疏五卷禮記鄭氏  
注補疏三卷論語何氏集解補疏二卷合之為六經  
補疏二十卷禹貢鄭注釋一卷毛詩地理釋四卷論  
語通釋一卷羣經宮室圖二卷毛詩鳥獸草木蟲魚  
釋十一卷陸璣疏考証一卷書義叢鈔四十卷釋孤  
三卷釋輪二卷釋捕一卷加減乘除釋八卷天元一  
釋二卷開方通釋一卷北湖小志六卷揚州足徵錄  
二十七卷瑯記六卷里堂道聽錄五十卷等凡數十  
種多已刊行此雕菰樓集乃嘉慶二十二年里堂手

自訂定者為卷二十有四卷一為賦六篇卷二為詩

四十八首卷三為詩九十三首卷四為詩一百四十

一首卷五為詩一百三十四首卷六為贊三十七首

頌一首銘九首卷七為禠著十二篇卷八為辨十一

篇論七篇卷九為解十七篇卷十為說二十七篇卷

十一為釋五篇考十五篇卷十二為議四篇答問七

篇狀一篇卷十三為書十篇卷十四為書十六篇卷

十五為序十五篇卷十六為序二十五篇卷十七為

序十篇卷十八為跋十篇書後十篇題二篇卷十九

續修四庫全書

卷

集部別集類

為記二卷二十為記十二篇卷二十一為傳十一篇  
卷二十二為碑一篇墓志銘十篇墓表六篇冢志一  
篇卷二十三為事略三篇事狀一篇書事五篇卷二  
十四為告文一篇祭文五篇誄辭一篇哀辭三篇都  
為文三百二十有六篇詩四百二十首別有軼文一  
卷為南陵徐乃昌草凡十有二篇多序跋之作里堂  
樸厚篤學邃於經義尤精於天文步算見稱於阮文  
達元定香亭筆談其自撰告先聖先師文亦謂幼秉  
父教今從十翼求經蓋里堂畢生精力大半萃於經



算之學而於詞章之道亦所不廢自跋集目謂自乾隆戊戌己亥為古文詞凡四十年於此可以知里堂於詩文寢饋之深致力之勤矣最愛柳柳州文習之不倦謂唐宋以來一人而已嘗作文說三篇謂作文之法不必拘於一家務取詞達略云文有達而無深與博達之於上下四旁所以通其變人以為博耳達之於隱微曲折所以窮其原人以為深耳文無深與博亦即無所為簡行千里者以千里為至行一里者以一里為至左氏春秋一人之筆也或一二言而止

或連篇累牘千百言而不止一二言未嘗不足千百言未嘗有餘災變戰伐下至瑣褻猥鄙之無事不倫載未聞徒舉其大端而屏其細故以為簡也而文自簡明斯言也可以知其文旨矣集中諸文大半佳構說經之外不廢宋儒如性善解知命解格物解一以貫之解攻乎異端解並存正去邪不偏不倚但求闡明真諦不務門戶是非廣陵考十四篇繁微博引條舉綱列亦足與汪容甫廣陵對廣陵通典爭色俗禮答問四篇正人心厚風俗尤關於人倫經世大端讀

書三十二贊列舉清人著述三十二家家各為贊得其要讀之可以知清人樸學之盛一洗元明陋習而漢學源流亦可於此覘至其為詩亦頗古樸五言古體雅得樂府遺意七言律詩亦不廢唐宋章法七律佳句如咏紅葉二律云老杜休云玉露凋閒看紅葉過紅橋轉因霜信添濃麗誰為秋山破客窗牆角又迷春後眼江頭時趁晚來潮衰年庾信悲搖落到此文章色倍饒蟹舍漁莊小徑通寒山如火欲燒空桃源隱約溪光外雅墨分明夕照中何到殘秋繞炫

目不妨幾日又驚風盈虛無定憑天地一度飄零一度紅神思散朗情韻搖曳雖未能悉臻妙境要亦經生之詩也

附錄傳記參攷材料

清史稿

阮元學經室集通儒焦君傳

江藩漢學師承記

夢陵堂詩集五十卷文集十卷文說十一卷 詩集文集道光癸卯刻本 文說道光辛丑刻本

劉啓瑞

江都黃承吉撰承吉字謙牧號春谷先世田歛縣遷江都弱冠補諸生與同郡焦循李鍾泗汪藩以經義文事相切磨時有江焦黃李四友之目嘉慶三年鄉試第一十年成進士補廣西興安縣攝峇溪縣事有政聲十三年充鄉試同考官偶詣他房閱一落卷謂其文義精奧古茂及荐主司果置解首揭曉為汪能

續修四庫全書

卷

集部別集類

肅浙西名宿而寄籍粵西者也尋以過境文書遺失被劾嗣升道員因舊就哀遂一意著述研究漢儒之學得其精微通歷算能辨中西異同早歲工詩體物摹景數事類情尤善於樂府古詞著有讀周官記讀毛詩記若干卷族祖黃生有字詒義府二書承吉加按語以發明聲音訓詁又著有經說若干卷夢陵堂詩集五十卷文集十卷文說十一篇文說之作係以楊雄有童子雕蟲篆刻壯夫不為之語而後世之輕視文辭者輒祖述雄語以為口實雄又以史遷行不

副文是非謬於聖人而班固亦即以其語為遷傳贊

又申之以先黃老後六經等說儼然與雄為一倡一

和因作文說正之都十一篇其中論雄者至多而論

固者僅一篇以是書專為辨雄而作其目論自楊雄

有彫蟲篆刻之說致文為後世詬病首著此篇以明

文章關係至重第一論法言內謂賦為童子彫蟲篆

刺壯夫不為其壯夫乃指壯年及考雄賦皆是壯年

所為第二論楊雄漢書中不當有傳第三論漢書中

楊雄傳是雄自作第四論楊雄甘泉賦賦與序不合

續修四庫全書

卷

集部別集類

第五論甘泉賦通體皆以崑崙設頌第六論楊雄河東校獵長楊逐貧太玄諸賦第七論楊雄設風勸二字貶賦就以誣陷司馬相如乃先誤解詩序並誤及一切諸書第八論楊雄因毀東方朔致毀柳下惠為鄉原仁賊並論法言中各等辭第九論漢書中多誣陷司馬遷之語第十論太玄自謂合天應歷其實所設皆臆數與天歷不合第十一書作於道光癸巳成於庚子梓於辛丑阮文達謂其書辨太史公之誣三千年無此暢劉孟瞻序亦謂雄固之失先儒雖亦嘗



言之而確之作奸於前固之效尤於後則前人從無  
論及之者春谷條舉二家之失皆根據史傳不為鑿  
空之談其推許可謂甚至惟是文僅十一篇而辭多  
至百餘萬言辭失之繁証失之冗為美中不足春谷  
自序亦言言語積冗無從剷削則不周剷則不貫  
恐無當於是抑亦不能去非同人欲觀遂不計合否  
是亦自知之矣春谷最善詩詩為揚郡巨擘一時詩  
人如梅植之王翼鳳等皆出其門春谷嘗自訂其集  
為三十五卷道光壬辰梓行之首有自序既歿子必

續修四庫全書總目

卷

集部別集類

慶與王翼鳳等又搜其遺稿得十五卷凡述德詩一  
卷癸巳年詩二卷甲午二卷乙未二卷丙申二卷丁  
酉二卷戊戌一卷己亥一卷庚子一卷辛丑壬寅一  
卷合前梓之三十五卷與文集同梓於道光癸卯王  
翼鳳跋稱其詩起詣絕迹情態萬千自得之樂逢原  
左右其所造之境有古先神智所未經翔踐者梅植  
之亦謂其組轡騷雅襟帶李杜恢恢于躋古作者之  
林其悲既無端言近旨遠者則愴深風木永言孝思  
其馳驟一切如古涵今者則洞極塵表達人明睿其

失心淵壑狎性魚鳥者則天懷澹定跡謝珪組斯言  
也並能得其詩旨梅評載嵇庵文集卷二夢陔堂詩  
續集偶鈔序中詩集失梓文集十卷都為文八十一  
篇賦贊銘辨解說書序跋書後記傳碑文墓誌書事  
祭文諸體悉備亦王翼鳳等編次集中諸作多直抒  
胸臆無不達之辭亦無不盡之意融會古人神理而  
不規規然襲其迹象江鄭堂漢學師承記謂其自出  
機杼空無依傍寓神明於規矩中不屑為世俗詩文  
者信能得之

續修四庫全書總目

卷

集部別集類

附錄傳記參攷材料

續修揚州府志

江藩漢學師承記



炳燭室雜文一卷半 甄齋題跋二卷 雜文 潘喜齋叢書本 積學齋叢書本 題跋 功德順叢書本

劉啓瑞

甘泉江藩撰 藩字子屏 號鄭堂 監生 事蹟具詳清史 纂儒林列傳 著有周易述補攷 工戴氏車制圖翼儀 禮補釋 爾雅小箋 石經源流考 經傳地理通釋 禮堂通義 漢學師承記 宋學淵源記 隸經文 炳燭室雜文 半甄齋題跋 伴月樓詩集等 惜多未刊行 鄭堂少嘗受業於元和惠氏棟 吳縣余氏蕭客 江氏聲 淹貫經

續修四庫全書

卷

集部別集類

史博通羣籍 旁及九流 二氏之書 元不綜覽貫串 性不喜唐宋文 每被酒輒自言文無八家氣 人目之為狂生 不屑也 嘗手自訂其文集為隸經文四卷 錄其議論 解說釋雜文諸作 凡非釋經之文 悉不錄 而別以賦書序跋傳誌諸文 算為炳燭室雜文一卷 題跋等等 又別為半甄齋題跋二卷 其嚴於文休也如此 雜文凡二刻 一刊於吳縣潘氏 潘喜齋 一刊於南陵徐氏 積學齋 徐氏所刻較潘氏多 不足釋魚補義一篇 缺節甫字說 私謚非禮 辨二篇 缺者已見於

隸經文 故徐氏不<sub>在</sub>梓 多者則各本所未錄 故梓以

行世 定香亭筆談謂鄭堂嘗作河賦 以正景純元虛

江海二賦 今載於雜文卷首 王蘭泉其謂詳本於漢

書水經以立言 故晉魏後置莫論 而賦文醇厚斑駁

亦似鄒枚信能許其實 餘如行狀說謂行狀始於典

午之世 係綜述生平行迹之文 或上之朝以請謚 任

彦昇齊竟陵文宣王行狀 所謂易名之典 請遵前烈

是也 或付之史官以立傳 此唐李習之所以有百官

行狀之奏是也 晚近子狀其父 有乖居喪不文之禮

續修四庫全書

卷

集部別集類

又如與阮侍郎元書云 親家之稱 出汝南記 見後漢書 應奉傳注 舊唐書蕭嵩傳 嵩子衡 尚新昌公主 嵩夫人賀氏入觀拜席 元宗呼為親家母 則親家之稱 其來已久 凡此有益於典札考證 經傳訂核 非若詞章家之徒 騁議論 習為浮辭 可比 阮文達稱其詩古文詞 豪邁雄俊 卓然可觀 信有以也 至半甄齋題跋 上卷為書籍題識 下卷為碑板考證 亦多有裨於文字攷證 如武梁祠堂畫像跋 有云 顏泚獨處 象有石刻 榜曰 燃蒸自燭 按蒸可訓為燭 燭亦可訓為蒸 廣

雅。烝，炬也。儀，礼既夕。鄭注：燭用蒸，蓋蒸以薪為之。周礼：甸師鄭注：木大曰薪，小曰蒸。蒸，薪之小者。故管子弟子職注：烝，細薪者。李善文選注：燭，照也。烝，訓為炬。義與照通。儀，礼。烝，礼。鄭注：燭，燠也。燭用烝，義與燠通。毛傳之燭，以燭為烝，畫象之燭，為照。字同而訓不同。證明燭蒸兩字，義可互通。有補各家說烝燭二字之未備。蓋處處以發明為職志，辨與尋常人之題跋不同。是非還於文字金石之學者，不辨，非苟然也。鄭堂為詩，亦頗個儻。顧千里思適齋集有江鄭堂詩序謂

續修四庫全書總目

卷

集部別集類

其神詩思雋永，骨高秀，鎔裁精當，聲律諧美，雖窮老盡氣期為詩人者，未見其能臻此。其推許可謂甚至。惜伴月樓集未付之梓，<sup>前</sup>聞稿本藏之某氏，不輕示人。近更不知所歸，未免為前賢<sup>惜</sup>矣。符葆森國朝正雅集所收，亦止三首，片鱗隻爪，知未見者多矣。

附錄傳記參攷材料

清史叢儒林列傳

載園詩集十卷，勉行堂詩集二十五卷，文集六卷。載園詩集原刻本。勉行堂詩集嘉慶戊寅刻本。文集嘉慶庚辰刻本。

劉啓瑞

江都程晉芳撰。晉芳字魚門，號載園。先世由歙遷揚州。家饒富，喜讀書，舊書五萬卷，丹黃皆備。性好客，延攬四方名流，與袁子才、趙甌北、蔣鉛山為詩歌唱和。無虛日。累試南北闈，不第。乾隆二十七年，南巡召試，授中書後十年，成進士，改主事，升吏部員外郎，與修四庫全書，改翰林院編修，身頗長，美鬚髯，酒酣耳熱，

續修四庫全書總目

卷

集部別集類

縱論時事，則掀髯大笑。少所容貸，至於獎掖後進，則有譽無否。始為古文詞，不依傍門戶，卓然必軌於正。受業朱竹君、荀門，博觀周覽，浩然富溢於中。詩文並擅，其勝遊宦三十年，賓客滿天下，名既鵲起，而家益落，幾無以自給。遂乞假至閩中，依畢秋帆，沅幕旋病。暑卒，秋帆為設主，受唁，賻以巨金。歸喪揚州，海內賢之。著有周易知旨、尚書今文釋義、尚書古文解略、詩毛鄭異同考、春秋左傳翼疏、礼記集釋、諸經答問、群書題跋、載園詩集、勉行堂詩集、文集等，若干卷。載園



詩集魚門存時已手自訂梓說經諸稿則欲梓而力有未逮初歸於門人謝振定所後則不知所往詩文稿等甫歿時畢秋帆中丞屬諸幕友為之選訂欲付之梓未果而卒稿亦散失此勉行堂詩集乃嗣子瀚就家藏詩稿蒐編而成文集則得之白下書肆並為鄧廷楨所刊魚門為詩極富情韻纏綿往復於家世盛衰倂偶聚散娓娓數百言不輟起乾隆癸亥訖丁丑為載園詩集十卷嘗仿漁洋編年之例年各有集卷一為籬東集卷二為春帆集卷三為索米集卷四

續修四庫全書總目

卷 集部別集類

為刻楮集卷五為白門春雨集卷六為桂宦集卷七為小全堂集卷九為拜書亭集卷十為後集勉行堂詩集亦同此例除卷首別為進御詩一卷外卷一至卷十悉就載園詩集改編而成集名亦同所異者僅卷一籬東集多收壬戌詩數首而已卷十一至以次則收戊寅至壬辰詩亦年各為集卷十一為拜書亭後集下卷十二為涉江前集卷十三為後集卷十四為日下初集卷十五為日下集卷十六為寄藤集卷十七為得酒集卷十八為照檻集卷十九為日父

集卷二十為无音集卷二十一為南船小草卷二十二為吳楚之間集卷二十三為楚豫間集卷二十四為南曹暇稿此編次之大概也符葆森國朝正足集收其詩數首中有題吳漢槎秋笳集後詩云紅鹽池接古居延衰草黃雲別是天家令一言初徙塞營中三奏已屯田健兒躍馬恒輕命介士乘秋競戍邊誰是漢臣工飲羽早驚絕漢姓名傳北江詩話謂其詩如白傅作詩老嫗能解蓋紀實也文集所載亦多正論書後漢書後云東京士習之醇由西漢所釀成明

續修四庫全書總目

卷 集部別集類

季士習之盛皆程朱之蘊發明儒學業跋云明之亡由其君不親政事秉政者不恤民隱士大夫肆於鄉里驕佚之氣釀為禍亂非講學之過並議論獨出別有發明不落尋常軌臼而正學論七篇尤反復於休用博約之際於漢宋源流亦言之確切有云古之學者由音聲訓詁之微漸臻於詩書禮樂廣大高明之域今之學者瑣瑣章句至老不休海內儒林昌言正學者幾四十年矣其大旨謂唐以前書皆寸珠尺璧無不可貴由唐以推之漢由漢以溯之周秦而九經



史漢注疏為之根本宋以後可置勿論也嗚呼為宋學者未嘗棄漢唐也為漢學者獨可棄宋元以降乎學者當知所擇矣當魚門世許鄭之學猶未盡感排斥宋儒之風亦未盡顯而魚門獨能燭幾於先立論詰誠其識見之大佩有非常人所可望其項背者誠可佩已

附錄傳記參攷材料

續修揚州府志

續修四庫全書總目

卷

集部別集類

袁枚撰傳

江藩漢學師承記

蜜梅花館文錄一卷詩錄一卷 文選樓叢書本文學山房叢書本

劉啟瑞

江都焦廷琥撰廷琥字虎王通儒焦循子諸生少穎慧能讀父書傳父業年十四隨里堂赴杭州與諸老輩事相唱和動輒有佳句阮文達元定香亭筆談稱其佳句如天竺道中云半里百重樹一樓三面山西園讀書云繞戶書聲花外遠隔牆山影雪中明並為當時所稱里堂精算學嘗教廷琥曰李樂城之學余既撰天元一釋以闡明之而測圓海鏡益古演段兩

續修四庫全書總目

卷

集部別集類

書不詳開方之法以常法推之不合讀者依然冥津黯黯余得秦道古數學九章有正負開方法因作開方通釋詳述其義汝可列益古演段六十四問用正負開方法推算之因以同名相加異名相消起用變之法詳示廷琥廷琥遂以秦氏之法讀李氏書布策推算一一符合六十四問每問皆詳畫其式勒為一書里堂喜而命名曰益古演段開方補附刊於里堂學算記末惜不壽早歿著述多散佚時人惜之此蜜梅花館詩文錄僅存詩六十四首文二十六篇附

梓於雕菰樓集後文多考據之作如鄭氏讀說作禊  
辨引史記朱建傳注引韋昭注衣服曰稅稅當作禊  
禊稅通用說稅一字辨鄭箋毛詩衛風碩人教教說  
於農郊說當作禊之誤以此毒天下說引干寶訓毒  
為荼苦辨王弼訓毒為役馬融訓毒為治之誤朋為  
門戶之名辨引說文朋古文鳳象形鳳飛群鳥從以  
萬數故以為朋黨字辨毛西河論語稽求篇朋是門  
戶之名之誤其他諸作大率類此精審之處不減里  
堂新盡而火以傳其淵源蓋有所自嘗與徐雪廬論

詩謂廷琬年十一家君授以唐人絕句法由絕句而  
律詩而古體遂好作詩一月輒數十首家君斥而抑  
之謂詩文最忌浮詞即懷人咏物比興無端亦當使  
書卷之氣盎然紙上而泛為風雲月露之詞則所當  
深戒廷琬自是不敢妄作迄今二十餘年未有進境  
而每苦其難夫詩本溫柔敦厚之旨渾渾灑灑元氣  
結成不必以一定關鍵泥乎其法亦豈容有一毫浮  
偽謀於其間竊以此求之有諧謔游戲者將以詩為  
褻玩者矣有嬰媿諷調者將以詩為容悅者矣有此

唱彼和互相贊譽者將以詩為標榜之具者矣有雷  
同勦襲謬為博洽者將以詩為矜詐之用者矣先生  
謂詩當本之以誠此則不誠孰甚議論透徹洞見源  
流於世俗之以詩為游戲為嬰媿諷為贊譽為矜詐者  
皆力斥其非足以振人心而厚風俗其有關詩教豈  
淺鮮哉其作詩頗末亦可於此見之阮梅村亨珠湖  
草堂筆記收其佳句有云積雲爭鳥路涼雨薄人衣  
岫明人照蟹林響葉爭鴉遠戶書聲花外遠隔牆山  
影雪中明鄰戶有欄登簷蟹夕陽如水淡秋葵又瀛

舟筆談亦錄其佳句如秋日田家云稻稀湖水見場  
潤夕陽全黃葉云寺外鐘聲催早雁渡頭船影繫斜  
暉並清麗宛轉情事確切天籟自鳴略無凡響深得  
唐人風範惜年不永詩僅止此倘假之年其造詣必  
更有可觀矣

附錄傳記參攷材料

續修揚州府志焦循傳



綠雪堂詩略不分卷 家刻本

劉啓瑞

江都夏九敘撰九敘字次功康熙丁巳舉人累世以詞章名祖二酉以博學傾東南好賓客喜吟咏巍然為鄉里望人咸稱之為夏先生而不名逮至次功尤能克大其緒鄉舉後即絕意仕進悉心治學日事吟哦無間寒暑好遠遊凡名山大川多所涉躋游踪所至咸繫以詩以故詩篇日富詩境益廣而一時之豪俊長者莫不忻慕其學折節下文互相酬唱幾無虛夕而徐健庵尤與之善次功有送健庵先生入都詩

續修四庫全書總目

卷

集部別集類

云霜飈獵獵捲旌旄攀鶴扶輪滿北皋別路黃花開錦繡離筵青酒瀉葡萄洛中司馬人爭識天下龍門望獨高端委廟堂真準則春風不惜在吾曹其文誼從可知矣顧次功生性脫落詩稿多不自收拾散落者多集中所存百不什一又以拊時感世悲懷興亡乾隆時致遭文字之禁傳本既罕觀者亦稀縣志芟除其傳致使名沒不彰重可哀矣集首有汪蛟門懋麟序略謂昔江淮之間有雄奇魁傑之士曰二酉夏先生者以名孝廉傾動東南不為末學細行周折約

束於方圓慕古人奇節高致急人生死緩急遠近歸附又好持當世之是非每奮其氣辯爭往復不合則攘臂謾罵雖權貴無所忌世俗望見多畏避而善人君子亦陰有所恃小人不致肆其侮先生喜客開所居青園日延致四方賢士大夫而華亭董尚書文敏其同年友也每至則幅巾道服流連汗漫當其興會所極遍招棋翁劍客吹簫擊筑之徒歌吟嘯呼連日夕何其盛歟先生既沒所謂青園者其家不能有也

續修四庫全書總目

卷

集部別集類

有孫次功少稟異姿狹能任氣慨然悲其祖之往每竊過青園望老梧轟雲一亭孤峙循墻飲涕思恢弘其祖德而屢困於所遭丁巳之秋始獲舉於鄉鄉人嘖嘖咸謂青園公往矣誰復有繼之者然其高名偉行有終不能漸滅也故於其孫特振起之耳次功自鄉舉以來閉門絕俗彈力經史無飲其氣藏其能審天時與力之未可為不敢好奇以沽名又慎於取友食貧自甘非其所好雖冠履造門不與接若次功者可謂善於似續者乎苟不自審欲以昔之所為效之於今吾知其行之難也噫次功少而悲歌壯而知道



困極於憂愁熟習於人世遷移之故雖欲不自藏以慎所守得乎哉余與次功總角同硯席迄今三十年其盛衰興感之由嘗竊聞之矣故因序其詩而反復為次功之詩之工海內能詩者皆知之無俟余言也知其遇益可以知其詩矣蛟門為揚州詩人以詩稱雄輦下與田綸霞宋牧仲等號稱十子著有百尺梧桐閣遺稿行世生平不輕許人而推重次功如是蓋少同硯席長敦交誼以三十年之深知故言之諄切宜若可信阮文達元淮海英靈集收其咏史詩云吳

起求魯將殘忍殺其妻鬻臂期卿相母死竟不歸骨肉薄如此善將奚以為曾子與之絕聖賢重綱維又云建儲為國本丞相操其權如何立胡亥乃聽趙高言斯欲固爵位牽大徒煩冤天意急止秦生斯非偶然寓意幽微措辭嚴正深得少陵詩史之旨而詩境亦上下唐宋不落常人窠臼是亦一詩人也

附錄傳記參考材料

阮元淮海英靈集

冬生草堂文錄四卷詩錄八卷仕國弦歌錄四卷笛榘詞二卷琴隱詞一卷湖中明月詞一卷 咸豐元年家刻本 劉啓瑞

高郵夏寶晉撰寶晉字慈仲號玉延嘉慶十六年舉人歷任山西和順寧鄉縣署代州升授朔州知州道光十二年十七年兩充鄉試同考官賦性耿介所在以清廉名奉諱歸里後官橐蕭然主崇川紫琅書院講席晚年偕里中老友詩詞贈答為真率會著有山右金石志冬生草堂文錄詩錄仕國弦歌錄笛榘詞

琴隱詞湖中明月詞等慈仲稟承家學早歲即耽詩文嘗與族姪崑林結文社於甌湖濱凡有韵無韵之休靡不悉心殫究逮就婚於吳江郭氏受業外舅郭頻伽遂又工倚聲頻伽為當世詞人慈仲得其新傳尤能名家全樹吳山尊蘇序其笛榘詞略謂玉延生於淮海之鄉為蘅夢詞人之輩妙解音律習為倚聲能探兩宋源流以協駘雅之旨負抑塞磊落之才特耿介拔俗之襟感士不遇言之傷心每誦其詞未嘗不悵然大息頃與倡和既久又知其於聲律甚嚴非

但修飾字句而已其推許可謂甚至願王延素不以詞自名笛樣詞首弁言解謂昔稱樂府今乃徒詞聲之不被謗亦何施取彼苦調寫我怨思柯亭有竹豈無人知是蓋欲藉倚聲以陶寫性靈音忘和而悲寓興爾達慨賞音之寥落而已固不欲以詞自見者然授受巨室淵源大家雖自謂不工而人皆不得謂不工縱其体格屢變不宗一家而騷雅同歸仍兼五要其尤妙處未嘗不合於譜而究不為律所縛也至其詩文亦與詞同工並各有自序文錄自序略謂唐以前

文多駢体唐以後又多散行惟唐人於斯二者或一人而兼擅其長或一篇而互用其法不甚區別於其間也自宋以降遂判然各不相犯持論乃益嚴矣余於此事自少好之用功既稔而不專立言又淺而少味矣詩序略云余生年十二三先君課讀之暇教以韵語十有五而成章今所錄第一篇江上曲是也弱冠以後探討原流自漢魏以迄宋金人之有集者未嘗不偏觀也既而官學四方游於京師牽絲並冀凡海內之以詩稱者未嘗不得見也行年五十得古今体

千數百首歲在己酉奉諱家居復以疾在告取前所得者刪存十之四五雖為八卷付之手民憶自孤露出門以迄解官歸里首尾僅四十年所至之處及相與周旋之人情景既往思之慨然每一披尋歷歷在目竊惟古之人於所涉歷或寫為小記或輯為稗錄皆欲稍存影響以備遺忘余之於詩也意亦如是而已綜其所言益得自家學為多而尤得當世士大夫切磋薰陶之益為甚集中如留別錢衍石詩云士夫忘大戒不賤乃憂貧深念知何事孤標見此人杜門

方導竹舉扇每驅塵何術堪為吏從君問術循又云尅日相辭去征塗首太行贈言思塞老在位感王陽風雨稽程久雲山引興長移書容我達民瘼未應忘以孤介清廉相勗其詩境益可知矣郭頻伽霽芬館詩話謂王延早歲以詩見賞於洪桐生太守命入梅花書院肄業且為言於驪使捐貲入太學既雋秋闈相生欣喜以為賞鑒之不謬也憲仲又嘗言己巳九月太守作題糕之會其詩最蒙激賞時有同舍生鄧立誠襍被為偷兒取去不能預會太守以漁洋生日



秋柳詩有云名才輩出有誰鄰東閣燃藜夜有煙九  
日新詩空落帽寒宵短布孰衰棉益指此也後郡伯  
聞之為之餉衣致餼焉是亦藝林中之佳話也

附錄傳記參攷材料

咸豐續修揚州府志

研北花南吟草四卷詞鈔一卷合璧詞一卷 道光高  
郵王氏刻本 劉啓瑞

興化徐鳴珂撰鳴珂字竹齋步雲子步雲字蒸遠號  
禮華善詩文書尤精妙乾隆二十七年召試舉人授  
內閣中書以廬見曾事牽涉戊伊犁年滿舒文襄奏  
充四庫館分校復原官著有彙餘詩鈔明達掌故尤  
達於史竹齋稟承家學八歲即工擘窠書辭賦詩文  
楷法皆有父風填詞音律嚴密格仿玉田每科試必  
見賞宗工久困場屋以太學生終識者惜焉著有研

北花南吟草詞鈔合璧詞等生千篇於風義與朋友  
交率出真誠而尤與高郵王寬甫敬之最善寬甫為  
石臞子詩才冠當世與竹齋唱和尤多竹齋有送王  
寬甫之山左詩云春風憐小別東郡喜趨庭實學憑  
根柢茲遊見性靈河流奔岸疾嶽勢接天青定有南  
樓詠歸時洗耳聽時王石臞官山左寬甫往省故詩  
中及之既歿寬甫為梓其詩詞即此本也首有喬止  
巢載錄序略謂竹齋為名父之子天姿英異好讀書  
發為詩詞率胎息古人根柢深厚其緣情之作人多



稱其纏綿悱惻不知醞釀風骨自然俊逸故長篇短  
 詠對客即書少時即聲名藉甚方曾賓谷都轉揚州  
 時題襟館中名流翕集觴詠無虛日竹籬曳裾入座  
 幾欲奪席十重而所作益工性本豪邁又擅臨池酒  
 酣耳熱墨濡淋漓皆其得意之作多不自收拾任人  
 懷袖而去嘗謂叢殘數番紙何汲汲為後世當有相  
 知訂吾文者即此已可知其性情之蕭灑詩境之高  
 曠矣集有摭十國春秋瑣言七絕百首清麗淡遠允  
 得風人之旨佳句有云桂郎眉綠列仙曹上將麻頰

索潤毫一自九華文思富墨池庖起波濤畫灰密  
 議許參稽相業先聞引出妻盜得化書緣庖事枉將  
 譚詣付清溪河山手筆早安排也詞從龍出世才可  
 識佳城留篆石漆燈已待沈彤米北院妝成試乳茶  
 侯名馨烈賜官家如何忽唱檀耒也移向洪川喚萬  
 華辭句雅潔寫境幽微深合少陵遺意夏手有唐音  
 矣至其詩餘格律嚴小令則繼響南唐慢詞則希  
 聲兩宋合璧詞溶貫宋元裁損錦繡無綺靡之聲尤  
 足覘其鈞心鬬角之妙是亦有足多者矣

附錄傳記參攷材料

咸豐壬子重修興化縣志

省言一卷 家刻本

劉啓瑞

寶應劉友尚撰友尚字信芳練江五世姪孫當康熙間未止泉王白田倡導理學代有傳人信芳承累世家訓束身禮法家本素豐二親見背又數遭回祿遂中落食貧居儉恬淡性成得酒輒醉與人心無機械鄉里稱為長者日以朱栢廬家訓接人不為空言而造道精微此冊蓋其用功克己時隨筆記錄其後數頁尤剖析入裏精蘊而能通貫同郡劉融齋謂為躬行有得後之言信非虛譽全書一百七十六條有曾

續修四庫全書

卷

子部儒家類

孫藏雲加注其間多心得語以經證經勸心性處剖析至精後來自著講義即本於此臨乎臨者也省言說自省處甚多如謂氣質之偏最難化而病痛則各人自知薛敬軒二十年治一怒字未盡懲忿豈易言哉人而無恒不可以作巫醫我之謂矣學問無他只就自己病根一一除去今知博覽為玩物喪志而不能棄知主靜為收斂之要而不能從誰之過與畫之所為夜形于夢夢寐不清則夜氣何由發生平旦何由惺惺然夢者非他即此妄念纏繞而心自為咎也

續修四庫全書

卷

子部儒家類

每當一覺初醒心氣和適虛明洞澈萬法胥捐不知此身之在天地間也往常夢中做得主今夢中做不得主此便是工夫退處一念馳騁便覺神散一念收斂便覺神凝心清則夢自清矣行路務須前後足跡相步自無急遽矣考諸視聽言動恐其心之不存驗之平旦夢寐恐其心之著境恒靜坐以驗中恒讀書以明體神散則瞑目以斂之心馳則思理以一之近日工夫如此其要歸于提撕警策而已即此數則可以見反身之誠其他援引大約歸于實際不尚元虛

儻古所謂三行者與

附錄傳記參攷材料

光緒重修寶應縣志

此書前自僅具黃葉山樵集一種茲又搜得  
江南春謀體文一種特補入

黃葉山樵詩鈔四卷江南春謀體文三卷 光緒家刻

本

劉啓瑞

甘泉江璧撰壁字南春懋鈞季調子懋鈞為鄭堂藩  
姪傳其學著有詩經釋義爾疋旁證鷗寄齋古今體  
詩諸書為時所稱南春幼秉父教矢志篤學經史詞  
章並多深究性狷介不喜與貴胄游年五十一始舉  
於鄉獲魁首翌年聯捷成進士改官江西進賢縣知  
縣有善政著有讀左隨筆讀史管見合駢散謀錄為  
江南春謀體文三卷附黃葉山樵詩鈔以行詩四卷

續修四庫全書

卷

集部別集類

錄古今體詩三百八十二首南春生當粵寇之亂遭  
逢荼毒楊郡既陷避地射城以吟咏自遣故詩中篇  
什率多流離怨苦之音其春初感事詩有云百道戈  
矛蔽上流中原魚鱉竟誰憂孤軍未免懸京口大敵  
依然在石頭時則金陵猶未復也南春最擅咏史咏  
陶淵明有云斗米奚容累此身飄然一笑謝風塵門  
前楊柳先生宅源裡桃花何處津兩晉而還誰處士  
六朝之內此完人北窓松樹南山菊都與歸來作比  
鄰咏石崇云一代豪華酒數巡園開金谷夜爭春生

憐坐上皆名士死殉樓頭見美人無賴少年原作賊

多財亂世總焚身筵前殺妓成何事太不風流是季

綸並立論精確寓意深微恰得詩史風人之旨其餘

佳句五言如白雲山訪普淨禪師空潭見人影野水

澹禪心海陵夜泊天風鳴古樹海氣逼孤城冬日郊

行枯樹禿無頂寒沙怒有濤七言明太祖陵何人方

外為天子從古真王幾匹夫江上望樓霞山鳥從碧

樹叢邊過人在青山缺處逢京口招隱寺址荒徑晚

烟梧葉雨小山清夢桂花風俱對仗工整咏事確切

續修四庫全書

卷

集部別集類

雖未能深造唐宋之室要亦不同凡響是亦詩家也  
至其史論尤多舛獲謂漢高祖之斬丁公並非為其  
不忠於楚實則陰忌其才特假不忠之名以殺之宋  
秦檜之害武穆並非檜之專輒乃高宗懼徽欽之返  
不久於位害穆以杜其源凡此皆議論警惕獨闢蹊  
徑為歷來史家所不敢言卓然覓出但不免有失中  
庸之道耳

附錄傳記參攷材料



民國江都縣志未刊稿

續修四庫全書總目

卷

集部別集類

俞俞齋文稿初集四卷詩稿初集二卷 光緒丙午家刻本 劉啓瑞

江都史念祖撰念祖字繩之禮部尚書致儼孫幼穎異好讀兵家言踰冠入貲爲通判從喬松年軍鮮蒙城擒賊圍有功保道員同治六年移師鳳陽縛李允謀晉按察使八年除山西按察使調直隸佐曾文正幕十年左遷甘肅安肅道主閩內外糧餉給食不之見於左宗棠光緒四年升按察使歷任雲南貴州按察使補雲南布政使二十一年授廣西巡撫坐以失

續修四庫全書總目

卷

集部別集類

察賊罪罷免宣統二年卒著有俞俞齋詩文稿自刊於光緒丙午首有自序略謂初以憂患慕多能竭精而求勝人於經籍百家兵刑醫卜之書無不窺書畫馳射圍碁投壺琴瑟之藝無不習繼則能愈多愈不勝人而益病乃爽然悔曰莊周有言靜則無爲無爲則俞俞俞憂患不能處而年壽長吾擾也吾無不爲也曰求免憂患雖欲久病將不可得也命也誠致累於境也又奚可自造其境以圖於命也於是以俞俞名吾齋盡攝曩日之好擲棄萬動濯垢釋負泯毀

譽鋤矜奮以祛鬱之萌而杜激之機雖然興到神往  
訝吟辨論吾不能以無為廢也此繩之以俞俞名齋  
名集之大概可以畧觀集中文多史論尤多讀春秋  
左氏論至十數篇及復以兵家之言衡其得失頗多  
叔鮮然不免流於深酷其他銘誄傳贊序跋之文亦  
縱橫反復極得瀏蒞通暢之致詩亦如之詩二卷起  
戊午至壬辰為上卷起癸巳至乙巳為下卷錄詩三  
百餘首古今體悉備佳什至多如秋思云夕陽無力  
破秋陰風掃蠻雲似有心鳳鳥不來空襟奏蜺蛇將

續修四庫全書

卷

集部別集類

斬更沉吟挽回白髮丹砂在欲棄紅塵黑劫深坐使  
廿廿年諸將老中興日月擲兼金又題李長吉詩集  
云文章自怨逢辰晚辨譚休傷忌口多縱使王璘蒙  
名試有人能廢萬言科神情搖曳丰致翩翩雖未能  
悉臻上乘要武將中之能詩者烏程施均甫補華序  
其集以用兵之道況其詩畧謂能詩猶能兵也提挈  
三軍之眾出入兩陣之間攻瑕陷隙疾若風雨機動  
而心應詩之為道亦然步伐進退詩之律也刀矛劍  
槊詩之材也金鼓鐃獨詩之聲也羽毛旂旆詩之采

也一不備不可以行兵不可以為詩繩之之詩揮霍  
縱橫神色飛舞可謂有詩之天永律以定聲隨材而  
設采其於人力亦至漢魏以降凡其門庭堂奧繩之  
無不厯焉施氏之言深得繩之詩旨而又合於用兵  
之道言得其凡許得其當是亦巧於立言者序載施  
氏澤雅堂文集此失載

附錄傳記參攷材料

清史稿列傳

續修四庫全書

卷

集部別集類

咀蔗居詩集八卷附文一卷 康熙丁卯刻本

劉啓瑞

江都魏嘉琬撰嘉琬字篁中先世由曲陽遷宛平元時始為江都瓜洲鎮人生有徵兆秀慧獨出讀書過目成誦年十八入儀徵縣學試輒冠儕伍中康熙丙子舉人再試未第趙士麟見其遺卷歎曰具如此美才而被放黜文字果不能信耶為之惋惜者累日旋丁外艱哀毀過人嘔血成疾而卒年三十有三生平無書不讀非有酬應他故手未嘗釋卷易簣之前二

續修四庫全書

卷

集部別集類

日猶繙閱不輟積學篤實雖在顛沛造次之間亦不廢業故所作詩文莫不宏中肆外取之不盡用之不竭惜年不永未竟其才其弟蒼水嘗謂陳霆發云盛孝章傷於憂孔北海歎其不永年董傳貧而死蘇眉山哀其酷好書余兄殆兼之蓋紀實也篁中為詩極擅古風集中如大雪豆十九日夜苦寒病中用昌黎韻詩陳生少年射雉誇贈喬蔚然鶴羣讀書南村詩長清道中晚步詩並波瀾間起韻味清遠何義門焯序其集謂篁中馳騁韓門兼摘六代之艷雖得年不

永未造老成而去俗萬里固難以尋常之字句聲律

較其工拙阮文達元淮海英薈集亦引義門之言謂

其立評確實蓋能深知篁中者文達廣陵詩事又引

其詩畧謂江山風月亭瓜洲熊氏別墅元至治中翰

林承旨蛻庵張翥為詩相傳為趙松雪所書今已失

之熊之裔孫偉男維熊不忘先蹟用屬和遠近魏篁

中亦瓜洲人有詩咏之云一髮青天失萬艘峭風落

袖迴憑高隔雲飛錦入寒月對海彈弦清夜濤集響

空多宜歎癖能吟老去尚詩豪祇今避暑名園地夢

續修四庫全書

卷

集部別集類

岸秋容認草袍古奧峭拔生溫盤空極得昌黎少陵之怕惜集中未收蓋詩已有散失者矣集後附文一卷載文十數篇陳霆發謂其文波流滌迴頃刻百變而芋甲新意雕畫奇采與世之駢拇枝指附贅懸疣者相雲泥蓋與詩同屬波濤洶湧色羅萬象上溯龍門孟津而能中流砥柱者楊郡詩文之擘篁中蓋無多讓焉

附錄傳記參攷材料



陳霆發撰魏董中行狀

續修四庫全書總目

卷

集部別集類

錫山書屋詩鈔六卷 徐氏刻本

劉啓瑞

甘泉談思誥撰思誥字容舫祖籍錫山先世由常遷揚卜居黃子湖之北以財確一鄉其初邨落甚小自談氏居此農佃麇集商賈輻輳儼然成市鎮土人因呼為談家集容舫生而穎異不喜治生產好弄文墨尤樂與當代諸名士游推襟送抱往來無虛日初應童子試不售繼應鄉舉又不售遂棄程墨專力于詩粵匪亂作大江南北皆被兵四方文人學士多避寇僑寓湖濱容舫傾心結納析疑辨難孜孜不倦詩學

續修四庫全書總目

卷

集部別集類

大進兼工禪作者述日富田舍日虧矣又疊遭拂意事晚年益貧困幾不能自給窮愁鬱結悉發于詩天才迢逸往往出人意表年六十卒其友徐兆英為刻其詩刪訂為六卷其前皆禪詩而末一卷則詩餘也又論之曰音響之清脫出于天詞旨之溫柔根于性藻繪之工麗由于學悲歌慷慨之意多而雍容掄揚之辭少則境遇迫遯使然兆英之言如此而其不負死友有足尚者同里張丙炎安保之子也亦能詩其題辭曰半世間情雖寂寞千秋抱負肯銷除以是知

答舫之爲人不幸而僅以數卷詩傳也有換門神貼  
鐘馗媚財神供魁星今樂府諸詩寫其生平無聊之  
概頗亦有致有句云無形之鬼君子食有形之鬼驅  
不得陽間鬼比陰間多馗兮馗兮奈若何又云如此  
塵世多險途算來還是讀書好皆調侃當時人所作

附錄傳記參攷材料

民國重修江都縣志未刊稿

續修四庫全書總目

卷

集部別集類

肅雲軒詩集五卷 家刻本

劉啓瑞

儀徵程琬撰琬字蘭畦父愷字小頤性情純篤好學  
不倦賁志未竟年僅中壽蘭畦早歲工詩時事之變  
遷境遇之顛沛人情之險夷及朋之離合無不發之  
于詩老友張安保敘其詩目爲詩史其自序謂少攻  
帖括年廿三避寇邨居始爲詩寫懷抱積年成帙年  
刻一卷海寧許楣題辭曰與君同是失巢鳩擊鼓聲  
中不自由商婦琵琶聽亦好幾生修到白江洲莽莽  
蟲沙化虎羆無邊花柳盡旌旗王孫莫向淮陰泣三

續修四庫全書總目

卷

集部別集類

十登壇一卷詩高郵夏崑林曰厄運紅年小劫灰故  
鄉回首白雲隈兵戈焰長詩文賤綠鬢青衫鬱此才  
骨擬寒梅臭若蘭性靈中語歐心肝杜陵一徇憂時  
淚莫作穠華艷藥看客夢鄉心劇苦辛乾坤清氣寓  
清貧百年宿草東澗路可有新詩弔野人蓋蘭畦生  
道咸間儀徵城陷者數月乃克若黃義士詩毛將軍  
行張寄琴太守殉難臨清詩張將軍國樞詩張忠武  
挽歌全壇守城詩太儀之捷雙雙曲曾制軍收復安  
慶曾相國愛民解散兩詩鏡詩諸篇皆書揚郡失陷

及同時兵事語皆紀事實固自可傳其憶元結春陵  
行有意速行走遲句感賦篇寫盡飢民情狀尤足諷  
世至亂後歸里詩曰更無枯井與頽垣草長苔荒沒  
痕履一片斜陽空濶地杜鵑何處弔羈魂三月胥江  
不上溯河干終日攔輕舸春風十里朱樓客頭白茅  
檐話寥寥哀絲催酒不須停獨立蒼茫眼怕醒文獻  
銷沈風雅歇隔江山色為誰青百年喬木失參天高  
下依稀認故阡終古曉風殘月在傷心為弔柳屯田  
亂後情形不忍卒讀生平為李大理聯琇所知李贈

續修四庫全書總目

卷

集部別集類

詩有起程生作詩有佳句吹律陽明豈終稿寒統一  
旦騎鳳皇鳴秋蟲變鳴春鳥其時大劫將平故大理  
有此語書憤詩云死豈能忘骨肉有生何必負聰明  
大理易之以但得有情皆骨肉祇愁無學誤聰明其  
沈痛處雖語掩然怨而不怨終以大理為平允也警  
句名由我立終嫌贅事待人謀已覺遲羊頭有價人  
爭羨狗尾多情我亦憐異書偶讀歎前世舊好重逢  
當再生雖藏囊底仍令我炭盡灰中悟此生仙之已  
死鋒仍銳張角初興禍本輕開門自撤藩籬固齋冠

先搜抒軸空老羆當前能高臥大鳥驚人在一鳴壘  
破始知兵善走民窮難冀賊市憐鞭撻有威蒲欲折  
皮能充膳樹多枯幸有豐年堪贖死斷無亂世謬求  
安虎口數經疑膽壯鴻毛無著笑身輕亂世清才藏  
拙好貧家老女入時難漫天艱草碧無色偏地野花  
紅自開黃金有價將成印白髮無情早變絲皆具有  
慷慨悲歌之象至若樂儀書院詩喜極無端生感慨  
地靈人傑各分半男兒何止重科名經濟終須要才  
幹願生士如劉富川領袖忠義排大難願生如阮文

續修四庫全書總目

卷

集部別集類

達政事文章所貫願生士如吳文節馬革裹尸任朽  
爛願生士如張臨清城亡與亡資衛捍願生如士夏  
廣文秦淮河水清芬散與其所作前後懷人詩感恩  
詩皆知敦本抑末固足繼武汪容甫之廣陵對也

附錄傳記參攷材料

民國重修江都縣志未刊稿



國朝正雅集一百卷 咸豐六年崇氏半畝園刊本

劉啓瑞

江都符葆森撰葆森字南樵咸豐元年舉人著有觀我生室賸稿已著錄入別集類事蹟並已詳前此國朝正雅集乃仿沈文憲德潛國朝詩別裁集例而作上起乾隆丙辰下訖咸豐丙辰凡百二十年之詩合為一集錄詩八千餘首詩家二千五十六人釐為百卷上接別裁專集初名為寄心集取劉舍人言余心有寄之意後陶鳬鄉張詩舲為更其名曰正雅集纂

續修四庫全書

卷

集部總集類

始於道光己亥凡十九年而後成其編次之法先後準別裁集例以科目與詞人相間不至年代參差首冠諸王尊其為天潢貴胄而以己刊本詩者為限其已收入別裁集及熙朝雅頌集者不復采其副板優諸貢生有科目可考者亦附各科目後無考者按時列於詞人中所錄詩人又各識其名字郡邑科目官階別行註明以便考識或有軼事可考傳誌所載名家所評均為纂入標以出處凡采書二百五十有三種其或佳句可采與詩中之事有可存者別撰為寄

心盒詩話附於各詩之首其選詩之法雖遵昭明選

詩存者不錄之旨然現存諸人其詩確有可傳者亦存歿並錄此其少異於別裁者所選各家之詩每家或一二首或數十首皆擇其精心結構之錄作入劉賓客不工古詩韓吏部不專近体各有所長不以其有所不足者因噎廢食舍短取長不拘体格務以詩理情性溫柔敦厚者為主其有落語纖佻而無古味立意嫖嫖而有鄭聲以及江湖層体釘鉸旁支輾轉進退之新格四齋二派之末流泛應廣酬更唱迭和

續修四庫全書

卷

集部總集類

者均於詩教無關概不屬入闡援之詩則以詩品尊壹範端為主釋子羽士於稍明風雅者亦略登一二於能讀儒書悉詩學源流者倍錄之屬國流傳之作亦間為收采以附集末此符氏編次之大概也昔沈文憲編國朝詩別裁集取詩以順治康熙雍正三朝為限於乾隆初年祇及一二厥後法梧門曾賓谷鄭夢白均有續纂未成而歿稿半歸之於陶雲汀陶氏謝世遂不知所歸而世人又多以總集之編非屬易事誼應屬之顯宦以其身在職局載籍富而交遊廣

蒐采或可靡遺成書較為速易世俗每多以此自忽之而南樵獨以廣陵介士伏處衡宇貧不能購書又未編交天下賢士而能次第訪求輾轉丐借窮十餘稔之心力始獲成此編其難益倍徒於文慙而其功亦有足多者論清詩者當舍是無取矣是書初為嶺南張南山所刊甫成二十餘卷以揚郡匪陷而罷此則長白崇實橫山之所刊也

附錄傳記參攷材料

續修四庫全書

卷

集部總集類

續纂揚州府志

蘭言集十四卷 家刻本

劉啓瑞

甘泉謝堃輯堃字嚮和一字佩禾官曲阜屯田郎著有春草堂集三十六卷收駢體文古今體詩詩話詞曲筆記等十四種已著錄入別集類此蘭言集乃葺錄當時師友之詩而成為卷十有四錄詩數十首詩家數百人並一時名雋其最著者卷一有張問陶石韞玉阮元阮亨吳錫麒江連卷二有曾燠陶澍汪端光汪全泰李周南李斗南葉廷芳陳本礼陳達衡張鏐卷三有張青選朱為弼馮登府張安保郭慶陳鴻

續修四庫全書

卷

集部總集類

壽卷四有王豫王屋卷五有屠倬葉舟黃兆宣劉寶楠吳修阮福卷六有胡長庚錢斌吳椿管聯芳文治汪坤卷七有伊秉綬文汝梅卷八有孫星衍洪亮吉葉兆蘭余秋農陳衍吉孫嘉樹徐觀江藩卷九有法式善方正澍焦循朱彭李鍾泗吳文炳卷十有錢泳程名世程沈濤卷十一有程荃吳康卷十二有錢泳程名世程贊和程贊清張維楨黃承吉卷十三有黃鉞英和顧千里秦恩復夏寶晉宋翔鳳趙基葉鈞卷十四有賀長齡彭兆孫吳翌鳳薛科聯等俱皆當時詩學佩永



咸得與交或親炙或奉手或聞聲相思或傾蓋言歡並摘錄其詩以之入集或采一二首或三四首不等隨見隨錄不拘爵齒舊識已故者不錄未識現在者錄已故未識面者不錄有專集行世者錄其一二首其他錄一二首者蓋未見其全集至倡和及題其青山別墅圖者概不入錄蓋佩禾之意不以倡和自私不以地域自限不以爵齒論人不以隱逸見棄其例至精而取材至博仿沈氏別裁之例而又擴之天雖其序謂十餘年來游幕江淮得親大人先生縉流逸

續修四庫全書總目

卷

集部總集類

士或贈以全藁或投以篇章日夕吟誦覺今人中未嘗無古人也久之得聲調之近於別裁者若干首釐為若干卷實則內容所采固不僅以沈氏之例為限也

附錄傳記參攷材料

符葆森國朝正雅集

海陵文徵二十卷 泰州官署刻本 劉啓瑞

泰州夏奎輯奎宇退庵嘉慶時諸生善詩文與同里繆彬甫宮晴湖康伯山常高庵等結詩社於里中唱和無虛夕諸誠李方赤璋煜守揚州聞其名亟稱之並為延譽於曾賓谷煥名益噪與儀徵劉孟瞻文淇最善得切磋之益嘗病邑乘闕漏未足以彰文獻集邑中先賢文獻為海陵文徵二十卷孟瞻為之序以行世海陵為江左大邑人文素盛自漢迄明名為海陵清初更名泰州文獻之可徵者斷自唐代張懷瓘

續修四庫全書總目

卷

集部總集類

至明末湯治凡為文四百六十篇都七十有二人蒐采之勤抉擇之精見稱於劉孟瞻序李方赤亦謂其積數十年搜羅之功而後成皆有關於人心風俗者均非虛譽其編次之法約為四端一編次諸家以時代為次不以文体為別二邑賢之文釐為正集非邑人而有關於邑之山川古蹟鹽漕水利人物著述者則別為附錄或有僑寓數世可稱土著而籍貫仍隸他邑者亦列附錄庶免襍廁三中十場向屬於泰東台為中十場之一乾隆三十三年割境分建為東台



縣今錄東人之文以乾隆三十三年為斷四輯文四百餘篇大率有關於邑乘之作凡風雲月露之辭芟除略盡其有墓誌行狀傳述所收尤隘人非名賢事非倫紀不敢濫登所以別於家乘之此四端可以見其体例之善矣考昔人萃一郡一邑之詩文以為集者六朝以來已有之而其書多不傳傳者北宋孔延之會稽掇英總集南宋董弁之嚴陵集然二集体例凡有關於本郡者即錄之不盡土著之人明程敏政新安文獻志其甲集六十卷皆其郡先達詩文故當

時推為鉅製至於萃一邑之詩文以為總集其最著者元汪澤民張師愚所同編之宛陵羣英集然有詩而無文明張應遠海虞文苑詩賦禠文莫不悉載然所輯者僅明二代之文即明一代之中又略於遠而詳於近論者謂時代既近牽於鄉曲之恩怨不免有所濫收凡輯一鄉之文者均不免此失蓋編集之難也如此退庵獨能排除此失初為嚴例彙凡三易功逾一紀搜羅爬剔成此巨部其用力之勤蒐羅之博可以概見惜董甫寫定遽歸道山嗣子嘉猷欲刻未

果逮光緒時蜀郡鄧清麟守泰州始付官署刻焉

附錄傳記參攷材料

重修泰州縣志未刊彙

端綺集二十八卷 清頌堂藏書本

劉啓瑞

甘泉黃夷輯夷字石原以資入為刑部郎道光中以順天府尹吳傑荐欽賜舉人少聰敏家世貨殖而夷獨嗜學嘗從南城曾燠遊燠異之命以江藩為師由是專精漢學藩以惠棟著十三經古義惟爾雅未成命夷卒其業夷乃就陸德明釋文敘錄十家舊注博引羣書為之疏證更於十家外擴拾為眾家注成爾雅古義十二卷藩卒又獨學十餘年閉戶探尋足不外出其學專鄭氏輯有高密遺書十三種嘗以所學

續修四庫全書

卷

集部總集類

質於儀徵阮元元稱其勤博他著有存悔齋集杜詩注三卷端綺集二十八卷端綺集者取古詩十九首客從遠方來遺我一端綺句意少嘗以詩就正於錢唐屠琴塢琴塢讀至花駐天地春月照古今白多情沙上鷗冷眼看游客闌干十二各春色一花一態雲徘徊等句為之拍案叫絕由是詩名藉藉滿人口遍識天下賢豪長者一篇脫手舉座為之心折往復酬唱積卷遂多因集同人投贈諸作彙為一編名之曰端綺集起壬午迄庚戌凡數十年年各為卷當時

名公鉅卿賢士大天如汪潮生陳達衡吳文鎔金望

欣鄧立誠石韞玉李周南張安保毛嶽生宋翔鳳羅

天池汪全泰梅曾亮李宗昉湯金釗李鍾瀚祁萬藻

李璋煜潘世恩梁章鉅阮元阮亨錢泳朱珔姚瑩楊

亮劉文淇李星沅羅士琳黃爵滋錢寶琛汪廷儒等

莫不與之相交而酬唱贈答無虛夕集中所收詩詞

詞曲序跋函札無不備而尤以題贈為多毛嶽生有

題憶潮圖詩云曲江爭與謝墩齊未悟揚州有會稽

戲為解圍息鄉思但看匹練吐虹霓又云山谷詩孫

續修四庫全書

卷

集部總集類

曠逸才鯨鯢曾掣浪崔嵬淮陰病叟遊梁倦更望雲垂作賦來其推許甚至索聽潮圖為屠琴塢作屠氏取潮汐奔騰之意以易石原故毛氏詩中及之屠氏亦有贈詩云此日無雙士交推江夏黃名駒自千里雛鳳已朝陽人遠幽蘭室詩披古錦囊相思不相見高詠寄蒼茫又寄懷詩云麟角牛毛爭一著於菟雖小氣無前能吟謝眺驚人句未滿終軍弱冠年識面偏遲懷落月賞音自急動朱弦遙知歲晏添詩富墨雨頻揮五色牋蓋黃氏年未二十即已名傾江左故

屠氏有未滿終軍弱冠年之句集中並有二十壽詩三十壽序皆稱其學以視世俗耄耋稱壽徒譽虛名者有異斯亦藝林中之佳話也惜黃氏初居蕪城後遷袁浦所藏篇什編紵已多散佚付刊時僅存此而已

附錄傳記參攷材料

清史列傳

續修四庫全書總目

卷

集部總集類

庸德錄二卷 稿本

劉啓瑞

竇應成撰撰字心策所著名味真腴齋全集此其論理學之作有稿未刊其書分五常五世五倫凡三類輯儒先各書證成其義而以五常為上卷餘為下卷首列總論合三者言之次乃分晰三類類各別為總論分論餘義五常之目為仁智德仁義德仁禮德禮義德仁德仁德仁用義禮智信餘義之末為三達德五事之目為心思身德視聽德言行德貌視聽言動餘義兼及五行五倫之目為忠孝德孝弟德兄弟

續修四庫全書總目

卷

子部儒家類

朋友德忠孝悌處家交友餘義推言中和其引書以四書為主而四子及朱子文集語類四書或問諸書呂叔簡真西山王伯厚陸隴其姚瑩諸說引申而發明之務取簡明易曉不為泛濫無歸之談書無敘其首篇總義即其敘也其言曰夫大道之在天壤也堯傳舜舜傳禹禹傳湯湯文武周公文武周公傳孔子孔子傳顏子曾子曾子傳子思子思傳孟子曰三綱五常而已矣夫三綱五常如衣帛茹粟然于無時異而一日不可離堯之命契也曰勞耄匡直輔翼振德



舜禪堯位承堯命使契為司徒教以人倫父子有親君臣有義夫婦有別長幼有序朋友有信孟子言齊察于人倫即察此五倫也亦謂之五品亦謂之五典亦謂之五教中庸述子曰天下之達道曰君臣也父子也夫婦也昆弟也朋友之交也此祖述堯舜之事也觀中庸之述子言而曾思相傳之道統可知觀孟子之述契教而思孟相傳之道統可知文王易於乾卦之元亨利貞即仁義禮智也孟子言堯舜性之也湯武反之也性之謂率其五常之性反之者復其性

也中庸有執有容有敬有別即孔門仁義禮智之教此憲章文武之事也觀孟子之言四端而曾思相傳之道統可知唐虞雖無五常之自然五倫實由五常而發文武既發明五常之理則五倫不言而可知已孔子祖述堯舜憲章文武倫常其極重者也萬德百行舉倫常而靡不賅焉矣又引朱子中庸或問云率性之謂道言循其所得乎天以生者則事事物物莫不自然各有當行之路是則所謂道也蓋所謂性者無一理之不具故所謂道者不待外求而無所不備

所謂性者無一物之不得故所謂道者不假人為而無所不用孺童率其仁之性則為父子有親推而暨為凡一切溫慈和惠之德皆仁所發也率其義之性則為君臣有義推而暨為凡一切剛毅果敏之德皆義所發也率其禮之性則為長幼有序推而暨為凡一切恭敬辭讓之德皆禮所發也率其智之性則為夫婦有別推而暨為凡一切等殺差別之德皆智所發也率其信之性則為朋友有信推而暨為凡一切質直誠實之德皆信所發也土旺于四時故仁義禮

智非信不實父子君臣長幼夫婦之倫非朋友切磋不能盡其道也雖然朋友可以輔五倫而不能以主五倫夫兄弟既翕妻子聯合父母其順矣乎事君不忠非孝朋友不信非孝然則惟孝可該五倫也孝該五倫仁亦該五常仁該五常孝亦該五倫而情中之孝實發于性中之仁由堯舜以來至于孔孟一言以蔽之曰仁而已矣上所臚列為作書本惜故特表而出之書中孺童等語皆為一定不易之論學者當知其融會貫通非汎汎抄撮比也

附錄傳記參攷材料

劉嶽雲撰食舊德齋謀著編校味真腴齋全集記

續修四庫全書總目

卷

子部儒家類

必自錄二卷 稿本

劉啓瑞

竇應成孺撰孺精性理學名在儒林此其全集之一其意以為下學而上達必有事焉取中庸升高必自卑行遠必自通義以名此編分十五類一辨志二善惡三君子小人四講學修德五執中六存誠七主敬八格致為上卷九體驗十存養十一省察十二克治十三持守十四擴充十五踐履為下卷而克治類又分為六一化氣質二滌習染三去物欲四防私意五察我見六改過條目雖繁而分晰清朗不獨有功於

續修四庫全書總目

卷

子部儒家類

小學即成德達材亦必自此始矣儒平日學問篤守程朱以論孟為主以程朱所言疏通證明之而又彙列宋明諸儒先說闡發俾無遺蘊其所著書大率以平易之理語人而不務為高遠以篤實之學為訓而不祖尚元虛故集或問語類精義諸書以成此錄他日又言曰不學識而遽言一貫不詳說而遽言反約誠不能無蹶等弊若徒事詳說而使學者終身無反約之功是有通問學而無尊德性也專尚學說而使學者終身不得聞一貫之旨是有下學而無上達

也聖門教人之法恐不若是近世學者專重博而略  
言約夫博即博其所約約即約其所博舍約礼而言  
博文極其弊也未免近裏著己之功少而徇外為人  
之意多質之孔孟由博反約之旨吾不知其合否否  
也由是言之作者鞭辟入裏之意昭然明矣

附錄傳記參攷材料

劉藏雲撰食舊德齋雜著編校味真腹齋全集記

續修四庫全書總目

卷 子部儒家類

研秋齋筆記二卷 家刻本

劉啓瑞

寶應劉彥矩撰彥矩字正裳曲江四世孫少孤貧家  
無藏書常借友人書讀之既歸其人憶而錄存每遇  
戚黨抽書瀏覽博聞彊記歸則默寫片楮敗素蠅頭  
細字巾箱什器往往而有卒後嗣子金儀搜錄得二  
卷顏曰筆記與文略詩略同屬族姪寶楠校刊寶楠  
以經訓為世名儒稱其書攷證經文評論詩文下及  
名物細故里巷恒言皆有理緒當非阿私之說其中  
說詩禮處頗得其通即說唐宋人詩亦甚有致讀書

續修四庫全書總目

卷 子部儒家類

別白異同處如數可言禽禽亦可言獸引曲礼疏攷  
王記分證之爾雅異類同名同類同名倉庚十一名  
鳴鳩六名戴勝八名又若春秋有四子儀六子家四  
子南三子西八嬰齊史有名食其者四名日碑者二  
又有兩張禹兩李固兩劉毅兩張載兩劉峻兩許俊  
兩史岑三李密六公孫宏兩虞姬五智囊二田仲兩  
許慎兩三君兩李玨三次公皆足以為讀史之助又  
據觸龍或作觸讐因訂正史記趙世家誤分龍言為  
二字引禮記闕以佚輒誤分為見聞爾雅鷺白鷺誤



分為楊鳥二證以經證史尤為得之其他事之相類者比而列之又足以補古事比之遺

附錄傳記參攷材料

民國重修寶應縣志

續修四庫全書總目

卷

子部儒家類

射陽漢鏡圖釋一卷 精寫本

劉啓瑞

寶應朱百度撰百度字荃滋又字午橋著有漢碑徵經刻入粵雅堂叢書中惜僅易經一卷其家尚有諸經未刊此冊為所得射陽漢鏡及諸家藏一一摹圖詳釋之前有孔繼鑠喬守敬兩序及甘泉江璧儀徵陳彝泰州程紹昌高郵王敬之蘇州顧鎮生江寧周葆濂六合孫榮綬諸人題辭又自為射陽漢鏡歌一篇並序一首次列所作射陽攷射陽年說二篇後為圖釋凡鏡二十四面計長貴富鏡一日光鏡二日月

續修四庫全書總目

卷

史部金石類

鏡二神人鏡一四神鏡一衆神鏡一內者鏡五四乳鏡三衆乳鏡一百乳鏡一清華鏡一朱雀鏡一麀鏡一蟠螭鏡一龍鏡一雙魚鏡一其中自藏者十一朱佩齋藏三朱恪齋藏五朱適庵藏一湯印卿藏二成佳木藏二皆邑人也尺寸重量花紋銘辭精摹惟肖大者縮成小圖約得幾分之幾以存其真長貴富鏡與續古文苑漢鑑銘大同小異斷為漢鏡見日光鏡與金石索所載同四神鏡與博古圖所載同衆神鏡鑄老樹二株連理上層三人同坐中一作扶杖狀下

左右各二人並行指視問舍規模型製精古非常為諸家所未有其射陽阜說載康熙寶應志云阜以數千計若懸孟覆釜大小夾持間有徑如列堦隧又其下或洞然空叩之有聲如谷音耕夫牧豎時於其間得銅器瓦甕之類製古余於客歲得一銅斗三足有柄蒼翠瑩然攷拾遺錄有云張永開元武湖於古冢得一銅斗有柄太祖訪之朝士何承天曰此是新成斗王莽三公亡皆賜之一在家內一在家外然則余所得乃漢成斗也外此土缶土瓶古錢古鑑皆漢物云云令其後人分析或已售出不復能守幸有書在存其梗概而射阜新出亦妙蓋屢經發掘阜已夷而為田矣

附錄傳記參攷材料

民國重修寶應縣志

慈暉館詩詞草一卷 沈氏刻本

劉啓瑞

儀徵阮思濤撰思濤字媚川儀徵阮文達元第三孫女嫁杭州沈麟元少聰穎善鼓琴兼解吟諷文達晚年至選樓必令鼓一再行頤而生歡呼之曰拜女孫手書楹聯云古拜百衲彈清散名帖雙鈎搨硬黃咸豐壬子于歸後有翁之喪能盡礼事君姑得懽心明年二月將歸寧而揚城陷兄恩海從母北湖南北梗塞憂鬱驚悸心脾俱傷甲寅四月患咽痛母兄赴浙視之卒不殊詩詞韶秀然不盡留稿今之存者僅十

之半卒後麟元為刊行板留家塾未一年杭城陷又一年再陷同治三年乃克藏板無恙詞稍缺毀光緒乙亥補完今所見本是也其詩五細絕倫五言如水滿將平沼雲低欲壓城風欺羅袖薄月瞰屋梁虛江湖鬢岸急天風吹花涼七言如弄舌我憐才語澀上頭人愛鬢絲青風裏銀絲涼露重夢回綃帳翠鬟香翻風亂颭竹陰碎卷地忽聞荷氣來入夜暗篩千片月未涼先做二分秋春前花鳥無消息天末音書役夢魂半榻詩書常亂疊一樓風雨最相思筓路曲

盤山磴窄松陰深鎖寺樓低五絕清遠尤有雅致湛  
然抱弄癖間彈送夕陽雲和不可作一曲一迴腸霜  
月照松澗清輝特地寒蘿陰翠袖薄心怯倚闌干片  
月銜山遠歸雲傍樹橫江城吹玉笛日夜故園情惜  
年不永未能造極耳

附錄傳記參攷材料

阮恩海撰傳

續修四庫全書總目

卷

集部別集類

唐詩可興集六卷 稿本

劉啓瑞

寶應成孺選孺字心巢所著書其子肇摩及門人搜  
輯之為成氏遺書凡二十一種而可興集不載然遺  
書之外王先謙刻皇清經解續編取四種有周易釋  
又例又刻南菁叢書六集取十種有春秋世族譜拾  
遺鄭志攷證釋名補證三通術補衍推步迦蒙記各  
一卷皆不載遺書其餘亦有名字異同蓋成氏學博  
著述至多不可枚舉此或以其為選詩而遺之惟門  
人劉嶽雲食舊德齋謀箸中編校味真腴齋全集記  
載其目又就成氏選存詩目補錄成書其書分體五  
七古五七律五七絕各一卷而取去極嚴蓋以風雅  
日薄取唐詩之臨正者以授及門期不失小子學詩  
之旨故曰可興成氏又嘗著詩教集述二卷手訂篇  
目為知道厚倫正思誦諫發情止義責己感人敦厚  
溫柔興觀羣怨達政能言涵養性情多識名物凡十  
六類又附餘述分為采詩編詩刪詩說詩賦詩引詩  
學詩誦詩凡八類晚景未遭僅存其目是書即其中  
一類而又限以唐代蓋將次第有述固不僅僅於唐

續修四庫全書總目

卷

集部總集類



特以世重唐詩始一先為之儻使哀集成書必大有裨於詩教也已

附錄傳記參攷材料

劉嶽雲撰食舊德齋稌著編校味真腴齋全集記

續修四庫全書總目

卷

集部總集類

浪花草堂七絕詩選 稿本

劉啓瑞

實應劉相選桐字夢莊有浪花草堂集已佚其來孫嶽雲於故紙得權真薄一紙背有字跡睇視為浪花草堂詩說寫於別紙中有詩一後又得所選浪花草堂七絕詩選並詩說刊板未竟遭亂僅存稿本其專取七絕詩之意雖不可知然考其詩說亦偏重七絕立言知其寢饋於此道者深且久所言皆得其中三昧所謂春風吹水自成文章黃鸝在林自成妙音又謂餘音三日繞梁塵皆七絕真訣固別有會心非故

續修四庫全書總目

卷

集部總集類

為軒輊也選本以唐宋元七絕詩為主而明以後不與神韵天成雅近漁洋蓋當時風尚如此其自作詩云買花重到赤闌橋春雨瀟瀟更畫橈莫共東風便歸去海棠深處正吹簫注為蕢洲詞人以為丰神絕世蓋夢莊於七絕詩已三折肱矣其裔孫佩卿名瑤亦擅詩名有詩遠樹空濛接呂城微風料峭半帆行春江細雨絲絲暮卧聽吳娘轉柁聲詩亦極清遠幽渺之致蓋有嗣響者置之私塾作為課本信有助焉

附錄傳記參攷材料

道光重修寶應縣志

續修四庫全書總目

卷

集部總集類

白田風雅前編五卷 朱氏刻本

劉啓瑞

寶應喬載錄輯載錄字止巢著有妙華仙館詩集及止巢詩詞已著錄入別集類以邑人朱郁甫曾輯白田風雅二十四卷不錄明以前人詩止巢則專取元明以來作者輯為此編目為前編所以別于朱氏也其甥朱士恭取而刻之其自序曰朱郁甫輯起自國初迄於近日生存者不錄大惜在以詩傳人故片長薄枝固不收入夾袋中前代邈遠姑置之矣竊謂吾邑風雅開自陳孔璋後千餘年惟宋有趙秀才及謝

續修四庫全書總目

卷

集部總集類

珏而趙並名字不傳謝則書名僅見何察察至此耶殆未遇有心者為之稽拾流布耳明去今近而所可知者亦知數十人即當日聲名震赫挽為炳炳烺烺者異代之後或子孫賤貧或語觸忌諱殘煤敝楮悉不免拉雜摧燒矧一二鄉曲之士苦吟送老名不出里閭縱有劇目怵心之作諒付之秋墳鬼唱而已嗟夫古人名山石室之藏苟無大力者負之而趨終至原稿銷亡即散見于他書者並他書亦亡茫茫劫灰之中抱此痛者豈有窮盡耶余懷此願有年元冬鍵戶

始蒐錄成五卷名曰前編思邗朱先生以傳其原輯  
第二卷遺民十九人實皆明產昔親見先生手訂茲  
不屏入其漏畧者仍登是編云云後有朱士恭喬守  
敬二跋紀刻書之事卷五載流寓梁以樟詩謂叩否  
詩集刊板與否未可知白田風雅僅載詩十首茲復  
於朱選外蒐輯若干首世人知先生者鮮區區之心  
思邗邑人以不朽然考實應文徵選此有出于朱喬  
二選之外者蓋遺民之作一鱗片爪為人珍惜者久  
矣固不盡付秋墳鬼唱如先生所慨也

附錄傳記參攷材料

道光重修寶應縣志

星槎游草一卷 稿本

劉啓瑞

寶應劉台斗撰台斗字建臨號星槎通儒台拱弟即  
世稱所謂端臨先生者事載清史儒林列傳建臨少  
穎悟傳兄學尤究心於水利凡治河得失漕輸利弊  
無不洞悉源流中乾隆五十一年舉人嘉慶四年進  
士改官工部營繕司主事旋丁內艱持服家居講求  
禮經尤多心得服闋兩江總督鐵保南河總督徐端  
奏留南河協塞減壩得旨以同知用會黃河南溢入  
射陽湖衆議有欲因其勢改建新河由射陽入海者

建臨作議駁之乃弗果行十二年署江西吳城同知  
有善政在任二年補瑞州銅鼓營同知以病乞歸十  
八年補原官奉檄總運事以勞頓卒建臨未第時即  
勇於為義嘗與邑令孫源潮創建畫川書院修節孝  
祠感烈婦祠濬宋涇河以溉民田治城北劉家潭築  
隄以捍水患在官時平數人兄弟二商之訟表前明  
土人葉景恩死難之烈歸新建主簿某停滯之喪他  
如拯漂溺置義塚立質劑禁游手尤郵多善政事具  
載阮文達元所為傳中生平詩文極夥而尤多經說



見稱於錢竹汀大昕王西莊鳴盛段懋堂王裁汪容  
甫中諸君謂其淹通經學不規前修顧勞形簿書不  
自收拾游草所存僅詩百餘首而已經說則已散佚  
矣建臨最擅五言如邗上送諸兄弟北歸昔年此日  
別汪容甫於此詩云一片離人月年年此渡頭秋風  
隨過客落葉上行舟別夢感今夕歧途憶舊遊劇憐  
邗上水不向故鄉流七言亦頗風緻黃鶴樓詩云昔  
人乘鶴去千載詞客題詩又幾年檻外江山自今古  
人間崔李定神仙梅花橫笛無遺響芳草空洲有暮

烟極目鄉關迷楚望眼前春色倍堪憐又寄內七絕  
二首云新鶯選樹銜花過舊燕尋泥帶雨啣莫向春  
風問春色門前垂柳似征衫宵柝朝鐘取次催重簾  
銀葉冷香煤歸期不是春三月謾信燈花報客回阮  
梅村亭淮海英霸續集謂其各体俱宗唐人刀洗鉅  
釘之習王柳村孫江蘇詩徵謂其詩以氣格勝與白  
田七子角逐詞壇恐不多讓蓋皆紀實也從子寶楠  
楚楨選其詩二十餘首入劉氏清芬集又載入寶應  
詩事並謂其少時為詩多綺語如萊更灣口月無賴

楊柳門前人莫愁均佳句也惜多散佚其後人某曾  
選錄若干首並附傳志與端臨子巨源源岷詩同刊  
名曰劉氏礼安堂遺稿乃不全本旋遭兵燹板亦燬  
燼不克其傳斯亦有幸有不幸矣

附錄傳記參攷材料

阮元撰劉建臨先生家傳

醒庵存稿二卷 刻本

劉啓瑞

江都張榆樵初名棟字南雲號愚石道光時康膳生少有雋才以詩文名於鄉尤豪於酒一夕飲大醉於座上誦其送友人詩有云風乾露冷百草黃落日長途遠天黑鴻雁哀鳴思故鄉偏君踟躕為行客滿座為之擊節咸豐三年粵匪掠揚州城陷南雲自盡死初郡人聞攻金陵紛若鳥獸散南雲誓與城共存亡遣妻孥奉母避居鄉自獨與兄正柏家居守先代木主遺像不忍去城陷為賊所囚脅降不從筆楚交

續修四庫全書

卷

集部別集類

至以刀試頭者再南雲終不屈卒遁歸縊死里人哀之所著詩文極夥嘗自手訂其集曰尚友堂集取尚友古人之意兵燹後不復存友人李肇增為之冰泔收拾餘燼得詩數十首類次先後合為二卷名曰醒庵存稿即此本也首有李序述其顛末略云南雲才士也以文行其才所為詩數百首年經而逾上每得句必造門擊節歌賞飲酒快意去益十數年於茲矣君嘗謂吾詩瑰麗俊偉非池中物吾亦服君清拔之氣當道然搏扶搖也顧十數年來君與世遠不見錄

於有司而余亦困窮弗自達回憶陵物標許年少氣

盛之時所為何其悖也然吾厄於遇兵革流離天猶

假餘息不死君遭亂乃寃沒黃壤中不能脫命以全

其才是益可悲也已且君之詩與年俱富其連篇累

幅實足以規宏贍卓犖之致願煨燼不復存存者僅

此吾恐覽者吸其醕而遺其醢觀牛溲而沒江海之

大也則是吾南雲生無所遇而死並無以鳴其才又

得不重悲之哉言至沉痛益冰暑亦厄於遇者也存

稿所收以五言律詩絕詩古詩為多其秋懷八首尤

續修四庫全書

卷

集部別集類

為時人所稱佳句有云偶動烟波興扁舟獨泛湖晚  
花空艷艷高柳自踈踈日落吟懷遠天遙客夢孤沅  
湘隔千里何路采茶蕪又云少壯論交苦同心有幾  
人窮途各埋鬱達道況風塵翳燭虛清夜當杯憶早  
春天邊望飛雁目送祇傷神神思散淡脫却繁華而  
一片清霄之氣往來其間是尤非深於詩者不辨  
宜冰泔為之婉惜不置也符葆森國朝正雅集曾錄  
其七言兩首入選詩云一面金湯擁傳車千年碧血  
恨難紓魯連蹈海原全節趙括臨危悔讀書齊扶狼



心師潰散頓聞烏樂邑邱墟艱難授命君無憾只惜  
東南半壁虛節使威霸鎮一方島門雄峙海天長空  
聞狗盜能依孟不見虬髯出佐唐遠道連年勞饋餉  
妖星永夜動橈槍求賢已入深宮夢豪傑休耽霧豹  
藏時金陵方被圍有求賢之詔故詩中及之存稿未  
收蓋醒庵既歿詩文零落失載者殆不僅此兩首矣

附錄傳記參攷材料

符葆森國朝正雅集

續修四庫全書總目

卷

集部別集類

續纂揚州府志

棠花書屋詩稿四卷 稿本

劉啓瑞

寶應朱之璣撰璣字海若號懷堂康熙間諸生蚤歲  
屢困場屋考授州同絕意仕進迺縱游山水晚年葺  
容齋書屋聚書萬卷作詩數百首分進覽贈答感傷  
閒適四門各自為卷顏曰棠花書屋詩稿未及刊而  
歿族孫毓賢小泉以稿就正於江都汪容甫中為之  
選訂一帙擬付諸梓未果乃屬族孫彬武曹摘其佳  
句入白田風雅迨曾孫士端詮甫刊春雨樓叢書始  
以選本付梓而又改削大半此則其原稿也朱氏為

續修四庫全書總目

卷

集部別集類

江淮大族自明初琴鶴徵君著即以詩名有馴鶴亭  
稿厥後代有繼起如石崖克簡秋崖克生原博約恭  
亭經止泉澤溪賓旭輅等繩繩繼繼均以詩名而海  
若尤能克承其緒最工七言對仗工整七律如晚泊  
武昌云過盡山城又水城冬來天氣襟陰晴鳳凰臺  
畔魚燈出鸚鵡洲前月色明潮落寒烟迷遠市酒醒  
殘夢隔歸程鄉關迢遞二千里愁聽荒鷄半夜鳴歸  
次汜水云帆落河干日已斜紅菱上市菊開花二年  
揮手揚州路萬里息肩錦水涯未到故園猶是客忽



聞鄉語已還家囊空不用謀諸婦沽得鮮魚酒可賒  
七絕如望九華山云皖江城外俯流湍蘆葉蕭森入  
耳寒十幅蒲帆千里去九華山色暮雲端樂志堂感  
舊云一望淒涼景物非寒松枯柳尚依依落花不語  
空辭樹草滿堦前蜨亂飛並疎遠淡明雅得唐人遺  
意家乘謂其生平不多作詩每有所作輒閉門覓句  
苦思力索累月經旬始成間有一字未愜必斟酌盡  
善乃已蓋懷堂於詩用力勤且深矣惜梓行選本過  
於簡略不足什一未能窺其全豹即此四什亦僅歸

續修四庫全書

卷

集部別集類

次汜水一律入錄餘概刪去而改易之處又復不免  
逆憶容甫選時未必如是是必好事為之也

附錄傳記參攷材料

寶應朱氏家譜

養一齋集二十六卷 家刻本

劉啓瑞

山陽潘德輿撰德輿字彥輔一字四農道光戊子科  
舉人乙未大挑知縣分發安徽候補知縣未赴卒事  
迹具詳清史稿列傳生平著述纂衆都十餘種多梓  
行已分別著錄入各類此則其詩文集也卷一至卷  
十為詩卷十二至卷二十四為文卷二十五為金石  
子卷二十六為喪禮正俗詩以年紀卷一為癸亥甲  
子乙丑丙寅丁卯戊辰己巳庚午辛未卷二為壬申  
癸酉甲戌乙亥丙子己卯庚辰辛巳卷三為壬午癸

續修四庫全書

卷

集部別集類

未甲申乙酉丙戌丁亥戊子卷四為戊子己丑庚寅  
卷五為辛卯卷六為壬辰癸巳卷七為甲午乙未卷  
八為乙未丙申卷九為丙申丁酉卷十為戊戌凡三  
十有六年自謂其詩幼奉庭訓讀漢魏李杜詩最洽  
熟杜詩尤多未冠先子見背榛筆學詩苦無指授漫  
然素幼所讀者素頭有一部精華錄亦知其非絕境  
然薰染數月遂專趨中晚唐人蓋劉賓客張司業李  
昌谷溫飛卿杜司勳許丁卯皆其所涉歷者已乃謂  
韓蘇為鉅觀年少氣盛愛為盡言殊自豪也至二十

六七歲通知以陶公為法於詩漸辨好醜近四十歲稍就確實以杜為宗而精力不專學問不廣子美之門牆至今不能入况堂室乎哉又云余詩逃不得一禪字蓋命意甚妄欲作無不有之大家而今則名家而不能也語至謙抑集中詩諸可以澹雅渾大四字賅之正合其評詩之旨謂超雅方為名家渾化方為大家固未可以名家不能自謙也文各體悉備卷十一為賦卷十二十三為論卷十四為說駁卷十五為辨卷十六為說解卷十七為書後議對釋贊卷十八

十九為序卷二十為記卷二十一二十二為書卷二十三為傳志卷二十四為墓表哀辭祭文魯一同撰行狀稱其文章入幽出顯沈痛吐露又謂先生孤童晚出一露鋒銳盡掩前人每學使者行部至皆拱手贊歎既而屢困州舉年二十六乃盡棄科舉進士之業力求古人微言大義其宗旨以為挽回世運莫切於文章文章之根本在忠孝源在經術其用在有剛直之氣以起人心之痼疾而振作一時之頑懦鄙薄以復于古之此數言可以覘四農文旨四農當桐城

文派盛行之日獨能排斥異俗另樹一幟以實用為主卓然自立而魯通甫尤能克傳其緒以文章行業為世楷式迄今論文者猶為四農通甫另闢一席焉至念石子魯通甫字子石喪禮正俗乃為時而發其目為病瀕死始移正寢遽易新衣斂衣用續成服大速喪用鼓吹回煞避煞僧道超薦送葬喪七七而卒哭既葬脫衰反哭而賀忌日宴會治事良有裨於時俗

附錄傳記參攷材料

魯一同撰崇祀鄉賢安徽候補知縣潘先生行狀



寶應文徵一百卷 家藏稿本

劉啓瑞

寶應劉寶楠輯寶楠字楚楨號念樓道光乙未舉人  
庚子進士歷任直隸文安寶坻元氏三河諸縣事有  
善政事蹟具詳清史稿列傳著有論語正義釋穀愈  
愚錄漢石例寶應圖經念樓集等並已著錄入各類  
此則所著邑中詩文之總集也文四十卷詩六十卷  
都百卷總名曰寶應文徵初名象求集取象罔求遺  
之意上溯明季下迄近代凡有詩文者罔不甄錄得  
家數十為卷百餘嗣以卷帙過繁因改今名首無序

續修四庫全書總目

卷 集部總集類

亦無例據念樓集稿本所載象求集自序略謂國初  
選詩家以鄧氏詩觀為鉅集所載吾邑詩人如喬公  
聖任明天啓元年進士官御史應入明詩秀水朱氏  
明詩綜載其詩是也其國朝詩人趙章齋開雅陶季  
深澂喬鈍庵邁朱秋厓克生陳永壑鈺王左生孫晉  
喬疑庵出塵鄒惕庵之璜喬石林萊先伯高祖真定  
君中柱伯曾祖鹿沙君家珍凡十一人其時真定君  
有寶應詩選載國初詩人二十有一惜未刊行詩觀  
雖刊亦不甚行此外若卓氏爾堪本事詩遺民集倪

氏匡世詩最孫氏鎔詩選席氏居中詩存陶氏瑄詩

的所采既略板行並鮮惟新城王文簡公感舊集威  
行於世載吾邑詩凡四人李深秋崖冰壑及李輔臣  
渠先乾隆時長洲沈文愬公別裁集載吾邑詩凡九  
人李深秋崖左生石林及朱燕堂經王樓村式丹喬  
學齋崇烈王白田懋茲劉艾堂師恕於後青浦王侍  
郎述庵昶撰湖海詩傳以續別裁之選載吾邑喬劍  
谿億王少林嵩高朱直方宗大凡三人嘉慶初同郡  
中丞阮公元采輯揚通詩人為淮海英靈集較以上

續修四庫全書總目

卷 集部總集類

選本無輔成王文王玟徐性之宗道湯石庵廷頌孫  
東山世勳王用晦士光張羽李珣七人其他悉載而  
增入者喬氏七人王氏八人朱氏十人界洵朱氏二  
人湯氏四人潘氏五人其在劉氏則西劉八人東劉  
二人益以成商衡康保陶文虎蔚郭元城束楊篁坻  
景濂凡若干人可謂詳矣然嘗讀王少林所撰陸杞  
堂文鑒傳極稱其梅花詩惜其湮沒不彰今少林歿  
不過十年予嘗問陸先生之為人無能道者而梅花  
詩亦無存又吾友張勵庵策嘗誦陳雲門北鵬菊花



詩云一年好景登高日千古多情送酒人一聯之外不可更得於是網羅舊聞收葺殘帙凡以上選本未載者或一二首或數十首彙為斯集竊自附象罔求遺之意名曰象求其有以上選本未載而亦未錄者王孟亭歲興有編年專集湯荆垣隆襄劉又徐玉磨入七子詩合刻均已行世至陳鳴柴銑湯雲樵柱之及從弟巨源源岷詩集前已赴彙阮梅耕二尹英甯續集之選故亦不贅錄焉又跋云此書成後改為寶應文徵凡有專集選存數卷及一二卷共得六十家其零篇不能成卷選存於後惟卷帙浩繁未能付刻茲用惘然據是選集之大概可以推知蓋邑中人詩向僅散見於各家選集從無蒐葺而為總集者文更無論矣同時邑人朱武曹彬曾選邑人詩而為白田風雅與楚楨多所商榷載入凡例又選其實應詩事入錄然所收各家不免於隘文更未及去楚楨之葺甚遠厥後喬載錄白田風雅前編所收亦祇篇什蓋欲考寶應詩文者殆舍是無取焉惜比年楚楨手稿多所散失文徵幸而未亡然僅有稿本未能付梓

佚亦時虞焉

附錄傳記參攷材料

清史稿本傳

涌翠山房文集四卷詩集四卷 光緒十三年刻本

劉啓瑞

山陽高延第撰延第字子上一別號槐西居士先世蘇州人明嘉靖間始徙居山陽幼有成人器侍官赴蜀夜遇竊發不為動時甫十齡入塾讀書即求實用不屑屑於帖括章句凡治亂源流學術正偽究心搜討無稍模稜在蜀二十年未嘗一干公事以蜀道難不得歸應郡縣試援例赴京北試不遇遂絕意仕進深閤不出吳勳惠移節蜀中聘入幕不就晚年督學黃

續修四庫全書總目

卷

集部別集類

體芳請於朝賜翰林院待詔欲一見不可其嚴峻如是家藏書數萬卷丹黃甲乙辨謬訂偽其學以明體達用為主得古今要領絕宋儒之拘虛而不遺其純誠去漢學之附會而必歸於精實詞章浮華與夫經術襲取而不能篤性情敦氣節者皆擯斥之著有老子證義廣韻重文補注涌翠山房詩文集論文要旨五朝近體詩選山陽耆舊詩選孫吳司馬濩補注等書尤以廣韻重文補注為最精惜稿未成而卒文集有廣韻重文彙編序蓋即其書後名序略謂古人本

音以訂韻今人據韻以求音而詁訓虛實異同通假

即寓於音讀之中宋雍熙與大中祥符重修廣韻雖

本孫愐唐韻增刪而所增多系俗字祇宜附注正文

下不當與古文異文並列又一字數義注多從略一

字數音或見同部或見他部或見三四部者注每於

本字下注云又音某又某某切所以示人由是推尋

曉然知若者為音異義同若者為音異義異不致誤

呼今本多缺不注或注其一而遺其二三皆由後人

刪削使然今取二百六部所載互相檢校標出重文

續修四庫全書總目

卷

集部別集類

若干缺注者補之沿偽襲謬者正之其詁訓虛實異同均附注於先見字下以省繙閱俾覽者本音以檢韻循音以得義復即義以正音雖古今殊讀梁楚異呼一於音讀輕重緩急求之則南北古今不惟同文殆亦無異音矣今按廣韻重文多本說文及經典異字倘彙萃而集釋之不難攷見文字之聲母互換及訓詁之虛實異同而子上獨能發之於先其識見蓋非尋常可及張兆麟序其集謂嘗與鄉先達潘四農魯通甫諸名輩游蓋子上師承固有所自也集中所



載他文如名實論朋黨論吏商論讀荀子書後封建  
論書後廣李安溪屯田議圍岩說同樂說等悉原本  
心得不藉藻績取達其所見而止而漢唐之經訓伊  
洛之名理下至兵農庶政皆言之洞徹確然有本諸  
身措諸天下之志惜未見諸實施也至其為詩身丁  
離亂語多感慨如聞警一首云巢堂燕雀鎮嬉娛又  
見流民載道途銜策久亡誰馭馬叢祠無處不鳴狐  
漫將雨露滋狼莠更惜封圻擁瓠壺祇恐涓流成巨  
浸前車相戒慎良圖語語紀實不愧詩史而一片仁

惻之言尤不覺自然流露其他諸作亦多類是昔人  
謂詩以道性情益於子上徵之固未可以格律衡也

附錄傳記參攷材料

邱崧生撰高先生子上行狀

愛荆堂詩草二卷 家刻本

劉啓瑞

寶應吳自強撰自強字民懷號莆田乾隆間武庠生  
先世歛人清初始遷寶應家焉世以醫名至莆田尤  
擅其術名噪江淮間平生足迹半天下所至見稱於  
賢豪長者顧莆田歛然不以技矜晚年置負郭田數  
畝饘粥自給終身以擅醫為恥最喜吟咏流麗溫厚  
得力於香山者為多早歲以詩見賞於盧雅雨饒使  
許為詩人時同里以詩鳴者王少林喬儀上皆少莆  
田近二十歲莆田與之為忘年交倡酬無虛夕兩君

詩後卒有所成就人咸服莆田之能知言而取友其  
詩律亦不減於兩君既歿五十年子子駒始哀其詩  
為二卷首標詩次漢江遊草高郵夏味堂同里王嵩  
高米彬儀徵吳楷均為之序以行蓋四君者不獨折  
其詩尤欽其為人以莆田與人交無不以真誠見也  
朱彬白田風雅收其詩三首為集中詩之最佳者楚  
中寄懷邗上諸子云漢上人初至僧居月正明秋風  
侵短榻蟲語亂深更山外雲千里天邊雁幾聲客中  
當此境不必訴離情春雨云小樓孤客臥江城夜雨



聽來百感生寒食已過花欲盡東風還不放春晴漢  
皋客即送周準生之湘陽云人生離合總茫茫回首  
天涯各一方客夢未諳江上路不知何處是湘陽此  
三詩並為游漢皋作載漢江游草莆田詩初宗香山  
而境不廣逮游吳楚通歷名山大川嘯傲於烟霞波  
濤之而詩境為之一變方汝謙稱其琵琶亭畔繼白  
傳而題詩黃鶴樓頭踵崔公而舒嘯蓋紀實也晚年  
詩益進律益工純乎胎息白傳夏味堂評其詩謂香  
山詩得於天者全成於學問閱歷者久而世之以淺

顯動人為工安援老嫗都解之說相誇耀者誠未足  
以盡之莆田詩得力於香山而不徒門徑之乍入蓋  
其詩無不盡之意而味仍有餘能令慍者喜喜者悲  
悲喜交集者不知其何以油油然而老也斯言也  
可以盡莆田之詩旨矣

附錄傳記參攷材料

重修寶應縣志

朱彬撰游道堂集愛荆堂詩草序

端虛室賸稿二卷 徐氏活字印本

劉啓瑞

東臺鮑毓東撰毓東字紫來問梅子家東臺久仍署  
仁和原籍者不忘本也與東臺本籍鮑均自新安來  
而有先後少負逸才十五六時為駢文已沈博絕麗  
為詩不自喜多散佚年六十始取五十後作錄之晚  
依蒯光典于儀徵鹽棧蒯去而徐乃昌繼之有加礼  
馬卒後徐為傳其詩語語從性真流出癯而腹實而  
綺淡而彌旨生平致力少陵為多見于丹徒楊正鈞  
序文其流民謠七章淋漓浩瀚實足以寫民困又善

集杜泯針線迹楊言不誣也警句如白去黑來楊李  
犬朝三暮四漆園狙千秋青史開新局三輔黃圖失  
故書周報有台名避債宋高失計在忘仇宗派自去  
三教外坤輿原在九州中內廷不廢瓊林庫異域仍  
儲玉筍班豈意楚材為晉用未聞蕭律待曹刪臣門  
豈是五都市我澤正如三月春難求秀實生前笏且  
續靈均醉後騷極知逐鹿愁崩土忍睹牽牛走傳車  
可是商周同此例敢將桀紂說當年司馬未宣巴蜀  
喻卧龍已實渭南星史稱陳勝是儒者誰道黃巢非

義軍磊磊黃金齊北斗欣欣白首老南柯在昔文章  
此羔雁而今財用務難豚斷齏畫粥渾如夢玉帶金  
鞵不負恩沐猴寧識陽秋玷首鼠終為反側媒黔布  
少年曾坐法淮陰善將竟封侯扇底塵猶防庾亮夢  
中筆已奪江郎五世遠承君子澤十年前是宰官身  
正逢東海揚塵日偏聽南山種豆歌運用史策信筆  
所言無不如志信可為詩史矣

附錄傳記參攷材料

續修四庫全書總目

卷 集部別集類

東臺縣志

饒譽集二卷 刻本

劉啓瑞

寶應陶蔚撰蔚字文虎諸生徵士陶季子季有二子  
長名震兄弟相友愛時相倡和官咸陽縣丞志清高  
不屈於勢制府某自謂清廉第一乃有受金萊甕之  
事蔚詩以嘲之遂左官罷歸與朱克生劉家珍結文  
字交王式丹贈詩有云君真名士才愈健僕本愁人  
興亦酣著饒譽縣志乃誤作饒桐餘響又有問天樓  
集據蔚自序云問天樓集二十卷共古今體詩一千  
四百十首自焚之其子抄存詩九十六頁又集句二

續修四庫全書總目

卷 集部別集類

頁名曰饒譽計五言古九十三首七言古三十三首  
五言律一百三十四首七言律二十八首五言絕二  
十七首七言絕一百四十三首六言四句二首六言  
八句二首共四百六十二首是集本名問天樓後以  
焚餘改今名二而一者也白田風雅止言問天樓已  
為非寶縣志兼載二名亦非蓋皆失檢自序也游道  
堂詩話謂文虎意氣粗豪不足嗣音名父然亂頭粗  
服中亦有憂憂獨造處惟邑後進祁式環獨私泚舟  
車集由是以入杜陵之室七古尤醇厚雄健惜乎其

集不傳蔚集雖刊附舟車以傳然所見往往止有舟車而無囊響邑中止某家有之曾於其家錄得自序為存梗概向假傳抄迄不允未知世間有無別印本也

附錄傳記參攷材料

重修寶應縣志

續修四庫全書總目

卷

集部別集類

張譙源集七卷 家刻本

劉啓瑞

山陽張坊撰坊字表民號譙源大理寺副鴻烈子鴻烈以績學名江淮譙源得其傳讀書目數行下三年經史皆成誦年十五補博士弟子員才華清麗嘗作蘭花賦以見志諸老輩許為國器詩尤清逸嘗謂諸兄曰吾於詞賦若有宿慧可不學而能年二十游金焦詩情益壯父官京師每紙書必附懷親詩年二十三以疾卒時方在康熙三十年也越十年鴻烈收其遺作得六種總名曰張譙源集梓以行世首瀟庵戒

續修四庫全書總目

卷

集部別集類

警錄一卷原本儒先精義以立說而大旨乃在實學實行以窺天性命之微究乎倫常之極乃躬行有得之言次後樂堂賦編一卷後樂堂者先世有後樂園陳白沙為署其額鴻烈取為堂名志不忘先譙源讀書盤桓咸在於斯因取以名編而以少作蘭花賦冠其首夢游西湖賦後樂亭聽雨賦繼之詞簡而景賅興幽而致遠自寓性情超塵絕俗於此足以覘其襟懷瀟灑次靜軒詩抄二卷原五卷刪存二卷同邑吳晟序其集謂其五七言則古之麗以則者近体則悠



然而雋殆又風人之翹楚今檢集中如春郊詩云東  
風吹散雨如絲日暖郊晴著展時但有平原堪戲馬  
那無楊柳足藏鷗尋芳客醉墟邊酒攬勝人歌扇底  
詞我自低徊思往昔野花閒蝶莫相疑風流自賞景  
仰前哲正自大雅不羣而詩意亦極清新俊逸又如  
接京信詢後樂亭花木若何金魚壯否拈荅詩云烟  
籠芍藥近芳塘雨過梨花濕曉粧鎮日鶯簧啼不歇  
隔簾遙辨暗香其二云風來水郭綠縐縐隔岸桃  
花夾柳烟厯亂朱鱗浮沼面山齋新著養魚篇則又

吐藻鮮妍遠超咏絮逼似唐音矣次澹庵閒記一卷  
乃自記佳句未成什者錄為一卷名曰閒記實則詩  
話次揆藻錄一卷得詞二十闕趙丙臣評其小令似秦  
柳而去其卑靡大令似辛蘇而加以婉致尋變合節  
婉轉關生兼得宋元人之長蓋紀實也次涉江小記  
一卷乃侍遊金焦日錄於山川之韶秀無不曲為傳  
寫而敘述往來道途所經遐情逸思尤足令人神往  
之此六種可以知譙源之才不讓前哲昔賈誼長於  
文子安工於賦長吉擅於詩而俱不永年不獲竟其

才譙源殆似之矣

附錄傳記參攷材料

淮安府志文苑傳

菊隱翁詩集五卷 家刻本

劉啓瑞

江都臧穀撰臧穀字宜孫江都人諸名聲鏘同治乙丑庶吉士未散館年七十餘自撰墓志略謂遭粵賊亂避居湖東無意進取詎諧玩世頗涉蒙莊更易今名說者謂二子亡羊語甚不吉旁參爾雅字曰善也有謂註釋宜可為字者臧孫有後於魯流傳久矣爰采魯頌一字詒孫乙丑旋里迭經喪故因號雪谿性嗜菊年四十外稱種菊生復稱菊隱翁銘曰聰明過人生是頑才有官不作早歲歸來惜身非忠顯親乃

菊隱翁詩集

卷

集部別集類

孝臣也竊按僅僅自了退居林下垂四十年飢寒依人何異乞憐一旦舍去優游橋西把酒西風菊花滿畦書慕六朝詩喜白陸達興而已頗能免俗桑榆景晚豫置一樽司空生壙連觀何諱從來志銘多需貴人世降從諛八九失真我今自贊不納墓中恐人掘石遺憾何窮歿後其友吉亮工為之銘曰墓中人其姓臧字宜孫族本望籍江都姓字香少年遊名利場晚歸畊橋西堂愛藝菊花墅旁有詩卷等身長有侍妾名朱娘君既歿殉君亡從君葬義亦有當銘墓者

名不張無姓字為瘋狂詩以五卷雪谿殘稿揚州稊

詠詠史偶編消寒分詠詠菊三十首各一卷而雪谿殘稿為友人陳霞章所選先生原稿十冊傳寓多訛霞章以平日論詩極推白陸若學白陸祇以隨園為息壤則不取願不欲以先生之璞示人故取副本選十之二遺稿固在俟好事者更為別出云殘稿僅數十首大率祖隨園然如哭尚書崇公綺詩我無才術老鄉關每對齊年有愧顏卓卓名公在天上茫茫浩劫殉兵間幾疑遠信傳來誤獨抱餘生淚自潸忠義

菊隱翁詩集

卷

集部別集類

何嘗負科目狀元又得一文山自注公會試與予同出高亦仙先生門當時謂文山之號或有所自來此在隨園中亦稱上乘也揚州稊詠七律三十二首仿汪蘄次鼓吹詞而作詠史偶編則皆平日讀史時錄其論史云一一訂謬音恐仍小學耳陳編堆几案當自心得始詳觀興廢迹激悟勸懲惜連則措諸時窮則措諸已數語至為警策消寒分韻己亥同會九人所作小歲寒堂主人為范觀亭梅岩喬梓觀亭為湖東老人孫以康膳登賢書梅岩以康膳得副榜卒無

子息消寒分詠記之甚詳詠菊則藉詩撫懷以上四種皆手寫本校刻之責為吳仲容而秦更年之跋具載之今昔之感低徊欲絕

附錄傳記參攷材料

揚州府志

續修四庫全書總目

卷

集部別集類

同游集二卷 稿本

劉啓瑞

東臺鮑逸輯逸字問梅浙江仁和县籍粵亂後徙揚州東臺家馬梁晉竹有兩般秋雨庵隨筆有名花十友譜其三即問梅問梅有紀游圖十四一人海藏身二書堂侍硯三塘北觀海四由奉讀書五雉泉送別六邗江寄釣七楓橋泊雨八秦淮打槳九雲臺秋眺十重游補山十一海鷗聯社十二皋亭港憩十三辭水尋源十四西湖憶舊又世藏蘇東坡讀書堂銅印別繪巨圖徧徵題詠綜諸投贈輯為此集而自序之略

續修四庫全書總目

卷

集部總集類

謂余弱冠即客游大江南北與當世賢士大夫游而賢士大夫亦莫不以詩札見投嘗裝成冊寶之如拱璧咸豐三年春從廣陵避地東臺倉卒間書卷各物亡去大半夫亂離之後故家喬木已無復存遑問文字然不於此時搜討使名章秀句湮沒無聞亦不無缺略之憾乃就篋笥中所有各家詩箋零珠碎璧錄為兩卷名之曰同游集昔冒巢民有同人集漁洋山人有感舊集其所錄或止一首或數十首是集大旨相同亦各綴以小傳蓋志其人兼志其事卷之情而



余之生平復藉以表見且自道光壬寅英舶入江倂擾越十年而又值粵亂江浙人民已不勝其播徙文獻莫徵履綦易歇茲雖獨葺相識諸賢之作而未始不可為他日採訪遺佚之一助也所葺一百另九家其中揚郡人有符徐森郭震汪延慶都黃景洛張慶泉甘厲秀芳程晚微金長福趙羹梅應姜上桂姜壽杜連孫吳紹質鮑振玉等符程各有專集餘則名字僅見然則文人逸士湮沒已多此集之存亦未始無小補也

附錄傳記參攷材料

東臺縣志

漱石山房詩鈔 刻本

劉啓瑞

寶應湯景曾撰景曾言行不載縣志而書目門有其集名問之邑人亦無知者最年大水高郵人家忽有十種刻板出此其十之一中有題朱慈亭書齋壁云南園翩然返軒窗愛靜吟開窗新歲稿掃榻故人心一任寒烟重兼憑綠草深無愁到鬚鬢霜雪莫相侵又有送男亦保海陵應試詩亦保亦不知名朱慈亭有燕堂詩草載四庫目今有其書但不多見不得知其倡和之作湯氏有還金堂詩萃錄湯氏詩必有其

人而亦不可遽得然則邑人文献之無徵者未易一數矣詩有繼權園看荷花放歌今錄以見其清真又惜其就湮也詩云朝曦不出暑氣清萬木陰陰烟水平我來披襟忘幽討坐覺鄰園清香生鄰園窈窕縹緲少露浴芙蓉繞僊島丰神正值綺旆殊時光未放容顏老隔岸樹杪一蟬嘶山南山北艷雲齊人生何事遠游覺只此不異武陵溪武陵渺杳在何許乾坤大地一傳旅歷盡天涯路亦窮何如醉嘯羊求侶朝挈一枝筇暮踏瀟西東烟樹悠悠通芳草花開花

謝滿薰風沽酒扶頭樂吾樂充腸莫笑甘黎藿浮華  
本自等飛灰那肯吳蠶春絲縛其他五言諸詩亦極  
淡永如疊青明似畫遠翠重如山詩律窮逾細交情  
淡始真千山紛遶黛一水抱孤城雲樹依秋老山河  
帶日黃山堂飛野磬木杵響狂飈殘陽留塔影歸鳥  
識鐘聲亦非深于詩者不能道也

堞影軒存稿四卷 刻本

劉啓瑞

山陽李續香撰續香字少白諸生與弟友香並江俱  
以詩名世稱山陽二李從學師盛李士游得風雅之  
正迷主壇坫與張涵貞許肇祁陳長庚王恂從子啟  
山結吟社涵貞字梅塋肇祁字蘩溪啟山字子淦均  
諸生長庚字西堂恂字信之均布衣前喁後于極一  
時唱酬之盛續香天才亮特詩筆高渾其得力在船  
山仲則間嘗著咏懷詩三十律極為時人所稱佳句  
如吾舌尚存偏口吃人言無信任心聲夢中說夢藏

真底奇外無奇好假龍吹殘蘆管寒浸塞望到冰花  
冷透窗洞轍枯魚空自躍牢籠小鳥本難飛才能斫  
地歌原壯事到憂天智亦愚生成傲骨人如菊領略  
寒香夢到梅孤雲野鶴山中住香象鈴羊壁上觀安  
貧自覺囊中澀見賞誰憐囊下焦絕無佳境償甘蔗  
多少浮名累苦匏多露難行防雀角順風不定到鴻  
毛難求露約三年艾誰解寒心六月冰並對仗工整  
刻畫深微不愧才人之筆宿遷王裴之謂其辭香鬢  
蘇不惟詩格逼肖而書法亦復近之實則其冷峻志



有過髻蘇而磅礴則未遠也其新樂府有捐振苦云  
催租吏猛如虎勸捐吏懦於鼠丈人坐華堂左右羅  
殺醕吏未前致詞長官勸施與云是同鄉人濟因為  
美舉吏言未竟丈人笑死者死矣生者已安處不久  
糧米錢安能奉官府吏與丈人大齟齬丈人那識饑  
寒苦時山陽被水下民昏墊官有勸振之舉而豪者  
不施矜恤故續香作勸振苦議之竟因此獲罪屢踰  
鎖闥不得展其裹抱人皆為續香惜而續香獨怡然  
處之不以介諸襄蓋其天裏卓犖學術湛深有以致

之非尋常人所可及也縣志謂續香目深碧白晝能  
見鬼物著瑩窗冷語有東坡海上之風是亦可以廣  
異聞也

附錄傳記參攷材料

續纂山陽縣志

丹橋林詩三卷含蕙詩三卷 家精刻本 劉啓瑞

儀徵吳楷撰楷字一山號秋竹邑諸生少有文名尤  
精於詩上溯漢魏六朝以及唐宋元明無不搜索貫  
串悉意研討尤致心於大歷十子得其神韻乾隆辛  
未南巡獻詩被緣服荷色之賜名試欽賜舉人授職  
內閣中書生平篤孝友廣交游與當世名士大夫倡  
和投會無虛夕而內行無間尤為時人所稱自編丹  
橋林詩二卷含蕙詩三卷首冠獻詩次及諸休最工  
七言如初夏余葭白招同程泮江屬太鴻陳授衣閔

蓮峯譙集詩云草堂兩歇乍晴時櫻筍厨開共話宜  
花徑破烟緣客到茶聲向晚得杯遲張憑入坐頭方  
黑荀泚歸來鬢已絲笑我忘年與良會好風同醉習  
家池詞旨溫厚不僅格律為工錢香樹序其集謂其  
性託夷遠少屏塵襟宏獎風流而增益標勝雍雍乎  
垂紳正笏亦雅稱其人沈歸愚序亦謂一山具夙慧  
承國次仁趾野人諸先生家學目染耳濡而又志專  
力奮好造涉時扁舟大江南北訪名公鉅卿訂編紵  
交且太夫人春秋高循陔扶輿之暇時以篇翰娛親



足於中不重於外故人世之虧成得喪一不介意其  
詩高者若風雷之相擊幽者若清泉之赴壑抒慷慨  
憑弔之懷流瀟灑自得之趣此雖其稟賦之殊抑亦  
自少至今淵源有自所得於江山之助友朋磨切之  
功者為多二公所許可謂甚至蓋吳氏夙以詩名而  
一山尤能克承其緒故歸愚宗伯云及之阮文達元  
廣陵詩事謂一山工詩父病噎藥須獅子油聞金陵  
世家有之即作長歌以乞今集中有父病乞金陵楊  
孝稚覓獅子油古詩一首情致纏綿極盡孝思讀之

令人泪下穆然想見其為人文達所云蓋指此事也

附錄傳記參攷材料

淮海英霸集丁集

重修儀徵縣志

校經堂勸約一卷 稿本

劉啓瑞

寶應成孺撰孺當光緒六年應彭亨亭中丞召至湖  
南省垣主校經堂講席初到示諸生以勸約首列雍  
正乾隆諸諭次自為約章以明為學之指大意主白  
庶洞舊章而申明五常五事五倫之義推而暨焉一  
日應事一日接物所以經緯此五常五事五倫以至  
應事接物者四曰窮理曰存誠曰主敬曰行恕窮理  
知也存誠主敬行恕行也知行或偏於不及或偏於  
太過皆非道道歸於執中又結論之曰凡此皆聖賢

之道明著于經者也學為人者舍此其誰與歸後儒  
高談心性而於典章制度名物訓詁輒鄙夷不屑一  
若無與於斯道也者誠不免賢智之過然經生家斤  
斤然唯訓詁文字之是究而與經所言倫常日用者  
或竟不加体察焉將何以識為人之途徑乎本末兼  
賅体用互脩其斯為善治經者與總而論之為己則  
治宋學真儒也即治漢學亦真儒也為人則治漢學  
偽儒也即治宋學亦偽儒也堂而名以校經者何經  
徑也為學之途徑即為人之途徑論語首章言學次

言為人蓋學也者學為入之道也由文字而通訓詁由訓詁而通義理由義理而通聖賢之旨而為入之道得焉矣既為諸生言大略又臚列諸說以申言之厥後湖海之學彬彬焉亦可以觀其成就之廣矣

附錄傳記參攷材料

劉蕺雲撰食舊德齋襟著編校味真腴齋全集記

續修四庫全書總目

卷

子部儒家類

魯山集不分卷 家刻本

劉啓瑞

興化鄭鑒撰鑒字子彥或作子硯變從孫嘉慶十二年舉人二十二年大挑知縣初任廣東後改河南所至有聲今魯山尤多惠政葺段店嶺行人使之稱鄭公路增置拜臺書院膏火復籌鄉試考費士民感頌歸里後蒔花種竹不與外事而周卹故舊獎掖後進不遺餘力詩古文調獨闢畦徑尤工書翰寸箋尺牘人爭弄之著嶺海梁園魯山等集若干卷咸豐五年賊踞郡城憤悶成疾卒年七十二魯山人聞之馳書

續修四庫全書總目

卷

集部別集類

賻問於拜臺元公祠石立鄭公祠咸豐九年入祀魯山名宦祠他集皆未見今所見為魯山集不分卷前為癸巳甲午乙未詩共一百一十三首續刻丙申詩三十五首共一百四十八首前有自書題辭以陰文刻之亦好奇之甚者辭謂魯山山縣也境似桃源夙稱易治余蒞事三年每困於簿書日不暇給豈民風不古若與亦鳴拜戴星吏才不能強合與故衙後黃紬被底便是詩龕或隨所至而自遣自誨而長吏之性情民間之疾苦四境之難大桑麻與之一往而深

謂詩以言志也。所謂詩以道政事也。亦可遂以魯山名其篇。其詩頗得性情之正。而思致閒逸。七律尤佳。夜坐云。貪看秋星忍夜涼。茶甌酒盞傍繩床。蟲聲唧唧向誰語。滿院風飄桂子香。又云。山裏人家山外山。男耕女織萬山間。栽花亦抵農桑課。怪道山中人不間。野眺云。老我風塵十七年。放衙行過菜花田。分明一幅黃細被。輸與牧牛人畫眠。並頭菊云。菊花似我亦孤生。無繫無援絕黨朋。惟有西江彭澤令。歸來白首証鷗盟。方子研致仕時。老親猶在。矢志歸養。屬志

清白。終為循吏。其生朝自述詩云。五十復補官。揚豫地密通。蒞任今四載。有張亦有弛。治行愧循良。自信心如水。政事與文章。如此而已矣。編懷元紫芝。拜臺徒仰止。一經不能通。人謾我才子。一官不能棄。人謂我名士。恨不見古人。毀譽聊爾爾。我今何所求。望雲心悠悠。菽水足娛親。滄浪有釣舟。吟罷進一觴。天地皆浮漚。半百已虛擲。無為此淹留。言行如一。可以繼美板橋矣。

附錄傳記參攷材料

咸豐續修揚州府志



晚香樓詩稿二卷 家刻本

劉啓瑞

儀徵梁蘭漪撰蘭漪字素涵適汪氏汪端光母家十載而寡撫子成立晚歲賴運司李葆巖之助乃得買宅安居又錫以才節雙全之額娶婦嫁女以次就緒其苦節具其從姪汪中所贈詩中詩曰吾宗有母梁夫人早年守義矢天只一朱門羅毅化為塵閉戶長飢樂文史日操井臼夜誦詩彤管高文見根柢二南小雅無凡音哀述先人勗其子子兮為儒著儒衫律身刻苦吾所慚授書歲得十金入封人氣象何嶢嶢夫

續修四庫全書

卷

集部別集類

人有子能養志餓死事小求人兄弟尚苦黃金多五反何曾受一介高風豈獨魯仲連百世之師伯夷隘中也通家餽百錢漢句封却尚依然作詩需酒及吾母曲盡人間骨肉恩吾母寡居窮更劇一門風義故相匹疊更家禍多死心得免山年少人色老耒力盡疾疾生五十衰容髮已白人生富貴無百年苦節高名天所惜兩家孤子各成人反使飢寒及身迫嗚呼古之列女一節稱才賢豈似夫人得百全石渠尚有劉中壘應人儒林卓行編蓋汪端光失館容甫先

生周以百錢母力却之集中有百錢返錢兩語皆紀

其事詩有云我聞斯語心悲邑中也貧兮無錫立生負奇才不遇時文章每向窮途泣可憐胸抱五車書難換人間粟一粒又云兒言不可生他議中也為人迴俗異窮途分金出至誠受之心喜却之悲又云姑才者多識者少中也明珠莫暗投芸窗努力休苦貧我心君母兩同情文章有日逢明眼專聽春雷第一聲中之分甘母之廉介有足多者且識中於名未盛時洵不愧賢明婦人

續修四庫全書

卷

集部別集類

附錄傳記參攷材料

儀徵縣志

誰園詩存不分卷 家刻本

劉啓瑞

江都鮑宗載撰宗載字夢蘇原籍新安其遠祖曾刻四書集注及五經行世所謂揚州鮑刻九經也家世業鹽至夢蘇而中落納資為卑官不得志乃刻苦為詩自序謂行年四十偃蹇漂忽無所樹立口腹累人覲顏降心作抱閭吏暇輒取騷選自遣遣無可遣亦復吟嘯長歌當哭凡茲所存皆六年後浮沉角逐之音也南京底定大江南北巷弄衛歌既作破南京詩以紀盛復作呻吟語四章其南京詩曰殺鷄豈用牛

續修四庫全書總目

卷

集部別集類

刀割一夫不獲憂難釋生聚還須待十年顛危已是難終日東南元氣盡彫殘衽席同登夢始安眼前坎坷平還易骨裏靈羸補最難馴良況復成驕悍游民吹慣矛頭飯剗肉原知為補瘡養癰不潰終成患前車輶迹後車過涓涓不塞成江河勤勞更作綢繆計調變務使陰陽和聞當時曾文正亦甚嘉許呻吟詩一團練謠二捐輸嘆三防堵樂四保舉曲皆能寫出當時情狀團練謠曰黃金琢雀樞晶光禿襟窄袖軍中裝連鄉結隊入城市婦孺懽呼好嬉戲前年賊從

續修四庫全書總目

卷

集部別集類

祁門來西鄉北鄉一炬灰去年績溪賊大至東南兩鄉無噍類齊心殺賊柰賊何城裡燈籠鄉下鐮城鄉繞見賊踪迹燈籠漆黑鐮聲寂沙可團石可練不放民不可戰捐輸嘆曰田有場山有莊量材數米成小康官糧早完債不欠一生不見縣官面縣官忽然親下鄉查田按畝徵兵糧大戶田多有錢勢縣官來往紳於庇讀書人家亦有不納官糧用官錢農夫無錢有田土賣光田土兒女補官兵過境捉長夫家資輸盡又捐軀防堵樂曰城頭城角聲不齊城下啞啞烏夜啼天明四顧賊無跡塞巷填街說功績山環水繞途紛乂賊去賊來各到家梳肌剔髓供魚肉不弄戈矛弄絲竹三三五五橫足行村村鎮鎮無人聲逢人總是聲聲苦悔不從軍去防堵保舉曲云金灼灼石鑿鑿一紙功牌五等爵千家萬家成一村一賊入村齊斷魂葫蘆到處都依樣賊退紛紛上功狀冠裳濟楚容翩翹一時鷄犬皆神仙宗族誇張隣里賀張蓋乘軒夜掃墓墓旁牧兒笑索錢賊來曾借牛屋眼前村少年手殺賊可惜姓名人不識



附錄傳記參攷材料

鮑氏家譜

續修四庫全書總目

卷

集部別集類

昭陽述舊編三卷 刻本

劉啓瑞

興化李福祚輯福祚字學田興化諸生前有丹徒謝庭蘭敘後有自敘謂吾興士貧而耻干譽所撰諸古文付梓者甚罕散佚者甚夥舉耳目所聞見者略為薈萃曰桑梓述者錄鄉先正之作也曰幡根述者錄李氏先人之作也曰苦述述者錄四方名公贈答之作也其專集刊行暨載入邑乘者皆不復錄間有集雖錄而板旋毀詩文闕然不彰較未經刊削者無異亦不憚煩而選錄焉所錄始元以迄其時但求存人

續修四庫全書總目

卷

集部總集類

故詩文並采謝序謂興僻處揚東陽然名臣宿望不絕其文章皆震耀海內續學之儒說經鑿鑿偉人奇士經世碩畫如山積至於山林墨客以騷韻寫其意趣而足與元美于鱗輩上下角逐又代不乏人其于興邑不無誇張然名臣如吳相國姓名儒如任侍御大椿固誠有之皆不假詩文以傳而昭陽詩得其正不墮姦聲見許于朱竹垞則亦有獨至者此集所載陸伯瞻頤光集陸伯陽友蘭集袁應鰲仲子集雍奴稿黃好信默齋袁繼鳳東海草堂集魯洞一紅鵲集



宗子發焚餘稿馮霽大蓼村吟王待東皋集醉娛集  
宗乘變徵堂詩集劉宗需蔚園詩抄任大椿吟村集  
卜蒿斷針吟任蕃春帆吟草諸編近皆散佚賴此選  
少存一二其網羅文獻之功是又不可沒者矣

附錄傳記參攷材料

興化縣志

續修四庫全書總目

卷

集部總集類

叢蘭山館初稿二卷 家刻本

劉啓瑞

儀徵石樵撰樵字大年號野堂幼孤勵志讀書納粟  
入太學屢試不第遂肆力詩古文詞兼精書畫著有  
叢蘭山館集清華堂詩文集等清華堂集未見叢蘭  
山館集為乾隆己卯迄壬子四年所為詩自序謂幼  
孤失學棄筆研十有五年然蚓竅蠅聲未能自己間  
發為詩詠亦消遣法耳足迹未嘗出戶庭所得江山  
之助可知所得交游之助抑又可知倘有如徐孝穆  
其人者為我藏拙亦幸甚矣卷末有述懷詩云君子

續修四庫全書總目

卷

集部別集類

慎所樹禍福本無門斯言豈吾欺允矣懷古人嗟余  
幼失怙束書不復觀耳未聞大道遇事常逡巡鴻雁  
且有序我獨形影單惴恐墜舊業日夕思騰翥豈無  
負郭田具余食指煩謀生計頗拙涉世心茫然駭機  
既已觸欲脫良獨難黃金易星散艱哉繼甕殮轉眼  
十寒暑人事多推遷持盈乃貽禍懷貪多食貧幸我  
舌尚在那復計迢迢飲河飽一腹巢林寄一身安用  
苦鹿鹿驅馳車馬塵吾廬雖不廣妻孥賴以安舍後  
十弓地半種青琅玕幽禽動清聽潮听未簷端聞未

命童僕時款亦已繁菜甲和竹胎足取供盤餐家食殊不惡乃得奉晨昏少長咸聚首往往情款欣今茲歲云暮薄具豚雉肩襟然陳中堂羅拜以祭先悲來輒自嘆誰為繫雙九丈夫不得志未免多戚顏區區口體適識者嗤拳拳晏子彼誰與祿可贍私親牖下便終老此意徒殷殷觀此蓋不得志于時而時時以顯親為志故其言至沈痛工于雕琢故多佳句王柳村豫羣雅集謂大年篤于友誼嘗著懷人詩百篇纏綿悱惻令人讀之輒動黃墟壘慟繆鎮亦云野堂詩

畫俱工詩則其音清越其律精深有和張琢堂先生落花詩江蘇詩徵選其三今以韵考之蓋用王漁洋秋柳原韵也七言佳句如負墻古佛蓮花墮堆葉殘經貝葉稀地角琉璃經鮮蝕廊腰蝙蝠背人飛蛇身倒拔雲根裂象齒深埋土脉鬆春藏春角探幽塢鶴瘞江頭認舊銘柴立秋林刪竹母根儲春水種魚苗撐雲怪石崩山骨臥草殘碑蝕土花五言佳句如聞磬發深省逢僧得靜緣黃葉間僧院寒花繡佛龕雲邊羅遠岫木末走奔湍漁人供縮項田父送長腰竹

密禽相語蹊平草化烟微風吹鬢影清露濕衣襟冥色紙蓮背潮聲趁樂牙黃蘆千頃雪野梯一林霜雲去僧初定花殘客未還詩師石丞意境極澹遠七律佳者汪槿齋移居西山云琴劍攜將竹外邨家家風物長鷄豚他時賽社歸來後一卷黃庭秋樹根朱蘭田題其後云琴劍飄零半載多把君佳什苦吟哦秋風及蚤還鄉去細寫黃庭換白鷺朱詩蓋指在末句然則亦可援崔黃葉例呼石黃庭矣

附錄傳記參考材料

重修儀徵縣志

紙香書屋存稿一卷 刻本

劉啓瑞

山陽李友香撰友香字芷江邑諸生與兄續香並以詩名續香辛苦工詩垂二十年友香以英異之質得伯氏切磋之益用功既深造詣尤邃兄弟迭主壇坫倡和偏於南北世稱為山陽二李道光己卯鎮洋威大士主淮安府學兄弟以詩進質許為國器大激賞友香之短歌行謂得漢魏樂府遺意詩云置酒高堂銀燭流光蘭有既微素琴夕張振劍起舞悲來無方落葉在野明月入房出門四顧零露沾裳仰視三辰

續修四庫全書

卷

集部別集類

俯瞰八荒來者不見去者已亡今我不樂元鬢成霜傾尊復酌一引千觴黃金白璧雲液瓊漿千齡上壽樂且無央詩載集中大士又為陳詩四獎極言時俗之詩流弊有不可勝言者少習制舉間工試帖率皆庸淺陳腐之說果擬巍科膺顯秩乃即試帖習見語衍而成為古今體詩流失敗壞其弊一也專事剽竊望影藉響微援故實則原委茫然摹繪面目則精神不屬雖揮灑千言而其去風雅愈遠其弊二也鄉曲之士一得自喜唱予和汝互相矜許一篇甫出眾口

爭誇梨棗之鐫流傳謬種其弊三也近世詩人扶其作所交通縉紳以博衣食非以詩為性命直以詩為口腹而詩之教或幾乎絕其弊四也必去此四弊而後可以為詩友香謹受其教悉軌於正十數年間詩境迭變愈變愈工愈上愈化而大旨必歸於和平醇雅得手性情之正其送秋二律云驪歌一曲莫雲遮黃葉聲中感鬢華永夜寒蛩唳白露西風瘦蝶戀餘花燈殘孤館鐘初動酒勸離筵日易斜煙水蒼茫頻極目夢和征雁遠天涯又云寒鴉秃樹抱荒村景物

續修四庫全書

卷

集部別集類

蕭條獨掩門楊柳曲終闌塞冷蘆花月落海天昏王孫元髮添霜影司馬青衫溼淚痕惆悵重陽風雨後一年一度最銷魂情景淒涼自甘淡素不以外物櫻心益有得於盛大士之教惜甫屆中年鬱鬱而卒詩藁亦零落殆盡此卷所存不及什一猶為陳君酉堂所葺外此則片鱗隻爪亦不可得矣

附錄傳記參攷材料

續纂山陽縣志



劉啓瑞

續修四庫全書總目

卷

集部別集類

螺峯有依綠園詩鈔常熟翁心存昆明趙光為之序  
極稱許之謂可嗣響唐音王引之敬之兄弟亦曾受  
業螺峯之門敬之尤得其傳逮及紫珊益振其緒而  
性情肫摯尤合於詩人和平溫厚之旨嘗自序其詩  
略謂少時所作應試者多欲存無可存者既為兵燹  
所殘其存者真無存矣辛酉來中州與周獻臣彭暄  
隲兩大令相遇徒皆詩人也見近作許可後又得周  
友松高雲帆諸君互相酬唱觀摩日久受益良多此  
十年中登吹臺游菟苑河聲岳色有所感發假言以

續修四庫全書總目

卷

集部別集類

風日晴明無遁景。塵寰蹴躡暫抽身。昨宵夢到金焦頂。重對家山似故人。周壽朋序其集。謂其詩清規雅裁。時露秀傑之色。周劼序亦謂紫珊詩清雋有目共賞。蓋均評得其實。非虛譽也。

附錄傳記參攷材料

再續高郵州志

華及堂視音編六卷 康熙四十六年汪氏小方壺齋  
精刻本 劉啓瑞

桐鄉汪森編森字晉賢原安徽休寧籍寄寓浙江桐鄉官廣西桂林府通判調太平遷知河南鄭州事會丁母憂未赴官服闋補刑部山西司員外郎擢戶部江西司郎中年六十一以告歸森少工韻語與嘉興周質沈進相切劘既復與黃宗義朱鶴齡朱彝尊潘耒諸大師商榷藝業益進乃營碧篋書屋以富吟寓築華及堂以宴賓客建表抒樓以藏典籍海內名士

續修四庫全書總目

卷

集部總集類

舟車接於遠道詩名籍甚官粵西十年歷攝臨桂永福陽朔三縣桂林太平二府所至有惠政衛靖盜竄於苗詔楚黔粵會剿制府檄隨營監記森領其渠馬三奇跡靖奔北復遁生苗楊灣波浪地乃提士卒奮程進涉諸險隘直搗其巢馬三奇勢迫出戰中石斃餘胥就縛及還督撫郭勞曰武弁擁鉄騎千百建功乃屬文士耶其為所倚重如此既歸田則一意於吟咏所為詩五言古得力於陶七言古有高岑風格近律則浸淫於大厯諸家少與兄文桂弟文栢相唱和

黃宗義甚賞之稱汪氏三子此華及堂視音編者則森歸田後所輯曩日友朋之詩都六家曰俞南史曰徐崧曰周質曰沈進曰俞瑒附其子芭曰顧文淵至一時之名士皆以詩文鳴海內者其人強半已有專集行世此特輯其居華及堂唱和之編計錄俞南史詩一百十首徐崧詩四十四首周質詩二百六首沈進詩一百四十六首俞瑒詩一百六十一首附其子芭詩三十二首顧文淵詩一百四十首每家各自為卷不相雜廁並各冠以小傳藉識其人俾後世有所

續修四庫全書總目

卷

集部總集類

考鏡卷首有自序述輯是編之旨略云嘗讀仲長統樂志論有云良朋萃至則陳酒肴以娛之是知伊人不乏而無有遐心永朝永夕亦樂志之一也然而事往時移星流雲散為歡無幾俄然為凋謝以今視昔能不慨然余少耽吟咏雅愛同聲幸辱通人名彥率多相思命駕有一至再至者無論乃若頻年浹月屢齒恆親風雨晦明流連繼繼嘗得數人焉松陵則俞康床徐雁庵梅里則周簪谷沈藍村蘇臺則俞旅巖琴川則顧雪坡皆定交一日遂同函蓋競擅才情滿

毫洋灑凡登山臨水月夕花晨懷人贈友志喜言愁  
有動於中莫不於詩發之往往闔韻拈題逞奇闢艷  
徵歌飛爵丙夜喧呶以示樂志良不誣也奈歲之不  
與聚亦難常庶床年最高則最先逝當谷繼之臞庵  
藍村又繼之旅農雪坡齒最少於諸公亦復化為異  
物嗟乎歲月如流人生何幾天道難知類有然矣余  
薄宦萬里今者鍵戶索居回首昔遊邈不可得適哀  
集吟藁將付梨棗因念諸君子雖精魄銷亡而手澤  
未泯其所著全編未能遍搜聊取在桐谿倡酬者採

續修四庫全書總目

卷

集部總集類

擇成編豈惟余追維曩昔以誌不忘抑使世之知諸  
君子者庶乎覽其一二猶收彷彿其音容也云云於  
是書之選旨既已闡述而靡遺而文人唱和酬詠之  
事尤不勝今昔之感雖集中諸家多有專集然微是  
編則華及堂唱酬之勝又將安傳是則音賢之功豈  
可沒哉

附錄傳記參攷材料

清史稿

清史列傳

續修四庫全書總目

卷

集部總集類



宋文選三十卷 順治辛丑精刻本 劉啓瑞

明顧宸選宸字修遠無錫人崇禎舉人有盛名藏書甚富輯有杜律註解宋文選等書事跡具詳無錫府志是書選兩宋之文一千一百四十有奇介為三十卷分類二十有七曰書曰序曰記曰論曰議曰辯曰說曰攷曰解曰義曰頌曰箴曰銘曰贊曰禱著曰題跋曰讀曰傳曰書事曰碑曰行狀曰墓表曰墓志銘曰哀曰誄曰祭文曰禱文略以呂東萊宋文鑑為主取其一百三十餘首此外自諸家專集及史傳雜錄

續修四庫全書總目

卷

集部總集類

廟碑墓版稗官野乘郡國掌故山川遊記以及未刊秘本網羅蒐采者殆千餘首視文鑑蓋倍蓰焉考文鑑所采僅及北宋南渡而後未遑甄錄非不甄錄乃時為之限修遠嘗取宋文鑑序駁論宋文盛衰之非更上溯源流推闡嬗變述兩宋文章之升降胥因時事而推移其說見於自序略謂余嘗取宋文論次之因攷周子充文鑑序謂建隆淳熙間其文偉咸平景德間其文博天聖明道之辭古熙寧元祐之辭達其說蓋不盡然藝祖誠投戈訪道然永五代武夫悍卒

紛紜搶攘之餘典籍散佚其大臣雖具將相之略要皆椎魯質樸即趙韓王集中諸作多假手王元之自太平興國間吳越納土南唐歸命徐鼎臣咸聚京師遂輯御覽英華冊府元龜三書文選之興皆為肇基俟後麗詞佳句大年子儀號巨擘焉文傳元獻更相倡和皆俎豆燕許徐庾置咸陽西京遺法不談柳仲塗穆伯長張復之石守道尹師魯輩始務以朴散簡折勝之特其時方偶儻盛行古學久廢觀師魯伯長所授受視昌黎河東二集幾同汶冢魯壁之藏攷索

續修四庫全書總目

卷

集部總集類

潤色多所未遑其於歐陽公僅可云陳涉之起漢高耳蓋自歐陽大蘇相繼挺生然後大雅復作如日中天一時介甫明允屹然並峙南豐穎濱盱江濟北以及魯直文潛少游原父逢原無已聯肩接武子京君謨浪滄宛陵盡泣前魚流風餘韻猶能使子西初寮諸子依以成名有宋人文於斯為最盛矣新法既行小人競進章呂林蔡之徒非不辨慧敏給而陰躁險賊生心害政發為詞章悉屬詖遁方且廢溫國之編年禁蘇黃淮海之家集始自熙寧至靖康黑青盡見

奎壁無光元祐更化為日幾何中流一壺豈能砥柱  
宣和文士不過美成邦彥以陷媒取容即德甫金石  
長睿東觀僅攷論鐘鼎點綴粉飾而已何與千秋大  
業文運既厄亡亦隨之安怪銅駝荆棘舉族北轅也  
哉建炎立國戎馬馳驅然人懷新亭洒淚之悲士有  
渡江擊楫之憤觀陳少陽李伯紀胡邦衡所論著略  
見一般和議既成烽烟稍息加以高孝二宗留心翰  
墨鑒坡入直商榷典章前席者宿海內翕然人知稽  
古永嘉金華師友淵源討論尤詳於是同甫之縱橫  
務觀之峭宕君舉之道逸正則之奇變伯恭之蒼健  
廷秀之新刻各自名家繼未並駕歐蘇秦黃張晁間  
無魏代興石湖之間淡漁仲之博瞻泰之之典核晦  
升之淵雅與政之仇爽茂明之疎快仲益彥章之駢  
麗平園政規之春容抑又其次宋文再盛實在斯時  
後村華甫虎賁典刑猶存一二至於臨安御壁崖海  
沉舟疑已文武道盡乃文山疊山以悲歌慷慨百折  
不回之氣倡之它如昴羽西臺梅邊生祭聖子兩傳  
君賁三書並疾風勁草義表日星增光文苑然則南

宋諸篇無論才情典則不可磨滅於以干城名教扶  
翊世道正復不淺豈可聽其浮沉散佚莫為蒼萃此  
予合選兩宋之意也云云於此知是書之選有關世  
教甚深匪僅討論翰墨權量是非而已也

附錄傳記參攷材料

無錫府志



歷朝古今體詩自知集十三卷 道光八年刻本

劉啓瑞

吳興柴友誠選友誠字散思號墨池諸生烏程籍世居歸安雙林鎮敏而好學治經治史治古文及制義每有所得輒為手抄積之成簾年二十餘喪偶不再娶又數困科名自是遂束經史諸書皆不觀專攻於詩以養其性情上溯漢魏逮及今人選古今體詩若干首詳加箋釋署曰自知集此卷首鄭信序所云也而湖州府志吳興縣志竟無其傳蓋以其為諸生而

續修四庫全書總目

卷

集部總集類

略之歟是書凡十有三卷計卷一為四言古詩三十有三首卷二之三為本韵五言古詩三百有四首卷四為轉韵五言古詩二十有五首卷五為本韵七言古詩一百有四首卷六為轉韵七言古詩一百十有六首卷七為五言律詩三百八十首卷八為七言律詩二百有四首卷九為五言絕句一百六十有六首卷十為七言絕句一百七十有一首卷十一之十二為五言長律詩二百七十有一首卷十三為七言長律詩二首都共錄詩一千七百七十有六首上始漢魏

迄於今茲每代錄詩若干首詩家若而人每家又錄詩一二首十數不等其大要以敦厚溫柔者為主取其有合於三百篇之遺意每體詩又各附自作若干首識其干支以見進益蓋仿為挺章之選國秀集例也其選書大旨見於自序略謂予弱冠好古喜鈔書自經史古文外選歷朝各體詩若干卷日不足夜以繼之計古體詩得五卷曰四言曰本韵五古曰轉韵五古曰本韵七古曰轉韵七古皆詳典標韵加以評論點圈只期已有神會不與時好同趨披覽一過機

續修四庫全書總目

卷

集部總集類

來情來興來心竅中若別有洞天福地以之遺悶最佳始於漢迄於今先古體者探近体之源也選近体詩又六卷曰五言律曰七言律曰五言絕曰七言絕曰五言長律曰七言長律斷自唐以來其詳典標韵與評論點圈之法俱如前而卷末各附拙作書干支不欲自炫亦編年微意統名之曰自知集云云於此可知墨池於書用力之勤鄭信序亦稱其選擬之精特自序謂只期已有神會不與時好同趨雖云謙辭要亦與人有異如集中体列以本韵轉韵為分殆



亦失古詩之旨矣。者墨池為鄉曲老儒，皓首蓬蒿，不獲與通儒相揖讓，以故見聞寡陋，遂至選焉而不精，釋焉而不詳，歟。然其選擇之功，積久力深，要亦有未可沒者。

附錄傳記參攷材料

卷首鄭信序

續修四庫全書總目

卷

集部總集類

苔岑集初刊十八卷 道光庚戌吳縣毛氏刻本

劉啓瑞

吳縣蔣榮渭編，榮渭別有萬壑雲樓詩集，已著錄。事迹至已詳前，此則為同邑毛永栢所輯。生平朋簪之詩也。永栢字素存，寄籍奉天金州，以故蘇州府志無其傳。祇國朝正雅集謂其曾官青州府知府，據榮渭序言，則又知素存為好賓客，宏獎風雅，故屬榮渭為選及朋之詩，都為一集，計錄七家，各為一卷，第而榮渭及永栢之詩，亦與焉。首錄長洲陳基詩三卷，卷上為

續修四庫全書總目

卷

集部總集類

古今體詩八十有三首，卷下為古今體詩九十有二首，補鈔為古今體詩一百有六首。基字竹士，詩詞超絕流輩，弱冠為諸生時，游於袁隨園門，稱其為一代清才。晚嘗北詣燕趙，歷游涿鹿瀛海灤陽間，詩益臻老境。與素存為朱陳戚，因屬榮渭取其詩，尤為風雅者載之。次錄長洲馬鎮詩二卷，卷上為古今體詩六十有八首，卷下為古今體詩七十有二首。鎮字濟子，又號少白，吳之窮士，而獨以窮傲俗，夙耽吟咏，率自抒性情，不加檢點，與毛氏交最篤，故榮渭選其琅琅

可誦者入編次錄長洲錢瑤鶴詩二卷卷上為古體詩五首近體詩九十有二首卷下為近體詩九十有八首瑤鶴字子霞僻處城東隅與永柏交最久嘗相和多言情之作或託興嘲世俱不盡示同好晚歸釋氏詩類梵偈遂一變曩時面目榮渭為刪其語近纖膩涉譏刺者以存敦厚之旨次錄元和吳均詩二卷卷上為古今體詩八十首卷下為古今體詩七十有四首均字藝卿性介與俗多不偶居郡之朱張里讀書授生徒斷斷如也暇則出行閒曠或遇友覓飲醉

續修四庫全書總目

卷

集部總集類

後輒獨吟目無餘子惟與毛氏交最洽且締姻好焉故榮渭選其詩百餘首入集而乙去應酬諸作次錄榮渭詩二卷卷上為古今體詩八十首卷下為古今體詩八十有四首榮渭與毛氏交最久且敦古誼故亦錄之詩則胎息於盛子履大士者為多次錄永柏自詩四卷卷一為古今體詩八十有二首卷二為古今體詩八十有六首卷三為古今體詩七十有二首卷四為古今體詩七十首方廷瑚謂其詩体格高簡語意精微其雋永浩落處於唐賢李東川姚武功

諸家為近然其自寫性情絕無規仿之迹可落落欲矯矯不群者次錄毛永椿詩三卷卷一為古今體詩八十有五首卷二為古今體詩九十有一首卷三為古今體詩一百有八首永椿字抑鋒永柏弟也故亦錄之詩亦與永柏為近之此七家都為一帙而總名曰苔岑集者乃誌友朋之交契也

附錄傳記參攷材料

國朝正惟集

續修四庫全書總目

卷

集部總集類

陳氏聯珠集十卷 嘉慶壬戌刻本 劉啓瑞

全耕王肇奎撰肇奎字文村一字鶴嶼乾隆己酉拔貢生官青陽縣教諭邑志稱其性敏悟善書工詩古文詞弱冠為朱竹君學使所知招入四庫書局官教諭以篤學敦行為士子率撫孤姪有恩尤能急人之急當其為教諭日於青陽陳氏交尤密陳氏邑巨族也父兄子姪皆能詩詩名洋溢於南北鶴嶼既與之友益深知陳氏之詩必傳因為選輯若干人詩為一集仿寶氏聯珠集例名曰陳氏聯珠集集凡十卷錄

續修四庫全書總目

卷 集部總集類

詩千餘首詩家十有三人計卷一為陳芳卷二為陳其名陳枋卷三之四為陳蔚附吳荔娘蔚副室也卷五為陳秉烈卷六為陳域卷七陳堅卷八為陳壤卷九為陳坡卷十為陳塾陳情陳磊每家選詩數十首或百餘首不等略以行輩為序均各著小傳明其事迹例至善也按一家之中兄弟之能詩者始於五子之歌其後至漢而安平崔氏安陵班氏又皆父子兄弟聲隆及三國晉而應氏丁氏陸氏潘氏又繼之至江左六朝而門閥之才愈盛烏衣之王氏謝氏彭城

之劉氏到氏無不人人有集此又藝苑之美談而名家之艷事青陽陳氏家九華之麓其一門類皆清遠

卓絕幽夤綿渺蓋實得山水之助者嘗閉門唱和瑣笈疊奏不數載即成一集不特可以媲美六朝王謝到劉諸賢抑且可繼軌西京班氏崔氏逸響鶴嶼官青陽時嘗見其子姪輩以詩來質率皆雅麗高華清新俊逸深歎其淵源有致門內有詩因為輯選乃成斯集集中諸詩如陳芳咏溪耕詩云溪水明如玉旁映幽人屋春樵刈林青曉汲破溪綠水溢原上田歸

續修四庫全書總目

卷 集部總集類

驅花下犢繞樹聽綿蠻登隴隨布穀山妻餽粗糲野肴雜菊杞達哉齊頤歎晚食以當肉趙甌北評其詩謂逸思雋語欲追鮑謝又如其名咏閨情詩二首云杜鵑日日喚春歸獨步香階露濕衣不敢花前頻拭淚恐驚蝴蝶一雙飛又云芙蓉池水綠迴環俯映蛾眉却一般撈得落花紅數點誤將濕手整雲鬟魯星卿評其詩謂其纏綿委曲幽艷動人又謂其柔情綽態媚於語言蓋皆深挹其詩才之雋詩思之逸其他諸子之詩亦率類是是則陳氏多才可以緣見而



一門之內分韵迭廣。聯牀遞和其囑囑于于之樂。尤可於是集徵之矣。

附錄傳記參攷材料

國朝正雅集

全耕縣志

續修四庫全書總目

卷 集部總集類

滄浪亭圖題咏二卷 道光乙酉福州梁氏刻本

劉啓瑞

福州梁章鉅編。章鉅字荏林。嘉慶七年進士。改翰林院庶吉士。散館。改禮部主事。充軍機章京。道光二年授湖北荊州府知府。三年擢江蘇淮海道。五年擢山東按察使。六年調江西按察使。尋遷江蘇布政使。九年護理巡撫。累官廣西巡撫。並有善政。當其任江蘇淮海道也。於道光四年。曾一署提刑。駐節蘇州滄浪亭畔。滄浪亭者。吳中之佳勝也。得名於蘇子美。自後

續修四庫全書總目

卷 集部總集類

名士流連。騷人題咏。徵之載籍。代不乏人。荏林既駐節其間。益追蹤曩哲。步武前人。載酒賦詩。並圖勝迹。一時海內文士。咸有題贈。積之既久。裒然成帙。會即遽去。此風遂止。逮及五年。復攝臬司。既重蒞吳。因梓前集。錄詩凡數十首。詩家百有餘人。大率皆一時之名雋。如曹堉、吳熊光、顧元愷、石韞玉、鈕樹玉、潘奕雋、黃丕烈、戈載、郭麐、吳廷琛、李宗昉、阮元、孫爾準、毛亨、蘭蔣因培、吳應鶴、陳文述、曾燠、葉紹本、馬瑞辰、萬承紀、賀耦庚、程恩澤等。皆是也。末有自跋。略述是圖緣

起云蘇州城南之有滄浪亭也得名於蘇子美本朝  
康熙中商邱宋漫堂中丞葺而新之至今又百餘年  
矣余以道光四年甲申秋提刑吳中行館與斯亭隔  
一谿水朝霞夕霽時接神爽因於暇日周覽其勝崇  
岡逶迤喬木蔚蔽流連景光緬懷古昔求商邱記中  
所稱長史祠者不可復得蓋其零落久矣余慨焉思  
所以修復之而瓜代之期速於乘傳爰屬孫子和茂  
才作圖見意而吳中守土之吏與一時賢士大夫知  
其事者競為歌詩以相歎美嗚呼是余未有所補於

續修四庫全書總目

卷

集部總集類

斯亭而斯亭有以厚貺余也不滋余媿哉後余還浦  
上而四方之郵詩至者日以益衆莫不標邱壑之勝  
娛極林泉之高韵零金碎璧積成二卷余嘗證諸志  
乘滄浪亭在郡學南積水猶數十畝旁有小山高下  
曲折與水相縈帶錢氏有國時積土為山因以瀦水  
慶厯間子美始得之傍水作亭名曰滄浪是其地甚  
廣度今南禪結草諸寺皆出其中故商邱作滄浪小  
志兼載二利而記所云得遺址於郡學東偏者特當  
日所有之一隅耳嗟乎子美之去商邱七百餘載一

易為章氏園再易為韓蕪王園厯元及明間有興廢  
而商邱猶能於野烟蔓草中疏泉剔石逞其舊觀今  
去商邱僅百餘年又屢為翠華駐蹕之地榮覽宜倍  
於昔時而廊檻傾圯蕪穢不治此又選勝者所宜惋  
惜也商邱不云乎主守有僧飯僧有田可數十年不  
廢而尤望後之登斯亭者有以永之今距數十年之  
期則已過矣而斯亭之頽廢乃日甚一日然稍遇好  
事者信宿其地郡人士猶相與詠歌及之豈非文采  
足重而風流掩映於後先數百年間者尤繫人思也

續修四庫全書總目

卷

集部總集類

我明年五月余重蒞吳南下車受代者又將至仍無  
以有補於斯亭也先以海內投贈之作鈐版以行以  
附於商邱小志之餘兼以誌余媿云云於是集編輯  
之旨既已闡述而滄浪遺址之考亦可於是集見之  
是則章鉅此編不特繼美蘇氏且又光大之矣

附錄傳記參攷材料

清史列傳



蘭言集十二卷 涇縣趙氏刻本

劉啓瑞

涇縣趙紹祖輯紹祖別有金石文鈔金石跋涇事涇川金石記新舊唐書互証建元記校補竹書紀年古墨齋文鈔詩鈔讀書偶記書畫記涇川叢書跋趙氏淵源錄等多著錄事迹並已詳前此則所輯師友投贈唱和之作也紹祖素工詩尤喜延賓客嘗置酒留連相與酬唱一時名士咸與之交或為其師者亦願折節下友其為時人所推重也如是表簡齋嘗評其詩謂其近体純是唐音不落宋元以後真豪傑之士

續修四庫全書總目

卷

集部總集類

魯星邨亦謂紹祖讀史樂府不著議論多取史中成語湊合而成其用意乃使人於言外領之洪北江亦謂紹祖一意著書詩其餘事而篇章富有風格氣韻不愧專家云云並稱紹祖之詩無漸作者是則當時見重紹祖之詩也可知矣詩既為人所稱其交游之廣投贈之富又可於紹祖詩之良窳定之是集凡十有二卷錄詩凡八千數首詩家都一百十有九人至一時之賢傑計卷一為袁枚儲麟趾俞樸文沈行泰江沅梅鐸謝啓昆卷二為姚鼐胡承詒朱筠翟大程

續修四庫全書總目

卷

集部總集類

魯瑒陳穀唐寶樹魯瑣孫辰東翟槐江德量卷三為法式善翟繩祖孫星衍師範朱楷陳蔚卷四為阮元黃鉞洪亮吉端木煜孫爾準吳鼎玉澤朱煜左暄朱怡楊圻左暉卷五為張葆光俞肇琳任炎盛復初黃崇蘭張肇煥胡翔雲鄧石如朱煊朱鎔趙楷卷六為呂榮周之冕崔繡陳其松王蔚宗汪繼培朱修卷七為朱琦胡敏胡承珙侯雲錦侯雲松洪飴孫卷八為陶澍梅冲查揆胡世琦王慶麟張履元馮震東卷九為潘際雲張炯章天育吳鳴球吳文炳吳鸞喻文鑒汪廷桂顧鶴慶沈樸吳敏恒陳濤卷十為潘瑛王豫潘恩簡孫憲儀方紹董吳台朱瑛朱佩文臺懋陳方海陳方潤徐漢蒼朱份吳堯藩卷十一為陳瀚吳大昌朱佑董正治姚翔端木焯陶譽相單達朱綿生汪文松余燠胡貞幹侯敷復馬度吳昌言卷十二為方外慧琳陳遇慧超巨超悟需達航胡照玉輝先學非量定志其所以別方外為一卷者正所謂襟而不厠也每家選詩各數十首或百餘首不等大率以投贈唱和者為斷以紹祖選此書時集中諸人或已歿



或生存或已有專集行世或尚無篇什付梓故紹祖不得不以投贈唱和者為定也每家詩首各看小傳取孟子論世知人之指復於每家傳下錄其師友淵源與夫契好以見是集選旨蓋紹祖之意不僅選時人之詩且以見其交游焉

附錄傳記參攷材料

涇縣志

趙氏淵源集

續修四庫全書總目

卷

集部總集類

唐宋八大家公暇錄六卷 乾隆二十六年刻本

劉啟瑞

任邱王應鯨選應鯨別有朱子綱目集注集義各五十有九卷均著錄事跡並已詳前此則其所選唐宋八大家古文也昔應鯨選朱子綱目集注集義時於諸家舊註補其闕漏正其錯誤明其未詳順其失次凡萬數千條世人咸稱其該洽書甫竣而邑中有修志之舉遂乞應鯨總其事徵文考獻裨益宏多當其修志之時猶不廢選輯之事此集即其修志時所輯

續修四庫全書總目

卷

集部總集類

者故名曰公暇錄云公暇錄凡六卷卷一之二為韓愈文卷三為柳宗元文卷四為歐陽修蘇洵文卷五為蘇軾文卷六為蘇轍曾鞏王安石文各家錄文多寡不等凡得一百二十篇視昔人所選蓋已簡殺自序曾述與各家異同云間嘗讀朱子語錄全書中論唐宋文字於韓柳歐蘇曾王八家每誦諄言之則八大家之評由來尚矣故朱子之友李東萊先生著古文關鍵一書用選八家為多嗣是有真西山先生文章正宗而編唐宋之文亦八家為備宋李謝疊山先

生有文章軌範七卷共六十有九篇亦以八家為指南餘無幾焉此三先生均以名儒為名臣故所選本愚寔奉為準繩而樓迂齋本不為前明鹿門茅氏有八大家全鈔洋洋乎稱為大觀本朝以來石門呂氏又約為八家精選便讀誦矣而多有未備迨諸同人又分為八家類選庶詳備矣而不無遺珠若儲氏十家文錄與茅本同一浩瀚而歐史精文亦竟闕如則時下林選諸人一切襍選不具論矣蓋文選而欲盡愜人意誠我其難也云云知是書之選乃欲匡救前

人之失祛其糟粕擷其精華或前人已選者是書反簡或前人未及者是書獨備故於文目之下多注各家異同如韓愈論佛骨表則注謝疊山選關師說則注呂石門選關上僕射書則注儲同人類選關凡是之類歷數難終約而言之蓋欲取勝前人標新立異旨固另有在也惜所補者多為時下制義所宗自序所謂洵以八家之文於制義為近初學易讀亦便擷用者是又書於每篇之後附錄歷代各家論本文之說每篇或一二則或十數則不等而王氏自評

亦間附見即自序所謂凡程朱諸儒語錄有論斷及八家者合東萊真謝諸說暨茅呂儲氏等評詳載於尾至愚之管見亦附錄於末要使世之讀八家者得備覽諸儒之評論而於文之委曲畢盡庶可以無憾之謂也然此二者皆非卓見唐宋八家之文世已久有定評昔人所選縱有同異無尚軒輊而是集所選乃欲取近於制藝便於士子臨文意流庸俗選失通例迹其用心未免陋已

附錄傳記參攷材料

任邱縣志

中晚唐人七言絕句詩選不分卷 雍正元年陳氏刻本 劉啓瑞

韓江陳法祖選法祖字繼善號被江未知何時人檢康熙嘉慶兩修揚州府志江都甘泉兩縣志宋牧仲吳風王柳村江蘇詩徵等均無其傳事迹無徵然卷首有錢塘屬樊榭序署年為雍正元年稱法祖與之交論是則法祖當亦康熙間人矣又法祖既與厲樊榭友度法祖亦為風雅者流惜乎其事迹不可考矣是書專選中晚唐人七言絕句凡三百餘首詩家一

百二十有六人每家選詩一二首十數首不等而以劉長卿、盧綸、王建、柳宗元、劉禹錫、元稹、白居易、施肩吾、雍陶、杜牧、李商隱、溫庭筠、皮日休、陸龜蒙、司空圖、韓偓等所錄者為多其大旨見於厲樊榭序略謂唐人詩無體不佳唯絕句感人為最蓋異於古體之贅牙而儷偶不拘人工至矣天趣轉生本事抒情旗亭椒壁之所竊記者皆是也宋孝宗嘗語洪容齋云宮中無事日編唐人絕句至六百首容齋對以可得五千首歸而搜括小說中神仙婦女鬼怪之作以充其

數僅得十之三因以進御世所傳萬首唐人絕句者固不無蕞襍矣明楊用修有唐絕搜奇之選專意情艷所登甚隘未為善本被江先生暇錄唐人絕句自娛桃初盛而祖中晚予得其手抄本讀之與諸眾所采特異大厯以後之詩取清微而遺卑弱會昌以後之詩取雋快而斥纖穠目過境隨情細語深不僅言格調轉新不徒喜聲華而聲華自淡渢渢乎若我欲言之而古人已言之也若古人言之而即我言之也回視景雲開元諸公古律高秀雄拔千古所宗而絕句如土鼓箠簫尚有淳悶之音以云善感人而興觀群怨之旨皆備斷非中晚莫屬亦非茲選莫屬亟勸被江開雕以公海內世不少恬吟密咏善于領取之人則辨香所在選者之功不與作者等乎云云推許可謂甚至時樊榭僑居揚郡投讀城東親見法祖選是書之選故特推許如是然樊榭不輕許人而獨推重法祖是則法祖是選之精抑又可知矣

附錄傳記參攷材料



卷首屬稿序

續修四庫全書總目

卷

集部總集類

古學鴻裁十五卷 順治庚子刻本

劉啓瑞

續修四庫全書總目

卷

集部總集類

寧波范梈金陵周采同選梈字聖木采字若予事蹟均不可徵檢寧波府志江甯府志並無其傳據卷首二家自序所署年月考之但知其為順治時人也是書專選歷代之文可為試程用者略以文體為類別曰詔曰諭告曰勅曰制曰誥曰冊文曰璽書曰批答曰御札曰鐵券文曰赦文曰德音文曰諭祭文曰令曰教曰上書曰表曰牋曰奏疏曰檄曰露布曰公移曰判曰書曰啓曰策問曰策曰論曰說曰原曰議曰辯曰考曰解曰評曰開對曰序曰題跋曰辭曰賦曰頌曰贊曰銘曰箴曰聯珠曰碑文曰碑陰文曰記曰傳凡四十有九類錄文都四百二十有二首雖為十有五卷時清甫定典考試初行士子臨文苦無楷式坊間雖有選本不失之繁即失之簡不失之陋即失之腐從無善本可為士子摹擬者故聖木及若予二人特重為選訂取歷代名家之文以體為類便於檢繹總其大要可得二端一曰文章之道先辨體裁雖標新領異機杼由人而要有不可渝之體使昧於體

而為之則表將母類於歲歲將母類於贊吾未見其有富也乃就一體之中而又有不容混者如同一賦也而漢人之賦不可例以唐唐人之賦不可例以漢同一啓也而有單行駢偶之殊同一頌也而有散文押韻之異故於各分部署之內又細析之欲俾覽者開卷即知指歸非強為支說也二曰凡體製之與各有淵尚如著述者流蓋出於書之謨訓易之象係春秋之筆削其要在于高壯廣厚詞正而理備謂宜藏於簡冊者是也此與者流蓋出於虞夏之咏歌殷周

之風雅其要在于麗則清越言暢而意美謂宜叶於謠誦者是也然則文有本原所從來遠矣故於各體之首先溯其源流而論次之美必究其所歸變必稽其所極繩墨布置操觚者其亦可無憂乎云云其說見於凡例而全書大旨亦可於此徵之然抽繹全書實有未富即以體類而言鐵券之文可隸於勅諭之文可隸於詔誓書之文可隸制誥碑陰之人可隸碑誌凡是之類歷數難終推而量之難稱允洽再論選文更有未安或前人所選行之已久而此書獨缺或

名家所作傳之已遠而此書獨遺乃若制藝之作帖括之章反盈篇帙雖旨有所在取便臨文然抉擇不當殆未免也

附錄傳記參考材料

卷首自序

詩源不分卷 乾隆初年姚氏抱經樓刻本

劉啓瑞

江都姚全選全字仙期又字山期號奪庵紹興籍江蘇詩徵云全為廷尉思孝之姪故自號吳越人平生以振興風雅為己任嘗選十五國詩刪之曰詩源即是本也是書專選清初名家之詩略以地分類曰吳曰越曰豫章曰楚曰閩曰蜀曰粵曰滇曰黔曰豫曰齊魯曰晉曰秦曰燕凡十有五類別以衲子列女二類殿諸後蓋取雜而不刪之意每類或一二卷或三

續修四庫全書總目

卷

集部總集類

四卷不等但不標卷第不著姓名乃取孔子刪詩之意又名之為十五國風刪以國為次各序風雅而不以卷帙次焉每類錄詩以時為次同時者以邑為次同邑者又以其行輩之先後為序其選詩率以所見者為斷不求專集不襲選本而以投贈者為定故其書所錄有為各家專集所無者蓋一則以有聞即錄不事搜求一則以含精取華務祛糟粕旨皆有異存者遂別然藉此以求各家專集之遺要亦有可采者至其選詩大較見於卷首發凡而發凡謂是書分類

之旨則襲孔子刪詩遺意略謂國風者國是風化之

界詩以當國為別故謂之國風仲尼尊魯易象周禮春秋盡在魯又孔子居魯故得道其詳今璿璣石鼓皆在吳又所見異辭所傳聞異辭吳予所見者也人之存亡遠近播遷得失見而知之孰與於吳固當居首吳與越皆稱會稽禹貢謂之震澤周禮謂之具區左傳謂之笠澤其實一也周秦伯五世孫周章封吳子都於句吳稱西吳今越地也故使之次于吳豫章星分牽牛而王勃以為翼軫者地在於吳之頭楚之

續修四庫全書總目

卷

集部總集類

尾兩漢皆隸揚州故使之次於越漢高封韓侯於楚今吳為之石城左氏襄十四年楚子為庸浦之役子襄帥師於棠棠即和徐之間也孔子生平欲有為常在於楚在外十有四年居陳蔡者強半失魯司寇將之荆先之以子夏中之以冉有其故可知也故次於豫章閩則荒服矣蜀則蠻貊與粵與滇與黔此皆推結去中原遠然而冠裳文字與中國同禹朝諸侯於會稽而舜先南巡狩於蒼梧之野是自古通朝聘也故次閩次蜀次粵與滇與黔唐虞以來東南為文明



之區久矣。天道以後起者勝，退成功而進方來，故不使西北復居於先也。若邙鄆衛則豫齊則山東唐則晉秦則秦太師所第孔子刪定不敢棄也。既有列國指掌則舉而措之耳。乃若燕歷代所都又三百年聲名文物之鄉如周公之幽王業艱難富尊其事使專一國故次於衆國之後以別於諸國云此世次也。總其所云殊有至理。雖是集所選不必盡當每國首序不必盡詳然能襲孔子之遺意師三百篇之舊法要亦有足稱者固未可以異於近世選例而譏之也。

附錄傳記參考材料

蘇州府志

武定詩續鈔二十四卷 同治丁卯利津李氏刻本

劉啓瑞

利津李佐賢選。佐賢字仲敏，號竹朋，道光戊子舉人。乙未進士，由庶常授編修，充國史館纂修，旋又充道光甲辰會試同考官，恩科江南鄉試副考官，簡任汀州府知府，在任六年，引疾歸里。樂志林泉，以著述為職志。生平著述有石泉書屋類稿、古泉匯書畫傳真等書。此武定詩續鈔者，則補李衍孫武定詩鈔之未備也。書凡二十有四卷，卷一之二十為武定府詩，卷

二十一之二十四則為李氏家集，均各以時代為次。計卷一之二為明人詩，卷三之二十則為國朝人詩，而別以閩秀方外附諸後。其家集亦如是焉。特無方外一門耳。所錄詩什殆近萬首。詩家都二百餘人，視李衍孫原選蓋已過之。卷首自序曾述其搜輯之旨云：「國朝山左詩鈔經盧雅雨、張南崧、余秋門諸先生凡三選，予田居多暇，盡取而讀之，因考吾郡作者，盧選四十餘人，張選八十餘人，余選僅七人耳。慨然曰：吾郡詩教豈今不逮古典，何嚮之多，而今之寡與，抑

亦無人為之編輯採選者無憑錄以致遺佚者多與  
吾郡詩鈔自惠民吾宗味初公編輯始明代以洎國  
朝得詩十二卷文獻略備誠盛舉也迄於今又七十  
餘年矣而嗣響無聞此數十年間後學繼起未必不  
可追蹤前人况肯鈔所選尚有人雖存而詩有遺者  
更有詩與人並遺之者及今網羅散失千百中尚可  
有什一之存尚再聽其散佚恐不免與風煙俱化豈  
不重可惜哉吾慮吾郡之著作今猶及見者久或無  
存目即前鈔以後之詩訪而錄之又即前鈔所遺之

詩補其缺略而增輯之而海邑吳仲樸孝廉及吾郡  
趙余田明經復助余搜羅於各邑詩稿有一微即至  
者有屢徵而後至者亦有展轉徵求而仍不至者遲  
之年餘集成二十卷又益以家集四卷共得詩品之  
數其人則自爵位顯赫以逮寂寞無聞之士苟詩有  
足錄為吾所及見者未嘗不錄焉非敢有所軒輊也  
其詩則自關乎風教通乎政事或正言諷諫者固有  
足尚即游覽贈酬吟風弄月自適其性情者亦並收  
焉不敢拘一體格也雖撫拾不必無遺然廢然成壞

倘異日輶軒之使有採風於渤海之濱者以是編進  
之庶吾郡文獻不致歎無徵焉是則都人搜輯之志  
冀告無罪於前人者夫云云凡是書搜輯之難編次  
之勤與夫武定詩風之消長人文之衰盛皆可於是  
集見之昔詩三百篇之選乃所以采風問俗後世各  
省各郡創為總集亦猶詩選遺意且足為邦人文獻  
之徵尤屬有功鄉梓武定人才風盛當李衍孫選武  
定詩鈔之時世已欽其多才今更以此集較之其相  
去又勝於前矣

附錄傳記參考材料

武定府志

利津縣志



歷代詩家五十六卷二集八十六卷 初集毛氏汲古

閣刻本二集戴氏定園刻本

劉啓瑞

滄州戴明說選明說字道默明崇禎七年進士累遷  
兵科給事中流賊李自成入京師明說從賊賊遁始  
歸入清起原官累仕至戶部右侍郎尋以不奏銷錢  
糧及徇私註差等事罰俸降級出為河南汝南道遷  
廣西布政使改累擢戶部尚書旋以贍餉虧缺額稅  
調太常寺少卿遷右通政太僕寺卿丁母憂復被劾  
遂革職尋死事迹詳載臣傳中此歷代詩家集者

續修四庫全書總目

卷

集部總集類

則明說所選歷朝名家之詩什也時明說卓有文名  
不讓牧齋故所選詩世多風行而初集選時毛子晉  
汲古閣為之付梓可以概見迨二集既成則毛氏已  
沒故戴氏始自刻之然此二書皆不易觀以乾隆之  
世已懸為厲禁世罕有見之者以是其書之良窳與  
否遂亦無人論及矣是書編次略以時代為序同時  
者又以其人之先後為序計初集錄人五十有六為  
卷亦五十有六蓋人各一卷不相雜廁也初集於魏  
得一人曰曹植於晉得二人曰陸機曰陶淵明於宋

得二人曰謝靈運曰鮑照於齊得一人曰謝朓於梁

得五人曰簡文帝曰沈約曰江淹曰庾肩吾曰何遜

於陳得二人曰徐陵曰江總於北周得二人曰王褒

曰庾信於初唐得十人曰王勃曰楊炯曰盧照鄰曰

駱賓王曰陳子昂曰杜審言曰沈佺期曰宋之問曰

張說曰張九齡於盛唐得七人曰王維曰孟浩然曰

李頎曰儲光羲曰王昌齡曰高適曰岑參於中唐得

十人曰劉長卿曰韋應物曰韓愈曰柳宗元曰劉禹

錫曰元稹曰白居易曰李賀曰孟郊曰賈島於晚唐

續修四庫全書總目

卷

集部總集類

得二人曰李商隱曰杜牧於宋得一人曰陸游於元  
得一人曰劉因於明得十人曰高啓曰李夢陽曰何  
景明曰高叔嗣曰楊慎曰李攀龍曰王世貞曰湯顯  
祖曰王象春曰茅之儀此初集之大凡也二集錄人  
八十有六為卷亦八十有六例悉遵之初集蓋補初  
集之所未備計於魏得三人曰曹操曰劉楨曰阮籍  
於晉得四人曰傅玄曰陸雲曰潘岳曰左思於宋得  
一人曰謝惠連於齊得一人曰王融於梁得八人曰  
任昉曰王僧儒曰柳惲曰吳均曰蕭子顯曰王筠曰



劉孝威曰戴嵩於陳得二人曰陳後主曰陰鏗於隋得二人曰薛道衡曰王胄於初唐得六人曰李百藥曰崔融曰喬知之曰劉希夷曰徐彥伯曰蘇頲於盛唐得十有三人曰劉昫曰盧象曰常建曰祖詠曰崔國輔曰崔曙曰綦毋潛曰元結曰嚴武曰張謂曰劉方平曰殷遂曰孟雲卿於中唐得十有二人曰錢起曰韓翃曰李嘉祐曰盧綸曰李端曰顧況曰李益曰楊巨源曰張籍曰王建曰張祐曰姚合於晚唐得四人曰馬戴曰溫庭筠曰劉滄曰于濆於宋得五人

續修四庫全書總目

卷

集部總集類

曰梅堯臣曰王安石曰蘇軾曰秦觀曰陳與義於金得一人曰元好問於元得一人曰虞集於明得二十有三人曰王守仁曰徐禎卿曰王誼曰王廷棟曰邊貢曰喬世寧曰趙貞吉曰王維禎曰皇甫汸曰張佳胤曰顧說曰徐渭曰魏允中曰湯賓尹曰李化龍曰袁宏龍曰趙南星曰鍾惺曰孫承宗曰黃道周曰畢拱辰曰王鐸曰范景文此二集之大凡也之此二集論其時代則均上始魏晉下迄元明論其選例每家或十數首或百餘首不等要皆以佳善者為主與世

選詩文之通例合而每家之首又冠評語更為詳晰俾覽者不特論世知人且以知是詩之良否信善籍也

附錄傳記參考材料

清史列傳

續修四庫全書總目

卷

集部總集類

靜觀齋詩集二卷 道光十年刻本

劉啓瑞

嘉善沈大成撰大成字集元號瘦客乾隆時康膳生  
有才名尤善詩平生嗜詩若渴年僅三十有八所積  
已不下千餘首少作清麗芊綿有晚唐神韻三十  
後風格蒼老雅近南宋惜不永年暴疾而終遺詩散  
佚存者僅此郭頻伽嘗為其作墓志稱其為諸生時  
有盛名屢試危得復失自詭以為必可得益自奮日  
夜治其業病甚不輟竟死然其才甚高善為詩自  
唐宋以下詩人皆略通其意標尤摘瑕不為苟同

續修四庫全書總目

卷

集部別集類

嘗曰吾豈才不及今人命不及今人才不及古人而  
有意乎古人二者俱不成則命也烏乎使君專意於  
一未必不成即不成亦未必戕精竭力以至於亡交  
騫並銳顧此失彼知耗力屈形痛中乾則不可謂非  
科學之學之害之也然其為詩時出所見卓然欲有  
所樹立往往見於朋友贈答窮居自厲之辭則其志  
為不可及而其情益可悲已云云或稱其能詩而不  
獲一舉其為當時數惜推服也如是是集凡二卷存  
詩百餘首蓋不足什之一然其佳什妙句已盈篇帙

其五律如題郭少山遺照詩云幾載山陽感披圖更

惘然如公應百世而我已中年古道存先輩風流屬

後賢遺詩付剞劂小影亦同鐫又云白社尋遺跡青

燈檢舊書前遊重記憶如夢轉空虛涕淚寒窓下飄

零八載餘南鄰徐孺子泉下合同君又云已判千年

別難忘夙世因依稀重對面鬢髯認前身琴譜留遺

調詩壇步後塵淒涼燈火下話舊劇酸辛郭少山者

頻伽父也頻伽肅芬館詩話評其詩云先生深柳

讀書遺像前輩先友及與不肖論交者皆有作題贈

續修四庫全書總目

卷

集部別集類

然自吾師姬傳先生一記亡友江庵五古而外惟沈  
瘦客及見先子亦折行輩呼為小友相處日淺相待  
意深故其詞意特為真切也云云於是亦可以知  
其詩之良窳矣其餘佳什亦率可稱肅芬館詩話又  
云瘦客深於情一往三復詩如其人記其看燈詞云  
華燈萬戶影交枝月上黃昏也不知郎愛看燈儂愛  
月到無燈處立多時西漆南油一樣春香階羅襪浣  
輕塵不知閨裡同儕失一笑回頭錯喚人又有夏日  
禡詩數首最為清絕今摘其二云老屋臨流剩數椽



莫嫌生事太蕭然。秋聲已到夜窓竹。暑氣不侵高樹。蟬未見書當從客借。無名花亦動人憐。此身已分常閒却。想約隣翁上釣船。石苔頻掃草頻刪。合謝塵囂早閉關。一枝不工惟喜病。三生有福得長閒。海棠花放三秋近。沈水香銷午夢還。慵讀道書支倦枕。居然屏上看青山。清脆之音與其平日。羊絲之作又為別出一手也。又詩話云。昔查初白紅袖倚欄桃傍井。又緣迷路得看花之句。膾炙人口。近見瘦客南湖絕句。水楊柳近碧蘭干。微雨人家作午寒。墻裡小桃花一

樹只分一半與人看。詞意更為工。與查初白詩。當共垂不朽。其說尤為允當。又平湖胡金題許其詩。謂瘦客詩清麗綿遠。不作高調。動中雅音。得力在尤陽范陸之間。而不落宋人窠臼者。意超筆靈故也。其說尤能許得腰理。與郭頻伽許均稱永論。信非虛語也。

附錄傳記參攷材料

嘉善縣志

郭應模墓志

梅綠書屋詩鈔四卷 家刻本

劉啓瑞

青陽陳蔚撰。蔚字豹章。號金霞。乾隆時康貢生。道光辛巳薦舉孝廉方正。不就。著有梅綠書屋詩鈔。此邑志及國朝正雅集所載其事實也。別有陳氏聯珠集。王聲奎序。謂乾隆三十八年歲癸巳。皇帝詔求遺書。安徽學使者朱笥河夫子設書局於使院之西。集諸生校錄其中。余預焉。時青陽陳君豹章。以優行舉。試姑孰。試畢留局。共事數月。歌詩贈答。為莫逆交。云云。是則豹章曾與校書之役。而為朱笥河所器重者。笥

河不輕許人。苟非學行兼懋。即不得與選。故樹花吟。訪諸人。率一時之雋傑。如戴東原。邵二雲。輩皆是。豹章既與是役。是則豹章之學與品。為何如可知矣。是集凡四卷。以體為次。先樂府。次五言。古詩。次七言。古詩。次五言律詩。次七言律詩。次五言絕詩。次七言絕詩。同體者又略以撰著時代為序。其詩古近體並佳。古體如咏太平縣三折嶺詩云。我從洋川來。上踏天都頂。言歸九華峰。路轉三折嶺。回望黃山盡。白雲白雲濛濛不肯醒。是時山頭作海觀。視我一片魚龍。



影掉背居然浪底行此身已達瀛洲境延佇翻驚四月秋松杉翠滴衣裳冷洪北江評其詩謂奇思妙語如出青蓮此其古體詩也其近體五言如登攝山詩云磴道盤旋上遊人九折行石留千佛影松有六朝聲山色涵空碧江流入海清回看春樹裡烟雨秣陵城袁簡齋評其詩云的是攝山領聯十字抵人千百信為確論又如謁孝陵詩云治軍宮車晏鍾山隧道長朝天有女戶會葬少諸王鼎就龍初去城高燕又翔當時承顧命冢宰是齊黃朱笥河評其詩云四三

續修四庫全書總目

卷

集部別集類

警策結句無限感慨語短而意深長亦為允論其七言如咏翠微亭詩云夢去揚州不復歸秋江猶見雁南飛當年九日簪黃菊終古孤亭接翠微萬頃湖光宜夜月千尋山色趁斜暉倚闌傾盡壺中酒更上峻嶒自攝衣又如咏溪行詩云興來時把錦囊携近午尋幽傍碧溪春水鳥驚楊柳畔晚風蛺蝶菜花畦山光宿雨澄螺髻人影斜陽趁馬蹄極目詩情無限好青帘招客板橋西袁簡齋評此二詩謂均襟懷澹遠音節和平其通体幽秀處尤有無限深情蓋為篤論

此其近詩也。要之豹章為詩古体得之澹遠近体得之幽秀集中如與朱笥河趙甌北洪北江唱酬諸什尤能具此二長信乎當時名家共稱豹章為能詩也

附錄傳記參攷材料

國朝正雅集

邑志

陳氏聯珠集序

續修四庫全書總目

卷

集部別集類

醉草堂集一卷 道光元年家刻本

劉啓瑞

青陽陳枋撰枋字馭驎乾隆己亥舉人工詩善畫尤  
憲治古文詞嘗以登玉屏山夜宿古月庵詩千大興  
翁覃谿覃谿激賞之謂其詩敘致偉麗嗣響六朝為  
近世不可多得之才由是馭驎詩名滿南北車轍所  
至壇坫爭通唱酬贈答歲無虛夕既而累上春官均  
遭屏黜遂絕志仕進壹意為詩凡漢魏六朝唐宋諸  
名家之集莫不鎔會貫通各取其長以是詩益工而  
名益盛世之言宛詩者莫不交口稱之惜乎隨作隨

續修四庫全書總目

卷

集部別集類

棄不自收拾晚年哀其所存僅得百首合為一卷名  
曰醉草堂集醉草堂者馭驎於九華山麓所結之讀  
書屋名也是集古近體詩參半古體逼似少陵近體  
亦不下三唐均能各自建樹卓然成家其于翁潭溪  
詩亦居集首其詩有云崔嵬玉屏山崎嶇道云阻携  
手躡危磴盤曲杳如許石角鈎衣襟榛莽窘步武努  
力造其巔亦自矜豪舉萬象羅胸中衆山盡偃僕  
九朵金芙蓉滴滴青桐乳參差巖壑間時見白雲吐  
解衣共槃礴藉草酌綠醕呼吸帝座通石破飛天兩

四顧思茫茫斜日界山隅遲回到禪關僧徒久延佇

更有同心人殷勤具雞黍放浪杯盤間秉燭深更語

欣歡聲所言誰問我與汝恍然外形骸寧為拘攣苦

謝公遊石門謫仙夢天姥一嘯海天空高風足千古

蒼涼渾厚沈雄竅奇在古詩中誠為佳構宜乎覃谿

激賞之也其他古詩如登官祿林曉登龜山夢遊仙

諸作亦率類是蓋馭驎於古体用力深矣至其近

体亦多佳勝五律如九華道中詩云峰密疑無路嵐

深望欲迷人來千嶂立天到九華低仗底看飛鳥雲

續修四庫全書總目

卷

集部別集類

間聽午雞眼空塵世外身與斗牛齊何石柱評其詩  
謂有振衣千仞之概又如旅舍偕友詩云同作飢驅  
客他鄉說故鄉酒闌愁易集夜靜話偏長薄屢留泥  
跡寒衾映月光隔籬雞乍唱敲火束行裝王鶴嶼評  
其詩謂悲切溜亮寫出旅况淒清誠為篤論其七言  
律詩佳者如暮書懷云上林花發促征輪檢點行裝  
剩此身亦識遠道憐客子為謀祿養慰衰親塵封  
杵臼兒求米雪滿庭堦婦問薪差喜巡簷堪索笑  
寒梅已報小園春張竹軒評其詩謂寫貧况而饒興



趣自是佳音。又如送從兄躍亭之閣詩云。引領聞天  
道路賒。簞輿迢遞度仙霞。錢兄餽之壺中酒。贈我須  
分縣裡花。烏石秋風肥荔子。武夷春雨長蘭芽。粵王  
臺畔飛鴻少。縱斷音書莫憶家。鮑三溪評其詩。謂其  
語雅情殷。令人增友于之誼。諸家所評。洵稱確論。証  
之集中。益復信然。若其憂時感世之作。則慷慨激賞  
登山臨水之篇。則幽遠澹雅。体固不拘。句亦妙構。誠  
所翫信手拈來。皆成妙諦者矣。

續修四庫全書總目

卷 集部別集類

附錄傳記參考材料

青陽縣志

安徽通志

止祥虛室詩鈔一卷 家刻本

劉啓瑞

嘉善張璜撰。璜字祀北。號元圃。邑志無傳。僅選舉表  
載元圃為嘉慶癸酉副貢生。而事蹟不詳。今據卷首  
黃若濟序。謂元圃長身玉立。個儻不群。弱冠補博士  
弟子員。自命科第。若摘領。屬纂切。嘉慶癸酉秋試  
中副車。及謁房師。知以後場微疵。由正榜抑置。聞言  
懊喪。未幾發上氣疾。自杭抵家。竟不起。年僅三十有  
三。嗚呼。科第之得失。傷人乃至此耶。是可哀已云云。  
其事跡可攷者。大略如是。黃氏又謂曩時元圃於制

續修四庫全書總目

卷 集部別集類

藝之暇。與近局諸人。結為吟社。題多詠物之作。問或  
漫興遣懷。獨居陶寫。頗具性靈。積有止祥虛室詩鈔  
十卷。未及梓而歿。遺稿散失。存者僅一卷而已云云。  
是則張氏舊作佚者至多。是集祇有近体而無古詩。  
殆亦在散失中矣。其近体多新穎可喜之什。而咏物  
者為尤勝。如詠豆棚詩云。結繩引蔓占庭阿。疊朵花  
開小似蛾。促織鳴時涼意緊。平蕪盡處綠陰多。每從  
新月三秋夜。肯與鄰翁一話過。手把蒲葵酌蕉葉。者  
番消受更如何。又如咏新柳詩云。淺綠輕黃欲吐時。



傍牆臨水見腰肢。暖風且緩催三起。纖月先來照一絲。橋畔未應牽別恨。陌頭從此掛相思。東皇特與青  
青眼。好向人間識異姿。又如咏團扇詩云。齊紈如雪  
裂橫中。裁就團圓樣最工。明月一輪秋寫素。輕羅半  
臂袖搖紅。多情舊記歌桃葉。近事新傳畫放翁。金粉  
香痕猶點點。記曾撲蝶小牆東。並屬佳構。其七絕詩  
佳者。如納涼絕句云。屋抱籬笆西復東。阿農小住恰  
當中。倦來便自拋書坐。消受濃陰一角風。又云。一樹  
榆陰似繖張。半侵籬角半依牆。驕陽賴汝支撐得。縱

未經風也自涼。又云。種竹栽花一徑開。綠陰如帳覆  
蒼苔。就中便作羲皇想。那許徐陵帶熱來。又云。夕陽  
流水板橋西。野草閒花占滿溪。自喜愛涼心計早。五  
欄小架不嫌低。又云。浴罷臨風緩緩行。蕉衫桐帽覺  
身輕。前村我識尋真趣。互送田歌一片聲。又云。四面  
層陰圍落日。半梳新月趁殘曛。田頭小立遙看去。知  
是炊烟是斷雲。均搖曳多姿。瀟灑出塵。其情韵瀏落  
處。尤脩然有出世之想。蓋其得於性靈者為多矣。惜  
乎存者僅此。未獲窺其全豹也。

附錄傳記參攷材料

嘉善縣志

卷首黃若濟序

天柱詩草二卷 家刻本

劉啓瑞

青陽陳其名撰其名字子聞乾隆戊子舉人累上春  
官不第大挑改知縣授平谷縣知縣在任三年計吏  
報最安徽通志稱予聞知平谷縣曰卓有善政因圖  
空虛蝗不入境其治績之在民也如是生平最工詩  
驢背船舫不廢吟咏既出關為吏身經險阻凡山川  
之奇麗民俗之淳朴無不以詩寓之以故詩如圖畫  
宛然在目如咏口外詩云喜峰東北望茫茫知是當  
年古戰場霜地日光連草白風天沙氣入雲黃平原

續修四庫全書總目

卷 集部別集類

吹角秋歸馬遠堡鳴鉦夜逐狼幸際太平休養久儘  
教流寓作家鄉莫韵亭許其詩謂調高響逸嗣音感  
唐又如登宣化鎮朔樓詩云保障中華第一州憑欄  
遙望思悠悠嶺通八達乾坤近河入桑乾晝夜流身  
世幸無逢墮淚功名何必盡封侯春風關塞平疇綠  
好譜恬熙入鳳樓洪北江許其詩謂其起語雄渾五  
六運用鎔化又如昌平道中詩云居庸山勢碧峻嶒  
二月春光暖未曾開到杏花寒食近年年風雨十三  
陵又如席上贈陳參戎詩云十載從戎博一官鬚眉

猶帶陣雲寒酒酣說及金川事自解圍花數箭癡洪

北江並又許其詩謂其激昂慷慨一片商音其為時  
人所稱也如是蓋子聞於詩得山川之助也為多矣  
是集乃子聞自訂者都二卷存詩一百四十有二首  
略以古近體為序古體胎息漢魏鎔貫六朝雖未能  
躋於三唐要亦不失兩宋其近體則格律工穩韵調  
雄厚五言七言並稱佳勝其五言詩如晚望一律云  
飯罷徐行候前村半落暉樓鴉爭柳畔歸鳴識紫扉  
峰影和烟沒鐘聲隔澗微鄰翁相語久不覺月侵衣

續修四庫全書總目

卷 集部別集類

殊得晚景深致又如客邸秋夜一律云祇道離家好  
依然寄恨深苦遭連夜雨愁聽隔牆砧漏急芳魂杳  
牀空冷氣侵遙憐兒女小誰為覆寒衾亦深得文生  
於情之旨其七言詩如初晴有約春行者不果一律  
云徹夜牢騷夢不成山窓曉日聽流鶯溪聲入枕全  
疑雨花氣侵簾半放晴本似愁深常抱病况逢春好  
更傷情青鞋布襪殘針線一觀空箱便懶行袁簡齋  
謂其詩得中唐佳境又如冒霧過九華山一律云萬  
壑千峰渾不分一天香霧正氤氳行經谷口初疑雨

轉過山腰已入雲、向午鐘聲何處響、驚寒樵語半空聞、有時踏出蓮花頂、人道當年太乙君、鮑三溪謂其詩清便婉轉、看紙欲飛、諸家所許、均能得其腴理、非徒為虛譽者、至於集中他什、亦復類是、均清雅典麗、不愧諸評、宜邑志稱其為詩學也、

附錄傳記參攷材料

國朝正雅集

安嶽通志

續修四庫全書總目

卷

集部別集類

書耕堂詩集四卷 家刻本

劉啓瑞

嘉善黃愷鑄撰、愷鑄字南英、號楠蔭、乾隆時邑庠生、以詩文著聲里閭、才華至懋、為同儕冠、其弟凱鈞為之撰行略、稱其七歲入塾、過目成誦、稍長、不意治舉子業、而獨好詩、尤好讀杜少陵歌行、以為真摯無比、吟諷中節、抑揚可聽、時塾中無討究風雅者、南英獨能會心焉、弱冠後、補博士弟子員、歲科試輒前列、有聲黌序、而不獲食一餼、鄉闈九次、薦卷者四、危得復失、士林惜之、南英宿有氣疾、疾作常竟夜不眠、每報

續修四庫全書總目

卷

集部別集類

罷、鬱鬱劇飲不已、因是益困頓矣、南英於書無所不窺、尤精選理、侵晨至莫、撫几兀坐、朱墨並施、無間寒暑、娶妻早卒、妻一僕司出入、乾沒錢米、不問也、以故家日落而嗜書不厭、遇善本則典衣買之、實無虛反者、其詩探源盛唐、而沿流於新城、循聲定墨、槩獲森然、五言一体、雄勁獨絕、不乏幽雋、惟以負才不偶、坐困一衿、悵悵半世、晚年又以門衰顛沛、喪明屢痛、遂致傷生、達者惜之、是書凡三卷、古近體詩悉備、造詣均各有所至、黃安濤跋是集、嘗稱其與友人論詩書



有云太白謂寄興深遠五言不如四言七言又其靡也四言自三百篇外如韋孟諷諫等作味同嚼蠟後人徒事模擬刻畫幾如優孟衣冠足下若欲超然復古非學五古不可近日言詩戶有隨珠人懷和璧然大率喜為七言小律詩限以四聲此倡彼和千口雷同試叩以風雅源流如墮雲霧此談詩者愈多而詩教之所以愈晦也僕久欲矯此弊非曹劉陶謝陳正字張曲江李杜王孟韋柳之詩不讀非古詩不作非謂近体可廢蓋欲存古學於萬一云云據其所論

非特浮薄之針鉞實亦風騷之正鵠而南英詩學之造詣蓋亦於此可以見之矣今按集中五言古詩如西山銜落日喬木生微涼濛濛夕照中人烟古原樹人魚黃犢返帆翦滄波去等句誠陶謝王孟之遺與世之為警言以欺人者有異至其近体風格適上亦多可觀如蘭亭懷古二律云蘭溪山色望中幽勝地追尋慨昔遊名士一時兼少長高文千古擅風流澗邊湍水朝還竹澗外烟光晚不收最是後人興感地岸花汀草自春秋又云草長鶯啼花滿枝江南三

月暮春時共傳是處曾修禊最愛群賢各善詩鰲泛清流文藻瀑碑埋荒徑碧苔涵空餘墨妙誇今古蘭紙昭陵異代思並格律上整意調勻稱非不能近体者其答友人書謂非古詩不作特恐一時救弊之言耳

附錄傳記參攷材料

嘉善縣志

黃凱鈞撰行略

華溪草堂集不分卷 家刻本

劉啓瑞

青陽陳芳撰芳字郁庭乾隆時名諸生工詩善畫嘗作溪行詩有句云驚鱗入中潭潭深兩崖裂倒影有幽花仰視無由擲全樹王鶴嶼許其詩謂作者素善山水記此詩寫景如畫而理趣亦見則又以詩為記云云推許可謂備至以是郁庭名益噪駸駸且為全郡冠世之論宛詩者亦莫不首郁庭焉郁庭名既達益深自淬厲學愈進詩愈工嘗於暇日作華溪草堂詩四律云溪枕名山屋枕溪窓前倒影高峰低輕烟

續修四庫全書總目

卷

集部別集類

嫩柳歌黃鳥暖日長松舞碧雞尋勝最宜春岬曲歸林每覺晚扉迷小橋時有雲遮斷不使遊人過水溪又云不是尋幽避世諱蓬廬舊比野人家一灣水護遮門竹半卷書迎對榻花有客調琴煮酒看山話勝帶評茶閒多別道毫端興戲寫斜陽幾點鴉又云垣短千峰帶瀑攢身閒自覺數間寬春風稚子聯書案夜月詩人倚畫欄豈有隆名同郭泰惟餘穩臥學袁安柴門不掩清溪色日與鷗鳥相對看又云莫問蓬瀛事有無此間隨意取歡娛草生綠野康呼侶浪

暖清溪鳴浴維諸弟愛吟輪唱和鄰翁對奕五贏輸時人浪比林逋宅為有梅花映水廬沈梅隴許其詩謂寫出仙境宛然如畫任苕邨許其詩亦謂四章遊神象外結想環中胎澹冲和高情如挹均深許其詩郁庭遂以華溪草堂名其集並以是詩冠諸首蓋以志其遇也集凡錄詩百餘首大率以近体者居多而尤以七律七絕為勝其七律佳者如秋日同諸姪輩遊考坑庵詩云石秀相疏境自幽雙泉猶合小溪流斷橋烟鎖懸蘿冷曲徑風回落葉稠陶令重尋蓮社

續修四庫全書總目

卷

集部別集類

約阮家愛共竹林遊頻來愈覺巖壑勝不復潭西買小邱周荅衣許其詩謂隨題抒寫自饒逸致在盛唐中最近右丞又如詠臥牛石詩云想因行雨失龍湫一臥滄苔萬古愁天上還從銀漢覓人間久伴石羊留敢將紫氣驚關吏惟對清泉邀許由聞道精靈常不昧花蹄夜夜印巖頭王蓮府許其詩謂渾脫測離學人才人一齊頻首此其七律詩也其七絕佳者如苦溪訪友詩云春風棹入桃源路細雨寒流認落花隔水遙聞鷺鳳鳴知君釣罷晚還家沈梅隴許其

詩謂明淨疏爽如春綠初滋秋翠欲滴又如詠疊石詩云厯盡嶙峋興倍饒歸來猶自憶芙蓉階前疊石呼童問認是曾遊幾第峰洪北江評其詩謂比石橋南畔之意措詞尤活故丰神極其貽宕此其七絕詩也總斯兩評証之諸評都庭之詩蓋能以才思勝者固不徒以工律見長也

附錄傳記參攷材料

卷首諸序

續修四庫全書總目

卷

集部別集類

半山遺藁三卷 道光元年刻本

劉啓瑞

嘉善孫姓撰姓字西雅號白峰乾隆中葉庠生以詩古文詞雄於鄉里四方從學者至衆此邑志所稱其事跡也邑人黃安濤為作傳云白峰以老諸生教授鄉里不為俗學所溺專工於詩里中前輩如南陵柯徵君慈山曹居士私泚親炙有淵源焉景德寺漱冰上人尤以詩名其初學詩嘗從問業以其根柢深厚議論持正終身推服之平生境遇坎坷骨肉凋喪言愁之作惻惻動人可以見其性情之真而倫紀之篤

續修四庫全書總目

卷

集部別集類

也少時以憶石湖詩中青山詩客影香霧美人舟一聯傳誦於時人謂先生詩艷逸似玉溪淡遠似摩詰予更謂其清老瘦硬處似東野集中五古一體間有此種讀者當於色香味外得之云云其服膺可謂甚至證之詩什殆非虛語如寒疾感作詩云老去皆忘事偏於骨肉明百年兒女愛一種死生情白髮戀餘日青山空舊盟唯思一樽酒情話罄生平則感慨而淒涼者又如孤山懷古詩云嵯岒石壁插雲孤處士芳標入畫圖獨播清風引南渡別開冷面與西湖六



橋花柳殊興廢。故國河山半有無。只是此中梅與鶴。  
到今指點說林逋。又如咏秋塞詩云。玉門關外慘風  
烟。是處寒生石罅泉。沙漬草衰朝牧馬。彫弓月冷夜  
鳴絃。帛書杳杳看南雁。笳吹蕭蕭起北天。最好一枝  
長十八。初涼應照玉娟娟。則古傲而嶄奇者。又如咏  
蘆花詩云。冷落芙蓉金粉殘。蕭蕭又見拂漁竿。西風  
是處出晴絮。秋水一時生暮寒。紛逐雁啣飄隔岸。冷  
隨鷗泛過前灘。裝衣莫笑綿無力。猶勝楊花作雪看。  
又如咏晚鶯詩云。柳暗花殘一再過。問關啼老此山

阿。坐愁紅盡稍應懶。欲喚春回恨已多。柑橘扶來清  
漫爾。櫻桃含得意如何。枝頭時側斑鳩目。百轉猶憐  
作好歌。則綺靡而曼麗者。又如春日邨居詩云。曲曲  
溪通淺淺灘。綠遮矮屋竹門關。年來只愛烟波住。典  
盡春衣未買山。又如邨中即事詩云。蟹舍迷離曉霧  
濛。蒸魚作黍餉耕同。朝來戶戶炊烟晚。為在深林  
積雨中。則又蕭灑而淡遠者。總斯諸什。証之黃評。益  
信白峰於各體無不工。而於七律為尤邃。蓋其於近  
体用力深矣。

附錄傳記參攷材料

嘉善縣志

黃安濤撰傳

涪園詩鈔二卷 家刻本

劉啓瑞

青陽陳秉烈撰。秉烈字魯濱。乾隆三十一年諸生。少以文名。與從兄豹章。蔚及諸子姪等相唱和。分毫拈題。歲無虛夕。時人多以烏衣王氏。謝氏。彭城。劉氏。到氏。况之。稱其一門鼎盛。未可以人爵擬之。殆得於天爵者。秉烈既以文著。而不屑屑於舉子業。青衿後累舉不達。然秉烈顧不以是櫻其心。謂是區區者。何足道哉。遂一意以詩為務。每當風晨月夕。輒擁鼻高吟。苟得佳句。傳示同好。積之既久。詩遂盈尺。第不自收。

續修四庫全書總目

卷

集部別集類

拾而存者。僅此。猶是從兄豹章之所選也。秉烈為詩。不專一家。上窺漢魏。下逮唐宋。無不窮其源流。沂其澆洄。故所為詩。卓有奇氣。而近於唐音者為多。其詩古体佳者。如課雪樓詩云。昨夜寒林風正怒。吹起彤雲四野布。主人新築課雪樓。邀我登臨賦長句。樓頭八扇白板扉。樓外兩株烏桕樹。鄰翁將欲伐作薪。我屬主人須勸住。青條蔥蒨待春深。紅葉班斲作秋暮。冬初壳脫子離離。尤似梅花門雪吐。即今玉屑飛前山。掩映冰枝悉可數。王鶴嶼評此什。謂其即景生情。

饒有別致。其五律佳者。如老洲至落拓石詩云。離卻

江濤險。長途漸自諧。橋通三汊澗。渡問九兒津。野堠勞相送。行囊苦屢探。生涯真落拓。對石倍懷慚。王氏又評此什。謂其結語。感慨情深。幾於頑石欲語。又如大坳口詩云。谷口崎嶇甚。山凹勢漸平。雙峰天際聳。一徑峽中行。石壑含雲氣。松濤挾雨聲。空濛秋色晚。凝眺益淒清。吳礼園評此什。謂如讀柳州遊山記。可云確評。其七律佳者。如自小礫山抵廬江城詩云。山莊積雪玉成堆。驢跡衝泥凍乍開。載筆征途空賣畫。

續修四庫全書總目

卷

集部別集類

過江清興。只探梅。午烟林麓屋。高下春水野塘鷗。去來驛畔。堆墩間指數。夕陽淡沲。小城隈。金水村評此什。謂彷彿李營邱晴山春晚圖。又如過青泉嶺詩。兩壁青巖夾徑斜。孤亭兀立見人家。雲陰鐘定僧編貝。石罅泉香客品茶。橫笛牧依秋岫草。啣魚鷺撲野塘。花城西指點無多路。一任林端噪晚鴉。鮑有軒評此什。謂有樊川風韻。又如寒江夜泊。借豹章兄詩云。萬派清光百尺瀾。扁舟隨月泊江干。乍離庭戶登途易。不慣風波涉筆難。沙渚懸燈官舫靜。蕭天吹角戍樓

寒阿兄携得鯨蘭集。擁被聯吟到夜闌。鮑有軒又許  
謂雙天句可與五更鼓角並傳。凡此皆其集中之佳  
什。類斯者比比皆是。東烈又嘗從友征苗。身輕嵐嶂。  
脩厓嶮阻。故集中征苗諸什尤磅礴嶮奇。可歌可咏。  
殆得於山川者為多矣。

附錄傳記參攷材料

青陽縣志

續修四庫全書總目

卷

集部別集類

二竹軒詩鈔三卷 嘉善景德寺刻本 劉啓瑞

嘉善李楚衡撰。楚衡字漱冰。少以疾投景德寺為僧。  
名本白。號漱冰上人。邑志稱其幽澗禪院。祝髮。精通  
內典。善奕。工詩。尤長五古。年未三十。即行腳名山。遍  
參梵席。晚仍歸幽澗。圓寂時。惟囑其徒以放生念佛  
為務。啓其遺篋。衣鉢外。止存詩稿一冊而已。黃凱鈞  
撰其傳。稱其少時於藏經語錄。深有會心。復縱觀漢  
魏以下之詩。遂日事吟咏。及壯行腳。到豫楚間。挂單  
於黃梅。幾一年。復游金陵揚州。祇鉢所至。名流倒屣。

續修四庫全書總目

卷

集部別集類

旋住杭州昭慶寺。與錢唐吳西林交尤篤。嘗輔修昭  
慶志。漱冰自謂詩學禪理。得力於西林者為多。生平  
高潔孤冷。不相得者終年。可不交一語。若知己則抵  
掌劇談。儘日不倦。或議論合。則堅持不下。必折服之  
而後已。其為詩。初得唐人風格。旋稍參宋。然善病。未  
能多作。至參究教典。數十年如一日也。張芳桂撰是  
集跋。亦謂楚衡性沈毅。意見濶達。雲游江淮。楚豫  
間。廣所見博所聞。九年於外。歲癸巳歸里。言論舉止。  
縉衣有儒者氣象。始訂交焉。自謂於五祖山。忝悟。



得妙諦抵掌談歷朝史事唐宋元明諸名家集無不言之了了而於詩尤精工清疏淡宕多敏妙語洵非人所可及云云均稱楚衡之詩不同凡響蓋釋而能儒者也集中詩古近體襍半造詣至高於古人間與靡不深入不主一家而自存面目兀傲者其骨也清超者其氣也幽微者其理也淡遠者其神也嘈呖而嘹亮者其音也其評見於集首黃安濤序是蓋能深知其詩者集中如答程松亭招集詩云林鳥翩跹向夕投孤雲觸處又勾留高情一片飛江上寒色

續修四庫全書總目

卷

集部別集類

千重散衲頭青鬢飄蕭餘瓦鉢素心狼籍在茶甌明朝愁殺遠山事萬疊松杉水亂流清新雋逸蕭疏淡遠與黃氏所評有相合者郭頻伽霜芬詩話謂緇衣能為詩者近時殊少余所見者惟漱冰壹人往時相見於退庵齋中見其立若植鰭而吐詞含氣有無礙之才余時與丹灶同在坐夜譚蟬聯漱冰亦申旦不寐有詩云世味詩情并已灰又緣良晤未能回明當誇與交游者誰識平原兄弟來半庭殘雪酒微醺久識此身浮似雲安得高齋十日住恐梅花

放又思君又見贈一首落句云早知輕別何須見從此悲生第一年余謂山骨清寒漱冰之人也草木堅瘦漱冰之詩也其推重漱冰可謂甚至又平湖胡金題亦云緇流以禪語入詩故多空曠之作而沉着者少漱冰精選理而不襲選体揚骨傳聲自具淵雅之趣餘体清新秀琢在嫺可瘦權之間尤能深知漱冰蓋僧人之詩多流於空洞且夾襍禪語類似梵倡昔人選詩多以釋道另立者以此故選家必得稍明儒理者始為上乘若漱冰者豈上乘而已哉

續修四庫全書總目

卷

集部別集類

附錄傳記參攷材料

黃凱鈞撰傳

嘉善縣志

張芳桂本書跋

霜芬館詩話

聽香館詩鈔五卷 道光十年刻本

劉啓瑞

嘉善汪繼熊撰繼熊字梓園號芝亭嘉慶時國子監生邑志有傳稱邑人黃安濤嘗為之作傳云其長於嫡姐少習純綺嗜好殊乎乳子寢饋契乎古則累恭採蠟之戲不入童心燁掌鎮瓜之勞自幼幼學洎乎乾隆早推孤子當室蓬董生下惟之顧拋顧公千祿之書爰納粟為國子監生非初志也君事多張角辰值耗磨室廬燬乎鬱攸訟獄失其金矢顧雅尚恬潔遠跡囂塵崔伯謙之清言不及俗事陳元龍之豪

續修四庫全書總目

卷

集部別集類

氣所譚求田出納付之監奴賒賞憑諸質齊猶復殷勤推解闕陷猶縫積通相因築謗臺而已晚漏厄靡底莫困門而無卒之弱顏慎墨孤抱鬱紆桐被焚而半枯柳經霜而易悴以叔竇清羸之体負孝章憂生之嗟而君始病矣方少弱冠即志學詩及就甥館彌自奮勵時先子與江浙知名士締紵聯歡敦槃狎主凡左顧魏塘者君必識之咸謂王潤之稱無慚乎樂文津梁所在有得於謝公每當月夕花晨命儔嘯侶嬉春逮乎道暑延秋迄乎消寒引畢卓之芳樽結

續修四庫全書總目

卷

集部別集類

劉剛之文會更唱迭和前唱後于銅鉢敲而逸興爭飛樺燭殘而豪吟未罷蓋雲龍相逐無以喻其懽悰金石鏗鏘未足方茲高唱也至其願同禽向游慕羊何抒仰屋之悶懷契尋詩之妙境時則扁舟載酒奚童抱琴九峰三泖之間提鴈翠鷺西塞南屏之側招鶴呼猿叶鶻唱於吳趨賦歌頭於水調瘦筇短策撥殘苔磴之雲蟹舍漁村寫蜃烟波之趣此則置身邱壑寄傲林泉溪友服其勝情雲客引為同調者已夫以君之襟期適俗意趣異人倘假之年孰知其止乃為長易憂遭家多難徒作枯魚之泣致摧病鶴之齡年僅三十即賦物化先子與郭頻伽俱有詩哭之痛惜殊至當其怛化之先養疴於虎邱山館已瀕縣愒猶事吟哦簞病榻之山肩襟袖方於詩草長吉赴召會不辭乎嘔心文園著書豈見廢於消渴跡其精專良可嘉歎著有聽香館詩集五卷疾革時屬其家人善為藏弄曰死也如歸他無所戀未克終我事者有老母在或能留我名者有詩卷存耳聞君斯言志士悲之君詩胎息晚唐含咀南宋清婉蕭散如其

為人譬之芹葵作菹詎俟崇鼎之飾宮羽迭奏不遺  
小石之調要其至處尤在七言流轉如九轉春鶯於  
花底精爽時露立秋隼於峰尖若謂予子愁多仲宣  
体弱統觀衆製未足為病也云云歷述繼熊身世之  
坎坷詩篇之造詣揆其所論殆云盡之証之是篇益  
復徵信集中古体諸作盡渾厚蒼涼近体各什則臻  
宛轉蓋各有所至未可徧求七律佳者如郭外泛舟  
詩云十里晴湖細穀生東風吹送酒船輕桃花一水  
浮雛鴨楊柳全身坐曉鶯傍岸人家多畫意呼牛

續修四庫全書總目

卷

集部別集類

牧笛亦春聲眼前好景難拋却始羨漁郎不入城  
又如金閨道中詩云一路鶯聲劇可憐金閨亭畔  
柳如烟紅闌碧水三層閣白舫青樽二月天芳草似  
添游子恨名花却讓美人妍臨風暗惜春光好小  
琢新詞試扣舷並清新雋逸蕭灑自如與黃氏所  
評有相合者其餘諸什亦率類是信足傳已

附錄傳記參攷材料

嘉善縣志

黃安清撰傳

續修四庫全書總目

卷

集部別集類



安德明詩選遺一卷 乾隆壬戌田氏刻本

劉啓瑞

德州田同之輯同之字彥威一字在田又號小山蘊康熙時舉人官國子監助教工詩於王漁洋尤篤信謹守有攻漁洋必爭之輯有西園叢辨行於世已著錄此安德明詩補遺者則其所輯德州明代之詩集也案安德當明世二百七十餘年之中英靈間氣歷不乏人第簡樸從風無好名者故著作鮮傳而間有所遺才什一於千百且侵散佚其輯而為總集者在

續修四庫全書總目

卷

集部總集類

昔李矩亭有廣川人文初搜其中存詩一卷凡三家繼有程正夫安總詩搜復得十有八家顧卷帙草載亦僅行之文緒已爾逮及同之始廣為搜錄得人二十有一視前二書殆已過之計是書首為張海次為馬亨衢次為鄒頤賢次為張瑤次為趙雲鵬次為程璉次為馬九德次為劉佐次為盧宗哲次為吳思敬次為袁勿次為程紹次為李誠明次為王都次為盧茂次為盧文錫次為程泰次為陳可繼次為孟願次為張周明都錄詩七十有一首較之山左明詩鈔所

錄可補佚者綦多固不僅勝於李程二書已也且德

州當明之世列朝庭登廊廟者代不乏人其僅以文章顯者亦比比皆是各家立言於世率有專集以行顧多不傳傳者亦鮮幸賴此集猶存一二如張海為明成化丙戌進士官兵部侍郎詩有盛名格調在高楊之間當世稱其才壓翰林舉世無雙而晚年自焚其稿詩竟無傳而此集卷首猶存四什可謂燼餘之詩即其一例其詩如懷宋民表詩云落落思君意不任薊雲燕樹晚陰陰論文久負一尊酒明月常懸千

續修四庫全書總目

卷

集部總集類

里心終日翳塵侵白面何人交道重黃金春光又過看花眼僅取流鶯啼上林又如送劉孟元詩云先生鵠立海東頭簪筆十年侍冕旒官好却從安處退名芳偏向去時留半庭楊柳薊門曉一棹蘆花湘水秋我望白雲不歸去日邊分得望雲愁此二詩皆當日贈災人口者苟無斯集則幾不傳矣其他諸家之詩亦復類是是則同之搜輯之功誠不可沒世之考文徵獻者蓋當有取於斯矣

附錄傳記參考材料

德州志

續修四庫全書總目

卷

集部總集類

廣濟者舊詩集十二卷 光緒丁亥刻本 劉啓瑞

廣濟夏槐輯槐字午庭光緒二年丙子舉人以大批改知縣官江蘇松江金山知縣有善政事蹟具詳邑志此廣濟者舊詩集者則其未達時之所選也廣濟為漢蕪春地自唐代析置至今承其名宋人李常記其風俗云蕪在金楚之東其人敦龐而近古秀民樂於為儒而不輕釋其業彬彬喜學有鄒魯之遺風是則其地人文之盛富有輝映全楚者顧考其文獻於古無徵唐宋兩世作者又多附蕪州以傳廣濟舊志

續修四庫全書總目

卷

集部總集類

謂宋末有梅國鵬解存舉一絕而語甚費解元有姚楚山石牛詩一首而語句與高青邱唐伯虎兩作相彷彿俱不足為廣濟文獻之徵其所可徵者蓋自明始明中葉時作者鼎盛如王大謨惟尹之恬退吳亮嗣明仲之讓直楊大鼇用極之高義皆彬彬為郡邑之楷式逮至清世益稱雲蔚國初如饒定中楊大勳吳兆裔輩不忘故君隱居逃世大節凜然而金會公以巍科績學蔚為州部之望同時劉千里張長之諸人雖名位不顯而文著述獲登祕府與康谷子寇山

人後先輝映蓋皆可謂天下之士而風聲所播實在  
 一鄉故午庭發憤搜求輯為總集既以志一邑人文  
 之盛且以為天下後世之式書凡十有二卷餘詩五  
 千餘什詩家八十有三人起自有明迄於昭代計卷  
 一為張炎雲王大謨吳亮嗣楊大鼉劉養微劉養吉  
 卷二為寇學海卷三為饒千豫饒嘉元吳亮思胡篤  
 生陸嗣先饒嘉亮饒嘉軌饒嘉繩饒來中吳敏功吳  
 敏含劉秉鈐楊大勳卷四為吳兆崙卷五為劉鵬驥  
 張仁熙楊復楊晉毛炳吳瑾饒幹中饒定中陳文濤

續修四庫全書總目

卷

集部總類

陳真國陳光國卷六為金德嘉舒芝生舒觀生胡楚  
 瑛陳文簡張盤基張瓊基張惟金舒逢吉卷七為舒  
 峻極劉子杜王衍治阮文茂李賓起郭存會范子詮  
 呂映珠張佳晟張佳昶饒起葵卷八為金啓江金啓  
 汾胡魁楚胡之後胡應亮張禮源朱本績夏賓楊備  
 萬胡鴻瀨胡鴻賓胡錫冕蓋士秀蓋士終蓋朝棟庫  
 世膺張萬里舒學源卷九為徐天球傅鈞胡本榮胡  
 本權饒承龍徐黃中饒玉振王鳳輝舒楷胡芝生鍾  
 錫龍李巖文鳳皆陳桓世劉映青夏芝夏正胡文翰

李洪駒卷十為劉映丹饒儀晉饒儀鼎饒豐朱澤柄  
 張秉鈞劉宗沅熊均霖卷十一為呂文翥胡鵬呂佐  
 宸卷十二為彭琅楊枝燦其人大都文采炳煥照耀  
 江湖或不得志為廊廟輔者亦強半為詩文自見不  
 致皓首蓬廬沒世不彰而其諫皆軌乎性情之正無  
 噍殺佚蕩之音風世勵俗有足多矣至於選輯之良  
 窳要皆與通例合無罣漏也

附錄傳記參考材料

續修四庫全書總目

卷

集部總類

黃州府志

廣濟縣志



淮海同聲集二十卷 嘉慶丁丑汪氏小詩龕精刻本

劉啟瑞

仁和汪之選編之選字選山號月樵嘉慶時官餘東場大使著有詩龕集事蹟具詳杭州府志杭郡詩輯國朝正雅集此淮海同聲集者則其官東場大使時於淮揚所輯師友之詩什也詩凡二十卷錄詩九百有八首詩家八十有八人計卷一錄吳錫麒詩四十有六首卷二錄汪端光詩四十有一首卷三錄江連詩三十有三首卷四錄洪梧詩七首陳鴻壽詩十

續修四庫全書總目

卷 集部總集類

首蔣羊詩二首屠倬詩十有二首吳清臯詩四首卷五錄孫星衍詩三首李鈞蘭詩一首趙懷玉詩六首姚文田詩一首陳文述詩四首徐崇炯詩四首石韞玉詩四首吉綸詩二首唐仲冕詩三首黎世序詩四首鐵保詩一首郭麐詩六首卷六錄百齡詩八首李堯棟詩二首曹燾詩十有四首阮元詩十有三首繼昌詩三首吳嘉詩五首卷七錄吳紹漢詩二十有二首黃文暘詩十首吳俊詩四首伊秉綬詩七首卷八錄許乃濟詩三十有一首卷九錄蔡復午詩四十有

九首卷十錄吳文祥詩二十有三首許承露詩二十

有六首卷十一錄袁永福詩四十有一首卷十二錄

許士模詩三首張雲璈詩七首郎葆辰詩九首樂鈞

詩一首阮亨詩二首江藩詩三首李斗詩二首葉申

蔭詩二首廖寅詩一首許乃普詩二首卷十三錄顧

仙根詩八首周庠詩十有四首姜上桂詩十有八首

潘修壽詩四首姚煌詩五首周序詩二首許之翰詩

二首王豫詩三首卷十四錄周右詩四十八首卷十

五錄汪茂醇詩四首汪茂信詩六首汪錚詩一首汪

續修四庫全書總目

卷 集部總集類

連詩二首汪全泰詩十有三首汪全德詩十首汪志功詩三首汪坤詩二首卷十六錄黃金詩三十三首卷十七錄許乃椿詩四十有八首卷十八錄單壯圖詩五十有八首卷十九錄李琪詩八首羅懷玉詩四首姜本德詩三首單懋圖詩一首程敷誥詩三首張彤雲詩七首袁克忠詩十有二首沙神芝詩四首吳紹沅詩二首張鏐詩二首屠岡詩二首武文斌詩四首凌霄詩二首梁永綸詩二首黃寶鑾詩一首周賡詩三首武蒞莊詩二首方寧詩一首李育詩二首張

錄詩二首。周之鑄詩一首。江訓詩二首。卷二十則為之選。自著詩七十有四首。其所以以自著殿其後者。則以此諸什。亦強半為投贈之作。編紵之篇。例得附焉。至於所錄諸人。大半為通門父執。文站師資。上自龍言。夔拊之賢。次亦蘇軾。曹吞之傑。淵源具證。朝野無分。褒而為集。可以傳世。若夫錄詩之多寡。則以投贈者為定。不加品評。不事選擷。但以時日畧分次第。誠所謂綴千花而同樹。裝百寶於一航者也。

續修四庫全書總目

卷

集部總集類

附錄傳記參考材料

杭州府志

杭郡詩輯

國朝正雅集

同人集首集三十六卷。次集三十四卷。嘉慶壬申朱氏小雲谷刻本。

劉啟瑞

金陵朱照廉輯。照廉別有小雲谷集。已著錄。事迹並已詳前。此則所輯師友投贈之篇什也。凡二集。首集三十有六卷。錄詩家三十有六人。曰沈虹。厲鶚。柯煜。孫天寅。胡天游。翁照。陳撰。申甫。董元度。邵岷。方貞觀。周振采。萬光泰。丁凝。李勉。劉巖。汪沅。張鳳。孫陳。以剛。錢大昕。姚鼎。邵晉涵。余寶頤。長住。孫星衍。洪亮吉。張問陶。金崑。李秉禮。陳如豐。徐夢元。單可基。許志進。陳如謙。王友亮。杜甲。都得古。近體詩四百二十有九首。次集三十有四卷。錄詩家三十有四人。曰宗聖堂。方績。蕭研。屠紹理。崇士錦。吳照。李元滄。吉彥英。黃永增。龔立海。瞿中溶。嚴可均。孫士恒。張克謀。孫履福。查林。陳潢。王鼎聲。姚元禧。黃本騏。陳運鎮。杜啟昆。吳階。朱振燦。孫琪。戴祖章。王至元。陳懋齡。戴衍善。戴衍祥。陳球。孫長估。朱成。朱溶。都得古。近體詩五百三十有八首。總得詩家七十有三人。古近體詩九百六十有七首。各為卷帙。不相雜廁。其例則以收到詩什之先後。

續修四庫全書總目

卷

集部總集類

附錄傳記參考材料

杭州府志

杭郡詩輯

國朝正雅集

為準不崇名位不黜隱逸但有契好或出問字者錄之並於集首冠以同人姓氏目錄識其名字與夫爵里既考其人且別淵源其人大都為一時名流如沈虹厲鶚胡天游陳撰申甫董元度方貞觀周振采萬光泰錢大昕姚鼐邵晉涵孫星衍洪亮吉張問陶陳如謙杜甲黃承增瞿中溶嚴可均查林杜啟昆朱成朱溶輩並有詩文之名聞於當世其人又大半各有專集信後傳今特是集所錄僅以投贈者為限蓋所以誌友朋鵠紵之交也至其選詩大旨見於自序畧

謂僕才同樗櫟心契芝蘭鑽仰於問字之亭私淑諸橫經之舍或尋聲韻而得賞音或交言論而喻同調祇此聞見所逮遂已蔚為盛觀茲集錄華東南之美列通儒之材望黃鵠手間羽振而宮沈雕績滿前實錦張而繡錯通德類情則異代接武揚風抗雅則珠塗同歸寸珠得照來之輝片羽見吉光之美或出或處若有同心一倡一和都為知己既臭味之無差亦形骸而罔隔取鑒於屈宋班馬亦艷亦香比觀於盧駱王楊誰前誰後良以銅山之鐘地隔而霜應晨風

之鐸音遠而津諧嚶鳴稿伐木之歌蘭臭繫斷金之義準是選理各有當焉用是彙為一編公諸同好云云可以見是書選旨乃有所在其所以名同人集者亦師冒巢氏選同人集之意也

附錄傳記參考材料

江甯府志



甬上宋元詩畧十六卷 光緒七年刻本 劉啟瑞

鄞縣董沛編輯沛字孟如號覺軒七歲能詩十一歲學古文未嘗為經生藝十九補博士弟子員汎濫四部編讀家藏書復求之同縣堙嶼樓徐氏抱經樓盧氏天一閣范氏繼至杭州借文瀾閣書閱之學極淹貫徐柳泉聞之引為忘年交會柳泉歿以修志事屬諸沛竟終其書人稱彈洽同治丁卯舉本省鄉試光緒丁丑成進士以知縣分發江西會稽趙撫叔薦之於撫軍充江西通志協輯官一年而歲事庚辰攝清

續修四庫全書總目

卷

某部總集類

江縣旋攝東鄉復補建昌再調上饒興舉廢墜延訪利弊巡歷鄉邨修治道路民皆懷悅稱為賢吏沛嘗謂居官無他惟在御下貴嚴治獄貴審催科不求勝於前人事上不苟同於流俗而已既歸田壹以著述為職志其生平著述殆無慮十數種如明州繫年錄等皆是此甬上宋元詩畧者則補果堂耆舊集所未備也書凡十有六卷卷一之十為宋卷十一之十六為元錄詩凡五千餘什詩家都二百六十有九人每家均注其出處與夫考訂視前人錄甯波宋元詩者

殆倍蓰矣卷首有自序畧謂鄞江詩派濫觴於漢唐

黃公採芝賀監還鄉其初源也有宋奎樓告瑞海隅日出之邦人文蔚起亦越南渡臨安建都馮翊扶風遂稱輔郡名公卿連袂接踵郁乎有文以泊山林隱逸寓公閨房之屬亦各出其才筆更唱迭和沿及元氏流風未艾攷諸志乘列專集者百數十家可謂盛也年運而往文獻衰替風霜之所剝蝕兵火之所困厄南北流離之所散亡慶篇蠹稿什一僅存後之人每欲網羅散失以存先輩文字之畧而茫茫千載前

續修四庫全書總目

卷

某部總集類

不見古人抑亦可慨矣明初鄭棖陽三世詩家也而文獻錄所載宋詩無一人戴南江張東沙陸敬身遞有纂輯皆詳於本朝而畧於先代果堂先生耆舊集出諸家遂隱然果堂於宋詩亦僅二十四家其於元詩則僅十二家也以吾鄞世壇風雅又得主持元會者為之參考舊聞而毫茫落散見諸書多為耳目之所不到此著述之不能無遺憾者也余束髮受書即知留心桑梓每遇諸家遺集行於世者露鈔雪纂不惜餘力又廣求之山經地志詩話說部之類每獲一

篇登即收採凡貫於鄞徒於鄞產於鄞者皆預焉而後宋元兩代之篇什始有可觀以視榮陽諸公非但不愧之而已昔謝山先生補甬上宋元詩託名其父原書久亡余從鄉人殷氏獲見其殘本祇五十翻耳袁陶軒四明詩萃鄭三雲四明詩存搜鄞詩頗富而鄭本錯雜無序散逸甚多袁本稍清楚然亦非完書也此集之成庶足慰諸家甄錄之心而吾鄉詩派有此重源亦藉以攷見其崖畧云爾據此知孟如搜輯之勤抉擇之當視前此諸家輯甬詩者殆已過之然

續修四庫全書總目

卷

集部總集類

細繹篇帙猶有未備如元音所載甬上人詩此集即多未錄此即其一例也

附錄傳紀參考材料

董縉祺撰江西建昌知縣董府君行狀

剡川詩鈔十二卷 康熙四十七年煙嶼樓鈔本

劉啟瑞

奉化舒順方董彥琦同輯順方字象坤號後村彥琦字韋躬號奇玉事蹟均不見於雍正七年修甯波府志乾隆三十八年修奉化縣志據卷首奉化縣令彭主訓序謂剡中理學名區先儒遺風漸漬者久其民勤儉質樸其士務實學地僻而事簡得考獻徵文及諸名下作筆墨緣所最心析者舒子後村董子奇玉皆嗜古博聞以明經課授里閭雖公事不一至長吏

續修四庫全書總目

卷

集部總集類

庭顧獨不予錄先時錄剡川明詩見寄數得未曾有云云知舒董二氏皆為經明而行修者是書專輯奉化先賢之詩起自漢唐迄於元明得詩九百六十有二首為卷十有二為類有六一曰講學諸公詩二曰修文諸公詩三曰顯名諸公詩四曰隱跡諸公詩五曰閨中詩六曰方外詩每類各為卷帙不相雜廁同類者各以其時代為次同時者又各以其生平先後為序每家各注小傳詳其出處信至善也其全書大要見於自撰小引畧謂剡上山水擅靈人文攸萃自



建置以來名公碩士接踵駢肩鴻章巨篇列屋兼鋪考之志傳信不誣也而風微人往時異地殊昔賢著述見者寥寥當代名流蓋當表章四明書舊輯有成書而吾奉聞無與焉亦緣流傳未廣蒐羅不逮用數闕如我輩目稍識字手畧知書以致文獻無徵風雅衰歇伊誰之責與且當時勢位身外浮名比於榮飄音過而性情心刀每托文字以傳使不得所附麗永垂不朽生其後者奚忍聽之思用博采遺篇徧求風構毋論金閨之彥蓬戶之儒流寓之高人隱居之逸

續修四庫全書總目

卷

集部總集類

老以至緇流羽客繡閣香奩凡有所作餘在不遺云云是書大凡蓋盡於此然考之甬上書舊編甬上宋幾詩畧等書所載是書所錄猶未稱備或闕詩家或敘篇什倘晉而錄之尚可補遺昔人謂前修未密後出轉精者殆可以以未密評是書矣

附錄傳紀參考材料

卷首彭主訓序

敦素園七子詩鈔七卷 乾隆己丑刻本

劉啟瑞

實應喬方立湯應隆劉兆彭湯襄隆劉玉慶喬大鴻喬大鈞等撰方立字宇之號楓亭諸生應隆字鍾律一字棕笠又號魯山增生兆彭字述民號野塘郡廩生襄隆字荆垣一字經園號漢亭增生玉慶字又徐號春浦乾隆丁酉拔貢以直隸州州判揀發廣西歷署巡檢有惠政積勞成疾歿後民思其德留其廣西大鴻字儀上號客浦廩貢生大鈞字東之號蕩江增

續修四庫全書總目

卷

集部總集類

生七子均能詩邑志稱其詩或渾厚淋漓或骨重神寒並各臻妙而品行端方謹嚴尤為邑人所稱是集乃七子合刻之詩首方正花兩香齋集次應隆借樹軒集次兆彭拳石山房集次襄隆古槐草堂集次玉慶深竹閒園集次大鴻槐陰樓集次大鈞聽雨草堂集每家各錄詩數十首各為卷第各標集名同集者又以詩體為次曰如言古詩曰五言古詩曰七言古詩曰五言律詩曰七言律詩曰五言絕句曰七言絕句同體者又以撰著時代先後為序例至善也是集曾



就正於嘉定王西莊西莊為之評云白田為淮南一隅地而特多汲古之士此七子尤其傑出者其會藝之所曰敦素園乃合刻其詩而介吳涇陽謁予為序予惟世之論詩者好尚各殊體製互異要其大旨總不離乎嚴儀卿別裁非闕學之一言何則宋唐音者其所持在意與格此以鍾鍊得之者也非闕學也做宋調者其所憑在才與氣此以馳騁得之者也亦非闕學也學者必穿六經傳鈎貫史事然後發而出其緒餘以為詩顧不善耶白田先達中表見者雖多予

續修四庫全書總目

卷

集部總集類

最服膺王子中博通經史言皆有物蓋非重其文辭而重其學也今七子者就詩而論格高而逸意深以至固已具體唐賢矣而涇陽則曰七子者年甚少志甚銳潛心根柢斷至於古之寧言者殆不欲徒以詩人名今姑先出其詩以為羔雁之資云爾然則七子其間予中之風而興起者歟其推許可謂備至又吳授高評其集亦謂諸子英年嗜學不逐時好而汲深於古所言必根柢經史吞飲騷雅其五古則希踪六代七古則取法盛唐近體最上者近王孟韋柳一輩

次亦不落明七子以降雖其才思所濬音響所流或以超逸飄渺取勝或以蒼古雄渾見長派別各有不同而要其含英咀華力追正始則一也云云二家均推重七子之詩不同凡俗蓋寶邑之詩素有盛名前乎七子者明有朱凌谿射陂王築夫清有陶季深陳水壑朱秋崖王樓村等皆為遠近所重七子乃能紹其緒餘發揚光大故所為詩皆極造詣雖晚年成就各有不同要皆戛戛可稱無間前賢而玉塵之詩尤其著者也

續修四庫全書總目

卷

集部總集類

附錄傳記參考材料

寶應縣志

國朝浙人詩存五律八卷七律八卷 乾隆戊子柴氏  
洽禮堂刻本 劉啓瑞

錢塘柴杰選註杰字臨川乾隆丙午舉人性孤介所  
投苟非其意輒夷然不屑以故於世少可多否師事  
雷翠庭魯秋塍兩先生梁階平吳雲巖沈枏園宋况  
梅諸老在粵東時多所唱和嘗箋釋從祖省軒明聖  
湖賦刊以傳世其父次山上含有集唐詩初二集臨  
川亦集唐詩二卷復自為箋釋世頗稱之乾隆十六  
年三月迎鑒獻詩越二日召試行官賜膳天厨賞給

續修四庫全書總目

卷

集部總集類

錄綴荷色有謝恩詩存集中年七秩舉於鄉八秩賜  
國子監助教尋歿此國朝浙人詩存者則其所選順  
治迄乾隆浙人之詩而又以五律七律為限外此者  
不與其例所謂錄古休意義深微初學未能領悟排  
律則選本亦多箋注截句于應試不合体裁故是集  
祇存五七律二種之謂也臨川既以律詩便於初學  
故分律詩為二帙先五律次七律各得八卷並加箋  
注以便士林其注原原本本徵引詳博殊得詩家真  
諦而選例亦復謹嚴可與沈歸愚別裁相似綜其大

較可得四端一是集選詩大半為各家選本所已錄  
者間有增選亦經斟酌而入大氏以溫柔敦厚醇正  
典雅為宗若稍涉疑似者則不選錄蓋詩以言志大  
則有關倫紀小亦足資博物如香奩無題等作似非  
所以理情性也二是集采詩大都本之於田枏禾西  
湖遊覽志蔣玉淵翁武源之清詩初刻李又玖之西  
湖志沈歸愚之國朝詩別裁集者居多而詩家事跡  
則又得之於王丹麓今世說鄭方坤國朝名家詩鈔  
小傳者為衆倘別家文集所稱有可采者亦間錄之

續修四庫全書總目

卷

集部總集類

三是集編次略以科目詞人為序依國朝詩別裁集  
四朝分別之例而小變之一卷為順治朝科目二卷  
為順治朝詞人三卷為康熙三十年前科目四卷為  
康熙三十年前詞人七卷為雍正朝科目詞人先後  
錯列八卷為乾隆朝科目詞人先後亦錯列之均不  
論五律七律概以是為準四是集箋註務取詳明不  
彈絲縷以便初學俾知詩人下字無一字不本古  
人浸淫貫穿不惟可免杜選之弊亦為寒瘦者之藥  
石若所引典實已見前者則不復述但注見前某

人詩下而已。綜此四端是集大凡可以緣見。蓋是集之旨。重在箋注。故選錄既夥。分體又略。與別家選旨。務為博大者迥不侔矣。

附錄傳記參攷材料

杭郡詩三輯卷十四

續修四庫全書總目

卷

集部總集類

皇越詩選六卷 傳鈔本

劉啓瑞

越南裴璧言輯。璧言字布章。青池定功人。景興三十年。正進士。累官入侍行參。從丙午夏出為監軍。亂後以疾卒。時當清初。康熙七年也。是書乃紀越南帝王名臣宿儒雋士之詩。凡六卷。先錄帝王。亦尊君也。次則略以時代為序。計卷一錄李朝陳朝黎朝帝王之詩七十首。卷二錄李朝陳朝諸家之詩一百卷。首三錄黎朝國初諸家詩一百首。卷四錄黎朝諸王及光順洪德諸家詩一百三十首。卷五錄黎朝景統

續修四庫全書總目

卷

集部總集類

以後諸家及黎朝光興以後至景興初年諸家之詩九十有九首。卷六錄黎朝景興中晚諸家及璧言自作五十有九首。都錄詩五百六十首。而越南歷代之詩。蓋虛備矣。按越南僻在南海。文教素著。聲明文物。不亞中朝。其間名雋所作篇什。亦殊得風雅遺意。惜乎中土選集。向無采輯之者。以是淹沒不彰。傳誦無由。而越南自輯總集。又苦流行不廣。此書即其一也。是書卷首自引。曾述其故。並言其詩道之盛衰云。昔潘公孚先始錄有陳興國初諸名作為越音詩集。李



公子晉就加評點。繼有楊公德顏精選集。黃公德良摘艷集。吾業師延河先生又奉編全越詩錄。溯有李朝距洪德蒐輯特倫。經兵後輒取而節之。食載景統迄今若干首。末附拙作。命子弟輩抄錄。蓋未能博選諸家。以續前編。天降亂併。懼其逸也。聊粗摭輯。取其便於巾笥。間私自索覽。而非敢以抗夫潘楊黃黎四君子之書也。嗟夫。詩之為詩。三百篇其至矣。漢古詩十九首。猶為近之。自是以還。冲淡稱陶令節。沈確稱杜少陵。飄逸稱太白。彼其骨格特異。要皆有深趣。

續修四庫全書總目

卷

集部總集類

者也。我越自有陳與國。初其氣稍渾。洪德清麗。末流浸弱。中興迺朴拙。永盛保泰。更為通暢。近年頗尚意格。繼今而作。殆將有大雅之遺響者歟。抑聞之。詩言志。后愛教胄子。以詩歌聲律養其性情。直而溫。寬而栗。剛而無虎。簡而無傲。夫子論詩。蔽以思無邪。一言苟能從事於此。而審擇焉。是亦所以治心而養氣矣。僅悅夫文藻而已哉。云云。凡越南詩教之消長。是書編次之大齊。可於是引徵之。考越南建國。歷時久遠。中土羈縻。向稱藩服。其政教文令。多習漢化。

為詩歌。亦其一端。特聲調格律。每殊中土。誠以地僻言異。研詩殊途。平仄既難準確。興實又苦艱澀。歷祀相沿。未能更革。故是集所錄。不免斯弊。然達方總集。每苦無徵。今賴傳抄。尚見一二。以之備選。即已稱幸。若云求全。則近苛矣。

附錄傳記參攷材料

本書卷六裴壁言自作詩首

續修四庫全書總目

卷

集部總集類

詩錄十五卷 康熙丁卯刻本

劉啓瑞

古安成王辰選辰字萊山別署無住道人事迹無攷據卷首王漁洋序稱其為良朋蓋萊山為漁洋之友故如是云然漁洋感舊集不著其名又未知何故以是辰之事迹竟不可攷但知與漁洋同時為康熙時人而已是書專選唐宋元明四朝之詩以體制為類別計五言古詩為卷四七言古詩為卷五五言律並絕句為卷三七言律並絕句為卷三均各為卷第各自起訖其同休者則以時代為序論其扶擇於唐則

續修四庫全書總目

卷

集部總集類

得一百三十有二人選詩八百二十有九首於宋則得一百一十有一人選詩七百八十有八首於元則得四十有九人選詩一百八十有三首於明則得一百五十有六人選詩七百七十有一首而四朝方外又另為一編得三十有二人選詩一百十有五首都得詩二千六百八十有六首詩家四百八十人凡四朝名家悉在是焉按是書所選重在分體故於古詩則自論云七言古詩如古樂府及古歌謠本協宮商諸律呂句簡言至可雅可頌後流為百數十言如駱賓

續修四庫全書總目

卷

集部總集類

王之疇昔篇元微之之連昌宮辭白樂天之琵琶詞皆數百言岑儲王劉李杜又正以長見奇李長吉七言古絕佳其妙處亦在鋪麗闡濬近代李獻吉王子衡明月篇以賦似騷灑灑洋洋亦稱俊作狀則後人之長篇古人之短篇各有極至未可偏廢獨古人巷譚俚曲不同今韵而今人文辭侈張去古反遠耳三百篇四言後增五言又增七言七言又有長短句之不同夫盡其才之所至咏歌不足繼以嗟嘆忠臣孝子貞夫節婦山客遊人高僧隱士得志於時不得志於時人各有言皆於詩乎發之安可以字句限也今君執字句以限詩謂短者古而長者不古則如近時之八股藝程文短而墨卷長皆係今文謂長者今而短者非今可乎時有升降詩亦隨之古人處今當亦如今也因錄七言古長詩獨多蓋為此也其於近體又加論云七言近體比五言近體較難在唐詩李杜罕得佳何況餘子世人於唐每分別盛中晚又謂宋元明大半類晚唐狀使盛唐人處中晚當發新聲中晚宋元明人處盛唐豈得不循故轍僕見中晚

七律到有盛勝唐處宋元明七律到有勝中晚處未  
可以時代相上下也僕亦喜作詩於五七言律則攢  
眉蓋思近時人律詩如神廟籤語又似乞兒唱蓮花  
落不如勿作耳曹能始病鍾譚評詩似卓吾之評史  
言評史欲其盡評詩不欲其盡此語蓋謂詩溫厚和  
平貴有不濫不傷意然詩與史何異評詩與評史又  
何異不盡可盡亦未始不可也僕原不欲加評註因  
手錄時合意處或一字用兩圈或一字用一點或偶  
著一批語不以我同人亦不強人同我在具眼人又

續修四庫全書總目

卷

集部總集類

當另尋好處著評註勿以余評註為是否而遽知罪  
我也七言排律殊苦不得佳槩未錄姑以七言絕附  
七律云云之此二論於詩體之流別詩家之淵源詩  
道之盛衰詩選之良窳蓋已盡之而集中評註亦頗  
確當不落尋常窠臼蓋能深得漁洋之詩旨者是則  
其書之選佳與否要亦可以推知為何如也

附錄傳記參攷材料

卷首王漁洋序

聊城耆獻文徵三卷 宣統元年聊城縣署刻本

劉啓瑞

聊城葉錫麟原輯新維熙續輯錫麟字雲台咸豐元  
年舉人累官高苑縣教諭維熙字約齋光緒時優貢  
生累官莒州學正二人者並經明而行修品端而學  
粹足以楷式里閭型表鄉閭者是書原為雲台所輯  
本與邑志藝文不分逮約齋續修邑志始離而為二  
名曰耆獻文徵而別署為雲台原本而實非雲台原  
輯卷首有約齋弁言略述斯事之顛末云葉雲台先

續修四庫全書總目

卷

集部總集類

生續纂聊城志稿特注意於藝文一門廣事蒐輯多  
逾百篇然如府廟學記郡愛道碑有為縣志所不宜  
載者又如諸先達詩文集序家傳墓志有為志乘不  
及詳載者而片羽吉光要皆鄉邦文獻之精神所寄  
概擯棄焉未可也爰擇要采入藝文志為一邑政令  
風教之助而以其餘薈萃成帙揭其目曰耆獻文徵  
云云是則新氏此輯乃據葉氏原本而補既以大要  
者入之邑志藝文更輯葉氏之所未備者復為耆獻  
文徵體例至純前類亦當其分類也約有三端一曰



序記始唐迄今在唐則有顏真卿武水孫逖集序孫逖送康君虛赴任金鄉序等在金則有元好問南冠錄引中州集引等在明則有南京刑部主事謝肇淛傳伯俊詩序王汝訓少保李公奏議序等在清則有孫光祀任大司寇奏疏序又工部尚書朱嵩若先生奏疏序等二曰傳狀始元迄今在元則有周馳閑郭公家傳等在明則有東平宋祖舜耿中丞公傳等在清則有宋弼少保大學士傅公傳等三曰碑誌始明迄今在明則有田濡東昌府崇祀芹山陳公碑丁懋

續修四庫全書總目

卷

集部總集類

儒東郡定原呂公遺愛碑等在清則有韓葵兵馬司指揮襄宸朱公墓志銘方苞東昌鄧峰亭墓表等都得文六十有四首介為三卷類各一帙其有一類而文無者更析為二卷如序記類為卷二曰卷上曰卷又上碑誌類為卷二曰卷下曰卷又下是也按聊城為山左名邑地屬兗州至春秋為齊西鄙迨魯仲連射書聊城而名迄今因之密邇鄒魯漸聖人之化雖世代嬗變而彬彬文學風俗樸茂一洗功利誇詐之習至明為東郡首邑美雋蔚起鴻儒卿相領袖人倫

文學吏治砥行慕義之士亦如顯名振俗甲於屬邑逮至清世文運大開名諫詞林聯翩鵲起稽之志乘可以覆微惜乎蒐之而為總集者未之前聞而邑乘藝文又苦簡陋洎于葉氏重修邑志始為廣輯方有文徵降至靳氏益宏製體於是聊城文獻燦然大備世之論人文者蓋當有取此矣

附錄傳記參攷材料

聊城縣志卷首

續修四庫全書總目

卷

集部總集類

南菁文鈔初集六卷二集六卷 初集光緒十五年刻  
本 二集光緒二十年刻本 劉啓瑞

定海黃以周選以周字元同同治九年舉人由大挑  
教職歷署遂昌海鹽於潛訓導補分水訓導光緒十  
四年以保薦賜內閣中書銜十六年複以保薦奉旨  
陞用教授旋補處州府教授二十五年卒少傳父式  
三學以禮經聞於世所著禮書通故尤為世人所宗  
仰當其初解教職也江蘇學政黃體芳聘主南菁講  
舍凡十有五年又兼課寧波辨志精舍諸生經成就

續修四庫全書總目

卷

集部總集類

者甚衆此南菁文鈔者即以周主南菁講舍時所選  
諸生之課藝也書凡二集初集為光緒十五年所選  
二集為光緒二十年所選均六卷其編次先經次史  
次詩賦次算學其二集亦如之而經又分易書詩周  
禮儀禮記春秋左氏傳公羊傳穀梁傳論語孟子  
孝經爾雅更殿以說文廣雅廣韻集韻諸類其史部  
亦分史記漢書後漢書三國志晉書南北朝史隋書  
新舊唐書新舊五代史宋史遼史金史元史明史諸  
類其詩賦則先賦次詩詩以古今體為先後算學則

以勾股開方幾何為次焉其間課藝殊有可稱說經

則不列今古論史則務求確切詩賦則兼色唐宋算

學則折衷徐梅均言之成理持之有故非同凡響如

集中論車制之說即其一例初集卷一有陳慶年重

較解云衛風淇澳之重較毛傳但謂卿士之車而未

詳其制戴東原謂左右有兩較故曰重較然詩言倚

重較兮倚即騎車亦左右兩較不言重倚而獨言重

較似非即指左右兩較為言考說文轉車旁也輒車

兩轉也耳耳下垂也較車耳反出也蓋車兩旁謂之

續修四庫全書總目

卷

集部總集類

轉轉上橫木謂之較較有反出之耳謂之較於車耳  
反出之較上又重起如角謂之重較古今注所謂車  
較重耳也重起如兩角然是也說文較車上曲鉤也  
此正得周制曰曲知較並非直木曰曲鉤知較必上  
曲如鉤格也形如鉤格曲而上起故古人謂之重較  
釋名以較為辜較因較乃辜推尊卑故云然江氏慎  
修戴氏東原於較制已沿舊說又謂車制尊卑皆左  
石兩較而議毛傳為非近之言車制者皆能正之云  
云說頗精切微引確當誠可謂得以周之真傳矣其

餘諸子所說亦率類是均能要言不繁有條不紊無新奇之說無勦襲之嫌晚清書院課藝之作要當以是為巨擘焉

附錄傳記參攷材料

清史列傳

續修四庫全書總目

卷

集部總集類

嘉定詩鈔初集五十二卷二集十八卷 道光癸卯黃氏刻本 劉啓瑞

嘉定莊爾保輯爾保字桐卿一字桐生金華縣知縣東萊子嘉慶時恩貢生性坦適敝衣冠終歲不易與人交煦煦偶詣之牽裾不欲別至聲氣勢利之友則置弗通也其餘詩文視若性命讀書之暇精究醫理知好招之輒往中年後時病亦不能自療也平居工愁憂怨之色見於眉宇竟以此傷其生嘗選嘉定詩鈔兩集謂欲見作者之長不得限篇什之多寡欲窮

續修四庫全書總目

卷

集部總集類

体裁之變不得立宋唐之門戶闡發幽隱此事大難以故悉心甄錄去取靡不精當黃檗父主簿為刊行之即此本也是書初集五十有二卷錄詩家五十有二人二集十有八卷錄詩家五百十有一人總得詩六十餘首其二集詩家所錄視初集為衆者即此例言謂凡一家得三十首至三百首以上入初集餘入二集亦以所見多少為別非敢有所軒輊之謂也按嘉定人文久已盛著其錄之而為總集者始於明世如瞿廣文啓英練音集是也爾後清世益用摹王



明經如齋有續練音集之輯名曰劉朝練音集候上舍鳳阿有嘒城詩選戴上舍冰揆有嘉定詩徵林明經厚堂有練雅張文學華坪有練續雅均搜羅廣博抉擇精當惜乎已梓行者惟翟氏練音集王氏國朝練音集二種而已翟氏練音集昉自宋天聖訖明宏治王氏國朝練音集則始自順治迄於雍正甲辰逮及道光已越百年其間文獻更多可稱故桐生此輯乃補諸家所未備者以是編選之例其先後悉依練雅續練雅不更旁攷其增補及後續編者亦但

續修四庫全書總目

卷

集部總集類

約計年代至齒序輩行則不復詳徵他如分別流寓則凡他邑人入籍者據志乘暨各選本錄入此其一也又如分別地域嘉定寶山自雍正四年析置後例不統屬惟當分縣之際年歲無攷者則依練雅錄入此其二也又如分別時代則凡前明遺老略鈔數家從顧氏元詩選之例此其三也又如分別類次凡閨秀之詩均另附後倚寓者則依練雅例錄一二至方外本無定居若曾駐錫者則皆鈔錄此其四也四端之外例皆與各家選例相同如姓名下各記小傳者

是也其不同者則凡遇詩家有專集者皆不錄如汪文學三懷孫學士松坪趙大令蒙泉張太史匠門王太史補亭張徵君樸村張宮詹南華王光祿西泚錢宮詹竹汀張文學擔伯王郡博易圖王二尹竹所等俱有專集行世流傳已久均不復更錄凡此皆其選集之大齊也

附錄傳記參攷材料

葛其仁撰五友傳

續修四庫全書總目

卷

集部總集類

韻香書室圖題咏集不分卷 道光丙午德化蔡氏瑯

環別館刻本

劉啓瑞

德化蔡殿齊輯殿齊別有國朝閣閣詩鈔一百卷已著錄事跡並已詳前此則其所輯諸家題韵香室圖之詩也韵香室圖者殿齊悼亡所作也殿齊初婚於萬名篆卿克盡婦道兼嫻文翰閣中倡和儼如師友殿齊既遭婦喪踰時而哀不渝斯圖之作蓋有不能已者既而殿齊聯捷成進士入翰苑改編修傳示同官咸欽其篤於伉儷因各題詩以歸之一時名雋俱

續修四庫全書總目

卷

集部總集類

在其中都詩一百二十有五首詩家七十有四人曰卜葆鈴殷壽彭黃贊湯沈元泰許振初王璋慶陳鍾祥黃霖祥翁同書黃琮蔣琦高李明農陳枚吳賓嘉李載熙李臨馴殷兆鏞馮桂芬周初金肇洛李永霖黃兆麟吳廷燾鍾音鴻鄭大誠顧開第王在張百揆湯雲林潘世恩黃爵滋潘曾瑩史高藩時馥邵綸匡源廉師敏馬鐸和滔和潤卓樞周炳鑑陳壇劉繹孫銘恩王沆濟達何桂清龍啓瑞曹炯李道生顧嘉衡許乃普甘守先范承典車順軌范元亨朱鳳標全日

瑩戴成元李鴻賓梅曾亮張祥河陳傳均朱士林

汪廷儒蔣啓敷李芝昌陶恩培崇恩朱琦王景瀄者

英每家題詩或一二首或四五首不等古今體詩悉

備其間題詩最切者要以潘世恩等詩為最世恩

詩云萬卷琳瑯護碧紗讀書曾共惜春華誰知一

夜秋風急吹折人間並蒂花又云五十年來舊恨留

青天碧海夢悠悠披閱轉為添惆悵潘岳而今已

白頭又如黃爵滋題詩云蘭葉碧依三徑老蕉花

紅映半窓新壁間遺柱依然在不見當時寫韵人

續修四庫全書總目

卷

集部總集類

又云深致謝家難比似高才班女信堪傳傷心贖得春鶯句風月無邊感木天又如梅曾亮題詩云綠窓寫韵憶同功果見常揚侍禁中莫歎拔釵人不見佳音早入陽邊宮又如朱士林詩云望履情切儘踟躕製誅微詩倩作圖不比道人工幻術仙山縹緲絕虛無又云書遺唐韵驚鴻渺仙去空庭皓魄寒營奠營齊等閒事辨香常展畫圖看又如汪廷儒題詩云漫說還家換白衣秋風寂寞掩柴扉吟囊展對情憎重琴軫思調願早違竹外曉烟禽獨語花陰明月



鶴雞歸彩鸞仙去文蕭貴手種仙株已十圍並題詠  
 工切揄揚相稱不為溢譽不為艷辭殊得蔡氏題  
 之旨按蔡氏為當時才雋與錢唐陳雲伯相似既  
 為婦選閨閣詩鈔並以婦作入之一時名士並有稱  
 道乃未幾婦逝因作斯圖以哀之同官諸人遂互相  
 題咏以紀其事殿齊又從而輯之遂哀然成帙流傳  
 至今讀之者猶欽其用情之摯不徒以各家文藻見  
 也是書不分卷首錄圖次錄諸家詩次錄閨秀題詩  
 次附殿齊撰萬夫人墓志銘蓋藉以傳其事跡也

續修四庫全書總目

卷

集部總集類

附錄傳記參攷材料

德化縣志

慰託集十六卷 道光五年黃氏刻本 劉啓瑞

嘉善黃安濤輯安濤字凝輿嘉慶十四年進士改翰  
 林院庶吉士散館授編修二十一年充貴州鄉試正  
 考官尋出為廣東高州府知府調潮州以告歸安濤  
 彈見洽聞文辭傑出服官多惠政斷獄依經義不規  
 規於成法初蒞高州俗好訟多積獄安濤檄屬州縣  
 書兩造辭揭通衢約以期自至逾期則削其牘不復  
 聽未一年平獄以千計潮人好私鬪死則市人代抵  
 名曰宰白鴨前守多不窮治安濤曰此長亂之道也

續修四庫全書總目

卷

集部總集類

我不可以襲之獄上有覺非其真殺者輒語曰若但  
 弗承毋他慮獲犯則釋若然往往緝得之終任未嘗  
 殺一代抵者所至好扶植士類歸後主上海講席以  
 詩酒自娛有嫉之者遂不復出日與吳中名士聯詩  
 鬪酒詩勁直幽峭著有詩娛室詩息耕草堂詩真有  
 益文編等多梓行此慰託集者則其所輯先世素交  
 及安濤師友之詩其例言所謂是集專錄先子里閭  
 舊交及安濤自幼所奉教兼有捧袂之素者所以承  
 先志而存執友之謂也是集凡十有六卷錄詩家十



有一人曰沈大成曰釋本白曰朱元秀曰張學載曰宗濤曰錢階泰曰孫姓曰顧魁曰黃愷鏞曰汪繼熊曰張璜並乾嘉時人每家錄詩或一二卷或二三卷不等或數家合為一卷均視其詩什之多寡而後定其例所謂是集因人存詩詩多者存亦多詩少者存亦少與選家斤斤於去取者不同之意也又是時安濤方居粵東行篋所度詩什寡少即其父執之詩亦不盡刪況其師友故其例又云先子故交詩人集外尚有一二即安濤文字之友已下世而遺集待傳

者某某亦可屈指是集編於粵東僅就行篋所携采錄云云是因此集所錄止於十有一人而已至其編次略以詩家年齒為序歲長者則居首集中有黃愷鏞者安濤之伯父也歲亞於孫姓顧魁故次於二家之後然高於汪繼熊張璜故又列斯二家之前其所軒輊蓋亦有故存焉至於選例則又有說歷來選家於方外一門每附於簡末而此書所錄釋本白者則僅次於沈大成後而列朱元秀先與各家選例不合然其例言謂上人與先子交最深茲列於瘦客沈

先生之次蓋仰体先志不復援常例之意要為美中之不足也若夫是集之名所以定慰託者則取任昉答劉孝綽詩詎慰蒼嗟人徒深老夫託之語乃安濤引以自況者也

附錄傳記參攷材料

清史列傳

寓園詩鈔不分卷 傳鈔本

劉啓瑞

嘉定李宜之撰宜之字繼仲號寓園明末諸生世居南翔里明翰林李名芳子舉人李流芳猶子也三歲孤長負異才博綜今古下筆千言家有猗園海棠一樹大數圍奉常文酒之燕一時名流畢集會明亡家為亂民所害子死園易主樹亦漸枯因寓居以終世人惜之順治時世祖曾於海淀覽其參定秣陵春曲問寓園主人何姓名祭酒吳偉業以嘉定縣故生員李宜之對論者惜其已卒著有猗園詩集寓園文集

續修四庫全書總目

卷

集部別集類

他著頗多俱尚繁富詩尤有才思練音集收其詩入明世謂為明末不可多得之士此寓園詩鈔者則為猗園詩集之遺而又為各家選集之所未載者存首都百餘首大抵多嗷殺之音蓋其運會使然也集中如感事詩序有云余以甲申十月到留都至己酉五月猶帶客邸目擊時事感慨係之直吐狂言不辭賈罪抑不知聞之者有戒心否也云云可以知其作詩之旨是詩凡八首大半為憂時感世之言其他諸什亦多類是然其間居感興諸詩則猶存溫柔敦厚之

意如問居詩有云隨分栽桑藝黍麻盡拋越柳與吳

花十年浪走窮方悔五畝閒居老自嗟皇甫士安原不仕仲長公理更無家捨生終愧黃泉友留得繁霜點鬢華又云棲棲兀兀爾何求綻盡青鞋白盡頭字值千緡無處賣詩於一鶴有人偷桃花鶯燕前生債桂子蟾蜍宿世仇不待閻棺先論定功名除折為風流又云沽酒牀頭恰有錢東鄰舉網佐烹鮮頓忘年老賴春夢漸覺日長貪晝眠讓與他人求祿爵更於何處覓神仙是明朝事都休問不苦吟詩且一篇又

續修四庫全書總目

卷

集部別集類

云讀書真是吾儕事未死書還讀幾回白髮青燈珠有味青苔白骨不須哀偶聞秘快求人去正展殘編畏客來此外尚餘閒繫戀清歌一闌酒三杯又云可無一盞錢殘春春酒開紅味已醇傲世眉頭開鎖鑰憂時腸角息車輪可談風月蕭閒客兼注蟲魚磊落人未必獨醒真不飲嘔醺我欲勸靈均此五律並言微而旨深情真而意切既述遭遇之淒涼蓋達窮愁之曠達苟非深於詩而澄於性者曷能臻此平澹昔陶靖節有咏貧士詩乃所以自况今宜之是作殆亦

師其遺意歟

附錄傳記參考材料

嘉定縣志

續修四庫全書總目

卷

集部別集類

周總亭集十卷 光緒己卯家刻本

劉啓瑞

丹陽周玉瓚撰。玉瓚字熙賡，號平園，一號瑟庵。晚號  
憩亭。道光丁酉舉人。甲辰分發河南，歷署正陽縣知  
縣。在任六年，卓有善政，調補滑川，以勞瘁卒。生平天  
性純篤，既孝且友，家貧或至斷炊，然不以溫飽為念。  
游庠後，仍受業吉雲巖之門。雲巖者，邑名宿也，愛其  
才，不計修脯。既而肄業揚州，數以詞賦就正吳穀人。  
穀人激賞之。三年，歸名滿大江南北。然憩亭雖以文  
章名，而不忘用世，當其治正陽也，獲盜匪防粵寇，輸

續修四庫全書總目

卷

集部別集類

糧穀增員弁，編保甲，緝奸宄，增驛站，繕軍械，百務叢  
集，皆各有當。大吏稱其能，及調滑川，一如治正陽時。  
以是世皆稱其有吏才焉。此詩文集者，則憩亭歿後，  
子友松所重訂，計得詩三卷，詞一卷，文四卷，四言頌  
贊等一卷，駢體文一卷，都十卷。其詩文大抵平正通  
達，不為詭激過高之論，而皆可見之施行。如讀陽子  
遺書，亭林郡縣論，時務策，詠史八章，冬日田家詩，水  
災歎，其尤著者。然後知其政事文章之蘊蓄者深，而  
及人者遠也。又其詩祖選宗唐，故其胎息深厚，風骨



雄健有凌厲一世之概其古文獨抒己見而曲折以達之非苟為炳炳烺烺者今集中諸詩佳者舉其例如咏黃葉次劉時庵韻詩云江住江南水上村疎林到處寫秋魂窗前月淡人思酒渡口風多客閉門飛滿蕭參迷菊影布成金地掩苔痕道書讀罷根前坐一片栖鴉夜色昏又云幾樹驚秋半未彫林邊迴望總迢迢芳爭二月紅嫌俗瘦入西風綠暗消疎雨荒臺過廢苑斜陽古寺認前朝山家轉覺豪華甚埽向塔前似蠟燒又咏紅葉次劉時庵韻詩云受得霜多

續修四庫全書總目

卷

集部別集類

色更妍高低紅襯沈寥天山亭送客蕭蕭雨石徑停車漠漠煙韓女幽懷詩暗寓錢王鄉樹錦初纏寒林一帶全如畫欲買胭脂上蜀箋又云不須蕭瑟感西風十月無花葉轉紅頰上秋情連紫塞江邊客思冷丹楓醉來顏色韶光借老去文章造化工更向前山應有興人家搖袖已玲瓏四詩並咏事親切造句艷麗格雖不高而調自工意雖不新而韻自穩要皆於詩用力為深己一歸於平淡無奇矣至其為文亦復類是詞則淵源於草窗者為多蓋憩亭乃一儒吏故

詩文得兼擅如是也

附錄傳記參考材料

丁紹周撰周憩亭墓志銘

鎮江府志

丹陽府志

續修四庫全書總目

卷

集部別集類

有餘地遺詩六卷 咸豐辛亥邱氏家刻本

劉啓瑞

吳江邱孫錦撰孫錦字餘甫號畫堂嘉慶時歲貢生當其年未弱冠即補博士弟子員工於詩古文詞尤善書法求者無弗應歷試優等三膺鄉薦未得售卒以歲貢終篤於天性待人誠懇周至遇善舉必委曲成全之中年喜閱性理書記功過格自繩極嚴時以前人嘉言懿行為後輩訓性好戒殺放生晚參佛乘而文字語言從此不甚著意有所作輒隨手棄去不

續修四庫全書總目

卷

集部別集類

存稿道光甲辰卒時年七十有二著有有餘地遺詩四卷既歿子曾詒獲為補輯得二卷都六卷存詩三百餘首介為六帙而各標集名曰看菊集曰探梅集曰訂遊集曰雲水集曰苔岑集曰西空集曰杏雨集曰品蘭集凡八集略以作詩年代之先後為次其詩以工整勝如雨後行園三律云風雨連朝獨閉關清和天氣尚春寒餘紅似燒吹還著新綠成霜曉未乾習靜生殘香一炷尋詩數編竹千竿登樓何事差堪喜西北雲間見翠巒又云一林空翠落階除四敞軒

窗樂有餘水澗硯池長聚墨風來几簾乍捲書禽聲

帶濕新晴後茶味回乾送客初不減秋翁清興在也

從首夏賦幽居又云雨餘日影畫添長草氣初薰發

衆香雲盪微波輕作浪榴然新火漸生光殘花落地

蜂銜靜飛絮漫天燕剪忙獨上小橋看魚戲如錢荷

葉滿池塘俱清潁瀏蒞不落纖氍可謂深於格律者

其他諸詩亦復類是其從子彭壽評其詩云伯父秉

資純篤門內怡怡幼承曾大母陳安人慈訓暨胞叔

祖二如公庭訓讀書務植根柢著述必期發明經傳

續修四庫全書總目

卷

集部別集類

之外兼愛程朱精理及名儒格言發為詩古文詞醞釀冲和具根至性自道光癸未前楮護具慶愛日舒長半係在陰之和孺慕天懷油然而藹然溢於言表即友朋兄弟間更倡遞和韻競夫又標新領異中仍復歸於中正和平不失規風之旨蓋得於三百篇者深矣生平最嗜樂天樂府時與猶子輩講論及之輒津津背誦數過故集中古作哀感頑豔悱惻動人香山遺則也七言出入劔南石湖間而五言一氣磅礴純乎唐音此皆先君子與後輩道及云然非出自小子

之管窺也云云於畫堂詩學之淵源造詣之深淺格調之壇化流派之異同並殫述而靡遺誠可為是集之定評矣

附錄傳記參考材料

蘇州府志

吳江縣志

續修四庫全書總目

卷

集部別集類

清容堂詩集十卷 家刻本

劉啓瑞

松江吳樹本撰樹本字芸開一字貞生號銘茶乾隆乙酉順天鄉試舉人辛卯進士改翰林院庶吉士明年授編修充四庫館分校方略館纂修一統志分纂五十六年試翰詹以優等超擢侍讀學士充日講起居注官總纂南巡盛典嗣累充教習庶吉士功臣館纂修當其為編修也典陝西湖北鄉試同考會試各一其為學士也同考順天鄉試典武鄉試各一衡鑒公明士論翕服逮六十年以主閣試遭程觸暑竟卒

續修四庫全書總目

卷

集部別集類

於道其生平詩文致多而手定者則僅清容堂詩集十卷都存詩五百餘首介為十卷略以編年為次計卷一為戊寅至庚辰詩存詩四十有二首卷二為辛巳至癸未詩存詩四十有九首卷三為甲申至辛卯詩存詩五十有三首卷四為壬辰至丙申詩存詩三十有六首卷五為丁酉詩存詩七十有六首卷六為戊戌至己亥詩存詩七十有五首卷七為庚子至己酉詩存詩三十有九首卷八為庚戌詩存詩三十有七首卷九為辛亥至癸丑詩存詩六十有四首卷十



為甲寅至乙卯詩存詩六十有九首其詩古今體悉備而要以登臨懷古之作為勝集中如咏衛河柳詩云西風衰柳影蕭蕭落盡長條更短條霜月荒涼憐永夜關河蕉萃自今朝十圍易數年華逝千里重羣別緒遙攀折不堪勞遠望長堤回首最魂消又如彭城懷古詩云英雄百戰竟亡身千古重瞳恨未申并聚五星終王漢兵觀十壁孰阮秦歌虞有淚揮垓下戲馬無基問水濱太息君王能將將中原得底定何人又如雨中過沙河口詩云綠簾青簫一漁翁搖蕩

續修四庫全書總目

卷

集部別集類

輕舟下釣筒正是江南梅熟候一河煙積雨濛濛俱格律工整情韻搖曳得漁洋之旨錢唐吳穀人評其詩謂綜其終始蓋有數變初銘茶少年釋褐入木天風筆雲搖鸞鏗而鳳應當其時詩固豪甚及散館後歸而為八閩之游所過山川詭異悉以清峭之句發之論者謂其詩於山水為尤宜既而遠京驟獲拔擢累轉清要復試閩中方謂其翔雙溪之流弭三山之棹尋釣龍之故迹追嘆為之舊遊不難重締吟緣更標奇賞乃遽病歿世人惜之總觀篇什其春和雅

之音可謂無愧於作者而溫厚渾至又誠如其為人焉吳氏此評見於首序述其推重可謂甚至若釋其詩文誠確論非妄評也

附錄傳記參考材料

吳省欽撰吳銘茶墓表

吳孝顯撰吳銘茶墓志

松江府志

續修四庫全書總目

卷

集部別集類

鐵庵遺稿不分卷 傳鈔本

劉啓瑞

嘉定吳康侯撰康侯字得全一字定遠號鐵庵明崇禎己卯舉人康熙初知浙江武康縣始至吏循故事進五百金卻之素負勇力徒步可二百里山中多盜躬自禽治遂絕跡有虎患率獵人往捕手鐵槊數十斤所擊輒斃嘗夜行見草中巨石似虎擊之石裂為二以本籍奏銷案罷歸家多積書客至無容膝地善畫龍虎松石自言武康捕虎天都觀松石後不特精畫理兼悟文法卒年八十詩才豪逸有奇氣所著小

續修四庫全書總目

卷 集部別集類

山集鐵庵詩文集外有北行南歸日記等此鐵庵遺稿者則為其猶子所輯乃前此諸集所未載者錄詩凡九十餘首強半為登山臨水之作一以古傲奇兀出之集中詩如登九華天台峯詩云天台絕頂高崔巍孤峯秀出芙蓉堆長江東下渺衣帶彭蠡西注如流杯萬仞懸厓古冰雪三春九夏何曾開月鳴中夜猿哀嘯仰視北斗西南迴凌風我欲招白鶴子明太白歸手來氣勢磅礴格調沈雄讀者恍如置身莊嶽之間可謂善於寫景者至其律詩亦多類是如登輔

續修四庫全書總目

卷 集部別集類

巖題壁贈山僧元止詩云水繞千巖落日西孤峯直上與天齊人依紫極星辰近身在青雲日月低白晝春深惟聽鳥清宵地迴不聞雞何年共結廬山社長嘯扶筇過虎溪又如咏銅官山石燕洞詩云花落雕梁社燕稀嵒扉寥寂勝烏衣常依洞裏煙霞宿不傍人間門戶飛衡雨自隨山帶出拂雲長向水簾歸舊時王謝飄零後只羨丹崖鎖翠微二詩俱古奧淵深嶮奇磊落而清新秀逸處又別具瀟灑出塵之概是乃深於詩者或出以秀俊或出以奇古在屈引中所

之無不如意誠可謂醇乎醇者矣

附錄傳記參考材料

嘉定縣志

香月廊詩存二卷 道光二十八年揚州刻本

劉啟瑞

甘泉文汝梅撰汝梅字用和號莘田嘉慶時諸生以詩文雄於鄉里時郡城以名宿著者有陳穆堂范雨村而莘田與之韻類郡人稱為三君子蓋此三子者並齒長德劭型表鄉閭而能以詩文蔚為大師者莘田既困蹟場屋不致青紫則壹意以詩為職志所作既多格律益嚴會同邑卞竹辰開府兩浙邀莘田與俱夢牘之暇滋情吟詠每當風清月白美景良辰相

續修四庫全書總目

卷

集部別集類

與流連勝蹟沿放遺軌秦響烟外苔歌湖濱以是所作諸詩得於山川之助者為多既而歸來裏集成性沐其餘者得詩百首分為二卷以付諸梓惜未及成齋志以歿友人李宗沆卞寶第為之續梓以傳諸世即是本也其詩冲和淡遠絕無噍殺之音間以比興為工亦不失香草美人遺意集中如皖城清明和卞雨帆詩云迤邐平原向酒家江城二月客情賒風和漸有還鄉雁林遠偏多寄食鴉膏壤客苗懷故里春官桃李羨京華天涯薦韭虛今日腸斷棠梨幾樹花

又如登潤州城樓詩云聞道江城鐵鑄堅地分吳楚

此中權一從靈運稱山賊遂有孫恩號水仙沙碛晚煙無牧馬荒林涼月有啼鶻國殤願建幽棲處餒到殘魂更惻然俱言之有物不同凡調至其以麗句入詩者如虹橋秋柳和宋北臺詩云縹緲涼碧護樓臺無復濃陰拂不開鎮日西風歌板歇一湖疏雨酒船來玉繚金縷虛煙月懷李天桃共草萊遙想霸橋攀折處江潭憔悴更堪哀又如詠秋苔詩云連錢斑駁繡文茵漠漠微烟細細皺古壁蠅涎濃著色迴廊螢

續修四庫全書總目

卷

集部別集類

大寂無人花開淺土前宵雨綠暈香泥舊日春想像玉階涼露滑蓮鉤層疊印芳塵則又瀟灑蘊藉情韻流溢一變前詩之風矣莘田生平與江廷儒交最密達二十年廷儒嘗謂莘田之詩蓋有數變早年登臨山阜席地談詩風度清聲歸途踏月此一時也稍長糊口皖浙迢遙河山往往渡河叩戶入寺訪秋吟詠霜楓流連帆影此又一時也迨夫南旋而後雙鬢成霜雖憂氣未除吟情已暗此又一時也然莘田口不言貧出語猶雋接物謙恭而和中有介讀其詩簡淡



冲和情韻蘊藉庾鮑清俊之作韓孟瀟灑之詞腕下有神筆端無垢造述雖妙情見乎詞云云遠能深知其詩者證之集中益信莘田之詩殆有數變而愈變愈工焉

附錄傳記參考材料

揚州府志

國朝正雅集

續修四庫全書總目

卷

集部別集類

諫亭詩草一卷 家刻本

劉啟瑞

青陽陳坡撰坡字景蘇嘉慶時廩貢生候選教諭家世青箱累奕簪紱伯叔輩季既已貴達景蘇遂壹意以詩文自勵而詩尤逾於文辨香阮亭得其神似嘗作紅橋懷王阮亭詩云攬勝度紅橋停橈日亭午園林次第遊樓臺難悉數橋頭一角春賴有詩人補花落復花開歲歲風兼雨入社悄無人誰與成賓主欲去久低徊湖煙起一縷於是可以知其淵源有自矣生平為詩不下數千首俱情韻流溢聲調鏗鏘茲所

續修四庫全書總目

卷

集部別集類

錄者不及百首蓋已強半刪乙存者則僅醇乎醇者矣集中五言古詩多摹陶謝如述懷詩云飲酒須飲醇讀書須讀新新書下醇酒乃得氣味真悠悠一室間可以見古人舉世慕盧生夢中榮其身大名豈爵祿文章歸隱淪蕭然五柳宅吟詩不知貧則近乎陶者又如過釣臺有感詩云前高祖後先武漢家酬恩如芥土前淮陰後嚴陵兩人出處千秋心由來獵狗終烹死何不歸釣長淮深客星即拜東都爵故人為臣恩已薄則又以史公合傳之體隱約入詩而才筆

逐肆悉反前什蓋言之有物各呈造詣遂致不同如  
 是也其五言律詩佳者如登報恩寺浮圖詩云四空  
 俱入望逸興滿天涯海氣橫千里江聲徹萬家山川  
 秋草徧宮殿夕陽斜佇久風鈴語城邊散暮鴉又如  
 晚泊詩云舟泊大江東天寒暮色空砧聲瓜步月潮  
 影石帆風古岸惟疏葭前邨有落楓來朝又何處煙  
 樹透濛濛則均神采飄逸確似漁洋得意之句者其  
 七律佳者如石埭道中詩云三埭橫撐笠渡頭至今  
 猶說古猷州馬蹄踰碎嶺雲暮人影分開溪水秋疏  
 續修四庫全書總目  
 卷 集部別集類  
 樹正看飛鳥下空山兼聽斷猿愁誰憐七里崎嶇路  
 行盡斜陽尚未休則似晚唐中傑句者又如清溪泛  
 月詩云煙樹參差入夜迷蘭橈頻泛岸東西月斜江  
 水搖雙塔風定漁燈閃一溪玉笛傳聲知市近銀河  
 倒影覺天低歸來半醉譙樓曙城上寒烏恰恰啼則  
 又三四兩聯狀景工綽造語亦極警俊者凡此諸什  
 皆極揅申方之漁洋雖云未逮要亦近之其餘諸什  
 亦復類是是皆可傳者

附錄傳記參考材料

國朝正雅集

青陽縣志

續修四庫全書總目

卷 集部別集類

半行庵詩存稿八卷 同治五年刻本

劉啟瑞

吳縣貝青喬撰。青喬字子木。咸豐時名諸生。具有幹濟才。壯年嘗佐揚威奕將軍戎幕。不避艱險。冀有所樹立。既而無成功。乃往遊京師。歸復之浙。又嘗之黔之滇。之蜀。足跡半天下。而卒窮愁落莫。患難顛倒。以底於死。初庚申之變。子木自浙迎母以去。越歲杭城再陷。母子相失。子木出沒死生。尋母不獲。負罪引慝。無地自容。不得已就直隸制軍劉公之聘。未及相見。道卒。旅邸世人哀之。既而劉公馳使殯殮如禮。且致

卷 集部別集類

書其家又厚資之。俾迎其喪以歸。始葬於先人之墓。以是蘇州府志無從得其行畧。遂未立傳。茲則按卷首悼世臨序所云錄之如是。是集乃友朋所代梓者。凡六卷。錄古今體詩八百三十有一首。畧以作詩年代先後為次。首有自序畧謂余初不解吟事。年二十八遇朱丈綬。聞其緒論。始粗識師承。然畏難未學也。閱十年。遇益困憤。適欲有言。葉丈廷琯從而激獎之。遂委志於詩。然飢驅四方。雖好吟。究未學也。峽江之役。舊著全亡。竭思省錄。十僅存五。所幸半生游跡尚

未歸。得之。恐再遺忘。姑編如左。若云學詩終須異

日云云。是則子木之詩淵源有自。而又得於山川之

助者為多。集中諸詩。大半以登山臨水之作為眾。其

江行諸詩。如詠博望灘詩云。漢使尋河源。假塗走江

峽。曾此覆其槎。魚腹經一劫。至今濁浪飛。作堆浪勢

撼山崩。扇開舟人放。瞻不敢渡。恐有蛟鰐掀春雷。獨

不見支磯石。畔銀河落天上。曾容客星託。歸來笑語

嚴。君平風波畢竟人間惡。又如永安宮懷古詩云。駐

蹕空山氣鬱森。疏亭東敗恨何深。錦城猶望全師返。

續修四庫全書總目

卷 集部別集類

王殿偏教顧命臨。六尺貌孤高帝脈。三分炎祚老臣心。銅臺一樣傳遺詔。未見英雄淚滿襟。並蒼涼古樸。雄厚嶽奇。得於李杜者為多。又如子木於下灘覆舟詩云。欲見風樯逐浪摧。無多行李奪難回。書生共說曾如洗。只我今朝洗過來。又云。百條生命一條存。哀絕江頭淚暗吞。不道酬神前夜酒。滿船轟飲盡殘魂。又云。最惜詩囊手自刪。半生搜斡費成斑。苦吟偏觸陽侯忌。不許長留天地間。又云。飄蓬身世復何之。連切鄰船附載時。祇是歸裝無一物。入門未免駭孀慈。



自注謂下灘船破人物蕩然幸先在麓一身僅存驚  
定作詩云云則是詩乃再生之作故不覺言之慨然  
而淒涼如是也當塗黃富民評其集謂實能鉅鑿天  
險雕錫世態倚船看而構想磨盾鼻以嘔心語奇而  
卓筆紆能達旨之有物義歸動態不戾於風人之旨  
不乖乎古作者之心蓋能深造其所得也

附錄傳記參考材料

卷首悼世臨序

續修四庫全書總目

卷

集部別集類

槐陰樓集二卷客浦詩鈔二卷 家刻本 劉啟瑞

寶應喬大鴻撰大鴻字儀上號客浦乾隆時原貢生  
天姿英特丰神俊偉論詩讀畫析入毫芒飢驅數十  
年北游燕趙南極荆襄故其詩得山川雄直之氣所  
繪山水亦蒼勁古峭晚年悔其少作盡棄之著有客  
浦詩鈔槐陰樓集此寶應縣志文苑傳之所稱也朱  
彬白田風雅亦稱客浦風調雨順望而知為王謝子  
弟論詩讀畫析入毫芒其談嘲弔詭見者無不傾倒  
二十餘即為飢驅北游燕趙南極荆襄老而潦倒益

續修四庫全書總目

卷

集部別集類

甚嘗有句云人生不富貴困苦亦須早又七言云病  
覺乞兒皆可羨貧逢喜事亦堪愁君子可以知其遇  
矣嘗與里中諸子刻數素園七子詩晚盡悔其少作  
十不存一云云此其事迹之大凡也是書都四卷前  
二卷為槐陰樓集後二卷為客浦詩鈔古今體詩悉  
備凡得二百餘首大抵以晚年所作者為多即邑志  
及風雅所稱晚年悔其少作盡棄之之謂也其詩古  
體近陶謝近體則類王孟集中古體詩惜不多存意  
者殆不輕作至近體詩則居集中大半其佳者如

王閣晚眺寄懷吳中諸友詩云陽江山翠鬱嵯峨曹  
向江頭送玉珂勝友高明何處在落霞秋水至今多  
無才不敢題黃鶴有恨偏教賦綠波極目長江多少  
路軒軒一一總經過又如江口望家兄不至詩云落  
日挂離愁滄江一片秋亂流聲浩浩孤客思悠悠  
倚渡頭樹更登城上樓無因生雁翼飛不到江州二  
詩均沈雄壯麗得於山川之助者為多白田風雅曾  
錄其詩二十有九首謂皆未刊布者斯乃是二集之  
遺其間佳什如黃陂山行詩云初日馬頭紅行人東  
復東鳥啼空翠裏風落亂流中露樹含朝雨陰崖接  
夜蟲過橋鐘忽動何處梵王宮又如九江客樓夜起  
呈錢太守詩云簾捲高樓水接天新涼枕簟正堪眠  
夢回聞雁家千里酒醒看山客五年蘆荻未喧秋氣  
肅星河不動夜光懸王孫亦有青衫淚肯為琵琶灑  
別筵又如舟次漢陽登黃鶴樓詩云歸程萬里一孤  
舟特為登樓半日留動地潮聲連郭湧極天帆影入  
雲浮文章亦有麒麟閣波浪休傳鸚鵡洲安得神仙  
借黃鶴騎來飛去上揚州又如大觀寺晚眺詩云大

觀亭路大江頭檻外長江繞郭浮煙火萬家環夕照  
風雲千里入新秋潮歸京口分吳界山峙天門截楚  
流此去登臨堪放眼波濤都入古今愁四詩均為登  
山臨水之作雅得山川雄直之氣誠如邑志所評其  
他諸什亦多類是是皆集中所未收者

附錄傳記參考材料

寶應縣志

白田風雅

寶閑堂集四卷 乾隆己卯精刻本 劉啟瑞

江都張四科撰四科字詰士號漁川貢生原籍陝西  
臨潼後游揚州遂家焉工詩詞聲譽遍南北著有寶  
閑堂集響山詞響山詞已著錄此寶閑堂集者則其  
詩編也詩凡四卷古今體詩悉備大要以年為次計  
卷一錄古今體詩八十有五首起辛未盡甲戌卷二  
錄古今體詩九十有九首起乙亥盡丙子卷三錄古  
今體詩一百有二首盡丁丑一年卷四錄古今體詩  
一百有四首起戊寅盡己卯都共錄詩三百九十有

續修四庫全書總目

卷

集部別集類

二首屬樊榭嘗云漁川詩刪削靡曼歸於騷雅其研  
詞鍊意以樂笑翁為法讀響山詞一編覺白雲未遠  
也云云其詩詞見重於時也如是四科亦嘗述其為  
詩之難見於自序畧謂古之詩人以風化人倫為本  
聲調法律自然諧合至者且神而化之後世視文章  
為虛器雕飾藻績之風日盛而斯道微矣余幼即好  
韻語至四十始畧知難易雖天資學力不逮古人遠  
甚然頗自刻苦以冀有異於言之無物者而未能也  
暇日排纂成帙斷自辛未以後得古今體詩三百九

十有二首梓諸家塾云云於此亦可以知四科用力  
之深詩格之正宜乎時人稱道弗衰也其詩佳者如

灌園詩云種菜不盈畝鑿井在隙地亦有灌溉勤豈  
為衣食計閑來就畦行芸芸葉交翠向雨偶憇時沾  
酒未云匱小休柳陰間默然觀生意肯與道旁人吟  
吟辨機事又如喜表弟朱十一至自蜀中詩云萬里  
盤叢路愁無見汝期尚憐諸舅在時繫北堂思楚雪  
出重險吳醪話載離遙知望鄉淚並落送行時又如  
送蔣德之關中詩云落日低秦塞春暗薇祠鄉心方

續修四庫全書總目

卷

集部別集類

悵望別緒各凄其歸老吾虛計行歌爾共誰茅堂假  
宿夜江海枉相思又如昭君詞云千載明妃怨分明  
畫裏存君王不好色賤妾莫承恩環珮思巫峽琵琶  
泣塞垣始知薄命者無分老長門其詩或疏淡或情  
真或別離或艷麗均各有深造不同凡響符葆森寄  
心盒詩話嘗謂漁川倚寓揚郡築讓園於天寧寺側  
與馬嶠谷行庵為憐余最愛其老僕詩云肯因無用  
棄終念服勤多此仁人敦厚之言可與吳野人新僕詩  
並稱絕調又表隨園詩話亦稱張詰士有味胭脂詩



詩云南朝有井君王入北地無山婦女愁以此得名  
人呼張胭脂云云三家所稱可謂推許甚至蓋漁川之詩  
確乎言之有物宜乎二家皆稱之也

參國朝正雅集

廣陵詩事

紫霞軒集十二卷 傳鈔本

劉啟瑞

明周思兼撰思兼字叔夜青浦人世居周家草少有  
文名嘉靖二十六年進士除平度知州躬巡郊野得  
問閭疾苦狀悉蠲除之王府閭人縱莊奴奪民產監  
司杖奴斃閭人迫王奏聞巡撫彭黉令思兼讞之王  
置酒欲有所囑竟席不敢言思兼聞獄詞曰此決杖  
不如法罪當杖以王故加一等聞誣告罪當戍以王  
故末減監司得復故秩旁郡饑民掠食所司持之急  
且為亂上官微思兼治之作小木牌數千散四郊令

執牌就撫悉振以錢穀事遂定入覲舉治行第一當  
遷州人走闕下請乃留一年擢工部員外郎督臨清  
碑廠士民遮道泣送河將決思兼募民築堤身立赤  
日中隄成三日而秋漲大發民免於災進郎中出為  
湖廣僉事岷府宗室五人封爵皆將軍殺人掠貨財  
監司避不入武岡者二十年思兼廉得奸狀縛其黨  
悉繫之獄五人藏利刃入思兼與捍而捫其臂曰吾  
為將軍百世計將軍乃為此曹死耶皆沮退乃列其  
罪奏聞悉錮之高牆還田宅子女與民遭內艱去官

不復出久之起廣西提學副使未聞命而卒著有周叔夜集學道紀言均已著錄四庫入存目此紫霞軒集者乃四庫所遺四庫存目稱叔夜以循吏著史稱其少有文名是集為王世貞所刪定文頗學三蘇詩則七子之流派云云知周叔夜集乃王世貞所刪訂者此則為叔夜原稿但有詩而無文詩凡十有二卷古今體詩畢備其間詩之佳者如山居雜咏一首云迢迢嘉樹林情意彌繾綣手持筇竹杖獨行不返顧囊中惟道書所携不盈卷至理怡人心詎覺岩色晚

續修四庫全書總目

卷

集部別集類

翳塵日以斷道心日以遠澹泊無所為母乃成佳處此古體也其近體佳者如遊本一禪院詩云禪房深處絕塵埃樹影參差護碧苔霧境無人飛錫去空門有客抱琴來翻經共悟無生旨作賦低憐獨步才明日還携餘興往與君重上梵王臺又如贈馮鍾山詩云東山別墅傍江濱翠竹黃花對夕曛十畝園林春爛漫半窗烟雨晚氤氳間携綠酒邀明月醉倚青崖掃白雲寒夜苦吟蕭瑟甚招提梵清轉樂聞俱格律工整聲調鏗鏘方之前後七子殆無多讓存目所評

信為確論惜乎此集僅有鈔本不廣流傳而四庫所收又為選本非其全豹也

附錄傳記參考材料

明史

四庫全書總目

續修四庫全書總目

卷

集部別集類

陸文定公集十二卷 傳鈔本

劉啟瑞

明陸樹聲撰樹聲字與吉號平泉青浦人少力田畝即讀書舉嘉靖二十年會試第一選庶吉士授編修三十一年請急歸遭父喪久之起南京司業未幾復請告去起左諭德掌南京翰林院尋召還春坊不赴久之起太常卿掌南京祭酒事嚴教學規著條教十二以勵諸生召為吏部右侍郎引病不拜隆慶中再起故官不就神宗嗣位即家拜禮部尚書初樹聲屢辭朝命中外高其風節遇要職必首舉樹聲唯恐其

續修四庫全書總目

卷

集部別集類

不至張居正當國以得樹聲為重用後進禮先弔之樹聲相對穆然居正失望去一日以公事詣政門見席稍偏熟視不就坐居正趣為正席其介如此北部要增歲幣兵部將許之樹聲力爭歲終陳四方災異請帝循舊章省奏牘慎賞賚防壅蔽納諫言崇儉德攬魁柄別忠邪詔皆嘉納萬曆改元中官不樂樹聲屢宣詣會極門受旨且頻趣之比趨至則曹司常事耳樹聲知其意連疏乞休乃乘傳歸已給康隸如制加太子少保卒贈太子太保諡文定著有茶寮記汲

古叢語病榻寤言耄餘雜識長水日鈔陸學士雜著

陸文定公書平泉題跋等業已著錄四庫全書存目入譜錄類雜家類藝術類此陸文定公集者乃其詩集也詩集向未見著錄祇青浦縣志有其目而未云卷帙之多寡殆鮮見也詩集畧以作詩之年月為次同年月者又畧以古今詩體為別其詩以古體為最多而亦以古體為最勝然近體亦頗有可誦者如同友人訪山家五言律詩云偶同林下侶言泊碧溪潭竹戶依山靜花源渡雨深清尊邀對酌白雪助高吟

續修四庫全書總目

卷

集部別集類

不必從招隱相看已賞心又雨中獨坐詩云蕭蕭澄坐處風竹更清音謝客緣多病忘言得會心城雲依畫暝庭葉落秋深寂寞林居者能堪十日霖又如次董紫岡韻七言律詩云邂逅逢君谷水陰每因嘉句憶元林自經多難頻携袂欲寫幽懷獨抱琴秋入暮雲愁極月路迷江草寄歸心年來已負青山約短髮蕭蕭白髮侵又次蔣龍沙韻詩云知君卜築傍溪陰避俗長懷物外心歲晚星霜餘短髮年來詞賦重兼金城懸睥睨風塵靜家住烟蘿日月深白雪調高疑



寡和祇應湖海有知音。並冲融淡雅清麗婉轉與前  
後七子相較別有一番造詣。蓋樹聲來自田間。刻苦  
自勵。既絕奔營尤惡仕進。秉性恬淡。樂志林泉。故發  
為詩歌。皆穆如清風。效法靖節。雖云體類有不同格  
調。有異致。然衡其意境。殆有似之者矣。

附錄傳記參考材料

明史

松江府志

續修四庫全書總目

卷

集部別集類

青浦縣志

四庫全書存目

霧堂遺書一卷 康熙四十五年刻本 劉啟瑞

朝邑李楷撰。楷字叔則。一字岸翁。世稱河濱先生。其  
先人禱於文昌而誕。方授書。目即數行。夢學書。不工。  
輒泣醒。又夢吟石榴山花雲雕泉樹句。蚤肆力古文。  
才思敏妙。作者辟易。讀書朝萊山。馬仙公曰。此生當  
以文名走天下。弱冠以博學淹雅。登鄉薦。南國傳其  
讀曰。文運轉關中矣。嘗構卷五齋。以五經分授生徒。  
西極文太青。極相推重。避寇白門。同馬元御。王雪樵。  
韓聖秋。稱關中四子。順治二年。令寶應。多治績業。讀

續修四庫全書總目

卷

集部別集類

間灑翰給求者。邑中名勝題咏。且遍。旋以傲睨中譏。  
謝去。流寓廣陵。四方與金華壁乞詩文。不假思索。伸  
紙即就。人競藏其墨蹟。既而與南昌李太虛同著二  
李珏書名。益噪。歸秦。敦纂省志。遠邇咸尊為閩西夫  
子。著書朝元洞。為文驅虎虎。即絕作。平舒通賦。寫華  
邑衝疲屏於驛亭。使者多越站去。雅善酒。數斗不困。  
更搗管以自神。並善雙鈞。嫻畫事。揮金好客。家人產  
不屑治也。病之日。里中皆夢文星墮。遂卒。著有卷五  
齋集。想閣集。瓶閣集。過楚集等。多不傳。傳者惟霧堂

遺書原三十卷詩文雜著畢備乃寓淮南時所著者  
迄歸舟至楚學使狄陶鄴請付梨棗於吳會沒於江  
存者僅雜著地問一種而已遂梓之於廣陵即是本  
也地問者據卷首李太虛序謂續屈原天問書而作  
故集中纂辭大半為憂愁不平之鳴言其精蘊如云  
有與有軸孰為之軸孰載以驚孰為牝馬海以比於  
沃焦又云井有狗石有馬不交而胤何為者雲之紛  
紛方域不同狀孰衰孰王且糸得喪又云擊石胡火  
罅石胡泉山胡以浮山胡以圓又云土孰乃成土死

乃冰以陶以冶土衰不興夫誰屬階以害黃寧又云  
水狀以斷泉分而流時隱時見胡以不猶又云人與  
物異如不同家胡才子生而草枯妖女生而桃李不  
華又云或社而王或社而國或樹或屋或鼠其域今  
古同土孰喪孰得又云山博山判水湧水溢圻地裂  
屋郡國周吉何代為劇云何迺逸其他諸則亦復類  
是雖云為續天問而作實則擬諸子書欲名一家非  
苟為者李太虛序稱河濱子雖無君臣父子之怨而  
未始無井汲王明之思故作地問以續懷沙哀郢之

後覺其意尚有出於河東瑯琊之所未及者以彼其  
才而處斯時知其無可奈何而安之若命是則所為  
天也云云已隱寓憂時感世之意蓋河濱生當明末  
身丁離亂既履險阻飽經憂患故不覺言之深切如  
是也

附錄傳記參攷材料

朝邑縣後志

朝邑縣志



吟香館存稿不分卷 咸豐元年宿遷王氏刻本

劉啟瑞

甘泉鄭寶撰寶字吟香道光時布衣先世業鹽筴至寶而中落寶少孤與伯兄同居雖揚俗尚奢靡寶獨好學深思與古為徒微晚一世顧以不事生產家日落至傭書為活道光庚寅宿遷王氏聚之校刻前賢遺集延寶董其事王氏見其詩激賞之拔諸衆人之中置之賓客之上自是主王氏家者數歲每當花晨月夕門酒分題商榷古今動中肯綮與王氏有深契

續修四庫全書總目

卷 集部別集類

馬嗣以多故慘傷抱病言歸歸後病稍痊而貧益甚性孤介不妄干人坐是重困以死死後王氏哭以詩中有句云斯人真餓死我輩媿心知蓋紀實也既歿王氏收其唱酬寄家諸作得古今體詩百三十首合為一帙而以吟香館存稿名之並為梓行即此本也復為之序有云詩能窮人如東野長吉方干羅隱諸公異世猶或究之吟香之摧折拂鬱又卒無嗣手此一編曷勝天道茫茫之憾云云誠可謂知己者矣集中諸詩每體皆工古詩則宗漢魏近體則法唐宋而

又取則漁洋五標半綴集中如暮春感懷詩二律云縱無風雨亦消魂寂寞年華酒一尊三月鶯花終是別五更春夢了無痕美人未必能銷謗國士何嘗不受恩休上樂游原上望年年芳草怨王孫又云春來草草去淒淒人倚東風小檻西荏苒韶光三葉殺升沉花事八芳齊機中敵錦翻新樣篋底藏箋憶舊題遮莫感懷還惜別聲聲不住子規啼情韻蕭颯句調鏗鏘置之漁洋弟子集中當亦另闢一席至其憂時感世之作尤極盡牢愁拂鬱之致而寄家諸什讀之殊足令人泣下集中如寒夜寄兄二律云客窗挑盡一燈孤寒到重衾夢亦疎千里共愁明月夜三年兩接故園書不知司馬根無鼻祇謂馮驩食有魚我亦天涯飄泊慣去時兒女近何如又云歸來誰為款柴門宿草淒淒滿舊原富貴悔從雲裏過升沈都向浪中翻山青尚有平生約頭白難期大被溫一語君聞腸恐斷凋零骨肉幾人存語語血液字字斷腸昔人謂詩必窮而後工者殆於吟香過之矣

續修四庫全書總目

卷 集部別集類



附錄傳記參攷材料

卷首王聚之序

續修四庫全書總目

卷

集部別集類

粵東詩海一百卷補遺六卷文海六十六卷 嘉慶庚

午順德溫氏文畬堂刻本

劉啟瑞

順德溫汝能輯汝能字希禹號謙山乾隆五十三年  
舉人官中書著有謙山詩文鈔嶺海詩鈔稱其高出  
流品凡貴遊之習聲氣之場聚不能染歸田後刻書  
甚夥梨棗之資費以巨萬而粵東詩海文海之選尤  
稱大備嶺南群雅亦稱其性豪邁有玉山草堂風嘗  
搜輯粵東詩文為詩文海自漢迄今千有餘家書近  
二百卷並稱謙山品格之高性情之豪而粵東詩海

續修四庫全書總目

卷

集部總集類

文海之選尤為謙山生平最所致力是書詩海一百  
卷補遺六卷文海六十六卷詩海始自唐世迄於昭  
代人各以時為次而別以閨秀方外仙釋歌謠殿諸  
後文海則始自漢代迄於乾隆畧以文體為類曰敕  
制曰疏曰表狀曰頌曰策曰議曰序曰論曰碑曰記  
曰書曰傳曰行狀曰墓銘曰說曰辯曰題跋曰贊曰  
箴曰銘曰解曰考曰祭文曰雜文曰賦其詩所以始  
唐世者蓋亦有故昔新語載孝惠時南海張買侍遊  
苑池鼓棹為越謳時切諷諫晉時馮融汲引文士與

為詩歌梁曲江侯安都為五言詩聲情流麗是則漢  
晉時已開風雅之先特散佚無考考者惟唐世之張  
曲江而嶺南各家詩選亦率以曲江開端故詩海詩  
選亦始自唐世若夫文海則有不同粵東文教始於  
高固自鐸氏微之進而粵人咸知向學至陳元傳父  
業遂以明習春秋為漢博士士變董正王範黃承之  
徒相繼而起聲明文物幾並鄒魯固之功誠宜俎豆  
勿衰然固無文可述而可述者惟漢趙佗答文帝書  
為早故文海選文始自漢代事各有徵非歧異也至

續修四庫全書總目

卷

集部總集類

於編次文海則以類分同類者次以時同時者次以  
年詩海則以時代為次同時者畧以科目先後為分  
無科目者又以少長行輩次之其每家詩文之首各  
著其字號爵里生平事蹟撰為小傳以符論世知人  
之旨焉案粵東詩文總集前乎謙山選者固已代不  
乏人言其較者有嶺南文獻廣東文選五朝詩選廣  
東詩粹諸書然或搜輯未富或採取未精均未足稱  
為善本而同時諸家所選更未足與謙山埒而謙山  
此選採擇孔翠芟簡繁蕪卷帙既宏編次復當言粵

中之文獻者蓋當舍是無取矣

附錄傳記參攷材料

嶺南詩鈔

嶺南群雅

續修四庫全書總目

卷

集部總集類

荆園倡和集詩十卷詞六卷 嘉慶四年刻本

劉啟瑞

無錫楊芳燦楊揆同撰芳燦字荅裳工詩文少即華瞻學使彭元瑞大異之由拔貢應廷試得知縣補甘肅伏羌縣會回民為亂佐將軍阿桂平之居嘗有善政治縣溫溫若不任事坐堂皇訊事罷輒手一編就几讀之人笑之而其應變敏決往往出人意表尋以功擢知霸州會仲弟揆授甘肅布政使例迴避顧不樂外吏入貲為員外郎居戶部與修會典公餘擁書

續修四庫全書總目

卷 集部總集類

縱讀益務記覽為詞章尤工駢体弟揆字荔裳生而聰穎好涉獵史事彭元瑞視學江左聞其才妻以兄子乾隆四十五年召試賜舉人授內閣中書五十五年充文淵閣檢閱入軍機處行走五十六年福康安出征衛藏奏揆從行以功擢內閣侍讀旋授四川北道六十年授四川按察使嘉慶二年授甘肅布政使四年調四川布政使在蜀五年經畫雷波馬邊夷務及時藏功以積勞卒官贈太常寺卿揆少與兄芳燦有二難之目所作駢體文沈博絕麗下筆千言與

兄燦匹而詩詞尤各有造詣芳燦詩則取法於工部

玉溪間填詞亦間有夢窗竹山之妙揆詩則初學長慶出塞後歷日月山星宿海諸勝異境天開格律亦因之而變此荆園倡和集者則其兄弟互相倡和之集也集分詩詞為二帙詩十卷詞六卷詩前八卷為古今體詩後二卷則為聯句詞則各調悉備焉其詩詞皆以題之先後為次同題者則先兄而後弟間有燦子承憲所和則次於揆後或有同時名士所酬則又系於承憲之後有條不紊殊可觀也集首有揆自

續修四庫全書總目

卷 集部總集類

序畧述茲事原委云昔元許左丞可用與其弟可行倡和楚人馬熙及其子楨與焉今所傳圭塘款乃集皆閒適之作也余與伯兄弱歲飢驅早年薄宦西蜀隴坂北滯燕臺夢永嘉之西堂懷遠之故驛離索之感殆不可任既而兄馳上計之車余守校書之館第五韻靈臺之下或十日不炊董威輦白社之中無一屢可庇衙門風雪相對蕭然遂乃尋避債之臺移乞病之牘同車入洛聯轡過秦陟三峻之嶺覽二華之奇秀蒼茫弔古悵懷鄉別辭看碑磨屋灑墨樊



川句裏老樹遺臺長吉囊中神林鬼塚卷中所作大率羈旅行役居多焉云云於此知是集之輯正以見兄弟行役之苦倡酬之樂而友于之愛亦於是集臻之

附錄傳記參攷材料

清史稿

清史列傳

續修四庫全書總目

卷

集部總集類

初仕贈言不分卷 康熙五年石埭縣衙刻本

劉啟瑞

石埭沈德泰陳銓沈巖潘龍年等同輯邑令姚六康初仕時京朝士大夫所贈之詩什也德泰字師鴻銓字益受巖字野求龍年字鱗長並石埭諸生而又親炙於六康者六康粵人事跡不可考檢石埭縣志仕宦門無其名殆以代遠年湮而闕之歟今據卷首張自烈序謂六康少服膺孔孟既登賢書日講求有用之學學成不蚤遇無纖介染其心間與余上下論古

續修四庫全書總目

卷

集部總集類

今儒術未嘗不以張無垢從宗呆遊祁公稱楞嚴贊以六經為非聞余力排周汝登通書言誠本東林令二程尋孔顏樂處本黃龍之說建之六康蓋終其身宗孔孟者云云是則六康乃儒而釋者又姜梗序述六康自稱謂家羅浮山下其上時多雲氣正仙人所往來處下有美田足以稼穡每冬月稻登比屋數里樹盡梅花月上松間鐘來遠寺余且曳杖忘歸矣今年近五十求仕長安豈予夙志哉意者欲得一小邑苟有裨生民不惜焚溺為之而祿俸所入不願飯及

妻子欲與賢人幾輩共著篇籍以垂不朽便當解官  
躡屨或涉江登匡廬或往來吳越乘興渡錢唐探禹  
穴尋天台雁蕩諸奇則余之夙志竟矣不則負譏雲  
壑貽笑煙蘿安能復面故山上吾羅浮之絕頂哉云  
云是則六康又隱而仕仕待隱者其事蹟之可徵者  
大畧如是而已是書乃六康初得縣令石埭時時人  
所壯行之詩殆不下二百餘人大率為一時之朝士  
皆勗其學優則仕居官廉儉詞不溢譽言中肯綮可  
為邑令之楷式者六康既之任發篋中所藏與邑士

大夫相與討論以期措諸政令邑人又從而益之得  
如干首遂命門人沈德泰為之編次不分卷第但以  
諸家序言冠諸首而以詩什次之其詩什之次又以  
詩體為別先五言古詩次六言古詩次七言古詩次  
五言律詩次七言律詩次五言截句次七言截句而  
排律不與焉其間詩什之最工切者有魏裔介李蔚  
梁清標嚴正矩熊賜履曹爾堪張玉書王士禛葉映  
榴李以篤黃虞稷等諸什而尤以王士禛詩二首為  
最佳其第一首云捧檄西南去看山過九華池陽秋

望好楚色滿蒹葭吏散調馴鶴春行課采茶此邦風  
俗古官舍似田家其第二首云江祖魚梁外青天翠  
黛低桃波接秋浦水色勝耶溪城映青川曲詩尋碧  
嶂題五湖一帆影目盡秣陵西言切贈行句寫景色  
較之其他各家題什殆過之矣

附錄傳記參攷材料

卷首序言



步帖編不分卷 康熙二十八年潛江朱氏家刻本

劉啟瑞

潛江朱載震編載震別有東浦集已著錄事迹並已詳前此則所編選鄉時京師諸人贈其父石戶先生詩文詞也石戶為楚水名儒前明遺老中歲辭榮屏迹著述其已梓行者有群書異鈔編柳堂詩鈔諸書海內稱為秘笈載震傳其家學員笈游燕既已入仕益志詩歌一時之達官貴人多與之交唱酬贈答歲無虛夕會石戶七秩載震歸省師友諸人多以詩贐

續修四庫全書總目

卷

集部總集類

並以寄石戶先生載震既歸陳之堂上石戶顧而樂之命以梓行載震因以步帖編名其編編不分卷而以文詩詞分首為魏坤撰潛江朱石戶先生七十徵詩啟次為章藻功送潛江朱悔人歸省序悔人者載震字也次則各家詩詞凡五十有九人曰楊雍建宋聲朱彝尊高士奇衛執蒲金德嘉吳升東陸嘉淑梁佩蘭孫致彌王夷王原查嗣韓查嗣建湯右曾沈廷文陸寅張豫章查嗣琛張尚瑗陳曾毅鄭觀泰查昇程仕吳卜雄錢以燈朱昆田徐賓張希良呂澄衛台

瑞羅俊陳大章王戩徐樹敏吳雯惠周惕郭襄圖唐大陶潘鏐顧嗣協王謨顧嗣立于舜枚孫洙徐亭朱謹李貺黃玠程兆麟楊賓朱星渚徐陳發胡夢發顧安徐賓魏坤章藻功薛熙並一時知名之士其詩詞每家或一二首或十數首不等古今體悉備大要頌石戶之高悔人之學其諸家詩之佳者如高士奇詩有云紫陽家學舊登壇長向巖阿賦考槃曲就人間飄邈雪騷成句裡馥湘蘭角巾雅望心偏遠節竹閑游興未單梳得鳳翎翔五色一經原不負儒冠又如

續修四庫全書總目

卷

集部總集類

梁佩蘭詩云遠想高風那得見天邊鴻雁影來疏家臨楚澤三湘地人讀辰陽二酉書秋色滿庭垂橘柚素盤長日荐嘉魚山中宰相差堪比今日乾坤在草廬又如陸寅詩五絕云紫嶺黃蘆滿釣磯水鷗忘世客忘機玉璫只在磻溪上八十垂綸未盡非又云開裁五柳結茅堂風送黃花面面香盡日攤書勝醉酒葛巾何必又柴桑又云點易研朱盡卦爻靜看秋露滴松梢不緣啟事山濤意公叔何心廣絕交又云一卷齊諧事有無撰成名論賴潛夫是非自有千秋筆



未必全歸晉董狐又云太學名高子舍達歸携詞賦獻展闡天公也佐斑斕舞紅蓼丹楓錦一團三家之詩並稱確切其餘諸家亦復類是昔毛氏之序詩有云陟彼岵兮瞻望父兮言孝子行役而念其父也今載震取詩意以名篇而其行又實足以當之宜乎諸家之詩皆稱道其不衰也

附錄傳記參攷材料

潛江志

續修四庫全書總目

卷

集部總集類

浮家泛宅圖詩不分卷 康熙庚寅張氏春岑閣刻本

劉啟瑞

安邱張貞輯貞字起元號杞園康熙十一年拔貢生官翰林院孔目十八年舉博學鴻儒以母憂未與試博雅好古精鑒別工金石篆刻尤工古文嘗遊施閏章之門與王士禎交莫逆士禎垂老求貞定其文亦手定貞文論者謂可於愚山堯峯間展一席地不喜為詩自謂生平好讀詩然為之不似蓋天性也事母以孝聞間歲出遊吳越與高士名僧邂逅山間觴詠為樂購書千百卷歸晚居杞城故園著述自娛以古有杞宋無徵之歎博引古書作杞紀二十卷士禎謂其體大思精得史遷家法閏章亦謂其原原本本可補正史之遺又著有鄉賢傳或語耳夢錄半部稿潛州集娛老集等並行於世此浮家泛宅圖者乃貞出游吳越時所為而是集則貞輯同時友朋所題之詩什也是集不分卷畧以詩體為次曰五言古曰七言古曰五言律曰七言律曰五言絕曰七言絕又以詞曲二類附諸後集中題詩諸家大率為一時名士如

續修四庫全書總目

卷

集部總集類

吳震徐嘉炎顏光祿張寶居高鳳翰高珩李澄中馮  
廷樾黃虞稷顧豹文趙執信丁耀亢宋實穎吳晉紀  
映鍾汪懋麟孫寶仍王士禎孫枝蔚王又旦勵杜訥  
朱彝尊倪槃汪耀麟周在浚周在延周在建安致遠  
楊涵朱瑋劉翼明魏禧孫寶仁王啟洙周賓汪文柏  
馬常沛曹湛王岱龐塏曹迪青余懷丁澎曹霖高梅  
孫寶儒徐士俊王崢洪昇等者皆是其間題詩多有  
可稱如王士禎七言絕句四首云君家好在春岑閣  
正是琅琊海上山一唱桃花流水引斜風細雨竟忘

還又云當年滄海橫流日祇羨王尼卧露車今日江  
湖波浪穩不妨泊宅更浮家又云小勇山下穀文層  
一艇延緣學最能苦水青青雪水白水精宮闕近吳  
興又云蘋州翡翠雨如絲彷彿漢流下若時添個樵  
青修竹裡煎茶待乞拍梁詩又如徐嘉炎五言古詩  
四首云結想故鄉際煙波紫素懷故人手一卷披圖  
夙願諧孤蓬托雲根依依雲水涯鳴頭青靛靛此景  
良獨佳又云越施迴如環往復清溪道徘徊任所之  
微風泊亦好茶烟颺橋側釣竿何裊裊日暮自忘歸

流連藉芳草又云拍浪歌吳女蕩藥役巴童繁陰結  
垂楊遙響清無窮想君餐瀝姿遽虛視虛空長攜冰  
雪文高視弋冥鴻又云虎頭筆有神置君溪壑間誰  
為空山雲羣游時往還君鄉饒烟水電泉繞羅山何  
時一攜手漱石臨潺湲二詩均寫杞園遨遊之樂登  
臨之趣足為杞園寫照其他諸詩亦復類是而諸家  
題什有為其專集所遺者更可緣補其闕也

附錄傳記參攷材料

清史列傳



兩浙輶軒續錄五十四卷 光緒十七年浙江書局刻本

劉啟瑞

南海潘衍桐輯衍桐原名汝桐字嶧琴同治二年進士官至侍講學士著有朱子論語集註訓詁考爾雅正郭緝雅堂詩話等此兩浙輶軒續錄者則其居浙江學使任時所輯也先是儀徵阮文達視學浙江時倡始風雅表章幽隱凡浙邦詩人咸就甄采斷自順治迄於乾隆成兩浙輶軒錄四十卷補遺十卷世之檢討浙江文獻者莫不有取於是然其書之成歷時

續修四庫全書總目

卷

集部總集類

已久衍桐於光緒十五年間奉檄使浙深慮阮錄之後續無人遂欲踵事增華譜為續錄當下車之伊始即檄郡縣學官儒林士俊廣為蒐羅以備補苴凡阮錄之後所出一律訪求或有在前而當時未獲及近日始見寫本刻本者尤願彙繳檄下令行周遍浙境未及一歲徵詩畢集衍桐因廣聘俊彥輔佐編輯未及暮年已告藏事錄詩一萬三千五百四十有三首詩家四千七百有九人介為五十有四卷卷一之五十為各家詩卷五十一之卷五十四則為方外閨秀

續修四庫全書總目

卷

集部總集類

之詩焉其編次之例一準阮錄舊法然亦有不盡同者崧峻序所謂綜其凡例有足以抗衡曩哲而謙退不敢自居者有不必盡紹前修而詳密增於踵事者也今權量其書言其異處可得二端一阮錄起自順治迄於乾隆總集專集搜采殆遍至於手鈔珍闕未登梨棗幽遐之遺勢所不免茲編則以新出刻本鈔本多有前此未見之書故是書起例仍昉自國初以次編輯補所未備此一異也二阮錄間有數縣無入選者以文獻無徵遂付闕如茲編則以加意訪求收詩廣博凡屬浙境無邑無詩取精用宏居然賅備此二異也綜斯二異可以見衍桐是編較阮錄為難矣崧峻之序亦稱其編輯之難蓋有三端一文達以鴻儒碩望鑪錘萬物昔有先正輕擬為訾故前錄作者迄於乾隆之世百餘年來更待蒐輯而嗣響闕然非必無意修明諒亦知難而退衍桐下車伊始即檄學官廣為徵集今果通觀厥成其難一也二文達公生當平世家富圖書綜覈萬變易為探頤學使戾止則偃戈未逾廿載昆明之灰猶在鄴侯之架多虛乃能



錄芳百氏窮業五際采風之任心力尤劬其難二也  
三衆妙方集斯待別裁折衷無所多亦冀爲文達前  
錄人系以傳本欲因詩存人學使引申其義專主闡  
揚忠節表章潛德故是編所登視前尤富此三難也  
合此三難斯曾子所謂難者弗辟易者弗從乎松序  
所云固不免有所溢譽然若以阮錄與斯編相較其  
說固甚確也

附錄傳記參攷材料

續修四庫全書總目

卷

集部總集類

南海縣志

國朝全蜀詩鈔六十四卷 光緒五年刻本 劉啟瑞

綿州孫桐生編桐生字小峯事蹟無徵據卷末李廉  
跋稱小峯爲太守又云小峯以詞林改官楚南陶風  
淑雅循績蔚然存歷二千石權永州郡符云云是則  
小峯曾入翰苑作令楚南既著循聲遂權太守其事  
蹟可考者大畧如是而已是書乃小峯所輯國朝全  
蜀之詩斷始順治下逮咸同附以閨閣及縉羽者流  
都得詩家三百六十人爲卷六十有四或以人存詩  
或以詩存人體例一準於各家選本言其大要可得

續修四庫全書總目

卷

集部總集類

四端一曰斷代凡前明士夫已臣勝朝而又仕清世  
者在所不錄或前明科第而卒於後代者亦復不取  
以示區別此一端也二曰選詩必取已故詩家以杜  
標榜聲氣之弊所謂論人必於身後是也其所選什  
卷帙繁富者擇尤著錄若其人祇有一二首少而可  
珍遂備錄之此二端也三曰編次凡乾隆三十年以  
前之詩均照李雨村蜀雅選本錄入惟於其時代科  
分舛錯者詳爲訂正此三端也四曰別體以嚴詩律  
凡詩什近於試帖者概不甄錄然如唐人詩內崔曙

之明堂火珠錢起之湘霽鼓瑟悉我集中又如王蘭  
泉選湖海詩傳於紀曉嵐詩事錄試帖良以作者一  
生精力畢注於是也蜀中楊少白李西樞於是體尤  
為工瞻故亦錄之此四端也之此四端斯書大齊可  
以知矣案蜀中文風久著在昔漢代有司馬相如揚  
子雲唐代有陳子昂李太白宋代有蘇氏父子兄弟  
暢其流而匯其宗元世有虞伯生明世有楊升庵咸  
以侷儻之才發為詩歌故能掉鞅詞壇雄視百代蓋  
巴蜀好文雅所由來舊矣降至清世益稱蔚盛英賢

輩出含咀風華雖數百年間體裁遞變升降各殊然  
均不失溫厚和平之旨得風人之正義他如費滋衡  
之雄渾傅濟庵之沈著王鎮之之醞釀深醇而張船  
山尤能直道心源一空色相此外若張玉溪之清麗  
李夢蓮之豪宕劉孟興之超鍊朱眉君之恢瑰皆力  
追正始筆有千秋固皆卓卓可傳者凡此皆當於是  
選証之言蜀詩者舍李雨村蜀雅外蓋當有取於是  
矣

附錄傳記參攷材料

卷末李廉跋

莫愁湖風雅集三卷 嘉慶二十年金陵華嚴庵刻本

劉啟瑞

釋恒峯輯恒峯姓字不可考檢江寧府志方外無傳金陵詩徵方外亦無其詩據集中各家題詠徵之蓋嘉慶時金陵莫愁湖華嚴寺之僧也此莫愁湖風雅集者乃恒峯編輯時人咏莫愁之詩詩凡三卷存詩三百餘首古今體詩悉備畧以題詩之先後為次並冠以徐中山王象莫愁湖勝基樓圖盧莫愁象並各附以圖讚蓋莫愁湖為金陵之名勝士大夫過斯而

續修四庫全書總目

卷

集部總集類

嘯咏者代不乏人特無人輯之而為專集故恒峯創始之耳按古樂府莫愁樂云莫愁在何處莫愁石頭西說者謂石城古宣州屬縣非石頭城也然湖既名莫愁土俗相傳或者亦有由乎湖之旁有華嚴寺寺內有樓為勝基樓前明太祖與徐中山奕碁處也中山碁勝故明祖以湖輸之今猶為徐氏業樓上舊有徐中山畫像乾隆癸丑郡守李松雲先生始修華嚴寺樓下繪為莫愁像湖中多植荷花且設畫舫游人鼓棹于其間而輪奐既彰軒檻臨湖湖光如鏡春風

漾波秋月照影較元武烏龍潭為尤麗遙對清涼山

翠微石頭皆在烟雲杳靄間當時名公巨卿騷人墨

客莫不競為題咏而太守棹歌最佳士林傳誦歷年

以來詩章題於壁者不可勝計或為風雨摧殘或為

游人竊去寺僧恒峯懼其零落亟命弟子將所存詩

幅錄而弄之朝夕流覽久而成帙隨其先後錄之別

無編次題曰莫愁湖風雅集云云此姚鼐序是集之

緣起也是集題咏大率為一時之名士如袁子才王

夢樓等者是子才詩有云一片琉璃百頃鋪千年紅

續修四庫全書總目

卷

集部總集類

粉變青蒲漁郎高唱淘沙曲摸得金釵半股無又云沙作長堤石作橋美人何處把魂招知卿已化紅心草歡不來時不蕩搖均致工切其餘諸家詩什亦復纏綿悱惻宛轉瀏麗方之子才雖未逮然亦足為湖先生色不淺矣

附錄傳記參攷材料

集中各家詩什



國朝山右詩存二十四卷附集八卷 嘉慶辛酉刻本

劉啟瑞

鳳臺李錫麟編錫麟字徵生一字石臣號鐵船嘉慶辛酉舉人著有鶴樓堂集集首李鑒宣序曾述其事蹟云余初讀書晉陽書院君與亡友東木先後至三人者皆同宗切劇於學問一時有三李之目余治經義間為詩古文詞未能追古人門戶治之不專君惟惛專一攻古文攻詩不屑作制舉文字即以是繼於時乾隆庚子與余計偕報罷傭書都下君策蹇訪余

續修四庫全書總目

卷

集部總集類

金臺市中冀有所遇久之無物色君者因於旅食徒步出國門去有吹簫日記一帙紀其事自是南轅北轍踪跡如參商矣云云於此知石臣一生蹭蹬半陷坎坷吹簫金臺隱淪燕市既不獲達遂作遨遊士不得志於時者大率如是是亦可憫矣此山右詩存者乃石臣專選山西國朝之詩上始順治下迄乾隆得詩四千二百二十餘首詩家五百八十有七人介為二十有四卷又附集八卷蓋補正集之所未備案山西詩之總集自趙懿侯晉風選范彪西晉詩選後曲

沃秦紫峯有三晉風雅介休茹容齋有山右詩鈔皆

未成書成者僅石臣此編故是書選輯胥斟酌前人之體例而又消益始成抽繹其例蓋有四端一曰編次悉依沈歸愚國朝詩別裁集之例自順治丙戌科起騷人韻士布衣野老略按其世次與科目相間序列二曰分省凡山右人流寓他方其未更籍貫者皆收入集若已更者則否其有他方流寓山右者亦不錄入以嚴省籍然遇名媛則為例外因女以男為家即他方適山右者亦錄之三曰別時如蔚州原隸山

續修四庫全書總目

卷

集部總集類

右雍正二年始改屬直隸故雍正以前如環溪諸詩皆為入錄雍正以後則不復選以示地域時代均有區別四曰選詩或以詩存人或以人存詩蓋是編為備一方掌故非為後學示法則故所存不執一格若詩有好句而篇不完或所收已多不能盡載者間為摘句以存之凡此四端皆其書之大較若夫詩首立傳附以品評詩體分類間存原注此皆與各家選詩總集之通例相合而無疵類者符蓀森寄心盒詩話曾述其選詩之苦云余讀澤州李石臣詩慨然終日

其詩真樸不待言最工於言貧而又輪蹄南北謀食天涯晚年與鄉人輯山右詩存始獲乙科云云可以想見其搜討之勤訂泐之艱又詩話謂石臣之詩強半窮愁如接家書詩有云薪水艱難兒失學生涯潦倒弟驅犂又語內詩有云今宵預算來晨米不斷炊煙未是窮均不堪卒讀是亦讀此書者所應知之故牽牽附及亦孟子論世知人之意也

附錄傳記參攷材料

續修四庫全書總目

卷

集部總集類

鳳臺縣志

鶴棲堂集序

董氏詩萃二十卷 家刻本

劉啟瑞

烏程董煥輯煥字訥夫邑名諸生沈靜嗜學家富藏書乾隆元年舉博學鴻詞不就著有南江詩文集行世此府志所稱其事蹟也本書卷十八其四子金城詩下稱金城少力學異思壯采驚其長老為父執業景鴻沈穎谷姚玉裁沈冠雲所許可云云是則訥夫與葉沈姚沈諸人為摯友可以概見而訥夫與之齊名亦可緣知矣此董氏詩萃者乃訥夫所輯董氏一家之言案董氏源出淮南自宋世有名貞元者始遷

續修四庫全書總目

卷

集部總集類

烏程是為始祖據卷首始祖傳述其世系有云始祖諱貞元淮南海州人宋政和間官金紫光祿大夫忤執政蔡京去官挈家居烏程梅林里性好梅賦詩人稱梅花董公子諱汝霖高宗炎興時諫議大夫汝霖子諱嘉謀孝宗乾道中進士嘉謀子諱桂高御史中丞著作皆不傳始祖以下八世孫諱仁壽原名珏又名辰壽字子復博學有賢行元末父子相戒不仕明興浙行中書省薦於朝三徵弗就鑿石船以隱曰石船爛吾其仕矣以行三人稱三老董公有梅花詞數

十首楊鐵崖雖稱之詞不傳公贊南潯沈氏因家焉遂為南潯支祖宗伯公份其玄孫也云云故是書於始祖光祿公下即錄份詩蓋份之前文獻已闕不可復徵矣是書凡二十卷卷一為始祖光祿公貞元詩次份詩次道醇詩卷二之三為嗣成詩卷四之五為斯張詩卷六之七為元常詩次西庵詩卷八之十為漢策詩卷十一為衡詩次樵詩次耒詩次神駿詩次舫詩卷十二為聞京詩次穀士詩次穎佳詩次奕相詩次延枋詩卷十三為友松詩次香齡詩卷十

續修四庫全書總目

卷

集部總集類

四為志林詩次師植詩次炳文詩次士驥詩次士冀詩卷十五為永烈詩次煥詩次世熙詩次學憲詩次元煥詩卷十六為懋昭詩次燁詩卷十七為浩詩次灼詩次燿詩次烜詩次嘉言詩次三達詩卷十八為楊詩次正詩次金城詩次調元詩次鈞詩卷十九為誦孫詩次南珍詩次天衢詩次閻詩次梧棲詩卷二十為金徐姚周諸宜人詩蓋自十九卷以下另區閨秀為一類也董氏之詩各有精華言其宗尚多法唐宋言其造詣互見瑕瑜大要以風雅為歸不失溫柔

敦厚之旨雖云選擷未精編次未審然以其為一家之言揚先人之清芬要亦未足為病特卷十八選其二子之詩以之入錄父選子作於例未為純耳

附錄傳記參攷材料

湖州府志

續修四庫全書總目

卷

集部總集類



續楊李詩繫四十卷 宣統辛亥刻本 劉啟瑞

平湖胡昌基輯昌基字星祿號雲竹乾隆時副貢生有詩文名著有石漱山房詩文集此則其所輯嘉興先賢之詩總集也先是有明景泰中嘉興朱翰輯楊李英華崇禎末秀水蔣之翘復續為詩乘自沈南疑楊李詩繫出而二書皆不傳沈書起漢晉訖順康間為卷四十有二著錄一千九百餘家一鄉文獻甄綜詳備自後陸陸堂王穀原諸裏七曹種梅沈雙湖張端門楊蘋香諸家皆有意續輯而均未果至嘉慶中

續修四庫全書總目

卷

集部總集類

雲竹始克承諸家緒論勒成續編為卷四十著錄亦一千九百餘家自指紳耆德顯學名家荒江老屋之幽光禪林閨櫺之逸響擢英攜逸幽隱不遺於是嘉興文獻始復燦然大備惜乎稿成未梓幾瀕散失迨於清季鄉人士始糾合俊彥醵金付刊即是本也是書體例一準正編間有改訂亦復詳審計其大要可得六端一詩繫正編上自周秦下逮元明至清康熙而止遙遙三千載匯成巨觀是編以志在續纂而彼此分畫難於截然因託始於康熙己未鴻博一科而

其餘有無科目者仍從順治初起既以全一代冠冕

且以補正編之漏此一端也二正編人立小傳或洋洋千百言次亦不下數百字未免近於繁冗且其人之德業聞望彪炳一代者國史已有有傳其名在一鄉一邑者亦已見志乘均無須詳考是編兼仿朱竹垞明詩綜例僅書爵里撰述間附逸事一二以志概畧此二端也三正編於詩後詳註山川古蹟風俗土物以備一郡掌故是編於纖悉隱僻者務為考証若毋關者則畧之此三端也四詩評詩話所以証明原

續修四庫全書總目

卷

集部總集類

詩是編博采而約取之詳明原書或某人云不復掠美間述舊聞及雲竹自見則以石漱山房詩名之此四端也五是編或以人存詩或以詩存人大要以闡微表幽為主其有鴻儒碩學超前軼後者已有專集行世故所收較畧蓋取王荊公選唐詩不載李杜之意此五端也六是編分門別類以每朝有科目者居先而無科目者畧按時代並廁於後其間稍有參差殆所不免其閨秀方外流寓者則各為一門若謠諠仙鬼則不錄取此六端也綜斯六端皆雲竹斟酌正

編之例而成或消之或益之皆合乎各家輯選之通例而又軼於前人者卷首沈曾植序稱胡氏萃畢生之力成此一書蓋能深道此書之精且審也

附錄傳記參攷材料

嘉興府志

續修四庫全書總目

卷

集部總集類

詩最不分卷 康熙丙戌刻本

劉啟瑞

松江倪匡世選匡世字永清事迹不見於松江府志青浦詩傳江蘇詩徵第據卷首各家序言考之匡世蓋康熙時人也此詩最者乃匡世所選朝邑李楷李建父子之詩楷字叔則明末舉人順治二年令寶應有治績蚤年治古文詞才思敏妙作者辟易既登鄉荐南國傳其牘曰文運轉關中矣迨作令中讒避居揚郡四方與金華壁乞其詩文者踵相接楷均不假思索伸紙立就嗣與南昌李太虛同著二李珏書名

續修四庫全書總目

卷

集部總集類

益大噪卒之日里中皆夢文星墮墮其為時人所重也如此子建字標亦號立庵蚤厭兒戲八歲侍父遊金山看江濤湧月遂悟文機隨歸闕中讀書太華山引鐵綯笑於峰之奇險處同學皆壯之時習帖括仍嗜古學涉獵諸經子吟詩多奇句一時名宿爭器重之二十讀禮屢試不第乃捧父書歷晉豫走燕趙及嶺海吳越間設帳幕府而不廢吟咏江南士夫多唱酬焉其所著述楷有卷五齋集想閣集甌閣集霧堂集過楚集朝萊山房稿枕上集建有樹樹山房稿西



北東南二譜舊草閩草松草諸遊集惜多未梓梓者  
惟楷之霧堂遺書而所存者又僅地問一種詩什不  
與焉建則並文亦未傳詩更無論矣惟是詩最所選  
可謂絕無而僅有者存詩造百餘首俱李氏父子精  
湛之作其間楷詩佳者如贈澄城吳令詩云瀟瀟淅  
雨入山城蓮漏鷄尊夜二更叢菊已開霜未下溼雲  
欲合鴈初鳴銅符赤匣存花縣鐵未紅岡念野耕康  
吏衙齋得佳事新添蘭譜寄鷗盟又如漫興詩云城  
中水樹絕無塵南陌交秋亦可人青染沙苗埋仄徑

續修四庫全書總目

卷

集部總集類

黃飄香穗入風輪十年江夢身為滯萬里山霞月更  
新渤海朝歌思往事何妨曳履看垂綸倪匡世評其  
詩云其調高其氣厚其學博以醇其才識超軼而不  
凡要皆發於性情合於忠愛誠可謂評得其腠理者  
至建詩佳者如過蓮塘詩云野塘宿莽久堪憐到此  
猶為悲斷煙落日耕人仍面鵲浮雲遊子詎肩鸞驅  
車應憶携瑤軫杖策寧甘戀草韮好藉常何抒壯畧  
賑貧還自散金錢又如看天中塔詩云七級初成曹  
夢仙文章還與賦同傳海雲東亘孤標迴秋色西來

影氣連鐸度鸞聲喧斗野旂搖虹影散江烟登攀未  
愜空塵界撫景低徊一惘然倪氏亦評其詩謂其學  
問有本詩亦沈着痛快本於家學而特出機軸無論  
嘯咏登臨之作足稱自成一派即茲諸篇有冲澹者  
有豪縱者雖不足以賅其餘然已可心折矣云云亦  
頗評得其實蓋李氏父子久以詩雄關中論秦詩者  
舍此莫屬惜乎詩稿久佚存者僅倪氏所選而已

附錄傳記參攷材料

續修四庫全書總目

卷

集部總集類

卷首各家序



黔詩紀畧後編三十卷補編三卷 宣統辛亥貴陽陳

氏庸庵刻本

劉啟瑞

獨山莫庭芝遵義黎汝謙貴陽陳田同輯庭芝字芷升汝謙字受生田字松山事蹟並無可徵今以卷首諸序考之但知其為同光間人也此黔詩紀畧後編者乃續前編所未備前編所錄止於明世斯則始自順治迄於同光以國朝為斷其補編三卷則又補明清兩世所闕蓋黔詩之選至此始稱備焉案黔本梁州徽外地元明以來文物始盛今則東楚西滇南粵

續修四庫全書總目

卷 集部總集類

北蜀實介四省之中而為腹壤聲教涵濡久成鄒魯昔田山薑論黔中人物叙其以理學文章氣節著聲聞於明代者有數十人以孫淮海為之最清世先達則周桐野才名最盛同時張豆村與為騁驪詩歌跌宕海內極豔稱之近世則鄭子尹莫子惇尤為傑出時稱西南二子是皆扶輪菁英特達中原名碩未能或之先也曩者莫子惇嘗憾黔中文獻散佚輯明代黔詩得二百數十人並旁徵事實繫以傳證其弟芷升偕黎受生復昉其例輯清世黔詩而陳松山給諫

續修四庫全書總目

卷 集部總集類

為之傳証以觀其備至是黔中作者遂蔚然成鉅觀焉昔歐陽公讀班固藝文志唐四庫書目見其所列著書之士不可勝紀而散亡磨滅百不一二存焉因悲其人比諸草木榮華之飄風鳥獸好音之過耳今觀黔中詩人其顯者歌詠天衢雄長壇席大小雅之才傳遍通都大邑學行事業茵藹於簡編所傳者不僅在詩而其詩自著其隱者青燈老屋俯伏明窗枯吟於雲深箬密之鄉不知凡幾而三家乃篤念維桑聚三百年來黔人詩卷羅列一編或仿高仲武之評

或綴元祐之傳使鉅人長德與夫山林遺逸各以生平著纂遺事孰聞傳播於風微人往而後後之覽者因其詩以攷其人雖學行華實各具造詣之不同要皆有行事篇章與後人相質証而不致有飄風過耳之感如歐公所云者例諸會稽擬英之集甬上耆舊之篇用意正無多讓則表章發明之功不滋盛歟

附錄傳記參攷材料

卷首各家序

越中三子詩三卷 乾隆癸酉刻本

劉啟瑞

諸暨郭毓選毓字又春乾隆時諸生著有笠山詩鈔行世此則其所選越中三家之詩三家者童鈺字樸巖劉鳴玉字鳳岡陳芝園字月泉是也三家並會稽人紹興府志稱鈺與鳴玉芝園號越中三子故又春名是集為越中三子詩詩凡三卷卷各一人人各百餘首數十首不等皆選其佳者入錄並各為評註附於每首之後三家之詩首以童氏為最佳次則劉氏再次則陳氏今集中所錄童氏詩之佳者如彭城觀

續修四庫全書總目

卷

集部總集類

黃河詩云一氣直趨海中含萬古聲劃開神禹甸橫壓霸王城幾見榮光出剛逢徹底清浮槎如可借應犯斗牛行又如上金山詩云三山名勝豈尋常彼岸居然一葦航重疊樓台知地少奔騰江海覺天忙梵音只許魚龍聽佛面時分水月光回首蓬萊應不遠幾聲長嘯極蒼茫又劉氏詩之佳者如舟夜詩云殘夢不離水月寒霜滿蓬萊孤榜白蟋蟀夜燈紅心跡携琴在年華攬鏡空終憐黑頭日辛苦負三公又如社日舟中見新燕詩云故園此日見還稀偏向天

涯傍客飛翠幙久辭休問主蓬門猶在敢忘歸暫來

暮雨帆檣近莫訝春風巷陌非應有停錢思遠道可

煩傳語到烏衣又陳氏詩之佳者如咏紅梅詩云樹

底紅羅血點乾隔牆應作杏花看笛吹畫閣朱簾破

夢倚空山絳袖寒雪意未消千日酒霜姿欲變九還

丹莫愁鉄石心腸冷共許緋袍換不難又如咏蠟梅

詩云幾株千葉萬松旁映白參紅弄曉霜細折金鈴

僧褐嫩深含檀印麝脐香蜂脾採去仍遺蜜鴉額黏

來不辨黃留取江南春信在好將栗玉鬪桃芳三家

續修四庫全書總目

卷

集部總集類

之詩並各有造詣不同凡響弇山王霖評其詩謂集中諸作或琅璚而連珠或幽秀而古艷或瀟灑而淵雅既不屑取青妃白以媚世俗之目並不肯雷同附和以悅知己之聽結言拒韻詞必已出不一其體裁而律呂和諧宮商輯洽範圍乎一氣出入乎萬物涵涵然挺然精光躍露於煙蕪塵海中讀其詩可以知其立身各有本末云云誠可謂評得其腠理者又金以成評其詩亦謂三家之詩高處在元和大歷而上次亦饒有北宋諸公風格間有似鉄笛老人者以



言乎才人無所不可未肯沾染秀野堂選集餘波云云亦復評得其實証之集中諸詩尤可置信而袁子才隨園詩話劉文蔚越風潘瑛詩萃陶元藻鳧亭詩話所評亦與斯二家相類蓋三子之詩久著盛名故各家所評大半相似而郭氏此輯較之漢上題襟殆無多讓焉

附錄傳記參考材料

清史列傳

續修四庫全書總目

卷

集部總集類

國朝耆獻類徵

國朝正雅集

隨園詩話

紹興府志

海豐吳氏文存四卷 海豐吳氏家刻本 劉啟瑞

海豐吳重燾輯重燾字仲憚號秋客子苾子同治壬

戌併辛酉科舉人候選郎中著有樵紅仙館吟草此

海豐吳氏文存者乃重燾所輯吳氏之家集也集凡

四卷以人為次計卷一為少參公黃梅公卷二為恭

定公鑄南公錫宸公湖撫公襄陽公文選公卷三為

少襄陽公農部公閩部公資政公卷四則歷世遺囑

遺訓家訓述訓投贈諸篇均始自順治迄於近代按

世系人據年系篇雖而不厠例至善也按昔人錄先

續修四庫全書總目

卷

集部總集類

世遺文而為總集者古已有徵降至近世猶不勝數

言其著者元泰和劉鈺曾輯先德錄凡先代制誥及

諸遺文單牘片削皆勝附其中明宋景濂題劉氏宋

誥謂高門右族未一再傳祖父之名諱有不知者中

奉六世孫細能保此於百四十餘年之後此善為後

者也然則中葉之子若孫所以致其前人行業之傳

亦惟有文而家藏焉爾文藏其家先德所繫之大者

豈獨以備宗譜而已上之補國史下之補郡乘此吾

穀齊家藏集之所為錄也清世王漁洋彙錄其先世



著作欲錄其簡要合為一編藏之家塾奔走四方卒未暇老而不能終踐聊志存目於家乘武進楊士凝未辟而孤發憤搜輯先世遺稿得其曾祖殿撰公東皋草堂詩集祖觀察公陶菴詩父主政公龍門遺集親故篋笥扇枕齋壁無間寒暑摺括編纂勤苦備至姚田修跋云且世嘗有著書自命者其生平所作不啻盈箱累篋乃為之子者不加珍惜反從而廢置之散亡磨滅百不一二存焉以予所見世家舊族亦或不免於此綜而觀之先輩之珍重先澤至為勤慎

續修四庫全書總目

卷

集部總集類

又聞之漁洋云曾見葉文莊遺集寫冊皆手自點竄鈎勒藏其裔孫文敏訥菴處文敏仕為學士侍郎加尚書矣屢勸刻之竟不果興化李映碧廷尉承好著書常以陸游馬令二家為經別修南唐書而以江表志鈎礪立談諸書為緯尊李氏為正統其書頗可傳子木菴官御史大夫延嘉定張雲章漢昭專司校讐之役荏苒數年竟未剞劂而木菴物故矣先澤之難成又往往如此雖申鳧盟云先人著述必確乎可傳者始付剞劂不然藏之於家以存手澤亦見慎重

之意然劫受難知倘一旦消沉後世子孫有欲一見而不得者矣又讀劉才甫程氏宗祠碑記云昔者先王之立宗廟也四世而服窮六世而親屬竭高祖以上居處笑語心志嗜好茫然而莫之聞見而欲於粹然之頃致其歆假勢固不能若即先人之文字以永精神則不第四世以上凡有一事可傳其居處笑語心志嗜好固無不如見如聞也海豐吳氏自順治至宣統十朝雖皆列科名但遺編零落未嘗成書重纂自幼留心隨時甄錄其已梓者有大清律例通考據

續修四庫全書總目

卷

集部總集類

古錄據古錄全文金石彙目分編封泥考畧吳氏世德錄吳氏詩存吳氏試藝雙虞壺齋日記陶嘉書屋律賦試帖等書獨遺文各種未附其中故更為此輯並將投贈詩文附綴於後以備家獻之徵此重責自序之所云也而此書編次之旨與夫釐定之例蓋亦可於是徵之世之揚先人之清芬者殆亦可以取法矣

附錄傳記參考材料

武定詩續鈔

續修四庫全書總目

卷

集部 總集類

青浦詩傳三十四卷 刻本

劉啟瑞

續修四庫全書總目

卷

集部 總集類

青浦王昶輯昶字德甫號蘭泉乾隆十九年進士二十二年南巡召試一等賜內閣中書二十四年八月充順天鄉試同考官二十五年充順天鄉試同考官二十六年充會試同考官二十九年擢刑部山東司主事辦理秋審事遷浙江司員外郎署郎中升江西司郎中旋以事降赴雲貴總督阿桂軍營效力三十八年開復補吏部主事員外郎郎中升鴻臚寺卿授通政司副使遷大理寺卿四十四年擢都察院左副都御史授江西按察使四十八年補直隸按察使調陝西按察使五十年署陝西布政使五十一年遷雲南布政使調江西布政使五十四年授刑部右侍郎尋以年老乞休歸生平著述宏富多已梓行此青浦詩傳者乃所輯鄉里之詩始自元明迄於乾隆得詩千首得人百餘介為三十有四卷卷一之三十為歷代之詩卷三十一為閩秀之詩卷三十二之三十四為歷代之詞詞者詩之餘故附詩傳以行焉先是龍泉有湖海詩傳文傳之輯字內奉為善本論時人之

詩者多有取於斯至是更輯邑人歷代詩詞以為鄉里考文徵獻之助故其體例悉同湖海詩傳文傳之式其不同者則一為時人一為歷代而已然繹全書重在遠稽卷首所列詩人多為邑志藝文所未載者即其一例又若閩秀諸詩尤屬闕逸者多如管道昇者趙孟頫之室也其奉中宮命題所畫梅詩云雪後瓊枝嫩霜中玉蕊寒前村留不得移入月宮看是什為前人向所未道者又如縣丞李鴻室彭氏詩三首亦為其集中所無者其第一首咏雷家灣詩云峯峯

續修四庫全書總目

卷

集部總集類

斜倚俯清濤一葉孤舟亂後身洞口白雲雞犬在此中大有避秦人其第二首咏金銀洞詩云絕壁繩橋萬壑深春風何意此登臨安禪暫借蒲團力坐聽神龍澗底吟其第三首種桃柳詩云繞畦烟水望迷離種得桃枝間柳枝好是年年芳草地春晴須記曉鶯時均格力佳勝為閩秀咏絮難親之才王漢洋池北偶談曾評其詩有云彭氏布政使禹奉而送女適李鴻鴻亦能詩而才不及婦予嘗序其集刻之京師如咏白蓮云月亦騎花色風偏送葉香刺繡云針宜傳

午倦窗喜趁新晴送外云山川日以遠雨雪天收寒皆佳句也云云而不及此三什殆亦未見而詩傳獨采及之蓋其搜討之功誠有不可沒者至其他諸家亦多類是是則此書之傳匪僅可為郡邑詩什之徵且將為邑志之助焉

附錄傳記參考材料

清史列傳

續修四庫全書總目

卷

集部總集類



邦江錄別詩一卷 乾隆四十二年刻本 劉啟瑞  
南康謝啟昆等撰啟昆字蘊山號蘇潭乾隆二十五年進士改庶吉士三十一年散館授編修三十五年充河南鄉試正考官三十六年京察一等充會試同考官三十七年授江蘇鎮江府知府旋調揚州府知府四十二年以東臺徐述夔案論軍臺效力尋復原官留江南四十五年署安徽寧國府知府旋特擢江南河庫道五十九年遷浙江按察使六十年授山西布政使調浙江布政使嘉慶四年護理巡撫旋擢廣

西巡撫卓著循聲以勞瘁卒當其初調揚州府知府也續邦上題襟之集一時名士多與其盛每當風晨月夕擊節賦詩或泛舟平山堂畔或載酒梅花嶺巔每有題咏傳遍大江南北時人多稱其盛謂不亞於賓谷當年而與其會者揚州府學教授金兆燕稱為巨擘此邦上錄別詩者即兆燕與啟昆唱和送別諸人之作也首送宋維藩試京師有謝金二氏送別之作而宋維藩亦唱而和之次送范來宗庶常假滿還京有謝金宋三氏送別之作而范來宗亦唱而和之

次送其姪謝學仕還江西秋試有謝金宋范四氏送別之作而謝學仕亦唱而和之又附以吳珏和韻次則為送別諸人會於府署有移植海棠之集謝宋金三氏並有和詩次又為邀同人作府署牡丹之會有謝宋金范四氏之詩次更為咏金花之詩謝金宋三氏互有唱酬末為宋維藩北行有期留別太守之詩又留別吳愛庵詩又為蘊山題園詩蓋以送宋氏詩始而以宋氏答謝氏詩終焉案昔少陵在蜀昌黎在徐以大鎮招

致傑才一時稱盛而少陵詩曰束縛酬知己昌黎文曰累累同行役役逐跡彼時賓主之中歡然無間干載而下猶想見其風流文彩照耀寰宇揚州為南北孔道民物阜殷四方賢雋多萃其中當賓谷主鮭兩淮招致多士為題襟之會嗣其後者當推蘊山而此集之梓亦猶邦上題襟集之刻特此標錄別微有異耳至於詩什各有造詣讀者自能辨之固無俟吾人重為之月旦評也

附錄傳記參考材料

清史列傳

續修四庫全書總目

卷

集部總集類

東嵐謝氏明詩畧四卷 光緒癸巳賸棋山莊刻本

劉啟炳

長樂謝世南編。曾孫章挺重纂。世南字慈田。嘉慶時布衣。早孤。奉寡母。閉戶讀書。家世鹽筴。不交外事。得名儒鍾敬齋指授。尤於濂洛關閩之書。有心得。成家。講義二十四卷。此明詩畧者。蓋其時所編纂也。書成未梓。曾孫章挺始為付刊。並重編次。分為四卷。即此本也。案謝氏祖籍浙江。後遷福建。卷末章挺自跋。述其事畧云。謝氏初籍浙江。紹興上虞縣。我本支祖

續修四庫全書總目

卷

集部總集類

諱星。字林壽。宋末進士。以殿中待御史出知玉融州。事今之福清縣也。遭亂不得歸。乃渡海寓東嵐村。今之平潭廳。俗所稱海山者也。終元之世。務農不仕。明初有遷界之令。遂卜宅長樂之江田里。數傳子姓。繁衍。發名成業。乘便散處。我本支十四世祖孟安公。乃居省城。自孟安公以下。皆省居。而往來江田。江田蓋宗祠在焉。耳云云。故是書名東嵐謝氏明詩畧。東嵐者。溯其遷徙之原。蓋示不忘祖也。其書卷一為謝啓字養庵別號孟安。正統中。以子貴受封。著有夷庵存稿。

次謝士元字仲仁景泰甲戌進士歷官四川巡撫著有約庵存稿次謝文著字仲簡成化甲午舉人官廣西慶遠府知府著有單塘存稿卷二為謝廷秀字邦實號蘭谷宏治壬子舉人官湖廣黃陂知縣著有幽香集次謝廷柱字邦用號雙湖宏治己未進士歷官湖廣提學按察僉事著有雙湖集次謝杰字漢甫字緯梅萬曆甲戌進士除行人冊封琉球賜一品服歷官戶部尚書著有北窗吟稿天霧山人集卷三為謝汝泮字其賢號三近野人萬曆間布衣著有雲島樵

續修四庫全書總目

卷

集部總集類

言卷四為謝汝韶字其盛嘉靖戊午舉人官吉府長史著有天池存稿次謝肇淛字在杭萬曆壬辰進士歷官廣西布政使著有小草齋集都得九人錄詩近五百首皆一家之言其詩大氏溫柔敦厚中正和平得風人之旨間或流於綺靡亦復纏綿瀏灠悱惻麗纖而古傲嶷奇之處尤有慷慨悲歌之致是皆可歌可誦可以傳於後世者固不獨為謝氏鳴也至於章挺後跋謂詩曰昔我有先正其言明且清又曰夙興夜寐毋忝爾所生自茲以往庶幾後之人感奮振作

不甘庸鄙讀其書仰其人數典不忘其祖則所以為門戶之光者豈但博文采風流之譽而已哉云云是乃謝氏自勵其子孫之意非僅言其詩之臧否也

附錄傳記參考材料

卷末謝章挺跋

續修四庫全書總目

卷

集部總集類



黃溪詩證十卷 傳鈔本

劉啟瑞

黃溪錢垓趙蘭佩同輯垓字舜升號春翹蘭佩字國香號眉山事近並無可考據道光黃溪志首所列知二人曾同修里志宜乎志中並無其傳也是書專輯黃溪一里之詩始自有宋迄於道光寓賢方外另為分列書都十卷得人百餘錄詩近七百餘首古今體詩華備每家冠以小傳附以詩話詩話皆搜輯掌故集合逸事而成以出之錢趙二人之手故各標二家之名其編次之例皆按據各家總集通則斟酌消益

續修四庫全書總目

卷

集部總集類

以求合乎里志之體言其大齊可得六端一是集名曰詩證取信而有徵之義凡有事集者固無論矣外此若名人之所選志乘之所載與各家藏篋之箋紙必實見而收錄之斯不失廬山面目之真此一端也二是集所選同時諸家之詩皆已故者取易世論定之例此二端也三表樸村選松陵詩徵謂選一邑詩與一代有別茲選一里詩更與一邑有別其卓然成家者本詩最多正藉以為一里之光其名不甚著而一生之吟咏幾至散亡畧盡雖吉光片羽亦必不輯

以表前哲之苦心則以詩存人以人存詩二者庶不偏廢此三端也四是集凡例一以詩徵為法名字世

系之下系以前人評論或就二家品定綴以數言其行事無考者闕之此四端也五作詩之法詩徵論之甚詳茲編就黃溪之詩錄之故取例不妨稍寬無論長篇短章凡屬佳句而首尾完善者皆亟錄之惟戒艷體與傷時之作此五端也六里中寓賢甚多有以訂交采遊者有以假館授經者其例雖寬於志書然亦必數年或五六年方可入選而詩亦祇取有關里中之作其無涉於溪者概不入錄此六端也絕此六端全書要例可以緣知按黃溪為吳中一里自宋淳熙間有刑部尚書黃由者居於此遂名曰黃溪爾後人文蔚著代不絕書厯元泊清詩人輩出其間登廊廟入翰苑蜚聲藝林著述簡篇者固不乏人而沈淪於學究淵跡於市廛者尤不可卒數是篇乃能搜討靡遺編次確當以一里之片地而考文徵獻竟如是之詳且精雖云例有可商要亦難能而可貴矣

續修四庫全書總目

卷

集部總集類

附錄傳記參考材料

黃溪志首

續修四庫全書總目

卷

集部總集類

唐宋八大家類選十四卷 光緒九年重刻本

劉啟瑞

宜興儲欣選欣別有春秋指掌唐宋十大家全集錄均已著錄四庫入各類此則其類選唐宋八大家之文也先是欣選唐宋十大家全集時仿明茅坤唐宋八家文鈔之例增李翱孫樵為十家各為批評間附考註其中標識悉依茅本之舊至是翻然改革仍為八家曰昌黎曰柳州曰廬陵曰老泉曰東坡曰穎濱曰南豐曰半山每家擷其文之佳者各以類次名曰

續修四庫全書總目

卷

集部總集類

唐宋八大家類選其類凡六曰奏疏曰論著曰書狀曰序記曰傳誌曰詞章每類又各分子目以示區別計奏疏為目六曰疏曰劄子曰狀曰表曰四六表論著為目八曰原曰論曰議曰辨曰說曰解曰題曰策書狀為目三曰狀曰啟曰書序記為目三曰序曰引曰記傳誌為目四曰傳曰碑曰誌銘曰墓表詞章為目五曰箴曰銘曰哀辭曰祭文曰賦更於每類之首各冠選旨於奏疏則曰首奏疏導君也數君子學問文章經濟予於奏疏微窺一斑而韓歐蘇文忠所以

批鱗蹈坎挫辱不畏盡節致身於所事者千載下讀之凜凜有生氣未嘗不想見其人焉其於論著則曰此諸君子所汲汲立言以求為法天下而不朽乎後世者或曰策論科舉文可謂立言乎余曰言以適用也科舉文如蘇氏譬則稻粱之於口絲續之於體針艾方藥之於疾其不謂之適用歟苟適用矣其朽為其於書狀序記則曰文或有意為之或無意為之或不得已督促促勉而為之書狀序記在此三者之間要之序如韓記如柳盡變極妍神施鬼設獨步千

續修四庫全書總目

卷

集部總集類

古已其於傳誌則曰子長孟堅氏不作而史學類六朝俳儷詞無記載規矩蕩然韓歐王天縱鉅手起衰紹絕史學稱中興焉其於詞章則曰有韻之文古人所勅諸金石盤盂几杖戶牖者大都詞奧旨深興詩書相表裏秦漢而後足觀者鮮矣數公所撰未盡與古人抗行茲擷其可采者為選旨所云至稱詳切其所選文亦頗精湛衡之各家之文奧若韓峭若柳宕逸若歐陽醜若曾峻潔若王無不咸備即如眉山蘇氏父子兄弟相師友而明允之豪橫子瞻之暢達子

由之紆折亦選其佳者而後錄蓋此編之旨在於分類與前選唐宋十大家全集迥乎不侔故其選文重在醜備以新合於體裁焉

附錄傳記參考材料

清史列傳

續修四庫全書總目

卷

集部總集類



國朝雲夢詩存三卷 道光丁未刻本 劉啟瑞

雲夢程懷璟輯懷璟字玉農別纂有雲夢縣志畧十二卷首末二卷已著錄史部入地理類事蹟並已詳前此國朝雲夢詩存者乃懷璟所輯邑人之詩什也先是懷璟纂修邑志開局採訪凡屬邑人有詩文可紀篇章可傳者莫不蒐討詳盡備邑志藝文之徵既而邑志告成藝文一門不足盡載詩什遂與同邑耆宿馮鶴渠相勸定重輯為國朝雲夢詩存一編以輔邑志而行即是本也是書凡三卷錄詩五百餘首

續修四庫全書總目

卷

集部總集類

詩家百有餘人始自順治迄於嘉道按時系人按人系詩每家詩首冠以小傳詳其姓字與夫爵里取論世知人之旨其編次悉同於各家所選總集大要以閑幽微獻為主而生存者不錄其間詩什可稱者如卷中有許兆椿巡撫舞劍詩云霜逼平林夜月白寶光掃蕩寒無迹怪風圍起吼驚雷萬道蛟龍飛破壁把酒看君氣欲豪鋒芒直壓烏孫刀太平豈有不平事提向秋江洗怒濤又如許兆棠編修咏燕南第一峯詩云立馬燕南第一峯荆門四首白雲封天低沙

磧連朝景葉下長林露晚容動地風聲喧絕塞橫空山勢控居庸年來底事堪惆悵怪我頻留印雪蹤又如程應琪訓導秋日雲城晚眺詩云秋風瑟瑟樹萋萋近望分明遠望迷穩步城樓高著眼夕陽紅遍伍山西又云日暮餘霞散滿天朝陽不及夕陽鮮逢人莫道桑榆晚還結三生未了緣又如李華主事讀書賜姜堂詩云冬風來肅肅動我堂前竹堂前承筐多焚香正堪讀自愧百不如願託千鍾粟翻書坐案側相証伴不俗穿鑿習氣除乃有真文出盆花時欲丹

續修四庫全書總目

卷

集部總集類

松杉常自綠况為儒中人不作起群鶴此日功無限安可負宵燭又如楊世英御史草堂夜坐詩云新月徘徊照薜蘿藕絲冰水自調和蟲聲漸作知秋近花氣微馨浥露多官到閒時真是福人逢醉後便當歌銀潢卧看低臨戶借問乘槎路幾何又如郝師聖學博咏洪山詩云漢上群山走半空太湖東落鑿鴻濛遂開自有仙人棧槎斷寧須海客通近照一江秋水白疏鐘千樹暮山紅登臨竟欲凌空竊峭壁孤懸近碧穹綜此數詩均屬卓卓可傳者雖云詩體不一律

格調不一致然各有造詣蓋可緣証懷環自跋亦云  
雲夢詩家當推此數子斯則篇中所錄縱為一斑而  
全豹亦可推知矣

附錄傳記參考材料

見地理類雲夢縣志條

續修四庫全書總目

卷

集部總集類

萊菔唱和詩不分卷 乾隆五十一年黃氏烟雨山房  
刻本 劉啟瑞

歷城黃永寧等撰永寧字受園事蹟不見於濟南府  
志歷城縣志據卷首自序所署年月考之但知其為  
乾隆時人也 是書乃受園所輯友朋唱酬萊菔之詩  
都一卷錄詩四十餘首詩家三十有六人曰楊紳常  
存 王復炳耀初 馬紹常 季白 彭雲鶴 句與 李敷榮 春  
昨 夏紹溥 奇奉 徐近光 棠初 時際盛 郁若 王作輔 王  
川 李峻 登岸先 耿玉函 梅溪 吳錫彤 瑞生 朱士信 于

續修四庫全書總目

卷

集部總集類

田 李諭 威鎮 楊德亮 寅工 李潛 哲庵 張懷藻 柳亭  
楊德昭 用晦 劉杰 鳳儀亭 王叔蘭 湘佩 馮善文 蔚齋  
馮善書 業田 李昌 邑晉 邵柱 厥華 韓文淵 壯三 楊受  
廷成之 蔣式金 半樸 賀王春 慶遠 岳重 柳齋 張相君  
卿 盧樂水 伯龍 黃清寧 字平 黃泰寧 瑞平 黃喬香 政  
齋 黃喬度 勵齋 趙元增 五亭 而以受園原唱冠諸首  
先是乾隆五十一年丙午冬杪之時受園偶作方外  
之遊於鵲山寺見有水萊菔之紅者二枚受園愛不  
忍釋寺僧舉以見贈受園植之盆盎並集唐詩以紀

其事友朋見之遂有唱和之舉。受國原唱有云。來自招提境。根株見樸真。誰知生趣裏。包裹地天春。又集唐句云。夾水蒼山路。向東。幸應物野人。相贈滿筠籠。杜甫莫言堆案無餘地。劉禹錫可愛深紅間淺紅。杜甫均妙切題旨。得乎自然。其和唱之佳者。如王作輔七律一首云。非同蘿畔傲霜枝。移向寒牕別有姿。體結圓紅渾莫似。芽抽嫩綠正相宜。從添佳興圓爐夜。最助幽情負曝時。忽憶邱園埋沒者。泥塗零落有誰知。又如朱士信七律一首云。也能競秀趣梅枝。別樣

妝成一段姿。憶昔窺園渾若忘。愛他凭几恰相宜。含芳應是經霜後。纈翠深憐近臘時。漫說香根滋味淡。箇中亦自有人知。均格調工整。咏物確切。可以傳誦。別有以詞酬者。如楊受廷一闕云。珊瑚被體翡翠抽。苗更有別滋味。許收野蕝。趙山肴。偶過多情者。垂青盼。座中邀金盆。位置栽培意。承未肯輕拋。一入品題。便成佳植。憇地名高。憶當日沈埋舊園境。外蕭條。此際留根玉堂珍。重譜歌謠。寄言群卉。青雲未珣。誰問霜操。亦頗雅緻。可喜。按。萊服為蕪菁之異名。出於方

言見於南方草木狀。昔人咏之者。亦祇於咏物詩中。偶一為之。向無唱和者。而受國獨為之。此亦絕無而僅有者。詩之工否固難言矣。

附錄傳記參考材料

卷首自序



婁水文徵八十卷 道光壬辰太倉王氏開有餘齋刻本 劉啟瑞

太倉王寶仁編寶仁字東壁號研雲好讀書工詞章聲譽遍於大江南北中道光元年舉人累上春官不第大挑改教諭選授安徽六安縣學教諭砥礪學行敦勉多士不及暮年文風丕振晚歸里居日以著述為職志刻有舊香居文稿傳世其所輯者則太倉文徵是也文徵都八十卷錄文千餘首著者三百十有七人上自宋之嘉祐下逮清世乾嘉凡太倉一州之

續修四庫全書總目

卷

集部總集類

文志在是焉考太倉古屬婁縣又界三江之婁江故稱古婁或稱婁東或稱婁水明宏治時割崑山常熟嘉定三縣地始建州治然其間人才挺出乃在未有州治以前宋時崑山登進士第者自却司農始重為太倉人其子僑嘗從王荊公學故論太倉文獻者必曰二却是編所輯亦自却始却氏以後代不乏人大氏文學之盛振於元而盛於明之中葉再盛於明季而清初名儒尤著史冊言其較者有明一代如龔純翁之節概毛文簡王文肅之德業陸桴亭之理學

張西銘之倡興復社皆字內瞻仰至於文斷推王弼州尚書為大宗當時聲譽過乎而身後乃蒙訾謗時久論定其記問賅洽規模宏濶海涵地負已雄誇名流故四部稿著錄祕府詞臣撰提要謂後七子不及前七子亦不及也清世則吳梅村居首黃恩庵唐東江沈白淩等悉臻都雅而是編直溯自宋嘉祐下逮今茲雖諸生布衣困厄於荒江老屋之中姓氏黯黯罔弗尋求而得譬諸疏淪群支滙成巨浸誠大觀矣其書編例悉同各家詩文總集之選按時系人按人

續修四庫全書總目

卷

集部總集類

系文文有專集行世者則擷其精華祛其糟粕文僅有數篇存世者則亟為登載其文之選擇駢散並重然必論定於身沒者而後錄蓋崇其品學故也若文非澄至者則間登一二或文可采而人不足取者則遺之至於方外閭秀工文者亦兼采之以備一格此其較也至若名家之文凡有關於鄉邦利弊名賢事蹟者必備登之以補邑志所不及而文之法律謹嚴華實相副者亦所不遺其纖仄無滋及有才無法而不合體例者概不登錄此則又畧仿吳郡文粹之例

馬按太倉士人輯邑中之文者始自明世陸象孫太倉文略然僅載明初人文而以前闕焉故寶仁是編實為徵太倉文獻者之巨帙焉

附錄傳記參考材料

太倉州志

續修四庫全書總目

卷

集部總集類

梁溪文鈔四十卷續鈔六卷 無錫侯氏刻本

劉啟瑞

無錫周有壬編有壬字佩安少聰穎於書無所不窺不屑為制舉業壯歲以才名動公卿間陶文毅林文忠皆器之延為上客大江南北無不知有周佩安者及倦游歸發篋出所著手自編訂有錫金考乘十四卷則為邑志証疑疑漏也勾吳金石志六卷則凡通都僻壤巉巖絕壑廢寺古墓斷碑隻字罔不搜采以存古也名山祀典錄六卷則專賢祠祀所繫以為後

續修四庫全書總目

卷

集部總集類

人觀法也別有梁溪文鈔八十卷則以鄉先生謨著有關風教及足備考証者萃成編而免於湮沒者也邑中有故事士大夫必就佩安而諮詢之以徵信焉佩安貌修癯目炯炯喜譚古今事娓娓無倦容晚苦風痺然常兀坐握管歷寒暑不輟家無僮石儲泊如也年逾七十卒既歿書藏於家遺粵寇難其女夫秦賡彤奉之走京師殿後邑人侯學愈更加編次為四十卷而消益之原編凡七十六卷附錄二卷補編二卷都八十卷其間殘缺如五十一五十二祇存編

目文則全佚並有目無文有人無文者不可枚舉侯氏重為釐訂漢晉唐一卷宋二卷元一卷明十七卷國朝十七卷補編二卷併成四十卷其脫漏處則廣搜載集博訪遺聞廣續補正至無可蒐考則存目註佚此一端也原編漢晉各一人唐二人宋十人元六人明百有十九人國朝百有八人又補遺三十人文九百餘首其有文行足登是選而原編未收者侯氏更依時代補入又得十餘人文三十餘首上起東漢下迄昭代嘉道兩朝著錄者共三百家文十有餘首

續修四庫全書總目

卷

集部總集類

郁郁乎無錫人文之盛至斯而極此二端也原編附錄係生存之作侯氏重訂之時已越周氏之歿五十餘年其人並已物故故重訂之時不開生存之例遂去附錄之名一律排比纂入此三端也原編仿詩鈔例每人系以小傳意在存其文並存其人法至善也然輾轉傳鈔脫畧滋多綜覈全編有傳者十僅四五侯氏更為遠稽史冊近考志乘旁采諸家語牒撮其行誼重加補訂此四端也之此四端凡周氏原編之舊目侯氏更訂之新章大畧可睹矣侯氏既重訂竟

復輯周氏之所未備者為續鈔六卷大率為咸同光三朝時人而以佩安冠諸首其體例則悉依周氏之舊焉

附錄傳記參考材料

秦廣彬撰周佩安先生傳

續修四庫全書總目

卷

集部總集類



山左古文鈔八卷 道光戊子刻本

劉啟瑞

鄒平李景嶧濰縣劉鴻翔同輯景嶧字葛峰蘇州府知府鴻翔字次白松江府知府並官江南壤地相錯公牘餘暇習為韻事因蒐輯國朝山左古文得二百四十一首介為八卷名曰山左古文鈔而畧以人次計卷一為張爾岐趙進美王陽宋琬高珩卷二為孫廷詮孫寶桐田雯王穆王莘蒲松齡蒲立德卷三為王士正趙執信李煥章卷四為李澄中安致遠張貞張伺劉以貴鞠謙卷五為孫自務李澄周正盧見曾

續修四庫全書總目

卷

集部總集類

宋弼王焯牛運鎮呂潤蕃李翺寶光龔卷六為法坤宏臧夢元馬昱馬交李鎮吳江卷七為門衍觀王克從叢中泚楊桐賈三奇卷八為韓夢周單銘單作哲牟綏牟願相李文藻李文淵馬世珍王仕都五十有一人始自順康迄於嘉道凡二百餘年山左名家之文大半在是焉按山左文風盛於他郡鄒魯之教開自聖人春秋時七十二子之徒分處列國各以易象詩書禮春秋授弟子漢興經師起海岱青齊天下之言儒術者必造門請業焉然自漢以後唐宋號能文

者如韓柳歐陽蘇曾王或對峙於豫晉或遠毓於江

西或遠隔數千里外並萃於眉山而鄒魯無一人豈

經與文不能兼歟抑地之鍾靈有至有不至歟景嶧

鴻翔此輯乃專錄清世一代之文先是原稿錄文三

百首釐為八卷曰論辯曰原說曰序記曰題跋書後

曰墓誌碑銘狀略既而汰去十之二三定為二百四

十一首卷次仍舊惟其精不惟其多大氏以發明經

義為歸焉卷首有劉氏自序畧謂經者文之本也山

以岱為宗水以海為王文以六經為郭吾鄉南鎮岱

續修四庫全書總目

卷

集部總集類

東距海登岱以望山大之為蒙為嶧小之為鵲為華皆托體於岱臨海以觀水深之為河為濟淺之為淄為淮皆會注於海山不托體於岱則終於培塿因阜不足以語山之高也水不會注於海則終於潢汙行潦不足以語水之深也六經海岱也唐宋諸大家之所托體會注也鄒魯世守之或源或委其無不合者矣云云於經義古文之同源言之至詳且盡而其蒐輯此書之旨亦可於是見之矣

附錄傳記參考材料

兗州府志

鄒縣志

萊州府志

濰縣志

續修四庫全書總目

卷

集部總集類

南邦黎獻集十六卷 雍正三年江南藩司精刻本

劉啟瑞

鄂爾泰選鄂爾泰姓西林覺羅氏字毅庵滿洲鑲藍旗人由舉人於康熙四十二年襲佐領授三等侍衛累遷雲南鄉試副考官特擢江蘇布政司使授廣西巡撫署雲貴總督總理雲貴廣西三省事務平雲貴諸苗前後數十載世宗嘗謂自信不如信鄂爾泰之專事無大小悉令平章以聞進保和殿大學士軍機大臣封襄勤伯卒謚文端著有西林遺稿此南邦黎

續修四庫全書總目

卷

集部總集類

獻集者則其居江南藩司任時所輯全省會課之詩文也當雍正之世江蘇安徽猶未分省故江南人才之盛甲於南北西林既蒞任益宏獎風流萍屬多士復葺紫陽書院為士子會課觀摩之所三年任滿課作雲積遂分其文詩區為兩部更序詩文之體為之類別計文為類二十有七曰賦曰頌曰詔曰誥曰箴曰銘曰序曰記曰論曰策曰傳曰贊曰議曰文曰狀曰書曰啟曰牋曰考曰辯曰駁曰說曰跋曰碑曰擬七曰擬騷曰擬連珠詩為類有八曰樂府曰紀恩詩

曰紀事詩曰紀行詩曰咏懷詩曰咏物詩曰擬古詩  
曰懷古詩都為類三十有五而總名曰南邦黎獻集  
其自序所謂南邦者南方文獻之邦也書曰萬邦黎  
獻共惟帝臣謂堯舜之德光天之下萬邦黎民之賢  
者皆有帝臣之思今觀於南邦而萬邦可知之意也  
是書凡十六卷首冠下車觀風示文延訪真才示文  
刻期會課示文春風亭會課示文春風亭面課示文  
獎勵人才示文慎時哉軒會約次列文再次列詩詩  
文有西林作者冠諸各體之首如日月合璧五星連

續修四庫全書總目

卷

集部總集類

珠賦紫陽書院志序聖廟五王昭穆位次議聖廟崇  
祀歷代名賢議祭崇聖祠五王文丁祭示有司及學  
官文請增置先賢額孫子後裔五經博士文雍正三  
年欣荷皇恩蠲免浮糧嵩呼載道恭賦紀盛詩三月  
二十四日會課春風亭詩春風亭會文畢賦贈華子  
豫原詩春風亭酬夏晚堂和韻詩郊行示耕者詩等  
是餘則依會課先後譜為次第其間作者多屬名士  
如沈德潛陳祖范顧我錡華希閔潘遇革姚培袁陸  
一清孫茂孫胡鳴玉朱啟昆鄭希文等並一時之才

雋均屬卓卓可傳者信乎西林識士為不虛也至於  
各家詩文有與其專集歧異者比比皆是即以沈歸  
愚詩而論已可見其一斑是則此書之傳不僅可為  
江南文獻之徵且足以校正各家之專集也

附錄傳記參考材料

清史列傳

續修四庫全書總目

卷

集部總集類



分門纂類唐歌詩一百卷 毛氏汲古閣影宋鈔本

劉啟瑞

宋趙孟奎編孟奎字文權號春谷寄貫蘇州太祖十一世孫寶祐丙辰文信國榜進士官至祕閣修撰博覽工文善畫竹石蘭蕙此分門纂類唐歌詩者乃孟奎所輯唐人之詩歌也書都百卷凡唐人所作上自聖製下及俚歌郊廟軍旅宴饗道塗感事送行傷時吊古慶賀哀挽遷謫隱淪宮怨閨情閑居邊思風月雨雪草木禽魚莫不類聚而畛分之計分類有八曰

續修四庫全書總目

卷

集部總集類

天地山川類為卷三十有二曰朝會宮闈類為卷八曰經史詩集類為卷三曰城郭園廬類為卷二十曰仙釋觀寺類為卷十有二曰服食器用類為卷十有一曰兵師邊塞類為卷二曰草木蟲魚類為卷十有二每類又各為區別不相雜廁都得詩家一千三百五十有三家錄詩四萬七百九十有一首視前此諸家唐詩之選殆什百且倍徙矣惜乎全書罕傳世不易觀祇明末毛氏汲古閣有影宋鈔本而卷帙又闕存者僅得十有一卷計天地山川類五卷草木蟲

類六卷而已昔明葉文莊曾跋此書見於涇東橋卷

十謂唐歌詩十冊錄於雷景陽侍郎此書趙孟奎編分門纂類其用志勤矣舊凡百卷今存此三十一卷內三十一三十二卷見名類詩逸三十九四十卷僅有首末二紙所存實二十七卷蓋三不是一云云葉文莊為明英宗朝名臣前此且二百年所存者尚止於此宜乎毛氏所錄祇得十有一卷蓋不足全書什之二也然其書雖殘體例可見且卷中所錄詩什多為各家選本所無據卷末毛氏跋所舉唐人隱僻姓

續修四庫全書總目

卷

集部總集類

氏言之如文內許大任生劉乙孟翔姚揆喬備狄頌郭恭戴公懷諸人皆後世選本所闕者即此亦可以例其餘矣至其選旨見於自序畧謂詩源於情性之正其來久矣人不能無樂樂斯詠詠斯吟詩以興焉夫子刪詩定取三百篇以為經雅頌之音鏗天地動鬼神一時從臣才藝固足辨此列國之風婦人女子小夫賤隸片善寸美俱所不棄蓋聚一代之詩而成集殆取是耳唐文為一王法而詩尤工杜子美李太白韓退之柳子厚人誦其言家有其集不必類聚而

傳也間有一吟一詠散落人寰殘碑斷碣異聞雜紀  
何可勝計嘗鼎一臠固知其美終不若過屠門大嚼  
之為快是集之編包括靡所不備雖不足追思無邪  
之盛要皆由人心以出非盡背於性情之正者云云  
於此知是集之選旨正而體嚴矣

附錄傳記參考材料

卷末毛扆跋

續修四庫全書總目

卷

集部總集類

竹居錄存不分卷 光緒丁酉治城山館刻本

劉啟瑞

合肥張士珩輯士珩字楚寶又堂子又堂官江蘇提  
督移家金陵遂為江寧人士珩幼聰穎從汪梅翁士  
鐸讀目輒數行下稍長納貲為郎官天津釐局改江  
蘇候補道以廉能稱生平最篤師門尊梅翁備至梅  
翁遭粵寇難家人盡沒孑然一身依於楚寶梅翁既  
故楚寶董其喪葬刻其遺集世人多交稱之此竹居  
錄存者乃楚寶輯刊師友投贈文詩及詩餘也其所

續修四庫全書總目

卷

集部總集類

以名竹居者乃梅翁教楚寶讀書處名也孫衣言嘗  
述其竹居之名云戚友張君又堂之季子曰士珩楚  
寶楚寶賢而文好讀書又堂既寓家金陵治城山下  
復於山後得隙地依山而臨水有竹數千挺乃作樓  
五楹以為楚寶從師游藝之所而其師汪君士鐸取  
淇澳之言命曰君子居云云此楚寶竹居之所以名  
也爾後士大夫慕梅翁之教楚寶之義多作詩文及  
詞贈之歷年既久裒然成帙楚寶遂彙而梓之以為  
是編是編分三類曰文曰詩曰詞文都十七首有汪

悔翁孫衣言楊晨馮煦顧雲疎作霖劉貴曾魏繇周  
恩煦甘元煥秦際唐張傳仁程先甲諸家所作詩都  
二十有三首作者同於文而又有趙彥修孫鉞鳴李  
慈銘宋存禮江雲龍諸家之作詞都七首作者又同  
於文詩更益以呂權斗楊長年成肇康俞曲園諸家  
之作大氏皆一時之名雋均屬卓卓可傳者其所錄  
文詞無論矣詩之可稱者如汪悔翁題竹居園詩云  
徵文富益富汲古深愈深金圭質既美追琢資賦箴  
抑先肅言動賓筵聯素襟瑟調風人旨弗謏賢戾心

丹青寓至理猗菁蔚平林煙雲條塵濁鸞鶴多妙音  
卓然有斐譽仰若鵝羊群又如顧雲初冬過竹居即  
事詩云門閭修蛇一徑蟠黃花翠篠生暮寒故人西  
窗翦樺燭論文杯酒誰弗刊甚矣吾衰可怪詫覓醉  
時後寬精舍著書不辦買山錢高詠江城獨歸夜又  
如顧雲題楚寶齋樓詩云畫師何處覓荆關為寫飛  
樓杳靄間就薛荔邊開蔣徑看篋簞上卧鍾山身專  
一壑堪投老胸有千秋始肯閒笑我數椽隣欲結西  
丁移恐五丁慳均盛推楚寶之賢有足多者宜乎各

家交贈文詩稱道弗衰也

附錄傳記參考材料

江甯府志



國朝名世宏文八卷 康熙四十年錫山平氏刻本

劉啟瑞

無錫平漢英輯漢英字雙河事蹟不見於常州府志  
無錫縣志錫金志外錫金考乘無錫金匱縣志檢梁  
溪詩鈔文鈔亦無其著述更無其傳據卷首自序謂  
漢英束髮受書不能振拔伏迹草莽孤陋寡聞云云  
漢英殆潛德弗曜者歟是書乃漢英所輯國初名臣  
奏議凡二百餘首分為八卷卷各一類曰內集曰外  
集曰吏集曰戶集曰禮集曰兵集曰刑集曰工集類

續修四庫全書總目

卷

集部總集類

各以名臣奏疏先後為序人各一二首十數首不等  
按集系人按人系文故是書又名國朝名臣奏議蓋  
倣明世歷代名臣奏議之法也其所以分內集外集  
者則其例所謂禮樂兵刑工虞水火向有分司此集  
依類分門亦仍其舊而講論經筵玉成聖學箴規慎  
重保護聖躬集為內編經緯邊疆經營險阻集為外  
編亦欲便於翻閱可以倣式遵循之意也綜其全書  
大凡見於例言述其要旨約有五端一歷代名臣奏  
議三百五十卷明成祖頒行婁江張天如復為續編

煌煌巨觀洵足與通鑑通紀相表裏本朝五十年來

名篇迭出惜無裒集成書者因僭為廣徵成集庶不  
致散佚備有志文獻者采擇此其一也二奏疏之佳  
全在立議精確可以坐言起行而文采次之是編崇  
論卓識原委洞然而詞章益為煥發且情辭剴切氣  
度溫和不為放沃先資故盡收之至於糾劾彈章  
概不錄入則以事關清議非草野之所敢聞此其二  
也三是編選錄多由刻本或係郎鈔或經手授或為  
親友轉送方敢登梓若傳述不明見聞不確者概不

續修四庫全書總目

卷

集部總集類

濫收此其三也四奏議俱經進呈御覽故不敢擅加  
圈點評語即有一二跋識亦少誌私淑之懷此其四  
也五凡盡心經國者老成練達多係高年欲借此為  
龜鑑以定損益從違必當審閱故不敢惜費細書而  
出格提頭款式俱照原本以便取裁此其五也按歷  
五端例殊精審蓋是書專輯清初名臣奏疏意欲上  
續明世歷代名臣奏議故頗擷擇謹嚴體例縝密分  
類以見事功區人以臻議論要為清初選奏疏之佳  
者雖云不敵後世所選殆亦可稱精構若夫漢英論

諍諫之旨尤有可稱者如自序有云士君子未出草  
茅即以天下為己任讀書之暇當北走上都察邊塞  
之安危南浮江淮審河工之緩急下覘風俗周知奢  
儉貞淫上閱星辰洞悉乘除剝復賢人之進退若何  
軍士之勇怯若何賦稅之盈絀若何國計民生無不  
通曉安攘至計早有定謀然後奏對承明隨問隨答  
無不可以坐言起行方為讀書有用之士誠以宇宙  
內事皆吾分內事也經生家以文章經濟視為兩途  
沾沾舉業謂當求合聖賢不必預籌君國故能知千

續修四庫全書總目

卷

集部總集類

古之興亡不能知一時之利弊即或知之曰非其位  
不敢言也及登其位曰非其時不可言也迨時可言  
位可言又曰言而弗納不如不言之為愈也是天下  
終無可言之日終無敢言之人矣或謂漢武雄才難  
容汲黯唐宗英敏幾殺魏徵敢諫之臣固不易得納  
諫之主尤不易遇誠欲得其才而求其言必先優其  
禮以作其氣即令虛懷聽受較之側席懸輅已有間  
矣况震之以雷霆之威危之以不測之禍而欲廣言  
路集衆思不亦難乎顧時勢容有難言之事臣子宜

存進諫之心古人不拘大小輕重隨事進規全無避  
諱甚有援引他人進諷者如東坡在翰林時以陸宣  
公奏議進呈劄子魏弱翁為相多採賈長沙董江都  
諸議以佐治道可見公忠愛國凡可致君澤民有裨  
時事正不必言自我出功自我居也况際可言之時  
居可言之地乎云云益臻漢英識見之高議論之卓  
惜乎才而不遇淹沒以終也

附錄傳記參考材料

續修四庫全書總目

卷

集部總集類

本書自序



今文短篇十五卷 康熙丁巳西陵諸氏刻本

劉啟瑞

錢塘諸匡鼎選匡鼎字虎男號橘叟九鼎弟工詩文  
嘗應楚撫張玉如聘多所建白而從政之暇不廢吟  
咏著有橘苑詩文鈔若柯詞行世練貞吉稱其文章  
出入八家詩歌居然唐音至於小品填詞無不畢美  
方象瑛亦稱其詞娟秀流麗中時具清挺之致曉風  
殘月固自靡靡動人即使鉄板按歌亦復慷慨淋漓  
唾壺欲缺虎男之才真無所不有矣云云均交譽之

續修四庫全書總目

卷

集部總集類

其為時人所稱道也如此是書乃虎男所選清初小  
品之文凡十有五卷以類為次曰論曰議曰辯曰說  
曰解曰書曰序曰引曰題曰跋曰書語曰記曰傳曰  
行述曰箴曰誡曰贊曰銘曰誄曰文都錄文三百首  
著者百餘人並一時之名雋如汪琬魏際瑞魏禧魏  
禮熊文舉曹燦毛先舒毛際可塗斯皇姜宸英成性  
新治荆傳占衡何如教張壇沈峻曹茅兆儒王弘撰  
馬世俊柴紹炳魏喬介何象吳任臣呂維幹李式玉  
陸式寅張習禮孫治徐啗鳳董以寧臧眉錫許君微

馮遵祖沈珩毛奇齡林璐陳玉璫陳廷會林雲銘黃

宗義葉方謁萬斯大曹本榮葉燮陸進王暉魏世傑

魏世倣惲格徐應求顧炎武盧傳陸演福李雯侯方

域曹溶李長祥徐緘紀應鍾錢陸燦陸彥龍沈蘭先

沈謙宗元鼎劉霖恒佟世思王嗣槐陸韜諸九鼎王

崇簡錢謙益吳偉業申涵光惲日初湯斌馬如龍嚴

允肇黃機王世顯顧豹文韓詩沈荃汪霽練貞吉王

蔚章孫奇逢方象瑛周體觀楊思聖吳正治毛奇齡

孫金礪計東宮夢仁楊雍建王岱徐啗鳳洪圖先王

續修四庫全書總目

卷

集部總集類

士祿錢肅潤蔣平階方象瑛等皆是也而虎男自作  
亦間附之先是教發英有古文短篇之選擬歷代小  
品之文案為一帙世頗稱善虎男素喜其書遂倣其  
例輯為今文短篇時雖不同而旨則一毛稚黃評是  
書稱其與教書相較有一勝四難畧謂子發書蕭散  
間適而茲選多理學倫紀經世之文關於賢奸區別  
時運廢興之故此其勝也子發攬古諸成書而虎男  
鑿空旁搜今人所作一難子發所采上下數千載而  
虎男僅在四五十年之內得佳文乃過之二難子發



錄自周秦以下皆是古文則易於馴雅虎男特載近人筆墨耳然高妙足與昔者相為頡頏三難古人選矣得姿我意今虎男所選多是時俊而一登一去能不稍假此之謂四難此余稱今短篇之過於古非漫說也云云毛氏所稱誠為至論以教較諸尤足徵信然惜乎卷中所選猶具明世小品積習未足與教氏抗衡也

附錄傳記參考材料

續修四庫全書總目

卷

集部總集類

杭州府志

杭郡詩輯

南菁文鈔三集十六卷 光緒辛丑刻本 劉啟瑞

丹徒丁立鈞選立鈞字叔衡光緒丙戌進士累官沂州知府以風疾告歸主講南菁書院猶以左手作書畫世頗珍之此南菁文鈔三集者乃立鈞主講書院時所選諸生課藝之作也先是臨海黃以周主講南菁書院時曾選諸生課藝輯為南菁文鈔一二集海內稱為善本建立鈞主講時已越黃氏選文十有二歲其間諸生課藝不乏佳作故立鈞重為選輯名曰三集蓋續黃氏之意也其編次分類悉依黃氏舊規

續修四庫全書總目

卷

集部總集類

而消益之立鈞序其顛末云光緒辛丑十月選刻南菁課文此三刻矣自己未至戊戌四年課作散失無存者乃選取已亥迄今得文共百六十首立鈞為之編次一循前刻義例而篇數倍之又所為文多指陳世務辭氣激宕視前刻稍不侔意言者心聲文章之事閱世變之遷流歟雖然何其速也世運之隆也其文多高簡又音節和雅可誦及既衰每辭繁數而意危苦有歷歷不爽者然南菁文之初刻也歲己丑距今十二年再刻歲甲午距今七年不應先後歧異若

此噫此不能無怵於世變之既亟矣大凡運會既至捷如風雨盛夏之時鬱蒸兼旬不可耐忽一夕風雨大至走雷電飛沙石震盪萬物動心怵目瞬息之頃而氣候頓異夫戊戌以前盛夏之鬱蒸也雖有憂時之士不得不息機觀變自率其優游泮渙之素及是大風雨作矣人世動心怵目之事日相逼而至雖忘情者不能屏聞見以逍遙事物之外又何疑夫茲文之異昔乎庚子教閱倉卒慶生朝野震驚不遑寧處獨覺序之子弦歌如故漠然是非理亂之無與焉此

亦事之至不順者也抑又論之人世是非理亂之故本至難言草野之夫抒所聞見冀一效其款款之愚者大都意有所激未必盡中事理然蒙以為削之不若存之何也人子於父母之疾無不願得良藥以療之然三世之醫不可得則雖告有良藥終亦遲回疑慮而莫敢以輕試及疾之既亟則不暇顧矣故慎藥孝也然疾既亟則皇皇焉博求方藥以冀夫療之或得一當又人子之至情不得苛其驚亂者也是在主方藥者之善別擇而已且天下無不樂即己之疾而

疾甚又無必效之藥故草野談治之言其繁數而危苦者與過而削之不若過而存之亦曰庶幾得一當耳鄉校之議與人之誦或亦當世采風君子所勿罪歟云云於當時世變之危亟文運之衰替莫不言之綦切不特可以知是集編次之梗概且以覘文教之升降焉

附錄傳記參考材料

丹徒縣志

涇川文載一百卷目三卷小傳一卷 道光十四年涇

川鄭氏青虹閣刻本

劉啟瑞

涇川鄭相如輯相如字漢林號愿廷康熙庚子副榜素工詩文善採選政每一編出風動一時金壇王己山太史極推重焉又自選縣志若干卷體裁謹嚴後來續修皆依仿其例嘗慨邑中人文之多而無以聚之爰蒐羅薈萃彙為一編上溯唐宋迄本朝乾隆初年所及見者咸備名曰涇川文載書都百卷介以詩文卷一之三十四為賦詩賦者古詩之流亞也故冠

續修四庫全書總目

卷

集部總集類

於詩首卷三十五之一百為文而以雜著附之其詩文各以體類為別詩為類十有八曰賦曰騷曰琴操曰樂府曰四言古詩曰五言古詩曰七言古詩曰長短句古詩曰五言律詩曰七言律詩曰五言絕句曰六言絕句曰七言絕句曰五言排律曰七言排律曰雜詩曰歌謠曰詩餘詞者詩之餘也故得附之文為類五十有一曰詰勅曰奏疏曰表曰頌曰箋曰贊曰銘曰箴曰訓戒曰偈曰碑文曰記曰序曰引曰疏曰論曰策問曰策曰篇曰議曰史疑曰說曰辯曰解曰

續修四庫全書總目

卷

集部總集類

斷曰述曰原曰考曰問對曰題跋曰書後曰冊曰則曰書曰東曰啟曰辭曰七曰上梁文曰判曰檄文曰露布曰傳曰祭文曰諫詞曰行狀曰墓誌銘曰墓表曰神道碑曰雜擬曰雜著都共為類六十有九而各以年代為次按時叙人有條不紊卷首復冠以歷代著者小傳以便考徵蓋取孟子論世知人之意計歷代著者凡三百三十有六人焉考涇川為皖江屬邑山川清遠聲明文物為江左諸邑之冠唐有萬巨汪倫與李白往來贈答而汪遵許棠相繼登科詩載全唐集實開風雅之先厥後作者代起或探理窟或講事功或摘詞於殿陛或矢咏於繁阿炳炳麟麟不可殫述此其詩也若夫文隋以前無考唐宋元世代有文儒明之中葉水西會講多衍陽明餘緒顧敦範振藻迭見競起逮末季輒與復社相應和號稱極盛此其文也凡此皆於是編徵之胡培華序是書稱其搜羅宏富詩文雜著無體不備較之宛陵群英集等書尤為完瞻信屬確評惜乎書成未梓肅志以歿逮及曾孫維屏始獲刊刻故漢林自作亦附見於是書而



其子文熊詩文亦併及焉

附錄傳記參考材料

涇川縣志

卷末曾孫維屏跋

續修四庫全書總目

卷

集部總集類

國朝山左詩續鈔三十二卷 嘉慶癸酉四照樓刻本

劉啟瑞

上林張鵬展纂鵬展字南崧嘉慶丁酉進士累官通政使司通政使提督山東學政當其提督山東學政也時為嘉慶庚午先是鵬展典試山東得人稱盛至是遂除學政以勵士風鵬展當校士餘暇徵十郡二州之著述巨編散佚哀集彙萃後先咸叙高下並收成績鈔三十二卷續鈔者續盧雅雨山左詩鈔之未備也雅雨原鈔凡六十卷上自國初下逮乾隆戊寅

續修四庫全書總目

卷

集部總集類

時距嘉慶癸酉又五十年其間佳章繼出鴻篇屢起不有續鈔深懼廢墜故鵬展復為此編以續雅雨得詩三千得人五百編次體例悉依舊章間有省益亦復精審言其大齊可得十端計同者六而異者四焉言其同者如前鈔於諸家名下前詳詩里後繫詩話論世知人不容置廢今並用其例此一同也又如前鈔編次先後多以科名為斷惟子居父前者不能不稍為更易至於文學隱逸之士或無從詳核則按其世次約畧叙入此二同也又如前鈔凡小傳所載懿

行嘉話多據其人墓誌家乘及本集序文或府州縣志皆著明所據間採掇散遺均有所自非同無徵故此編亦用其例此三同也又如前鈔詩中故實其有閩山左文獻者並存原註或間附徵引若已見於古書則無庸更加詳載本編亦準其例此四同也又如應制之作自有矩度宜別為專選故前鈔不載今仍其例此五同也又如前鈔凡其人存者不錄以杜聲氣標榜之習今亦遂之此六同也若夫異者如前鈔有順治時人而搜採偶遺者今由各府州縣學採送

續修四庫全書總目

卷

集部總集類

悉為登入無從限斷仍始國初此一異也又如前鈔成於乾隆戊寅有康熙雍正間人而其時現存者未入前鈔今並採入此二異也又如字之異音句之拗法苟有來歷考古者自可推尋前鈔或所辨証今概從畧此三異也又如各家本集或分體或編年茲鈔並依原本至零星搜輯者則隨手鈔錄難拘體例此四異也綜其異同以覘全書推其大較蓋可緣知至若類次之分卷一之二十九為歷代山左之詩卷三十為閩秀流寓方外鬼仙之詩卷三十一之三十二

則為補遺補遺者諸家有人本居前而徵詩收到在後故不得不另為一帙焉

附錄傳記參考材料

山東通志名宦傳

續修四庫全書總目

卷

集部總集類

皇清文遠不分卷 康熙四十年刻本 劉啟瑞

鄞縣徐文駒選文駒字子文康熙二十年進長於制  
制義以時文稱於南北據本書文駒與友人書謂自  
束髮受書雅不欲因陋就簡汨沒於黃茅白草之習  
至年十六七復從先生長者游源流血路後先探討  
於六經則漢儒之箋疏唐宋元明之註解皆採力  
索不敢遺也於諸史則子長之疏宕孟堅之嚴密尉  
宗之豐贍幾於餽食而寢處之下逮魏晉以至宋元  
亦皆搜其菁英汰其蕪類於文章則三傳國語之古

續修四庫全書總目

卷

集部總集類

與兩京之醇懋選體之數腴韓之奇柳之峭永叔之  
悠揚潛溪之博大遜志之渾灝二川之理法備至直  
接大家皆嘗密咏恬吟求其神骨之所在於詩則子  
卿少卿之悽惋子建父子之高健元亮之孤迥鮑謝  
之新俊太白之豪邁子美之沉雄悲壯為詩學集成  
類皆體其性情考其句律求其氣格冰其汲澗蓋僕  
之受學也垂二十年於此矣雖然是數者得其糟粕  
未敢得其精微獨制義一途則耿耿寸心自信足以  
泣鬼神而貫金石云云凡文駒畢生之進德殆可於

是書徵之矣此皇清文遠者乃文駒搜輯國初諸家  
之文總集也其書選旨見於文駒題許燕公北征詩  
後畧謂予年來劇心文字既論次有明一代之文近  
復從事皇清文遠斤斤持擇務取其才情議論為天  
地萬萬不可磨滅者乃點次而傳之一切雕繪之文  
綺靡之作決不以涸我梨棗云云此殆其選書之本  
旨其書首無序言末無跋語亦無凡例而卷第凌亂  
先後分合亦不甚可考據現存次第言之首宸章次  
賦次奏疏次序跋次碑傳次雜文而奏疏等卷有署

續修四庫全書總目

卷

集部總集類

卷十五卷三十九者其子目於三十九卷之下更畧  
奏疏二十一大氏此書初選時分卷無多後乃增益  
至若干卷今全書既不可得存者僅此遂至多寡不  
可考矣至其選文有錢謙益王頊齡等篇是必曾經  
燬禁者是其書亦不可多得矣

附錄傳記參考材料

本書徐文駒撰與友人書



同人唱和詩集三卷 道光甲申黃氏士禮居刻本

劉啟瑞

吳縣黃丕烈等撰丕烈別有百宋一廬書錄已者錄事迹並已詳前此則所輯同人唱和詩也詩凡三帙曰夢境圖唱和詩集曰狀元會唱和詩集曰虎丘詩唱和詩集各一卷各錄詩若干首作者並一時之名雋其夢境圖唱和詩集者乃丕烈夢與潘芝軒石竹堂晤聞其詩句而成詩因繪為圖以紀其事竹堂芝軒遂相與酬唱成為此集丕烈自引有云道光

續修四庫全書總目

卷

集部總集類

辛巳夏郡有修志之舉石竹堂潘芝軒兩先生實主其事余以忝與纂修之列因訪書赴琴川泊舟常熟西門之倉前天未明時夢見一空曠之所竹堂芝軒身凭一石几對坐二鼓磴作談詩狀余自外入但聞七字句云不使閒情管落花寤後足成七絕一首及歸再用句中平韻衍之復得二首未始非文字因緣之意也其狀元會唱和詩者乃丕烈於道光壬子新正邀潘芝軒吳棟華吳謁人三狀元小談唱和紀事之集故名曰狀元會其小引所謂客有見予夢境圖

唱和詩者曰子殆不忘情于狀元故假諸夢想殊不

知予之夢其因在閒談詩也詩之教微乎上下談詩

者為狀元遂謂有功名富貴氣乎不然也國家功令

所在凡入仕必科第人不學舉業則已如學焉誰不

思為狀元者必以狀元為功名富貴中人而非我輩

所願為此不願為之心出諸山林隱逸之士則可如

我輩斷不宜作此違心之論狀元何浼我哉予知有

詩而已之意也其虎丘詩唱和集者乃丕烈與吳雲

和潘芝軒虎丘詩之集也芝軒原詩序云蘇城西北

續修四庫全書總目

卷

集部總集類

虎丘山者秀挺華林體包群壑寺宇丹青林亭翠交危磴平闌延矚引步嚶聲天采間發亂飛春秋皆有可觀晴晦迭呈變態洵四方人士遊覽畢集之地亦是邦英彥吟眺不厭之區僕也掩闥避暑索居臥歛恒盡簪於素心慕投桃之高誼喜生見獵醜忘效顰况夫批風抹月本是弱齡遊釣之鄉兼之振笛彈絲不少上客唱酬之日登高能賦兩美不礙殊安即事多欣同調何妨異撰書成拉雜合新愁舊恨以齊宣體仿謳謠稟昔歎今情而竝登慙技道之不兼進按

宮商而弗克諧難希子夜新歌或作歌山故事之詞也總斯三帙並屬唱酬之作時丕烈戊申榜後春閑久絕校讎藏書宏獎風雅故與潘芝軒石竹堂友至是更相唱迭在為賓主會丕烈梓書遂並刊行以傳諸世而合名曰同人唱和詩焉

附錄傳記參考材料

清史列傳

續修四庫全書總目

卷

集部總集類

朋舊及見錄六十四卷 法氏王廷秋館鈔本

劉啟瑞

蒙古法式善輯式善字開文號時帆蒙古爾濟氏隸內務府正黃旗乾隆四十五年進士改翰林院庶吉士散館授檢討擢司業五十年高宗純皇帝臨雍孔成賚賞有差移左庶子本名運昌命改今名國語言竭力有為也五十一年遷侍讀學士五十六年大考不合格左遷工部員外郎次年大學士阿桂薦補左庶子五十八年陞祭酒以讀書立品勗諸肄業知名之

續修四庫全書總目

卷

集部總集類

士一時甄擢稱為極盛嘉慶四年生言事不當免官俄起編修遷侍講尋轉侍讀七年遷侍講學士會大考復降貲善俄遷洗馬十年陞侍講學士坐修書不謹貶秩為庶子在館纂皇朝文頌復纂全唐文旋乞病家居養疾式善官至四品即左遷名威數奇似有成格顧泊如也所居在地安門北明西涯李東陽舊址也背城面市一畝之宮有詩龕及梧門書屋室中收藏萬卷間以法書名畫外則時竹數百竿寒聲疏影翛然如在巖谷間時海內稱詩者多追逐於沈德

潛袁枚兩家式善獨無所倚毗用王士禎三昧之說  
主王孟韋柳性極平易而所為詩則清峭刻削微  
宕往無一語旁沿前人居翰林時凡官撰之書無不  
編校因是所見益博所撰清秘述聞槐廳載筆詳悉  
本朝故事該博審諦尤喜獎借後進得一士之名聞  
一言之善未嘗不拳拳也海內名流投贈諸作輒投詩  
龕中作詩話復取諸師友詩略以年代編次為湖海  
詩六十餘卷即此書也書凡六十有四卷疑因別於  
王蘭泉湖海詩文傳名遂更名為朋舊及見錄錄詩

五千餘首詩蒙八百十有三人例志同於各家選詩  
總集之例首列師次列友均依年編次不相雜廁此  
一端也每家錄詩或十數首或數十首不等大抵以  
投贈者為主無則取之專集或各家選本此二端也  
每家選詩以有關梧門者居多次則取各家之佳什  
始獲入選蓋取罕闕無濫之意此三端也每家詩首  
冠以小傳凡其人事迹可稱逸事足傳者俱加徵列  
並附品評復以朋舊之誼譜為詩話以附於後蓋取  
孟子論世知人之旨此四端也至其編次頗著謹嚴

卷次則先後更易選詩則增乙殆遍集評則旁行邪  
上詩話則屢加訂改而編次之時每卷皆出之友朋  
重為釐定卷中各書編訂者名此其証也惜乎書成  
未刊見者少也

附錄傳記參考材料

清史列傳



沛上停雲集一卷 嘉慶三年陽湖孫氏刻本

劉啟瑞

陽湖孫星衍等撰星衍別有古文尚書注疏周易集解寰宇訪碑錄金石萃編等書均著錄入各類事蹟並已詳前此沛上停雲集者乃淵如官山東兗沂曹濟道時所輯同官友朋唱酬贈答之集也先是當乾隆六十年朝命星衍為山東兗沂曹濟道以病未赴及秋始至時山東學政為阮元元與淵如為同歲生對其至也以詩進之有小滄浪亭懷孫觀察詩故小

續修四庫全書總目

卷

集部總集類

滄浪亭雅集詩序有謂湖中花事將殘最後得碧蓮一枝四朵共蒂時觀察以車獲傷足至秋半始由天津汎舟來濟南未谷詩似豫為兆者蓋未谷和文達詩有人問天上中秋近可要乘槎犯斗來句也其屬和文達詩者淵如未谷而外有吳錫麒張門陶伊東綬方體徐嵩周為俞鵬年諸什嗣是淵如往來濟南與同官友朋並有贈答如自歷下之官兗州道中即事詩和者有趙懷玉韓蔚何啟賢周為楊元錫又隨河帥巡工惠海龍來謝詩和者有李奉翰王宗敬又

嘉慶元年勅工乞同官題其先文介公試策詩贈詩

者有五德周為又斷獄方輿歸沛上道中詩和者有周為又巡視河防諸詩和者有周為楊元錫陸嗣宣將因培馮培又鄒縣訪女媧遺跡詩和者有周為並附隸過孟嘗君墓詩又自沛上回兗州遇雪詩及訪武梁石室畫象詩和者有黃易周為顧禮琬管世銘自是以下題贈者多有馬履泰周為楊元錫何啟賢魏成憲亮保王復李鑒宣畢裕曾諸什而淵如自作亦多可稱如斷獄方輿歸沛上道中詩云林泉風景

續修四庫全書總目

卷

集部總集類

似南徐露濕紅旌日上初崔角未消還度舍雲何事又隨車關心荷澤分流水著手桑經一卷書旅食匆匆辭授篆尚漸肘後露金魚又如巡視曹軍河防作云平沙風緊射征裘近臘冰漸尚急流雨戒忽分南北毫一抔須障充徐州居民晚歲輸薪束候更寒更報水郵龍節一雙來澤國可能當食不紆籌時淵如兼紹山東全省河道故有是言也江南某氏藏有阮文達與淵如書至多其唱和之作亦累篇什中有為是書所無者蓋淵如刻此書時已有所損益矣

附錄傳記參考材料

清史列傳

山東通志

常州府志

陽湖縣志

續修四庫全書總目

卷

集部總集類

人文大觀八卷 康熙戊申刻本

劉啟瑞

華亭陳介編介字德隅號惠持一字罷庵松江府志

無其傳江蘇詩徵稱其為華亭著罷庵集又錄其寄

朱斐章浙中詩一首云半生潦倒各天涯境到窮時

興倍賒賸有灌園陳仲子空教給客魯朱家秋風自

噪空門雀落日誰憐繞樹鴉曾記昔年重九日筵開

場園就黃花餘均無考蓋德隅為順康時布衣故其

事蹟鮮著也此人文大觀者乃德隅所選有明一代

之文始自洪武迄於崇禎得文五百有奇作者六十

續修四庫全書總目

卷

集部總集類

七人介為八卷卷各十餘人人各錄文十數首數十首

不等均含精取華舍糟棄粕凡一代之人文大畧在

是故其書名以人文大觀焉其書所錄作者釋其次

第有宋濂王禕劉基李伯昇客元蔡子英方孝孺王

叔英解縉于謙祝淵邵寶貝瓊陳獻章羅倫章懋薛

瑄陳茂烈林俊湛若水呂柟王鏊鄭善夫高岱張孚

敬王守仁李夢陽何景明楊繼盛海瑞李攀龍王世

貞宗臣王慎中鄭曉郭子章唐順之田汝成阮鶚楊

循王廷棟王維禎羅洪先黃省曾萬恭汪道昆柯維



騏孫丕徐階王錫爵祝以幽屠隆徐渭李贄袁宏道  
劉宗周倪元璐陳繼儒陳際泰楊連陳仁錫夏允彝  
陳王言李雯陳子龍周立勳徐孚遠並一代之名臣  
名儒其行誼文章均足昭著於後世者例言所謂必  
餘其士行攸關學術攸分政教攸係者尊為上選凡  
明之所由隆所由替觸類可推彬彬中具有史裁之  
意也德隅又嘗論一代之興必有一代之文章應之  
一代之文必有一代之杰出者名之漢之文流利而  
閑淡則遷固以名唐之文整齊而多法制則韓柳以  
名晉文玄而洽宋文雅而純則陶謝歐蘇以名名者  
文之出於衆以獸為獎者也明治宗三代其視兩漢  
猶之培塿也則晉唐以下雖蟻封不啻矣故其人才  
亦遠軼之累累然指不勝屈而文之卓犖杰出者萃焉  
宋景濂之樸要謨典是尊王子充之嚴正鬼神可振  
劉覆瓿開一代之丕李崧峒拔累朝之弱希古忠烈  
絕乎古今而樹論復多徹體之言姚江功業精于經  
變而下筆俱皆格心之論滄溟鎔鑄百子語平而理  
奧或在可以解不可以解之間弇州變化兩史詞潔

而情芳有但見其上不見其下之妙鄭善夫上疏東  
巡與司馬諫獵同功陳茂烈懇辭終養較令伯陳情  
更怛羅一峰糾文達之章楊左都劾魏璫之奏裂膽  
流肝豎髮皆血則今日之胡澹菴封事一疏也陳白  
沙序詩而談情章楓山觀風而講學格物窮理目擊  
道存則今日之濂洛君子性理諸書也以至宗子相  
少年莊德唐荆川詞臣道心鄭公曉幾於蔚宗不死  
徐子渭儼然長吉再生卓吾蒙莊放逸之才眉公杜  
老憂國之泪陳子大士之筆光耀臨川吾師良孺之  
學衡高吳會其餘諸子或學貫天人如董子中壘之  
精詳或疏徹治安如長沙宣公之朗達或如梁園枚  
叔之組練繡口錦腸或如眉山蘇氏之風華天仙才  
子蜂起蜩集日麗星懸未有如此際者撮合百代之  
良龍羅諸家之秀豈不煌乎盛哉云云凡明世人文  
之薈萃殆可以足論賡之蓋人文之興衰實與世道  
之隆替互相表裏互相消長考明代之人文必有取  
於是書矣



附錄傳記參考材料

江蘇詩徵

續修四庫全書總目

卷

集部總集類

方山藝文志不分卷 同治元年鈔本 劉啟瑞

壽陽祁寓藻宿藻同輯寓藻字叔穎又字淳甫後改實甫號春圃晚號觀齋嘉慶十九年進士咸豐時官至體仁閣大學士致仕同治間以大學士銜為禮部尚書在樞廷數十年薦賢甚衆詩古文詞卓然成家其學不立門戶嘗言通訓詁明義理二者不能偏廢卒謚文端著有馬首農言硯斲亭集勤學齋筆記宿藻字幼章一字子孺寓藻弟道光元年進士累擢江南布政使洪楊軍陷九江宿藻盡心防禦力疾登陴

續修四庫全書總目

卷

集部總集類

巡視卒於城上謚文節此方山藝文志者乃寓藻宿藻兄弟同輯方山碑誌詩記諸作也壽陽東北三十五里有方山峯岵秀拔林木鬱茂當唐開元間有顯教妙嚴長者李氏竭來此山卜土室而居研精章思以著華嚴論為業神物佑助不名而至越十九年而歿頤著窮異環山之民相興建寺供養香火日盛歷宋元明代有修葺官給以薪民供以地累世相承僧徒日衆為壽陽之名盛焉寓藻父韻士嘗游斯山見諸吟咏故寓藻蒐其文獻譜為斯集而以韻士詩作

附諸後書不分卷以年為次碑說詩記互相雜廁首錄唐天祐四年神福山寺露跡記宋太平興國九年長者祠前石幢和尚惠斌石幢熙寧五年方山昭化禪院政禪師行述記元祐四年謁李長者碑次錄紹聖崇寧宣和諸碑記金大定碑記元至正碑記明世以降碑記題詠不可勝紀言其多寡殆前後二百餘篇而碑記居什之八焉其間詩之可稱者當以祁韻士詩為最如夢游方山詩云何人置我巖壑間夜呼孔賓返故山入山惆悵長者去嶺上孤雲自往還四面

續修四庫全書總目

卷

集部總集類

峯巒驚斗絕青松一碧浮煙鬢千松萬松數莫遍霜皮溜雨紛潤斑黃花繡得千片錦裙香間錯森迴環蒙茸細針視履齒藉草欲眠緣非慳老龍靈湫跨山頂決潏頻洛盤雲鵬上寺鐘聲下界聞金剛泉涌山頂灣講座時時有虎嘯石頭點盡無一頑天覺骨朽彼何人摩崖殘碣今未刪歸尋邊令題詩處但見秋月弓影彎壯士遁去脫虎口掘墳尚憶誅神姦青主先生亦貞士黃冠就此作商顏霜紅龜老做不起羊裘高節遺塵寰二賢本非同志者茲山留蹟豈等

閒我坐石上三歎息松風流水聲潺潺夜深苔滑柱杖落赤手欲向浮雲板華嚴古洞火不滅恨未畫上凌仙閣詩境高曠結想林泉於方山諸家題詩之中當以是詩為佳構餘則不足道矣按韻士字鶴臯乾隆戊戌科進士由翰林院編修升右春坊右中允改戶部官至郎中著聲翰苑而怡志在山泉間者宜乎詩能道其所得也

附錄傳記參考材料

續修四庫全書總目

卷

集部總集類

清史列傳

蘭言集二十四卷 錢塘王氏霞舉堂刻本

劉啟瑞

錢塘王暉輯。暉別有塙東志已著錄。事迹並已詳前。此則暉輯友朋投贈之詩文詞也是集凡二十有四卷。畧以文詩為類別。計詩詞為類十有四。曰五言古詩三十一首。附一首七言古詩二十六首。五言律詩六十首。七言律詩九十六首。五言排律六首。五言絕句六首。六言絕句四首。七言絕句四十五首。小令詞十九首。中調詞十六首。長調詞二十八首。時曲二套。

續修四庫全書總目

卷

集部總集類

集曲一套。雜劇四折。文為類十有一。曰賦二首。記三首。說二首。銘一首。評一首。題詞六首。引五首。序三十首。書十首。啓七首。尺牘二百六首。都共得詩詞文六百二十有三首。凡畢生友朋投贈之作大率在是。其書選旨見於自序畧謂荀子有言。贈人以言。重如金石。珠玉。顧豈區區貨財可等乎。予性不諧俗。而每遇賢人君子。輒思下拜。辱有投贈。雖片語隻字。亦必什襲藏之。歲月既久。篇章遂多。恐歷久而失其傳。付之剞劂。其曰蘭言者。蓋取諸易傳同心之言。其臭如

蘭也。或謂詩以道性情。是集所載皆燕游贈答之詞。

則所稱性情者。何由而見。不知古詩三百篇中。諸侯

卿大夫士。率以贈答相尚。至漢魏以來。燕游贈答之

篇。難可指數。豈嘗以酬應掩其性情哉。第諸君子贈

言。過於讚美。或疑其不近古道。要皆欲使予愧所未

至。而勉所已至。則譽之中。仍不失規之意。亦猶行古

之道也。云云。是則此篇之輯。既拜友朋嘉言之惠。且

勛其進德之無疆也。至於輯例。一準通則。集中作家

亡者過半。然昔人之重知己。不間存歿。故凡有一可

續修四庫全書總目

卷

集部總集類

存片言不棄。皆錄之。此則稍異通例者。若夫編輯大凡。載於王氏例言畧謂。交游既廣。往來書牘日繁。其隨手酬答及言事涉俗情者。概置不錄。故所載寒暄通問。談風月外。連篇累牘。惟論詩文為多。此一端也。又名賢不我遐棄。著撰所刻。或列賤名。然而江山阻長。原稿未經寄到。常有不及知者。當即廣搜彙補。入集。以志不忘。此二端也。之此二端。全書大較。可以緣知矣。



附錄傳記參考材料

清史列傳

續修四庫全書總目

卷

集部總集類

易堂德隱錄六卷 長樂謝氏賄棋山莊傳鈔本

劉啟瑞

長樂陳庚煥纂。庚煥字道由。乾隆時歲貢生。少好學。留心世道。讀有用之書。既與謝金鑒交所學。益務實踐。其論學。深闢陸王。謂陽明右陸。絀朱。至盛推達摩。慧能。而謂堯舜萬籟。孔子九千鎰。其他見於言語文字間者。初未嘗掩諱。嘉陸大儒。私淑姚江。勇猛精進。莫如羅進溪。明德之謚。上擬明道。乃手傳二子。軒輅往生之異。至於生化之頃。親為拜斗。府之章持彌陀

續修四庫全書總目

卷

集部總集類

之號。歡喜讚歎。得未曾有。然則近溪所明之德。果何德也。其詳辨學術多類。此生平不言人過於經傳傳。謬多所考正。嘉慶元年。郡縣議舉孝廉方正。固辭。卒著有五經補義。人物表。干麓塾談。莊嶽談。童子擴談。師門辨香錄。尊聞錄。崇德同心錄等。其所輯者。則此書也。是書專輯寧都三魏及同隱易堂諸人之文。因名曰易堂德隱錄。按清史列傳。稱魏禧父兆鳳。明諸生。甲申之變。兆鳳號哭竟日。不食。匿迹山中。翦髮為頭陀。隱居金精之翠微。是冬。筮離之乾。遂名其堂為

易堂此易堂名之所由起也。又云山距城四十里四面削起百餘丈中徑圻自山根至頂若斧劈然緣圻鑿磴道梯而登因置閣為守望士友稍稍依之後數年寧都被寇翠微峯獨定此翠微峯之形勢及士友歸依之由也。又云禧與兄際瑞弟禮及南昌彭士望林時益同邑李騰蛟邱維屏彭仁曾燦等九人為易堂學皆躬耕自食切劘讀書而三魏之名遂徧海內此言隱易堂之九子也。九子別有文鈔已著錄此僅著其有關易堂者而九子之外有言易堂之文亦入

續修四庫全書總目

卷

集部總集類

於集中以頌有隱德故也計其編次都為六卷分為三編曰前編曰正編曰後編焉。庚煥自論其編次之例云自古名山類以人類君子翔而後集所止必非偶然然則非易堂不足以聚九先生矣故以金精翠微之形勝易堂室廬之緣起始終次為前編上易堂隱居創於凝叔復於善伯而和公長其子孫實為地主三魏學本庭訓故溯源於徵君地以人類亦以人重故以齒序列九先生壽里名字併及山中前後世居寄居諸君子名氏次為前編下叔子買山與伯李

奉親偕隱一時同志把臂入林異姓而兄弟藹然一堂子孫世講斯誼千載聞風猶足令人興起故九先生行實仍以齒序列自古賢豪鮮不資內助故凡易堂間德之有徵者各附諸先生後為正編上九先生學術志事與時偕藏稀所表見然詩有之鶴鳴於九臯聲聞於野美在其中誠不可掩即其議論想見其為人雖所永夫弗告者亦可隱然得之言外今約采若干篇為正編下讀斯錄者自可遇其人於崎嶇險阻之中寂寞銷沈之外矣易堂至今不二百年魏氏

續修四庫全書總目

卷

集部總集類

子姓猶世抱遺經守其堂構乃操觚之士已多不能悉其姓名舉其遺事者矣然當日子弟門人往來交際諸君子類皆樹志節積學問習艱苦以無負父兄師友之訓易堂之為易堂以視委靡逐流蒼黃失素與夫末路自相攻擊相去豈不遠哉故以諸先生子弟門人為後編上而以魏氏子姓為首者易堂至今猶屬魏氏也而諸先生師友故人嘗居易堂及往來踪跡嘗涉茲山有見於文字者為後編下若諸先生交遊在四海而足未及翠微者俟別編之易堂應

求錄茲不多及云云斯書大旨盡在是矣

附錄傳記參考材料

清史列傳

續修四庫全書總目

卷

集部總集類

篋衍集十二卷 傳鈔本 乾隆辛巳金匱華氏重刻

本

劉啟瑞

宜興陳維崧選維崧別有檢討集已著錄事迹並已詳前此則其所選友朋之詩什也詩凡十有二卷以詩體為類別計卷一二為五言古詩卷三為五古長篇卷四為五言律詩卷五為五言排律卷六之八為七言古詩卷九之十為七言律詩卷十一為七言絕句卷十二為五言聯句每體復以人次人各系詩並冠小傳論世知人信善籍也按維崧是選向藏篋筭

續修四庫全書總目

卷

集部總集類

秘不示人故名篋衍不見傳誌其年既歿蔣景祁始於其從子枋許得見稿本亟加傳鈔並付之梓見於蔣序序畧云吾鄉陳其年先生工於詩間嘗鈔數十年以來名公碩人之詩得三百餘葉手自披咏名曰篋衍集秘不示人既歿而其從子枋乃檢而存之然其選主於自怡故不謀於人艱於借鈔故篇弗求備使遲以歲月博以撫採豈不偉然一代之全書哉丁丑初夏過蘿邨吳門寓舍出示斯集蘿村謂足備本朝詩選之一因不敢秘以付剗人惜尚有未經先生



採入者。羅村謀嗣刊篋行續集云云。今此鈔本即景  
祁所送而刻本則未之見。景祁嗣以此書示王漁洋。  
漁洋亦稱其書之善。謂錢牧齋有吾炙集。施愚山有  
藏山集。葉訖庵有獨賞集。皆秘不示人。意其於唐人  
之旨必有合者。而惜余之未及見也。陳其年太史撰  
篋行集時。官京師。不旬日與余輒相見。未嘗一語及  
此書。歿將十年。而其同里蔣子京少始得於敝麓。而  
傳之。先以質予。予曰。此古琴瑟疏越之遺也。後有賞  
音。庶無聞古樂而思卧詩教其興歟云云。亦稱其書

續修四庫全書總目

卷

集部總集類

之不輕示人。說載五序。而宋牧仲序亦如王言。是則  
其書之傳。幸賴蔣氏之功。然蔣羅村擬續是篇。則有  
非是。陳氏所選。原便自怡。留於篋行。本無閱便之可  
續。宋牧仲序亦謂善選詩者。寧損其多。無益其少。此  
亦師全所云。烏狗未陳。盛以篋行之義。安在羅村之  
續哉。厥後乾隆之世。以其年所選。有錢謙益龔鼎孳  
屈大均諸家詩什。遂從而禁錮之列。之禁書。不其真  
歟。又是書名篋行集。而華氏重刻。更名曰今詩篋行  
集。則未知所本矣。

附錄傳記參考材料

清史列傳

續修四庫全書總目

卷

集部總集類

牆東志五卷 家刻本

劉啟瑞

仁和王暉輯暉初名裴字丹麓諸生性好博覽聚所藏經史子集數萬卷於霞舉堂縱觀之每讀一書必首尾貫穿始終去其所論著終始條貫斐然成一家言生平好賓客客至輒命酒士大夫至武林者多與納交當時名士誦集未嘗不在然求身自下悃悃如山中性至孝事父嚴謹無事必侍左右父命與幼弟析產欲更授一屋以厚適長固卻曰已違古人取少之義敢益多以重戾耶父卒喪葬盡禮走千里徧

續修四庫全書總目

卷

集部總集類

告當世能文者乞為志傳成帙曰幽光集喜刻書嘗刻有檀几叢書五十卷所自著有遂生集十二卷今世說霞舉堂集三十五卷雜著十種十卷世多稱之此牆東志者則友朋和暉之詩及所贈之文而暉輯以行世其所以名牆東者清史列傳謂暉晚辟牆東草堂吟嘯其中蓋以草堂之名名其集也據錢肅潤牆東草堂記謂王子日以詩文贈人人之贈王子者其詩文亦且日至堂中置量書尺每歲所積於除夕量之準以六尺上下其有佳篇悉哀次之成若干卷

刊布流傳云云是則其志所錄蓋為唱和之詩文也

是書凡六卷錄賦二首記四首詩一百有五首詞七首序一首詞十有六首皆友朋所贈者而暉所答則詩十有一首記三首銘一首紀一首跋一首都得詩文詞一百五十有二首其間題詩可稱者有黃梨洲一律云牆東一畝精廬在多少詞人挂韻牌壁托隱淪名處士書成文選號高齋桐梧秋夜閑疏雨書帶終年映碧階吾亦名山有隱地石牕瀑布落天涯其餘可稱者有許承欽林雲銘諸什而暉詩可稱者如

續修四庫全書總目

卷

集部總集類

草堂雜詠詩云築室遠城市偶爾傍牆東自知為世棄豈是學君公咏草堂也又云看雲常獨倚下榻為徐君無事此高卧塵囂遠不聞咏丹樓也又云咫尺牆東路紆迴望不窮湘簾新月上花影又濛濛咏迴廊也又云塞衣涉山磴叢桂發清香莫謾歌招隱淹留興自長咏桂山也又云名花來上苑光彩絢朝霞日倚雕欄看春藏處士家咏藥欄也又云惠風被香草芳意滿幽林欲結如蘭友同心何處尋咏蘭崖也又云一徑穿林入青膚雨後新足音門外至知有破

苔人咏苔徑也其雜咏詩至多茲舉其最佳者即此  
可以知其人矣

附錄傳記參考材料

清史列傳

續修四庫全書總目

卷

集部總集類

陸吳州集不分卷 康熙丙辰陸氏雙虹堂

劉啟瑞

泰州陸舜撰舜字元升號吳州順治甲子舉人康熙  
甲辰進士初任刑曹多所平反提學浙江勤於教士  
旋以疾乞歸戊午舉鴻博不赴著有雙虹堂集此泰  
州志淮海英蕩集江蘇詩徵所稱其事蹟及著述也  
然其雙虹堂集今不傳而傳者祇文集即此本也集  
不分卷以著文之先後為序凡二十有七篇首為擬  
御製十三經序次靜海高中堂父榮封序次送張李

續修四庫全書總目

卷

集部別集類

廉詞臣再上公車序次辛卯下第解嘲序次送葉西  
角觀察序次送楊桂生南歸序次錢羹鶴年伯榮封  
暨同年錢生一中翰轉補計部序次葉年伯榮封暨  
同年葉西角新補興泉觀察序次壽王大司馬序次  
壽龔少司寇序次題張詞臣青樓恨傳奇序代壽吳  
少司寇封翁嵩石先生序次士子廣西鄉試錄序次  
代諸道觀察使壽李鹽臺序次張爾弼七十壽序次  
壽楊廣文序次因學紀聞鈔序次歷代史序次沈子  
文集序次沙子梅花詩三十首序次鄭子房母王孺



人七十壽序次楊石袍文集序次杭郡當場制藝自序次攬芷集序次送曲沃令序次鄧孝威過嶺詩序次代壽陸母李孺人五十序其文胎息史漢取法韓歐古奧蘊奇理正辭直與明人歸熙甫有相似者元升既晚達故發為文章率多抑鬱不平之鳴如序楊石袍文集則云人知文章出於薦紳先生而不知其出於布衣高士也蓋薦紳先生之能為文章取富貴而止耳即有傳者百不得一人焉而布衣高士其事簡其氣約其心澹志淳其學尚業精其值於境習貧

續修四庫全書總目

卷

集部別集類

故其力於文益工也顧不託於文以傳則已苟能託於文以傳者必傳焉此牛馬走下室而著史記執戟登閭而草太玄少陵七歌而為詩日進平子四愁而治賦獨精也抑布衣而不必盡高士未有高士而不布衣者抑能為文章而不必盡布衣高士未有布衣高士而不能為文章者然則布衣高士其與薦紳先生爭此壇坫久矣云云崇高士黜薦紳言殊異於常人雖云為石袍詩序亦可謂自抒其不平之鳴矣其餘諸文亦率類是亦可以臻其高致矣至於詩什亦

頗可稱如咏瓜步詩云積水荒烟兩岸平三竿落照似懸鉦布帆帖處長空遠沙鳥飛邊暮靄明雲外沈山連海氣風前吹角入潮聲獨來徙倚江干樹心跡翻從作客清格律工整與文相較各有造詣之不同矣惜乎詩集不傳傳者僅英蕩集載此一什故特錄之以俟考焉

附錄傳記參考材料

泰州志

續修四庫全書總目

卷

集部別集類

淮海英蕩集

江蘇詩徵

夢綠草堂詩鈔十二卷附錄二卷 咸豐七年刻本

劉啟瑞

德化蔡壽祺撰壽祺原名殿齊字紫翔號霖盒一號眉安道光庚子進士官翰林院編修生平最工詩樊雨嘗稱其英思雋筆卓犖不群能道人所不能道發人所未能發非翦裁風月刻劃雲煙者可比其為時人所見重也如此所著有夢綠草堂詩鈔凡十有二卷又附錄二卷則詩餘也詩以年為次年各一集標以集名蓋仿漁洋編年為集之例計卷一為佩鵲集

續修四庫全書總目

卷

集部別集類

錄戊子至癸巳之詩凡六十有四首卷二為抱璞集錄甲午至戊戌之詩凡七十有一首卷三為發軔集錄己亥至甲辰之詩凡六十有二首卷四為還轅集錄丁未一年之詩凡七十有一首卷五為寫心集錄戊申至辛亥之詩凡五十有九首卷六為起舞集錄壬子一年之詩凡四十有二首卷七為躍馬集錄癸丑一年之詩凡六十有四首卷八為吞鯨集卷九為望雲集並錄甲寅一年之詩分為上下二卷凡一百三十首卷十為憂日集錄乙卯一年之詩凡六十有

一首卷十一為藝菊集錄丙辰一年之詩凡四十有

九首卷十二為采蘭集錄丁巳以後之詩凡五十有

三首都共錄詩七百四十有六首其詩餘則名鳳簫

集介為二卷凡四十有八閱皆歷年所作壽祺以素

不擅此故存者蓋寡至每集之首又各著自序述是

集命名之由凡壽祺一生之悲歡離合莫不寓之於

序而詩律之進益亦可於序中見之其詩之致佳者

如渡江詩云長風吹雲壓江黑愁絕江中往來客我

來渡江不敢停波濤全帶魚龍色此身已分擲混茫

續修四庫全書總目

卷

集部別集類

千帆到岸猶蒼黃歸來魂魄始相屬險語或恐驚高堂此七古詩也又如月夜庾樓懷古詩云庾亮樓南月色清高天鼓角又殘更空江露冷沙無迹遠岸蘆寒雁有聲卻道胡床秋坐嘯不聞僚佐夜談兵當時盛會今猶憶惟見銀河萬里明此七律詩也符葆森寄心盒詩話稱其詩五古有真樸氣七古學蘇黃兩家其表章貞孝之作尤能感發人心近體如孤城富水立小艇門風開鳥隨風葉墮人共水雲涼石磴水爭赴山空雲自飛諸句皆有鍾鍊獨到處云云証之

所引二什彌足致信而范元亨所評亦云其發乎性情流露忠孝沈雄深厚格正詞醇非大家不辦玩烜輝亦云古詩語語精湛言情寫景各臻極妙而又曲折赴節使其精神愈出而愈振近體則秀藏於樸味永於淡自得處雖唐賢不之過也云云均能評得其實而非徒為阿譽者

附錄傳記參考材料

德化縣志

續修四庫全書

卷

集部別集類

國朝正雅集

天遊文集三十卷 明嘉靖元年刻本 劉啟瑞

明王達撰達字達善號耐庵錫山人洪武初舉明經為本邑訓導達大同教授入為國子助教永樂初擢翰林編修預修高祖實錄進侍讀學士與解縉王偁王燧王洪稱東南五才子事蹟具詳邑志文苑本傳徐應聚國朝典彙稱達嘗侍皇太子進講乾九四爻舉儲貳為對講畢皇太子召楊士奇問曰經旨於此恐無儲貳之說達不含譏否士奇曰講臣非正道不陳豈敢含譏此宋儒胡瑗之說也皇太子曰對我言

續修四庫全書

卷

集部別集類

此常人得此爻亦舉此說乎士奇曰殿下此問最好乃舉程子云凡卦六爻人人有用聖賢有聖賢用象人有象人用君有君用臣有臣用無所不通又舉王昭素對宋太祖之對以對皇太子悅云云達之進講博涉也類如此達著有天遊小集梅花百咏古今孝子讚詩書二經心法耐軒雜錄問津集南歸集通書發明天遊詩集文集景仰擬書筆疇王天遊集等四庫全書已著錄其筆疇景仰擬書入雜家類王天遊集入別集類餘均未采提要稱其多不傳故未著錄



又筆疇提要云是書陸之箕序謂書本載達所著天遊集中是則筆疇原未單行後乃凌亂而四庫著錄王天遊集乃無是種蓋集非原帙可知矣且王天遊集提要亦云是集乃其門人王子所編卷末又有其門人翟厚跋謂其館閣鉅製及諸子輯等篇咸未見錄乃重為增補編次仍為十卷則厚所重定非孚之舊本云云是則四庫所錄乃翟厚改本並王子原帙亦未得見蓋孚之原帙不傳久矣是書乃孚所編本重刊於嘉靖者計詩集十卷文集三十卷見於孚序

續修四庫全書總目

卷

集部別集類

惜詩集已佚傳者僅文集而已其書以文體為類別每類以著撰先後為次第凡畢生之經歷著於篇章大要以宋儒為歸故其論著多崇理學集中諸文如求徐先生永思集序文書冬至慶宴詩序送克明倪進士會試詩序送呂廣文秩滿序江南春雨園序竹茶鐘記梅月窩序獻杖園記初陽軒記卻巧園祭徐中憲文祭晉府引禮舍人浦長源文跋孟敬家壙泉記後等皆以濂洛關閩之旨發為躬行實踐之文情性兼至才思湧出而鍼鉞時俗處尤覺附麗儒林

匪惟優游文苑洵為不可多觀之文宜乎當時稱道不衰謂可與解縉王偁王燧王洪齊名也惜其集久不傳傳者為改訂之本而集中所附筆疇景仰撮書二種又後割裂單行泯其舊目幸與不幸誠難言矣  
附錄傳記參考材料  
無錫縣志

續修四庫全書總目

卷

集部別集類

侯太僕文集十二卷 明刻本

劉啟瑞

明侯先春撰先春字元甫號少芝梁溪人萬曆八年進士除太常博士進禮科給事中上轉漕五策救荒十策轉兵科再轉吏科巡視十庫力劾積弊歲省民間米數萬石著為額又奉命閱視遼鎮咨訪利病條上三十餘事補兵科都給事中遼稅監高淮橫恣惡總兵馬林不為己下劾罷之先春言本朝鎮帥不職者應由撫按交奏兵部議覆以俟宸斷准非有管轄或鎮之責乃單疏論揭徑蒙特旨罷斥恐從此行權

續修四庫全書總目

卷

集部別集類

日輕邊事日非疏上謫廣西按察司知事歸卒贈太僕寺少卿著有諫草存笥三十六卷已著錄入史部此則其文集也文集凡十卷首列奏疏次列論說解難次列序跋書後次列墓誌碑銘其文大抵剛毅陳辭慷慨立論雖間流於偏頗狹隘要亦不失溫厚和平其九世孫楨輯先春年譜謂萬曆二十九年辛丑先春年五十七罷官蓋先春立朝之時在於中年血氣雖剛更事已多故所諍諫骨重實事不妄立言不輕論世以致集中所錄大率剛柔相濟起伏相因宜

顧炎武采其民運事宜議入天下郡國利病書也惟

是集中所載奏疏有為諫草存笥所未及錄者如乞罷礦稅疏戚畹陳乞非分疏遼鎮第一大弊疏慎獻因豫經畫疏乞罪惡璫疏等是豈當日編次已有所去取歟按明史李成梁傳云遼東總兵乘給事中侯先春閱視謀邀搗巢功使副使李寧出鎮夷堡潛襲板升殺二百八十八師還遇敵死者數千人成梁不以聞巡按胡克儉發之先春還朝詆之尤力解成梁任而罷今集中有記李成梁遇敵之事蓋紀此事也

續修四庫全書總目

卷

集部別集類

又西神叢語云顧涇陽為主政時相國張江陵居正有疾舉朝為之祈福禱祠涇陽不可同官危之為署名涇陽聞之馳騎手抹去當時屹然砥柱者魏崑漢允中顧涇陽憲成侯少芝先春三人而已云云今集中有詆江陵祈病之論蓋為此也又無錫雜識謂萬曆間播州苗楊應龍既平獻俘闕下時侯少芝在諫垣念諸幼弱無辜詣同鄉葉化卿屬為疏請自十五以下皆赦免嚴以恐觸上怒謝之少芝復集同官議僉名具疏以請同官俱託故辭少芝乃獨抗疏上言

竟得免此事少芝遺命毋載墓志是亦邑志傳亦不載云云而是集中有之凡此皆可據他書以考見者其無考者尚不知其凡幾矣

附錄傳記參考材料

無錫縣志

九世孫楨撰年譜

續修四庫全書總目

卷

集部別集類

葉司空集十卷 明刻本

劉啟瑞

明葉茂才撰茂才字參之無錫人萬曆十七年進士授刑部主事以便養改南京工部權稅蕪湖請以課羨餉邊不取一文入橐改吏部進郎中遷南大理丞告歸起歷南太僕少卿時朝士方植黨祭酒湯賓尹修撰韓敬以科場事敗其黨猶力庇之御史湯世濟疏陳時政陰詆發敬奸弊者茂才馳疏駁之其黨給事中官應震輩遂連章攻茂才茂才再疏折之竟自引去當是時黨人悉踞言路凡他曹有言必合力排

續修四庫全書總目

卷

集部別集類

擊茂才既去黨人益專無復採異議者天啟初再起太常皆不赴四年擢南京工部右侍郎抵任三月以時政日非謝病歸高攀龍赴水死使者將逮其子茂才力救得免崇禎初卒茂才性恬淡寡嗜好通籍四十年十九在告始顧憲成允成安希范劉元珍及攀龍並建言去國直聲震一時茂才祇以醇德稱及官太僕清流斥盡邪議益恭遂奮身與抗人由是服其勇時稱東林八君子憲成允成攀龍希范元珍武進錢一本薛敷教及茂才也明史有傳邑志亦有傳是



集乃門生輩所輯其文稿大半為奏疏而雜文次之其疏敢言直諫板檻批鱗於朝章國故多所建白於奸佞黨邪更多排斥言辭激切讀之不忍釋手如駁言官建議護奸疏再上乞休疏催吏部覆乞休疏揭與過成山道長書上鄭太宰末議等皆是也昔賈太傅痛哭流涕文帝優容既臻在上納言之美益欽賢士有建言之才四海受昌言之福而明世乃反是讀茂才疏更深其不過之歎矣至其雜文亦多摯擊時政言辭激切如題三朝要典後云事有三尺童子曉

然明白而聰明特達之士反眩瞀而不能自決者何也心無偏主雖愚必明心有繫累雖智必昏其勢然也張差一案劉廷元以為風顛科臣何士晉王之案陸大受以為別有主謀而神廟聖斷以張差付法司以兩內侍付司禮俱真極刑內外帖然矣然士晉卒不免外補之案禁錮大受被察而廷元猶無恙也進樂一案舊輔方從哲賞之舉朝爭之最後孫宗伯發憤極言而可灼造成文昇尚漏網也立后立妃一案禮臣孫如游執奏于前科臣楊建道臣左光斗等力

主移宮于後而當時依違其間徘徊觀望者則從哲與諸大臣也此三案者或見于聖諭或見于章奏在朝在野莫不耳而目之東史筆者據事直書足矣可

以人情二字抹殺天下萬世之公論哉云益見其慷慨激昂之志矣

附錄傳記參考材料

明史

葵花庵詩集三卷詩餘一卷 手寫本 劉啟瑞

寶應喬鐸撰鐸字斯齋官四川夔州府知府以平糶  
免黨削職為民居柘溪溪有草堂故罷官後所為集  
名葵花庵而名其庚申所作之一卷為柘溪草堂集  
年素與鐸世父崇烈有舊屬崇烈與王懋弘蔡名遠  
教授皇子獨崇烈未與選及年之始入川也命鐸守  
夔州為糧台年既敗其子孫族人依鐸安置於柘溪  
墓側易姓為生今生姓子孫繁衍有千餘戶皆入籍  
務農不仕鐸既廢家產籍沒入官貧不能自存乃赴

續修四庫全書總目

卷 集部別集類

豫此數卷詩及詩餘皆為未赴豫時作並屬手稿未  
付之梓其詩近唐之香山宋之誠齋刊落浮藻原本  
性澗高渾處則又結肖柴桑摩詰其庭樹鳥詩云庭  
樹鳥終日呼呼者誰受哺於子子不歸有子不歸不  
得食枝上啞啞聞者悲日暮急歸飛何處來提提今  
夜庭前一樹棲何意明朝又飛去不知更棲誰家樹  
試看群雅飛白沙弋人多處枉咎嗟不如得食早還  
家今我東南林哀哀風木及哺何能報成育此詩  
一字一淚可謂得性情之正者又掃墓詩云百年事

業悲黃壤重到兒孫已白頭則可歌可泣矣至其無

家無室怨而不怒之詩有若夢方六贈竹貝詩云同  
是長安市上人收盡牙籤與玉軸而今散去在人間  
偶一遇之增感觸噫吁嘻人間好物何者非夢中得  
喪悲歡敢效窮途哭又別有園海棠詩云花前莫再  
感天涯此是溪西大阮家蜀道有歌歌不得苦歌悲  
煞海棠花夕陽紅處海棠紅也慙蕭蕭白髮翁可惜  
春寒人又病來時草草去匆匆則低徊欲絕矣又謝  
旭長老遺薪米詩云流腐揚子津斷炊本應有當時

續修四庫全書總目

卷 集部別集類

二十在尚有一石否何來米與薪驚我房中婦自種  
江上田自採江邊柳翻遺廢棄人僧去我難受尤見  
其困窮之節矣

附錄傳記參考材料

寶應縣志

寶應耆舊傳



最樂堂文集六卷 乾隆二十一年刻本 劉啟瑞

上海喬光烈撰光烈字潤齋乾隆二年進士以知縣用四年授陝西寶雞縣知縣九年調渭南縣知縣十年遷乾州直隸州知州十一年遷同州府知府十六年遷山西河東兵備道二十三年遷直隸按察使二十六年遷河南布政使二十七年遷貴州巡撫二十八年調湖南巡撫並有善政事詳清史列傳此最樂堂文集者乃居山西河東兵備道時所刻厥後有無續編則未可知書凡六卷詩附以行計卷一之五為

續修四庫全書總目

卷

集部別集類

文卷六為詩文體有書啟檄教與議贊考傳敘及碑誌墓銘詩則古今體咸備大氏為居官時作有關於政教民風者山陰胡天游曾序其書咸稱其善畧謂河東憲使喬公駐蒲有年威愛大決流稱近遠論者以為今之韋丹羊祜也游往居京師過兵部夷侍郎侍郎謂公度優而略宏兼備體用乃百城表而方乾隆丁巳公始登進士以雄文瑋為眾誦服聲溢都輦心識者久矣歲癸酉來河東因獲見公接儀度聞言論既莊且和諄然儒者退而詢其治行則荀卿所

云古之吏也又明年以事復至公刻其最樂堂集適

成以授於游而使為之序游聞善言兵者以整呂暇

整無不治必整然後能暇暇故常有餘彼在軍中投

壺雅歌歆詩說禮不輟著書皆其暇也今夫涖官與

治兵異若道則一焉世之仕者倥偬於謀計煩迫于

事為雖欲間及乎文而不可得是唯無所整之而徒

逐逐然古之賢者或守大州臨劇郡治職無廢時時

出其詩誦著為文章益從容而廣其趣唯暇故然公

初令寶雞繼知同州地皆劇而河東又重鎮頗集所

續修四庫全書總目

卷

集部別集類

錄者十之七八皆作於在官是其整且暇為何如宜治行尤異若此而侍郎兼備之言不果足信哉至於其文華而無靡質而尚雅意表諸理篇協於矩議論核而當計事練而詳及於詩賦典而不流準乎麗則觀者於是尤可以知其宦業云云凡其詩文之佳否誦胡氏之序殆可知之矣王柳村江蘇詩徵曾選其七律二首入錄中有夏日與華州王刺史登匯塔詩一首為集中所無詩云金刹崑崙上碧空清涼高處拂天風危欄下俯真無地畫棟層飛欲起虹掃盡炎



氛歸象外、迴看佳氣滿闌中、使君應似高常侍、正喜  
題詩舊日同、是亦可補此集之未備矣、

附錄傳記參考材料

清史列傳

續修四庫全書總目

卷

集部別集類

練香詩草二卷 道光十年楊氏自刻本 劉啟瑞

上海楊鍾寶撰、鍾寶字瑤水、事蹟不見於松江府志、  
上海縣志據卷首自序考之、知家貧多病、嘗負米百  
里外、既長官、游大江南北、橐筆燕趙、糊口四方、而未  
嘗廢吟咏、是殆貧而能學者、是書為其吟稿、凡二卷、  
古今體詩悉備、而尤長於古體、其詩初從聞人香衡  
學、得其神髓、既倦游歸里、昕夕過從、相與唱酬者、有  
曹需人、洪儒、康起山、恆、褚文洲、華、改七、鄉琦等、而康  
改尤知名、康以詩改以畫、說見揚州畫徵錄、畫徵錄

續修四庫全書總目

卷

集部別集類

稱起山風骨峻峭、不諧世俗、蓋起山品格之高如此、  
鍾寶既與之友、是則鍾寶之品格如何、亦可知矣、鍾  
寶最長於咏史、其咏柴墟岳忠廟詩有云、金以和愚  
宋宋以和自愚、始終梗和議、臣罪所當誅、兩河應響  
迎王師、四顧窮蹙走烏珠、黃龍府不容臣飲酒、賀蘭  
山不許臣獻俘、君之視臣如寇讎、其慮二聖還朝乎、  
長城壞後燕雀樂、精忠之鑑甘自誣、全身鎮潛邱、廟  
貌祀荒墟、英霧塞天地、猶之掘地求泉、無處無、江潮  
湯湯鎡甲鳴、江風蕭蕭戎馬趨、江頭夜半江月黑、隱

隱殺敵聞追呼君不見閭壯繆遺恨不剪魏興吳又  
不見郭汾陽兩京淪沒隻手扶英雄事業有幸有不  
幸食報千古萬古我知天也有以夫按柴墟居今泰  
州口岸據鍾寶詩序云泰興西南二十里曰柴墟故  
海陵地也宋建炎四年八月泰州盜起王自永州還  
守通泰屢戰皆捷既而金人益兵南下詔於沙洲保  
護百姓王顧其地不可守乃全軍保柴墟一村遂安  
今廟存印架具紹興年月殆村人立廟時所製考史  
建炎四年王為通泰鎮撫使迨紹興十一年辛酉王  
已解兵柄是年十一月遇害今云前宋紹興十一年  
辛酉少保武穆王鎮守柴墟印架其為立廟時所製  
明矣云云考証精確可正史乘之誤是則鍾寶不特  
工於詩且長於考証矣

附錄傳記參考材料

本書自序

續修四庫全書總目

卷

集部別集類

棗花莊錄稿不分卷 家刻本

劉啟瑞

寶應喬崇烈撰崇烈別有學齋詩集已著錄事蹟並  
已詳前此棗花莊錄稿者名僅載於邑志而相傳罕  
睹今始見之棗花莊居縱棹園後戚烈婦祠旁其集  
中初夏偶成絕句詩所謂官蛙併響迫回溪客鳥分  
曹餉妙啼日對蒲蓮無一語落霞常在戚家西是也  
縱棹園者崇烈父棗之別業以勝景名於時士大夫  
過寶應者莫不流連其間相與賦詩酬酢贈答無虛  
夕禹鴻臚查二瞻並為圖以紀其盛棗既以建言忤

續修四庫全書總目

卷

集部別集類

河臣中斐語罷園遂廢圯崇烈因就其園後為棗  
花莊而友朋過從如故集中有月夜湯西崖招集諸  
子飲棗花莊效韋蘇州詩云飲罷雲轉豁月色蕩溪  
山林薄白夜迴菰蒲野水間潛鱗躍檻外流螢錯葦  
間荷氣氤華露湛然珠自還同心八九子浩景頻相  
關遊遨繼高躅臨憇得歡顏側側清管發煙氣破迴  
灣於此知其招飲之樂而棗花莊之勝亦可緣知矣  
集中諸詩大率為居棗花莊作而行旅避水諸什亦  
間及之其避水者有秦郵夜泊詩云連天秋水噉重

閨圯堵家家不見人。一宿客來猶悸恐。虧他此地作  
居民。蓋憫秦郵被水。人民流離。故不覺言之惻然。崇  
烈別有秦郵夜泊圖。紀其事。而此詩則其題詞也。按  
江淮之間。向苦水災。故民俗相傳。有元旦秤水之舉。  
以稔是年災否。崇烈並有詩記之。其戊寅元旦詩第  
二首云。歲稔爭喜兆黃雲。水卜兼看重百分。疏濬有  
時移妙手。耕耘何敢惜勞勛。憧憧悉計青蒲岸。泛泛  
終輸白鷺群。柱下或聞書大有。願將鼓腹報吾君。又  
自注云。世傳以水卜歲余。自取杯水。除夕秤得五兩。

元旦復秤得六兩是也。其行旅者有濟寧舟中詩二  
首。第一首云。曲瓊三見月。當頭笑我樓。樓為食謀。今  
夜鄉心較差切。蓬牕推起大河流。第二首云。石尤縱  
惡得涼生。對我青山一髮橫。片片布帆山趾出。絕如  
霜鴈屬秋程。時崇烈糊食四方。不遑寧處。故其詩有  
謀食之語也。集中有題十二家集詩。集多為今時所  
罕見者。如荊州胡先生離珠分編。李父山鸞嘯室集。  
葉已畦白田倡和集。王景州四載詩。唐寶君詩。郭偶  
存吳元朗錦溪小集。沈客子南疑集。魏禹平倚晴閣。

詞鈔。碩揆借集。鉄夫耕煙詩鈔等。是因備錄之。以  
資考焉。

附錄傳記參考材料

寶應縣志



列朝詩集八十一卷 毛晉汲古閣刻本 劉啟瑞

虞山錢謙益輯謙益別有初學集有學集吾爰集均著錄事蹟並已詳前此集乃謙益入清後所輯有明一代之詩也詩分乾甲乙丙丁閏六集其乾集之上為聖製乾集之下為睿製甲集前編十一卷為元末壬辰起至丁未建凡十有六年甲集二十有二卷為洪武開國至建文兩朝三十五年乙集八卷為永樂洪熙宣德正統景泰天順五朝六十有二年丙集十六卷為成化弘治正德三朝五十有七年丁集十六

續修四庫全書總目

卷

集部總集類

卷為嘉靖隆慶萬曆泰昌天啟崇禎六朝一百二十有四年閏集六卷則為僧道異人法侶香奩宗室內待青衣傭書無名氏集句神鬼外夷滇南朝鮮日本交趾占城諸類每人系傳其後或有補者分補人補詩二種閏集中分別似稍瑣碎乾集分御製諸王為二亦為叔見牧齋少負詩名長更世變惓惓故國故於遺民三致意焉以此集中分卷有甲前集之作猶之分初學有學之義其序謂仿元氏中州集之例以詩系人以人系傳中州之詩亦金源之史老友程夢

陽採詩牧齋庀史誤次國朝詩集幾三十家此天啟

初年事起二十餘年而丁開寶之難海宇版蕩載籍放失瀕死頌繫復有事於詩集託始於丙戌微所於己丑乃以其閒論次昭代之文章蒐討朝家之史乘州次部居發凡起例庚寅陽月融風為災播祭盈箱蕩為煨燼此集先付殺青幸免於秦火漢灰之餘而孟陽草創不獲丹鉛甲乙奮筆以潰於成翟泉輒出天津鵲啼海錄谷音咎徵先告恨不前死從孟陽於九京而以殘魂餘氣應野史亭之遺憾蓋其用心亦

續修四庫全書總目

卷

集部總集類

良苦矣又曰元氏之集自甲訖癸今止於丁者何居曰癸歸也於卦為藏時為冬令月在癸曰極丁丁壯成實也歲曰強固萬物盛於丙成於丁茂於戊於時為朱明四十強盛之年也金鏡末隊珠囊重理鴻朗莊嚴富有日新天地之心聲文之運也其言甚辯實則甲乙丙丁即初盛中晚之變稱而支離傳會轉滋人議矣其論王原吉云梧溪詩集七卷記載元末之際人才國事多史家所未備余嘗跋其後云原吉為張氏畫策使降元以拒臺故其游昆山懷舊傷今之

詩于張楚公之亡有餘恫焉而至于吳城之破元都之亡則唇齒之憂黍離之泣激昂憤慨情見乎詞前後無題十三首傷庚申之北遁哀皇孫之見俘故國舊君之思可謂至于此極矣謝皋羽之於亡宋也西臺之記冬青之引其人則以甲乙為目其年則以羊犬為紀庚辭讎語暗啞相向未有如原吉之發摠指斥一無避者也戊申元日則云月明山怨鶴天黑道橫蛇丙寅築城則云孺子成名狂阮籍伯才無主老陳琳殆狂而比於詩矣或言犁督公之在元籌慶

續修四庫全書總目

卷

集部總集類

元佐石林誓死馳驅幾用自殺佐命之後詩居寂寞彼其志之所存與原吉何以異乎嗚呼皋羽之於宋也原吉之於元也其為遺民一也然老於有明之世二十餘年矣不可謂非明世之逸民也此其甲集前編之意故分畫劉青田詩列入兩集而未入明以前詩取錄尤多蓋以自喻然鐵崖實未仕明所謂白衣宣至白衣還者亦為闕入未免不當王企靖明三十名家集例謂王冕不就徵戴良不受職揚白衣以歸老丁廬墓而終身安得以元末之遺民指為明初之

詞客其言允矣又牧齋於東陽則推崇而於何李則頗肆譏評而拈擊鍾譚不遺餘力有明一代之詩人經其品題後幾無以易之矣然王漁洋議其詩傳則曰牧齋固稱淹雅然持論多私殊非公議略舉一二如徐有貞陸完以桑梓之故一則稱其文武兼資一則舉其功在社稷欲以一手掩萬古人耳目可乎哉李文鳳月山叢談云徐有貞力主南遷之議及貞性險賊云云今吳人舉其鄉望名臣以有貞為稱首上自王濟之下及今時能言之士莫不能然後世宜有

續修四庫全書總目

卷

集部總集類

公論固不始於牧齋也漁洋之言如此其右袒之見亦畧露故其論詩絕句仍推重之

附錄傳記參考材料

清史列傳



賴古堂名賢尺牘新鈔十二卷二選藏弄集十六卷三選結鄰集十六卷 賴古堂周氏刻本 劉啟瑞儀封周亮工選亮工別有賴古堂集已著錄此則所選尺牘也初選名尺牘新鈔二選名藏弄集三選名結鄰集而均不著亮工選名初選著昇州高阜羅耀選豫儀周在浚在梁鈔二選三選著周在浚在梁在廷鈔實即亮工選而子鈔之後著門人選名亮工當國初時知交滿天下沿明末子習以操選政為榮明清間文率矜尚尺牘故多文采亮工而外多有為之

續修四庫全書總目

卷

集部總集類

者但或取文字鈔存如顏修來之家藏尺牘刻入粵雅堂者是或取書法刻存如梁山舟等之明清名賢書札是二者皆為世重亮工有意弔詭首列文心雕龍簡牘篇為序而直書尺牘新鈔序于首行下寓劉勰撰真妄誕不經之尤者二選有陳維崧序盛譽之此文人之通病二選有啟蓋與書坊為難者近人所謂翻印必究之類今抄於後畧謂新鈔一刻本用自怡不意為四方膾炙一時同志貽我新篇遂滿筐篋躑心披玩復成是集凡屬已刻之章一字不載但前

集曾白坊間許照郵刻重梓而一時好事用其十七雜以二三圖惑世目殊覺不倫且是役也止冀揚芳匪為射利請與諸公約是集出後仍照原刻梓行可也倘有更蹈前轍僕固任之恐有起而噬謂者矣諸公何樂為此云云是亦未脫坊選之積習也至其選輯大旨編次先後具詳二選凡例畧謂尺牘原取通懷縱談何所不可而尤以扶翼世道規正人心為極則然每見世之刊刻格言者襲彼常談贅若故紙語再設而不靈聽習玩而生厭是集既為進言者審端

續修四庫全書總目

卷

集部總集類

更為受言者措意凡訓迪後生之篇垂示子弟之語必取其倍常警策者急為登選徐幹中論而後獨者歲規顏氏家訓以還讓其旨趣又云尺牘有選斷自數十年以來者以隆萬之前歸茅而下一二大家製作昭然無事表揚但欲模範後進終特崇尚前修近如顧涇陽之醇至馮琢庵之名通方孟旋之出奇曹元甫之婉秀皆各自成家必借光全集昭明錄賦首重楊班正宗列文還推賈馬但使欽其姓字無不奉若典型然亦必搜其未經刊刻者始入之簡篇耳又



云尺牘之傳莫貴簡雅故右軍竹素以數字足思伏  
波翰音以少言傾聽若阡陌既多則入之不辨適里  
甘苦畢備則咀之安見芳嘉長篇刺刺覽者倦矣故  
前集每於一二長篇已錫而復去之繼思尺牘謀篇  
本為古文正體子長之報任安足見司馬椽筆明允  
之上永叔無非蘇氏鴻章是集選選兼恣浩博多收  
巨製以續大家云云凡此皆可以尋繹全書之大齊矣

附錄傳記參考材料

續修四庫全書總目

卷

集部總集類

清史列傳

過日集二十一卷 康熙癸丑刻本

劉啟瑞

寧都曾燦輯燦字青藜曾二濂仲子事蹟具詳清史  
列傳此則所選國初人詩人始乙酉詩始癸丑為卷  
二十附以名媛一類畧取少陵贈鄭鍊赴襄陽詩語  
把君詩過日為名不關入明人之詩卷首有龔鼎孳  
沈荃施閏章陳玉璫四序次凡例次評論凡例二十  
餘條中言近代文人近代文太詩品漸貴隆萬以來  
所不及蓋當承平之時不過登臨宴饗酬贈問答初  
無問於安危治亂之故若歷滄桑遭變難徘徊於泰

續修四庫全書總目

卷

集部總集類

離麥秀坎坷於人散家亡則其為詩定有以感天地  
而泣鬼神者昌黎有云和平之音澹薄而愁思之聲  
要妙惟愉之辭難工而窮苦之言易好也近日如吳  
梅邨龔楚麓趙超退梁王立施尚白曹澹餘錢幼尤  
王阮亭陳說巖徐方虎魏和公陳元孝程周量諸詩  
怨而不誹哀而不傷或肖摩詰之幽閒或寫杜陵之  
悲壯此永嘉正始之音不可槩見者他如魏冰叔錢  
開少蔡大敬之雜言彭駿孫彭躬菴林確齋之五古  
李武曾王夢航顧修來之七古高蒼巖宋荔裳姜錢

夫之五律周元亮吳孟舉之七律杜子皇之五古五律周伯衡魏善伯丁惟水郭快菴田子綸趙天羽陳虞明之五七律董文敏之雜言七絕毛大可之七律五排吳六益之七律七絕彭禹峰之七排錢虞山嚴孫文之七絕或標唐人之詞或擬宋人之調而要皆渾厚博暢歸於雅馴余讀其全稿因得而論列之若郭下應劉著述原富唐時姚宋詩篇不傳如今日之曹秋岳嚴韻專門古古徐健菴汪蛟門申鳧監曹顧菴朱錫堯雖在盛名之下未窺全豹不敢輕為評論

續修四庫全書總目

卷

集部總集類

其說明所述至顯然然其處亦正在此如分別詩體于五古七古五律七律五七律五絕七絕外各有雜言一類例謂詩人之時可破之金石管絃乃樂府古為題雖存而其法自吳後已亡後人沿習為之問其命題之義則不知問其可入樂與否則不知作者昧時而作送者昧昧而送然則今人用古樂府題者雖極工但可言古詩不可言樂府也故茲選不立樂府一體統以雜言然於雜言中列入崇禎皇帝誄誄固有韻但目文選分體別已久不應入詩古人為文

有韻語如凡有韻者皆列入詩是則銘亦可入矣例又言詩以道性情音韻相近聲律自諧三百篇至漢魏六朝初無一定之韻自沈約韻譜一出唐人稍加增損取以科名曰禮部韻畧遂使千餘年間學詩者奉為刑書余考沈韻東鍾真文支微魚模寒刪蕭豪庚青覃鹽咸江陽本一音也今不分東鍾魚模而以東冬魚虞庚青覃鹽應分也今不分東鍾魚模而以東冬魚虞分為二韻支微真文寒刪蕭豪庚青覃鹽數韻雖分而微韻之惟危眉悲刑韻之殘閑登珊文韻之吞純屯輪青韻之清精驚混入支寒元庚諸韻真文又分

續修四庫全書總目

卷

集部總集類

為真文元庚青分為庚青蒸蕭蕭有分為蕭有豪覃鹽分為覃鹽咸江陽本一音也分而為二麻遮本二音也合而為一種種糾謬不可殫述明初宋文憲等記訂誤定為正韻雖東鍾支齊庚青真文諸韻間有混清然尚不失中原音韻之亞至韻譜之辨則在唐李涪已極言之所列皆屬支離古入方言固屬有別而韻亦各殊為律詩則不得不從正韻為古詩自當從古韻古韻以詩三百篇所旁通為主也例又言選中原無次第而卷首取冠群才然有余素所心折而未

冠於卷首者是卷首有限此等見地尤為淺陋送詩者而欲以首列媚人宜其見哂于高人也

附錄傳記參考材料

清史列傳

續修四庫全書總目

卷

集部總集類

湖墅錢氏家集十八卷 光緒丙申錢氏家刻本

劉啟瑞

仁和錢錫賓錫銓同輯錫賓字漢豐錫銓字圭如並各有傳載杭州府志此則其同輯先世詩文考湖墅錢氏為浙杭望族乾隆時有錢布政琦字璵沙晚號耕石老人弟潮從弟玘皆有文名布政與袁簡齊友歿後簡齊為傳盛稱其初生之異當官之直又序其澄碧齋詩集述布政之言曰千古文章傳真不傳偽故曰詩言志又曰修辭立其誠然而傳巧不傳拙故

續修四庫全書總目

卷

集部總集類

曰情欲性詞欲巧又曰神也者妙萬物而為之古之名家鮮不由此今人浮慕詩名而強為之既離性情又乏靈機轉不若野詆之擊棘相杵猶應風雅焉因謂布政之詩神情韻幽曲致而不晦於深直言而不墜於淺其推重如此璵沙之子曰樹曰榕曰枚曰林曰杜姪曰槐曰栻曰桂曰機曰榮曰東布政之孫曰廷烜曰廷煥曰廷成曰任鈞曰廷熊曰廷焯曰廷薰曰廷煬潮之孫曰廷頤有廷燿文樞者玘之孫也臺觀辰吉時穎雍睦贊皆布政之曾孫若姪曾孫錫祉



錫保錫章錫慶錫堯則其元孫宗源其來孫也金容  
為叔繼室盧元素為東之繼室錢琳為布政之女錫  
賓錫珪亦為元孫行瑛沙詩集早刊行世杭州兩遭  
劫火零落無存同治間元孫錫麟官遊汴梁於市廛  
購得重刻十二卷元孫錫朋館於豫錄歸以示錫銑  
復從杭州丁氏八千卷樓覓得原刻本有別集二卷  
另得遺文一篇錫銑據以重刻又自瑛沙以次錄得  
累世之文詩凡二十八人及間媛三人其所編著錄  
五十三種為卷十八其次第為卷一之四澄碧齋詩

續修四庫全書總目

卷

集部總集類

鈔及別集遺文等卷五之十五山草堂集卷十一松  
壺畫贊松壺畫憶卷十二紅樹山廬詩稿適意吟有  
真意齋遺文秋岩遺詩息園遺詩硯癡遺詩雙橋書  
屋遺詩雙橋書屋詞存衡皋遺存綠伽楠精舍詩草  
小謝詞存信孚遺詩金塗塔齋詩稿金塗塔齋遺文  
燕游詩草廉泉山館遺詩卷十三四見山樓詩鈔卷  
十五見山樓遺文柏樹軒詩稿棟華堂詩稿少坡遺  
詩晚香堂詩稿晚香堂詞稿飛白竹齋詩鈔卷十六  
玉照堂詩稿老梅書屋遺詩墨花叢稿淶坪遺詩卷

十七述古軒詩草述古軒詞稿景陸遺詩卷十八惜  
花軒詩稿惜花軒詞稿繩樞遺詩韻園遺詩倚玉生  
詩稿幼學存草酉山遺詩補拙齋稿小漪詩屋吟藁  
繡約軒遺詩而譚復堂為之序畧云乾隆朝文學政  
治抗手前賢有瑛沙先生其所以宏濟艱難以侃侃  
者建言優優者布政攬厥遺文莫非原本孝友淵然  
粹然讀東生先生文獻徵存錄錢氏家傳使人神往  
謝庵東生松壺三先生兄弟濟美永輝藝林詩文家  
學正復各名一家而畫贊畫憶丹青流別視乎藝文

續修四庫全書總目

卷

集部總集類

馬再世若小謝先生秋峴先生緒論流傳後生淑艾  
矣所見之世遺書間出雖中更兵火而賢子孫有投  
屏守寘定傳家不徒藏之名山將以傳之其人蓋年  
閱二百世更六代中遭兵火孝子賢孫不忍其祖先  
文字之散失無傳其間能者又代不乏人一鱗片爪  
無不鳩集名字不彰為可悲憫冀藉顯赫之文附著  
焉以存天壤其用心至為深遠清分代扇世澤綿延  
如此類者允宜加采錄矣

附錄傳記參考材料

杭州府志

續修四庫全書總目

卷

集部總集類

明詩百三十名家集鈔二十四卷 康熙六十一年王

氏刻本

劉啟瑞

雄縣王企靖輯。企靖字必遠，康熙進士，官至江西巡撫。別選有四家詩鈔，四家者：郭棻、楊思聖、龐塏、紀昀。是也。此則又輯明世一代之詩，凡百三十家，因名曰明詩百三十名家集鈔。書首有南豐湯永寬序，有康熙六十一年自序，及凡例序言。其先中丞有王文貞、幾輔明詩，以未采其先人為憾，而論詩之方，謂當以唐為主，而兼採明人，且備採歷代之詩，以漢魏得三

續修四庫全書總目

卷

集部總集類

百篇之遺。六朝之後，莫盛於唐。歷五代、宋、元，雖明詩堪興，唐並蓋上下千百年升降替之數。其此甲午四月奉旨修繕經編輯餘間，與同鄉太史陳子相、張華田、吳隆吉、張天池、李佩五、朱儀廷唱和，似有所得。庚子七月，抵豫，取明詩讀之，自洪永以迄啟禎，風會遞遷，作者代起，國初四傑，戛然秀出矣。而彬彬郁郁，鼓吹休明者，非長沙乎？弘嘉七子，卓爾不群矣。而莽莽滔滔，抒寫性情者，非公安乎？問端揆之重望，則河津東阿，其眉目也。稽著作之耆英，則金華新都，其領

袖也搜隱逸之宗工則陳昂童珮其楷模也佐命元  
勳劉誠意燦雲霞之色精忠駿業孫高陽流金石之  
音先中丞所謂堪與唐並者洵不易之定評也由是  
採其尤者若而人人各有詩人各有傳而先祖先外  
祖之遺篇皆並垂於將來統而命之曰明詩百三十  
名家集鈔蓋竊取先中丞之意而為之也其所謂先  
祖者為王喬棟孫鈐之作賴此以傳而卓卓名家者尚  
因之王喬棟孫鈐之作賴此以傳而卓卓名家者尚  
在所遺此其失也至其每家詩傳可存梗概然其不

續修四庫全書總目

卷

集部總集類

如牧齋列朝詩傳亦正以抄撮而無卓見所以行之  
不遠耳湯序云百三十名家者舉正編之詩而言也  
始肯因而迄於石倉諸公其間顯晦亭屯吳不未表  
曉昔日星雲漢附見者三十八人又繼黃附之中附  
附之凡何八則具有精義加以人各一傳品題適肖  
明詩之大觀在是矣豈不偉哉至於錄其長不斥其  
短原其志不泥其時公之識高於論世而有功於先  
進者如此殆三百篇之遺意也雖然志之可原與長  
者之富錄補遺之舉安得不延佇以相望乎云云語

意抑揚蓋以其所選太隘不欲煩言之而弦外之音  
可知矣

附錄傳記參考材料

保定府志

雄縣志

續修四庫全書總目

卷

集部總集類



江右文鈔七十五卷 光緒元年胡氏存心書屋刻本

劉啟瑞

廬陵胡大鴻輯大鴻字鳳友事蹟不載於吉安府志廬陵縣志據卷首徐兆瀾序稱其為名孝廉累主江西愛蓮書院雙忠講席而不知究為何科若以時考之當為同治時人也。是書專輯江西一省之文始自唐宋建於國朝都得著者七十有二人而附錄者四人計於唐得廬刺史肇於宋得劉侍讀敬李說書觀劉學士弁孔常父武仲汪學士藻王直閣庭珪胡忠

續修四庫全書總目

卷

集部總集類

簡公銓周文忠公必大羅處士泌曾太守丰陸文安公九淵李撫幹如圭王帥幕子俊李待制劉胡剛簡公夢昱陳迪功文蔚歐陽學士守道於元得劉文敏說附龍廣文仁夫揭文安公侯斯附馮希元魯山賀善堂善於明得呂司丞後練中丞子寘梁泊菴潛楊文貞公士奇周文襄公忱高中丞明彭文憲公時李判官鈞吳聘君與弼羅文毅公倫周都憲孟中胡文敬居仁費文憲公宏羅文莊公欽順劉端毅公玉鄒文莊公守益歐陽恭簡公鐸黃主事宏綱黃僉憲國

冊舒文節公芬夏文愍公言萬方伯衣江午坡以達

羅文恭洪先朱都憲衡尹宗伯臺萬左司馬恭宋中丞儀望蔡恭靖公國珍李見羅材徐司承貞明李中丞沐鄒忠介公元標鄒泗山德溥黃副使大節祝御史世祿蕭侍郎近高劉文端公一燦彭太常惟成曾太常汝召李忠肅公邦華胡御史接輝於國朝得黃恩菴震象魏勺庭禧龍大令科寶朱文端公載干大令建邦鄧太守夢琴羅臬憲暹春張處士望彭觀察慶鍾附湯孝廉黼胡紹亭繼盛每家各為一卷各自

續修四庫全書總目

卷

集部總集類

起訖不相雜廁或文繁者別為二卷都得卷七十有五而附錄者未計焉至其編次條例見於後跋畧謂右文七十二家附見四人編為甲集蓋因鄉先輩鉅構林立畧登一二以見其槩如臨江劉氏祇載原父侍讀孔氏祇載常父太守永新之馮祇載希元寘都之魏祇載勺庭其昆弟子姓之作俱俟他集彙入非有軒輊於其間也而南豐之曾鄱陽之洪武寧之盛大庾之戴新城之陳暨各郡鉅姓後先有集釋映者自茲以往均必節次付梓不於一集之中併載又可

知矣至陶靖節歐陽文忠曾文定王荊國四先生文久已流傳海內擬於戊己集中鈔入以先是書今特托始盧刺史而以劉原父諸儒之文為甲集以問世惟是刊文七十餘家吉安幾居其半似乎重在本郡實則初輯之時本郡文獻易於訪求外郡之書一時不能悉得迨至書集頻來而甲集已梓成矣則茲之所收或多或少蓋皆因乎自然之勢而非有意為之也又近日所刻向有黃文節公庭堅鄧處士光為湯王名先生顯祖郭司馬子章晏中丞斯盛盛于登先

續修四庫全書總目

卷

集部總集類

生謨之文因採輯不多統歸乙集茲不復出云云尤可見其編次之謹嚴矣

附錄傳記參考材料

卷首徐兆瀾序

甌括先正文錄十五卷補遺一卷 道光甲午刻本

劉啟瑞

永嘉陳遇春編遇春字鏡帆道光時官擇山訓導此書乃輯甌括先正遺文其體例甚嚴止宋元明三朝不涉本朝人所作亦不列入詩篇所選亦精其自序謂道光癸巳春新城少宗伯陳公碩士奉命督學兩浙四月間按試括郡適遇春攝訓擇山呈所輯東甌文存皆鄉先生之能文而不過者公閱之喜試睦州即寄示弁言並示乾隆輯睦州有鮑學博選青溪

續修四庫全書總目

卷

集部總集類

先正詩集序命春推其意而為之為發微開幽之舉甌括居浙東僻壤累代遭兵燹水火災其文散佚久甌之文獻始於唐而盛於宋元明括之文獻始於宋而盛於元明著作雖多湮沒不少斷簡殘編入又不收以致稀而又稀追念先世止齋先生與王梅溪葉水心諸先生尚有全集他如龔深父李元衡周恭叔薛士龍諸先生振拾群書畧加搜剔或一人一篇或一人四五篇已同吉光片羽至鄭景望錢熙載賈如規諸先生竟無見可慨已然必求其全非旦夕可期



即前明諸名宿亦屬寥寥。其怪宋元之遠而難稽也。過得若干篇合諸龔季周薛之文共五百餘首分十五冊後之讀者庶知其人知其地并知其出處。雖如於唐盛於宋元明不止此數人。括始於宋盛於元明亦不止此數人。且兩郡志乘所載文集皆其人既征而書與之俱往。更僕不能悉數。文所以載道廣於遠引以俟博學蓋遺珠亦自知其不免也。是書雖括難合而實分原目十四卷後分出何鍾以下為十五卷而目尾有詹嘉卿送傳邑侯還濡次序今乃不存不

續修四庫全書總目

卷

集部總集類

知為板缺或後刪之補遺一冊亦無此篇也。凡此宋人四十九家京山周行已許京徵禹範蔡景繁劉安上陳經邦妻黃亮翁振府元中宋之才林季仲鄭廣劉和劉鎮王十朋木待問薛季宣以及之陳良陳謙薛叔似蔡幼學王綽葉適劉天益妻趙鮑極毛士龍郭伯謙陳元軒曹叔遠戴樹陳埴陳求魯朱元昇劉居安薛振林十之陳宜中劉黻林景熙趙崇禎戴仔林一龍章憲薛凝之黃仲炎胡子實為文百七十篇為卷六元人九鄭禧陳高林溫史伯瑤劉賡李孝

光朱仕立俞德鄰章祖程為文二十四篇為卷一明人三十五卓敬黃淮鄭夏周旋童維章元應王瑛朱諫陳璋蔡芳葉式侯廷訓項喬徐廷傑張純侯一元王叔果王叔果張鳴鸞劉康祉李光春張天麟林增志周應期李維樞何白陳堯言王瑞梅方之正王志章梅頤楊毓奇黃養正史君實劉逸名為文九十四篇為卷四又賦二十二篇作者十三人重五人為卷一其宋元明文賦三百十篇括卷宋人十六龔原何執中李南壽陳汝錫郭汝諧葉宗魯項安世張貢

續修四庫全書總目

卷

集部總集類

何澹治友說程倫劉炎紀漸之潘材余可梁奇居文二十一篇元人五范霖葉峴林似祖鄭元祐味魯為文十三篇宋元合為一卷明人二十七劉基章溢葉子奇李棠李鈺潘琴張敦仁潘文龍葉洲項世臣盧勳黃劉瑜葉志淑何鍾樊獻科鄭汝璧王一中項應祥朱景和黃九章王養端徐應乾包萬有包蒙吉徐夢易詹嘉卿為文四十八篇為卷二其宋元明人文九十二篇補遺既括共七人重欠四人為文十二篇而何鍾東西遊記目漏列篇名又括倉賦五篇作者



四人重欠二人總計既括宋元明文賦四百十九篇此其大凡也

附錄傳記參考材料

卷首自序

續修四庫全書總目

卷

集部總集類

杭州新城縣藝文志不分卷 鈔本 劉啟瑞

明凌誌輯誌字文琬新城縣人明景泰五年官朝列大夫湖廣等處承宣布政使司右參議以燭黃歸里作此志曾刊行久佚存抄本首列乾道重脩圖經乾道四年五月一日左文林郎知縣主管學士勸農公事耿秉序文次列誌序次列奉政大夫湖廣等處提刑按察司僉事前翰林院五經博士同郡沈慶序據誌自序謂新城乃杭之望邑山明水秀土厚民淳其間鍾奇孕秀代不乏人若許遠杜稜之忠誠姚興孫

續修四庫全書總目

卷

集部總集類

涉之節義凌準羅隱之文章周雄父子之捍禦又皆為表者漢唐以來歷年既遠譜牒無存皆莫之考予因先君子昇家藏乾道誌書一帙乃縣令耿公所修間多缺畧如許遠忠臣也畧而不傳周雄名神也抑而不錄未免乎遺珠之嘆予因旬宣之暇博采群書缺者補之煩者去之復增以國朝詔勅人物勝景及名公巨卿詩詠通輯書成損脩壽梓據此是本刊行之證計所錄為宋贈開府儀同三司姚興誥一首北山記放生祠記石壁雲洲記羅隱築城記南新縣記

新城縣樓記重修縣學記重建學記三篇增賈學振  
記二篇弘農楊絳松溪廟記劉度廣利廟記耿侍郎  
生詞記趙采禕山龍祠記趙希坡翊應將軍廟記張  
佰鴻輔瀝廟記元方瀝麟東岳行祠記徐評歲寒橋  
記宋孫紹遠谿橋記唐柳宗元凌君志沈松羅繪事  
全志桂錫孫宋神周君墓志銘朝寺墳志故制幹月  
溪周君墓誌徐一夔周君墓銘又孫處士墓誌曾榮  
雪隱先生墓誌朱禮表君墓誌銘凡若干篇後埭詩  
若干篇後埭凌誌自撰東安百詠皆誌所輯錄前無  
雪滄所得後題識也

續修四庫全書總目

卷

集部總集類

目次而此乃刊本首有雪滄手署墨蹟為杭州新城  
縣藝文志誌命記墓誌詩合為一卷丁亥二月初得  
雪滄識一行雪滄所得硃印一鈐于下蓋此抄本為  
雪滄所得後題識也

附錄傳記參考材料

康熙十三年修新城縣志

升恒集十二卷 明崇禎癸酉刻本 劉啟瑞

明孫安科陳卓同輯安科高郵人卓江都人事蹟無  
徵時安科與卓同在揚州府知府張鯨化官署中張  
鯨化之兄鯨化亦來揚為其導人張襄海及母劉夫  
人七十雙慶於壬申十二月十九日襄海生日同舉  
觴事後鯨化命安科及卓襄集壽文壽詩合為一編  
名曰升恒集計卷一為陳仁錫黃道周傳冠文震孟  
于道章陳于鼎壽序七篇卷二為郁成治方一藻何  
其俱陳繼儒壽序四篇卷三為鄭茂華史啟元姚思

續修四庫全書總目

卷

集部總集類

笑閩汝梅壽序四篇卷四為吳士元鄭茂華陳廷策  
鄭元禧姚思笑詩序五篇談自省詞序二篇吳弘功  
詩跋一篇卷五為孫啟源鄭元禧等四五言古詩二十  
首卷六為許譽卿等七言古詩二十一首卷七為彭  
承古等七言古詩二十一首卷八為張國經梁應圻  
等五言律詩二十六首五言排律十三首卷九為姚  
希孟等七言律詩八十六首卷十一為鄭名翰等章  
正宸方景臯姚思笑等七言排律一首七言律九十  
四首五言絕句一首胡麒生等詞二首李之寶等七

言絕句二十四首。卷十二為陳卓壽聯二首。賦一首。卷中有滇南王錫衮及部民鄭元勳各一序。首載天啟六年崇禎元年兩勅命。卷後附鮑化、鮑化兩跋。襄海本進士。鮑化亦進士。王錫衮與襄海同年。而陳仁錫與鮑化同年。故宜有文詩。蓋譽墓之文。莫盛於唐。而媚生之文。莫盛於明。雖震川極以為不然。而不能不牽率為之。乃一時之風尚。而人子之所以獻親立言。亦其一事。未可厚非也。清世為壽序者。多或亦闌入集中。以示淵博。實則浮藻而已。明人亦所難免。姚

續修四庫全書總目

卷

集部總集類

希孟詩傳世頗佳。而集內壽人親詩。則亦雷同而已。固知能事亦不易易。惟陳仁錫撰序。就時立論。頗非泛泛。今畧舉其說。附後。序有云。今天下流冠起秦。曼晉通海。大夫生於晉。仕於秦。守維揚。此三患身受之。太平屢犯。上然大夫言。嚴責封疆吏。揚州積欠。上又然大夫言。申儆御史中丞。載不云乎。平居僅能守法。緩急何以使民。秦寇門庭。晉寇堂室。海寇與突。劍履動而河山。壽甲兵洗而鯨鯢消。此非臣子椎牛饗士。醢酒視師之辰。迨飲至而躋公堂。舉兕觥獻萬壽無

疆於聖天子。俾微臣垂白老親。携杖見德化。少答皇華。簡書也乎。先是秦寇深。而晉亦繁有徒也。秦饑。晉復不飽也。或勦或撫。賑秦不逮晉。軍實慕頓。功令嚴。而誕囂熾。大夫安得不言。平陽而山右。安山右。安而京師。安大夫擊鮮壽其親者一也。錄此以見壽序在明末尚有諍言。不苟為炳煨己也。

附錄傳記參考材料

無

續修四庫全書總目

卷

集部總集類



朱氏傳芳集八卷 咸豐十一年朱氏家刻本

劉啟瑞

南海朱次琦輯次琦字子襄號稚圭咸豐間以進士知襄陵煦民若子其去也民皆懷之隱居九江鄉以啟迪後進為務學者稱為九江先生是書乃次琦所輯朱氏之家集原不列撰輯名氏據卷首梁耀樞序言吾師子襄先生哀先世宏文附名公贈著手疏凡例屬其弟宜城明經鳩脩編次云云更以第六卷潘鐸撰清故贈君奮之朱公墓誌銘鈎稽之奮之四子

續修四庫全書總目

卷

集部總集類

長士琦次炳琦次次琦次宗琦又証以陳志証朱士琦行狀次琦字子襄所謂宜城明經必為宗琦無疑以此知是書為次琦所輯其書首列凡例十一條次世系首朱謨南海上沙朱氏始祖獻謀府君七世孫至士琦為獻謀十五世孫蓋閱九世選次累世文詩為正集而投贈之作為外集分舉目次據其凡例自稱摭錄一家之言者著於唐廖光圖撰廖氏家集後宋王氏文獻陳氏義溪世稿其類也陸機所謂詠世德之駁烈誦先人之清芬故是編專輯上沙朱氏者

作又言上沙朱氏為元時處士明興不仕以厥後儒

學蹶興盛於嶺表自嘉隆以迄啟禎幾如王筠所言

明德重光人人有集省邑志乘所著錄名家總集所

選掄可考而知不幸明季省垣之變湖州公府第淪

沒篇籍多湮而侍郎學博兩公舉義於鄉身殲家踣

宗族竄亡累傳文獻半就零落雖其閒瓌璋絕特之

作亦自歷劫不磨然已存什一於千百此其網羅先

世之旨也朱士琦行狀言士琦健於為文尤研究聲

詩羅司空謂其從漢洋歸愚兩家議論入不從兩家

續修四庫全書總目

卷

集部總集類

議論出故其自得之妙不離於魏漢六季三唐風槩而自淪性靈張太守維屏謂其晚作獨窺陶杜真詮古律皆如果熟霜紅氣味老辣殆欲於前後五先生三家四子外別示宗風自成一家士琦孝子之愛甚篤次琦追念不忘故正集之文錄先世一鱗片爪為多而詩特選取士琦之作蓋亦欲存其兄之意凡例文極藻美詞稱引繁富頗自昭其博雅斯亦文人之過也已

附錄傳記參考材料

清史列傳

續修四庫全書總目

集部總集類

常寧詩文存十二卷 光緒辛卯刻本 劉啟瑞

常寧唐訓方輯訓方字義渠道光庚子舉人大挑以教諭待詮隨曾文正平粵賊累以功遷襄陽守權守巡道除湖北督糧道擢按察使升布政使復以平捻匪功署湖北巡撫尋調畿輔總理營務兼統練軍守定州以病乞歸是書分十二卷自宋起至道光年間止文仍其舊於宋得二人為製蓋卿許玠於明得十四人焉為王志清崔弼蕭洪治李日思劉禹智詹象鼎王應章王祚隆王祚寧李廷賢崔瓚游廷泰蕭致

續修四庫全書總目

集部總集類

良江泓於本朝得若干人詩文雜錄頗不合體裁惟彙而存之以留一縣之文獻亦未可偏廢耳其序謂天之生文人也既予以著作之才華復新其芳名之流播其人生時恒多偃蹇困阮所作詩古文詞或述之數十年而後傳或述之數百年而終不傳致使鴻文鉅製剝蝕於風霜雨雪之中後之人求其斷簡殘編而不可得不亦重可悲乎吾常邑地鍾九嶷之秀水挹湘江之清代不乏學士文人踵生其間及考其生平撰述傳者十無一二焉因採之郡縣志訪之親友

及其子若孫先後搜羅纂集成書并略叙作者本末俾後之學者開卷恍接其言論豈采其所載李維聖為常邑文士其小傳謂其平生教人毋落古人邊際影響所作詩文恢奇奧衍高渾沈雄人靡得而逮有反初賦蓋被忘後致仕歸里作用典甚奧其曾孫德騫附注曰按清讀鏘見漢郊祀歌張籍祭韓愈詩輟讀措見桓麟七說娘讀奴見古樂府生讀桑見傳毅舞賦馬融廣成頌影讀養見道藏歌陸機贈弟詩梗讀航見黃香九宮賦古音自楊陳顧邵毛江而外少

續修四庫全書總目

卷

集部總集類

傳人曾大父韻學精研又如此四為文規矩研體古雅有則至可稱也

附錄傳記參考材料

李元度撰唐訓方墓志銘

南昌文考二十卷 官刻本

劉啟瑞

乾隆六十年南昌知縣徐午督修午安徽歙縣人乾隆中官南昌縣知縣纂輯縣志畢乃舉舊志所載疏如干首記論傳序策表如干首韻語賦詩頌如干首邑紳士呈先世遺稿及採輯近代著述散佚在他人弄篋者如干首彙而屬萬太史芝堂蔣孝廉藕船編次而訂正之共得二十卷名以南昌文考蓋卷帙既多附入邑志則嫌繁重故別出為書而徐令序之曰南昌之文南昌之獻也惟文可以考獻讀其文如見

續修四庫全書總目

卷

集部總集類

其人南昌之人可考矣凡官於斯土陳利弊正風俗存之為南昌之文而其人更可考矣他如宦遊所過登眺吟咏流連光景對客揮毫雖自寫性情而在南昌其人亦可考矣忠臣詰士議論嘉謨浴德澡身耆儒道學至於擬子史之菁華舒清芬之吐屬莫不聲振金石卓然可傳與言之無文行而不遠者烏能彷彿萬一哉書目所載自唐至今有其目而無其文執冊惆悵所呈卷帙寥寥無幾南昌耆舊名宿甲於他邑而僅止於是吉光片羽藉手以存庶使論世者穆



然流風遺韻之未遠。顧曰南昌文考以補志之所未及。凡存疏策表記序傳記畧墓志祭文哀詞雜著十六卷。賦頌詩又四卷。據例。仍仿舊志分卷。臚列新增附後。第視舊志雖增而微有刪汰。或因其文或因其人。或因其時畧為去取。又例云舊志所載諸疏首列薦徐孺子。孺子南昌人也。其官於南昌陳地方利弊。惟其事惟其職也。至南昌之列仕籍而抗疏時務。則擇尤者存之。不專屬一邑之典故。誠以忠言議論風節凜然。不可磨滅。其餘體則皆隸本籍登眺之什。

續修四庫全書總目

卷

集部總集類

持贈之文而邑之文人學士致無一字流傳者不可勝紀。不無遺憾。茲廣為搜葺於舊志稍變通焉。雖於南昌無所援括而人為南昌之人作為本人之名作則因文考獻亦摭銜鑒之所有事云。即此已可見其大凡矣。

附錄傳記參考材料

東浦集六卷附醫俗軒遺稿一卷 家刻本

劉啟瑞

黃巖管名藩輯名藩字汝高咸豐時諸生子世駿字德典以進士官內閣中書。貤封名藩如其官。東浦集乃名藩所輯先世詩文而醫俗軒遺稿則名藩自作而世駿附以列行者。管氏當宋時有直閣公者自龍泉始遷居後再遷東浦。明吉安推官諱藍者名藩之十三世祖。蕭縣知縣諱為國者十世祖。二公政績卓著均入祀鄉賢。曾孫文學諱迪與季子映奎國初並

續修四庫全書總目

卷

集部總集類

以孝行旌仲子諱亨交乾隆元年壽官至名藩凡六傳其曾祖兆著祖慶福父士開俱隱德不仕故名藩揚先世之清芬輯為此書其子世駿取以示同里王榮使為之序畧云書以管節推藍開門歸來二稿為一卷孝廉邦宰二洞小囊一卷諸生為霖濟川詩存康生為佐暢菴詩存為一卷蕭縣知縣為國勤箴遺藁一卷而以蕭縣所編名公翰藻釐為二卷殿焉不為醫俗軒遺藁一卷則韻甫所著而德典附刊以傳者也。韻甫篤學勵行工詩能文而不護青一矜顧念

其先世詩禮家傳青雲世武謹取舊譜所載詩文繕校成書間加附注辛酉之變舊譜既亡管氏之文獻獨藉此編以傳矣德興以妙年登甲科授中書仰承先志刷印行世可謂知先務者予居柔橋與東浦為鄰村嘗考兩村先代頗少聞人柔橋在宋時有陳容者字益之立本價莊少傳杜清獻公為之記其子壽瑜娶東浦管上舍女名妙淨年二十四而寡毀容守志嘗損簪珥以贄其舅成本價莊又勸壽齡置義塾以教鄉之子弟次子龜齡登咸淳四年進士後遺四

續修四庫全書總目

卷

集部總集類

麗卷而東浦管氏則顯於明白節推以下世濟其美至蕭縣遷東禪巷其元孫亨交再遷唐家與德興七世祖也今觀韻甫之所編著管氏之世澤殆方興而未艾歟云云凡是集之編次大畧可睹矣後有光緒乙未陳瑞疇跋尾說亦類是惜全書用聚珍版印行不免有差池訛誤耳

附錄傳記參考材料

葉英元撰管韻甫傳

錢氏在茲集不分卷 康熙壬子寫本 劉啟瑞

鄞錢廉輯廉字穉廉別號東廬少以名節自任參帥幕從攻耿精忠謀畫有功授官以母老固辭隱居以終是書乃廉輯其先世三百年遺草分類編次先詩後文詩為四五七言古詩五七言律詩五言排律六七言絕句文為疏揭書古論序引跋書後記紀文傳碑銘贊解說啟尺牘雜著策論表分二十二體頗稱瑣晰首列錢氏歷代小述人各一傳凡三十一人自錢安始繼以錢奐錢璉錢瓚錢崑錢鳳午錢若廣錢

續修四庫全書總目

卷

集部總集類

若任錢若宸錢若選錢若虛錢靖忠錢益忠錢敬忠錢文忠錢啟忠錢召忠錢敦忠錢續忠錢肅禮錢肅樂錢肅凱錢光緒錢肅復錢肅圖錢肅臨錢昭緒錢肅履錢肅邁錢雲緒而終于錢魯恭卷首冠以康熙壬子李文胤序畧謂歷數所遭禍纏君國為千載所未有三百年間前莫大於壬子遜國之變後莫大於甲申殉國之變而錢氏守臣節能與終始斯誠所謂世家者矣錢氏始祖諱安字靜能後以字行晚稱畦東先生洪武中以徵辟歷官韓府紀善王深相敬禮

常召見其二子手書具慶堂三字賜之及文皇即位聞其名召至京師將大用以疾辭得放還且賜勅曰遂爾優游勸鄉民子弟為善亦異數也其後甲申禍極乙酉繼之天下事已不復可為諸臣烈然內斷亦惟有以一死謝國時忠介公肅樂以閑曹諸郎出當大難獨留其未死一身圖挽末暉於下春之後間聞諫泊委骨荒屋與亂礁礪川追魂上下此所謂知其不可而為之者也蓋錢氏臣節其係於至大者若此又廉纂是編為心憂門祚中落藉以祖德感勵後人

自遭亂以來史籍零落鴻都石室所藏一朝墜地而錢氏守其先人斷編寸紙兄弟相模寫草間鐵燈以夜繼晷此真賢子孫事然則錢氏在今日人雖見其哀而正吾黨所稱為極盛者也又載崇禎二年錢若選序錢肅園序錢廉跋跋言選法五曰忠曰孝曰節義曰德業曰文章而命名之意尤在文章蓋忠孝節義德業非文不傳也昔人於絕續之交身丁艱苦念典之心與垂後之教往往不勝其低徊太息若此集者亦可憫矣不敢刊刻僅此寫本蓋有所忌諱使然

宜後人之珍視也

附錄傳記參考材料

耆獻類徵



湘煙小錄一卷附香畹樓憶語一卷夢玉詞一卷道

光甲申原刻本

劉啟瑞

錢塘陳裴之撰輯裴之字孟楷湘煙小錄者孟楷悼其亡姬紫湘嘗其堂上家人所撰誄傳哀詞同人所製題詠洎自著香畹樓憶語并舊作夢玉詞輯為一編玩芸臺宮保取明凌忠介公所輯湘煙錄之意為題今名其書首有道光甲申秋葑老人馬履泰序後列其翁頤道居士誄文即陳文述也後列其姑龔玉晨撰傳次大婦汪端長姬管筠及嫡女陳肇姬同作

續修四庫全書總目

卷

集部總集類

三哀詞後列憶語一卷蓋仿冒辟疆影梅奔憶語而作辭餘于意似尚遜冒作也後有阮亭辛絲宋鍾蔣志凝陶崑午葉廷琯王嘉祿張襲毛嶽生戈載王嘉福曹佩英徐尚之曹埶于燕生汪靖光張儀昭趙函石蘊玉諸贈詩詞附後夢玉詞有戈載序畧云余於詞致力已二十餘年始以山中白雲為宗繼復醉心於甲乙丙丁四葉曾為之訂其謬字選其佳章斯夕諷誦之思欲融會貫通綜兩家之善集一家之成材力未逮此願終虛妄竊時名益滋慙慙乃小雲淹貫

詞學先獲我心信今傳後可于夢玉詞必之已昔陳同甫答牟稼軒啟云經綸事業股肱王室之心游戲文章贈炙士林之口吾黨中惟小雲可以當是言且知小雲必有以副斯言也戈載詞最有名選七家詞尤佳其必無溢美矣

附錄傳記參考材料

杭州府志

續修四庫全書總目

卷

集部總集類

常德文徵四十八卷 嘉慶十九年刻本 劉啟瑞  
武陵陳楷禮編楷禮武陵舉人乾隆五十八年畢沅  
督湖廣檄修湖南常德府志武陵令三原楊鵬翔延  
邑士九人采訪楷禮與其事遂彙集成編至嘉慶十  
八年歲事明年選史館楷禮於郡志外別有文徵明  
昭明文選例括代為篇以補郡志所不及自謂詩文  
記事之流一人之史也彙編而全積少而多則國史  
合天下之大而實起于人各有傳有集也今小傳既  
詳于志乘而詩文又足以見一代文風之盛衰因竭

續修四庫全書總目

卷

集部總集類

力校羅二十年始脫稿湖廣總督馬慧裕湘撫翁元  
圻知府鮑銀署武陵縣毛夢蘭皆為作序而鮑序於  
常德最詳畧謂常德古界有蠻服文鮮流傳自屈原  
放於江南而離騷作宋玉景差唐勒從而屬和謂之  
楚辭於後漢武帝篤好之自賈誼司馬相如楊雄鄒  
陽枚乘之流皆極意仿倣遂以辭賦文章雄一代述  
變而為樂府歌行之有俳賦有律詩有古近體悉以  
騷為鼻祖馬第屈子為楚同姓而明統志載入郡人  
物而原著漁父詞自言放遊江潭放或解如歸放之

義其言滄浪及三閭諸遺跡皆在今郡境晉宋人地  
志已鑿鑿言之意原先世食采分封自非一人一地  
無足深辨顧自澤畔行吟之後作者不概見惟勝國  
迄我朝始哀然著稱前代搜括不得二十而一焉若  
宋之柳氏黃氏兄弟皆第進士以文章經術顯柳與  
蘇黃遊黃與陸楊遊名氏畧見諸家集中獨其撰著  
皆不可考惟丁氏周易象義等書今存御定四庫書  
中其易序二篇錄在郡志可概見也明代如蔣氏文  
粹姚氏奏議俱載四庫書目又未可遽得若龍氏綸

續修四庫全書總目

卷

集部總集類

鴻集江氏雪濤集楊氏唐氏各集率稿本搜自殘叢  
未窺全豹本朝獨朱氏刊有全集外此流布甚鮮得  
非以兵燹屢經而子孫世守為難耶乃千古文人嘔  
盡肝肺又不皆可傳有能傳者雖簡斷篇殘銷鏤於  
冷風寒月之餘其一段精氣所寓終不可沒是非文  
者本天地光華所結撰托之手斯人乃人心之白日  
固不可終沒耶此書之有闕常德文獻書極翔實楷  
禮本意以名宦流寓為一集郡中先輩之作為二集  
其人現存者為三集蓋止成二集以輔府志而一集

三集皆未見或當時未及成而凡例姑載之文詩各二十四卷詩原名鼎雅而今合于文集為此書目錄後有諸家姓氏爵里一卷起自周世止于國朝殊甚翔博也

附錄傳記參考材料

卷首各序

續修四庫全書總目

卷

集部總集類

荏平王氏永慕編不分卷 康熙二十年荏平王氏家刻本 劉啟瑞

荏平王王鼎編王鼎字貴卿明末諸生遭亂不仕入國朝始通顯以名進士由庶常歷官都給事聲施藉甚一時與姪士禎並以詩文名當世雖居不同邑而輩行相亞過從致密也是書專輯其母李太夫人壽輓詩文先是其母年七十徵文以為壽迨康熙五年母故而輓者詩文日衆因輯為專集名曰永慕集分二編上編為壽母詩文下編為輓母詩文作者並一

續修四庫全書總目

卷

集部總集類

時之名雋其詩文大率頌王氏清芬緇其祖德而賀王昌及其族子鳧南二序約畧盡之賀序畧謂北山王先生以純孝之心事親明朝末年先生幼而失怙時有風雨飄搖之患賴太夫人拮据茹荼手授遺書勉以成立三徙之訓同于孟母時當丙戌間邑屢遭兵燹先生於播遷之際菽水奉養負米承歡不減仲子當其未釋褐時居嘗念先人積學未遇貴志蚤亡則日以顯揚為志而誦詩含涕罔極生悲至于登第不復入王堂轉黃門品譽甲天下視先生為泰山北



斗馳封黃門獻壽願親者如此子與氏所稱大孝終身慕父母北山先生有之矣又族子鳧南序畧云罔極之感生人所同而終身之慕必歸大孝豈其得於鞠育者獨厚何其繫念顧復者獨深耶雖堂上之音容有時而邈而視聽於形聲之外者常寄諸緩我思成之中極之身有終而慕無已永錫爾類此心可共傳焉安在誄銘碑版不足以留先世既往之德徽而寫孝子無窮之隱衷也哉當己酉之春先生居廬讀禮予過而唁之手一編示予曰此為母而作也誄銘

續修四庫全書總目

卷

集部總集類

碑版以及傳誌祝嘏之詞具在前人之述備矣合之此編都為一集予受而卒業作而歎曰給諫公之孝思不遺其源遠而流長者有如是哉難豚逮存人生幸事然俯仰庭闈每忽忽不自知其樂亦悠悠忘乎其為慕及一旦色變寂然街恤靡至春露秋霜撫時增歎夫然後思其居處思其笑語思其飲食嗜好怒然悲追隨之無地也以此言慕固與昊天號泣者千古有同情矣抑予獨謂孝子之慕期於永承原不與此身俱終者尤賴有所託以留之耳紀德之章照耀

重泉麗性之石高標隴上白陽青草暮靄斜暉庶幾有別蘇捫讀憑吊及之者而孝子之心未遽云慰也又從而心摩意慕鏤肝刻腎傾群言之滄液哀然成帙能使開卷者長吟遠慕想見其為人國史家乘足供採擇豈非身有終窮而慕無止息子子孫孫勿贊引之者哉則踵給諫公之後繼芳躅續遺編已適徵心源之合于以繩祖武修厥德當不僅芸香汗簡校閱殷勤而已也云云是書大旨亦可於此徵之矣

續修四庫全書總目

卷

集部總集類

附錄傳記參考材料

本書各序

磁州張氏文徵二卷 光緒己丑刻本 劉啟瑞

不著撰人名氏據卷中各文考之殆張氏族人所為也磁州張氏據張棟書重修張氏族譜序始祖襄垣公鋤經服古忠厚傳家書香令德代有簪纓棟書之祖為前明大司馬曾督粵當流船患難中惻念宗支飲泣編摩以成譜父孝廉公先諱漢後改名遂子棟書其子也棟書子四照乘照普照榮照宇是書首揭磁州張氏秩諱字考起張榕端字子大初字子長號樸園又號蘭樵康熙丙辰進士內閣學士兼禮部侍郎

續修四庫全書總目

卷

集部 集類

部提督江南學政次列棟書字子車號怡園晚號晤言老人歲貢生封中憲大夫次列照乘字爾賢或作寶賢雍正己酉拔貢江西吉安南昌浙江嘉興等府知府又次照普字爾孝監生贈修職郎又次照黎乾隆壬戌會試明通湖南興寧縣知縣次照宇字爾介乾隆丙子舉人甘肅禮縣知縣次丙煜次坦次壬次整次逢辰次璇次璇次錢次金管次金式次海凡十七人上卷載文二十篇皆張榕端作下卷文三十九篇皆棟書以次諸人作又補遺二篇則張漸張錢作

也棟書為象贊最多其父子于族譜尤致意蓋孝廉

舊譜而棟書照乘先後再修之自謂先世播遷江淮惓念根本以顛沛未亡之身垂子孫永遠之守其承先啟後有足多者又丙煜撰先禮遺詩跋云煜祖諱衍先司馬公之第六子也純孝格天與先祖妣同割股以愈母病鄉試入式而限於額其遺卷及主司本房諸批猶在煜收藏不敢失生先大人甫週歲而捐館舍及先大人生煜亦甫週歲而捐館舍堂構之際殆岌岌焉微君鶴巢搜刻磁詩已登先大人數首煜

續修四庫全書總目

卷

集部 集類

翻閱遺稿又續入六首大半皆切望繼體而作由此考之行為大司馬之子於棟書為叔父行而丙煜與照乘為兄弟行也又照乘撰司寇大夫復庵先生傳服庵諱丙厚為刑部郎時方閭學靈皋為布衣以牽連入獄臺臣雜治事方殷力救之其禍以雪平反者幾二百人不畏疆禦其性然也辛卯分閩得人稱感為當事所忌致政歸里時乘年十七八應童子試屬望殷摯有疑慮多決于乘意見輒相符乘貧通二百金以贍命二子士垓從子遊曰讀書作人汝叔是效



然則丙厚亦兄弟行也。王煥為姪其卷後之金式則不知其行輩據所載金式為光緒乙亥恩貢然則此書當在光緒間為金式之弟姪等所糾集矣。又最末所列之張靜補遺載其自撰生母汪孺人祔葬祭告文為康熙十八年己未是則張靜當為棟書之伯叔行而列於後不書補遺是其失也。

附錄傳記參考材料

卷中各文

續修四庫全書總目

卷

集部

集類

後邨周氏淵源錄十三卷 嘉慶丙子周氏家刻本

劉啟瑞

山陰周源輯源字清渠嘉慶時邑諸生事跡不見於府縣兩志傳竟無考是書乃輯後邨周氏一家之言故名曰淵源錄焉。考山陰後邨周氏出自宋道營道鄉濂溪保四傳元公崛起倡明道學南渡時其曾孫靖由祥符遷諸暨紫巖十六傳至明洪武初遷山陰周橋之後邨迄嘉慶丙子凡四百十年人文代興著作林立其二十二世孫源深懼芳徽之泯滅綜而集之於宋得三人即遷諸暨之三世諸暨三世曰天錫公諱靖梅軒公諱恪恪父嘗輯宗譜而朱子為之序維周公諱文郁嘗就朱子所序譜復增修者其於元得一人即遷山陰者元一世曰楮齊公諱洪先娶於胡後贊吳江張氏生子九傳而為周宗建議忠毅後裔最盛元貞間維贊於山陰溫瀆俞氏生三子遂為山陰始遷祖於明得十五人皆後邨之支至清世而時漸近所采加詳雖子姪行有可錄者畢取要以身歿論定存者不錄而周氏一家之文獻大備為卷十

續修四庫全書總目

卷

集部總集類



三前有陶澍史致光馬步蟾劉鏗四序及嘉慶丙子源自序及例言七則後有道光辛卯源從弟凱書後畧謂書成於道光丙戌歲辛卯郵寄於凱竊見夫天錫公之忠君梅軒公之睦族適軒公之孝行連渚蓀山木居念吾致潭五公之吏治而廣俞公疏劾魏璠與忠介並稱二周大節昭然與日月爭光者固不獨在詩古文詞也而雲淵素心園牧三公之邃於經石樓珠士二公之弗於史也其他皆文合班揚詩兼李杜要皆本純篤之行以發為文章凡所登錄卓然可

續修四庫全書總目

卷

集部總集類

傳於世美第稱一家之文獻哉夫天之生人富於才者往往畜於遇若雪巢載沂一山勺菴石樓珠士諸公或困於諸生或老於幕府才富遇畜志士悲之而石帆公獨以博學鴻詞起翰林藏有賜書歷官清要則有才者天又未嘗終畜其遇也凱既讀而卒業深感乎先世之忠孝德行一寓於詩古文詞而又不第在詩古文詞也今清渠族兄能揚清芬述世德久歷寒暑薈萃成書使讀者紉繹其間油然而生孝弟之心以篤乎水源木本之思尊祖敬宗之念名曰淵源有

自來矣又陶澍序曰一代之文獻難稽而實易一家之文獻易稽而實難一代之文獻國史所收其人皆夙負文章之譽專集久已流行於此使一家而悉若是固無俟其子孫之采摭子孫采摭皆名不盡彰而集不盡著者雖有所作在當時或已無知之即知之亦不過一鄉一邑暫相流播不能及遠故君子以為難源自序亦曰族中諸祖著作編徵同族併索舊書雖斷簡殘編零縑隻字采摭無遺倣以詩存人以人存詩書例即一人止一二篇無論優劣必為登入若

續修四庫全書總目

卷

集部總集類

有專集行世擇尤錄之斷自博士公而志後邨所從出旁支不載名繫小傳備詳名號世交始終行事使後有考又例言謂周氏自元祐齊公遷山陰分十三支後邨特其一茲錄專刻後邨別派不敢摺入嘉慶戊辰源得族祖文忠公鳳翔遺集鈔本公系出張川敬刊七卷另行以示區別又云家傳已登系譜不宜載入而此錄亦鈔一二者如載沂公別無著述祇存澹客公一傳是其編次頗甚謹嚴而合彙度不尚浮藻益足貴矣

附錄傳記參考材料

無

續修四庫全書總目

卷

集部 總集類

校經堂初集四卷 光緒乙酉刻本

劉啟瑞

雒縣曹鴻勳選鴻勳字銘弔由同治十二年拔貢朝  
考一等籤分刑部七品小京官光緒二年一甲一名  
進士授職修撰五年充湖南副考官七年提督湖南  
學政湘人素講根柢之學而過僻各府往往認於舊  
習拘守章句鴻勳輟軒所至拔其尤者令入省書院  
肄業以資觀摩由是諸生聞見大開邊僻風氣為之  
一變任滿到京奉旨入上書房行走十五年充陝西  
正考官尋充江南副考官十六年充教習庶吉士旋

續修四庫全書總目

卷

集部 總集類

充日講起居注官授右春坊右贊善充武英殿纂修  
二十一年轉左春坊左贊善二十二年署雲南永昌  
府知府二十四年授雲南迤東道旋署糧儲道二十  
七年授雲南按察使擢貴州布政使署貴州巡撫三  
十一年調補湖南布政使授陝西巡撫均有善政凡  
有益於民生者無不以身任之此校經堂文集者乃  
鴻勳居湖南學政任時所選省會書院校經堂諸生  
之課藝也校經堂初創於湖南巡撫吳榮光成於不  
九香而最盛於鴻勳據鴻勳自序謂道光之間南海

吳公巡撫湖南本鄉國之雅化導造就於湘中始建  
湘水校經堂以導來學通規模未宏弦歌遼息犇狂  
肆擾輸費於軍厯有歲時莫之或舉光緒初載餘姚  
朱公視學茲土乃議興復修頓起廢別營學舍明布  
條教慎簡高材剖演奧藝月試所能學靡盛衰人存  
政舉其在斯乎余以己卯奉天子命典試湖湘惟楚  
有材亮非虛謬復逢茲舉彌切欽熙甫經二載又承  
恩命重蒞此邦督學屈子之鄉校士濂溪之里斯堂  
已構多士雨集董理維持于今四載堂中雋才咸能

續修四庫全書總目

卷

集部總集類

自奮執經問難著之於篇覽所撰述頗足省錄云云  
是則書院之規幾經周折而後成鴻勳之功蓋不可  
沒其山長初聘寶應成美卿孺任之美卿江南大儒  
也甫入講舍即以朱子白鹿洞教士之法著為條教  
有校經堂學約一書世頗誦之以故所教之士大率  
彬彬向學各有造詣故此集所選皆多可觀鴻勳自  
序並又述其選文之旨畧謂研綜典藝貴自樹立端  
詞章於倉雅斯乃則而不涵納義理於訓詁胡至空  
而不實云云言殊剴切而是集選旨亦可緣知其大

齊矣至於集中編次先文後詩文有經解史論書序  
擬賦詩則古今體悉備焉

附錄傳記參考材料

清史列傳

續修四庫全書總目

卷

集部總集類



菊坡精舍集二十卷 光緒丁酉刻本 劉啟瑞

番禺陳澧選澧字蘭甫道光十二年舉人河源縣訓導澧九歲能為詩及長與同邑楊榮緒南海桂文耀為友復問詩於張維屏問經學於侯康凡天文地理樂律算術古文駢文填詞篆隸真行書無不研究中年讀諸經注疏子史及朱子書日有課程遂輟作詩著有聲律通考切韻考漢志水道圖說漢儒通義東塾讀書記等均為士林所宗仰主學海堂數十年得人稱盛垂老主講菊坡精舍與諸生講論文藝勉以

續修四庫全書總目

卷

集部總集類

篤行立品成就甚衆光緒七年粵督張樹聲巡撫裕寬以澧耆年碩德請於朝賞給五品卿銜八年卒門生輩請於大史祀其主菊坡精舍此菊坡精舍集者乃澧選精舍諸生詩文集也先是澧主教學海堂時教諸生時文之外兼攻經史以經史為根柢之學士子未可廢也及澧主講菊坡精舍一以教學海堂之法教之菊坡精舍其說見於菊坡精舍記畧云澧掌教菊坡精舍方子箴方伯命之曰精舍宜有記吾子宜為之澧敬諾初粵秀山有道士祀神之廟曰應元

續修四庫全書總目

卷

集部總集類

宮其西偏有臺榭樹木曰吟風閣後改曰長春仙館遺夷亂廢圯蔣香泉中丞與方伯議改為書院方伯華而新之題曰菊坡精舍言於中丞以澧為掌教澧辭方伯命之再三乃敬從始議為書院時以書院多課時文此當別為課澧既應聘請如學海堂法課以經史文筆學海堂一歲四課精舍一歲三十課可以佐之吾不自立法也每課期諸生來聽講澧既命題而講之遂講讀書之法取顧亭林說大書行已有恥博學於文二語揭於前軒吾不自立說也因而申之

曰博學於文當先習一藝韓詩外傳云好一則博多好則雜也非博也又申之曰讀經史子集四部書皆學也而當以經為主尤以行己有恥為先云云凡澧教士之法大畧在是是集為澧選諸生受教之作始自同治丁卯迄光緒辛卯凡十五年錄文十首者者百人介為二十卷卷一之十四為文卷十五之二十為詩文為類十有五曰釋曰說曰論曰解曰辯曰書後曰考曰賦曰贊曰頌曰擬露布曰銘曰序曰連珠曰箴詩為類有六曰五古曰七古曰五律曰七律曰

五絕曰七絕而著者大半皆一時之名隽當澧存時此書已刊成什六其未刊者皆有手記或須訂改會澧病歿此事遂輟迨光緒丁酉門人廖廷相始為補刻方報刊行並以澧撰精舍記冠諸首以詒澧教學之旨而是書選擇之大齊亦可緣知一二矣

附錄傳記參考材料

清史列傳

續修四庫全書總目

卷

集部總集類

聽松園題詞六卷 家刻本

劉啟瑞

武林王暉編暉別有今世說蘭言集已著錄入各類事蹟並已詳前此則復集友朋所題聽松園之詩文也暉嘗自署松溪主人而自為之傳畧謂主人少穎悟讀書無不通曉為諸生有聲已得渴疾即謝去所交多一時賢豪長者與竹隱君紫珍道人最友善見輒談論移日或至信宿不厭其他雖相對終日不妄交一言也性不耐飲恒喜人飲酒但飲而醉醉或作濯夫狀未嘗不笑而鄰之間作詩詞古文傳流人間

續修四庫全書總目

卷

集部總集類

人亦頗有賞鑒者終歛然不自以為足也平生重然諾與人期或允所請不爽時刻凡玩好珍異之物携箱博奕之具一無所蓄亦無所好惟觀名花不能無歎嘗謂人曰花當盛時繁華赫奕尋香而至者往往攜榼核擁以笙歌追風霜零落顏面忽改承一過而問焉不可得也豈知天半虬松勁挺如故嗟乎富貴塵馬足日相追逐遑問有松在哉其高論如此又嘗寓聽松園以寄意海內知名之士咸作詩文以贈或寅長夏手為編次得六卷凡賦一首詩四十八首詩

餘十七首時曲五首贊三十一首題跋十二首合百  
十五首而使海寧楊維建為序畧謂王子挺特立之  
姿而流邁俗之韻其於松固有甚契焉者當夫清風  
欲來寒濤謾謾幾於亡其身之為松松之為身也而  
何有於聲何有於聰忘聲與聰矣又何有於詩文圖  
繪之鋪揚稱道者乎雖然聰不徒以耳也聰不以耳  
而後謂之真聰境觸而意以忘意忘而神以化詩文  
圖繪特其寄焉者耳於丹麓聽松之意可謂述之靡  
遺丹麓生長太平之時交游滿天下故投贈至多其

續修四庫全書總目

卷

集部總集類

人胸襟於松溪傳又見蓋有陶元亮之大趣而過  
又助成之風流爾雅致足羨也書中投贈大半一時  
之名雋其間佳什如歸莊元孝詩云西湖松盡析為  
薪那得颺颺入耳頻應為王郎好清籟山靈特與後  
龍麟又如查慎行楊洲詩云一拳石配兩林松石欲  
成羊松作龍報道先生方晏坐不知天籟起何峯均  
頗可誦其他各什亦多類是

附錄傳記參考材料

清史列傳

續修四庫全書總目

卷

集部總集類



詩古齋吟稿二卷 家刻本

劉啟瑞

上海楊城書撰城書字香林上海人乾隆壬子舉人曾受業淮安汪尚書廷珍門下嘉慶丙辰出都返滬與康起山褚文州曹硯香需人昆仲友善相為均語康曹為改之二人既逝遂輟不作據其可述率率應酬為多本未可以言詩特不忘同人教益姑編錄之蓋自知甚明也卷首文三篇儀禮節要序乃為華亭孫研山作張南莊詩序為駢儷文黃梅雨賦蓋應課所作詩卷一多為投贈亦有吳淞八景詩為春江烟

續修四庫全書總目

卷

集部別集類

雨斷岸潮聲橫橋秋月野渡垂楊渚浪遺址古塔殘碑茅庵遠火戍樓霽雪似應課作二卷則皆詠帖詩也標曰五排其題頗與有正味齋試帖所載有出入或其時會課月作亦未可知好句時亦有之試律為一代取士崇尚所謂今之近體詩仿五排而有限制但取鉤心鬥角性靈之筆不恒見能轍弗為雖不空廢然終乖詩人性情之旨前有道光癸巳倪元坦序一篇謂以冲和澹遠之性發為溫柔敦厚之辭見其詩即如見其人夫詩以道性情苟徒事妃青儷白以

為工而性情未得其真詩之旨荒矣香林為人醞釀深厚屏絕世俗紛華靡麗之習與人交沈摯肫篤敦信義重然諾居恒靜默寡言修然自得宜其詩之工而初不必以詩自見也言外抑揚未為無見秋興五章次褚文洲韻有云迢遞關河息遠征愁看秋色到孤城葉辭老樹雲俱下潮轉寒江月有聲容貌閒時憐易改發懷如嶽最難平誰家玉笛臨風引動我蕭蕭無限情又云流水涓涓古壑藏板橋人迹印寒霜槿花競獻已人布茅屋誰餘太一糧岑寂最憐巢燕

續修四庫全書總目

卷

集部別集類

香往來一任渚魚忙放懷惟有蕭齋客擊鉢詩成興欲狂又云琳宮遙指最高層定慧寧須仗佛銓眼照好花心蕊吐研飛餘潤墨雲升浪遊已識墮中鹿沖舉徒看臂上鷹笑我苦吟何所似秋風壇畔一詩僧又云閒住江湖作散材凌寒那慮雪霜摧一樓風入我為主三徑月明客自來且向人間窺玉局不知天上有雲臺短籬寂寞秋容老黃菊茱萸手自我又云偶尋東郭步沙渠烟樹微茫入望餘雪浪遙翻槎客渚玉樓空仰羨門居飛回青鳥誰傳信夢繞銀鱗欲

寄書茗雪煙波聊自適窮途且莫悵迴車均頗幽倩  
如韋蘇州固自可存惜不多得也

附錄傳記參考材料

上海縣志

續修四庫全書總目

卷

集部別集類

初月樓文鈔十卷詩鈔四卷 重刻本 劉啟瑞

宜興吳德旋撰德旋字仲倫邑諸生自桐城方苞以  
古文法授劉大槐大槐授姚鼐鼐授諸弟子益廣且  
遠獨德旋於姚鼐在師友之間德旋名位雖不顯然  
同時如惲敬陞繼輅呂璜周凱輩莫不拱手推重以  
古文名天下幾二十年呂璜更師事之嘗以親承指  
畫手纂成編為古文緒論一卷其論國朝諸家之文  
頗有微辭惟推服姚鼐謂鼐之文以韻勝時許其知  
言所自喜在敘事文字雜著及書序記之文猶自謂

續修四庫全書總目

卷

集部別集類

不逮歸方其自抑如此詩亦高澹絕俗著有初月樓  
文鈔十卷詩鈔四卷即此集也此集原刊附所著聞  
見錄及門人程德貴附稿閱四十年不易購得邑人  
周家相從其族人鈔出重梓遂去聞見錄及附錄而  
僅刻文詩二抄文分離著書序記題辭傳述行狀墓  
志銘墓表墓板文哀詞祭文諸類為文一百七十五  
篇而殿以經義所謂經義即制義文而或僅存精義  
數十句或並起咏均存之蓋當時八股盛行仲倫所  
作雅近宋人故棄而存之所謂今之文體原應與古



文並存不必廢特末流浮淺不能發揚聖賢之義乃  
為人所詬病後劉裂破碎命題體制益卑同運隨  
之令人太息痛恨于中興後諸掌文衡者四海陸沈  
王夷甫諸人骨作塵已悲夫仲倫與袁簡齊同時人  
有詰袁子篇持論甚正數與張翰風書正言嚴訓不  
愧諍友文囑一篇蓋深於文者之言與張舉文悖于  
居論文不為苟同而於其卒也皆惓惓友朋之誼仲  
倫之又行交修有足欽者詩段徑甚高首有自述曰  
余年十七始學為詩無所師受徒自以其意求之古

續修四庫全書總目

卷

集部別集類

人絕不敢自信二十六歲游於京師陸以海博見  
余詩而善之以為妙兼象體必傳於後無疑余則  
甚目疑也自京師歸後悉焚棄之後聞有所作必之  
鄉先達汪鈞莊先生獲此評語後數年又悉焚棄以  
竊鈞莊先生皆吾邑之名能詩者余既為所稱許即  
邑之人無不以余為能詩矣然余終不能自信但有  
酬應之作隨手散去惟與門人金鄉周延以同年南  
朝宮體及晚唐人詩數十首僅存篋中即泮時微吟  
草也近年來求讀古人之詩覺所見與前有異因復

為之而存之積成帙焉汪溪題其篇曰不著一字盡  
得風流五言近體清華秀逸上追太白平挹文房蓋  
非虛譽有示曹生青崖詩云聞見博為美守之固可  
約吾意欲云云詞必使其達有時不盡言言表意非  
畧說詩我豈能其事欣有託人人須自為家豪啟私  
鑰任強忌太生和婉忌太弱難易非所論柔剛貴相  
錯頗得詩教之旨又答友人問詩法詩云君莫問我  
詩我詩多變格知音最蚤惟陸君許我清才世無  
敵自交仁和宋左桑風人之意時一窺南朝鮑謝不

續修四庫全書總目

卷

集部別集類

可到側艷往往如溫岐吾州數子才不羈論議絕出  
萬難躋南宋不數陸務觀中州姑置元裕之崑崙坡  
客猶下乘更誰比數詩人詩我今偏得采詩法不論  
濃淡與平奇但須妙合興觀群怨之大旨尊原三百  
其無迷又示門人詩有云言志為詩定不疑新聲日  
競正聲微詩兼六義應須記莫漫隨人說是非我從  
記室參微旨誰道論詩不論人屈使征西居下品陳  
思終是漢純臣又讀古懽堂集題詩云山豈半格似  
道山一體能工便不刊更有差強人意語論詩難比



作詩難論詩難皆其自道有得之言仲倫詩文外又  
善書得古人筆法包世臣極推重之見所著藝舟雙  
楫

附錄傳記參考材料

清史列傳

續修四庫全書總目

卷

集部別集類

沈寄廬詩集六卷文集十六卷 乾隆甲戌刻本

劉啟瑞

崇明沈寓撰寓字寄廬崇明人與沈歸愚同宗歿後  
其嗣孫宿發刻其詩文使歸愚序其集謂其讀書不  
遇隱居東瀛壯歲溯大江入湘漢訪龐公舊居尋孫  
劉戰壘復自閩入粵探武夷羅浮之勝歸而游齊山  
觀杜牧題詩處履迹所至發為吟咏皆極其遊世無  
悶之懷晚年杜門埽軌上下千古聞天人秘奧經  
學本源皆有闕于政治民物洵為德人之言詩近竟

續修四庫全書總目

卷

集部別集類

夫擊壤文近李泰伯也經術司馬文正之經濟使人  
矜平蹠釋不敢為無實之言蓋其人始焉浪游以抒  
抑鬱繼焉務本以析理欲矣又有程穆衡王世仁二  
序而所謂烟波六十篇者又有紫微楊雍建自西河  
東史弘坦易齋潘州王緯象文三序又烟波六十篇  
却存又生兩集康熙癸未自序畧謂六十編者即晉  
陶元亮甲子之遺意借平生之所著以編其歲月而  
冠之以烟波以為山非烟不神水非波不靈天地間  
何往非山水則何往非神與靈之所在而我詩我文

適獲我心焉。有時長言之。有時短言之。有時正言之。有時喻言之。遇題成文。緣興得詩。其嘯也。歌云。予歲自予年一十有六甲午。迄今六十有四壬午。詩得四十九卷。文得四十四卷。六編一叙十叙完。甲詩已八叙。有一所欠缺者。只十一編。文起於己亥。尚少十六編耳。不意壬午水火既濟之年。心星失度。臘月東流。使我嘯歌之章。子夜一炬。詩文劫灰。劫燼之餘。詩存十三卷。文存十七卷。真劫餘之物耳。名之曰劫存集。嗚呼。野火燒不盡。春風吹又生。今癸未以往。歲月遙

續修四庫全書總目

卷

集部別集類

遙皆我又生集也。滄溟汪洋蓬壺中。隱登眺之際。烟雲繚繞。波瀾浩渺。江河百川。朝宗於斯。所謂大觀者。莫有大於此者矣。劫燼餘生。茅廬重搆。蓬山壺山。湖游湖酒。盈懷詩意。不窮於春秋花月。往者皆我已畢之局。來者皆我未竟之樂。人生斯世。縱不能旋乾轉坤。作浴日補天之模範。亦可以吟風弄月。為擊鉢放鶴之嬉娛。烟波不改。詩文之興依然。採喉而歌者。當又生觀可也。又其孫丕源。跋先大父寄廬公牘。沉毅嗜古。尤篤屏居白華莊。以詩文自娛。源時為幼行諸

孫侍晨夕。睹公為文時。禿中微哦。夷猶獨往。神處甚若。慘淡及伸紙濡墨。意緒累累。雖千萬言不淹晷。蓋自謂烟波筆嘯云。及卒先君子執卷流涕。顧予曹而言曰。此汝祖畢生之業。與其所以教子孫者。悉在是。可令久無傳乎。願欲梓行之。而遑遑也。越今垂三十餘年。始得家禮部歸愚先生。婁水迺亭程先生。後先校讐。輯其文為一十六卷。詩六卷。付之棗梨。曾孫奕董跋謂。分摘諸體。各以類從。先之以讀古賦論策議等。次之以序記傳銘表對問答。迄乎書啟說祭文。終

續修四庫全書總目

卷

集部別集類

焉。蓋依各大家文目編次。以便披讀。而散註其年於題下。俾可考按。唯詩仍以歲編。不分諸體。統於百篇題下。註年如文集例。鳩工次第。開雕以歲之弗登。工始壬申。竣於甲戌。又奕蘇妻夢二跋。意旨相類。稽考寄廬身世。正當鼎新之時。比于殷頑。而不欲自裸者也。

附錄傳記參考材料

卷首沈歸愚序

崇明志

續修四庫全書總目

卷

集部

集類

招隱山房詩鈔十二卷 家刻本

劉啟瑞

丹徒戴啟文撰啟文字子開光緒初以貢得縣丞累遷至道員需次浙江謝病歸卒於海上父澗璠道光癸卯舉人官浙江知府有政聲終於浙子開少有詩名游浙久陶鎔山川間清淑之氣發而為詩頗可采誦生平所得詩蓋不下萬首自乞江西熊光選存僅存十之四用聚珍排印其後又增益之付其子刻成見其所為自序及烏程周慶雲跋尾其詩起甲子至戊午凡存詩二千餘首為卷十有二首為俞曲園序

續修四庫全書總目

卷

集部別集類

稱其詩疏淡則韋蘇州工雅則王摩詰秀則李義山暢達則白樂天而歌詠時事表揚節義沉鬱蒼涼又逼近杜少陵即詠物諸作亦運筆超妙寓意遙深非尋常鄭鴈鵠崔胡蝶所能望所譽未免過情然亦未始非獎進之意熊香海秦散之陳鹿笙各有題識崔磐石又為之跋其自序述之頗詳而此刻本則段後始成周氏後序今錄出俾詳顛末焉畧謂先生仕於浙垂二十年自郡丞累遷至觀察使遭際隆矣而襟懷翛然益遠浙中多佳山水退食餘閒往往秉一



節蠟雙履或山之巔或水之涯如窮士自放所為雖  
無憂思感憤而一覩蟲魚草木風雲鳥獸之狀類情  
未興往如贈如答鍾嶸所品為俯拾即是不取諸辛  
者孰謂達官貴介中無風雅性靈乎光宣之際始獲  
與先生遊文譙流連謬許同調國變後浮家海上而  
先生又避兵偕來余時與劉翰怡京卿叔泓社以先  
生齒德咸推祭酒今社刻諸稿先生詩為多即席揮  
毫皆敏手謝勿逮然至是亦不免憂思感憤流露歌  
嘯間矣顧愛浙甚於燕鄉曾築壺園於會垣九曲巷

續修四庫全書總目

卷

集部總集類

為免表計因自號壺翁春秋佳日掉尾舟徜徉於  
耽吟弗輟自先生歿忽忽七稔余每詣杭過九曲  
里輒不勝迴車腹痛之惜焉

附錄傳記參考材料

卷首各序

全上古三代秦漢三國晉南北朝文編一百三卷 刊  
本 劉啟瑞

烏程嚴可均錄可均所著有說文校議錢橋遺稿  
等書已著錄此所撰上古文乃嘉慶十三年備宮全  
唐文館後所輯見所為總序後謂唐已前要當有總  
集十三年秋始草叔之廣搜三分書與夫收藏家秘  
笈金石文字遠而九譯荀及釋道鬼神起上古迄隋  
鴻裁鉅製片語單辭同弗綜錄省并複疊聯類而零  
作者三十四百九十七人分代編次為十五集合七

續修四庫全書總目

卷

集部總集類

百四十六卷肆力九年草叔粗定又肆力十八年拾  
遺補闕抽換之整齊畫一之已于事而政掣五尼之  
亡散揚揚萬古之天聲唐已前文咸萃于此先是梅鼎  
祚曾有文紀諸書張溥有百三家集皆三代後唐以  
前文可均謂梅氏文紀無賦又四孤甲乙等論及諸  
大禮奏議往往四五人或一二十人所作彙聚一處  
體例不同又如藝文類聚有胡綜請立諸王表梅氏  
編入薛綜集蓋誤謂張氏百三家集以張采文鈔為  
藍本唯有賦有詩為異張采本二千餘家而僅取百

三約之又約矣然如褚少孫集止從史記寫出無他書隻字抑何不憚煩也知與郵書互有漏落然張氏未載出處錯誤甚多所議極是故有是編其文率分類編次故例之曰賦曰騷曰制曰誥曰詔曰勅曰璽書曰賜書曰冊曰策命曰策問曰令曰教曰誓曰盟文曰對策曰對詔曰章曰表曰封事曰疏曰上書曰上言曰奏曰議曰啟曰檄曰移曰符曰牒曰曰判曰啟曰箋曰奏記曰書曰答曰對問曰設論曰設曰難曰釋難曰辨曰考曰七曰記曰序曰頌曰贊曰連珠

續修四庫全書總目

卷

集部總集類

曰箴曰銘曰誡曰傳曰敘傳曰別傳曰約曰券曰誄曰哀冊曰哀辭曰墓誌銘曰碑曰靈表曰行狀曰吊文曰祭文曰祝文曰題後曰雜著其體逆如王莽相玄等則先表疏後詔令變例以別之然見行書則仍以朝代為次上古本無子部之分自後世不別而偽謂經史子者實皆各人分類之集今上溯三代則經史子三部必分界限然界限有定而無定詔令書檄天文地理五行食貨刑法之文出於書騷賦韵語出於詩禮議出於禮紀傳出於春秋百家九流皆六經

餘潤故四部別派而同源文選為總集而收毛詩序尚書序春秋左氏傳序史論史述贊典論論文文苑英華唐文粹亦如此是經史子三部闕入集部在所不嫌全唐文不載晉梁陳北齊周隋史論贊又不載帝範元子仲蒙續孟素履兼明化書等子書以諸史子見存今遵其例而推廣之以為界限凡經傳不錄錄經傳中所載之誓誥箴銘等文錄佚經而佚詩屬詩石鼓亦屬詩不錄錄金石刻辭而岣嶇碑字難識不錄史記兩漢三國宋齊後魏及漢紀華陽國志之

續修四庫全書總目

卷

集部總集類

論贊全本見存不錄錄史序史評錄佚史之論贊而佚史之紀傳不錄方志不錄子書見存者不錄錄佚文及佚子書屈強見存不錄錄宋王賈誼以下之擬騷又面勅面對未登簡牘者不錄然史家語例頗未畫一如魏志張既王基千里疎事不云書啟漢書莽詔半作莽曰史記文景武詔作上曰若此之類皆入錄故卷帙幾重至達三千四百餘皆為之小傳里系察舉遷除封拜贈諡著述畧具始末或其人不可見于史傳則參考群書畧著爵里如又不得則云爵里未



詳或併不知當何帝之時則列每代之末至胡安道等五十四人併不知朝代但知為唐已前耳別為先唐文一卷列全書之末又可均手訂一百四冊次第末有均篇全文姓氏五卷今已缺如可均故後烏程將堅為寫編目一百三卷附全書以行可均書成未刊方柳橋以五百金得其稿光緒丁未王毓藻始為刊於廣雅書局越七年癸巳訖功惟俞理初對於此書謂出湖孫淵如王刊書加序指為未審而楊惺吾更力開其說以為厚誣傳沅叔氏藏園群書題記謂

續修四庫全書總目

卷

集部總集類

歷覽近時諸家所言不第理初為然陽湖蔣彤拱李申耆年譜謂道光二年申耆在楊州館鮑氏寶笈輯此書五年纂成凡二部一以時代先後一以類相從譚復堂日記在全椒見吳山尊日記言纂輯實出孫伯淵手而繆荃孫曾在申耆先生後人許見所鈔分類一部因缺二帙未曾購得其說非盡子虛可知是書發議於孫藏功於李而鐵橋與孫星衡實與分纂之列而出資延聘諸人以舉其事者則鮑氏也後人疑鐵橋攘孫之作為己有者固非鐵橋自謂積二十

餘年之久獨力所成者亦未為實錄網羅曠代之鉅編作者三千餘人積稿至七百餘卷宜非寒素一人之力所能勝余意鐵橋以博學鴻才贊翼盛業其致力視諸人為勤綜萃萬編以底於成或出其手訂然淵如開創之功申耆總攬之力星衡助理之勞與夫鮑氏倡導提挈之盛心又烏可泯沒使無傳於後耶鐵橋自序迺絕無一語及之其總例云一手雠校不假象力此所以啟來者之疑而致郭氏竊注之譏也此言為發百年之覆最為得實吾謂一以時代分

續修四庫全書總目

卷

集部總集類

一以文體分此其以時代分者例也當為分類之說亦其疏漏之證也

附錄傳記參考材料

清史列傳



應試唐詩類釋十九卷 乾隆元年刻本 劉啟瑞

濮陽臧岳編岳字括齋事蹟具詳邑志科場取士以律詩始於唐唐人應制之作嘗以入集而限韻或書或否唐詩選本不下數十百種而應試詩編為一集者甚少蓋應試詩皆斂才就範帖然於規矩準繩之中非如嘲風弄月對景興懷之大放厥詞馳騁才華者可比以故詩雖多而流傳少又變其式以入集未有鳩集應試之作為一編者括齋特搜羅各集以成此編次為十九卷以示後之應試者使採其源而端

續修四庫全書總目

卷

集部總集類

其本不僅供帖括人之捋撻也諸詩皆以時代相先後括齋為揣摩計分門十六曰乾象曰歲時曰地輿曰人事曰禮儀曰音樂曰文苑曰武功曰宮室曰服御曰珍寶曰植木曰花草曰飛禽曰走獸曰蟲魚而十六門又詳為分別之蓋饒貧賤之說也雖分類未免煩瑣然藉此以存唐代考試之作亦實足以傳後其前有應制唐詩備考數則尤詳掌故畧謂試帖以六韻為主此唐人定例間有用八韻者一是主司所限如元元皇帝應見帖舉子概用八韻是也一是舉

子自增如玉壺冰帖諸人皆六韻而潘炎獨用八韻

迎春東郊帖諸人皆六韻而張濯獨用八韻是也亦

有用四韻者必是主司所限如秋河曙耿耿是也至

於祖詠終南積雪帖則用二韻此詠自為之原非定

例登進士後又覆試名曰奉試奉試多用四韻如崔

曙明堂火珠詩荆冬倩咏青詩是也後鄭谷黃滔在

乾符時奉試又用六韻試帖用韻多於本題內任押

一字如日暖萬年枝題或押年字或押枝字是也其

有不押題字者必是官有限韻如山出雲限春字宿

續修四庫全書總目

卷

集部總集類

烟含白露限幽字是也至有暗押題韻不點明題字如文宣王廟古松及求自試之類亦有一題數作或押題字或不押題字如冬日可愛之類亦或有一題數首皆不押題字如春雲題舊傳三帖之類此必當時主司別有傳諭或有意用韻一例今不可考耳玉壺冰題潘炎用八韻已不合例而又不押題字終南積雪題祖詠用二韻已不合例而又不押題字不知當時何以有此夜雨滴空階帖用九佳韻而首韻則押槐字此必唐韻以槐字入佳故也今則不可為

訓矣題有無平字者必押仄字如亞父碎玉斗或押  
碎字或押玉字是也亦有題無平字而韻押平字者  
如古鏡玉燭之類是必官有限字之故又題字平仄  
俱見者固以押平字為常然亦可押仄字如落日  
山照耀起押落字洛出書題或押洛字是也押仄字  
詩多於平仄粘連不甚拘執不可不知以上二例錄  
出以見應制程式若其論韻出入則未免於陋以其  
止知現行詩韻而不知唐韻之分合與今不同也

續修四庫全書總目

卷

集部總集類

附錄傳記參考材料

濮州續志

濮州志

古詩律及六卷唐詩律及十八卷 刻本 劉啟珩

涇陽任璣輯璣字淑源與江都孫枝蔚寶應王孫晉  
為友好為詩此選即孫王相助成之書故列於三名  
氏孫王皆與阮亭善阮亭古詩選唐詩十種選久已  
風行此書全未述及蓋取選不苟同也自序謂詩  
上自漢魏下迄三唐取其與性情近者得若干首  
匠石之於規矩倫嶺之於鐘律以供老人之恣意翻  
閱其翹然自異見乎言表其凡例言周以前詩先聖  
之所不存近世鍾伯敬唐士雅乃強存之能無文士

續修四庫全書總目

卷

集部總集類

好異之譏孔子所作諸歌雜見諸子史中或真或假  
學者久能辨之在至聖與諸詩人伍義亦不安他並  
寧戚飯牛三歌文多七言後人偽作無款優孟馮諼  
歌最古求之漢以前寥寥故選古詩自漢始四言詩  
有三百首在前嗣響實難降而潘陸蓋不足取效率  
文選余復何敢李杜元白四家童時所誦皆王荊公  
百家詩選不及李杜為其不勝選也豈敢如近世高  
李諸賞自異荊公若歌行長篇盛唐以來實長篇數  
無多長慶集雖格調稍卑而悲觀窮泰寫來如在目

前不謂之大手不可昔人久有廣大教化主之稱不以杜紫微攻擊之酷價為稍減茲編所存篇什不為不繁而人數無幾取法乎上故無暇徧采諸家六言絕句佳作儘多但效之與傷渾朴之氣李杜兩大家曾不涉筆體不必備五言言絕句唐獨擅長極而難繼舊得宋洪公所編百卷朝夕諷玩選存珠嚴今列之全編繁于他體宋本豫章無嫌於貪任氏宗旨蓋詳於此古詩及唐詩七皆孫豹人較唐詩八至十一王孫晉較十二至十五鄆城趙肅較肅字謝功十六

續修四庫全書總目

卷

集部 集類

至十滕城劉扶曦較扶曦字若木並一時之名隄也

附錄傳記參考材料

涇陽縣志

向山近鈔尺牘小品一集十二卷附二卷二集十二卷  
附二卷 康熙乙酉刻本 劉啟瑞

江寧周京輯京字雨邨號向山事蹟具詳江寧府志是書封面有題識數行謂尺牘百有餘種求其間卷瞭然絕無善本乃刊此集而雨邨自序則言尺牘始自漢魏晉軍壘之際其間往來問答不遑繁陳絮述羅其言數十字而盡或十數字而盡而其人欲語之故莫不畢剖露於中故名尺牘後人倣之遂借為交遊寒暄朋輩諮詢之用選彙之人不以尺一為述事

續修四庫全書總目

卷

集部 集類

道情之具又一之言為落其心所不能不有非謂其事不可無而必欲有辭與有是辭不必有是事又或失其寄情閒遠託旨清深怒不衝喉然因傷體之意趣惟就習之所近濫取博收遂使硃硃雜陳膚裏莫辨用以問世自爾怒者半不怒者亦半耳世刻翰海彙編清裁爭奇振雅新鈔新語結隣藏弄鴻傳初徵友聲心各本此重彼複應有問無因大為淘汰彙其可忻可悅可法可傳並與未刻之爾音金玉廣為類別細於牘首詳加詮題不厭煩瑣至其類曰小品者固有



見於蘇黃小品之名而亦如以食饗客邸中具有田  
之穀牢之畜彼之解園圃之果蔬山海之珍錯實無  
慙此蓋蓋又如天府所藏藝墨文繪其評則有上品  
神品逸品異品高品奇品雋品之目也其書一集分  
十二卷介為十二類計卷一曠達卷二砥礪卷三詩  
文卷四政事卷五初懷卷六招請卷七乞假卷八感  
懷卷九饋遺卷十慰問卷十一稱謝卷十二親近後  
附自稿二卷二集亦分十二卷亦介為十二類計卷  
一喜慶卷二贊美卷三薦舉卷四功業卷五詞章卷

續修四庫全書總目

卷

集部總集類

六藝苑卷七遊覽卷八詰責卷九餘苑卷十期約卷  
十一箴戒卷十二恬退後二卷補遺及自稿又附贊  
言數行謂寫錄之時稍稍辨別細為詮疏題稱各標  
卷首迥異於止書與某答某字某謝某者矣自謂每  
續標明旨趣類於公牘之提要揭由專為下等人說  
法而自忘其陋蓋徇書坊人之求而為之真兔園冊  
子而已比於友聲似尚未逮也又二集封面揭三集  
并長篇即出七字蓋此書有四集今僅見初二集不  
知三集及長篇果否出書也

附錄傳記參考材料

江寧府志

續修四庫全書總目

卷

集部總集類

湖舫詩一卷 刻本

劉啟琬

廣陵沈奕琛輯奕琛字石友高郵人此書署廣陵從  
郡治也明崇禎乙亥舉人入清官廣平知府湖舫者  
西冷游人所萃也明末國初感慨興止故多篇什已  
丑清明前二日石介叔不繫園社集用吳巖子書  
聯雨絲風片烟波畫船為韻各成即事詩一首凡十  
三人共得五言詩一百十四篇石友首唱次則樗里  
李長顯天助古歙江汝謙然明姑溪吳山巖子姑溪  
卞立文夢五閩南陽岳季平鍾山王民玉武西陵釋

續修四庫全書總目

卷

集部總集類

普醺心函彭城徐必昂即扶九金臺沈巖瑤維則山  
陰趙珪孟遠練江汪度千頃古皖姚孫森繩先首有  
小啟一則石友作也刊成後李際期為序情文悽惋  
今錄於後畧謂錢塘名勝古不甚稱稱自有唐中葉  
一二名部使郡牧巨享高貽摯導采染湖山其然在  
共江左勝流選幽操翠如謝傳右軍前節後後大都  
會稽蔣麓間西冷坦淺無餘衍窠室其次臨安以西  
金堂玉室猶諸酒洊麓埵也唐賈因吏治開拓亦非  
名都雖還跡倉龍九羅雲夢五湖綴於片玉之琦不

稱鉅麗自五季喪亂揚一益二宰務春寨所在反蕩  
而臨安獨完錢武狐噪客猶能臨陌上花歌緩歸其  
時羅隱胡岳貫休之徒吏祿僧厨峰堤觴詠誠忽然  
不復知有何天之飛也宋承其華實由五季開采永  
叔不信於史他日作有美堂記乃云其民富完安樂  
十萬餘家然趙氏都汴中國華盛此為偏方下州偶  
有名人游歷與唐哲輝映耳建紹駐蹕倉卒苟安襄  
所為蒼龍瀉鶴鉅麗華盛之地遂如雲煙過眼不可  
復計而後中原士大夫聞駢蜩附始但攀就龍南偷

續修四庫全書總目

卷

集部總集類

生避地既而作苑園興歌舞詩場酒壇其間錢唐樂  
國為最杰所譏歎而此坳隅乃極盛嗟乎西冷湊埵  
下州古今盛衰興亡之感集焉大致王化隆則九衢  
均平故遊梧不萃於下都世運坡則洪濤先翻故擇  
沮每因乎偏壤今夫西冷在唐宋則掩於瀟鶴倉龍  
降在江左亦掩於秣陵具區惟五季南宋獨顯豈其  
盛衰回互興亡恍惚耶亦地勢使然與然至今日既  
非謝傳右軍節屢之年亦非五季建紹閭閻之日而  
我等適後來此荒涼刺目所謂其民富完安樂者安

在而陌上之緩緩歸與夫錢唐樂國者皆不可計也則是唐季以來西冷未有之衰而我等適遭之諸君子乃能選幽撮翠哦騷舉白徜徉乎吏祿僧厨之間嗟乎此其事不大難哉雖然先雅不亡後暉難倡夫豈盡拿於其時哉以吾石友沈公巨掌高蹤之所倡又得高士汪然明西湖諸曲復標勝迹重新畫船皆絕韻事足以補西湖誌餘而余亦得廁諸君子後憑高覽古縱筆茫如西望玄蓋李伯紀朱元晦之俎豆在焉余所願褰裳而未能也近眺孤山時見白鶴飛來

續修四庫全書總目

卷

集部總集類

引人其林君復之清風乎余則慨然興懷有不止舉白哦騷之概者得毋曰天目名宕徒愁世華也云云是集大凡畧可睹矣

附錄傳記參考材料

江蘇詩徵

錫山文集二十卷 道光庚子刻本

劉啟瑞

無錫王史直初編弟史鑑續編同邑華湛恩重編史直字子榮史鑑字子任湛恩字子屏事蹟具詳無錫縣志人物傳及楊熙之撰王史直史鑑合傳合傳稱史直史鑑兄弟俱好學能文章熟於舊聞佚事嘗輯無錫文獻分為二集凡一百餘卷殆即此書然書分二集文獻各半此僅文集疑非全豹又卷數繁重至於百帙此僅二十亦不當全書之半其非完書可知按是書分文獻二集見於史直自序畧謂吾邑有志

續修四庫全書總目

卷

集部總集類

始於有元布衣王仁輔繼修於明景泰學博馮梓賢續修於宏治儒士李舜明吳鳳翔又修於萬曆潘伯秦子成本朝修於康熙二十九年秦對廡嚴編漁兩先生自元至今五經修輯不可謂不勤且廣矣然詳覈新舊志中人物一類正史所載尚有闕遺大儒文集不免漏畧而况與籍之附記窮簷蔀屋之幽光潛德乎用是不揆摶昧奮力搜羅凡在新舊志之前為所遺漏者廣搜而增入之分為二集獻以記人物之事實文以錄古今之詩文事據可信之書文訪舊家



之貯雖不敢自附於著作之林以掩蓋前人之美然正訛糾謬役用心神頗亦殫竭愚陋煥火之明固無加於日月土壤之細寧無裨於泰山將來從事志乘者徵文考獻或未必無小補云云是則此書之輯乃所以備史乘之采而所以分文獻二集乃別人物事實與古今詩文為二此書僅詩文而已然其卷帙亦不應止於二十據史直元孫元標後跋畧謂錫山文集吾高祖子擎公初編高叔祖子任公續編集分五十卷文計九百三十五篇是則此書原帙應五十卷

續修四庫全書總目

卷

集部總集類

其所以分二十卷者乃文集編後已有闕逸此則華湛恩重訂之本減為二十說見本書目錄華氏後跋畧謂錫山文集鄉先生王子擎撰先生先撰錫山戲集以紀邑賢事實手錄成編繼撰文集以載邑賢著作哀錄未竟而卒仲氏子任先生續成之久藏於家道光庚子邑有續修縣志之役雲齋王君出其家所藏舊本則戲集若干卷朽蠹畧盡文集亦殘缺過半予讀其書皆邑先賢學問經濟之文也不可以不傳因就其所存重為編次如右文已載於縣志者不重

列蓋此集之作本為縣志闕漏計也云云蓋今所見二十卷本乃華氏重訂者而原書闕逸可知矣是書專載邑賢之文始自漢吳迄於昭代畧以文類為經時代為緯而邑賢宰官流寓各自區別取雜而不廁之意至於文類之分凡二十有六曰賦曰制誥曰冊文曰策問曰奏疏曰頌曰箴曰銘曰贊曰啟曰書曰序曰題跋曰記曰疏曰引曰論曰雜著曰傳曰書事曰碑曰行狀曰墓志曰墓表曰祭文曰哀辭目錄之前並有武進李兆洛鑑定一行蓋是書重訂申者已

續修四庫全書總目

卷

集部總集類

先為審閱一過矣

附錄傳記參考材料

無錫縣志

楊熙之撰王史直史鑑合傳

讀史偶吟二卷 刻本

劉啟瑞

高郵孫玉甲撰玉甲字殿雲號雪窗經明行修而屢躓場屋以制科獲知縣非其好也與陳從鄭燮友侯字峻川雍正癸丑會狀官修撰賜正一品服克壽安南副使燮字板橋官山東濰縣知縣皆不輕許人而獨推重雪窗其門人吳如珩為刻此集蓋專為論史而作胡期恒遊揚為之序曰詩以道性情史以紀善惡然史推班馬詩稱李杜馬之史記班之漢書往往使讀者之性情奕世而下感發興起李杜集中各有

續修四庫全書總目

卷

集部總集類

懷古諸什慷慨悲歌非直自抒胸臆亦使善惡昭鑒由是言之詩與史體製各別而指歸則一也余嘗謂漢之班馬唐之李杜異曲同工假子長孟堅生於天寶乾元間必有不平之鳴若三別七哀等篇不難揮翰而作而少陵青蓮持簡操筆俾成一代之史亦自品章條貫麟炳炳豈不媲美西京哉孫君殿雲久以文章著名余來邗上喜與相接每扣其所有數其泓涵演迤日大以肆殿雲乃出讀史偶吟一佚屬余序之自漢迄明千六百餘年間每一帝輒賦一律括

本紀於五十六字中其體則詩其義則史本風人之

比興寓春秋之褒貶李杜之歌行班馬之論贊於焉

兼之矣殿雲且曰臣工賢姦祇附見於引註未有專

咏興之所至當構續編余因卜殿雲他日必稱一代

詩史又自喜平日班馬李杜異曲同工之論與殿雲

若合符節乃不揣謏陋漫紀數行其詩上卷自漢至

隋得五十六首下卷自唐至明得七十三首共一百

二十九首

續修四庫全書總目

卷

集部總集類

附錄傳記參考材料

高郵州志

汪蘇詩徵

崑崙集 卷續一卷附一卷 光緒癸卯刻本

劉啟瑞

長沙葉德輝輯友人遊譙作也。德輝字煥彬，官吏部主事，謝職歸以著書為娛。己亥夏，龍陽易以鼎司，推長沙連花廳朱益濬為之佐。湘陰李祥泰茂才時亦在焉。四人者，治遊蓋有女伶以崑崙為號者，相與作詩，喚弄成詩百首。其後易作遊仙詩，則自金陵迤倅作而同人知之。朱又適有沅州之行，以俳優相標榜。葉又取江標造古人義宗景行意，與易同為思古人

續修四庫全書總目

卷

集部 楚辭類

詩仍用崑崙韻，又續本事詩及仿李義山無名詩，重相和，則八月間作故。此集而後，故安王先王祖雲楊逢良湯聘珍陳慶森陳璠各和詩，則入增中而葉自為之序云。崑崙百咏作者四人，詩皆近體，而體各不同。實周生而哀艷，自其少時，柔時溫，人比之紅樓中之寶玉，是以所為詩詞，芬芳雅馴，能使讀者迴思。若此一體也。純卿以詞臣改官，相連萊三山時，蒙寤寐而思君憂國一託之於吟咏，以發其性靈。其人品在蘇黃之間，詩格亦正相類。此

一體也。佛翼以名家年少，角逐壇坫，酒酣耳熱，往往

悲嘆時事，悽然有舉目山河之異。其詩繁縟，不如寶

甫而流蕩過之。此一體也。余詩宗法玉溪，且不得其

貌。純卿目以奇恣，寶甫則以為設色工麗。奇怨天閨，

余知其阿好，而姑妄聽之。此亦一體也。是時寶甫督

醴湘中，純卿為提調，文譙之勝同於盧曾之在揚州，

余與佛翼追陪其間，篇什相酬，靡間旬日。此特一時

事耳，而唱和至百首之多。他日廣續相成，溢於相與，

以視元白長慶皮陸松陵，積時既久，僅得詩數百篇，

續修四庫全書總目

卷

集部 楚辭類

其神勇為何如耶。寶甫順鼎字純卿，益濬字佛翼，祥霖字寶甫，戲和郎園主人本事詩三百云。玉堂花照恨曲中論，鬢髮欲作湘妃想，脂粉難污號國痕。若續品花修寶鑑，前身應是杜韞言。玉梅花下玉崑崙，欲把綏桃一口吞。傾國濃姿將句比，泥人甜味作小論。迷離暮暮朝朝意，宛轉花花葉葉痕。為汝不辭添口業，任情風語復華言。珠光壓倒玉崑崙，方弗帶帶露吞。姑嫂連蘭新月拜，夫妻梅杏落花論。鞋尖貼地



紅蜻點、鰓尾掠人翠鳳痕、幾度捲簾相對坐、淡如秋菊立無言、是作詩之故、已全顯露、而名世欺人、謂皆假託、則失其實矣、實甫天才橫放、屬對極工、然好以近事比擬古語、近人名入詩作對、皆其小疵、餘子則均未能逮矣、

附錄傳記參考材料

碑傳集補

續修四庫全書總目

卷

集部總集類

羅氏一家集五卷 蔣氏慎修書屋印本 劉啟瑞

上元羅笏及子震亨、晉亨、鼎亨撰、羅笏字心魚、號寶山、家極貧、篤於內行、而性倜儻、既補諸生、常留心經世、咸豐九年、避兵蘇州、上復六合策、明年杭州陷、上防湖策皆不用、乃赴江北、見時事愈艱、著清淮圍練籌餉二議、漕運總督吳棠頗採用之、以軍功保訓導、卒著有養一齋詩文集、有三子、長震亨、次晉亨、次鼎亨、震亨字雨國、父歿事大母及母孝、疊遭大故、貧愈甚、與弟晉亨同補縣學生、館常熟、聞晉亨病亟歸、

續修四庫全書總目

卷

集部總集類

則晉亨已歿、深引為慟、決意不出遊、光緒六年、分修府志、未竟亦卒、年僅三十五、震亨者古好學、如從賢、應成心、辨遊究明義理之趣、從劉元浩學、躬行實踐、復學古文於張裕釗、及同里汪士鐸、得其義法、生平不苟言笑、不矜才德、雖小惠不妄受、受輒不忘、居家以禮自持、威著不袒裼、外和內介、無賢愚皆樂與遊、為學寒暑無間、猛勇精進、然痛弟切卒、以此死、有自書弟晉亨行狀、汪士鐸題之曰、此作一字一淚、今之郭有道碑也、願書萬本、以餉世之篤於手足之愛者、

著有讀經正錄四卷、眼簾錄四卷、正蒙課例錄一卷、  
策近錄一卷、其則錄一卷、五子要例一卷、閨門必談  
一卷、壹雅一卷、古文觚一卷、羅氏家禮一卷、羅氏家  
譜一卷、有不為齊詩文集三卷、日新記四卷、與學堂  
藏書目一卷、晉亭性清介、嘗作養性箴、有云、天命之  
初、胡虧胡欠、後起援之主為客僭、又云、天所尸者、真  
之弗徵、吾所尸者、守之弗搖、著有稿在館詩一卷、鼎  
言字叔重、亦諸生著、陋習詩一卷、今所編存者、笏詩  
文一卷、震亨詩文各一卷、晉亭鼎亨詩各一卷、乃將

續修四庫全書總目

卷

集部總集類

國榜所輯錄、命以今名、而為之跋曰、必魚先生負異  
才、洞于當世之故、丁粵寇難、流離兵間、數以策於東  
諸侯、雖寵異之、亦不能有所假手、連蹇以歿、曾不中  
壽、其所著亦零落畧盡、雨田先生承家學、博洽多通、  
耻為無用、漢學則師汪梅邨先生、士鐸宋學則師成  
心翁先生、孺並能通兩家之郵、不局於一孔、尤篤行義、  
造次必及於禮、服膺張楊園最久、每以則法古昔、裁  
掖後進為己任、講學之友、若馮蒿厂先生、與蔣幼瞻  
師、軾紹由師、轍兩先生及蒯禮卿、京卿光典、張致模

觀察士珩、李筱園、副貢錢並、方聞綴學有聲、南成、則  
先生之所詣可知矣、先生歿年三十有五、提三二十  
八叔重亦不得四十、並不獲竟所學、以備一日之用、  
世爭惜之、蔣氏所言、小有不合、蓋成心翁集、漢宋之  
大成、近時張文襄亦極推許、與番禺陳蘭甫同為大  
儒、汪梅邨非其倫也、羅氏與汪為世好、出游時久、並  
不翫其所學、汪之論駁而不純、雨田無其習也、雨田  
所著書、並在成門受業時、故於朱子語類及或問諸  
書、毋事最多、皆成氏所指授、與成氏論學之書、體例

續修四庫全書總目

卷

集部總集類

悉同、不注言者、今其書猶在、可考知蔣氏耳食之談、  
殊誤矣、

附錄傳記參考材料

江寧府志

成門弟子錄

津門古文所見錄四卷 光緒壬辰華景安校刻本

劉啟瑞

天津郭師泰編師泰字筠孫郭錫字筠坡之孫筠坡平生好古文筠孫從葉小蕉遊講古文必勗以實學易庸陋媚俗嘉慶丁酉落第謝帖括業取津門先輩文自國初迄生存得六十一家鈔文一百一十四篇釐為四卷成於道光戊戌手錄以待刊嗣刊刻無力故藏匣笥致三十年其歸華景安出貲刊之即此編華景安有宗人少梅曾輯津門文鈔若干卷所收尤

續修四庫全書總目

卷

集部總集類

富未及編次而歿子聰橋繕清本携以隨業師陳挹爽之廣東和平時任挹爽允為刊之未及刊罷官見此書楊允儀序但不知與此書體例同否而此書凡例具言所選之旨太平取忠孝節義之文文既足貴其事尤可傳其事有文所未備者舉所知附錄於後蓋其用意甚盛而四卷之中文分內外二集例不言其故似屬疏畧然據自序言津門古文首推王介山先輩其詞方霸舉也以所著古今文為贅先生閱竟曰時藝得矣至古文非於聖賢有所聞發見不作非

於世道有所關係則不作因說史記蕭曹二世家以

為概介山悟退取篋中稿焚之二十年不輕握管又

引介山之言曰吾鄉康熙甲申乙酉間孫又深謝信

符傑然奮興獨違俗競為古文辭孫謝兩先生既見

稱於介山其能經當時傳後世必矣迨今何者為其

子孫何者為其著作欲求隻字而不可得況欲考其

生平實跡耶高才飽學不遇表揚淹沒如兩先生何

可勝道雖子孫凌替文獻無徵後死者母亦有職其咎

者故其內集所選文體至潔外集所載取存事實蓋

續修四庫全書總目

卷

集部總集類

分析之故亦畧可見文前列津門先輩姓氏官品六十一人為朱承命龍震張震王又樸查為仁查禮趙瑛朱孟夏朱紹夏周焯金相同人驥同人麒于揚猷洪天錫于豹文解秉智俞金鼈鄭熊佳金玉岡楊東鉞陳風王希曾高喆吳人驥張虎拜王祿明沈岐徐汝瀾黃成彥陳景勝同自郊樂立本解秉彝王清徐通復張樹之楊一崑郭錫喬耿甫葉夢元徐祈沈樂善金詮周璠蔣玉虹沈銓王翼瀄楊霞王履謙徐延賞董懷新道光間生存者牛坤梅成棟解道顯張



鳳翔趙塚馮相縣徐大鏞李蓮賓文樂善都六十有一家

冊錄傳記參考材料

天津縣志

續修四庫全書總目

卷

集部總集類

宋詩畧十八卷 乾隆三十五年刻本 劉啟瑞

嘉定汪景龍姚燠同輯景龍字紉青燠字和伯皆嘉定人以唐詩選家不下數十兩宋之詩獨少專選東坡文鑑所錄寥寥王半山曾端伯曾有輯錄前賢膏病其偏任已見今已罕有流傳若西崑酬倡濂洛風雅亦集僅數家精而未備內鄉李于田藝圃集搜采頗多然以五代金源諸家廁其間體例未合曹石倉十二代詩選並取尤為草率而潘訥庵吳園次吳以翼王子任之所選詳畧雖殊其未能廢人意則均也

續修四庫全書總目

卷

集部總集類

惟有石門吳孟舉之宋詩鈔嘉善曹六圃之宋詩存大有功於宋人之集而未經抉擇不屬樊榭宋詩紀事網羅遺佚殆無挂漏然以備一代之掌故非以示學者之準則苟非撮其菁英歸諸簡要何以別載偽體而親風雅乃取宋人全集暨諸家選本採其佳什既成釐為十八卷求宋詩者或有取焉姚亦謂兩宋詩人變化於矩矱之中舒寫性靈牢籠物態晚古唐人面目而梓彈者奉嘉隆間三四巨公之議論直謂宋人無詩蒼古也而以為邛野典雅也而以為推魯

豪雄也。而以為粗獷索垢指癥不遺餘力矯其蔽者。又甚而流為打油釘鉸之體。豈知宋人皆濫於唐人哉。如晏元獻錢文禧楊大年劉子儀諸公則學李義山王黃州歐陽文忠精深雄渾始變宋初詩格。而一則學白樂天一則學韓退之梅聖俞則出於王右丞。郭功父則出於李供奉。學王建者有王禹玉學賈子昂者有朱紫陽。又若王介甫之峭厲蘇子美之超橫陳去非之宏壯陳無已之雄肆蘇長公之門有晁秦張王之徒黃浩翁之派有三洪二謝陳潘王李之輩。

續修四庫全書總目

卷

集部總集類

俱宗仰浣花草堂或得其神髓或得其皮骨而原本未嘗不同南渡之尤楊范絕類元和永嘉四靈格近晚唐晞髮奇異得長吉風流月泉吟社寒瘦如郊島以兩宋較諸三唐宮商可以叶其音也聲病可以按其律也正變可以稽其體也譬諸伶倫之典雅樂鍾於方響皆合鈞韶仙靈之鍊神丹金碧元黃都歸鑪鞴使必拘拘然形貌之惟肖萬味同聲千篇一律亦何異捧西施之心而抵優孟之掌哉王西莊序之曰宋承唐後其詩始沿五季之餘習至今太平興國以

後風格日起氣勢日廓迨蘇黃輩出而極盛焉乃其所以盛者師法李杜而不襲李杜之面貌宗仰漢魏而不取漢魏之形模此其卓然成一朝之詩而不悖於正風者矣顧後之學詩者率奉所謂唐音以標然後代故有稱宋詩者則群譏之曰庸曰腐曰纖夫五帝不相襲禮三王不相沿樂詩者樂之章而心之聲也書曰詩言志歌永言蓋詩與樂同源而一途宋之禮樂政治固自與唐異者獨於詩而曰不唐之若則謬說而無當也何足與言詩且規仿聲調之不足為

續修四庫全書總目

卷

集部總集類

詩也如三百篇為詩之祖倘欲揣摩於形似之際則必襲虞之賡歌夏之五子矣况周以二南為風始而何以風之詩不必同於南雅之音不必同於頌也惟宋人早見於此而氣勢所到力量所及又足以別異於唐卓然能自樹立成一代之風雅而為一世之元音也若並為唐音必不能自勝於唐則亦祇可為唐之附庸而何以成其為宋詩也哉又曰是書也可使天下後世考見宋人之真傳學西崑者承唐末之餘瀋而非宋也師擊壤者開道學之流派而非詩也輕

滑率易者係晚宋之末流而非宋之真也若宋之詩則沈雄博大者其氣鏤肝刻髓者其思新異巧妙者其才若僅以派別論之猶拘於墟也西莊之推崇宋詩如此蓋於此選不無微詞豈非以其畧哉

附錄傳記參考材料

嘉定縣志

江蘇詩徵

續修四庫全書總目

卷

集部總集類

友聲初集五卷 刻本

劉啟瑞

歙縣張潮選潮字山來號心齋以歲貢官翰林孔目當國初時潮與王暉合刻叢書聲應氣求海內之士無不投贄以故尺牘積存盈尺累丈蓋嘗以聖賢書命題作八股詩若干首刻以示人得當道復書至多聞而求其詩者亦衆書首平江蔡方炳序即指所作八股詩而言謂窺其似不離於八股按其實則五七言詩蓋亦一時游戲之作蔡取其與己見相發明故言我朝定鼎百度維新而制舉獨仍明舊法久而故

續修四庫全書總目

卷

集部總集類

之則必變倘或監乎前代以成郁郁之盛則必命題於四子以監明用詩課士以監唐而益之策論以監宋安知張子偶然之作乃遂為得氣之先以蔡序言擬為序張八股詩之作而此集乃為與張往還之人續則與序不相應而索張所著者如徐荏謂刻屋初集有文加入姪兆鉉指索其南巡頌程雲鶚指索其所著清淚痕朱揆函留其雜俎一冊又指索其乞巧文十香曲然則心齋所著不第八股詩往還尺牘亦不專屬八股詩可知何以冠蔡序於友聲之首亦未



免於支離也。大抵國初如標園等輩，勾通聲氣，挾當道以自重，不得不為嫌。前明舊習，特張選、周選尚為佳者耳。留青一書，至為可哂。甲集載殷曙第四書，面書十冊，照收此書，大抵失之庸雜。且多遺漏。若年臺布菽集成，為天下枵腹人造福無量。吾亦富與有，景益也。布菽集不知成否，不知別有此書刻本否。又國初於禮法尚為簡畧，父喪作詩公然倡和於聖門為非禮，所謂脫祥、撫拜、彈之而不成聲焉。有景然在疚而與人吟咏，又安有服內生子公然形諸尺牘者。今

續修四庫全書總目

卷

集部總集類

甲集載姪兆鉉書云：讀禮之時，不敢作新年語。然仁人昌後，尤為孝之大者。熊罷早夢，雖服未闋，亦尊先君子泉臺所樂聞也。安得不為尊叔祖祈祝乎。如此湯然禮法之書，猶加采錄，亦可為重大之玷矣。袁簡齋詩以挾妓飲酒為題，趙甌北謂一開卷便犯大清律，杖八十之條教語，雖近謔然，可為諸人痛加鍼砭也。

附錄傳記參考材料

歙縣志

續修四庫全書總目

卷

集部總集類

粵臺徵雅錄一卷 道光三十年刻本 劉啟瑞

南海羅元煥撰同邑陳仲鴻注元煥字昭俞又字章山仲鴻字南賓其友人也少於章山十有一年四十乃定交乾隆乙酉科試郡邑博士例於諸生中舉報優行南海舉六人章山被選力辭不獲方進粵詩乃不與試未幾即引疾歲科試輒不赴學中胥役苛求構隙於新司鐸者章山乃奔諸生不復與省門生平所為諸古文辭不以示人南賓之父雲麓太史名炎宗與章山世誦執友也卒之日章山乞勞渾為之狀

續修四庫全書總目

卷

集部總集類

南賓既長交章山見其歲暮懷人之什愛之及章山歿從其小阮益茲索遺稿則云未嘗哀集又疊居於蟻及其子衍茲昆季長乃捫拾得卷若干至是乃再見其懷人詩五十首所懷七十三人南賓獲交者過半而父事兄事者在焉此外有曾經接席者有雖未識荆而素耳其名者其巋然無恙者固若谷明府一人而已餘則人葬云亡不勝感舊而各詩變帶經堂集例每首祇以其人之別號或字為題恐後之讀者茫無考按爰就所知諸公及諸講所指事蹟一一為

之紀述使泉下故人不至風流頓盡即未獲與交者

亦可畧表其梗概惟見聞所未及者尚有十餘人於是訪之耆舊遙連經年僅得其名諱爵里仿昔人注詩之體並錄其出典別為一帙題為此名而使勞渾為序言蓋南賓之意故不專在章山專僻處海濱士風高朴罕標榜為名高者因之輟軒所至無從採訪往之有奇人碩士制行卓然其著作亦多所闕繫而而姓名湮沒不傳於後者何可勝道詩文風雅之遺佚其小焉者也金竹之文行或以為粵中白沙後一

續修四庫全書總目

卷

集部總集類

人何西池亦有絕學程朱紹之詠其論雖未知確否而要非章句之儒所能逮者況去其世未遠文獻猶存而能言之者已鮮則此錄豈可少哉按胡金竹名方字大靈新會人由番禺學充歲貢門人私謚文介潛心理學於周易四書皆有註句梳字櫛得前人所未發又註莊子唐詩與自序所作之八股集俱未刻惟鴻桶堂詩文集至其孫出付開調始行於世何西池註其梅花四體詩謂皆寓言講學如白沙子之以詩為教也先是惠公廉訪文行者宿備聞其實於西

池既得聞其制義遂取明季澄海進士霜崖元汴番  
揭孝廉梁未央朝鐘共三家各刊數十首為嶺南文  
選及將復命乃特疏薦其積學力行一介不苟五經  
盡通能書工詩註易及四書多所發明尤精舉子業  
今年近衰老不能效奔走之用請恩錫命服并依古  
養老之禮令有司月致酒粟以寵異之俾通省士子  
之有道而文者後必獲報會惠公還京以事謫所請  
遂寢其學行其傳畧見新會縣志蓋王慈思之筆是  
即勞氏所嘆為湮沒者故備考之以著於此

續修四庫全書總目

卷

集部總集類

附錄傳記參考材料

南海縣志

新會縣志

孝感文徵十二卷 鉛印本

劉啟瑞

孝感徐煥斗纂煥斗字星棧號溪漁權漢口警務公  
餘著漢口小志又編詩文徵各若干卷此其文徵也  
斷自明始高卷十二為文五百首並取則由羅田王  
葆心任之久而後成始邑人丁儼思旦人兄弟有澤  
文初集之輯亦以縣為斷而書不傳故亟為之刊印  
以存一邑之文指例若干條頗善畧謂邑以孝名自  
漢唐洎今忠孝節義之士代不乏人以文字論抑又  
未已而文字之傳則斷自明始元以前少概見也然

續修四庫全書總目

卷

集部總集類

自明以來銷沉蠹蝕不可數計故今日之為此編編  
錄非難搜採為難者吾邑方志所載著述存目一百  
三十餘種四庫著錄者亦不下十餘種或集經屢刊  
片楮莫覩或孤本久闕出則已殘以故清代選文諸  
家如姚春木之文錄陸即夫之文鈔李適堂文鈔僅  
及熊文端吳枚菴之文徵則文端外只採青一隻賀  
耦庚子文編僅選喬筆珊屠南洲可如三公之奏議  
孝感文人之流播不遠者此可見也是編開始既仿  
陳留漢著別傳俞蔭甫作小說之說作啟事以告時



賢其先後寄贈刻本或鈔示遺稿者若江寧孫宸景風隨縣劉茂寅後竹同里黃士冕冠儒胡同職小坡秦翔少鴻等諸君子厚誼高情時蒙胸懷謹志前首以附風人弗諼之義至甄定義例商榷存廢則皆出自近年與羅田王晦堂先生葆心或手泐往復或面議進止裨我甚多先生愛鄉之心於此可見又謂昔人謂作者不世出扶植世教祇此數十文人相為推挽故搜刻先輩詩文比之瘞瘵骨哽棄兒是編卜以括一邑之菁華上以萃兩朝之故實其登錄多寡初

續修四庫全書總目

卷

集部總集類

無門戶之見故新刻方在流傳無妨容取舊本已經散各則貴多收兼視其文與題之有無而係為子姓編中所輯有集行世者十之二三其或有集未刊或刊而未見者則皆友人錄寄之作至其人本無專集偶見他書亦必亟為採取尤片羽彌足珍已讀書貴知人知人貴論世是編作者一百四十八人用唐李崇賢注文選姚合編極元集元道山中州集新化鄧氏沅湘耆舊集湘潭羅氏湖南文徵例各為小傳詳載名字仕履及登科年歲以考一鄉之遺獻云云

頗足見其精審然此書采至近時人作而邑人余晉珊中丞僅得祭文一篇似所采未能無遺憾余中丞當光緒間以榜眼官翰林殿御史立朝敢諫名與屠仁守洪良品劉心源張次山埒屠既以直諫忤旨去官余洪二侍御仍諍論不挽朝廷亦優容之後出余為蘇州常鎮兵備道值庚子亂疆域騷然江督劉坤一使中丞與領事商安靖之舉與楚督張之洞聯合抗議就江楚長江流域綏遠懷柔協力任之中丞日夕憂勤卒之天津進兵而長江卒無恙中丞由蘇臬升

續修四庫全書總目

卷

集部總集類

浙藩仍留上海辦事次年昇以浙撫乃交篆徽中丞則江楚不能相合外人亦不之信故庚辛間支柱危局賴江楚兩督而江楚兩督實倚中丞不幸以積勞終於任所天下咸惜之中丞數諫論退輒焚草故文多不傳然方畧館臣工奏疏固在向來每十年一輯錄後此恒不以時舉不知有存者洪侍御以詩傳劉太守以金石傳皆掩其直諫之名然兩公之奏疏固亦當有人搜葺也今姑存此說於此以待知人論世者為之且以示孝感之能文者

附錄傳記參考材料

孝感縣志

續修四庫全書總目

卷

集部總集類

東坡赤壁藝文志 壬戌排印本

劉啟瑞

黃岡謝功肅編輯功肅字伯營事蹟具詳邑志按黃州之赤壁本非周瑜與曹瞞鏖兵之地鏖兵當在今嘉魚境與此無涉但自蘇軾游此作賦誤以赤鼻山為赤壁而遂地以人傳其實鏖兵自在嘉魚蘇軾自在黃州而謬相傳會者又指漢陽漢川江夏之赤壁互為爭墩之訟康熙間知府郭朝祚乃題為東坡赤壁詔雖滑稽而差存其實矣明茅瑞徵輯赤壁集河東賈可齋作赤壁志今皆佚庚申年李開佐以赤

續修四庫全書總目

卷

集部總集類

壁畫字歲久失修乃屬汪筱舫董其事既畢而使功肅為作壁修記功肅遂輯錄宋以殿各文成此志卷首叙凡例東坡象赤壁圖東坡赤壁考卷一古文記啟序論卷二詩賦賦辭贊五古七古詩卷三詩五律五排七律五絕七絕詩餘卷四楹聯卷五金石後有汪筱舫跋尾一篇金石諸論皆已錄入前四卷惟任氏乳母志石為蘇公刻石及鄧琛修石刻為前卷所不載故補此卷鄧詩序云東坡乳母任氏墓志見於王弇州續稿稱近有人於黃州土中得之孫淵如纂

宇訪碑錄載仁和趙晉齋拓本則云明隆慶間重刻似弇州所見為原拓趙氏所得為當時重刻今郡齋所存一石誤宦於杭為子杭其非原刻明矣墓石既移其墓道遂不可辨同治初士民相度其地立碑志之光緒十五年農夫創地忽一碑出依壘壘壁立字多漫滅獨乳母任氏四字尚存審是長公筆蹟其為乳母故家無疑爰命工修葺移同治碑於墓前並作詩紀之又黃仁黼跋其後云獻之先生黃岡名宿也性嗜蘇詩詩與蘇公同日生嘗繪侍蘇圖以自娛黃

續修四庫全書總目

卷

集部總集類

岡又蘇公謫居地獻之嗜蘇殆非偶然仕晉歸田晚主河東講席丙戌余繼獄齊安遂相知庚寅來確樊交益密得讀所題蘇公乳母任氏墓碑詩蓋因嗜蘇之故而類及其乳母者也顧所為詩嵌石墓右歲久必至剝蝕獻之又於前年歸道山將有人往風微之慨余惻焉過為別叙崖畧鐫石於墓移詩此間上瓦下亭弄之護之庶幾不朽且亦壁藉蘇而傳遷客往來無停跡遊斯地者得讀獻之詩并知任氏墓之所在則蘇公之存任氏與余之存獻之皆一氣所沆瀣

蘇公有知當亦掀髯而笑也獻之為黃岡有名人故地方人重之如此

附錄傳記參考材料

黃岡縣志

續修四庫全書總目

卷

集部總集類



校經堂二集九卷 光緒十四年刻本 劉啟瑞

太倉陸寶忠選寶忠字伯葵光緒二年進士改翰林院庶吉士散館授職編修提督湖南學政累充順天鄉試同考官南書房行走侍講學士日講起居注官轉侍讀學士授詹事府詹事遷內閣學士兼禮部侍郎銜充山東鄉試正考官提督浙江學政授兵部左侍郎授都察院左都御史謚文慎此書乃文慎任湖南學政時之所選按湖南省會書院名校經堂成稿之校經堂詩語曹鴻勳之校經堂集均已著錄及文

續修四庫全書總目

卷

集部總集類

慎任湘學復編二集而為序曰曰校經堂初自朱育甫制是督學時者歲科試畢則檢取優等之九肄業其中余承曹鴻勳後主講者為已陵杜賁坪按月督誅而余與前巡撫卞復迭試之及任滿將去乃另裁其課卷都為是編往者湖南考官姚惜抱先生死學為三曰義理曰考據曰辭章余則謂學者學夫義理而已考據之博博此耳辭章之達達此耳苟不深究夫義理之所安而惟振執意見之偏馳騁才力之競浸淫發洩奇衰恣睢其弊將有不可勝言者匪獨玩

物喪志獵華遺實為末俗文學之通病已也夫天下

之治亂繫乎風俗風俗積漸於人心之隱而筆端於

語言文字之細居游鄉校其儕輩相與崇尚敦樸循

循規矩無敢放言高論炫已矜人非今刺古則其居

家與鄉順承乎父兄無拂於耆長可推而知用是倡

率齊民習為避讓必有以預絕夫犯上作亂之萌而

徐收夫急公趨義之報湘中當咸同中興數千百年

來山川磅礴蜿蜒之氣一旦踴厲奮發盡萃於曹左

諸公愚意竊以謂今日之湘宜收聲劍寶藏氣於琅

續修四庫全書總目

卷

集部總集類

深培厚壘俾益充實完固發榮滋長無有窮極以上文慎所說切中當時學者之病其後江標往不復能而湘中諸子乃益奇衰恣睢而致有犯上作亂之事惟彼哲人瞻言百里誠哉是集命題具多苦心文慎蓋言行相副者

附錄傳記參考材料

清史列傳

捷用雲箋六卷 明刻本

劉啟瑞

明陳繼儒選繼儒別有建文史待邵康節外紀逸民史讀書鏡虎奮眉公十集狂夫之言安得長者言書蕉枕談僊曝談餘妮古錄巖棲幽事銷夏辟寒古今韻史福壽全書筆記讀書十六觀群碎錄珍珠船書畫史文奇豹斑見聞錄太平清話香案牘養生膚語古文品外錄古論大觀秦漢文贈余山詩話等均已著錄四庫入各類此則所選明世諸家之短札也世俗以五雲箋紙為往還信札之用故稱捷用雲箋即

續修四庫全書總目

卷

集部總集類

通用之尺牘蓋本也然世人往往失之簡陋故願公以稍雅之辭約之又恐不解故每札加以短注取便世用書凡六卷各自分細目便於查檢一卷為慶賀類又分賀官賀壽賀婚姻三日二卷為遊宴類三卷為委託類四卷為請宴類為拔類婚姻類五卷為規勸類贊揚類卷六為閑約類家書類祭文類分類都十有一首有張天如序畧謂嗟嗟尺牘為士林羔鴈但擅詞壇而一字一練者不一售惟是巴里音聲為儕俗便耳目者則坊錢如驚叢見振雅雲箋開宇

宙一新局面而且按鈕相看惟茲捷用全編以一未

備而再之再之不足又從而四三之又從而五六之

博士家見為衣衲重重不過一疊床駕屋難壯大觀

惟里兒田舍翁覺為多多益善如登九層之臺愈出

而愈奇者馬家家以此為奇貨人人以此為兼金是

何異硃砂爭價于胡肆而荆山之璞返浦之珠反令

耳食目謀者吐舌遠走矣余因索首弁者燕人復作

燕人效周客胡盧下醉筆題數言聯以嘲俗云爾識

者幸毋作撫掌云云天如此序實含鄙夷蓋振雅猶

續修四庫全書總目

卷

集部總集類

為教世之作此則留書之先聲為八面鋒之交相愈求共賞愈成三家村語矣中行不作捷用雲箋而用短札二字疑別有長箋一體然不可考矣

附錄傳記參考材料

明史

京華同人詩課二卷 自刻本

劉啟瑞

邵武徐餘選餘別有上虞詩選已著錄此則其所選京華同人詩課也始京師以功令所重習制藝及試帖已叨科第者以考試試差始終就制藝試帖品第甲乙精之者恒獲選未叨科第者又賴此進身故有文詩各社江浙人尤多餘丁卯入都有絢秋庵結青吟社諸詩課角勝爭奇一時稱盛課中佳作則手錄之積久成帙丁丑宦浙取付之梓使儀徵徐福辰為之序謂宣南鴻雪春明盍簪諸集不得專美於前此

續修四庫全書總目

卷

集部總集類

四集者皆選試帖之總集然試帖之始源於排律而排律之作實亦不始於國朝詩本無古今之分庚子山詩應制即為五言四韻聲調諧而不諧蓋當時初以五言應制稍涉排比意取莊香重即便為律及唐則無不音調和諧矣而四韻如故及明之末則有六韻本朝殿選考試沿之行省取士猶用六韻及乾隆間乃增為八韻且有七言八韻者其沿革備載法式善槐廳雜識作者鉤心鬥角往往不忍割弃闕入詩章署為五七言排律並不為人訾議然諱言試帖殊不

可解其實唐之試律即試帖也特並無限制其限制前二韻點題後一韻頌啟乃最近作者始有之本朝試帖選者亦不僅此四部而此則尤著稱耳本書所選或失其名或僅著其字李為洲者李侍郎文田李少韓者亦為洲之別名嵩嶺山者嵩堂書中朱桂卿者朱侍郎福詵馮展雲者馮侍郎譽驥顧康民者顧侍郎肇新皆一時有名之人今不注明則後之人無可考矣

續修四庫全書總目

卷

集部總集類

附錄傳記參考材料

邵武府志



上虞詩選四卷 光緒八年刻本

劉啟瑞

邵武徐幹編餘字小勿光緒間以官學教習得知縣分發浙江署上虞縣縣有經正書院小勿極力以培養士習為主時自招邑人士月課以詩文等藝久之集其尤者為經正書院小課刻以傳世邑人咸頌其為政知所先後上虞本會稽屬縣乃晉時謝靈運所治康樂初為陳郡陽夏人祖父並葬始寧縣乃移籍會稽會稽人承其遺教多能為詩歷代作者類能陶寫性靈各成機杼小勿官於上虞欲侈大一縣斷自

續修四庫全書總目

卷

集部總集類

靈運錄以後作者詩成四卷以示書院學子欲其有所師法其書於晉得一人為謝靈運於唐得三人為余鼎汪仲陽劉阜於宋得十二人為李光趙子淵趙希彬趙興縉趙善傳趙善信趙汝晏趙崇燦趙榮源趙良坡趙良坦趙友直於元得十二人為徐珪徐琮徐宗堯徐宗韶吳君儒余元老魏仲剛徐以文劉履張岳莫謙甫朱右於明得三十有一人為徐椿徐禮謝肅朱娥詠徐裕薛文舉陳山葛貞葉砥鍾寔嚴震許昇柳南俞鵬徐皓徐道薛常生謝澤葉緯袁鑑張

續修四庫全書總目

卷

集部總集類

鑑范甯張輝羅玉徐亨徐儀徐濟徐沛徐灌俞繪潘府謝濤葛浩張錦徐子熙葛鍊鍾欽徐敷徐子俊陳皓徐希歐徐學詩徐維賢謝謙陳紹羅康徐應豐徐球陳輅葛臬陳宗道陳珪葛梅顧克鄭一麟陳維時洪瞻祖清風嶺鄭祖法徐宗儒徐爾一徐宏泰葛曉倪元璐陳維新徐一掄徐復儀陳建生謝忠錢欽然其書於明一代始於徐杜終於徐中樞而乃以徐杜徐椿徐禮納入卷一末自謝肅始為卷二此一不可解也三卷應標國朝二字而漏未標出細審卷三之倪會鼎俞得鯉徐中樞均應係之明而入國朝効力之周祖唐在為國朝則三四卷純為最近作者乃為清晰今其分時不明又一不可解也若依四庫例朱右亦應係明而今系元亦可議解耳蓋皆選詩者之疏也所選實主於以詩存人而引康樂以冠之康樂既非上虞所可專有而凡可錄詩又非能嗣響康樂者徒引為榮而已後州方外閒秀亦分列朝代標明國朝固知三卷必有缺行特一二三卷分合之誤為不可諱飾矣

附錄傳記參考材料

福建邵武府志

續修四庫全書總目

卷

集部 魏集類

蒲編堂詩存四卷附小橋吟稿一卷 咸豐丙辰自刻本 劉啟瑞

畢節路璜編璜字漢賓路氏自勝國時以武勇世其家入清遂昌儒業者五六代其高祖南征公始登甲科為上杭令工文而詩散佚無存今所存者為曾祖路仰字健夫號毅齋以乾隆戊子舉人任黃巖等縣號為能詩毅齋有子三人長曰斯京字翰宗號玉山附貢生次曰斯亮字子顧號咨亭乾隆乙卯舉人三曰斯雲字矩庵號得青嘉慶甲子舉人大挑二等任涓

續修四庫全書總目

卷

集部 魏集類

潭縣學玉山子孟遠字希與號竹舟嘉慶戊辰舉人甲戌進士任山西榆次縣漁賓竹舟子玉山之孫漁濱以名進士從事大梁城守及與防剿之役數有功以叙得為郡守武陟治號繁劇而指揮談笑措之裕如與兄蓮桂農部名章俱以詩嗣其先業兄弟詩皆另編而獨以所受業師熊攀龍之詩附刻卷末為第五卷熊字生雲號小橋乾隆乙酉拔貢候選州學正以父執為業詩不忘所自特附先集以傳之首有越峴宗稷辰序序言先人與毅齋季子得青為同年而

漁賓伯仲又素相識謂漁賓舉所師承而附傳為禮  
以義起熊詩尤學之能自立雖語涉浮泛要亦抑揚  
有致次列松壽朋序則各極其推崇之論未免譽言  
失平矣次羅田陳呂綸序河內李棠階題詞計路邵  
詩五十四首路斯京一百四十三首路斯亮十一首  
路斯雲四十五首路孟遠二百四十六首共四百九  
十九首又能攀龍九十九首熊一生困頓自靖窮且  
益工漢賓則謂曾見賞於簡齋船山今考其詩亦殊  
平平無奇惟洞庭湖口守風讀父刊憑湖記感賦增

續修四庫全書總目

卷

集部總集類

憑湖記記謂乾隆三十四年四月十三日舟次岳州  
之新墻湖口暴風大作巨浪滔天收帆不能舟從右  
覆桅向左傾乃率家人悉赴蓬桅之上未幾漂來大  
船一隻移取橫架於兩桅間用繩索繫繫夜禱於洞  
庭君須臾風浪息天曙遙見一山聳翠將近已刻已  
傍山邊蒼翠見二小艇向島來曰神言不謬問之曰  
山名石枕離岸百餘里夜夢洞庭君告曰明日有一  
官被難到此命爾等濟之此長官福也分坐漁舟日  
夕抵岸一身之外別無長物已稔令黃同年友也申

報各上臺送具衣冠又陳子光朝攸助乃得赴粵云  
云其詩並不能稱蓋筆力弱也

附錄傳記參考材料

貴州畢節縣志

續修四庫全書總目

卷

集部總集類



莆陽文輯五卷 光緒己亥莆田涂氏嘉隱山房刻本

劉啟瑞

莆陽涂慶瀾編慶瀾字海坪莆陽人同治甲戌進士官御史有古諍臣風直言敢諫此其所輯鄉先輩文分八類奏疏二十九首為第一書啟三十七首為第二序文三十三首為第三各一卷碑記二十六首第四傳記七首第五合一卷辭賦十一首第六祭文六首第七雜著二十八首第八合一卷得文一百七十七首邑人名氏爵秩品行著作於篇末附載明極

續修四庫全書總目

卷

集部總集類

為簡潔前有自序畧謂莆古稱海濱鄒魯靈淑代產魁彥佳章鴻筆照耀寰宇重以會萃遂垂久遠然自前明鄭山齋莆陽文獻柯希齊莆陽續編後迄數百年乏有繼者莆文幾於散佚盡矣憶余弱冠時從父執宋柘耕先生遊論及詩古文辭先生有集輯里中遺文之議歲庚申自壽寧貽書勗勉時方務舉子業席帽奔走弗遑也洎甲戌通籍後承乏詞垣參修國史兼撰進奉文間於史館獲觀鄉先輩文字輒錄置篋中柯亭士柏幸慰仰止而積帙未能多也客

歲歸自杭州從劉君澹齋借讀鈔本又蒐訪諸家遺

集采而益之或以人存文或因文存人共得一百八十一首仿桐城姚惜抱古文辭類纂例分為八類句讀標點又附注作者官階事畧每當青山獨夜青燈熒然案頭一編雜誦數過不啻與唐宋元明本朝諸鉅公晤對斗室中親承其警發緒論縱橫上下樂而忘倦不自知手之舞足之蹈而老之將至也云云全書大凡於是可見然序中言錄文一百八十一首與後列篇數不符或刊時又加刪雜耳

續修四庫全書總目

卷

集部總集類

附錄傳記參考材料

莆田縣志

憑山閣留青集十卷 康熙癸丑刻本 劉啟瑞

杭州陳枚選枚字簡侯康熙時人事蹟具詳杭州府志是書專選世俗應用之文以俾世用者其大旨見於自序自序畧謂揣摩之家往往以非制業故多為玩眼以致工巧之藝不得與六經之文並重水沉花開鳥翔魚泳木盛草蕃雲蒸霞起蓋莫不有文章之妙義在在焉是何不可與先儒之心印古聖之宗傳同收秘笈哉課業之暇凡遇字內奇編名家快作文人騷士之所取資行笈奚囊之所採拾隨有所得輒

續修四庫全書總目

卷

集部總集類

彙成編此正所謂嶺上白雲止堪自怡前有顧豹文序又有吳國縉吳相如兩序亦中其說其書分卷次第一壽文二祭文三應酬雜文像贊箴銘四四六小啟時用尺牘五疏引題跋六榜聯雋句匾額駢言事物異名印章綺語七地輿摘要八姓氏考畧九應酬詩十應酬詩餘詩文辨體蓋其書之用誠不得列於藝文止可比於近時之官高快覽耳又吳國縉序不謂之序而謂之撮旨言是編於諧酬近藪於振拾近紛於藻繪近浮於雕穿近纖烏在掛致遠之巨目而

凝入道之神眸是其不足一喙已形諸言表矣又曰

自其為之他山之在如有用者凶歲之糧蓋專為饋貧而設故詩文雜糅雅鄭並舉稱謂之代辭與地之舊名但取為舟車之便檢而不免汚玷筆墨之誦矣又張潮友聲初集載殷曙答書亦謂留青十冊大氏失之庸雜且多遺漏於此可見矣至詩文辨體其分類亦多可議詩學辨體分四類一規式二匠意三結構四指摘又別為詩源總論以後集古學辨體則辨文體者亦分七款一韻語二王言三章奏四正文五

續修四庫全書總目

卷

集部總集類

雜文六文告七悼往所列皆極浮淺強為置其起承轉合辨直無見地今畧鉤其辭可見一斑說云不論近體古風皆要知起承轉合之法以三百篇言之如同南開離則第一章首次句是起三四句是承第二章是轉第三章是合萬章則一章是起第二章是承第三章首次句至五句是轉末句是合卷耳則第一章首次句是起三四句是承第二章至第四章是轉末句是合樛木蠡斯挑天兔置采芣苢廣則每章自為起承轉合其他自召南而下至於歷朝諸詩皆以

此法求之云云亦可見其淺識之如此矣

附錄傳記參考材料

杭州府志

續修四庫全書總目

卷

集部總集類

鄭氏一家言不分卷 家刻本重補寫本 劉啟瑞

慈谿鄭辰編輯辰字三雲事蹟具詳邑志鄭氏為慈

谿望族其先有安仁居士者明末隱居不仕後人即

其所居半浦為安仁里三世有子曰希吳生次子子

潮字拱廷中明永樂乙酉賢良禮部觀政選知豐城

縣三雲則為安仁十六世孫乾隆丁酉拔貢四庫館

板錄此其所手輯首有徐柳泉小引柳泉鄞縣人名

時棟居浙東家富藏書其小引云鄭氏一家言三本

慈谿鄭三雲長編輯第一本首世系表次拱廷子

續修四庫全書總目

卷

集部總集類

詩次勉齋詩文三卷附序跋傳誌又次素庵

臯望隱川冒友竹從南川澗南江尚乾山山諸人

詩皆明人也第二本為寒村梁各集詩詞選偶行數

序次為漢莊梁詩第三本皆南谿詩亦附有卷表

詩序同治七年閏四月十六日三雲從孫否卿元祁

携至城西草堂徐氏為收獲之三雲極留心桑梓文

獻惜其所著四明詩徵三雲日記諸書皆在五家而

皆為灰燼此書猶其未官時所收拾者歟由余所見

鄭氏老輩吟詠尚不止此此必非完書而亦無從



訛矣重裝既竟為記之如是按今所存止第一本而無第二本所請寒邨漢莊南谿諸詩然則又失其半矣又據徐氏又書言後余又得一薄本面題鄭氏一家言鈔本所錄詩詞為吾山進蟾齋從風箴堽人即禹平陽元禹山廷圭可軒賦凡六人核之世系表禹山可軒皆三雲之兄則此六家亦即三雲所輯無疑惟表中進為明人與重望渭澗皆兄弟行或係後行其詞故冠在別本之首而詩卷中稱進字係一多吾山康貢生而表中乃僅僅一進字更無小注別一人

續修四庫全書總目

卷

集部總集類

即表中無同名進者同一人耶不應表中他人並注字號官職而此公獨否宜其詞為後得其字號等亦當作表時尚未知耶他日晤杏卿當詳問之五月三十日命工裝附第三本之後且記其暇於此此三本中已得十有八家而由余所見鄭氏詩三雲以如秦川漆雪崖羽遠蕉雪竺三雲以後如雪橋田簡香動耐生喬遠並諧吟咏故家如鄭氏雅四明亦僅見而但鶴江乃數十年來風流閑寂謀生且不暇矣前余表簡香墓有云天之所以厄故家者其理殆不可

鮮賤有慨乎其言之也然則此一冊因為徐藏之不全本並為三雲所錄之不全本不知所謂第三冊及又一薄本者今何在矣至此書中勉齋遺稿刻本三卷序跋均全勉齋名滿本名錫宏治癸丑會試副榜首於子潮為孫行此書刻本止此餘全寫補按勉齋集已收入四庫存目

附錄傳記參考材料

慈谿縣志

續修四庫全書總目

卷

集部總集類

敬修堂詩賦鈔十六卷 同治壬申重刻本

劉啟瑞

仁和胡敬選敬字以莊號書農嘉慶進士官翰林院侍講學士當其主講浙江崇文書時以詞賦課士參其尤者為敬修堂詩賦鈔十六卷富呢揚阿為刻之既而板燬於兵燹同治壬申俞麟年西復刻之即今本也其選次之故見於胡敬自序畧謂浙會三書院例以制藝課士鮮有道及詞賦者顧學使歲科兩試皆兼試詞賦第高下吾師朱文正阮儀徵兩相國尤憑

續修四庫全書總目

卷

集部總集類

是拔取人才非徒宏獎風流蓋備他日承明著作之選也敬幼見君子偕同里耆宿吳西林汪槐塘魏柳洲何春渚吳鐵生諸老輩縱談風雅通籍以後安硯於協揆英煦齋師宅其地距家半劉文恭師賜弟不數武兩師本世交居又相近謬以敬文嫺駢儷每有草奏輒命起草體裁掌故必先明晰指示乃知臺閣結撰雖視山林異派而清麗淵雅理可相參唐文館開與同年孫文清徐星伯並官總纂兩君皆天下士文章爾雅學博而品識不凡頻年晨夕追陪賞奇析疑

多所裨益歲己卯奉命校士皖省既終任以母老乞

養歸里未踰歲母氏棄養隨患重聽難再供職愛山

水之勝承乏西湖講舍制藝之外加以詞賦諸同學

咸翕然樂從胡三年得課三十有六釐為六卷播諸

棗梨又五年富海帆中丞復為之序繼是以後時作

時輟同學輩亦緣事故聚散不常碩果晨星存者無

幾所幸後起之秀操觚握槩能踵前修庚子春方擬

會粹成編續行付梓值海疆不靖舟山失守數郡登

然辛丑之秋風鶴增警大吏諄勉衆紳士團練義勇

續修四庫全書總目

卷

集部總集類

為防禦會城計於宋德壽宮舊址道流所棲處設局按日兩操刀光槍聲震駭心目是時欲提筆論文不惟不暇亦不敢撫議成後心緒稍定酒邊燈下重檢故紙編排次第積時既久散佚頗多姑即所存汰其繁蕪挾其瑕疵十取一二合前刻成十有六卷為卷未倍為時已數倍於前則懶不收拾之故也屈指二十年来擬魏科蹄清秩者計不乏人其入於詞賦不皆擅場而根柢盤深尚偃蹇於場屋中者正復不少豈誦習惟在制藝餘可等諸自櫬以下耶然吾鄉傑

出之彥無論國初十子即近若杭董浦厲樊謝兩先生未嘗不詠槐黃賦計偕何著作如是之卓犖耶且如袁簡齋大令陳句山太僕吳穀人祭酒未嘗不工制藝何詩古文辭如是之宏麗而淹雅耶謂非才大者能兼容并色而不屑屑居於庸腐之繩墨耶敬學殖淺薄愧不能以經術垂範同學為舉詞賦之一知半解所得於親訓師資友益者備未哲問塗是則敢拳拳跂望之微願云爾據序所言大抵承平之時崇古風雅鮮有不擅長詩賦者今詩猶問作賦已絕響和已

續修四庫全書總目

卷

集部總集類

附錄傳記參考材料

杭州府志

杭郡詩輯

南宋宮閨雜詠 刻本

劉啟瑞

上海趙榮撰葉字儀姑父東冲官京師入直樞廷膝前無子命女作男子裝令酬應賓客凡徵求題詠暨恭和御製詩篇皆令女代作是以幼年個儻如鬚眉丈夫忘其為巾幗女子也比長歸烏程汪讓廷家方中落伉儷相莊詠歌自樂初不以生計為念董念榮與讓廷為莫逆交讓廷命長子謝城寄膝下以道義之交聯姻姬之誼往來密爾數十年如一日念榮幼即屢見後堂後隨先人讀書得溪學為詞賦執贄於

續修四庫全書總目

卷

集部總集類

謝城每一藝就呈之於師太夫人輒先索觀之某聯要某句未妥並指示用典之法不啻師之面命耳提焉談次好談諧曰汝來我與言舉業公夫若爾翁來我當與言小學近思錄汝以我為未見宋儒書耶我書無所不讀特錄詩尤為熟看汝若拈一句來我即指出第幾卷第幾頁第幾行所著有澹月軒詩文集皆中年之作南宋宮閨雜詠當日與落葉詩傳誦一時晚境日益艱吟興漸衰時與得溪一二續學之士尚論古人暇則以說部書逍遙而已獨怪汪氏世傳忠厚為



潯溪望族而庭堅不祀吾師遺稿散失僅留沈氏於  
簡端可悲也夫丁氏重刻雖詠董念榮因跋語詩  
凡百首其所采不盡宮闈以宮闈名者以前若干首  
皆述南宋宮中事也南宋雜事凡詩七家已見於世  
此所舉大率有當而亦有泛泛不必入一詠者此詠  
辭筆不足抗衡七子但涉獵既多筆力尚足自達出  
於閨秀亦固難易才耳

附錄傳記參考材料

續修四庫全書總目

卷

集部總集類

上海縣志

秦亭山氏移居倡和詩一卷 刻本

劉啟瑞

仁和周三變輯三變字南卿曾王父鐵士先生住東  
青巷後居馬坡巷南卿移打豬巷後張紗街三易其  
居乃得城東宅與陳六秋字同居屋右即舉國時章  
桐門相國將營別業於其地南卿工為侍而馮寶庵  
侍御張穆庵都轉曾賓谷縣使蔣礪堂制府李石農  
中丞玩雲臺制府韓桂舫尚書潘芝軒司馬程鶴樵  
中丞皆賞識君者嘉慶庚辰臘月移居城東後顧兩樵各  
為之繪圖而南卿自為詩四首詩云秋水堂空八景

續修四庫全書總目

卷

集部總集類

殘書生家世本清寒神從墮地當門苦仙未昇天拔  
宅難將愁打頭無可卧但求容膝已為安君雲甲第  
多豪貴不值坊傭冷眼看何處能容骸辭身三重茅  
足庇勞人琴書雖少終為富花草無多恰稱貧嬌媚  
焦先能露處祇愁杜老又風塵年年如願呼難得初  
備黃羊祭竈神五架三間兩版門馬婆舊巷傍柏根  
展來金碧微園畫看到姚黃慮子孫石丈貌奇宜拜  
笏雪兒歌近好開尊西冷柴老思先雅對字何期屋  
尚存家住錢塘東復東柳雲梨雪想春風休猜我入

鳴珂里暫免人潮鍛錫公司馬園方營獨樂元龍樓  
卻倚高空草堂賞感諸君寄畢竟三遷抵一窮詩頗  
佳勝而同時和者有吳振棻仲雲制府受慶源積堂  
章煦桐門相國蘇繹子齊周凱芸舉沈鏞彪曉篁屠  
倬琴鴻吳一枝香國張雲璈簡松魏成憲仁庵趙錢  
星甫陳文述頭道胡敬書農錢棧次軒魏謙升滋伯  
黃士珣鄉泉費丙章新橋邵正笏魚竹吳清猷西穀  
各有和作共得詩六十八首並一時名雋之作也

續修四庫全書總目

卷

集類

附錄傳記參考材料

杭郡詩壇

龍眠風雅集六十四卷續集二十八卷 初集康熙十

七年刻本 續集康熙二十八年刻本 劉啟瑞

桐城潘江輯江別有六經蠡測已著錄事蹟並已詳  
前是選始順治五年秋初與同縣方授共事已刻未  
刻約得六十餘種顏曰龍眠明詩選授旋病歿庚子  
辛丑間又與同縣錢澄之姚文燮共事亦沮於異議  
乃獨力搜求閱三十年而成姚文然程芳朝捐貲助  
梓程姚相繼歿又自鬻產貲金於康熙十七年刻成所  
錄起方法迄釋弘智編次略依時代女士即附其夫

續修四庫全書總目

卷

集類

族或母族不另為卷殿以寓公道釋凡四百人人各  
系以小傳惟卷六十四之釋弘智即卷四十三之方  
以智實三百九十九人又卷三之劉璽檀郁方克王  
朝禎據續集凡例乃輯續集時訪得補入故初印本  
無之前有毛姓宋寶穎施閔章吳道新陳煒李雅許  
來惠序又凡例十六則乾隆四十五年被禁銷燬今  
所知者惟南洋中學藏本較完桐城三百餘年之詩  
從未集成合集是選實為開山厥後桐舊集擬陽詩  
選古桐鄉詩選皆繼此而起者然康熙以前之詩要

不能不於此取資施閏章謂知人論世與汝南先賢  
襄陽耆舊相伯仲蓋不獨揚風扞雅亦徵文考獻之  
資也至續集二十八卷乃戊午後續逝之作刻於康  
熙二十八年起姚文然至釋照賢並附自作詩一卷  
共百五十六人編次一依前例前有張惲張英序次  
凡例十二則又次總目題桐城潘江蜀藻輯男仁樹  
仁標仁樾孫義炳義烈義熾義熙義燾校後列編次  
門人凡二十人內卷十五之李雅詩原係鈔補卷二  
十五之姚士陞方膏茂總目各注嗣刻二字而無詩

續修四庫全書總目

卷

集部總集類

又缺卷二十六上之姚文燮許來惠卷二十六下之  
劉鴻都姚文勳光廷瑛左之柳卷二十七之程鳳釋  
照賢凡十人自方膏茂至程鳳皆見桐舊集姚文燮  
文勳又見古桐鄉詩選惟卷二十六原分上下所錄  
詩宜多桐舊集除錄姚文燮詩二十八首外餘僅一  
首或數首古桐鄉詩選錄文勳詩四首文燮詩十一  
首然有為桐舊集所無者今悉據以補入其傳則先  
錄桐舊集所引再采他書補之又初印本卷二十一  
汪崑詩較此本多三葉詩十五首今亦據以抄補至

姚士陞釋照賢之詩既不見桐舊集他書亦無可考  
又張惲序缺第十二行至二十二行共二百五十二  
字均無從鈔補考風雅前集故家或有藏者至續集  
則絕罕蕭穆藏書至富敬孚類稿亦謂生平未覩嘆  
為至寶雖殘缺彌可珍貴也

附錄傳記參考材料

桐城縣志

續修四庫全書總目

卷

集部總集類



龍眠古文一集二十四卷 康熙二十二年刻本

道光十年重刻本

劉啟瑞

桐城李雅何永紹同輯雅有白描齋詩文集永紹有寶樹堂詩文集已著錄永紹蓄此意十年至康熙二十一年彙成編帙二十二年秋刻成首奏疏凡五卷次論一卷次議策一卷次書二卷次贈送序二卷次詩文序四卷次壽序二卷次記三卷次傳二卷次碑表誌祭文一卷次賦頌箴銘贊啟劄子引跋雜著附吳道新文共一卷前有吳道新潘江王凝命張英序

續修四庫全書總目

卷

集部總集類

並小傳例目原版久佚道光間徐璈吳廷輝各得一本而吳本較多數十篇因據以重刻後有廷輝跋並助刻姓名三十一人集內作者起姚旭迄吳道新共九十四人文四百十二篇內齊傑傳重出實九十三人又有目無文凡三十二篇實三百八十篇惟所闕之文目下注嗣刻者四篇蓋當時原未刻入其未注嗣刻之二十八篇葉數亦銜接知非後來殘失又文次與目次多不同題與目復多互異然按之本文如齊傑送曹晴雪序題與文均作晴峯姚孫集李香巖

春秋文受序題與文均作香巖姚康左母袁夫人七十序題作六十方拱乾方老人七十自序題作題老人姚文然祭宋文石文題作艾石又郡伯送新題作送郡伯新姚孫森方坦菴龍眠記跋題作龍井園跋知均為目誤惟孫集題作孫集則未知孰是是集所錄自明景泰至清康熙其無專集而已佚者賴此以存什一亦云幸矣

附錄傳記參考材料

續修四庫全書總目

卷

集部總集類

桐城縣志

池陽韻紀今集初編十六卷 家刻本 劉啟瑞

池州郎遂編輯遂字趙客康熙諸生游太學年逾八十卒事蹟具府志文苑傳是集十六卷卷一二五古卷三四七古卷五六五律卷七八七律卷九排律卷十排律五絕卷十一七絕五絕卷十二缺卷十三五絕七絕卷十四七絕卷十五缺卷十六詩餘皆錄關於池州者自公卿迨布衣方外每人姓名下注字號及某省縣人或略歷亦有不注者其錄自全集者並注集名詩後間附記贊說傳或遂識語姜辰詩前並

續修四庫全書總目

卷

集部總集類

載吳非序凡杏花邨志未登者皆載是編而關於齊山九華者以另有齊山拾遺不多載王爾綱名家詩永已錄者亦不再見前有康熙三十九年廣濟金德嘉序又凡例九則暨其子封識語後有江表跋遂初擬合歷代詩文為一編名曰池陽翰藻嗣因卷帙甚侈乃分詩文為二而先以是集意在藉詩存史以補縣府志之缺略惟據其子識語稱編中摘取多者如方文金山集江一經書種堂集宗觀山響齋集吳非甲甲甲集楊森後笑齋詩選孔尚大道之園集寧峒

布冒山人遺詩姜辰石林農者藏稿俱係秘本云云

考之編中所錄除吳非十五首方文七首姜辰三首孔尚大二首外江一經宗觀楊森寧峒皆一首似不得為多又卷八之首即為附王爾綱學舫說其前應尚有詩又卷九僅一葉卷十一十四十六皆僅二葉卷十一既為七絕復有五絕與前十卷編次體例亦異然考之全編除凡例二葉卷一卷六第一葉卷二第一第二葉外餘皆無葉數又除卷一卷二卷六前三行標某書某卷某人編輯及某體詩外餘亦無之

續修四庫全書總目

卷

集部總集類

不能知其有無脫簡或錯簡凡例又稱吳應箕應列前集鄭三俊劉城吳鍾詩之作於前朝者列前集作於本朝者列今集云云卷六第一行又注今集初編四字似是集尚有前集或二編至章永祚南湖集卷五有池陽韻紀序而此不載其為未刻或佚去今亦不可考矣

附錄傳記參考材料

池州府志

古文約選不分卷 雍正十三年刻本 劉啟瑞

不著編輯人名氏前有清雍正十一年三月和碩果親王序有予為是篇語又有果親王府選刻印考蘇惇元方苞年譜雍正十一年三月奉果親王教選兩漢及唐宋八家古文刊授成均諸生乾隆初詔頒各學官蓋據本書及學政全書又戴鈞衡編苞集錄古文約選序例入集外文據此知文為苞選序例亦苞代作序稱坊刻無善本古文淵鑑非始學所能徧觀乃約選兩漢書疏及唐宋八家為是編於韓取者十

續修四庫全書總目

卷

集部總集類

二於歐十一餘六家或二十三十取一兩漢書疏則百之二三所選有圈點及分評總評然亦有有圈點無評或並無圈點者其不選三傳語策史漢以其當全讀不選周末諸子以其體製亦別又謂辨古文氣體必至嚴乃不離清澄之極乃發光精始學而求古求典必流偽體故客難解嘲賓戲典引封禪皆不錄韓歐王誌銘錄變調及別生議論者各三數篇以叙事義法備於左史又於柳歐蘇曾王不合者略指其瑕而諸家之義枝詞冗者鈎劃於旁俾觀者別擇其

義例大概如此苞論文主義法此雖為始學計然途徑既正由此以求左史公穀語策之義法六經語孟之旨固無難也

附錄傳記參考材料

本書各序

續修四庫全書總目

卷

集部總集類



增訂唐詩摘鈔十六卷 嘉慶四年刻本 劉啟瑞

休寧程鴻緒編鴻緒字芝堂又字杞塘號石琴乾隆時附貢生唐詩摘鈔四卷乃明末黃生所選有清康熙二十四年自序程志溥刻乾隆初休寧朱之荆得於同縣吳力行並得程氏訂正刻本於邵達夫合為一編又取吳廷錫本細加增刪益以唐古體及漢魏詩二卷并為一集並集諸家說所以己意為之注仍其名曰摘鈔附於黃選之後有乾隆三年自序及十五年汪士鋐十八年汪由敦序至嘉慶初增訂板已

續修四庫全書總目

卷

集部總集類

殘缺失次鴻緒以之荆所選排律太簡爰加板訂益以長排另集唐人試帖纂注分編並附黃生所撰詩塵及杜詩說摘鈔暨之荆古叶通轉論於後其編次卷一五律百八十七首卷二五絕八十四首卷三七律百十首卷四七絕百五十五首以上四卷卷首皆題新安黃白山先生選評閱朱之荆增訂杞塘程鴻緒重校卷五五律百三十一首卷六五絕五十二首六絕六首卷七七律七十三首卷八七絕二十五首以上四卷卷首皆題和村吳脩塢先生選評閱

朱之荆集注杞塘程鴻緒重校脩塢廷錫號也卷九

五排四十八首七排八首卷十唐人試帖七十首以上二卷卷首皆題心蓮吳智臨集注杞唐程鴻緒參訂卷十一漢魏五古四十三首卷十二漢魏七言雜體三十八首卷十三唐五古十二首卷十四唐七言雜體二十五首以上四卷卷首標題與卷五至卷八同卷十五詩塵一卷十六詩塵二附之荆摘鈔黃生杜詩說句法俗字俗語及之荆古叶通轉論卷首題新安黃白山先生著杞塘程鴻緒增訂前有嘉慶四

續修四庫全書總目

卷

集部總集類

年重訂小引及重訂凡例十三則並載黃生朱之荆汪士鋐汪由敦各序據凡例黃本評注為朱氏增入者別以實園杜詩雖主黃說亦有出自別本及朱氏者其實園外之黃注皆原刻所無又黃本圖點為朱所加詩塵圖點為鴻緒所加惟此本較程刻摘鈔多七十一首則朱氏據所得吳力行本也廷錫有遜志軒詩文稿已著錄之荆字樹田閱其號也

附錄傳記參考材料

休寧縣志

續修四庫全書總目

卷

集部總集類

昭代詩針十六卷 乾隆十五年刻本 劉啟瑞

休寧吳元桂編元桂有振華齋集已著錄是選始乾隆三年秋越十年乃成同宗元安復出所得相與參訂刪繁補遺共成一十六卷得詩二千四百九十三首每卷皆先古體後律絕諸人名下僅載甫號籍貫及集名事實出處未悉者缺之年世後先爵里次第亦不詳叙詩亦無圈點評語末附元桂父子元安兄弟詩卷十六則方外閨秀也前有乾隆十三年元桂自序十四年元安序又例言十二則元桂序稱付諸

續修四庫全書總目

卷

集部總集類

開雕元安序稱捐貲付梓蓋即刻於其時元桂自言以清真雅正為準凡感憤譏諷雷同形似浮艷淫靡或其人有一干物議者皆屏弗錄所錄雖不分杜隱而意在闡幽鉅公如魏裔介馮溥梁清標李蔚熊賜履陳廷敬名家如王士禛施閔章宋肇朱彝尊宋琬尤侗亦皆從略至通籍前朝鼎革晦迹者亦不遽入以成其志其名詩針取為詩學指南以存詩家的派也

附錄傳記參考材料

休寧志

安徽通志

續修四庫全書總目

卷

集部總集類

樞陽詩選二十卷 光緒三十年重刻本 劉啟瑞

邑人王灼輯凡二十卷所選自錢澄之至灼都百五十一人內閩秀六人方外十一人都詩二千百二十八首卷二十分上下則灼所自選詩也建寧張際亮假其稿於縣人朱雅以告縣人南昌知府張寅刻於南昌府署有道光十七年際亮寅二序惟際亮所假係草稿無總目序文同時見存諸人或僅標姓字體例未能盡一卷十九列道士王鳳鳴有小傳而無詩又缺卷二十灼詩寅自言官事劇無暇訂補即以其

續修四庫全書總目

卷

集部總集類

稿先行付梓際亮序又誤以前十卷為劉大槐選刻既竣縣人馬樹華以語寅寅遂屬以審定樹華乃從縣人張敏求索取原本敏求亦寫寄卷二十詩目俾之補刊樹華更寄十九卷印本屬其照原書校改於是遂為定本有道光二十年樹華序咸豐板燬光緒三十二年縣人方恪勛重刻並序即此本也

附錄傳記參考材料

安徽通志



古桐鄉詩選十二卷 道光三十年刻本 劉啟瑞

桐城文聚奎戴鈞衡同輯王祐臣編聚奎後更名漢光有斗垣初集鈞衡有書傳補商均已著錄祐臣字子甫號殿襄聚奎門人也鈞衡性嗜詩遇佳篇必錄得三數十家欲合梓之道光十七年間聚奎謀刊曾旭桐子山農詩鈔乃書約共事所錄限桐城北鄉得作者一百七十七家詩一千一百有七首編次略依時代科名詩前各系小傳有方東樹張敏求序道光三十年刻桐城選詩者康熙間有潘江龍眠風雅正

續修四庫全書

卷

集部總集類

續集道光間有徐璈桐舊集然皆一縣之詩惟嘉慶間王灼樅陽詩選始限南鄉一隅是選實繼之而起所錄之人必攷之文獻徵之見聞非確為鄉人不入其先居是鄉而後徙或先居他鄉而後至者皆僅載其人之詩不載其子孫及先世其名古桐鄉者據許琬說以古桐鄉不出今北鄉境因取以名惟凡例載有知其里居而未得其詩者如何唐左國材孫中行左霜鶴胡彥三孫用先張輔贊朱龍光孫位山張靜諸人案霜鶴即國材號此以為二人誤又桐舊集錄

何唐詩二首張輔贊詩十六首左國材詩二首而此云未得其詩蓋桐舊集刻於咸豐初聚奎等輯是集時尚未得見也

附錄傳記參考材料

桐城縣志

續修四庫全書

卷

集部總集類

求志居唐詩選不分卷 家刻本 劉啟瑞

懷寧陳世銘選世銘字大治一字雪樓道光元年進士官古浪知縣後擢同知引疾歸是編萃三百年作者兼收並蓄而以杜甫李白白居易韓愈為得法外意所采最多餘如陳子昂張九齡高適李頎岑參王維孟浩然亦甄錄略具然於陳之感遇李之古風杜之出塞白之秦中則竊取文選錄阮籍詠懷十七首之義為之要刪韓之南山退居補編月蝕列於附錄又以杜之詔從三殿去碑到百蠻開為凡近野館濃花發春帆細雨來為滯於句下孟之氣蒸雲夢澤波撼岳陽城為意盡句中賈島之僧敲月下門為索然無味皆不肯苟同所錄各篇間附評論有疑義亦略取時事疏證惟不登宋明詩話世銘論詩以性情格律相須為用不取時代格調之說而以質而不俚婉而成章無戾溫柔敦厚之教為主所選即本此旨也

附錄傳記參考材料

懷寧縣志

安徽通志

續修四庫全書總目

卷部

國朝詁經文鈔六十二卷

劉啟瑞

涇縣朱珣輯。珣別有說文段借義証已著錄。事蹟並已詳前。是書凡六十二卷。前有自序。光緒通志著錄。清代經學易不重王弼。韓康伯而推閻鄭之爻辰虞之納甲荀之乾升坤降。且上追孟喜京房力闢偽孔傳而從馬鄭真古文並及歐陽夏侯所習伏生之今文。詩主傳箋而不棄齊魯韓三家。春秋斥胡傳亦不收啖助趙匡而援賈鄭服以正杜注之誤。至三禮遵鄭注。猶哀集馬融盧植蔡邕諸家。爾雅沿郭璞。又撫拾樊光李巡輩以為漢注而其旨趣則約有典章名物訓詁音韻數端。其關於典章者若諸錦之補饗禮任啟運之肆獻裸饋食禮沈彤之祿田考王鳴盛之軍賦考關於名物者如江永之深衣考誤戴震之車制圖解程瑤田之通藝關於音韻者則顧炎武之音學五書江永之古韻標準而訓詁尤以國朝為最擅長。是集採各家文集札記率篇幅完善亦兼取異同之說。迄二十餘年而成。珣自謂或因文而得經之梗概者是也。

附錄傳記參考材料

涇縣志



桐城方氏詩輯六十七卷附拳莊詩鈔八卷續鈔六卷

道光元年刻本

劉啟瑞

桐城方子穀輯于穀有拳莊詩鈔已著錄事蹟並已詳前是集六十七卷卷一至卷十四起方法訖方根機為于穀本支八代之詩卷十五至卷二十一正瑄訖方于昂卷二十二至卷四十起方以智訖方宮聲卷四十一至四十二起方大鉉訖方文卷四十三起方大欽訖方秉澄卷四十四至五十八起方兆及訖方傳穆以上皆自方學漸分支為于穀本房即

續修四庫全書總目

卷

集部總集類

通稱中一房之詩卷五十九至六十七起方佑訖方潮為方佑以下各房之詩其人不分存歿女士各附本生之後都百三十人詩五千零二十二首後附于穀拳莊詩鈔八卷續鈔六卷前有嘉慶二十二年同縣汪志伊二十五年兄受疇序又凡例十六則後有于穀跋道光元年刻于穀是輯積數十年居客游隨得必錄且有索之數千里者晚居拳莊復從遠近各房搜得若干篇所錄除家乘外以潘江龍眠風雅沈德潛別裁集為多並採贈答之所刻他集者詩前

列有小傳有專刻或見選本者依原本及選本祇有

寫本者亦以數語略敘生平他本及坊刻有不同則

覓底本酌錄或擇善而從初輯本八十卷臨刻復刪

十之二三為六十七卷又囑田得數百金乃刻成志

伊謂傳一家之詩數百年治亂之故俱存於是蓋非

過許惟凡例稱天台印少卿克俱無詩可採望溪苞

亦不以詩鳴案龍眠風雅卷三錄方克詩四首桐舊

集卷一錄方印詩一首卷三錄方苞詩十五首于穀

皆未搜及又卷六十一之方道乾有鶴雀樓詩集五

續修四庫全書總目

卷

集部總集類

卷卷六十七之方元澄即方玄成有純齋詩選二十二卷是集僅各錄一首似亦未見其集于穀固自言網羅未備不足為病至拳莊詩鈔跋作十卷與目錄異凡例及跋均無續鈔刻本續鈔又僅五卷則莫詳其故也

附錄傳記參考材料

桐城志

祁詩合選十卷 乾隆二年刻本

劉啟瑞

祁門陳希昌方玉綰倪淵侍汪起鴻同輯淵侍有拙  
菴詩集已著錄希昌字秉文玉綰字兆玉起鴻字用  
羽希昌玉綰皆康熙歲貢是集自宋迄國朝初分類  
編次卷一五古卷二七古卷三五律卷四七律卷五  
五言排律卷六七言排律卷七五絕卷八七絕卷九  
雜體卷十補遺惟卷五饒光之輓馬六禮孝廉似不  
當入五排卷九之汪克明題淵明對菊圖非四言又  
以六言絕為六言古汪文錫之裁衣曲應入七古而

續修四庫全書總目

卷

集部總集類

標七言換均體一目編次不無可商此本閱卷四七  
律又倪望重錦城詩存載胡士著序是集稱其詩有  
馨芬者有幽深者有高峻雋異者皆獨往獨來於性  
情間此本亦無之至所載光時亨詩六首除西湖懷  
古一首外餘五首為龍眠風雅及桐舊集所無時亨  
雖籍桐城其先固祁門人也

附錄傳記參考材料

安徽通志

龍亢問氣集不分卷 傳鈔本

劉啟瑞

不著編輯人姓氏所錄大氏為含山人詩計張鳳  
銅詩二十一首唐承翰詩三十一首晏宗望詩三十  
首胡起瀾韓曜臨詩各三首唐紹良詩五首朱家槐  
詩九首胡長庚詩五首唐學典詩七首張夢笏詩八  
首晏綵詩十九首趙春元詩十一首嚴寶翰詩二首  
胡書禾詩五首唐鍾龍詩三首鮑源深詩四首蔣女  
士貽美詩六首斐女士詩四首張女士詩十四首附  
詩餘唐承翰二首晏宗望三首張夢笏一首趙春元

續修四庫全書總目

卷

集部總集類

二首朱國士二首又附雜著唐承翰四首除鮑源深  
為和州人外餘皆含山人鈔本無序跋又除張鳳銅  
柳棠箋詩集唐紹良種菊山房詩草據和州志唐承  
翰一名鳳池字花笠廬貢有洗心軒詩集韓曜臨字  
崑南嘉慶二十三年舉人有冷翠軒詩集張夢笏字  
爽山開來子道光十五年舉人壽州學正有瓶花餘  
艷詩集事蹟均具和州志文苑傳晏宗望字秋水道  
光十一年舉人官山西垣曲知縣咸豐三年城陷死  
之有漁子詩集胡書禾字稷生江西候補按知事咸



豐六年帶練營潰憂憤死有發餘詩略嚴寶翰字西園諸生殉難有偷聞草詩集事蹟均具州志忠節傳胡長庚字少白道光三年進士官山西汾州知府有少白詩存事蹟具州志宦績傳又胡起瀾字春帆嘉慶二十三年舉人有瓊閣詩鈔朱家槐字位三號虛蹕縣學廩生道光四年卒有惜陰書屋詩集唐學典字修甫有編蘆書屋詩集晏綵字白華有柳風梨月軒詩集趙春元字星符有只此略存詩集唐鍾龍字卧雲有扣劍吟詩錄朱國士字雲卿有紅芙蓉館詩餘

續修四庫全書總目

卷

集部總集類

以上七人州志皆無傳斐女士張女士并名不詳龍亢者南宋南齊時縣名屬南豫州歷陽郡今含山縣東南故以名也

附錄傳記參考材料

無考

李翰林姑孰遺蹟題詠類鈔八卷 光緒七年刻本

劉啟瑞

青陽曹笙南輯笙南字補陔號蔗生同治九年賜副貢官祁門當塗儒學教諭是編輯於光緒七年凡六卷又卷首上下二卷卷首上為李白姑孰文詩下為史傳集序讚論卷一青山墓祠碑記卷二青山墓祠詩卷三采石樓祠碑記詩卷四采石樓祠詩卷五采石樓祠楹聯畫壁詩梅花石刻詩石香爐詩卷六采石墓亭詩記采石磯詩姑孰漢詩脫乾園瓊詩附古

續修四庫全書總目

卷

集部總集類

蹟光緒八年調仙樓住持道初方臥雲募印前有知府沈銘經縣人鍾良駿及笙南序後有臥雲識語先是臥雲印太白樓楹聯既成復以鈔輯遺蹟題詠請銘經以屬笙南乃據本集及府縣志並親往青山采石兩處搜求古碑尋訪遺蹟與良駿所得縣人吳其琳安樂鈔稿合為一編其例以姑孰為限詠李白而不涉姑孰詠采石而不涉李白者皆不錄此錄詩文自唐至光緒初因類分列仍以時代為先後同時則以體分其得自別集傳鈔及所訪之碑者並注明所



出墓祠樓亭則詳其建造興修之時代人名亦頗資考證也

附錄傳記參考材料

安徽通志

續修四庫全書總目

卷

集部總集類

龍眠雜憶八卷 傳鈔本

劉啟瑞

桐城姚興泉撰興泉字問樵號虛堂縣學增生事蹟具姚瑩姚氏先德傳集凡八卷憶江南小令百五十闕據乾隆四十五年自序乃作於客河干時既脫稿復為詮釋並別為時令山水人物學校花木希饌慶弔游燕八類每類各有小序民國十七年縣人孫蔭從同縣方氏得鈔本印於上海即此本興泉雍乾間人如謂紅白事皆以炆蛋敬客龍燈每節皆嵌珠球二顆桐城學額二十五名撥府十名又向例餘撥府一名

續修四庫全書總目

卷

集部總集類

與懷寧輪撥今專屬桐城云云皆與後來不同足資考證至謂椒園茶乃明孫晉督蒯蓮時移植家山之椒園即以為名堪與史中宏本豫章人劉若辛實桐城人亦為他書所未及惟謂惜陰亭即陶侃運甓處觀奕巖俗誤觀音巖皆未必然案侃監稅樵場後人建亭取惜陰為名非即其運甓處觀音巖亦名大士巖屢見張英詩集夾音聲近固不能斷為執誤又碧霞宮注云宮在西郊背山臨流案桐城志西郊有太霞宮無碧霞宮此蓋取與下句黃葉為對亦非事實

至謂鄉賢如方法等皆勅建專祠並數及孫臨案臨明末監楊文驄軍丙戌殉節浦城時當改革並無勅建專祠事疑為傳鈔者屬入又山水類甲第荷龍光一首似應入人物有饌類前六首均詠居處有無脫誤今不可考自序謂俗言俚語毋為文飾俾村夫里婦亦曉然於風俗所從來固徵文獻者所不廢也

附錄傳記參考材料

桐城縣志

續修四庫全書總目

卷

集部總集類

于湖謝氏三世詩鈔三卷

家印本

劉啟瑞

祁門謝登雋及曾孫葆和玄孫立本同撰登雋字才叔又字金門號易堂又號梅農乾隆三十七年中正榜官至湖北宜昌知府適年卒年六十二事蹟具祁門志宦績傳蕪湖志流寓傳葆和字養之又字甲甫號悔菴道光十九年舉人以軍勞保儘先選用知縣卹贈知府立本字培根號鈍叟光緒二年進士歷河南通許獲嘉知縣升用知府登雋遺茲堂詩集經亂板燬其裔孫從舊家藏書中錄出若干首又得極樂

續修四庫全書總目

卷

集部總集類

寺六詩共二十八首合以葆和萱壽軒遺詩三十九首立本可無詩存四十首訂為三卷前有三世爵里誌略及民國九年長沙程頌萬序後有裔孫師宗識語十三年印於武昌頌萬謂登雋出入杜蘇葆和稍近白陸立本取關吏治自出機杼殆非過許近人皖雅初集皆未錄蓋未見是集也

附錄傳記參考材料

祁門縣志

息游詠歌一卷 家刻本

劉啟瑞

當塗夏斅輯斅別有易君子以錄己著錄事蹟並已詳前是編因朱熹年譜別錄有愛誦屈平離騷諸葛亮出師表陶潛歸去來辭並杜甫數詩語而作又以熹所誦杜詩不可考附以熹齊居感興詩二十首為一卷為養疴三編之一除熹詩無注外餘皆考各本同異系於各字句下離騷又采戴震注分段並注音義至俗本指九天以為正兮夫唯靈脩之故也句下有曰黃昏以為期兮卷中道而改路二句斅謂當在

續修四庫全書總目

卷

集部 總集類

何所獨無芳草兮爾何懷乎故宇二句下又據文選江淹雜擬詩注改歸去來辭或命中車為或中柴車又以宋書南史及文選李善注均謂潛義熙以前書晉年號永初以下書甲子今本自庚子至丙辰皆書甲子乃唐以後傳刻之偽前有自序後有夏勤塘跋

附錄傳記參考材料

當塗縣志

青巖集十二卷 道光二十三年重印本 劉啟瑞

明許楚撰楚字芳城號旅亭又號青巖儀徵人原籍安徽歙縣諸生鼎革隱居事蹟具縣志遺佚傳是集十二卷卷一至卷六古今體詩分二子目曰山村草堂詩四卷曰白華堂詩二卷都六百零五首卷七至卷十二文首賦次序次傳狀誌銘次記次雜文次銘都百零九篇白華堂詩下注彙訂諸游草五字新安江賦下注男正茹集注五字乃康熙五十年及五十四年其孫象縉所編刻前有葉高標俞綬原序

續修四庫全書總目

卷

集部 別集類

二篇又萬雲國西陵竹枝詞序吳雯清渡河詩序林雲銘王泰徵陳鵬年新安江賦序詩文後皆有族孫士佐跋吳序撰於順治十八年林序撰於康熙六年陳序撰於康熙五十二年士佐詩集跋撰於康熙五十年文集跋撰於康熙五十四年蓋即刻於其時道光間八世孫濤重整遺板印行有道光二十三年黃豫記惟據文集卷八增餘草日序楚詩文授次子正邁等抄輯合四十六卷己亥秋掠於叛兵其友据集得鵝城舊京西陵桐江數草與散文雜詠百餘首命



曰蠅餘又俞綬序稱及門諸子收緝殘稿得詩文二十卷是集僅十二卷則所佚已多江南通志道光通志著錄青巖文集無卷數光緒通志作十二卷又著錄南村草堂集而不知為其詩之子目且皆列清代今據本書著錄並改列明代楚文學篇志東漢曾見賞於張溥稱為許子將王世禎見所撰新安江賦曰三百年無此作矣贈詩有一賦曾高六代名無人不識許芳城之句其為時引重如此俞綬稱其詩蒼涼古澹文幽奧特兀皆非讀三代以下書所有云

續修四庫全書總目

卷

集部別集類

附錄傳記參考材料

芥舟集一卷 傳鈔本

劉啟瑞

寶應喬崇烈撰崇烈別有學齋集棠花書屋詩均已著錄此則其康熙丙子一年之詩向未見著錄邑人相傳已佚今則僅有鈔本案康熙丙子之歲其父侍讀公家居之年修葺園林以自娛遵養時晦其後奉召入都居住旋即病沒蓋此時朝議即有左右不無恐懼禍貽之意其以芥舟名集取莊子覆杯水於坳堂之上則芥為之舟語莊子本謂水淺而開卷崇烈答友詩云芥舟容易怯波濤得句都堪續楚騷好為

續修四庫全書總目

卷

集部別集類

醉鄉分一席爭教人命等鴻毛則危苦之辭溢于言表而是歲七月湖水大漲漂沒人民廬舍不可萬計城郭僅存田稼不足問王樓邨有紀事詩哀音促節得少陵三吏三別之意崇烈乃弃稿不作而作屠牛伐樹二篇以補其未備又有劉漢人招飲適軒詩漢人為劉柳橋第三子柳橋有別業在西浦喬崇讓為繪圖而陶李題詩載舟車後集中圖藏劉氏遭亂遺失忽於焚燬得之重裝編徵題詠得詩甚夥今亦不幸為劫火所燬西浦樓圯後劉信芳有浪花書屋有題

詠見劉氏清芬外集而不知有適軒今芥舟集載有  
 劉漢人招飲適軒詩二首云劉郎有別業招我夏初  
 研對竹迂三徑屏花媚兩椽林深啼喚鳥窗靜午餘  
 蟬竟日淹留坐遽然自一天又云薄俗劣難諧雙扉  
 閉最佳種花容好事求友必無懷耐久看吾子娛閒  
 得此齋詩筒兼酒榼來往莫相棄云云是其旁尚有  
 適軒為漢人讀書之所今亦鞠為茂草矣又有次韻  
 和雨峯夏日再東間即事四首其第一首云兩翁觴  
 詠地我輩代為鄰蔓草同三徑麻衣各一身竹風疎  
 續修四庫全書總目 卷 集部別集類

事遠柘火革時新孤者傷偏易扶携比舊親第二首  
 云涼榭依流水深深獲柳斜最多蛙沸鼓不礙壑趨  
 倚客至頭先解雲間手背叉漸休迎夜氣明月半橫  
 榭第三首云城頭疎雨過池上晚風涼狎鳥翹無忌  
 浮花溫有香芡荷菱荇藻鷗鷺鶯鶯鶯與汝歡同澤  
 微嫌節物忙第四首云草閣何鄰近烟光一望收樹  
 重增密蔭蟬合太聊歌高咏出林響疎簾臨水幽往  
 來真可老世味絕忘求云云按再東間為雨峯別業  
 此詩不知清芬外集載否適軒詩則漏未列入也

附錄傳記參考材料

寶應縣志

續修四庫全書總目

卷

集部別集類

屏禪山館集不分卷 光緒元年儀徵劉氏刻本

劉啟瑞

儀徵汪和撰和字雲叔別字星掌道光十五年以廩  
監生領鄉舉殿廷履試第一試禮部被放挑取膳錄  
以海上禦寇功議叙知縣二十五年選授山西榆社  
知縣榆社士健於訟和賓禮儒雅主童子試卻富人  
之賂士載其德以訟為恥嘗植官榆柳數百株以其  
歲入代民完通賦二十九年移知河津縣濱黃河奸  
人袁大民設私渡斂財和執之按問如律一境肅然

續修四庫全書總目

卷

集部別集類

六年權知太谷七年權知靈邱九年權知沁次十年  
權知絳縣其莅官或數月一年輒代去所至以簡惠  
稱嘗曰夫吏事者愈治則愈紛要在易知易從與民  
相安而已上官嗟賞其言呼為儒吏嘗舉治行為百  
城法同治二年再知河津民聞和至歡聲雷動四年  
移知襄陵旋以疾乞休歸裝携書數千卷金石刻數  
十百種度所居之樓題曰倦游炳燭昕夕閱覽用自  
娛悅其好學不倦也如此既歿從外孫劉壽曾收拾  
遺文為刊一集名曰屏禪山館集集錄文凡十有三

首曰龍門山銘曰政連大夫四世碑曰續修河津文

廟碑記曰倦游炳燭樓記曰告牧令書曰太谷縣志  
序曰消寒雅集序曰殘編記憶錄自序曰書孝文郭  
姑事曰蘭佩芝墓表曰先府君行畧曰牒城隍驅狼  
文曰禱雨文大氏為政之文居多汪宗沂跋是集稱  
其文冲融夷暢秩然有德之音其龍門山銘代大府  
告牧令書尤為爾足雖雲叔不欲以文自耀而蘊深  
蓄厚固不可掩云云証之集中殊足徵信而倦游炳  
燭樓記尤足臻其老而篤學不減壯年畧云余自己

續修四庫全書總目

卷

集部別集類

未通籍作令晉中鞅掌風塵卷軸束之高閣每憶丙  
子歲隨小域仲兄遊庫與劉孟瞻薛子韻兩通儒所  
夕晤談至今嚮往仲兄以嗜學成疾貴志早世余雖  
不敏在官結習未忘暇即翻書同治丁卯余引疾去  
官歸裝祇藏書數千卷及山陝金石數十百種而已  
僦屋棠湖日夕登樓恣意流覽昔人以老而嗜學如  
炳燭之明余因願斯樓曰倦游炳燭樓以勵時學而  
娛老亦在是焉云云拳拳服膺造次不離於卷帙是  
亦耄而勉學者矣



附錄傳記參考材料

劉壽曾撰汪雲叔墓碑

續修四庫全書總目

卷

集部別集類

靈餘集四卷 家精刻本

劉啟瑞

丹徒朱士龍撰士龍字月樵事蹟無徵檢鎮江府志丹徒縣志江蘇詩徵京江耆舊詩傳均無士龍傳集首無序言末無跋語亦不克知其曾否入仕據集中有與江都汪孟慈唱和詩考之孟慈為嘉慶時人士龍度亦必與之同時是書凡四卷存詩五百餘首古今體詩悉備而尤以古體為多其詩摹擬盛唐胎息元白又能以哀怨之情出以濃至之筆純以比興見其志態張猗谷評其行神如空行氣如虹要屬確論

續修四庫全書總目

卷

集部別集類

集中有與汪孟慈贈答詩數首其和汪孟慈過明故宮詩云寒鴉啼老白門秋勝國遺墟悵獨遊永巷何人耕古瓦御溝有恨咽寒流上游不設橫江鎖南渡兼無泛海舟末季昏酣成底事高低禾黍迴成愁則譏明太祖兩度失著遂益覺其用筆沈厚又如為汪孟慈題梁園大招圖詩云誰將宋玉無窮淚濡毫寫此傷心事墨痕慘澹走精靈展卷虛堂風雨至荒園竹樹連雲起地闊烟巒帶流水山陽舊侶兩三人偃樓松軒陳八簋一聲皋復涕泗滴湖雲黯黯天蒼蒼

爐烟直上貫空碧。雲車風馬紛回翔。羈孤酹奠萬嶺  
南。魂歸來兮非故鄉。山川滿目限吳越。骨肉空悲天  
一方。自古英賢多潦倒。關山漂泊成枯槁。登樓詞賦  
感仲宣。易簣耒陽傷杜老。一代才名不數公。斯人一  
去江海空。舊雨爭齎磨鏡具。詞人共範寫真銅。四十  
年來人事改。畫裏諸君更誰在。獨有勞勞孝子心。楚  
些哀歌泣真宰。哀歌激烈無歲年。舉酒酹地心茫然。  
淒涼一片招魂紙。至痛深悲寄所宣。我對斯圖三嘆  
息。風木餘哀流楮墨。分明一卷蓼莪詩。座上賓朋俱

續修四庫全書總目

卷

集部別集類

動色霜露今誰暢。歲寒終身孺慕古來難。欲令薄俗  
知仁孝。試取梁園粉本看。其詩哀感頑艷。淒入肝脾。  
而題杜文貞公遺象詩。為尤甚。詩云。峨峨肩聳山。慘  
慘氣搖嶽。短衣脰不掩。長鏡命所託。誰濡窮士淚。寫  
此骨相薄。如見天寶年。烽火照城郭。憶昔讀公詩。令  
我心不樂。流離官拾遺。窮老入巖壑。招魂彭衙道。屈  
志嚴武幕。性命聞干戈。生計饜藪羞。低頭拜杜鵑。感  
興賦雕鶚。沉淪稷契身。悲涼屈宋作。生當右文世。斯  
人竟寂寞。我今瞻遺象。生氣儼如昨。手把浣花編。盃

水薦清酌。抗聲歌七歌。哀音動寥廓。其詩則又莽莽  
蒼蒼。有推直氣矣。

附錄傳記參考材料

集中答汪孟慈詩

續修四庫全書總目

卷

集部別集類

歷陽詩園十二卷 道光十一年刻本 劉啟瑞

邑人陳廷桂編廷桂有尚書質疑已著錄事蹟並已詳前是集十二卷卷一至十一詩錄春秋江上漁父至清陳廷植七十八人詩七百三十六首卷十二詩餘錄宋張孝祥至清孟成儒六人詞八十四首又仿朱彝尊詩綜詞綜例人列仕履雜引詩評附以詩話其殿以父國鳳兄廷植之詩則援唐元結篋中集金元好問中州集例也前有道光十一年自序並凡例九則末有絕句四首蓋即刻於道光間民國十年重印

續修四庫全書總目

卷

集部總集類

廷桂謂詠物必小中見大若略無寄興一概刪雜又謂七律在諸體中至難今世詩家動輒五十六字惟其易視是以多作極中時流之病詩話尤多考證有裨掌故戴本孝歷陽遺著所載既不皆鄉里吳本錫歷陽風雅未刻其書亦亡欲徵和州文獻者固非是編莫屬也

附錄傳記參考材料

安徽通志

池上姚氏詩鈔四卷 光緒十三年刻本 劉啟瑞

池州姚瀚輯瀚字北海一字竹園自號蝦湖亦自葉人同治間卒道光五年瀚得姚相唐七律數章於楊林書屋遂有編輯姚氏詩鈔之舉嗣遊廣東中寢迨歸乃再理前編成之有道光十四年自序及同治二年山左李福泰序歿後二十餘年子謙以遺命附錄瀚詩及謙與弟遜讓並姚氏名媛詩自明初至清光緒共得八十一人詩四百十二首釐為四卷又補遺姚濟詩十二首姚謙詩二十四首姚紹翰詩一首其

續修四庫全書總目

卷

集部總集類

編次不計世次年次存人各有小傳前有謙撰例言四則並序光緒十三刻瀚與同縣汪林劉仁章凌劉瑞芬姚潛姚琨結青山詩社桂超萬尊為騷壇主臬自言隨時采訪到處摛羅或得之誌書或得之文藝或得之摹崖或得之畫軸其用力蓋甚勤雖一家之集固徵文獻者所取資也

附錄傳記參考材料

池州府志



七家文鈔七卷 道光元年刊本

劉啟瑞

陽湖陸繼輅編繼輅字祁孫一字修平嘉慶時舉人  
著有崇百藥齋詩文集等此則其所選七家文也七  
家者方苞劉大槐朱仕瑋彭績姚鼐張忠言惲敬是  
也錄文凡一百有七首分為七卷各一家各錄  
文十數首數十首不等要皆視其佳否而後錄至其  
選旨見於繼輅自序畧謂我朝自望溪方氏別裁諸  
偽體一傳為劉海峯再傳為姚惜抱桐城一大縣耳  
而有二君子接踵輝映其間可謂盛矣然世之沈溺

續修四庫全書總目

卷

集部總集類

於偽體者固未嘗一日而息朱梅崖所處僻遠彭秋  
士年少心孤口人徒能自守而已有志之士所為嘔  
息也吾自荆川之歿此道中絕後有作者復超於歧  
途以要一時之譽乾隆間錢伯坰魯思親受業於母  
率之門時時誦其師說於其友惲子居張舉人二子  
者始盡棄其攷据駢儷之學專志以治古文蓋舉文  
研精經傳其學從源而溯流予居泛監百家之言其  
學由博而反約二子之致力不同而其文之盛然而  
清秩然而有序則由望溪而上求之震川遵嚴又上

而求之廬陵眉山南豐新安如一轍也夫君子之於

學也期與一世共明之而非以為名也非以為名則  
自為之與他人為之無以異也以二子之才與識而  
治古文實自魯思發之君子以為魯思之於文也賢  
於其自為也嗟乎魯思惜抱以老壽終而子居舉文  
齒猶未也乃皆不幸溘逝遺書雖盛行於世時而學  
者猶未能傾心宗仰每與薛玉堂畫水言之相顧浩  
歎畫水因出其向所手校二子之文又吳德旋仲倫  
所選梅崖秋士文十餘篇益以桐城三集以命繼輅

續修四庫全書總目

卷

集部總集類

律擇其尤雅者都為編目曰七家文鈔聯以便兩家  
子弟誦習云爾非謂文之止於七家與七家之文之  
盡於是編也據序所云以推其旨蓋欲闡揚桐城陽  
湖諸家之文而又不拘拘於墨守故梅崖等文亦得  
入選不偏不頗信得乎選文之正而繼輅為文若何  
亦可於其選旨証之矣

附錄傳記參考材料

常州府志

國朝文錄八十二卷 上高李氏刻本

劉啟瑞

上高李祖陶別有金元明八家古文選已著錄事蹟並已詳前此則所選國朝之文也凡八十有二卷錄作者四十人分為四朝曰順治朝選熊伯龍顧炎武陳宏緒黃宗義侯方域彭士望王猷定傅占衡賀貽孫九人曰康熙朝選湯斌施閏章陳廷敬張玉書王士正鄭日奎李光地宋犖姜宸英金德嘉邵長蘅十有一人曰雍正乾隆朝選朱軾孫嘉淦蔡世遠全祖望陳兆崙藍鼎元彭端淑黃永年劉大櫟錢大昕姚

續修四庫全書總目

卷 集部總集類

彙紀昉趙佑蔣士銓彭紹升李榮陞十有六人曰嘉慶朝選陶必銓劉大紳謝振定陳煥庚三人其所錄文人各一卷二卷至三卷而止有非三卷所能盡者則另為部帙如魏叔子汪堯峰朱竹垞方望溪李穆堂惲子居六人者是則名曰國朝六家文鈔蓋取雜而不廁之意是書卷首有祖陶自序論國朝文章源流升降頗多精蘊之言略云予選金元明八家古文竟復遵雲汀師意取我朝文集之行於世者次第讀之得其卓然可傳者約數十家而一代文章源流

升降之故亦略可窺焉順治朝能古文者首推熊鍾陵先生其他則故老遺民不肯見用於時遂壹意讀書作文思以空言垂世其大者指畫確鑿議論證據古今既非老生常談亦無文士結習若魏冰叔顧亭林黃梨洲陳石莊彭躬庵其最著者也次如侯朝宗王于一傅平叔賀子翼輩皆遠詞文耐人尋繹讀之如九霄鶴唳三峽猿啼韓子所謂物不得其平則鳴者誠有味乎其言之也康熙朝聖主當陽賢臣交贊天下平定人心安和一時元老鉅公如張京江陳午

續修四庫全書總目

卷 集部總集類

亭李厚庵湯潛庵諸先生以其正學發為昌言俊偉光明非明代楊東里李西涯所能及其他館閣之秀如汪鈍翁施愚山朱竹垞姜西溟又分道揚鑣直接歸唐之統彬彬乎如唐之元和宋之慶歷王阮亭宋牧仲以詩名文亦不俗毛西河雖不合格而氣盛言宜邵子湘敘事特佳黎魏曾議論最勝其餘如鄭靜庵金會公輩佳者尚多故讀康熙一朝之文如張樂洞庭之野八音競奏六律均調山水爭鳴魚龍竝嘯雖有坐部立部之伎亦瑟縮無以容身洋洋乎



盛世之元音矣雍正以後及乾隆之初累洽重熙人才輩出方望溪之峻潔李穆堂之沈雄蔡開之之嚴正陳星齋之高秀卓乎尚已而全謝山以淹貫之才表揚忠烈碑版璀璨與元遺山爭長藍鹿洲以經濟為文確乎可見諸行事亦近代所未有者也高安朱文端興縣孫文定不以文名而文皆醇茂蓋人品高者文自勝焉中葉以後學術多歧文體亦因之猥雜博古者以徵實見長意盡言中有書卷而無情緒師心者以標新自別音在弦外有神致而無體裁蓋談

續修四庫全書總目

卷

集部總集類

經既菲薄程朱論文亦藐視唐宋朱梅崖摹倣古文弊如明之王李而任意放言如袁子才者尤不足道然而二三老輩好學深思如黃靜山彭樂齋劉海峯姚姬傳趙鹿泉彭允恭魯絜非蔣心餘李厚岡者尚在在不乏淹博如錢竹汀詹事紀曉嵐尚書行文仍清氣盤旋恪守古法不媿一代之工焉嘉慶朝駢體盛行古文予不多見所見者惟陶荃江先生文存不多而迥絕流輩謝錦泉陳惕園劉寄庵王鐵夫諸集亦不失古文正軌而惲子居於簿書鞅掌中高自期

許嚴加繩削彌為難能而可貴焉昔梁洲先生之輯明文彙也謂有明一代作者不如唐之韓杜宋之歐蘇元之姚虞而所選之文則過於唐之文粹宋之文鑑元之文類良由不名一轍惟視其一往情深者而摭披之蓋情之至者其文未有不至者也予竊啟寡聞所學不及前賢之什一祇以平生雅尚篤在於斯遂敢分別甄綜忘其力之不足然亦不名一轍反復數過務取諸家之長故有明道之文而近膚者不錄有論事之文而大橫者不錄有紀功述之文而過諛

續修四庫全書總目

卷

集部總集類

者不錄有言情寫景之文而涉浮者不錄聚而誦之如接諸老先生於一堂之上而親聞其言論風旨也又如習與之處久從之遊并其心術之隱微性情之款曲境地之順逆興象之蒼茫無不了了而如見歷歷而可思也快哉快哉亦足以樂而忘老矣云云所論至為精闢考清文者具有取諸

附錄傳紀參考材料

清史列傳



輪臺文集四卷 舊鈔本

劉啟瑞

大興高澍梅編澍梅事蹟不可徵檢幾輔通志順天府志大興縣志均無其傳並其別字亦無考是書乃輯清人歌咏西陲諸地之作書凡四卷卷一為記昀烏嚕木齊賦歐陽鑑天山賦卷二為諸廷璋西域詩十二首曹麟開塞上竹枝詞三十首新疆記事詩十六首卷三為曹麟開輪臺八景詩八首王芑孫西陲牧唱六十首卷四為明亮望祀博克達山歌沈雲南山松歌丁茶山市歌洪亮奎天山贊等七首而所和

續修四庫全書總目

卷

集部總集類

太卷將軍闕勒山書事詩及新疆題詠詩十一首闕則目具而書未錄蓋已有關佚矣案西陲地理句勘考徵縱有記載散諸典籍求有集為一書者不可多覩是書雖輯先賢所著有關西陲之詩文以為一集而西陲地理亦可藉以明其端倪矣

附錄傳記參考材料

無考

國朝駢體正宗續編八卷 光緒戊子張氏寒松閣刊本張啟瑞

劉

嘉興張鳴珂選鳴珂字公東號玉珊晚號寐翁咸豐時以拔貢官德興知縣有政聲工詞著有寒松閣集已刊行此則所選駢儷文也先是曾賓谷都轉有國朝駢體正宗之輯海內稱為善本迨及鳴珂又近百年其間作者不乏名家或已有專集行世或已入各家選錄然皆去取繁蕪未云佳善鳴珂因師賓谷遺意重為續編體例悉本曾輯而選文多寡則已論之書凡八卷

續修四庫全書總目

卷

集部總集類

作者百人計第一卷為曾賓谷燠文三首劉金門鳳詠文一首王仲瞿白雲文四首陳雲伯文述文一首孫子滿原湘文一首李申耆北洛文三首陳恭甫壽祺文二首黃霽青安瀾文一首第二卷為金亞伯應麟文三首沈匏廬濤文二首王律芳衍梅文三首劉孟塗開文四首胡時棟貞幹文二首梅伯言曹亮文三首第三卷為董子誥基誠文二首董方立祐誠文四首徐辛庵士谷文一首洪幼懷

符孫文一首陳受笙均文一首曹稼山靖文一首  
龔璵人自珍文二首蔣子瀟湘南文二首錢新  
梧儀吉文二首黃鶴樓金臺文四首第四卷為  
方彥聞履錢文十首宋碩山世聲文一首袁穀  
廉翼文四首董夢蘭兆熊文四首第五卷為  
譚玉生瑩文九首吳和甫存義文五首何廉昉  
棧文二首馮林一桂榮文二首許綺漢麗京  
文一首黃韻甫變清文一首謝蔚青質卿文  
三首第六卷為姚梅伯慶文九首汪梅村士鐸  
文四首顧子山文彬文一首俞蔭甫樾文二首  
李冰叔肇增文一首蔡聽香名索文一首楊  
香仇峴文一首顧道穆復初文一首劉彥清  
履芬文五首褚二梅榮槐文一首第七卷為  
洪子齡壽文五首顧祖香壽楨文三首王  
眉叔詒壽文四首徐蘭史錦文四首第八卷  
為趙桐孫銘文三首郭晚香傳璞文三首汪  
穀金璵文二首張蘊梅景祁文一首繆馨吾  
德榮文二首譚仲修獻文三首沈蒙叔景修

文二首許竹簣景澄文二首張子虞預文一首  
易實甫順鼎文二首斯諸子者並清世儷文  
之巨擘皆膾炙於人口者而所選謹慎尤足與  
曾輯相埒其所以冠曾文於卷首者亦所以尊  
曾氏也

附錄傳記參考材料

嘉興府志

怡情小品六卷 舊鈔本

劉啟瑞

嘉善龔廷鈞錢永基選廷鈞字肇權永基字燭臣事蹟並無徵今據序中年月考之但知其為康熙時之人也書中選文既題曰怡情小品則可知為閒情逸致之作而所選作家又大抵為明清時人而尤以清人為多其間明代作者如李維楨陳繼儒袁宏道等皆小品文之最著者而清代作者如尤尤侗吳偉業曹瑤魏學洙等家雖不逮於明而各有造詣之不同焉至書中文體有賦冊檄露布表彈文文論贊銘傳

續修四庫全書總目

卷

集部總集類

記序題詞引疏書啟牋問說辨約題跋祭文墓銘雜文等類錄文都一百三十有四篇其賦如鏡中美人賦檄如門鵲檄文如留窮文論如魚頭參政論傳如浮沉生傳記如烏有園記題詞如南柯夢題詞等是也按卷首廷鈞自序云凡夫名公鉅卿寓言感慨佳人才子抒寫風流莫不借此小言以為嬉笑怒罵之資而世顧無專選何也豈非以短章刺幅為無當於世教哉然坎壈失職之久林壑韜光之子讀之輒不禁愴然而思托以寄志焉則小品固未盡置也云云

於此可知其選集之大旨矣

附錄傳記參考材料

卷首自序

續修四庫全書總目

卷

集部總集類



金元明八大家古文選五十三卷道光十五年刊本劉啟瑞  
上高李祖陶編祖陶字邁堂一字欽之嘉慶舉人  
博覽經史百家名盛一時有邁堂文略已著錄入  
別集類此則所選金元明八大家之古文也八大家  
者金元遺山元姚牧菴吳草廬虞伯生明宋景濂  
王陽明唐荆川歸震川是也是書凡五十有三  
卷選大都六百二十有四篇計所選金元遺山文  
七十八篇分為七卷元姚牧菴文四十二篇分為  
五卷吳草廬文一百篇分為六卷虞道園文八  
十三篇分為八卷明宋景濂文九十一篇分為七卷  
王陽明文六十八篇分為七卷唐荆川文七十九篇  
分為七卷歸震川文八十三篇分為六卷卷首有  
各家序述其選輯之旨略謂北宋而後金人據  
有中原雄視天下承平既久異才間出元人承  
之復為一統大德延祐之間古文號稱極盛明代始  
終幾三百年文體屢變論者病之然乘光岳氣完之  
時以抒寫其心思才力其文足接唐宋之統者要  
不可謂其無人也特自鹿門而後選詩者有人選

時文者有人而卒未有具兼綜條貫之才甄錄三  
朝四五百年之文別白而定為家數者豈非古今  
來一缺陷事哉邁堂篤學好古五十以前即有  
後八家之選質之陶雲汀制軍謂本朝文須另  
錄不可合為一編於是於元復取兩家而為金元  
明八家已又得兩家而為十家其首一家為金  
之元遺山其文雄次為元之姚牧菴其文古次  
為吳草廬其文精次為虞道園其文超次為  
歐陽圭齋其文暢次為危太樸其文潔次為  
明之宋景濂其文醇次為王陽明其文橫次為  
唐荆川其文厚次為歸震川其文清皆一代之  
精英所結不越乎唐宋而亦不局乎唐宋者  
第大樸為兩朝人於文於明難以位置圭齋集  
有新刻本可無容複且卷帙重大難以流行  
故乙此兩家而於他家亦稍稍減汰云云是  
則邁堂此選乃師陶雲汀遺意欲與歷代詩  
選相頡頏而甄別精詳去取確當亦足相埒  
誠無愧色然危太樸不以入選是則未免偏隘

有失衡文之旨矣。

附錄傳記參考材料

國朝正雅集

續修四庫全書總目

卷

集部總集類

古文一隅三卷 活字本

劉啟瑞

無錫朱宗洛評選宋洛字異齋事蹟無可徵據書中評注年月考之迨近人也。是書分上中下三卷。上卷選左邱明文二篇。李斯賈誼司馬相如李陵司馬遷諸葛亮王羲之陶潛文各一篇。蓋為晉以前諸家。卷中則選唐代諸家文。計駱賓王一篇。韓愈八篇。柳宗元七篇。杜牧之一篇。卷下則為宋代諸家文。計歐陽修八篇。蘇洵二篇。蘇軾四篇。蘇轍二篇。曾鞏二篇。王安石一篇。綜得作者十有九人。文四十有六篇。其

續修四庫全書總目

卷

集部總集類

評註之例。每篇按其意旨分評。奇暢秀峭古詩字於文題之下。而於文中則有細批。於文末則有總評。例如李斯諫逐客書一文。於題下評曰。暢首句臣聞吏議逐客竊以為過矣。夾行批云。總駁一句振起通篇。文本總評云。凡行文入手處要振得起。如此文首二句是也。頓束處要收得住。如此文此四君者云云是也。過接處要便捷。如此文取人則不然句是也。結尾處要開宕。又要完足。如此文地廣者一段何等開宕。物不產於秦四語何等完足。至通篇反正相足。順逆



相生長短相間整散相錯處尤見筆法之變云云此以文章結構而評之也他如歐陽修宦者傳論亦評曰暢總評云首層言其惑主二層言其擅權三層言其固寵四層言其弱主五層言其蓄謀種毒以上俱就禍之未著言六層禍始著矣七層禍難去也八層言人主實受其禍處九層言禍已決而不可收起處其用事也二句此言宦者致禍之由故為下九層提筆是分析全篇以清讀者之耳目也凡斯之類統體皆是以云詳晰則誠然矣若夫精慎則未逮焉意者

續修四庫全書總目

卷

集部總集類

宗洛此選逮備閭里書師擬祭之用歟

附錄傳記參考材料

無考

古文眉詮七十九卷乾隆九年刻本

劉啟瑞

金匱浦起龍編起龍別有史通通釋已著錄事蹟並已前此則所選歷代之古文也卷首有自序述是書緣起云歲戊申嘗膺薦至會城携史漢坊評本自随意與古會輒條辨之此綴筆之始甲寅為山長滇南出所積散見本肆遠方學者就衰合之得千有八百葉此彙鈔之始己未竊祿於蘇司教事又繕檢加塗乙復謄之此定藁之始紫陽書院在學地東北隅稍出其書院舍院

續修四庫全書總目

卷

集部總集類

士見之喜加商榷焉辛酉冬請率錢銀之版止之不可此開雕之始又三易歲而刻成計從事於此十有七年矣古者編摩之士窮該萬口口久一書一書論定舉世莫易沿及宋李昉而為評於是臆揣貌取傳相倣效而作者之時之指沒而不出吾惑焉吾審循其本一二而述焉詮於簡之額夫五官皆有職於面眉獨無有雖然眉弗具其宇弗表春秋元命苞曰天有攝提人有兩眉為其表候詮於額猶眉著於面云爾其得



迎

集部總集類

家選本所無者固不僅選次文章而已也

附錄傳記參考材料

無錫縣志

## 卷

集部總集類

五朝文鐸二十卷 光緒十七年刊本 劉啟瑞

新纂李壽萱編壽萱字蔭棠曾輯有五朝詩鐸取唐  
至清諸名家詩分修列目類皆以忠孝節廉為人勸  
勉今復取唐宋元明清五朝諸名家文凡有關人倫  
風化者名曰五朝文鐸其書依類分編為二十二類  
曰君道曰臣道曰忠烈曰循良曰愛士曰清廉曰賢  
濟曰父道曰子道曰友愛曰弟道曰賢媛曰貞烈曰  
節孝曰師道曰友道曰義行曰持身曰勵業曰勸學  
曰通志計其所選之文於君道則選唐高祖張蘊古

續修四庫全書總目

卷

集部總集類

魏徵等文三篇宋王禹偁司馬光等文十三篇元虞  
集文一篇清熊伯龍陳廷敬等文七篇於臣道則選  
唐韓愈文一篇宋歐陽修蘇軾李之儀文四篇元金  
附元好問虞集文二篇明歸有光文一篇清顧炎武  
等文十二篇於忠烈則選唐韓愈柳宗元文三篇宋  
石介歐陽修曾鞏文三篇明宋濂文一篇清黃宗羲  
等文十二篇於循良則選唐韓愈柳宗元孫樵文五  
篇宋歐陽修蘇洵等文四篇元金附元好問虞集文  
四篇明歸有光金聲文二篇清施閏章朱軾等文十

二篇以上卷四於愛士則選唐李白韓愈李翱文四

篇宋范仲淹等文五篇元金附元好問文一篇明王  
守仁文一篇清湯斌等文七篇於清廉則選唐元結  
文一篇清施閏章秦松齡文二篇於貪酷則選唐柳  
宗元孫樵楊夔文三篇清傅占衡文一篇於賢媛則  
選唐德宗文一篇宋蘇軾等文五篇明王守仁唐順  
之文二篇清朱軾劉大櫟等文六篇於父道則選唐  
柳玭等文四篇宋邵雍等文四篇明歸有光文一篇  
清藍鼎元陳唐煥謝濟世文四篇於子道則選唐明

續修四庫全書總目

卷

集部總集類

皇帝元結等文七篇宋歐陽修等文六篇元金附元  
好問吳澄虞集文五篇明宋濂唐順之歸有光文六  
篇清陳宏緒等文三十一篇於友愛則選唐舒元興  
文一篇明王守仁文二篇清侯方域等文四篇於弟  
道則選宋歐陽修蘇轍文二篇清黃宗羲陳兆崙汪  
由敦文三篇於賢媛則選韓愈舒元興沈亞之文三  
篇宋曾鞏黃庭堅朱熹文三篇明唐順之王守仁文  
二篇清藍鼎元等文八篇於貞烈則選唐李翱杜牧  
沈亞之文四篇明宋濂歸有光文五篇清黃宗羲王

猷定等文二十四篇於節孝則選明唐順之歸有光  
文三篇清熊伯龍等文十九篇於師道則選唐代宗  
等文六篇宋石介等文十二篇元金附元好問姚燧  
文二篇明宋濂等文四篇清彭士望等文十一篇於  
友道則選唐李華等文五篇宋范仲淹等文六篇元  
金附元好問文一篇明宋濂王守仁文三篇清施閏  
章等文十二篇於義行則選唐韓愈沈亞之文三篇  
宋石介等文四篇元姚燧虞集文三篇明宋濂唐順  
之黃省文四篇清王士正姜宸英等文十六篇於持

身則選唐韓愈等文十一篇宋歐陽修等文十四篇  
元金附元好問吳澄虞集文八篇明宋濂等文五篇  
清陳宏緒等文十一篇於勸業則選唐姚崇等文九  
篇宋歐陽修等文七篇元金附元好問等文四篇明  
宋濂唐順之文三篇清彭士望賀貽孫等文七篇於  
勸學則選唐韓愈于邵文三篇宋仁宗等文十二篇  
元金附元好問等文四篇明宋濂等文四篇清顧炎  
武等文十二篇於通志則選唐王績駱賓王等文十  
三篇宋歐陽修等文十篇元吳澄文一篇明宋濂等

文七篇清施閏章鄭日奎等文十三篇都為二十卷  
去取精詳選次確當而每家文首各具傳略蓋取孟  
子論世知人之意也

附錄傳記參考材料

卷首自序



文章練要十卷 康熙間王氏居業堂原刊本 劉啟瑞  
大興王源評選源別有居業堂文集已著錄事蹟並  
已詳前此則所評選歷代之古文也計分六宗百家  
二類六宗曰左傳曰孟子曰莊子曰楚辭曰戰國策  
曰史記百家者公穀管韓諸家一也漢書以下諸史  
二也漢魏諸名家集三也六朝而下不與焉其為古  
文規撫秦漢以是六朝以下弗取源嘗謂六經者文  
之祖六宗者別子為祖而各立門戶以為宗百家不  
能出六宗範圍六宗不能出六經範圍而究莫出乎

續修四庫全書總目

卷

集部總集類

一陰一陽不可測之道於此亦可以知其大旨所在  
矣惜乎其所刻者僅左傳一書而已至其評選之例  
凡十有二端其大要者如論文之善例云序事之文  
全看序法不論事之善否今人往往以事之善即認  
為文之善不知文之善有在事中者有不在事中者  
論史論文可相溷乎熟讀茲編便知其故又評文之  
例云評語皆挾作者之意知其意而後知其章法知  
其章法而後知其文之所以妙皆枯心嘔血而得之  
者非若近人徒贊其如何好如何好而毫無得於古

毫無益於今者比也讀者須詳觀而熟玩之若誇一  
目十行之能如諺所謂走馬看山者則有負評者苦  
心矣不必讀可也又論讀文之例云文章之妙全在  
無字句處近代作者論者皆不過于字句求之所以  
去古人日遠而古道幾乎熄茲編全不求之字句間  
但欲得古人真面目真精神而已可以近人觀宋文  
之目觀之乎須一洗陋習方可讀此否則不讀可耳  
云云三例所稱可謂詳論而自序所云尤見其讀左  
傳之精自序畧謂吾于左氏不得其意者思之思之

續修四庫全書總目

卷

集部總集類

不得又重思之得一意焉以為是矣非也又得一意  
焉以為是矣又非也何以知其非也不能貫也廢食  
寢累日夜忽得一意焉曰是矣反覆思之曰是也何  
以知其是也曰貫矣貫則無不貫光明瑩徹窅冥洞  
達引伸觸類久之如登九霄觀日月如置身六合外  
指點造化之迹風雷水火不過天地之一端何況一  
草一木鳴乎心知其意殆如是乎龍門我師也自知  
之自樂之可與不知者說夢而增其嗤哉于是隨所  
得而識之卒業而藏之以待天下後世之好學深思

心知其意者云云由是更可見好學之深篤思之切非湛於理學者不克辨此是則此編所選不僅以選文著且以見源進德之次第焉

附錄傳記參考材料

清史列傳

續修四庫全書總目

卷

集部總集類

劉啟瑞

古文近道集八卷 同治戊辰年王氏培槐堂重刊本

會稽王贊元編贊元字蓮伯咸豐時舉人官德清教

諭此則居官時所選凡八卷各各一類一曰正學二

曰洗心三曰篤親四曰明義五曰植節六曰明治七

曰辟惑八曰積善蓋贊元服膺理學故選文分類一

以近道為主故名曰近道集首有汪曰積序述其書

大凡云曾子有言出辭氣斯遠鄙倍矣曰古文則必

遠於鄙曰近道則必遠於倍殆此編之宗旨歟居與

余同舉於鄉十餘年未相識及余官會稽教諭始得

續修四庫全書總目

卷

集部總集類

締交稔其為人孝友循謹力敦古誼期不倍於聖賢而其論文亦不外此皆深戒彫鏤塗縷之習與尋常選家興趣即此一編觀之已可略見其學行之大凡矣夫古今文章充棟折軸即擇其近道之作亦不勝僂指是豈區區數卷所能囊括而靡遺第就所錄論之固皆彬彬乎文質相扶而遠於鄙倍者君之意本求精不求備也昔宋李湯伯紀選妙絕古今當時頗嘗其闕略迨後人以其時事出處證之始知其取去不苟法戒勸懲篇篇具有微意蓋非深知其人者不

足以知其書也。余於此編亦云。汪序所稱殊深推重。蓋世之選文者多矣。而選近於道者。實寡。贊元此選。別具一格。宜其為汪氏所稱道。弗哀也。書中分類。各有其序。尤臻其選文之慎。如一正學類。小序云。統肇唐虞。學傳孔顏。如矢赴的。以道為閑。莫深匪淵。莫高匪山。四勿唯敬。百家可刪。偉哉洛闕。屹然當關。集正學。二洗心類。小序云。心本虛靈。物交故深。沐浴聖化。義聖盤銘。珠養益瑩。鏡磨益明。舊染盡滌。清光丰呈。平旦幾希。不息乎誠。集洗心。三篤親類。小序云。天地

續修四庫全書總目

卷

集部總集類

明察有懷。二人養體養志。悅親順親。上追祖禰。旁逮友昆。行遠自邇。邦家率循。肇修人紀。以興於仁。集篤親。四明義類。小序云。事君大倫。天人攸賴。敬以直內。義以方外。沃心紀願。惟道所在。夫婦朋友。和不失介。於餘明明。配我剛大。集明義。五植節類。節如山立。屹不可撼。兩間浩氣。於斯乃見。志汚行墜。哀亂之漸。富貴崇朝。骨朽顏汗。精白一心。死生何忝。集植節。六翊治類。小序云。保泰扶危。求賢孔急。正己正人。一心一德。念絕身家。望孚民物。力小任重。鮮不顛蹶。凡百君

子敬事後食。集翊治。七辨惑類。小序云。孰冒非幾。辨於四端。由微及著。昭析賢奸。道本至公。欲勝則偏。然屈照怪。披露見天。優劣得所。居之允安。集辨惑。八積善類。小序云。善或不報。非與禍期。惡有幸免。豈為福基。行心所安。幽獨難欺。積金易匱。積穀或饑。惟善惟寶。度幾得之。集積善。之此八序。言皆近道。均屬鑿鑿。可傳。固非泛泛選家所可望其項背也。

附錄傳記參考材料

續修四庫全書總目

卷

集部總集類

紹興府志



講筵四世詩鈔十卷 嘉慶三年刻本 劉啟瑞

桐城張曾虔輯曾虔字呂環號彞秋乾隆貢生官宿  
州訓導是集十卷所錄為張英瑩其子廷瓚廷玉廷  
璐廷瑒孫若潭若需若需若澄曾孫曾敬等十人應  
制之詩以一人為一卷每卷皆先以小傳其曰講筵  
四世詩鈔者以諸人皆曾充經筵日講起居注官也  
嘉慶三年刻於江寧有朱珪翁方綱曾燠沈業富謝  
啟昆吳貽詠劉權之序板燬於亂光緒十九年裔孫  
紹棠重刻故事講官缺自掌院學士兼充外詹事以

續修四庫全書

卷

集部總集類

迄編修檢討皆得入選然有官厯坊局而不得一充  
者故仕宦以詞臣為榮而詞臣又以講官為最切張  
氏祖孫父子接踵入直尤為希有之事茲編標銜彙  
次非第修一門之盛即康熙乾隆三朝之史亦藉以互  
證焉惟朱珪序文又見吳鼎文集則鼎代珪作也

附錄傳記參考材料

桐城縣志

續中州名賢文表六十八卷 光緒甲辰印本 劉啟瑞

海虞邵松年編松年別有海虞文苑已著錄事蹟並  
已詳前此則其視學河南時之所輯也其自序述纂  
葺顛末云兩河居天下之中嵩邱靈秀代有傳人伊  
洛淵源於今未墜曩歲奉命視學斯邦采訪遺書得  
明劉欽謨氏中州文表一書所以表章元代六君子  
之文與道宋牧仲氏謂其有功于前賢甚大特序而  
刊之善化黃舒昂氏掌教睢陽更輯有國朝中州名  
賢一集予念前明一代尚付闕如因搜獲月川先生

續修四庫全書

卷

集部總集類

以下十先生文集仿文表例輯為是編手錄五年始  
竣都六十八卷以續劉氏文表之後學識淺陋不敢  
多所芟除以待後賢訂定云云蓋其視學之時更為  
文表續輯有功於文獻甚偉其書編例凡得八端一  
明劉欽謨所輯中州名賢文表為元代六君子茲編  
則以前明一朝為斷二前明中州理學不止十先生  
然採訪諸家不盡有專集行世即如新安呂維祺文  
散見呂孟集中其文集不可搜得即其一例三各集  
體例不一茲編則悉從文表依類編次四文表不列

本傳清世宋牧仲重刊始將六君子傳補入首卷其附錄間有神道碑墓誌銘茲編則將傳冠於各集之首明史有傳者居首家傳碑銘等次之其附錄則專錄各集之序跋有關於考證者五十家中薛文清呂司寇集行世已久其崔文敏何文定曹月川尤西川孟雲浦五先生集中州尚有其書然崔集板已毀何集字多漫滅故薛呂兩家刪去較多餘存十之八九六王文莊集為鈔本張抱初集文最少理寒石集板久毀故三家悉存之特稍易編次以歸畫一七古文

續修四庫全書總目

卷

集部總集類

家以作文不可離入語錄語此特以文論然文以載道表其文乃所以表其道故各集中文少者間採語錄及與師友商榷語亦文表例也八詩賦為詞章之學然名賢興到吟咏亦多見道之言茲從文表例間亦採入惟薛文清詩集久已行世卷帙頗繁不復掛一漏萬全書大要殆盡於此書凡六十有八卷計卷一二為曹月川卷三至卷十為薛文清卷十一至卷十八為王文莊卷十九至卷二十八為何文定卷二十九至卷四十為崔文敏卷四十一至卷四十六為

尤西川卷四十七至卷五十為孟雲浦卷五十一至卷六十二為呂新吾卷六十三至卷六十四為張抱初卷六十五至卷六十八為理寒石都十人

附錄傳記參考材料

海虞文苑序

續修四庫全書總目

卷

集部總集類



潞安詩鈔前編四卷 道光己亥常氏寡過未能齊刻  
本

劉啟瑞

潞安常煜纂訂煜字經垣事蹟無可考是書乃取程  
二漳潞安明詩選重為纂訂者據自序云余自道光  
丁亥引疾歸里家居無所事事欲取程二漳潞志拾  
遺而參考之以存數十年未志之文獻編求其書不  
可得得其潞安明詩選四卷雖刪存未定而搜羅宏  
富固已哀然可觀矣因與友人連寶東重加抉擇細  
酌去留詳注其里爵出處信者因之疑者闕之繁冗

續修四庫全書

卷

集部總集類

有裁之故十傳中因其舊者半斟酌而損益之者亦  
半閱歲成書作者九十四人共詩七百一十三首名  
曰前編所以別時代亦以成二漳志也云云具見是  
書纂訂之顛末而是書錄詩之先後尤足見其考訂  
之精詳如卷一為李惟馨詩三首杜穀詩六首郭坤  
詩一首中甫詩二首李濬詩一首劉潔詩四首清源  
莊簡王詩一首栗鉅詩一首劉鳳儀詩二首審安王  
詩七首劉龍詩五十七首王廷相詩五十九首潘憲  
王詩二十一首劉愛詩二首卷二為李新芳詩十五

續修四庫全書

卷

集部總集類

首栗應麟詩六首趙秉中詩四首潘宣王詩三首鎮  
康恭恪王詩一首安慶端懿王詩四首保定惠順王  
詩二首德平榮順王詩二首朱允楨詩八卷朱允牀  
詩三首朱允枏詩一首朱允樞詩一首朱允摠詩二  
首朱允枏詩一首張鐸詩十首栗應宏詩三十六首  
程應登詩七十五首卷三為栗永祿詩二十一首任  
環詩四十三首李尚寶詩五十首仇熠詩一首屈諫  
詩一首趙希夔詩一首吳朝柱詩一首李朝佩詩一  
首王潤詩一首鮑承蔭詩一首郭恬詩二首郭忻詩  
一首楊旣詩一首楊湘詩二首郭邦驥詩一首朱卿  
詩一首宋澤詩二首崔大德詩一首李尚智詩二首  
郝良臣詩四首趙洛詩一首李世芳詩一首姚九功  
詩一首鄒欽詩一首鄒繼業詩一首潘定王詩八首  
朱煜煥詩五首朱理圻詩十九首朱理燿詩二首朱  
理堉詩二首朱玉源詩一首朱效鑑詩八首朱理煥  
詩二首朱雲谷詩一首朱理圻詩二首朱煜煥詩一  
首朱效鑑詩一首李夢熊詩一首卷四為周一格詩  
二十二首吉人詩十三首宋荃詩一首高環詩二首



程尚勤詩十八首、胡承勳詩五首、沈國華詩十九首、李一爵詩十六首、程正己詩四十五首、程正家詩六首、李時耀詩一首、賈經樹詩一首、郭世元詩一首、朱迴濂詩二首、楊四重詩一首、楊四易詩一首、王之相詩十一首、玉峽關女子詩一首、懶雲詩三首、交光詩二首、來元詩一首、神霄宮題壁詩一首、明李鸞仙詩一首、無名道士詩一首、水碾村鸞仙詩一首、合為四卷、都成一集、雖云卷帙未弘、而所收詩家已倍程氏、是則其搜羅之勤、更逾於程氏矣。

續修四庫全書總目

卷

集部總集類

附錄傳記參考材料

無考

虞邑遺文錄不分卷 傳鈔本

劉啟瑞

常熟陳揆輯、揆字子準、道光時諸生、好古籍、富藏書、所居稽瑞樓、編有稽瑞樓書目、著有稽瑞樓文草等、是書為常熟縣圖書館傳鈔本、雖未分卷帙、標明卷數、夾考其實、則六卷也、按是書之輯、蓋以名公鉅卿、以及方外藝術諸家、流寓虞邑者多、而所著詩文有關於虞邑者亦甚衆、故輯為遺文、以為邑志之采、今考其所錄之文、如碑記、傳誌之作、大都有闕、一邑之文、獻而作者、則以宋元為限、然其一二卷中、雖為元

續修四庫全書總目

卷

集部總集類

人文二十七篇、但作者不僅宋元、而多明初人、當是生於元季者三、卷為宋人詩五十八首、五六卷為元人詩一百二十二首、輯者均於每題之下、注明撰人、以及出處、蓋便尋繹之故、至其所注出處、有錄自別集者、如元文中、福山東嶽廟興造記、下注鄭元祐倫、吳集是有錄自筆記者、如跋五牛圖、下注孔克表、研齋三筆是有錄自志乘者、如宋詩中登雲海亭、下注邱岳、無錫舊志是有錄自總集者、如元詩中舟中夜作、下注趙煥、元詩選是、凡此之類、層數難終、惜乎此

書無序無跋不足以考其選旨而又無總目亦不知此書究為完帙否也

附錄傳記參考材料

同治重修蘇州府志

續修四庫全書總目

卷

集部總集類

西江詩派韓饒二集宣統庚戌姚埭沈氏仿宋刻本劉啟瑞

嘉興沈曾植輯曾植別有寐叟詩文詞集已著錄事

蹟並已詳前此則其所輯宋西江詩派韓駒陵陽集

饒節倚松集也按西江詩派詩集宋史藝文志著錄

為一百十五卷續宗派詩二卷書錄解題著錄正集

一百七十三卷續集十三卷文獻通考著錄與解題

同據陳氏詩派解題下稱詳詩集類自林敏功高隱

集起至江端我陳留集止所謂皆入詩派者其次第

當即詩派次第綜其卷數計林敏功高隱集七卷林敏

續修四庫全書總目

卷

集部總集類

脩無思集四卷潘大臨柯山集二卷謝逸溪堂集五

卷補遺二卷謝邁竹友集七卷李彭日涉集十卷洪

明清虛集一卷洪芻老圃集卷洪炎西渡集一卷

韓駒陵陽集四卷別集二卷高荷還還集二卷徐俯

東湖集二卷呂本中東萊集二十卷別集二卷晁冲

之具茨集十卷汪莘清溪集一卷饒節倚松集二卷

夏倪遠遊堂集二卷王真方歸叟集一卷李錞李希

聲集一卷楊符楊信祖集江端本陳留集一卷凡二

十家九十二卷益以別出之山谷集三十卷外集十

一卷別集二卷后山集六卷外集五卷皆明言詩派者已溢出一百三十七卷之外尚有祖可瀑泉集十三卷善權無隱集三卷都計合於後村總叙二十五家之數而卷數則為一百六十一卷矣詩派有舊本有增刻諸家次第見於宋人紀述者各各不同就其最可依據者陳氏所錄與後村所叙亦不盡同劉氏明言舊本以呂紫薇居后山上而陳氏所錄乃在徐東湖之次劉言紫薇以高荷殿諸公而陳錄高在陵陽之次不知陳氏所錄為江西舊本耶或即黃汝嘉

續修四庫全書總目

卷 集部總集類

所校刊耶北宋詩家之有江西詩派猶南宋詩家之有江湖詩集江湖詩集留存於今者諸家卷第種種不同度詩派理亦宜然七百年來世間遂無流傳完帙釋茲疑竇深可惜也其零本單行者如此之饒韓二集晁叔用集謝幼槃集呂東萊詩集皆有慶元己未校官黃汝嘉校刊題記一行得藉知為詩派刻本而韓饒兩集板式不同晁集十行二十字與饒同江西詩派四字在第一行又與饒集列第二行者不同諸本皆自宋本傳模而差互不齊乃爾亦足推見原

本之刻非一時成非一手矣曾植少喜讀陵陽詩堂得倦園所藏舊本讀紫薇詩話童蒙慕倚松之為人而詩集恨未得見宣統己酉繆藝風訪曾植於皖署談次謂有景宋本甚精相與謀并陵陽集刻之屬陶子琳開板武昌工未竣而兵起工停越歲壬子乃得見樣本於滬上適會盛伯希祭酒家書散出中有殘宋本倚松老人集為吳君昌緩所得藝風通信津門屬章式之就樣本校一過行款字畫纖細不遺曾植復從嘉泰普燈錄中搜得如壁大師傳一篇為向來詩

續修四庫全書總目

卷 集部總集類

苑所未見者錄附卷後自慶元己未迄今宣統癸丑七百有餘歲韓饒文字精神僅藉此詩派小集再傳雕印亦云幸矣而曾植與藝風存古之功尤有不可沒者

附錄傳記參考材料

沈寐叟年譜



明文英華十卷 康熙間顧氏傳萬堂刊本 劉啟瑞  
吳江顧有孝編有孝別有唐詩英華五朝名家七律  
英華等已著錄事蹟並已詳前此則所選明世文也  
首有潘耒序畧云往余在京邸嘗與朱子竹垞商確  
斯事竊謂明代名家如宋金華之渾厚方遜志之英  
爽吳匏菴之淳深王文成之明達唐荆川之紆徐歸  
震川之簡潔錢牧齋之雄博黃陶菴之堅凝是皆天  
地元氣其專集行世炳然與日星爭光固不待選以  
侍此可以選可以無選者也至於洪永以降成弘以

續修四庫全書總目

卷

集部總集類

前人崇實學為文多有矩矱而別集不廣日就湮沒  
其僅存者雖不甚著名之家單篇隻簡亦多可觀此  
必藉選而後傳者也嘉隆以後摹訪蹈襲之風盛行  
鉅公聞人輒有文集汗牛充棟大半蕪穢間有名篇  
傑作如珠汨泥如蘭沒草其不同歸覆瓿者幾希此  
非選必不傳者也竹垞深然余言亦嘗有意共為討  
論而蹉跎未果比歸里門則顧茂倫已從事於此再  
踰年而書成屬余為之序云云潘氏所言雖云與竹  
垞商推然顧氏選旨適與朱潘商推之意相合即此

已可以見是書之大致書凡十卷卷一為宋濂劉基  
劉崧三人文三十一篇卷二為高啟趙訪等十一人  
文二十篇卷三為方孝孺朱夏等十四人文三十四  
篇卷四為李賢劉夏等二十八人文六十一篇卷五  
為李夢陽何景明等七人文十六篇卷六為徐積卿  
王守仁等十三人文二十七篇卷七為王慎中羅洪  
先等八人文二十八篇卷八為宗臣王世貞二人文  
十三篇卷九為吳桂芳鄒守愚等十九人文二十八  
篇卷十為文震孟錢謙益等十三人文四十三篇都

續修四庫全書總目

卷

集部總集類

共作者百十有九人文三百一篇要皆卓卓可傳者  
然卷十錄及牧齋未免斷代不明有失選家通例是  
亦為美中之不足者

附錄傳記參考材料

蘇州府志

應求集四卷 王氏詒安堂刻本

劉啟瑞

上海王慶勳輯慶勳字叔葵事蹟不可考檢志書亦無其傳是書首有黃燮清序燮清字韻珊海鹽人道光舉人工詩有倚晴樓集國朝詞綜續編諸書與王慶勳友善故為序略謂叔葵觀察鴻才遠識以維持世運提倡駢雅為己任輯海內近詩若干家編次成集名曰應求其間或神交或素識詩之清奇濃淡各不同而別裁偽體以歸於和平正大之音則無不同此固風聲之所繫而非直闢發幽隱已也云云其

續修四庫全書總目

卷

集部總集類

名應求者蓋取易之同聲相應同氣相求之意也書凡四卷所收諸家蓋為乾嘉以後道咸以前諸人都百餘家大率江浙先賢為衆末附閩秀三家則一時之中輟才雋也

附錄傳記參考材料

無考

北麓詩課四卷 道光刊本

劉啟瑞

金華張作楠編作楠字再村嘉慶間進士官徐州知府通九章算術著有翠微山房數學已著錄是書乃作楠與同時師友倡和之作卷首有自序述其事云乾隆戊申己酉間曹珩圖開泰與邑人方警齋國泰方海槎元鵬邵勿齋聲芳及方醴泉應鳳王海應麟兄弟結北麓詩課越三年余與珩圖從子立人位陳慎齋仁言金月林夢梅與焉嘉慶己未後曹謹齋寅馮羊山慎中及舍弟舫齋作揖族子硯山允提復與

續修四庫全書總目

卷

集部總集類

馬分題刻燭極一時文酒之盛余與羊山各錄得詩課草藏之年來或老或病或死或宦遊四方風流雲散付之一夢矣今春舫齋來婁東校刊珩圖師遺集成擬併輯課草適羊山亦携藏本來固合二本編為四卷昔浦江吳清翁結月泉吟社偶然聚首而羅公福輩田園雜興詩尚傳誦至今況同人唱和時越十年詩成巨冊又何忍聽其沉埋蠹腹惟清翁當日力能合數郡之人今僅及同邑同邑同時能詩者不少課中僅十四人即十四人大半有專集晚年定

本或較勝此編今祇就篋中所有編次蓋意在志一時聚散之迹故依陸魯望編松陵集楊大年編西崑酬唱集例兼錄拙作非敢效為挺章國秀集之響也云云是書顛末大略可知今案課中之詩有五相酬答唱和者有數人兼咏一題者有分題各為吟咏者都作者十有四人古今體詩九百九十一首

附錄傳記參考材料

金華府志

續修四庫全書總目

卷

集部總集類

樂遊聯唱集二卷

經刻堂叢書本

劉啟瑞

鎮洋畢沅等撰沅字秋帆乾隆二十二年以舉人為內閣中書軍機處行走二十五年一甲一名進士授修撰累官陝西按察使陝西布政使陝西巡撫等職事蹟詳諸清史稿清史列傳本傳是書乃官陝西時與幕僚遊閩中勝蹟之聯句也書凡二卷分為上下上卷為古體詩如華嶽聯句一百韻龍門聯句昭陵石馬聯句周忽鼎聯句等下卷為今體詩如開城石經聯句華清宮故址聯句等交是也沅居陝最久於閩中地理頗多考訂見於著述此雖為政之暇與同幕共遊擊節賦詩而於諸名蹟間亦具考證是亦可知古人讀書造次於是雖小道必有可觀者焉

附錄傳記參考材料

清史稿

清史列傳

續修四庫全書總目

卷

集部總集類



周浦二馮詩草二卷 活字本

劉啟瑞

南匯朱益明編益明事蹟不詳是書乃輯其邑先輩  
丁岵瞻元配馮履端繼配馮履瑩姊妹之作履端所  
作曰繡間草履瑩所作曰團香吟益明跋稱原書湮  
漫處甚多字細耳草後經其重加繕錄署名曰二馮  
詩草據光緒南匯志載監生丁岵瞻妻馮履端字正  
則瑩字守璞姊妹皆以詩稱端歸丁蚤卒有伴讀吟  
稿岵瞻復聘瑩為繼室亦有繡餘詩鈔按繡餘為繡  
間之誤且為履端之作非履瑩也按丁岵瞻字懷庭

續修四庫全書總目

卷

集部總集類

號綏祿監生邑乘無傳丁竹村周浦詩鈔云曾伯祖  
性不嗜酒而好吟詠杜門却軌伉儷偕和世以趙凡  
夫陸卿子稱之岵瞻先娶履端結褵十四年而歿繼  
娶履瑩只一年零三月而卒寧非造物所忌乎古之  
姊妹繼者如王拱辰之于薛劉公暉之于趙皆是  
昔人有大姨夫作小姨夫之嘲艷則艷矣然未聞其  
姊妹俱嫺吟咏而有詩稿流傳也何物懷庭坐享二  
妙雖羅浮易醒仙夢難圓得非福之絕無僅有者乎  
繡間草計詩六十首詞五闕團香吟計詩二十七首

雖存者甚夥然已足為閨秀生色不淺矣

附錄傳記參考材料

無考

續修四庫全書總目

卷

集部總集類

新安二江先生集八卷附玉華詩鈔一卷文峰遺稿一卷  
嘉慶九年揚州江氏康山草堂刊本 劉啟瑞

歙縣江春江昉撰春字穎長為金壇王步青弟子善屬文尤長於詩與程編修夢星齊名以五經應試未第遂出其才治經業上官知其能擢為總商理經業四十年中凡祇候南巡者六祝皇太后萬壽者三迎駕天津山左者二最後入京赴千叟宴國家有大典禮及二種災賑兵餉河餉捐輸上官有所籌畫惟公是詢累封至光祿大夫喜吟詠好藏書廣結納主持

續修四庫全書總目

卷

集部總集類

淮南風雅當乾隆三十一年十二月十九日為蘇文忠七百歲生日與諸人懸像於小山僧之寒香館賦詩一時文人學士如錢司冠陳群曹學士仁虎蔣編修士銓金壽門農陳授衣章鄭板橋雙黃北垞裕戴東原震沈學子大成江雲漢立吳衫亭煊金樓亭北燕或結縞竹或致館餐卑節虛懷人樂與遊風亭月榭觴詠無廢與玲瓏山館馬氏相埒所著有隨月讀書樓詩集三卷弟昉號旭東又號硯農與鶴亭為同祖弟性恬靜以詩書自娛所著晴綺軒詩意境清遠

得宋人高格尤工填詞慕姜白石張叔夏之風故其

練溪漁唱詞二卷清空蘊藉無繁麗弱襲之情除激

昂踔蹶之習可謂卓然大家又嘗集宋人七言詞句

為絕句詩九十首妙思清響如出己手是書為江氏

昆弟所撰計卷一至卷三為隨月讀書樓集江春撰

錄古今體詩二百十六首黃海遊草三十二首深莊

秋詠詩七十二首卷四為晴綺軒集江昉撰錄古今

體詩一百三首卷五為昉集宋人詩句為七絕凡九

十首卷六卷七為練溪漁唱凡詞一百一十六闕卷

續修四庫全書總目

卷

集部總集類

八為集山中白雲詞句二十六闕附玉華詩鈔一卷存古今體詩一百五十一首為江振鷺撰又文鋒遺稿一卷存古今體詩六十三首江振先撰並為春昉之姪蓋能傳世父之業者吳錫麒評江氏詩見於春序略謂余觀鶴亭詩寄意高遠氣度豁如平生經濟不得試之表亦時時寓於其內而澄里胸無塵滓又頗耽琢小詞一唱三嘆詩既並傳名俱不朽而程邦憲序亦評謂澄里詩幽真高介耽山水之游尤刻意南北宋小詞自詩文交契外不多酬應喧寂異性聞

劇異形詩境亦約略近之乃其處膏不染以文酒為性命而超然於流俗酣豢醉飽之外云云二家所評推崇備至蓋饒商能詩已云難覩况又工美誠難得矣

附錄傳記參考材料

卷首阮元撰傳

續修四庫全書總目

卷

集部總集類

劉啟瑞

滇詩重光集十八卷 光緒戊子五塘山人自刊本  
石屏許印芳輯印芳字麟篆號五塘山人事蹟無可考據卷中選文時代臻之殆清季人也是書專輯道光以後詩家之詩以補昔賢各選之所未逮其選書顛末見於王先謙序畧謂石屏許麟篆廣文寄示近所刊滇詩若干卷且告曰吾滇文學代不乏人國朝尤盛嘉慶初保山袁廣文文典第季有滇詩文略之刻而乾隆前作者賴以有傳咸豐初昆明黃文潔公琮刻滇詩嗣音集道光以上風雅略備丙辰後燬於

續修四庫全書總目

卷

集部總集類

兵大亂初平文物凋喪學人間作雅音未哀率以無力梓行旋就湮佚吾為此懼輯光緒以前文踰十家詩踰四十先刻詩編仿嗣音例命曰重光集前之遺者補畧者增次輩行附事實俾論世者有攷已編而燬者重刻之費無出捐俸入贍續成之有助與否非問也云云凡許氏選書之旨大畧在是而書中大要亦可緣知書都十有八卷錄詩家二十人詩一千四百餘首大氏為道光光緒間人每人附小傳與各家選集之例相合其書初為許氏自刻卷數未分目錄



並闕許氏卒後書尚未成其門人袁嘉穀復補編目  
釐訂卷次重印以行即此本也至所錄詩家為孫謙  
唐士吉魏定一范仕義胡霖蒼鄧學先戴家政黃琮  
戴綱孫朱蘊陸應穀孫清元何彤雲許漢芳李珣李  
士熊李承運張中翼蘇侗鄧煜並一時之名士也

附錄傳記參考材料

無考

漢南詩約二十卷 民國丁巳鉛印本 劉啟瑞

漢陽雷楚材編楚材字蘭樵號菊溪少孤受學於長  
兄建中寔家計嘗賈漢皋以暇力溺苦於學家世能  
詩兒時已習韻語旅夜抒懷為明白篇姊婿許孝廉  
鸞亭見而說之乃令綴賈仍就學壯歲入膠庠與諸  
兄俱為名諸生蘭樵尤刻意時行專力博覽其論文  
謂必根抵史漢然摘取唐宋諸家不屑屑逐時尚事  
弋獵恒以此振後進從遊者多擢高科獨蹇於遇卒  
老名場無所獲既衣食於教授常橐筆館四方為愁

遙怨助發詩情間歲即攜成卷帙因是詩益有名蕭  
給諫昆田朱庶常養民熊教授兩溪皆折節與定交  
聯詩社恒推執牛耳所著詩有自怡集舒懷草鳩棲  
集石鑑山房集芥舫集等此則所輯其鄉先輩詩總  
集也起自國初都為一集曰漢南詩約而其人尚在  
者不與焉凡廊廟山林閨秀方外極數十年搜羅共  
得若干首其間若醉白突星樽酒等集久已板行固  
膾炙人口若厄窮士積半世工苦生前遭際亦既坎  
坷身後子孫又復零落其著作久盡蝕於斷簡殘編

之中微此編其不湮沒者幾何哉況漢陽襄廣不過百有餘里自清初迄蘭樵裁百六十餘年而人才間出篇什弘富得非蘭樵遴選之功歟是書輯例大要有八一茲集以存漢陽一邑人詩為主鄰邑名稿雖多不入二吳鳳浦所刻漢陽五家詩選雖久行世但此外名作如其未可以五家概漢陽故特從而廣之庶不令詩人湮沒三是集所編詩人斷自國朝其尚屬前代之人如王章甫珍魏賞延晉封劉赤存元命陳百川東之概從刪削四凡集中所錄詩俱經選擇

而詩約云者蓋取由博入約之意五凡漢陽前人有善詩者為遍求遺稿而採錄之或其人僅有一二作見於他處以及載在郡縣志乘者蘭樵皆亟登之以存其概六詩原以理情情不知其人其蘊即性情無從想見故於每人名下臚列字號及其生平出處大畧或攷諸志乘或得諸傳聞撮叙小傳庶幾以詩傳人之意也七是集分二十卷人以年次為先後間或偶有參差亦非有所低昂蓋詩以體分先古體後今體其無古體者但以五七律絕為次期於一律而已

八是書先列諸家以閩秀縉流為殿蓋仿唐詩品彙明詩綜國朝詩選及別裁集山左詩鈔之例綜斯八端全書大要從可知矣書凡二十卷計卷一至卷十九凡錄作者百六十有三家卷二十閩秀十家縉衣九家

附錄傳記參考材料

漢陽志

貴池二妙集四十七卷附錄四卷光緒二十七年刊本

劉啟瑞

貴池劉世珩編世珩字聚卿號蕙石貴池人光緒二十年舉人歷官江南候補道度支部參議貴池二妙為吳應箕劉城朱彝尊靜志居詩話所謂伯宗次貴池二妙才氣亦相敵者也應箕所撰曰樓山堂集凡二十七卷城所撰曰嶧桐集凡二十卷光緒間世珩得吳集夏刻本又得劉集康熙刻本校補合刻取彝尊語名之又於吳集增入五律一首劉集增入題後

續修四庫全書

卷

集部總集類

一首均依體附入附錄四卷則傳記序跋年譜之屬吳譜當塗夏燮撰世珩重為釐訂劉本無譜乃世珩所編光緒二十七年刻成有繆荃孫序及自序並跋余懷序嶧桐集謂當與樓山集合刻而迄未果世珩乃於二百餘年後為完此志二集已各著錄茲復錄入總集以不沒其表章先哲之功焉

附錄傳記參考材料

安徽通志稿

池州府志

續修四庫全書

卷

部



皇朝經世文編一百二十卷 道光六年原刊本 雙

峯書屋巾箱本

劉啓瑞

善化賀長齡輯長齡字耦耕嘉慶十三年進士改翰林院庶吉士十四年散館授編修十五年充廣西鄉試副考官二十四年充文淵閣校理尋記名以御史用二十五年充日講起居注官十二月升詹事府左春坊左贊善道光元年授江西南昌府知府二年陞山東兗沂曹濟道四年署山東按察使七月授廣西按察使九月調江蘇按察使七年署山東巡撫旋丁

皇朝經世文編

卷

集部總集類

母憂服闋授福建布政使十六年調直隸布政使旋陞貴州巡撫二十五年擢雲貴總督均有善政其在江蘇布政使任時輯有皇朝經世文編一書凡一代之碩公龐儒俊士時民之言在焉都若千篇為卷百有二十為綱八曰學術曰治體曰吏政曰戶政曰禮政曰兵政曰刑政曰工政為目六十有三言學之屬六曰原學曰儒行曰法語曰廣論曰文學曰師友言治之屬五曰原治曰政本曰治法曰用人曰臣職言吏之屬八曰吏論曰銓選曰官制曰考察曰大吏曰守

今日文胥曰幕友言戶之屬十有二曰理財曰養民

曰賦役曰屯墾曰八旗生計曰農政曰倉儲曰荒政

曰漕運曰鹽課曰權酷曰錢幣言札之屬十曰札諭

曰大典曰學校曰宗法曰家教曰昏禮曰喪禮曰服

制曰祭禮曰正俗言兵之屬十有二曰兵制曰屯餉

曰馬政曰保甲曰兵法曰地利曰塞防曰山防曰海

防曰鹽防曰苗防曰勦匪言刑之屬三曰刑論曰律

例曰治獄言工之屬九曰土木曰河防曰運河曰水

利通論曰直隸水利曰直隸河工曰江蘇水利曰各

皇朝經世文編

卷

集部總集類

省水利曰海塘為例五一曰審取書各有旨歸道存乎實用志在措正施行何取紆途廣徑既經世以表全編則學術迥其綱領凡高之過深微卑之溺糟粕者皆所勿取矣時務莫切於當代萬事莫備於六官而朝廷為出治之原君相迥群職之總先之治體一門用以綱維庶政凡古而不宜或汎而罕切者皆所勿取矣會典之沿明制猶周官之監夏殷然時易勢殊故極必反凡於勝國為藥石而今日為筌蹄者亦所勿取矣星曆掌之專官律呂祗成聚訟務非當急

人難盡通則天文樂律之屬可略焉勿詳也論議之與叙事本皆要文而碑傳之紀百行難歸各類今惟鑒海各防間存公案數則其他紀述之作雖工焉勿登也例畫則義崇宗定則志一二曰廣存有利必有害論相反者或通相成見智亦見仁道同歸者無妨殊轍是以保甲之難易軍屯之礙通封礦之開闢喪祭之聚訟差徭則均雇相難河流則南北爭持鹽課有歸商歸稅之殊耗羨有歸公歸官之辨籌餉輔則水性土性異宜議轉漕則般運海運旁出桑漳築堤

而謂宜去堤吳淞建閘而謂宜去閘漕渠為千古大利而或極言其害釀結為古今通禁而或極陳其難主橫王形偏岐難定惟集思而廣益庶執兩以用中則取善之宜廣也文無難易惟其是詎容善素而非丹聖有訓擇于狂未可因人以廢論矧夫通用之文無分高下之手或通言巷議涓流輒裨高深或大冊鴻編足音寥同空谷故有錄必披無簡可略匪但專集宜尋亦多他書別見則網羅之宜廣也三曰條理綱舉目張事繁則理簡方展分疆畫界之規宜

妨會通觸類之旨漕儲裕國事專戶而河漕相關則并宜問之工矣水利動帑事係王而農田救荒又牽連天戶矣有治人無治法故倉儲保甲各專門者仍挈其原於吏知治家即治國故宗法家教皆自修者而屬其政於禮經筵偏陳天下之庶政而義主陳誨則政本歸焉風俗脩羅人事之缺失而義嚴非禮則正俗統焉他若出札入刑服制通乎斷獄寓兵于農保甲亦可審丁此異而同者也至于同類之中各有倫族之紀一荒政而蝗蛟疫癘胥該一農政而蠶桑

牧樹成屬學校則邑貢舉為政則兼驛傳錢幣先以礦廠地利旁及城堡下河本淮揚水利而入之河防則清漕桑為畿甸河工而濫之水利則混此同而異者也甚至數篇之內先後毋移兩文之間切磋互發物其多矣方以聚之石有左宜是在君子四曰編校氏里官爵總彙卷端考陸氏切問鈔之敘乃乾隆四十載所刊時海峰東原歸然並存而風俗時憲已收數作殆以切時之言無須身後始出蓋今所錄成據槩本保無于瞻海外未辨存亡樂天時人已疑今古



彼既行世之書吾取經世之益其有見聞所及確然生存則止旁注集名虛其氏字庶文資乎救時復例絕夫標榜若夫論事尚簡明而公牘之蔓冗易晦建議期切實而應見或擇焉不精不節冗將以無文妨行達也不去偏將以小疵廢大醇也豈必待韓而削荀抑亦揜瑕以全璧至于句讀以省瀏覽圖識以明章段上法老泉讀孟近仿黎洲文定云爾五日未刻創編之始善願良奢尚有會典提綱十卷以稽其制皇輿圖表十卷以測其地職官因革十卷以詳其官

續修四庫全書

卷

集部總集類

更輯明代經世一編以翼其旨庶幾自葉流根循源達渤質之往古如貫串措之當世若指掌欲脫全案尚待他時先出是編以當贅孰益欲識濟時之要務須通代之典章欲通當代之典章必攷屢朝之方策選舉考察職掌之必悉而後可以審立官賦權俸餉出入之周知而後可以制國用度律等威服制不明其別何以辨五刑之儀文山川關塞郵驛不審其方何以籌九州之控馭明罰敕法準乎律例如程物之有衡隄防疏濬各有情形必左圖而右史蓋土生木

禾出米米成飯而耕穫舂炊之節次宜各致其功不可謂土能成飯也脉知病病立方方需藥而虛實補瀉之萬變宜各通其要不得謂一可類推也必有真儒微斯實用狂簡不敏故有俟焉綜斯五例審其體別誠綱舉而目張體大而思博顏黃門所謂隱括有條例剖析窮根源者斯書之謂矣昔康熙中詔陳廷敬編次皇清文類開一代輯文之例屢後私家為之選輯者如姚椿之國朝文錄吳翌鳳之國朝文徵悉屬斯例而需輯當代經世之文以規一代之隆污升

續修四庫全書

卷

集部總集類

降者則始於吳江陸燿之切問齋文鈔而是編為之大備蓋卷帙之富條理之密搜采之宏抉擇之精自有文類以來蓋無有過於此者宜世人奉為圭臬迄今稱道弗衰也與之同編者曰邵陽魏源字默深世之通儒也

附錄傳記參攷材料

清史稿

清史列傳



石城七子詩鈔十四卷 光緒十六年刻本

劉啓瑞

江甯翁長森輯長森字鐵梅生十齡而孤性警敏嗜讀書稍長學制義於候杏樓學詩賦於龔謙天古學文於汪梅村既補諸生屢試不售乃援例為知縣分省浙江初試安吉有善政旋補雲和治如前以積勞保升知府鹽運使銜會甯海教案起大吏檄長森往治並署理其縣事亂旋平復攝鎮海奉祀新城均有政聲少故於學儲書極富尤留意鄉邦文獻旁搜博

續修四庫全書

卷

集部總集類

采輯為金陵叢書若干卷遭亂力不能刊同里蔣師轍為成其志是編亦其所輯之一也時粵寇甫平曾文正公戡亂石城開館治山蒐羅天下才雋論議其中而石城秦際唐陳作霖鄧嘉緝顧雲蔣師轍何廷慶朱紹頤等相與頡頏其間談藝論道東南壇席俱為極盛時人因目之為石城七子之七子者咸與長森識每有論議輒就長森定可否隱然推長森為領袖長森亦宏獎風流卓為時望光緒庚寅輯七子詩為一集名之曰石城七子詩鈔錄秦際唐南岡草堂

1

詩選二卷陳作霖可園詩存二卷鄧嘉緝扁善齋詩選二卷顧雲盍山詩錄二卷蔣師轍青溪詩選二卷何廷慶寄滬詩存二卷朱紹頤挹翠樓詩存二卷都十四卷各為起迄襍而不廁其詩洪纖抗墜固不必一致大都身經喪亂深於涉閱觀其感時撫事攬物興懷多鬱抑怨悱之思若抑塞而無誰與語者然而辭微旨遠抱屠薪捧土之憂而不蔽於時尚流連慷慨深情若獨足使人歌哭無端欬然長喟是亦重可慨已按七子事迹可徵者秦際唐字伯虞上元舉人

續修四庫全書

卷

集部總集類

天才特敏角藝流輩亡慮數十數一時場屋士咸以謂張鷟之萬選溫岐之八义不是過也顧扼於春官房考嘗馳書二千里所以慰企良殷然不復上學涉亦富熟國家掌故某時某地某人某政與友朋襟坐輒援臂出之在堂滿堂在室滿室焉陳作霖字雨生一字伯雨江寧舉人性簡靜親老不復與礼部試一門之內融融怡怡郡人爭美之於書多所涉尤留意鄉邦文獻有所睹輒手自抄撮短帙細書累累然盈几案皆是後之能文章者生平無矯厲之行與偏宕

之言躬持繩檢一切軌於平易益擇然而後蹈者鄧嘉輝字熙之江寧優貢生考授教諭待銓少日間關流離歷漢若黔卒自殖於學讀書好深湛之思古文詞剴蘊藉篆書行楷並工為人落落自矜貴而意製亦多如張融不可有二也顧雲字子鵬有謂其介如石者因自號石公少遊河南北舞稍盤馬用豪俠自意既乃折節讀書攻古文詞儀徵劉壽曾謂專力子長橫逸之氣得天授為多非其鄉管梅所能圍焉性不能詭時微論悠悠勢位歸里後家徒壁立假館益

續修四庫全書

卷

集部總集類

山薛廬園林頗勝遂持以自娛不以窮約屑意焉蔣師轍字紹由上元拔貢生性孝友父官山左貧且病出則營養入則侍疾兄沒祀事嫂氏甚謹述其行事並人所難焉嘗馳驅大河南北垂十數年又一主臨朐講席故治水要領熟究於心尤善篆書精許氏說於學無所弗涉一以致用為程世亦以幹才許之何延慶字善伯江寧舉人參謀衛軍事有年荐保以知府用性剛爽有執挺然魁出一時似汝穎間奇士學行並礪為文取法六一尤殫心時事於中外交涉

講求尤至軍中批讀亦恒有誦之者即其才亦可見其人矣朱紹順字子期溧水舉人以質行著稱友愛諸弟一出至誠性儉少髮時人因目為苦行頭陀善與人交友朋有纖芥過必曲加規諫改乃已蓋不僅僅若飲醯醪然也生平勤於學特嗜蕭選顧不類其質行也此七子者事迹並見江寧府志溧水縣志張通典所為各家傳今略著其行事如是以備徵文考獻者助焉

續修四庫全書

卷

集部總集類

附錄傳記參攷材料

陳作霖撰翁明府傳



嶺南三大家詩選二十四卷 同治七年南海陳氏重刊本

劉啓瑞

番禺王隼選集字蒲衣父邦畿明末副貢以詩名隱居羅浮著有耳鳴集隼七歲能詩早年志棲道嘗素家入丹霞尋入匡廬居太乙峯六七年始歸性好琵琶家稍裕即理書手胝口沫無休時嘗即彈琵琶琵琶聲益急則其寤益甚著有詩經正謬嶺南詩紀梳山七書大樗堂集等其所選輯者則茲編是也嶺南當清初時詩人稱極盛南海梁佩蘭程可則順德陳

嶺南三大家詩選

卷

集部總集類

恭尹番禺王邦畿方殿元暨殿元長子選次子朝同以詩鳴粵中人稱為嶺南七子而佩蘭恭尹詩尤著與屈大均又稱為嶺南三大家隼嘗與佩蘭恭尹相唱和同以詩齊名故知之亦最深而大均又素所折服者因選為是編都二十四卷卷一之八為佩蘭詩卷九之十六為大均詩卷十七之二十四為恭尹詩而三家詩又各以古樂府五言古七言古五言律七言律五言絕七言絕五言排律雜體等次之按佩蘭字芝五號藥亭順治十四年鄉試舉第一屢上公車

嶺南三大家詩選

卷

集部總集類

不得志日與同志砥礪文學金臺舉社事推佩蘭與朱彝尊輩主壇坫一時風雅稱盛佩蘭每有所作爭相鈔誦康熙二十七年成進士年六十矣故榜曰佩蘭方坐論正平卒年與摩詰轡輪袍事得捷音色不為動弟曰老而成名歸得肆力於丘索足矣改翰林院庶吉士不一年遽乞假歸途經齊魯吳越與舊遊詩筒酒醖放浪湖山里居十五年屬下詔敕守土官促詞臣久於外者令赴館就職佩蘭入都散館以不能圖書不入等故歸為人孝友不事家人生產輕金重義屢空晏如結社蘭湖以詩酒為樂好誘掖後進客以他事請者引疾不聽聞持詩文至則披衣倒屣指畫不少倦其詩從漢魏入不借徑三唐新城王士禛秀水朱彝尊吳江潘耒尤推重之著有六堂堂前後集恭尹字元孝號獨漉山人明兵部尚書邦彥子性聰敏端重幼承父訓習聞忠孝大節邦彥殉國難時恭尹纔十餘齡無家可歸留閩浙者七年一日有父友過於途責之曰君先人未葬宗祀未託奈何徒欲以一死塞責絕忠臣後耶恭尹泣而謝之既乃歸



蔡先人於增城因泛舟出虎門渡銅鼓洋訪故人於海外久之歸與陶竄梁無技就同邑何衡何絳兄弟家抑志讀書相砥礪世稱為北田五子已復游贛州轉泛洞庭再游金陵至汴梁北渡黃河徘徊太行之下於是南歸戢影田間築室羊城之南以詩文自娛自稱羅浮布衣恭尹修髯偉貌氣局深沉其為詩真氣盤鬱激昂頓挫足以發幽憂哀怨之思而寓忠孝纏綿之致自言志學以往皆為憂患之日故於文辭取諸胸臆者為多著有獨漁堂集大約原名紹隆字

續修四庫全書

卷

集部總集類

翁山明諸生遭亂棄去為浮屠名今種清史列傳誤作今釋今據感舊集後返初服更名大均能書善詩嘗讀書祁氏寓山園不下樓者五月久之游吳北走秦隴與李因篤輩為友又自固原携妻至代州上谷走馬射生縱博飲酒世嘲笑之不顧也再上京師下吳會游江寧還粵詩長於山林邊塞五言近体尤工著有九歌草堂集之此三子詩各優勝藥亭之詩如良金美玉韜鋒斂米溫厚和平置之清廟明堂自是瑚璉圭璧然寶氣難掩時復光燄奪目翁山詩如萬壑奔濤一寫

千里放而不息流而不竭其中多藏龍蛟神怪非若平湖淺水止有魚蝦蟬鼃故翁山詩視佩蘭元孝為獨多元孝詩如哲匠當前衆材就正運斤成風既無枉礪亦無廢棄梁棟榱題各適其用準程規矩不得推為工師時或咿嚶若伸所痛則亦小弁之怨孔子不刪未足病也盤山王煥亦謂三大家之詩各有短長藥亭之詩才人之詩也翁山之詩學者之詩也元孝之詩詩人之詩也信為的評而元孝之詩尤見稱於王漁洋杭堇浦漁洋詩話云元孝詩在三君中

續修四庫全書

卷

集部總集類

尤清迴拔俗杭堇浦題獨漁遺象有云嶺海論風雅平生一瓣香又云淒涼懷古意豈是屈梁能蓋又獨尊元孝矣

附錄傳記參攷材料

王 隼 清史列傳

國朝詩人徵略

廣東通志

梁佩蘭 清史列傳

國朝詩徵略

感舊集

廣東通志

國朝詩別裁集

屈大均 清史列傳

感舊集

廣東通志

陳恭尹 清史列傳

國朝詩人徵略

續修四庫全書總目

卷 集部總集類

感舊集

廣東通志

全唐詩鈔八十卷補遺十六卷 嘉慶十三年精刻本

劉啓瑞

元和吳成儀選成儀字景華號拙庵父銓官吉安太守歸築遂初園於木瀆雲林杳霭花藥參差有柳堤鶯轉竹溪烟雨爽臺秋月莎邨觀刈松間聽濤巖東霽雪諸勝景華購書數萬卷藏其中多宋元善本一時名流多歸之子泰來字企晉號竹嶼與諸名流唱酬其中迨十餘年詩名鵲起大旨宗王漁洋而得其神似青浦王蘭泉司寇亟稱之謂吳中自沈德潛外

續修四庫全書總目

卷 集部總集類

無能抗手者世服為知言企晉名既著世遂多忘景華景華名亦為所掩道光同治兩修蘇州府志均敘成儀傳僅國朝先正事略國朝詩人徵略泰來傳徵引及之略如是而又謫其名為用儀蓋世人忘之久矣是編乃選櫛欽定全唐詩而成者全唐詩都九百卷康熙四十二年奉敕編定已著錄四庫入總集類提要稱其義例謹嚴校註周密得此一編而唐詩之源流正變始末釐然自有總集以來更無如是之既精且博者惜卷帙浩繁檢閱難遍且措語不無純駁



立休不無高下沈歸愚宗伯選唐詩別裁時業已病之刪繁就簡蓋為急務景華是選亦即此意其選顧之旨凡唐詩之專於賦景略於言志者弗取發凌厲峭急之音失溫柔敦厚之義者亦弗取必託意遙深寄情雅正興趣蘊含神采煥發合乎六義之遺者而後取之其意蓋至正其例亦至嚴信乎歸愚宗伯稱之謂唐詩之源流升降悉具於此非虛譽也然其與全唐詩異同之處尤足以見其抉擇之慎就其異者言之全唐詩以明海鹽胡震亨唐音統籤為叢本而

續修四庫全書

卷

集部總集類

旁採殘碑斷碣稗史稊書為輔網羅賅備細大不遺茲編則以向來選家所登者為主而凡可成誦者始采入此一異也全唐詩卷帙既富考核未詳宋明人詩亦或誤采茲編則悉加刪訂而五代時人如徐鉉胡宿等雖多歸宋後作亦並鈔入此二異也全唐詩有一詩而互見各家者頗覺重複茲編則悉加考定列入一家此三異也全唐詩詩人爵里小傳分列本集之前茲編則於卷首彙錄一卷刪裁就約以便檢閱此四異也全唐詩即廟樂章及樂府歌詩彙載卷

首仍自分隸各集顧覺繁複茲編則釐入各集不復分載此五異也全唐詩詩內有注為一作某者所以証同異備考訂也茲編則意在從簡酌擇其一餘不附注此六異也全唐詩編列詩人不分初盛中晚以科第前後生卒年歲為次茲編固遵其例然如劉長卿不應列孟浩然李白之前高適杜甫不應列韋應物李嘉祐之後似覺稍謬特為改正此七異也全唐詩內填詞謠諺酒令諧謔識記蒙求占辭各各綜載茲編則以其本非詩體概不鈔入此八異也之此八

續修四庫全書

卷

集部總集類

異可以見其求之廣而擇之精矣學者倘以此為的探取其性情準則其体格涵詠其神韻優而柔之鑒而飲之由三唐仰溯六朝漢魏以上協乎風騷則全唐詩為學者之淵海而是編又為學者之津逮矣聞弦識曲其在藝林之賞音者乎

附錄傳記參攷材料

國朝先正事略吳泰來傳

國朝詩人徵略吳泰來傳



國朝詩別裁集三十六卷 乾隆二十四年精刻本  
乾隆二十六年翰林院刪訂三十二卷本

劉啓瑞

長州沈德潛纂德潛字確士號歸愚乾隆三年舉人四年進士改庶吉士散館授編修累官內閣學士禮部侍郎加尚書銜謚文愍事迹具詳清史稿本傳是編乃文愍所輯別裁詩之一國朝詩文無善本或尊重名位或藉為交游結納不專論詩惟陳其年篋行集較諸本為善然祇及康熙癸丑以下闕如文愍因

續修四庫全書

卷

集部總集類

綜纂歷代之詩都為一集上起順治下迄近世為卷三十有六錄詩千餘首以補其年之未備以正各家選政之失傳世國朝詩選本迨母過於此者書成進呈乞序高宗片具首列錢謙益謂為不忠之人列錢名世謂為名教罪人慎郡王書名而不書爵謂為大不敬因命翰林院重為刪訂存三十二卷並以申斥之言列諸卷端以昭炯誡世所通行者皆此本也是書選例一以詩存人不以人存詩蓋建樹功業者重功業昌明理學者重理學詩特其餘事也故有功業

續修四庫全書

卷

集部總集類

理學可傳而無工約語者急采之否則人已不朽不復登錄其緒餘二人必論定於身後蓋其人已為古人則品量與學殖俱定否則或行或藏或臨或駁未能遽定也集中采取雖前後不同均屬已往之人三詩必原本性情關乎人倫日用及古今成敗興壞之者方為可存所謂其言有物也若一無關係徒辨浮華又或叫囂撞牆以出之非風人之指矣尤有甚者動作溫柔鄉語如王次回疑雨集之類最足害人心術一概不存四詩人名下未詳生平者祇載其表字省分郡邑與夫科目官位之有無若傳志可攷軼事可傳詩話可引或詳或略輒綴評論使讀者得其詩品並如遇其為人五卷中有科目者一以科目之先後為次無科目者約以輩行之先後為次世祖十八年俱先科目而後詞人聖祖六十一年若準此例恐輩行之先後太相懸殊故三分二十年科目詞人相間次第之世宗朝及乾隆二十五年以前仍準世祖朝之例六人之無名位者一生無他嗜好惟摩挲硃斲於五字七字之中而忽焉徂謝苟無人為表而章

之人與詩歸無何有之鄉矣予與同人遠近徵求志  
其生平聊存發潛幽之意七閩閩詩人諸選中多取  
風雲月露之詞故青樓失行婦女每津津道之非所  
以垂教也選本所錄固非賢媛有貞靜博洽可上追  
班大家韋選母之遺風者宜發言為詩均可維名教  
倫常之大而風格之高又其餘事也以專詩品以端  
壺範誰曰不宜八國初詩僧有素儒而逃入禪學者  
詩自激昂頓挫錚錚有聲其後多習口頭禪說以偈  
為詩即有稍知向學者亦祇奉弘秀集一類為金針

續修四庫全書

卷

集部總集類

於源流升降茫然於中也廣為蒐羅共得四十三人  
中有能讀儒書通禪理者格外賞之其例都十有五  
今櫛錄其八而全書之體制與夫選旨大略盡之矣  
夫詩至有唐為極盛學者每從此入以唐詩多蘊蓄  
宋詩則發露蘊蓄則韵流言外發露則意盡言中降  
至明世益復不振迨於有清始大昌明雖未能悉臻  
上乘要亦相去未遠文藝所選合百年之巨作以統  
其會歸尤能得風雅之正所謂詩之醞乎醞者其所  
以名別裁者所以取裁乎正以別於不正也

附錄傳記參攷材料

清史稿

清史列傳

道光重修蘇州府志

續修四庫全書

卷

集部總集類



關里孔氏詩鈔十四卷 家刻本

劉啓瑞

曲阜孔憲彝輯憲彝字敘仲號繡山一號秀珊道光  
丁酉舉人官內閣中書才華發越天骨開張嘗侍父  
梅樹學博官長蘆津門學博分啓梅花詩社名流角  
藝繡山以弱齡獨整一隊洎隨侍益城句留江淮間  
交游益衆咸子履學博陳雲伯大令皆拳拳於繡山  
規譽交至大令咸稱其古鼎詩畝之陶雲汀中丞弱  
冠遊京師朱虹舫閣學見其詩於陳荔峯侍郎座中  
擊節歎賞以其子妻之及應禮部試座主黃樹齋為

續修四庫全書

卷

集部總集類

題行看子有雲龍之譽惜屢厄場屋竟不獲售退而  
著述積稿盈几有對藏樓詩錄等所輯有關里孔氏  
詩抄曲阜詩抄均梓行孔氏祖述先聖代有詩人累  
世相傳子孫法守降至敘仲已七十有二代繩繩繼  
繼方興未已其間詩人每慮千百數或已通顯行世  
或竟掩沒未彰其遇與不遇蓋亦有幸有不幸者敘  
仲是編之輯乃寓表闡潛幽之意斷自清初迄於近  
世所以不及明以先者以代遠年湮故也其例凡八  
一孔氏別集自十一代咸二十代融而下不下千餘

家而世祿遠遠每多散佚如三十七代巢父集十卷

雖載在唐書竟無傳本其他亦多類是今斷自國朝

做史通例限也二孔氏輩次以宏聞貞尚衍興毓傳

繼廣昭憲慶繁祥十五字為次今編次不論支派科

第遠近俱以輩次先後為主惟衍聖公為大宗主卷

不在此例之卷首以志敬宗之意三每字輩首名下

書孔子幾十幾代孫以備考核自興字輩以下則書

於大宗名下後皆從省四五經博士例應衍聖公次

子世襲常博廕生則無定例故凡襲博士者不書某

續修四庫全書

卷

集部總集類

公子常博廕生則書某公第幾子若世襲知縣執事  
官則由揀選授職不在此例五是鈔或以詩存人或  
以人存詩例與選詩異故有全稿行世者所錄亦止  
數十首而一二殘篇則不暇特擇亟為登入蓋以徵  
求遺逸表闡幽潛初為志也六是鈔止載已往之人  
其有見存於世者概不登錄徒昭明文選例也七是  
鈔兼附小傳其爵位事迹俱本之關里志關里文獻  
考曲阜縣志等書亦有考志未載取諸家傳墓志及  
族譜者若軼事可傳詩話可引不憚纂錄以備知人



論世者采覽焉。八孔氏支分派別。若南渡諸宗。及流寓戶。滙為一編。可至數百卷。是鈔由近而推。限於聞見。不能遍及也。至於閩秀。則另為一編。列為卷末。其例大略盡此。而其選旨亦附見焉。按滙一家一姓之詩。而為一集者。要以宣城梅氏詩略為最廣。然所收至唐迄明。亦僅數百人。不若孔氏之衆。是編所輯。僅斷自國初。而其人之盛。猶如此。若上推子思以下。迨不勝枚舉矣。其所以名詩鈔而不名集者。亦所以別於刪詩之意也。

附錄傳記參攷材料

國朝正雅集

八家四六文鈔九卷 較經堂原刻本 紫文閣補刻本 巾箱本 坊刻本 劉啓瑞

全椒吳鼎選。鼎字山尊。嘉慶四年進士。改翰林院庶吉士。散館。授編修。八年三月。以大考一等二名。陞侍讀。九年充廣西鄉試副考官。游陞侍講學士。鼎所作駢體文。沈博絕麗。大興朱珪亟愛之。謂合任昉邱遲為一手。奏御文字。多命其屬筆。故其名達於九重。詩以韓孟皮陸為宗。闢險盤空。句奇語重。五言長古。尤足以推倒一世。晚以母老告歸。主講揚州寓紅橋之

西園曲水。與其鄉人士酣嬉文酒。跌宕林泉。道光元年卒。年六十七。著有夕葵書屋集。此則其所選師友之四六文也。都八家曰袁簡齋。邵荀慈。劉國三。孔驥軒。吳聖徵。曾賓谷。孫伯剛。洪稚存。並一時知名之士。按簡齋名枚。錢唐人。乾隆三年舉人。四年進士。改翰林院庶吉士。散館。授知縣。補江南溧水。旋調江浦。沭陽。再調江寧。寧故巨邑。難治。時尹繼善為總督。知枚才。枚亦遇事盡其能。事無不舉。在官多善政。晚年卜築江寧之小倉山。號隨園。聚書籍為詩古文。如是五

十年著有小倉山房詩文集等。荀慈名齊燕昭文人。乾隆七年進士。兩充順天鄉試同考官。善駢文。嘗主常州龍城書院。黃景仁、洪亮吉皆從受學。著有玉芝堂詩文集。圓三名星輝武進人。乾隆十三年進士。累充順天鄉試會試同考官。河南鄉試正考官。日講起居注官。提督廣東學政。安徽學政。升翰林院侍讀學士。擢內閣學士。兼禮部侍郎。著有思補堂文集。驛軒名廣森。曲阜人。孔子六十八代孫。乾隆三十年進士。改庶吉士。散館。授檢討。年少入官。翩翩華胄。一時爭

續修四庫全書

卷

集部總集類

與之交。然性淡泊。耽著述。不與要人通謁。乞養歸。不復出。及居大母與父喪。竟以哀卒。年僅三十有五。著有春秋公羊通義。大戴禮記補注。詩聲類。禮學厄言。經學厄言。少廣。正負術。內外篇。儀鄭堂遺稿等。聖微名錫麒。錢唐人。乾隆四十年進士。兩充會試同考官。擢右贊善。入直上書房。轉侍講。侍讀。升國子監祭酒。生平不趨權貴。然名著公卿間。在上書房。與成邸尤莫逆。得一帖一畫。必共題跋。禮遇之盛。同於諸城劉墉。晚主揚州安定集儀書院。所拔多績學礪品之士。

著有有正味齋集等。曾賓谷名煥。南城人。乾隆四十六年進士。改庶吉士。散館。授戶部主事。充軍機章京。連員外郎。五十七年京察一等。授兩淮鹽運使。升湖南按察使。調湖北按察使。連廣東布政使。擢貴州巡撫。道光二年。授兩淮鹽政。以五品京卿內召。著有寶雨茅屋集等。陳伯州名星衍。陽湖人。少與同里楊芳燦、洪亮吉、黃景仁文學。齊名。袁枚品其詩曰：天下奇才。與訂忘年交。星衍雅不欲以詩名。深究經史文字。音訓。旁及諸子百家。皆心通其義。錢大昕主鍾山書

續修四庫全書

卷

集部總集類

院深器之。乾隆五十一年鄉試舉人。五十二年一甲二名進士。授翰林院編修。充三通館校理。五十四年散館。改刑部主事。連員外郎。洊陞郎中。六十年授山東兗州府知府。有惠政。旋致仕。歸主講浙江詒經精舍。得人稱盛。著有問字堂集等十餘種。洪稚存名亮吉。陽湖人生。六歲而孤。家貧。業筆出遊。以養母。遍客公卿間。年四十五始成。乾隆五十五年一甲二名進士。授翰林院編修。充順天鄉試同考官。即拜貴州學政之命。以古學教黔士。嘉慶二年入直上書房。旋以



上書獲罪戍伊犁未及期召還家居十餘年卒其學無所不窺詩文有奇氣著有卷菴閣詩文集等十餘種此八人者或以詩名或以文名或以政事見長或以經學名世或以修述樸學傳新賈鄭或以鳴于樂府嗣響雅聲斯皆卓卓可傳者固不僅以駢文鳴諸世而山尊獨選其四六者固以生徒之請綜為駢儷之則亦以當世作者舍此八家外蓋莫能或之先也故於是編之選各家綴以題辭發其源流評其得失學者但循是以求則八家之精華在此矣厥後侯官

續修四庫全書

卷

集部總集類

許貞幹復為之注盛行於世蓋論駢文者必及八家而論八家者尤必首推是選云

附錄傳記參攷材料

國朝先正事略

清史列傳

明三十家詩選初集八卷二集二卷 同治十二年編

蘭吟館重刊本

劉啓瑞

錢塘汪端選端字允莊號小韞季懷女少聰穎七歲賦春雪詩讀者謂不減柳絮因風之作因以小韞呼之母早卒受撫於姨母梁德繩許宗彥室也及笄歸陳雲伯大令文述子小雲通守裝之時大令主持風雅提唱詞壇四方知名之士爭投綈紵咸稱願道先生小雲幼稟庭訓天資高縱自此一鑒雙管拈韵分箋五為商榷小韞幼即高雅嘗取唐宋元明及國朝

續修四庫全書

卷

集部總集類

人許閱一過輒棄去留高青邱吳梅村兩家集既去吳留高曰梅村濃而無骨不若青邱淡而有品遂奉高為圭臬因覓本傳閱之見青邱之以魏觀故貽害也則大恨猶冀厄於遭際而不厄於名譽也及觀七子標榜相沿成習牧齋歸愚選本推崇夢陽而抑青邱則又大恨誓翻詩壇冤案因有明詩初二集之選振綺堂多藏書順通先生又廣為購求以益之丹黃甲乙晨書暝寫竭五六寒暑始得藏事有知人論世之識有明一代賢奸治亂之跡亦略具焉初集八卷



二集二卷初集三卷以下又各分為上下二卷錄正選者十三家劉基高啓李東陽李夢陽何景明徐禎卿謝榛李攀龍王世貞陳子龍顧炎武陸世儀陳元孝等屬之附錄二十二人宋訥唐同胡翰梁寅楊一清邵寶楊慎尹耕沈周孫一元于慎行吳國倫梁有譽歐大任黎民表王世懋韓洽沈欽圻邢昉陳瑚杜濬徐夜等屬之至方外閨秀幽隱散佚則入之二集以免襍廁所錄各家咸繁事略仿元遺山中州集之例復錄諸家評語以見譽毀仿朱竹垞明詩綜之例

續修四庫全書

卷

集部總集類

又尚論古人考訂詩體以徵一代之詩學源流正變方之歸愚明詩別裁之序迨母多讓焉其論樂府云樂府之體語近情深含蓄微婉不必模範漢魏而始謂之復古也就明代論之劉文成鬱伊善感款款欲絕離騷之苗裔也高青邱清華朗潤秀骨天成唐人之勝境也何大復源於漢魏開寶而能自抒妙緒徐昌穀六朝風度嫺雅絕倫謝茂秦小樂府最為擅場閨情邊塞不減王少伯李君虞之作凡此數家自當為樂府正宗而李西涯之詠史王鳳洲之敘事陸桴

亭之激揚忠孝則皆變體之正也論五言古詩云五言古元季多近纖靡劉文成起而振之醇古道鍊抗行杜陵青邱得紫桑之真樸輞川之雅澹可稱異曲同工他如張志道之宏朗楊孟載之蒼奇林子羽追琢上秀不在常劉以下正嘉間大復骨重神寒昌穀清聲古色皇甫昆季圭臬三謝高子業接跡曲江此皆一時之雋足相羽翼華子潛歸李思吳凝父李長蘅錢飲光張祖望諸人規撫林壑清曠絕塵亦不愧隱逸詩人之目若顧亭林磊落英多陸桴亭雄深淵

續修四庫全書

卷

集部總集類

雅則又獨開門徑前無古人矣論七言古詩詩云七言古明初青邱沈鬱宏遠兼太白杜韓之長貝清江張志道鮮明繁健顧近元遺山虞道園二家孫仲行學岑嘉州明雋清奇善言風景李草閣歌行學杜材力馳騁足以赴之惜波瀾較少耳宏正間諸家多宗少陵寔自西涯啓之而大復雄麗尤為奇王特殊嘉隆以下作者殊寡鳳洲富健尚欠安詳滄溟浮囂更不足取其後陳忠裕夏節愍格古意新陸桴亭才氣無前陳元孝語能獨造撐持末季深賴此數公焉論

五言律云五言律文成俎豆少陵青邛上法石丞下  
參大厯少子貝清江以溫厚勝張志道以瑰麗勝楊  
孟載以清新勝袁海叟以秀潔勝林子羽以精鍊勝  
程節愍以雅正勝大復于李杜王岑均能神肖昌穀  
嗣襄陽之清音茂秦振嘉州之逸響可稱極盛王鳳  
洲陳忠裕夏節愍梓亭亭林元孝氣格沉雄自是大  
家而邊華泉皇甫子循高子業區海目鄭湛若趣味  
澄曼如清沈之貫達亦猶畫家逸品也論七言律云  
七言律文成激昂悲感青邛超妙清華足稱兩雄並

續修四庫全書

卷

集部總集類

峙貝清江張志道楊孟載林子羽程節愍甘彥初張  
耒儀諸家功力純熟詞旨葱蒨均堪媲美渾雅則推  
西涯秀朗則推大復爽健則推茂秦滄溟雖高華精  
麗而用字雷同易取人厭昔人嘗集其江湖乾坤落  
日風雲秋色風塵中原吾輩等字為詩戲之故非惡  
諠鳳洲雄濶惜乏深思未云貴品陳忠裕夏節愍珍  
詞繡句雅鍊莊嚴亭林梓亭元孝開闢渾涵龍驤虎  
步並為絕調此外邊華泉徐惟和兄弟曹志節程孟  
陽諸家圓秀娟妍得衷合度要皆不失為名家也論

五言絕云五言絕青邛昌穀華泉茂秦並得王韋之  
髓王子衡徐惟和范東生林初文亦有佳製此外殊  
寥寥矣論七言絕云七言絕文成青邛志道孟載劉  
子高張耒儀劉仲修王安中並有唐人風度而海叟  
神味雋永仲衍自然明秀尤為本色當行西涯大復  
朗朗有致昌穀學王龍標滄溟學李太白格高韵絕  
咸臻極境徐惟和兄弟曹志節程孟陽王介人范東  
生謝在杭林初文諸人措詞婉雅綽有餘妍斯可與  
劉賓客鄭都官把臂入林耳論至允許隔尤當讀是

續修四庫全書

卷

集部總集類

書者不特三百年詩學源流朗若列眉即三百年之  
是非得失亦瞭如指掌選詩若此可以傳矣

附錄傳記參攷材料

胡敬撰汪允莊女史傳



唐詩別裁集二十卷 乾隆癸未教忠堂刊本

劉啓瑞

長洲沈德潛選德潛字確士號歸愚乾隆三年舉人四年進士改庶吉士散館授編修八年累遷侍讀學士兼日講起居注官九年陞少詹事典試湖北十年遷詹事十一年晉內閣學士旋授禮部侍郎入直上書房十三年充會試總裁以年老乞休家居二十年寵錫倍至乾隆三十四年卒年九十有七謚文愍事迹具詳清史稿本傳所著有歸愚詩文集等所輯有

續修四庫全書

卷

集部總集類

唐詩別裁明詩別裁國朝詩別裁集等而唐詩別裁集尤為世所風行按詩至有唐為極盛體制大備學者每從唐人詩入以宋元流於卑靡而漢京暨當塗與牛諸家未必概能領畧故世多以唐詩為主然唐詩浩繁讀者難通各家選本又多未當或失之繁或失之簡或指歸多舛或性情多乖如唐人選唐詩多不及李杜蜀韋穀才調集收李不收杜宋姚鉉唐文粹祇收李杜莫相疑行花卿歌等十篇元楊伯謙唐音群推善本亦不收李杜明高廷礼正聲收李杜漫

廣而未極其感凡此皆為世人所詬病無當於讀者

歸愚此選蓋為急務其旨去鄭存雅去淫存正有合於古人微而婉和而莊者所謂別裁偽體之意也集都二十卷初成於康熙五十六年嗣於乾隆二十八年重為刪訂較原本增中晚唐詩而於初唐盛唐亦稍有去取得詩都一千九百二十八章而唐詩之雅正者盡之矣其例至簡一以初盛中晚為次益以評點間存賡釋以備初學者便於遵循別論一代詩體之源流與夫升降以為世人楷式世人亦最服之其

續修四庫全書

卷

集部總集類

說見於例言略謂五言古體發源於西京流行於魏晉顧靡於梁陳至唐顯慶龍朔間不振極矣陳伯玉力掃俳優直追曩哲讀感遇等章何啻在黃初間也張曲江李供奉繼起風裁各異原本阮公唐休中能復古者以三家為最過江以後淵明詩胸次浩然天真絕俗當於語言意象外求之唐人祖述者王右丞得其清腴孟山人得其閒遠儲太祝得其真朴韋蘇州得其冲和柳柳州得其峻潔氣本風神儼然埃壒之外蘇李十九首以後五言所貴大率優柔善人婉



而多風少陵材力標舉篇幅恢張從橫揮霍詩品又一變矣要其為國愛君感時傷亂憂黎元希稷禹生千種種抱負無不流露於楮墨中詩之變情之正者也新寧高氏列為大家具有特識大風柏梁七言權輿也自時厥後魏宋之間時多傑作唐人出而變態極焉初唐風調可歌氣格未上至王李高岑四家馳騁有餘安詳合度為一体李供奉鞭撻海岳馳走風霆非人力可及為一体杜工部沈雄激壯奔放險幻如萬寶襟陳千軍競逐天地渾奧之氣至此盡洩焉

續修唐書

卷

集部總集類

一体錢劉以降漸趨薄弱韓文公拔出于貞元元和間蹕屬風發直欲上掩前人為一体七言楷式稱大倫云五言律陰鏗何遜庾信徐陵已開其体唐初人研揣聲直穩順体勢其製大倫神龍之世陳杜沈宋如渾金璞玉不須追琢自饒名貴開寶以來李太白之穠麗王摩詰孟浩然之自得分道揚鑣並推極勝杜少陵獨開生面寓從橫顛倒于整密中故應超然拔萃終唐之世變態雖多無有越諸家之範圍者矣以此求之有餘師焉七言律平敘易于徑直雕鏤失

之佻巧比五言更難初唐英華乍起門戶未開不用意而自勝後此摩詰東川春容大雅時崔司勳高散騎岑補闕諸公實為同調而大厯十子及劉賓客柳柳州其紹述也少陵胸次閎闊議論開闊一時盡掩諸家而義山詠史其餘響也外是曲徑旁門雅非正軌雖有搜羅概從其略五言長律貴嚴勻稱貴屬對工切貴血脈動盪唐初應制贈送諸篇王楊盧駱陳杜沈宋燕許曲江並皆佳妙少陵出而瑰奇宏麗變動開合後此無能為役元白長律滔滔百韵使事亦

續修唐書

卷

集部總集類

復工穩但流易有餘變化不足故寧舍梅溫李以下等之自鄒己五言絕句右丞之自然太白之高妙蘇州之古澹純是化機不關人力他如崔顥長干曲金昌緒春怨王建新嫁娘張祐宮詞等篇雖非專家亦稱絕調後人當于此問津七言絕句貴言微旨遠語淺清廟之瑟一倡而三歎有遺音者矣斯為正宗開元之時龍標供奉允稱神品外此高岑起激壯之音右丞多悽惋之調以至蒲桃美酒之詞黃河遠上之曲皆擅場也後李廌子劉賓客杜司勳李樊南鄭都

官諸家託興出微克稱嗣響唐人詩無論大家名家不能諸體兼善如少陵絕句少唱歎之音左司七言詘渾厚之力劉賓客不工古詩韓吏部不專近体其大校也錄其所長遺其所短學者知所注力焉斯言也不僅可以評唐詩而歷代詩之壇變亦可循此求之矣至於斯集選輯之善否已見於前人詩話固無俟吾人重為月旦評矣

附錄傳記參攷材料

續修四庫全書

卷 集部總集類

清史稿

清史列傳

道光重修蘇州府志

唐宋八大家文選十九卷 張氏原刊本 正誼書院重刊本 劉啓瑞

儀封張伯行選伯行字孝先號恕齋後以為學之要在於一敬更號敬庵康熙二十四年進士考取內閣中書改中書科中書丁父憂歸服滿未赴補三十九年以儀封堤功原銜督修黃河南岸堤二百餘里四十二年授山東濟寧道四十五年遷江蘇按察使四十六年南巡擢福建巡撫有善政四十八年調任江蘇巡撫以辛卯鄉試舞弊案與總督噶禮齟齬久之

續修四庫全書

卷 集部總集類

景始白留伯行而去噶禮尋又以張令濤案為異已者中傷罷任去旋命南書房行走署倉場侍郎五十六年充順天鄉試正考官五十九年授戶部右侍郎六十年充會試副考官雍正元年擢禮部尚書三年卒於官謚清恪所著有困學錄等此則其所選唐宋八大家文也考明初朱右有八先生文集錄韓柳歐陽曾王三蘇之作為一編實為選八家文集之始惜書不存未能徵其体例厥後茅坤鹿門有唐宋八大家文鈔錄韓愈文止六卷柳宗元文十二卷歐陽修

文三十二卷附五代史鈔二十卷王安石文十六卷  
曾鞏文十卷蘇洵文十卷蘇軾文二十八卷蘇轍文  
二十卷都一百六十四卷附以評語世稱善本惟卷  
帙浩繁緒閱難周家塾選讀尤稱不便伯行就其要  
者選存十九卷以便世之治八家文者計卷一之三  
為韓文公文卷四為柳柳州文卷五之六為歐陽文  
忠公文卷七為蘇文公文卷八為蘇文忠公文卷九  
之十為蘇文定公文卷十一之十七為曾文定公文  
卷十八之十九為王文公文凡唐宋八大家之精華

續修四庫全書

卷

集部總集類

悉在於是矣惜本書卷首未載例言選書大旨不由  
考定茲僅就抽繹所得者言之一卷次先後悉依茅  
書二茅氏評語附載文末三茅書附引輯載卷首四  
八家畧傳亦冠書端五五代史鈔刊而不載六蘇東  
坡文刪繁就約七曾南豐文錄存較衆八茅評之外  
附以己意大略如是八端而已至其所評八家文之  
出入見於伯行自序略謂韓文公文正矣而三上宰  
相書何其不自重也子厚失身遭貶而悲感之意形  
於文墨歐陽子長於論事而言理則淺曾南豐論學

雖精而本原未徹至於王氏堅僻自用蘇氏好言權  
術而子瞻子由出入於儀秦老佛之餘此數公者其  
離合臨疵各有分數又不可不審擇明辨於其間也  
之斯言也其選旨大畧亦可於此覘之矣

附錄傳記參攷材料

清史稿

清史列傳

朱軾撰張清恪公神道碑

續修四庫全書

卷

集部總集類

張廷玉撰張清恪公墓志銘

沈近思撰張清恪公墓表

費元衡撰張清恪公行狀



國朝文徵四十卷 吳江沈氏世美堂刻本

劉啓瑞

長洲吳翌鳳輯翌鳳初名鳳鳴字伊仲號枚庵吳縣諸生先世新安人高祖盧達蘇州遂著籍焉少好學手鈔書數千百卷多藏書家未見者中歲應湖南巡撫姜晟之聘繼主瀏陽南臺書院操行潔白不可干以私既老倦而歸橐中裝惟書籍數千卷而已為人內和外介父死哭過節一目失明事繼母以孝與人交有終始友人林蕃鍾為妻縣教諭病篤以書招之

續修四庫全書

卷

集部總集類

疾馳往無卒為經紀其喪其為於友誼如此於學無所不窺而尤長於詩自漢魏三唐及宋金元人詩皆手自選定吳祭酒梅村詩集舊注詳略失宜翌鳳考訂五十餘年據史傳為之詳註所為詩格律深穩語意和平得溫柔敦厚之旨卒年七十八所著有與稽齋叢稿吳梅村詩集箋註唐詩選懷舊集印須集文詩臆古歡堂經籍略金石略漢書考證歷代帝王統系考姓氏源流字學九辨岐音備覽今韻酌古東齋勝語雨窓懷舊錄遜志堂樓鈔古詩錄樂府選明詩

選國朝詩選詞約國朝文徵等二十餘種梓行而國

朝文徵尤為翌鳳畢生精力所粹初名國史文徵取俗史館彙文徵獻之意見於道光重修蘇州府志後始更今名所錄都二百八十餘家得文千餘篇為卷三十有八又補編二卷卷帙先後以人為次或以科第或以生卒或以爵齒或以昆季皆繫其姓氏爵里出處大節撰述書目尤為詳載別為姓氏總目一篇冠於卷首又復於每卷之上更為重出並著各家篇目以見選例其文皆有裨於經濟學術之作體制不

續修四庫全書

卷

集部總集類

拘一格總以理明詞達者為主其有斤斤以八家法律鳴者則弗取若攷據之文則易於傷氣或專言心性及二氏之學者亦弗取必忠孝節義有裨風化或遺文佚事可備掌故者始入錄其例嚴其擇精故集中所錄悉為佳構而隱逸之士亦藉此表彰焉考昔人甄錄一代之文而為總集者宋有吳興姚氏鉉之唐文粹東萊呂氏祖謙之皇朝文鑑元有趙郡蘇氏天爵之國朝文類明有篁墩程氏敏政之文衡餘姚黃氏宗義之文宗文海多者至四五百卷少亦不下

百餘卷而清代之文除陳廷敬奉敕編次之皇朝文  
穎外私家選輯者惟吳江陸氏燿之切問齋文鈔為  
最著惜卷帙不富搜羅未廣識者久病之翌鳳斯作  
益為急務厥後賀長齡輯皇朝經文世編即踵其意  
又取翌鳳所選采數十篇入錄斯則此編之可貴也  
可知矣賀書既行此稿為某巨公所攫幾至散佚後  
為吳江沈楹德所得始付諸梓是亦有幸有不幸矣

附錄傳記參攷材料

續修四庫全書

卷

集部總集類

清史列傳

道光重修蘇州府志

詩倫四卷 武英殿聚珍本 同治丁卯呂氏柳塘書  
屋重刊本 劉啓瑞

新安汪徽輯薇字思白號辱齋年十二始就學十四  
畢五經康熙乙丑成進士選庶常院長彭孫通數稱  
其詩辛未改戶部主事居官謹慎事無巨細必竟卷  
冊稽底案宿吏巧法者皆驚丁丑以戶部郎中視學  
福建三年報政考下等効力南河工畢遂告歸購嵩  
山徐氏所刻宋元經解閉戶循覽凡十有七年每日  
吾生平所恨者三祿不逮親仕不獲上少壯以貧廢

續修四庫全書

卷

集部總集類

學而老不能補也所著有經概五卷詩倫二卷均梓  
行詩倫者以斯集所選諸詩率有關於倫常之作大  
旨不出於君臣父子夫婦昆弟朋友之間故名曰詩  
倫其意見於張伯行所為集序略謂天下之道莫大  
於倫古昔帝王勵世磨俗與夫聖賢所以立教垂訓  
者亦莫大於倫故唐虞以命司徒三代以懸學校孔  
孟以至程朱著之於書而揭之為規雖時勢不齊政  
教殊致凡以見倫之為重而為學者所當務其旨一  
也自學術多歧卑者既溺於功利而聰明高曠之士



競從事於詩歌以麴蘖為韻泉石為高風雲月露為綺麗曰吾以抒我性而寫我情也見有敦倫飭紀循循於矩範者非目之為腐則笑以為拘千古之名教網常真若非我為輩設矣夫獨不思性者何仁義禮智之謂非抒於五者之倫而更於何抒情者何惻隱羞惡辭讓是非之謂非寓於五者之倫而更於何寓且夫古今言詩者必宗於三百三百之言何言乎鹿鳴天保君臣贈答之辭也此嵒蓼莪孝子懷思之什也常棣所以親兄弟嘒鳴所以好朋友也至若周南

之首關雎名而之首鵲巢其中言夫婦者又至詳且悉抑不寧惟是凡出手性情之正而為貞為善者皆其合乎倫而天下以師以法者也其不出乎性情之正而為淫為邪者皆其不洽乎倫而天下以懲以創者也孰謂詩之作非以明倫而倫之外又別有詩乎予同年友汪辱齋先生曠世軼材其學問一歸於篤實懼世之習詩者汎濫而莫知所折衷也因以五者之倫為綱而采其詩之有合於是者輯為一編略為批示其指趣而名之曰詩倫其選詩大旨略盡於此

其例以時為綱以人為目以樂府為主而輔以五七言古詩更擇其頓挫深長足以羽翼樂府者采之其有陳勢浩汗修辭宏麗以才掩情者概弗取若詩非言倫本非樂府者無論歲月遠近尤不事濫收其意善其例嚴深有合于正風俗厚人倫之旨得古昔聖賢明倫立教遺意不惟無誤來學抑且有功人紀其有關於世道人心者何如矣書既梓行桂林陳文恭公復錄其所選者數十首附養正遺規以行又加以按語云近世師生多以歌詩習禮為迂陽明先生反

覆言之意深切矣獨是冠昏喪祭鄉見六者久有成書均所宜習惟詩歌種類不一愚意為童子計宜取其有關性情而又易知易徙者汪君詩倫可謂極有關係因采數十首附之之斯言也其書之見重於世又可知矣

附錄傳記參攷材料

乾隆重修欽縣志



懷舊集十二卷續集六卷又續集一卷附女士詩錄一卷  
嘉慶十八年刻本

劉啓瑞

長洲吳翌鳳輯翌鳳初名鳳鳴字伊仲吳縣諸生博雅工詩少寓陶氏東齋寢饋書史積二十年中歲游楚南徧歷匡廬嶽麓洞庭諸勝垂老始返卜居城南著書奉母題其室曰歸雲舫一時文士多從之游嘗輯國朝文徵四十卷錄自順治迄於嘉慶二百餘年凡忠孝節義有關風化或遺文佚事可備掌故者悉登之並有裨於經濟學問已著錄入總集類此則其

續修四庫全書

卷

集部總集類

所輯朋舊詩也昔新城王漁洋有感舊集論次師友之詩凡三百三十餘家同時宜興陳其年有篋衍集寧都曹青藜有過日集泰州鄧孝威有詩觀集雖旨趣不同而其選朋舊之詩則一翌鳳浪迹江湖垂五十年朋友至衆吟侶至廣或為當代通顯或為山林逸士或為詞壇巨擘或為繩樞隱民其詩並卓卓可傳者翌鳳輯為一集以附漁洋感舊集之例都正集十二卷續集六卷又續集一卷附女士詩錄一卷其例正集以各家科第先後為次續集則以詩篇所得

續修四庫全書

卷

集部總集類

先後為第又續集亦如之女士詩錄則另為一編所以不便仍懷舊之名然女士之夫與子或為翌鳳所交游者故亦得附茲編以行此其一也是編所錄悉為已往之人具有今舊兩之作尚存人世者則另為印須集一編以行庶乎不相襍廁此其二也是編所錄之詩有已為前人總集所收者不復重出如李客山翁霽堂黃野鶴諸人已見沈歸愚國朝詩別裁集則茲不具錄此其三也是編所錄各家之詩或以詩存人或以人存詩故所錄各家之作或一二首或數十首不等但就其佳者登之非有所軒輊於其間此其四也是編每人各注字號爵里著作間綴以詩話或述行誼或論詩品或叙交游蹤跡聊寓懷人感舊之意亦所以仿元道山中州集例此其五也集中各詩不拘一格誠以各家遭遇不同性情遂爾各異漁洋感舊集所錄不先以律繩人茲則各就其詩之面目存之以見作者性情學力此其六也之此六端而全書之選旨畧盡矣昔王漁洋序陳其年篋衍集推論選詩之旨謂唐人選詩自英靈間氣諸集猶存古

意不必篇目之衆多也。至鼓吹三休以來。浸失之。爾後得其旨者。如楊升庵之明詩。楊夢山之弘正詩。顧玄言之國雅。譬諸清廟朱弦。獨聞疏越。其去淫哇。嘈噴之音。固有辨矣。漁洋此言。推崇其年。甚至蓋其年。篋行之選。能得風雅之正。翌鳳是輯。或亦類似之歟。

附錄傳記參攷材料

道光重修蘇州府志

續修四庫全書

卷

集部總集類

白醉題襟集四卷 咸豐六年王氏刻本 劉啓瑞

宿遷王相編。相字惜庵。原籍嘉興。從父官宿遷。遂家焉。以侍父不應鄉舉。益肆力於古學。居桃源之鄭曲。構百花萬卷草堂。著述吟咏其中。四方豪俊。藝能之士。望門投止。既遷居城中。築亭疏沼。聚書日益多。手自讐校。平居多隱德。為勵內行。遇災。稔救死傷。及廟宇橋堰諸役。率首竭貲助。其樂善不倦。天性然也。所著有無止境齋初續稿。并窺鄉程日記。春明途說。草堂隨筆等。其所梓輯者。則友聲集及是編是也。

續修四庫全書

卷

集部總集類

編仿段成式漢上題襟集例。輯友朋題咏之作。為白醉題襟集四卷。白醉者。取高太素映白醉之語。深得醉中之情。與間中之趣。既以白醉間。寔名其居。又以白醉名其集。以集中所錄。皆友朋集。是居題咏作也。時為道光丙戌。惜庵聚友朋。為消寒之會。以長至日為始。每九為一會。益以閏會者二。都十一集。集各有啓。有序。有約。有詩。有賦。有詞。有連珠。有移文。各不同。製復有異。與是會者。並一時知名之士。惜庵外有鍾吾卓筆峯。借園。崇川成儒。望孫。鍾吾陸從星。春堂。

平江嚴鐸雲鋤鍾吾郝玉光昆園淮陰蔡瑞芝月岑  
而其子絢聚之亦預焉其人可考者筆峯邑諸生工  
詩嘗集唐詩為百花吟駕乎竹垞石牧而上著有借  
園詩存僑太學生屢躋場屋遂挾冊遠游放浪山水  
之間睥睨壇坫之上刻燭分韻才藻橫飛間作山水  
出入南宮北苑而題畫詩亦具秋林烟散石骨自青  
之致著有海鷗集存稿從星候選州同性和厚少負  
瑰抱慨然有四方之志中歲遭逢不偶攜眷鄉居築  
室三楹顏曰好古敏求齋蒔蔬種菊耕讀而外一無

續修四庫全書

卷

集部總集類

所營歲入之餘輒以濟貧族未饜者或齎歆之弗與  
較也詩寫性靈不趨時尚所著有小雲液草寓數典  
不忘祖之意之三人者事迹並見同治重修宿遷縣  
志暨友聲集餘則概不可考僅三家詩集有與嚴雲  
鋤郝昆園蔡月岑唱答諸作而事迹則未附見蓋文  
人之傳與不傳是亦有幸有不幸矣惜庵子聚之邑  
諸生好讀書贍卹族黨賑施飢窮倡設有嬰堂粵寇  
擾揚州土賊竊發聚之募丁壯衛鄉里當事敘其勞  
力辭之著有芬響閣存稿是亦善繼父志者

附錄傳記參攷材料

同治重修宿遷縣志

續修四庫全書

卷

集部總集類



合肥三家詩錄二卷 光緒丙戌刻本 劉啓瑞

仁和譚獻輯獻初名廷獻字仲修號復堂少苦於學好為六朝三唐駢儷文稍長潛心經訓古子有志於微言大義同治初遊福建學使徐樹銘幕幾死於難同治六年中江南鄉試舉人屢赴禮部試不第署秀水教諭旋以知縣入安徽署歙縣全枰合肥不數年告歸淡於仕進銳志著書感推莊方耕會稽章實齋為當代絕學列師儒表百餘人自咸豐庚辛以後屢經劫亂家無長物薄官二十年蕭然儒素而聚書獨

續修四庫全書

卷

集部總集類

數萬卷世推善本讀書亦如之丹鉛寒暑不去手著書十數種合為半厂叢書若干卷已梓行此則其所輯者當仲修官合肥時邑之賢士大夫多與之交唱酬贈答迨無虛夕仲修亦宏獎風流循誘多士物望多歸之時合肥以詩稱者最推徐子苓戴家麟王尚辰三家仲修均得與友互有唱和仲修因選其詩名曰合肥三家詩錄徐子苓詩六十有三戴家麟詩三十有四王尚辰詩百十有四合為二卷各附以評識其端委論其得失焉按徐子苓字西珩著有敦艮吉

齋詩集戴家麟字子瑞著有剗餘軒詩錄王尚辰字伯垣著有通園詩集均為合肥詩曄事迹具詳邑志茲不復及其詩佳者子苓詩如後苦雨云朝出威武門戚戚念邱墓遙驚東岡濤已沒西隴樹卷蛻斷未消疊雲濕猶絮孤却動將沒舊所望頻誤浮棺柩漸睇東南亂流驚仲修評其詩謂有古園畫之景色有古謠諺之聲情有古子部之奇奧有古衣冠之偉異家麟詩佳者如客中述懷云自悔平生誤急弦從容

續修四庫全書

卷

集部總集類

始得保餘年為尋樂事還微醉酒輟長吟只斷聯合關小園樓度信儘堪破壁老焦光清光莫問東流水未肯回頭泊故淵仲修評其詩謂奇氣宕逸不僅一結尚辰詩佳者如雪夜云歲月浮沉遠滄桑感慨新壯懷銷涕淚往事襟懷辛患難仍餘我流離更有親遙憐風雪夜應憶未歸人仲修評其詩謂兵火艱辛布衣慷慨豈可云時非天寶位非拾遺邪之三家者其詩俱有獨到之處而仲修之評尤能得其神髓蓋此篇之選不僅仲修評得其當而三家詩之精華亦

悉在是矣。

附錄傳記參攷材料

夏寅官撰譚獻傳

續修四庫全書

卷

集部總集類

全五代詩一百卷補遺一卷 乾隆原刊本 道光重修

本 光緒七年重刊巾箱本

劉啓瑞

綿州李調元輯調元字羹堂號雨村乾隆二十八年進士改翰林院庶吉士散館授吏部主事三十九年充廣東鄉試副考官尋遷考功司員外郎四十一年督學廣東任滿擢直隸通永道以勅永平知府為所訐罷遣發伊犁尋以母老贖歸少聰敏好學天才橫逸不假修飾嘗以春蠶作兩詩受知於錢陳群又嘗作南宋宮詞百首論者謂不亞於厲樊榭朝鮮使臣

續修四庫全書

卷

集部總集類

徐浩修見其詩以為超脫沿襲之陋而合於山谷放翁極為敬服因作啓求其他著述而去又愛才若渴人有一聯片語之佳者輒為采錄罷官後家居二十餘年益以著書自娛蜀中撰述之富費密而後厥推調元而所輯者亦頗綦衆是編即其所輯之一也考五代詩向無全本編詩者率皆附之唐宋初之間並少專輯惟新城王漁洋有五代詩話然所載者事迹而詩闕如夫梁唐晉漢周歷五代十三君共五十二年其間或播紳或隱逸代不乏人然各事其主判

若叮咛如梁初或可附之唐末而晉漢周則去唐較遠周末或可附之宋初唐晉漢則距宋稍遠兼以十國各據疆土即五代之君亦不能隸其版土而屬之而況乎唐宋所謂風馬牛不相及者以之附入其謬顯然調元是輯乃所以斷代而論世也漁洋五代詩話為主兼採各家總集別集類書等都三百餘種總為全五代詩一百卷補遺一卷凡五代五十二年之典故悉在於此矣其書首列五代帝王及十國僭號年譜一編以便覽者於五代興衰之故一目瞭然其

編次悉以五代十國先後為主而每代每國諸人又以官爵隱逸道釋閹媛神仙鬼怪歌謠雜識樂章先後為第並各注其姓字爵里諡法事蹟以便讀者知人論世其詩先後亦以各體次之每人必先樂府次四言次五古次七古次五律次七律次七排次五絕次六絕次七絕其他各國亦復類是然此完屬各書之通例也其所以異於各書之通例者五代年間易姓僭竊如翻鑲上之餅以致官爵益濫小人乘君子之器富貴出於非意視國家安危如秦越不

相謀故其時將相大臣有一人而事一二朝者有一人而事四五朝者如後唐之馮道所向稱臣後梁之王易簡幾遍五代後漢之王仁裕歷事八君似處處皆可欄入究當附入何代為是乎今必於其人核其生平將受知必有最深之地功名必有最顯之時本時其時其事以定其為何代之人何國之士而各按其時其事隸之故是書之編輯實較唐文粹唐詩鈔宋詩鈔等為難未可悉次以通例蓋調元是編之輯迨有微意存乎其間固未可悉以各書之通例論之

也

附錄傳記參攷材料

清史列傳



草堂題贈一卷 咸豐十年刻本

劉啓瑞

嘉興王相等撰相字惜庵從父官宿遷遂家焉為志  
好學不干仕進中年飽經憂患益以著書吟咏為職  
志購書數萬卷躬自校讐丹黃甲乙不去手時人多  
稱道之初居桃源之鄭曲構百花萬卷草堂聚書其  
中日集友朋唱和以為樂一時賢士大夫咸歸之先  
是道光丙戌堂既成惜庵集友朋觴咏其中退而集  
其題咏之作名之曰草堂題贈都詩百首合為一卷  
冠以李友香百花萬卷草堂記次以卓筆峯百花萬

續修四庫全書

卷

集部總集類

卷草堂序再次以各家題詠殿以自記及其襟詩與  
此會者友香芷江筆峯借園外有成俱在泉成雋  
孫郝玉光昆圖蔡瑞芝月岑寶汝鉤松軒陸從星春  
堂王錫極仙洲陳遐齡蔚春嚴鈺雲鋤錢侍辰樾坡  
安天性培之張玉珣琳標等並屬一時知名之士其  
所題贈亦不亞於漢上題襟諸公也其詩佳者如郝  
玉光咏沁綠軒七律云幽亭空翠滴涓涓小院深深  
瑣暮烟鏡有清芬供領畧絕無俗艷闢鮮妍竹標勁  
節垂青簡蕉散濃陰補綠天小坐間窓勤誦讀居然

深柳陰堂前又如蔡瑞芝咏沁綠軒五律云風葉晚  
蕭蕭紗窗坐寂寥數竿君子竹一片美人蕉無夢黃  
梁熟忘機白晝消幽林人在邇欲隱倩誰招又如嚴  
鈺咏沁綠軒七絕云湘簾窸窣綠陰重蕉雨涼飄竹  
外風一枕羲皇初睡足滿階梧影月明中詩体雖各  
有不同而丰緻神韵具稱獨絕蓋皆一時之詩傑也

附錄傳記參攷材料

同治重修宿遷縣志

續修四庫全書

卷

集部總集類

西泠閨詠一卷 道光丁亥原刊本 光緒丁亥重刊本

劉啓瑞

錢塘陳文述撰。文述原名文杰，字雲伯，號退庵，嘉慶五年舉人，官江蘇江都縣知縣，少以詩名。儀徵阮元督學浙江，試杭州日，以仿宋畫院製團扇命題，文述詩最佳，人稱為陳團扇。阮元入覲時，文述從赴滬，不及匝月，得詩百餘首。游京師，與楊芳燦齊名，一時謂之楊陳。宰江都多惠政，開伊婁河故道，免渡江風濤之苦。民感之曰：陳公河。又監濬儀徵運河道，光三

續修四庫全書

卷

集部總集類

年夏江水為災，拯恤更力，熟習河防海運，監政諸利，獎著為議。大吏間采以設施，天性孝友，廣交游，重信義，有孔北海之風。又好修名人遺蹟，遊焦山，擬築樓雲閣於洪隱庵，於西湖建蘭因館，高致多類。此生才與王曇首、唐查、徐居倬最稱契洽。工詩，長於歌行，才藻富有，雄視一世。近体亦韶秀，集中多指陳得失，表章忠孝之作。晚年飲華就實，一變錯采鏤金之習，歸諸雅正。著有碧城仙館詩鈔、頤通堂集、秣陵集、西泠懷古集、西泠閨詠等，而西泠閨詠尤為世所稱道。都

詩五百餘首，錄古今名媛凡五百餘人，每人各咏以

七律一首，并冠以序，而道經浙杭者亦附及之。集中

如天龍寺詠吳越王女詩、江上弔吳仁璧女詩，則杭

人也。江上詠謝道韞詩，萬嶺詠鮑姑詩，則道經浙杭

者，其餘率類此，意重表章，故無纖靡之習。佳句至多，

見於龔素山序者，如白蓮洲上嬌留影，新月沙頭掃

澹眉，一行斜雁臨波語，三兩閒鷗隔水聽，喚來花月

金陵子，醉倒湖山玉局翁，紅滴櫻桃官驛雨，翠深蘆

橘佛廊烟，松陰滿地仙壇遠，菱唱橫波畫舫涼，槐陰

續修四庫全書

卷

集部總集類

永巷三秋雨，花影宮牆半夜潮，雲影星河涵柏子，月  
明水殿浸荷花，花謝瑤壇仙換劫，苔荒銅輦夢留痕，  
白鷗蘆葉涼外烟，青鳥桃花澹月中，簾香紅藕秋風  
瘦，簾卷黃花暮雨寒，漢女春魂悲化燕，楚宮秋夢感  
啼鴉，寒食春泥悲麥飯，空山細雨感梨花，烟江桃葉  
飛，離燕水閣梨花曉，曙鳥采藥一肩銷，歲月簪花雙  
髻帶，烟霞柳外嬌鬟窺曉月，梅邊香屨印寒苔，花氣  
留香春禪硯，月明和影夜吹簫，種樹陰成仙館靜，掃  
花人去洞門寒，松花春釀仙人酒，荷葉秋裁處士衣。



並墨染烟霞筆浣雲水宜汪逸珠女史比之藐姑射  
仙人不食人間烟火也張雲璈亦謂是集人不盡西  
冷而屬西冷之佳什則地以詩傳詩不盡閨咏而藉  
閨咏以彰名則詩因人重以五百篇之筆歌墨舞寫  
二千年之玉怨珠啼浣毫端之薇露字字生香鐫芳  
姓於苔華行行夏玉義兼勸誡何如女史箴傳語帶  
烟霞不愧美人湖長詠犀玉於欄杆十二重啓華鬢  
色界之天譜蘭金於粉黛三千更續宮閣卜名之錄  
蓋均紀實亦能道文述之所得也

附錄傳記參攷材料

清史列傳

杭州府志

經史百家類鈔二十六卷 光緒二年傳忠書局刻本

劉啓瑞

湘鄉曾國藩纂圖藩字伯涵號滌生道光十八年進  
士改翰林院庶吉士散館授檢討二十三年充四川  
鄉試正考官補侍講充文淵閣校理二十四年轉侍  
讀二十五年陞侍講學士旋充日講起居注官二十  
六年充文淵閣直閣事二十七年擢內閣學士二十  
九年陞禮部右侍郎署兵部左侍郎兼工部左侍郎  
咸豐元年署刑部右侍郎充順天鄉試正考官二年

署吏部左侍郎充江西鄉試正考官旋丁母憂回籍  
時廣西會匪洪秀全倡亂竄湖南圍長沙連陷沿江  
郡縣江南大震滌生奉命會同湖南巡撫辦理本省  
團練自是屢著功績稱爲湘軍累功至兵部尚書兩  
江總督欽差大臣太子太保協辦大學士武英殿大  
學士直隸總督一等毅勇侯諡文正事蹟具詳清史  
稿本傳所著都十餘種合爲曾文正公全集此則其  
所著文正夙欽桐城姚姬傳之學著聖哲畫象記謂  
稍識學問乃由姚先生所啓其服膺推崇可謂甚至



然嘗病其所選古文辭類纂不盡愜於人意其書不載史傳以為史多不可勝錄但其奏議類中錄漢書至三十八首詔令類中錄漢書三十四首其例亦不盡純文正因略采史傳之文師其意而不師其法名其書為經史百家類纂都二十有六卷分為三門曰著述門曰告語門曰記載門為類十有一屬於著述門者曰論著類凡著作之無韻者經如洪範大學中庸樂記孟子皆是諸子曰篇曰訓曰覽古文家曰論曰辨曰議曰說曰解曰原皆是曰詞賦類凡著作之

有韻者經如詩之賦頌書之五子作歌皆是後世曰賦曰辭曰騷曰七曰設論曰符命曰頌曰贊曰箴曰銘曰歌皆是曰序跋類凡他人之著作序述其意者經如易之繫辭禮記之冠義昏義皆是後世曰序曰跋曰引曰題曰讀曰傳曰注曰箋曰疏曰說曰解皆是共三類其屬於告語門者曰詔令類凡上告下者經如甘誓湯誓牧誓等大誥康誥酒誥等皆是後世曰詔曰詔曰諭曰令曰教曰教曰聖書曰檄曰策命皆是曰奏議類凡下告上者經如皋陶謨無逸召誥

及左傳季文子魏絳等諫君之辭皆是後世曰書曰疏曰議曰奏曰表曰劄子曰封事曰彈章曰牋曰對策皆是曰書牘類凡同輩相告者經如君奭及左傳鄭子家叔向呂相之辭皆是後世曰書曰啓曰移曰牘曰簡曰刀筆曰帖皆是曰哀祭類凡人告於鬼神者經如詩之黃鳥二子來舟書之武成金縢祝辭左傳荀偃趙簡告辭皆是後世曰祭文曰弔文曰哀辭曰誄曰告祭曰祝文曰願文曰招魂皆是共四類其屬於記載門者曰傳誌類凡所以記人者經如堯典

舜典史則本紀世家列傳皆記載之公者也後世記人之私者曰墓表曰墓誌銘曰行狀曰家傳曰神道碑曰事略曰年譜皆是曰敘記類凡所以記事者經如書之武成金縢願命左傳記大戰記會盟及全編皆記事之書通鑑法左傳亦記事之書也後世古文如平淮西碑等是然不多見曰典志類凡所以記政典者經如周禮儀禮金書禮記之王制月令明堂位孟子之北宮錡章皆是史記之八書漢書之十志及三通皆典章之書也後世古文如趙公教舊記是然

不多見曰禠記類凡所以記禠事者經如禮記投壺  
深衣內則少儀周禮之考工記皆是後世古文家修  
造宮室有記遊覽山水有記以及記器物記瑣事皆  
是共四類其分類大凡略見於此按姚氏古文辭類  
纂分類十有三曰論辨類序跋類奏議類書說類贈  
序類詔令類傳狀類碑誌類禠記類箴銘類頌贊類  
辭賦類哀祭類曾氏則稍事更易為十一類而名稱  
亦多不同其論著類詞賦類序跋類詔令類奏議類  
書牘類哀祭類傳誌類禠記類則與姚氏所同而名

續修四庫全書

卷

集部總集類

稱微有異者其贈序類則姚氏所有而曾氏所無者  
其敘記類典志類則曾氏所有而姚氏所無者其頌  
贊類箴銘類則姚氏所有而曾氏以之附入詞賦之  
下編其碑誌類亦姚氏所有而曾氏以之附入傳誌  
之下編蓋論次微有異同而大体不甚相遠厥後黎  
庶昌輯續古文辭類纂即師其法焉至於全書選旨  
論著則以孟莊韓蘇為宗詞賦上編則以詩騷楊馬  
班張潘庾為宗下編則以楊班郭韓為宗序跋則以  
建固柳歐曾馬為宗詔令則以尚書漢詔陸贄歐陽

為宗奏議則以兩漢奏疏陸贄蘇軾為宗書牘則以  
曹王韓柳為宗哀祭則以潘韓歐王為宗傳誌上編  
則以馬班陳范為宗下編則以蔡韓歐王為宗敘記  
則以左傳通鑑為宗典志則以禮經監馬班歐史為  
宗禠記則以韓柳歐陽為宗方之姚書蓋見仁見智  
各有不同焉

附錄傳記參攷材料

清史稿

續修四庫全書

卷

集部總集類

清史列傳

李鴻章撰曾文正公神道碑

郭嵩燾撰曾文正公墓志銘



群雅集四十卷 嘉慶十三年刻本

劉啓瑞

江都王豫選豫字柳村邑布衣性酷嗜詩家焦山北岸之翠屏洲楊柳桃花數畝本隔江京口諸山皆在几案間豫吟咏其中不求聞達其論詩以王孟韋柳為宗高澹醇雅不為風氣所轉移嘗下榻焦山佛閣輯國朝江蘇人詩五千四百三十餘家為江蘇詩徵一百八十三卷携兩兒司校讐披覽至夜分不輟或於殘篇斷簡中得一佳句輒呼兩兒誦之自謂此境古人得未曾有歷十二年書成侍郎姚文田聞而異

續修四庫全書

卷

集部總集類

之題曰詩徵閣阮元稱其於忠孝節義布衣逸士集未行世者所錄尤多可謂發潛德之幽光云道光初舉孝廉方正力辭不就卒年五十有九著有種竹軒詩文集等俱不傳傳者僅其所輯之書江蘇詩徵外當首推群雅集群雅者以所選諸家之詩必以得乎風雅之正者為主故名之曰群雅蓋詩之可以動天地感鬼神匡政治厚人倫者惟在得乎性情之正雅者正也故小雅之材七十四大雅之材三十一其間亦有正有變要之陳美刺察興衰雖變而未有不出

於正者故曰雅也自漢魏六朝以來作者代起而極其備莫盛於唐于是言詩者多以唐為宗然不善學之往往剽竊剽襲貌合神離實之不存翫其反矣清

代人文炳蔚韶澹鏘鳴新城王漁洋以神韻導之於前長洲沈歸愚以別裁齊之於後稟溫柔敦厚之旨揚順城和動之音以正步趨以端矩矱比而同之亦何異木之有繩射之有的也柳村是編之選乃繼歸愚別裁而輯者歸愚所收斷自乾隆二十五年厥後則未之及清世橫學首推乾嘉而詞章之道亦於斯

續修四庫全書

卷

集部總集類

為盛惜同時選詩諸家多主標新立異意有別屬旨乖於正去風雅之道甚遠殊未足以愜人意柳村乃蹊徑獨闢抱拙守殘一以歸愚為宗錄詩家七百十人為卷四十即以歸愚冠諸首居首以端趨向以正指歸其例亦同於別裁遂不復另為例言然抽繹其要約有四端一編次先後約依科目次第為序無則依其行輩為序二各家之詩或以詩存人或以人存詩然必以得乎性情之正者而後故是編所采寧缺毋濫三閩秀方外另為一編三十五卷之三十八卷



為閩秀三十九卷之四十卷為方外以免互相譏刺  
四詩家傳略悉著詩首或末詳者但載其表字省分  
郡邑與夫科目之有無若傳志可考軼事可傳詩話  
可引或詳或略輒綴評論使讀者有知人論世之概  
此其大略也其餘諸凡悉同別裁間有小異無大易  
也夫歸愚之選別裁與柳村之選是集其難易實相  
迥庭歸愚生平結交遍宇內及晚躋顯仕歸樂林泉  
投繯猷紵者若魚龍之趨大壑宜其搜疏之富決擇  
之當如此若柳村則以一介儒素跼伏江濱無名位

續修四庫全書

卷

集部總集類

可以號名而獨能稱貫羣雅上自公卿下逮韋布較  
兩稱錄去偽存真得乎雅音之正其難蓋什百倍於  
歸愚而成書乃如此宏富每亦老子所謂不出戶而  
知天下者乎斯則是書之精當又從可知矣

附錄傳記參攷材料

清史列傳

楊州府志

吳會英才集二十卷

嘉慶間刊本

劉啓瑞

鎮洋畢沅輯沅字湘蘅號秋帆乾隆二十二年以舉  
人為內閣中書軍機處行走二十五年一甲一名進  
士授修撰三十年升侍讀三十一年升左庶子授甘  
肅鞏秦階道旋調安肅道三十五年擢陝西按察使  
三十六年升陝西布政使三十八年授陝西巡撫五  
十年調河南巡撫累官至湖廣總督事迹具詳清史  
稿本傳秋帆生平篤好風雅宏獎才士一時俊異多  
出幕中而拔掖寒畯尤不遺餘力以故士多歸之既

續修四庫全書

卷

集部總集類

歿舉世有無依之歎其得人也如此先是山左宋牧  
仲舉撫蘇時選江左十五子詩都為一集識者比之  
於河嶽英靈唐人才調厥後十五子皆各有所成就  
世益服其遠識秋帆去牧仲未遠同時才士又如此  
其盛因紹牧仲之例選吳會英才集二十卷錄詩家  
十有二人詩一千三百四十有四首十二家者方正  
澍洪亮吉黃景仁王復徐書受高文照楊倫楊芳燦  
顧敏恒陳燮孫星衍王采薇也正澍字子雲歟人有  
伴香閣詩亮吉字稚存陽湖人有附鮒軒詩景仁字

仲則武進人有兩當軒詩復字秋勝秀水人有樹護堂詩書受字尚之武進人有教經堂詩文照字東井武康人有蘭清山房詩倫字西禾陽湖人有九栢山房集芳燦字荅裳金匱人有吟翠軒詩敏恆字立方金匱人有笠舫詩稿燮字理堂泰州人有憶園詩鈔星衍字淵如陽湖人有雨粟樓詩采薇字玉瑛武進人有長離閣詩並皆一時知名之士而采薇尤為閨閣中之傑出者袁簡齋為之墓志稱其詩哀感頑豔丁當清逸為孫季述之妻而其詩固不亞於季述列

續修四庫全書

卷

集部總集類

之英才蓋母多讓焉夫國家之盛由於人才而人才之興又皆於國家承平百年大化翔洽之後漢之元狩唐之開元是矣元狩之時樅陽柏梁之歌作於上其時為之卿相者公孫宏兒寬而嚴徐枚馬之倫出焉開元時花萼金鑑之製導其端其時為之卿相者張說蘇頲所謂燕許大手筆也而高岑王李諸人亦出焉此十數人者所為詩文類皆瑰偉英特清雄華茂而無哀思感激之音憔悴婉蕩之旨則采士大夫之風而世之全盛可知矣秋帆生當乾嘉之世目擊

昇平高宗倡之於上而群工和之於下濟濟蹌蹌極盡廣酬之樂而士之生於其間者亦皆類能和聲以鳴國家之盛即以集中諸子而言又皆一時之雋或入直承明或出為牧令詩人之遇又非漢之馮衍趙壹唐之羅隱方干所可比故其詩亦皆無憔悴婉蕩之旨哀思感激之音則所遭之遇然也夫吳會特東南一隅耳而人才之盛已如此推之各郡各邑則人才之盛又可知矣讀是集者但思乾嘉之盛可也

續修四庫全書

卷

集部總集類

附錄傳記參攷材料

清史稿

清史列傳



唐文粹補遺二十六卷 嘉慶己卯英山金氏刻本

光緒辛卯杭州許氏刻本

劉啓瑞

吳江郭麐輯唐字祥伯號頻伽邑諸生少有神童之目一眉瑩白如雪舉止不凡見者不問而知而為通人雅士桐城姚鼐極稱許之家貧客遊文采照耀江淮間負其才識不得有所見於世素所積蓄化為憤鬱無聊而時寓於詠歌酣醉嘗病潘昂霄金石例止取韓柳二家因取洪氏隸釋條分縷析間以後人祖述之錄附識於後為金石例補二卷詩初學李長吉

續修四庫全書

卷

集部總集類

沈下賢稍變而入於蘇黃青浦王昶題其行卷云攬其詞旨哀怨為宗玩厥風華清新是上如見衛封寶許元度一流人物詞尤清婉穎異具宋人正音嘗仿表聖詩品十二則深得三昧所為古文亦雅潔奧麗有古人法律著有靈芬館詩初集四卷二集十卷三集四卷四集十二卷續集八卷雜著二卷雜著續編四卷江行日記一卷樗園消夏錄三卷靈芬館詩話十二卷續詩話六卷衡夢詞浮眉樓詞懺餘綺語各二卷而唐文粹補遺二十六卷則其所手輯者唐文

粹為宋姚鉉所輯凡一百卷鴻篇鉅製舉世稱為善

本然搜采未博體例未醇識者猶或病之逮嘉慶十

九年奉敕編定全唐文一千卷而後唐文始燦然大

備然當全唐文未編之先補遺之作要為急務頻伽

蒐討諸家別集總集類以及碑銘石刻等為之拾遺

補闕為類凡十有七曰表奏書疏曰文曰議曰辨曰

讚曰箴曰銘曰誡曰說曰古文曰碑曰誌銘曰行狀

日記曰書曰序曰傳錄文都二百四十有七為例六

一文粹首列詩賦皆取古體賦則所取之外所遺無

續修四庫全書

卷

集部總集類

幾詩雖尚夥然為專門之學者自能於全集中探索不假增益之也故是編闕此二門二文粹於分體之中更列子目使學者易於檢尋瀏覽然頗嫌瑣碎且有不盡當者如碑一門中以項羽廟碑別為奸雄殊不滿人意是編更不別標惟碑誌序記中略以類相從餘則皆以時代先後為次三文粹論一門所取幾無遺篇他如議辯箴銘之類補入者不能各自成卷今以類相從合為一卷列於古文之前四文粹所取之文皆以古質簡奧為主駢體入選者甚少然如少



壞廟碑之屬亦不能割愛是編於駢儷間登一二猶此志也至王谿生釋道二碑向所未見其文沈博絕麗王谿亦自許不凡故全錄之五是編意主搜羅幽隱故於韓柳皆略惟平淮西碑為韓公大手筆而文粹錄段而遺韓竊所未安爰為鈔入送窮文亦然柳州文奇峭刻露亦加登數首六文粹無行狀一門今為補入一卷列於碑誌之後至二氏之文非無可采然終於例不醇故皆不收之此六例是編之次第先後與夫斟酌消益大略於此盡之矣按有唐之文代

續修四庫全書

卷

集部總集類

凡三變厥習靡熾初開宏麗嚴廟鉅製有開必先王楊而後燕許代興而載之至之出焉豐饒冠帶威威儀儀華則榮矣恢張病之於是築立峻悍倣儻張施程古切今橫屬蹕轉曲江梓潼揚之而未宏昌黎河東卓然而倡號一時從風若羽翼鳳而腳走麟李氏皇甫氏之徒為其佐矣文章之運與世升降日異月虧風流迨然其有憤發毅雄信道不惑遺值末流悼歎惛臆忠信強仁又足以副之而加學焉時無鉅材驚漫自意孫劉皮陸司空氏由此其選也循初訖終

波瀾各異指歸無殊選禮割股離骨扶髓要以体沿前代而風樹本朝寧剝丹華亦不純賁素近古則辭語異今遠俗則文字爾雅是固然矣竇臣此選非徒標榜一代實亦別具微指而頻伽之輯尤足補苴罅漏仍甄取其宏通不規求於隱僻持擇矜慎矩矱原書雖名類不悉倫而塗徑正相同固不僅可以輔翊原書而讀全唐文者尤必溯其源矣

附錄傳記參攷材料

續修四庫全書

卷

集部總集類

清史列傳

國朝滄州詩鈔十二卷補鈔二卷續鈔四卷 道光十

二年刻本

劉啓瑞

滄州王國均輯國均字侶樵世為邑之望族博學能文幼多病無進取志通遊名山大川以舒嘯其不平之氣每至必交其賢豪長者性爽朗與人言無城府以是士多歸之生平喜讀書好校讎丹黃終日不去手兩目為之晦最留心梓里文獻嘗輯鄉先進之詩為一集名國朝滄州詩鈔起自國初迄於近世得詩家一百二十二人詩一千三百九十六首分為十二

續修四庫全書

卷

集部總集類

卷其已附見於小傳者詩家猶不僅此焉考滄州近在畿輔人文炳蔚詩家林立代不乏人然各家之專集行世者殆不多觀而各家總集如魏氏之詩持廣集鄧氏之詩觀梅氏之津門詩鈔陶氏之畿輔詩傳夙稱宏備者而錄滄州詩人亦復寥寥無幾於此益信詩人之傳與不傳實亦有幸有不幸存乎其間是編之輯乃寓表微闡幽之意故或以詩存人亦有以人存詩者其編輯之例原有八端今約言之一士有窮達詩即因之顯晦是編於名公巨卿固所必取而

布衣寒士亦所不遺世之操選政者皆恪守門戶獨

標意旨合則存不合則去此則不立阡陌並存作者本色因不敢稱為詩選故名曰詩鈔二生存者不錄前賢歷有成例至編次先後亦遵前人以科第為斷其無科第可攷者則約畧世次為敘如朱起鳳科目雖不得詳而著作宏富允宜冠冕全集列於卷首其同時諸公以及勝國遺民詮次較後自國初迄今所得各家之詩悉行鈔錄末附其長兄國維之詩即漁洋感舊集仿元遺山中州集以攷功終卷例也三諸

續修四庫全書

卷

集部總集類

家詩什其鈔自本集者或分體或編年各從其舊至散見於他書並陸續採訪者則隨得隨錄不復編次四每人字號官爵下有事蹟可載者以行實居先逸事次之見聞最確而無書可徵者以按語附後使後之人讀其詩可以知其入庶滄州前輩典型不至湮沒又詩家小傳最貴簡要州志百餘年未修故敘述稍繁以備異日文献之徵四閩秀詩收錄無幾滄州風俗尚質女子多不讀書間有工詞翰者亦秘不示人故所錄僅一卷至流寓一門官遊過客寄居本暫



是書前自誤作卷六

故不入錄此其大畧也而全書之編次與夫甄錄或於此四端盡之矣夫前人錄一郡一邑之詩而為總集者如會稽擬英集嚴陵集河汾諸老詩集宛陵群英集廣州四先生詩園中十子詩粵西詩載甬上耆舊集等均屬卓卓可傳者然攷其纂述之人率多官於其地其力足以號召群流搜訪隱逸故其事易舉成功較速今侶樵以一老布衣竭十餘年之心力乃始成此巨帙其難易相去為何如而斯編之見稱於人又當何如也

續修四庫全書

卷

集部總集類

附錄傳記參攷材料

滄州縣志

皇朝文典七十四卷 嘉慶二十年刻本 劉啓瑞  
陽湖李兆洛輯兆洛字申耆晚號養一老人嘉慶十年進士改翰林院庶吉士散館授安徽鳳臺縣知縣鳳臺地瘠民貧官罕有至其任者兆洛親履其地巡行里落在任七年轄境大治旋以父憂去職遂不復出主講江陰書院垂二十年其間治經術通音韻習訪訓訂典圖考天官曆術及治古文辭類莫不得人稱咸世論翕然稱之所著有養一齋詩文集等已著錄而皇朝文典則其所輯一代之典章制度文也夫

續修四庫全書

卷

集部總集類

典章制度之文向為國家之鴻章寶書例由詞臣撰擬奉進非私家著述之可比擬其源蓋出於殷周三代尚書說命曰其代予言乃奉令謀文之權輿也厥後六經八柄周官備詳漢嚴選任別休惟四晉重專掌統之省郎唐宋之制宏文有館視單有臺續削蘇李鉛守嚴陸所責簡質不略鋪張不華深厚其辭凝誠其度風采騰於天下懸信昭於後世降及近代休用日繁遂給綽益臻茂密清世諸作尤邁古聲惟是朝章國故例藏石室草莽小臣無由獲見一旦進身



翰苑奉制何以撰述。北洛因選歷朝進奉文字，都為一集，以為世人楷模。而一代之大典鴻文，亦於此書臻之。書凡七十四卷，為類五十有八，編列次第，以皇陵神功聖德碑第一，謁陵祭文第二，皇陵因事告祭文第三，太廟祭文第四，太廟因事告祭文第五，奉先殿祭文第六，列聖列后尊諡冊文第七，列聖列后增上尊諡冊文第八，皇后定諡冊文第九，皇太子追諡冊第十，貴妃諡冊文第十一，大行喪祭文第十二，皇后喪祭文第十三，三壇祭祝文第十四，皇乾殿皇祇

續修四庫全書

卷

集部總集類

室皇穹宇告祭文第十五，傳心殿文華殿祭文第十六，歷代帝王廟祭文碑文第十七，歷代帝王陵祭文第十八，先聖先師先賢先儒祭文第十九，關帝祭文碑文第二十，前代名臣祭文第二十一，風雨雲雷太歲等祭文第二十二，岳鎮海瀆名山名川等祭文第二十三，天妃龍王等群神祭文第二十四，神廟碑文第二十五，太皇太后皇太后徽號冊文奏書第二十，六皇后冊文皇太子冊文第二十七，皇祖皇考貴妃貴嬪冊文第二十八，皇貴妃妃嬪冊文第二十九，親

王郡王貝勒貝子冊文第三十，公主郡主縣君格格冊文第三十一，王妃福晉嬪冊文第三十二，國公將軍都尉世職夫人誥命第三十三，外戚誥命第三十四，外藩先代公侯伯誥命第三十五，追贈敕命第三十六，捐封誥命第三十七，阿保誥命第三十八，覃恩誥命第三十九，太妃太嬪祭文第四十，妃嬪祭文第四十一，諭祭天潢文第四十二，諭祭外戚文第四十三，諭祭駙馬王公等文第四十四，諭祭內外臣工文第四十五，諭祭死事臣工文第四十六，因事諭祭臣

續修四庫全書

卷

集部總集類

工文第四十七，諭祭臣工祠文第四十八，諭祭臣工母妻文第四十九，諭祭外藩文第五十，諭祭阿保文第五十一，諭祭天潢碑文第五十二，諭祭臣工碑文第五十三，諭祭死事臣工碑文第五十四，諭祭阿保碑文第五十五，勅賜建祠碑文第五十六，壙誌文第五十七，二氏冊誥祭文寺院碑文第五十八，錄文都一千八百五十餘首，凡開國以來迄於嘉慶之撰擬文字大略悉在是焉。先是楊郡人士久有是書之葺惜未成編，北洛罷官至楊，因為纂集選錄而又嚴

是書前目未列正集今補入

明人詩鈔正集十四卷續集十四卷 乾隆二十五年刻本 劉啓瑞

於分類其自序所謂就其輯錄小有乖紊遂加釐次以類相從者是也兆洛為陽湖文學以駢儷文工於世所選駢體文鈔最為世所風行世之習駢儷文者亦多以是為歸而論陽湖宗派者尤必首推兆洛兆洛又曾官庶常久掌制誥習於進奉文字宜其所選精確如是也

附錄傳記參攷材料

清史列傳

續修四庫全書

卷

集部總集類

續修四庫全書

卷

集部總集類

明世凡十六帝二百七十七年其間以文字傳者著錄在史志一千一百八十八部而皇明雅頌明代風雅廣選明詩鈔明音類選明代風雅明近体詩鈔明百家詩明詩正聲明詩正体明布衣詩皇明詩選以及光祿英華滄海遺珠越山鍾秀東甌詩集諸書所載詩人未見於史者又數十百家人文可稱極盛明季曹學佺甄而綜之分為六集總六百零八卷搜采甚富惜乎博而寡要讀者未易得其指歸及虞山錢謙益撰列朝詩集帝王而外一千一百九十八人附



見者一百二人。社集餞別寄贈諸詩以名氏見者八十六人。繼留羽客香奩。儵儵又二百六十七人。各為小傳紀其事。自比之遺山中。州集以備列朝掌故。而持論未公。議者遽起。逮及清世。朱竹垞錄故明之詩。自帝后以下。迄於禰流。三千二百五十有七人。採摭愈廣。体例愈精。以之為一代之書。良無愧色。沈歸愚明詩別裁集。撮其菁英。歸諸簡要。讀明詩者。博徵之詩綜。約求之別裁集。二書實攬其要矣。然博稽載籍。諸家所收。猶有未盡。笠亭因別輯為一書。以補諸家

之未備。而畧其所已詳。計正集十四卷。錄詩九百五十首。詩家六十有五人。續集十四卷。錄詩七百九十八首。詩家四百三十有二人。雖家數不及前人十之二三。然跌宕才華。標舉風格。有前人所未及者。而此獨詳焉。其編次大旨。悉載凡例畧云。一選一代之詩者。必以人敘次。方可辨一代詩体。然多或數十首。少或一二首。多寡不均。高下迭奏。恐讀者耳目易混。未能別白。今鈔大家名家詩為一編。曰正集。其餘諸家之堪為羽翼者。別為一編。曰續集。分集以載庶幾。挈

然有當。二四傑七子諸稱。當時已有標目。日久論定。

詩品懸殊。未容並列。有宜入正集者。有宜入續集者。斟酌去取。務衷至當。又或鄉里前誥。宏才碩學。實堪繼武昔賢。而集本未甚流傳。以致姓氏晦於當代。蒙服膺既久。不敢私諸篋衍。載入正集。以質當世。知言君子。其有著作殘缺。而詩實可傳。附見續集。使覽者識其名字。亦發潛之意。然見聞淺隘。未能網羅。攷夫竊有憾焉。三鈔明人詩。終明一代之運。起訖較焉。乃符体例。還家顧或及元代遺民。而於明季隱遯之士。

收之不盡。此皆失於限斷者也。故有元人入明者。必其身受爵命。乃為明人。而錄明季遺老。亦如此例。庶於編詩之中。不紊人代次序。四興觀羣怨學詩大端。而學人法戒。尤於近代為宜。故於姓氏下。恪遵史書。節錄出處大畧。以備考鑑。其有史傳未見。廣摭博採。求其信而可徵者。標舉始末。又或有遺事可書。及有關一代典故者。皆詳列之。庶幾知人論世之義。五分卷次第。或以時代限斷。或以方域師友分列。各有其義。讀者依次而求。可以考一時一方詩教盛衰大畧。



亦論世之一端也。六詩見本集及各選本，字句互有不同，擇其善者從之。又或有選家改竄，以本集校勘，大為刺謬者，雖出名選，亦必照原本刊正，使讀者見廬山真面。七卷帙有限，存詩不能多，大家名家詩，膾炙在人口者，慎之又慎，擇其尤者鈔之。或兩詩並美，而章法意境大略相同，亦必去一存一，特擇殊費苦心，或有隱晦未彰者，錄詩稍寬，以俟當代採擇。此因人起例，非以多寡為優劣也。八詩話有兩種，一載本事，一載評騭，皆有裨於詩學，擇其要者分注存之。諸

家詩品前人論列已詳，不敢妄贊一辭。吟諷之餘，間有所得，亦附載數語，以誌嚮往。又有名句不忍割棄，亦牽連及之。其例共八則，而載釋綦詳，綱舉目列，不僅全書編次大概，可以緣知，而一代詩之正變升降，亦可於此覘之矣。昔沈歸愚明詩別裁集序論明詩得失，咸服其確論。今得笠亭之說，更足補苴罅漏，張皇幽眇。世之讀明詩者，舍朱沈二家之外，當以是集為指歸矣。

附錄傳記參攷材料

國朝詩人徵略

海鹽縣志

曲阜詩鈔八卷 道光二十三年刊本 劉啓瑞

曲阜孔憲彝輯憲彝字敘仲號繡山一號秀珊道光  
丁酉舉人官內閣中書嘗侍父官津門與名流相酬  
唱一時有才子之譽繼遊江淮間與盛子履陳雲伯  
相過從詩才益進惜屢厄場屋不獲舒其懷抱退而  
折節為詩造詣入王孟之室著有對薇樓詩錄最為  
士大夫所稱賞生平留心鄉邦文獻世族清芬蒐輯  
尤不遺餘力賞音先聖裔詩為闕里孔氏詩鈔十四  
卷舉凡孔氏詩人莫不悉在網列目錄極盡表微潛

續修四庫全書

卷

集部總集類

幽之意既編孔氏詩鈔又念曲阜世家孔氏而外顏  
氏最著次則東野氏其他如魏氏賈氏陳氏黃氏桂  
氏王氏毛氏皆盛於時復輯曲阜詩鈔八卷以便世  
人有知人論世之概錄詩都五百餘首詩家五十有  
一人自孔氏之外於顏氏得三十三人陳氏得四人  
東野氏魏氏各得三人王氏得二人賈氏黃氏陶氏  
毛氏桂氏鄭氏各得一人以較山左詩鈔所載曲阜  
諸家人則倍之詩加詳焉且仿武定詩鈔之例人係  
以傳以志其遺言軼事其編次先後則以行輩年齒

定之不以科第為斷蓋鄉黨尚齒異國聞也至閭秀

僅一人乃考功之女歸孔氏者已見於孔氏詩鈔婦  
人內夫家且二鈔相表裏故不復見此其全書之大  
概也孔氏東則詩之教詩家代不絕書累世相傳子  
孫法守繩繩繼繼方興未已而顏氏諸家或為孔門  
弟子之緒或為洙泗遺民之孫並皆生長闕里與聞  
聖化詩雖未能悉臻妙境要亦得乎風雅之正無跋  
扈之音也而是編之選尤能得詩教遺意黃爵滋序是  
集謂是編微顯悉具典刑成在曲阜之詩固傳曲阜

續修四庫全書

卷

集部總集類

之人亦傳蓋能語道其實非虛譽也

附錄傳記參攷材料

符葆森輯國朝正雅集

印須集八卷附女士詩錄一卷續集六卷又續集六卷

嘉慶十九年家刻本

劉啓瑞

長洲吳翌鳳輯翌鳳初名鳳鳴字伊仲號枚庵吳縣諸生少好學嘗手鈔書數百卷多藏書家未見者中歲應湖南巡撫姜晟之聘繼主瀏陽南臺書院操行潔白不可干以私既老倦而歸橐中裝惟書籍數千卷而已為人外和内介父死哭過節一日失明事繼母以孝與人交有終始友人林蕃鍾為妻縣教諭病篤以書招之疾馳往卒為經紀其喪其篤於友誼如

續修四庫全書

卷

集部總集類

此於學無所不窺而尤長於詩自漢魏三唐及宋金元人詩皆手自選定吳梅村祭酒詩集舊注詳略失宜翌鳳考訂五十餘年據史傳為之詳注所為詩格律深穩語意和平得溫柔敦厚之旨所著有與稽齋叢稿等二十餘種多梓行此則其所輯者先是翌鳳嘗輯平生師友之詩都為一集仿漁洋感舊集例名之曰懷舊集計正集十二卷續集六卷又續集一卷附女士詩錄一卷然所錄均屬已往之人此則采錄今舊兩之詩節取範葉詩人之義名之曰印須集以

續修四庫全書

卷

集部總集類

別於懷舊集也計正集八卷附女士詩錄一卷續集六卷又續集六卷錄詩都若干家其例悉同於懷舊一編次先後正集以科第先後為序續集以收到先後為序其又續集亦如之二女士詩錄別為一編以不便仍印須之名而女士之夫與子又或交或友者因列為附錄三各家之詩取其佳者或以詩存人或以人存詩亦有友其人而未讀其詩者則隨時補錄如非素與遊處及嘗通問識面者則不敢濫登四各家詩首仿元遺山中州集例各注以字號爵里著作並綴以詩話或述行誼或論詩品以見詩人本來面目然立言務求公正取材務求精詳俾免時人標榜之習此皆與懷舊集例同者蓋錄詩之例各有不同而選輯之例則悉同也昔新城王漁洋有感舊集長洲沈歸愚有國朝詩別裁集均能力追雅正主持風會世人多奉以為圭臬然故老云亡楷式久絕承學之士拾人唾餘互相輕薄一時夫新豪宕之習淪浹宇內愈人骨髓莫可洗滌先民槩壤蕩然無存而風雅之事衰矣翌鳳是選獨能祛除其弊卷中諸賢無



不別裁偽体、抗心正始、雖不能力移風會、要亦有微  
意存乎其間、蓋新城、長洲之後、當以此選為佳、固不  
僅以印須我友為職志也。

附錄傳記參攷材料

清史列傳

道光重修蘇州府志

續修四庫全書

卷

集部總集類

童蒙養正詩選一集一卷二集一卷三集一卷 合肥

王氏家刊活字本

劉啓瑞

合肥王錫元選、錫元字樂山、中年後自號澤齋、老人  
世居合肥之惠政橋、幼穎敏、幼學從伯父野亭、讀有  
自立志、稍長出就外傳、從同邑省儒張漁村受業、博  
極群書、旁逮醫卜、尤嗜宋儒程朱理學、光緒初元、以  
歲貢生選訓導、不就、前後被聘教授於天津、保陽及  
里中者垂四十年、成材尤衆、一時俊異多出門下、世  
多以大師況之、教授既久、因錄課讀之什為童蒙養

續修四庫全書

卷

集部總集類

正詩選都三集、集各一卷、錄詩百首、合為三百首、以  
當於毛詩之數、其旨端在課讀兒童、故名曰童蒙養  
正詩選、凡詩之足以陶冶性情、啟發智德者方入錄、  
取其可以鼓舞孩提、活潑氣概、發揮其忠實仁厚之  
天真、培養其高潔優越之情緒、否則文詞雖美、無當  
斯旨、或陳義甚高、索解甚難者、概不列入、第一集一  
百首、篇幅最簡、二三集則以次進焉、由簡入繁、取便  
循序誦習、且為注重實用、計、概不分体、斷代、例雖不  
合乎古、要亦專為課讀而設、本溫柔敦厚之旨、作興

觀群怨之資推之成人之日用倫常其道亦不外乎此固不僅為啓蒙已也世之教學者多以千家詩唐詩三百首唐人萬首絕句等書為主詞旨奧曠領悟綦難以僅僅勝衣就傳之童子而塾師乃為講解深奧之作不僅徒耗日力抑且無補進取況宮詞閨怨諸什累牘連篇講授不詳每生誤解先入為主習氣易滋殊有乖於蒙以養正之意斯集之選首矯此弊博觀約取不事苟同昔王文成公有云古之教者教人以倫今教童子惟當以孝弟忠信禮義廉恥為要

務其栽培涵養之方則宜誘之歌詩以發其意志方之斯選蓋能得其旨矣往新安汪思伯薇有詩倫之選以詩之有關於五倫者悉收之桂林陳文恭公錄其詩數十首附養正遺規以行又加以按語云近世師生多以歌詩習禮為迂陽明先生反覆言之意深切矣獨是冠昏喪祭鄉見六者久有成書均所宜習惟詩歌種類不一愚意為童子計宜取其有關性情而又易知易從者汪君詩倫可謂極有關係其推崇可謂甚至蓋亦以其足以啓發童蒙為職志也惜詩

倫之後未有繼者逮及此書始合此旨倘昔人亦所謂殊途而同歸者歟是書末又附詩選作者姓氏小傳一卷以便世之讀者有知人論世之助是亦有足多者

附錄傳記參攷材料

民國重修合肥縣志

皇朝駢文類苑十四卷首一卷 光緒九年鎮海張壽榮刊小字本

劉啓瑞

鎮海姚燮選燮字某伯號復莊道光十四年舉人資稟絕人五歲能賦鍾花詩讀書恆十行下自經傳子史至叢書小說旁逮道藏釋典靡不覽觀詩筆力雄健自遭海夷之亂出入干戈嘗艱苦著繭梅錄一書縷述事故信而有徵所為詩乃愈蒼涼抑塞逼近少陵駢麗文亦復沉博絕麗與彭兆蓀相近尤工倚聲其疏影樓詞讀之者以為屬鴉復生著有復莊文

續修四庫全書

卷

集部總集類

權復莊詩問玉樞經筵等多梓行其所輯未完之稿則皇朝駢文類苑是也清代駢文趨轍前古幾復六朝之盛其選之而為總集者有吳萬之八家四六文鈔曾燠之國朝駢体正宗惜所錄悉以各家先後為序未能以体類相從其有以体類相從者徵之前人當以昭明文選為始繼之者則有續文選廣文選諸編而李氏兆洛駢体文鈔選自秦迄隋之文區類三十有一尤為善本復莊因師李氏之意最錄一代駢體之文斟酌消益分類十有五曰典冊制誥之文曰

續修四庫全書

卷

集部總集類

頌賜奏進之文曰書啟之文曰序文曰記文曰禱頌贊銘之文曰論古文曰碑記文曰墓碑誌銘之文曰哀誄祭文曰賦文曰釋難之文曰牋牘之文曰壽文曰牒体文而序又分類為四曰著述序跋之文曰題圖之作曰遊宴行役記序曰贈送之作錄文都五百三十有二作家一百二十有五入宏篇巨製体大思精惜未成稿者志以歿身後止餘文目一通粗存大概而典冊制誥文類並子目亦付闕如無從攷徵邑人張壽榮為之拾遺補闕按目錄文始復舊觀而典冊制誥文類猶未敢妄事增補以示審慎即此本也首列原目以存其舊又輯諸家姓氏攷略一卷冠之書端俾讀者有知人論世之助蓋比之原目又加詳焉昔李氏兆洛選駢体文鈔有云自秦迄隋其体有壇變而文無異名自唐以來始有古文之目而目六朝之文為駢体為其學者亦自以為與古文殊路夫氣有厚薄天為之也學有純駁人為之也体格有遠變人與天參焉者也義理無殊途天與人合焉者也得其厚薄純駁之故則其於具体格之變可以知世



馬於其義理之無殊可以知文馬文之体至六代而其變極矣沿其流而溯之以至乎其源則其所出者一也吳彙選八家四六文鈔亦云以多為貴復辭非駢拇沿飾得奇偶語非重疊曾煥選國朝駢体正宗亦云古文喪真反遜駢体駢体脫俗即是古文也跡似兩途道當一貫三家者言俱確切而世之有門戶之見者必謂駢体與古文殊今觀姚氏所輯乃知工古文者亦未嘗不工駢儷工駢儷者亦未嘗不工古文表裏相承原無異致後人乃妄為岐別毋亦偵歟

附錄傳記參攷材料

清史列傳

粵詩蒐逸四卷 道光三十年南海伍氏刻本

劉啓瑞

番禺黃子高輯子高字牀立號石谿道光戊子優貢生少以辭章擅名留心掌故考證金石藏書甚富率多異本尤精小篆人得片紙爭藏弄焉著有石谿文集知稼軒詩鈔續三十五舉等而鄉邦文獻最為留意嘗搜輯歷代選集諸家雜記錄為粵詩蒐逸四卷上起陳代劉勰下迄元世陳文瑤凡百餘人詩三百餘首雖零章斷句亦所不廢意專蒐遺非選詩也故

別集存者不錄明以後作者林立亦不勝收自序謂昔之選粵詩者有嶺南文獻續文獻廣東文獻皆三書不皆專於詩也專於詩者嶺南五朝詩選廣東詩粹廣東詩海大抵以廣收並蓄表揚前哲為主顧每觀各選俱首西江一似曲江以前無詩者又有明諸君口談唐律遇宋元人作輒行列落以故兩代篇什流傳日少余竊不自量度遍發家中所有聚而錄之不足則借人閱市積有歲月得若干家雖屬單詞亦必甄錄至如文獻清獻武漢文溪邵先輩陳嵩伯歐

上舍趙王孫各有傳編均在所闕溯自建始之年迄於有元之世都成一編釐為四卷疎脫遺亡誠所不免考訂補輯是所望於後之人矣自序所云可以見其選書之大概然考各家選詩之始於曲江要亦非無故按屈氏廣東新語稱漢和帝時南海楊孚為南裔異物贊亦詩之流或者廣東之詩其始於楊乎然贊究非詩也又稱孝惠時南海人張買侍游苑池鼓權為越謳時切諷諫晉時高州馮融汲引文華士與為詩歌梁曲江侯安都為五言詩聲情清靡數招聚

續修四庫全書

卷

集部總集類

名士如陰鏗張正見之流命以詩賦第其高下以差次賞賜之此皆開廣東風雅之先者而均不存因之詩始曲江原無足異而石谿乃以此見識先輩毋乃過歟至書中各詩悉注出處詩家名字爵里事迹詳為考訂是亦有足多者蓋是書之輯瑕固未可掩瑜也

附錄傳記參攷材料

清史列傳

十八家詩鈔二十八卷 同治甲戌傳忠書局刊本

劉啓瑞

湘鄉曾國藩集國藩字伯涵號滌生道光十八年進士改庶吉士散館授檢討累充四川江西順天鄉試正考官文淵閣校理翰林院侍講學士且講起居注官文淵閣直閣事內閣學士禮部刑部右侍郎兵部工部吏部左侍郎會廣西洪秀全倡亂奉詔辦理團練稱湘軍戡亂天下事平累功至兵部尚書兩江總督欽差大臣協辦大學士武英殿大學士直隸總督

續修四庫全書

卷

集部總集類

太子太保一等毅勇侯諡文正事迹具詳清史稿本傳是編乃其所葺者名十八家詩鈔十八家者曹子建阮嗣宗陶淵明謝康樂鮑明遠謝元暉王右丞孟襄陽李太白杜工部韓昌黎李義山杜牧之白香山蘇東坡黃山谷陸放翁元遺山是也最錄十八家之詩擷其精華以五古七古五律七律七絕為次第萃為一書都二十有八卷卷一之九為五古卷之十十六為七古卷十七之十九為五律卷二十之二十五為七律卷二十六之二十八為七絕而各家之詩亦以

各體為序。五古錄曹子建五十五首。阮嗣宗八十二首。陶淵明百十有四首。謝康樂六十五首。鮑明遠百三十一首。謝元暉百十有八首。李太白五百六十首。杜工部二百六十三首。韓昌黎百四十二首。七古錄李太白百五十七首。杜工部百四十六首。韓昌黎七十八首。白香山百十有四首。蘇東坡三百二十八首。黃山谷百六十五首。五律錄王右丞百四首。孟襄陽百三十八首。李太白百首。杜工部六百一首。七律錄杜工部百五十首。李義山百十有七首。杜牧之五十首。蘇東坡五百四十首。黃山谷二百八十六首。陸放翁五百五十四首。元遺山百六十二首。七絕錄李太白七十九首。杜工部百五首。蘇東坡四百三十八首。陸放翁六百五十二首。都古近體詩六千五百九十九首。每首或附以評。或附以釋。或附以解題。或附以引証。均能屏棄歷代選家之失。而獨樹一幟。原意便於家塾誦讀。昭示來學。故所選一秉於正。誠為誦讀之善本。蓋不求工而自工者。夫詩導源於三百篇。一變而為騷賦。再變而為漢魏之五言。下逮晉宋齊

梁。文体爛浮於唐。唐時乃有古今體之別。眾製大備。李白杜甫作而詩之軌極焉。其他清才逸翰。分道揚鑣。就其善者。無慮數十百家。自有生民以來。詩未有如唐之極盛者。昌黎生李杜後。乃稍參以險詞澀字。蘇黃起而和之。挾幽搜奇。而詩之變極焉。降及宋元。益微變化。選詩者每苦難於翦裁。稍一不慎。或失之偏文。正獨能獨除其弊。運斤自如。蓋非有特見樹立其間。曷克臻此。其嘉惠士林。豈淺鮮哉。

附錄傳記參攷材料

清史稿

清史引傳

李鴻章撰曾文正公神道碑

郭嵩燾撰曾文正公墓志銘



國朝六家詩鈔八卷 乾隆丁亥原刊本 光緒丁亥  
四川重刊本 劉啓瑞

無錫劉執玉選執玉字復燕暗榕子暗榕字子根以  
詩名江左冲澹淵穆如入禪定著有南榮集最爲沈  
歸愚所賞並選其詩入國朝詩別裁集稱其真臨高  
簡當爲梁溪風雅之宗復燕能嗣其學亦工篇什教  
授鄉里不樂仕進嘗選國朝六家詩鈔以爲諸生楷  
式六家者宋阮施閔章王士正趙執信朱彝尊查慎  
行也錄詩都一千三百八十六首分爲八卷仿元道

續修四庫全書

卷

集部總集類

山中州集例各家系以姓字爵里著述事跡俾讀者  
有知人考世之徵若詩家先後則以時爲次詩家篇  
什則以年爲次庶作者畢生閱歷隨境觸發之詩亦  
復瞭若列眉或各家詩集原以體類分者亦略考其  
作詩次第以歸畫一至詩中佳境讀者固各有會心  
然爲展卷顯豁計間附圖點以清眉目若詩中援引  
故實處閱者固難一覽了解遂略加詮釋以便初學  
其編次大旨或詳於此矣按清初詩家林立步武漢  
唐而精深華妙擅場諸休者首推阮亭蓋初白格意

清雄出變化於矩矱中有神無迹施愚山朱竹垞趙

秋谷宋荔裳生面各闢功力深到俱爲詩家之雄實

開一代風氣猶唐之李杜韓白王孟韋柳宋之蘇黃

范陸元之虞楊范揭馬沈歸愚許是集謂國朝人文

化成力追雅頌而執牛耳者宜推阮亭讀其詩明麗

博雅渾厚高華談藝四言阮亭直自道耳與阮亭相

後先者則查初白磅礴累兀步武眉山他如愚山之

敦厚溫柔荔裳之雄健落磊雖各樹壇坫而生面獨

開竹垞詩格稍變而言必唐音秋谷抱負異才高而

續修四庫全書

卷

集部總集類

不說之六家者類皆胚胎於漢魏六朝自成一家言  
以鳴國朝之盛學詩者從此求之因甚異以求其所  
以同而不惑於歧路不染於習氣則此直可爲渡海  
之航登山之屐余選國朝詩以限於卷帙割愛者甚  
多今得是編可補余之未備而選擇謹嚴箋解精當  
尤爲後學之津逮斯言也雖推許固屬甚至然亦可  
以知是編之精華矣

附錄傳記參攷材料

無錫金匱縣志

續修四庫全書

卷

集部總集類

八軌吟館刻燭集三卷 琅環仙館阮氏刻本

劉啓瑞

儀徵阮元等撰元字伯元號芸臺乾隆五十四年進士改翰林院庶吉士散館授編修五十六年擢詹事府少詹事入直南書房充文淵閣直閣事五十八年提督山東學政六十年調任浙江學政權內閣學士嘉慶三年升兵部右郎中四年署兵部左侍郎旋署浙江巡撫有善政累仕至雲貴總督休仁閣大學士晉太傅銜事迹具詳清史稿本傳當巡撫浙江時嘗

續修四庫全書

卷

集部總集類

集其門下士等擊節賦詩臨流題詠酬酢贈答歲無虛夕因仿漢上題襟之例為八軌吟館刻燭集八軌者西漢五鳳軌西漢龍鳳軌漢永吉軌吳蜀師軌吳天冊軌東晉大興軌東晉咸和軌東晉興寧軌也阮氏既得此漢晉八軌因貯之小室題曰八軌吟館自序謂諸友于三浣之暇吟咏於此但祇刻燭一二寸勿勿不似賦日五色者名之曰刻燭集猶草稿也其書都三卷大氏分題括韻者多卷一為分詠秦漢六朝十印詩置西漢定陶鼎於焦山詩分題琅環仙館

所藏畫扇詩唐鷄林道經略使印歌雲臺峯用蘇  
黃壺中九華倡和韵詩卷二為八瓶吟館分詠漢晉  
八瓶詩漢金釭歌焦山漢鼎歌題秋江載菊圖詩分  
詠十三酒器詩題朱氏月潭八景圖冊詩卷三為王  
復齋鐘鼎款識歌前十三酒器詩後十三酒器詩冬  
至日澹寧精舍分詠詩即事詩初夏詩題雖無多而  
分詠者衆或加箋釋或附考證均有裨於實學要非  
專詠風雲月露者可擬也與斯選者並一時知名之  
士曰平湖朱為弼石甫錢塘陳文述雲伯會稽顧廷

續修四庫全書

卷

集部總集類

綸鄭鄉江都焦循里堂烏程張鑑秋水錢塘陳鴻壽  
曼生元和蔣徵蔚蔣山石門方廷瑚鐵珊儀徵許珩  
楚生南城王聘珍貞吾濟寧王宗敬礼思吳江程邦  
憲竹厂大興翁方綱覃溪吳縣吳廷琛棟華浦城陳  
壽祺恭甫錢塘何元錫夢華奉賢陳廷敬古華及阮  
氏諸賢元伯元亨仲嘉陰曾封沂常生壽昌至其間  
所錄覃溪蔣山雲伯三詩則為曩日所作阮氏編時  
附入者要非同時所為也

附錄傳記參攷材料

清史稿

清史列傳

續修四庫全書

卷

集部總集類



國朝常州駢體文錄三十一卷附結一官文一卷 光緒十六年家刻本 劉啓瑞

武進屠寄輯寄字敬山咸同時通儒最精輿地之學尤粹元史著有蒙兀兒史記海內稱為善本謂當與元史並行又工駢儷著有結一官駢體文得徐庾遺緒嘗輯同郡先達之駢儷文為一集名曰國朝常州駢體文錄都四十有三家錄文五百六十九首四十三家者陳維崧其年劉星輝國三秦惠田樹峯葉蕭鳳王蘇儔崎孫爾準平封洪亮吉稚存洪符孫幼懷

續修四庫全書

卷

集部總集類

洪綺孫子齡孫星衍則如趙懷玉味辛惲敬子居張惠言皋文張琦翰風張成孫子儒李兆洛申耆永培元守丹陸繼輅祁生陸耀通劬文楊芳燦蓉裳楊揆荔裳顧敏恒立方劉嗣綰美初方履篋彥聞方駿謨元微董基誠子訖董祐誠方立董士錫音卿周濟保緒劉承寵麟石錢相初申甫汪岑孫蔣學沂小松汪士進逸雲陸載恩紫峯莊受祺衛生莊士敏仲永湯成彥秋史楊傳第聽騰蔣曰豫侑石夏煒如永曦何斌廡坊管樂才封遼是也常郡當乾隆嘉慶時咸為

文章尤工駢儷洪稚存孫伯明齊全羈於前方彥聞董方立馳玉馱於後張皋文特善詞賦李申耆尤長碑銘諸附麗之者亦各抽心呈貌流芬散條疊疊乎文有其質焉於時海內屬翰之士敷說其義至乃指目陽湖以為宗派自時厥後清風咸藻未嘗稍替至於咸豐干戈時動弦誦薈輟然猶廣續餘緒無替宗風敬山之輯蓋仿吳郡文粹之例以徵一郡之文獻譬之國有風詩宜事甄采固非阿私所好也其編次卷第略以諸先達行輩為後先間有以子從父如洪

續修四庫全書

卷

集部總集類

幼懷子齡兄弟在孫趙前者乃所以明一家之學其餘零章斷簡亦各以類相附其編次大概悉見於敘錄略謂具區之北大江之南是生竹箭亦貢璫金曰常作州率唐詹令六代藻麗炳蔚遺風聖清闡耀辨雕群士人極靈珠家被文綺褒采衆製光我桑梓檢討誕逸躬閱泰離枯樹搖落萬被軼軻過時晚達衰立上科英思泉發緝旨星羅未學刻鵠并遭詆訶錄湖海樓文第一侍郎難容運休身顯鶴響蘭皋鳳塞紫漢紛綸羽獵錯采封禪掄揚主德臣子之願錄思

補齊文第二維清四葉推浦毅文恭善辟微君無  
祿王生賦賦自結主知公孫官達亦際明時廟堂之  
作金石其詞錄味經寓文葉微君文試暖堂文恭雲  
堂文第三寒寒稱存陳義靡諱忠悟竟舜遇熙達比  
誕節光朝清標映世性別宮商體範山水錄卷施間  
乙集文第四第五更生齊文第六增基岷岷積之俞  
隆一簣靡廈昂究叢功抑抑幼懷思祥雕龍體微材  
弱扶此文棟錄齊雲山人文第七子齡微出堯單孰  
相既哀疾惡愆義方克躬懸學先業重光膏馥是

續修鳳全書

卷

集部總集類

得徒累允長錄高則齊文第八伯明貞介在勢不操  
勤學上第甘沈下曹天才夙練儒業中脩少作雖悔  
文采自道氣潤金石律諧管簫存此逸響以振庸調  
錄問字堂外集文第九士安風痺昇之寧痼億孫貞  
疾徐德存素弭翼邱樊敦心風雅華不傷雕樸不苦  
竄唯子居文變而彌古率意言事亦追遼固錄亦有  
生齊文大雲山房文第十份份泉文經明行脩亦習  
詞賦揚班之傳鸞翮思舉龍駕未悠芳蘭遽折神策  
不收孔懷俊弟祕穎妍道播殖清風並茂錄條錄若

柯文宛鄰文第十一彥惟清立承家軌憲刻志領聞  
研圖注篆振奇之作思躍言蹇錄端虛勉一居文弟  
十二經師易得人師實難惜惜鳳臺業廣志專錯綜  
象緯苞溫儒元翰藻之美張蔡是憲承生一體訓詁  
斯傳錄卷一齊文守丹文第十三弟十四恂恂二陸  
相師父子外毛嬰交內資侃母文絮秋瀾譽積春芷  
尊敬儒冠幼溺書記錄崇百藥齊文雙白燕堂文弟  
十五蓉裳宗矩王後盧前遺柯實等再植乃妍摠懷  
錦絮落紙烟新惟彼蒨裳位連年無接華先穎含穎

續修鳳全書

卷

集部總集類

未申亦有顧子共執連嫻錄芙蓉山館文桐華館文  
辟疆圖文第十六第十七娟娟之水曲而善通濯濯  
之莖纖而自蔥翬翬醇甫杼軸其工觀妝靜飾未羨  
豐容錄尚絅堂文第十八炳炳彥聞厥休豹變上規  
永明下逮貞觀口吐瓊言手揮珠翰麗而不淫博而  
有典元微安雅瀟則無偏錄萬善華室文敬業述事  
之室文第十九第二十子說朗達冠弱有文提挈令  
弟騁驚芳塵人畏其筆我放其論善諫而虐君子勿  
敦錄移華館文第二十一英英方立冥心獨造頻鏡



川漬仰格纏暑桑鄰知疏益髀謝繆奇龍天麗雕篆  
雲緝含徐度庾陵江轢鮑体兼上材年靳中壽錄蘭  
石齋文第二十二音卿善學酷似其舅飛沫元淵据  
華詞圖哀聲含激逸情隱秀神駒服箱跪足中道錄  
齊物論齋文第二十三保緒三長是成晉略蕪蕪莖  
除治乱表襮斯才不易未登著作我懷伊人銅官之  
麓錄味雋齋文第二十四擊悅枝莖瑀鐫月露萋斐  
麟石是宗鮑謝錢文多佚汪字無聞唯此碎錦寶之  
斤斤錄麟石文申甫文汪先生文弟二十五再生不

續修四庫全書

卷

集部總集類

獲再醢必薄北江激瀾挹注靡涸集集小松志正体  
弱錄孤米山房文第二十六逸雲寬亮處約能泰雅  
俗文墨今古倫休紫峰詩人文亦淵美既長敘贊尤  
工銘誄侃侃二賢邈邈風氣錄鬢雲軒文讀秋水齋  
文弟二十七衛生晚起耆名凋謝奮豐頽波上參作  
者不華不緝實方實雅仲求清到心希高槩錄楓南  
山館文能思思齋文弟二十八向注未出子玄所據  
翩翩佛助亦竊任昉秋史能文胡蹈斯病和氏入秦  
大弓歸魯士貴斐然立言有主錄聽雲仙館文弟二

十九子雲有言雕蟲小技刻意新功亦職匪易楊蔣  
於文治之未勤夏織而弱何詭不純管君哀逝枝葉  
徒紛錄汀鷺文問奇堂文南陔堂文悔餘菴文游養  
心齋文弟三十其錄文大概與夫卷次先後迨盡於  
此矣其三十卷後復列敘錄為一卷都三十有一卷  
蓋仿馬班自序之例而略變其法是亦有合於古者  
至結一官文已著錄入別集類茲不復及云

附錄傳記參攷材料

續修四庫全書

卷

集部總集類

蒙元兒史記孟森序



南苑唱和詩一卷 同治十三年刻本 劉啓瑞

吳縣潘祖蔭等撰祖蔭字伯寅道光二十八年恩賜

舉人咸豐二年一甲三名進士授職翰林院編修四

年充國史館協修實錄館纂修六年充功臣館纂修

及會試同考官五月補侍讀充咸安宮總裁南書房

行走文淵閣校理七年署日講起居注官授侍讀學

士八年充陝甘鄉試正考官署國子監祭酒轉侍讀

學士九年授大理寺少卿十一年署宗人府府丞同

治元年遷光祿寺卿署都察院左副都御史充山東

續修四庫全書

卷

集部總集類

鄉試正考官自是累署工部戶部吏部禮部刑部兵

部侍郎工部禮部兵部尚書經筵講官太子少保軍

機大臣累充鄉試覆試閱卷十三次會試覆試朝考

散館閱卷各七次殿試讀卷四次考試試差優貢朝

考閱卷各四次拔貢朝考閱卷二次考試御史閱卷

六次考試學政學錄漢廕生閱卷各一次考試漢教

習閱卷二次考試考廩方正閱卷五次考試漢膳錄

閱卷三次事蹟具詳清史稿本傳此則其南苑唱和

詩也當同治十三年八月穆宗幸南苑駐蹕行獵伯

寅充扈蹕大臣與黃孝侯少寇鈺徐頌閣庶子鄭

子授侍讀貽經歐陽用甫贊善保極等俱珥筆之暇

相與酬倡往返僅十日而得詩六十餘首因錄而存

之以誌朋盍之盛又為之刊布以行其時猶未匝月

也集中佳什至多如伯寅詠行帳云北極星明拱帝

居樹叢隱隱見穹廡風帆大海無邊濶雲錦諸天一

片舒就岸牽船形卻似臨淵結網意何如礙眉妨帽

從人說顧問深慚第七車孝侯和作云周廡千列傍

觚稜土木無功百堵興甲第五侯連義帳比閭疆域

續修四庫全書

卷

集部總集類

界金繩但憑簾幕開窓戶各樹標竿襟綵繒是處行

游魚覽勝深宵常看上元燈頌閣和作云廣廈全憑

大木支何須鴛瓦疊參差重簾不卷無風入紙帳微

寒自夢知一色大城涼映月兩行宮燭細敲詩行窩

安樂君休笑記否連牀話雨時並清新雋永詠物確

切情韵亦頗雅勝蓋非別裁偽体者固不能具此大

手筆也晚清翰苑文物替衰論詩文者舍伯寅等無

所取而題襟唱和之作又必以斯編為佳善餘則僕

數難終蓋自鄒以下已無足議矣

附錄傳記參攷材料

清史稿

清史列傳

續修四庫全書

卷

集部總集類

海虞文徵三十卷目錄二卷 光緒三十一年石印本

劉啓瑞

常熟卽松年輯松年字伯英旣息金邑之宿儒教授鄉里成就甚衆所爲詩文類能趕轢名家排鼻唐宋尤留心鄉邦文獻搜訪故實嘗足涉郊坰親詢父老旣於光緒三十年佐邑人纂修里志又葺其所未備者成海虞文徵三十卷分文詩爲二卷一至二十四爲文卷二十五至三十爲詩文爲類三十有七曰制曰牒曰據曰疏曰劄子曰議曰策曰書曰序曰碑曰

續修四庫全書

卷

集部總集類

日記曰說曰辨曰考曰文曰跋曰書後曰箴曰銘曰頌曰贊曰祭文曰誄曰自傳曰自序曰生誌曰行狀曰傳曰神道碑曰墓碑曰墓表曰壙志曰墓誌銘曰方外碑銘傳記曰募疏曰禱著曰賦而序又爲類七曰志乘曰譜牒曰堂室曰贈答曰著述曰詩文曰慶賀又爲類九曰學校曰題名曰城垣曰河塘曰壇廟曰祠宇曰德政曰佛寺曰道觀記又爲類十有八曰學校曰公廡曰倉舍曰賦役曰軍事曰城堡曰橋梁曰河塘曰山水曰勝蹟曰園林曰堂室曰禎祥曰冢

墓曰壇廟曰祠宇曰佛寺曰道觀此文之為類大別也詩為類二曰古體曰今體而古體又為類二曰五言曰七言今體又為類七曰五律曰五言排律曰七律曰七言排律曰五言絕句曰七言絕句曰雜體此詩之為類大別也其例十有二今綜為五一是編重在一邑掌故故凡先達事蹟暨一切因革詩文有關於邑乘者不論其是否邑人亦悉甄錄二詩文中或有無關於掌故者如其人著作久佚而吉光片羽幸存者亦復甄錄三常邑齊梁以來不少方外高行之

士因增方外碑銘志傳一門其詩文亦附於各代之後四邑中石刻宋前極少唐志數種且多漫漶因依金石萃編例收入以存古蹟宋以後亦同此例是編於歷代中略依其人之先後為序而錄文則斷自前明不錄昭代此其編次之大略也按常熟為江南大邑人文素著徵文考獻代有其人就其著述而言盧鎮有琴川志桑瑜鄧穀龔立本錢陸燦曾焯有常熟縣志管一德有常熟文獻志陳祖范有昭文縣志言如泗有常昭合志楊儀有古虞文錄陳三恪有海虞

別乘張應遠有海虞文苑黃廷鑑有琴川三志補記陳揆有虞邑遺文錄其他散在各家文集者亦復不數以故蒐羅較易擴拾無艱松年之輯蓋易為功然其分類繁詳考訂精確是亦有不可及者世之論郡邑文獻者是編當亦在所網羅矣

附錄傳記參攷材料

民國重修常熟縣志



柘溪集不分卷 北京人文科學研究所藏鈔本

劉啓瑞

明末寶應喬邁撰邁字子卓崇禎時諸生父可聘字君微授聖任天啓二年進士授中書舍人與劉宗周黃道周倪元璐馬世奇陳龍正等善日夜切劘學問以政治得失人才邪正為慮嘗屢侮魏忠賢致罷官久之復起為河南道監察御史陳官守言責疏帝覽疏中肯綮處輒以硃圈之共六十四圈宣付史館後屢劾權貴復與錢謙益相左遂棄官歸築柘溪草堂

續修四庫全書

卷

集部總集類

著書其中未嘗接見顯者事蹟具載明文本傳所著有讀書錄記已著錄四庫全書子卓為其長子克傳其學樂志林泉絕意仕進侍父柘溪吟咏自適因名其集曰柘溪集生平博覽群書於典故多所辨証時人比之范梈子孫既歿學者私謚曰孝靖先生時邑中稱詩者推舉人張璠布衣陶深而子卓與之符時人尤稱其五言嘗遊地亞松江交我社諸人又嘗至張莊遇故給事中許譽卿久之乃歸適時忌劾集不獲梓乾隆中文網禁密詔收天下遺書有司不善推

行或指摘字句以相連染而子卓之詩亦在禁列邑

中士夫咸戒流傳近並其集之稿亦不易得矣道光

初邑人朱彬選白田風雅求其書不可得僅於同邑

劉寶楠許獲殘帙九篇曰月中雪詩曰老叟行曰水

漲再過草堂詩曰草堂即事詩曰次雲陽暫憩湯開

府聖野園詩曰柘溪春居詩曰樅江孫魯山先生別

十年乙未冬夜傳舟過訪草堂述舊感賦詩曰柘溪

春居和陳冰壑韻詩送趙五弦入覲詩今取之與是

集相較大半未曾入錄錄者僅水漲再過草堂詩草

續修四庫全書

卷

集部總集類

堂即事詩柘溪春居和陳冰壑韻詩而字句亦多異同蓋是集為曾孫德全所輯於遺碑字句已多刊刪不若殘帙之為本表面目也子卓詩主少陵泛濫王孟諸家最工五言連時變亂故多流離怨苦之音集中如感懷詩寒夜歎送吳柴庵相國被謫謫金陵詩燕京詩淮海詩高昭陽聞家大人奉詔還西臺涕泗受命感賦詩建康詩金陵詩哭萬年少詩丙申除夜詩等並慷慨蒼涼極盡憂時感世之致而淮海詩尤別有微旨存乎其間詩云帝畿懸涕淚淮海事多違

老馬途空識蒼鷹飽欲飛牙璋馳夜疾鐵騎入秋肥  
唇齒兵常門君臣義豈微又云蕃鎮王師集東南割  
據殘哀茹秋月迴舊疊朔風寒大將壇空築諸軍合  
已難徒遺父老淚何處是長安自注云史樞閣志在  
剋復諸鎮跋扈不忠而中興無望可泣也按閣部志  
在光復舊業重奠神京不幸敗亡此乃天意而子卓  
獨謂其志在剋復諸鎮毋亦春秋責備賢者之意是  
亦可以廣異聞繼少陵詩史矣又咏建康詩云半壁  
江山在朝廷守建康五軍謀不合三策議空長夜氣

續修四庫全書

卷

集部總集類

星芒白秋風海霧黃中興扶社稷誰是郭汾陽是又  
悲陪都諸公築室道謀意氣紛紜禦兵無術寓意幽  
微不忍卒讀是亦重可哀已

附錄傳記參攷材料

寶應縣志

寶應耆舊傳

喬氏家乘

七錄齋詩鈔十卷文鈔十卷 北京人文科學研究所  
藏稿本 劉啓瑞

山陽阮葵生撰葵生字寶誠號唐山少聰穎六歲就  
外傳不好弄七歲孝經周易諸經已成誦稍長侍父  
官京師與弟芝生齊名有淮南二阮之目乾隆壬申  
舉於鄉偕弟就學於天台齊名南年已會試取中正  
榜授內閣中書充方略通鑑輯覽兩館纂修官軍機  
司員處行走三十六年補刑部主事旋兼雲南司總  
辦秋審多所平反三十九年升員外郎四十一年升

續修四庫全書

卷

集部總集類

郎中理刑允正西曹稱得人四十五年京察一等改  
監察御史部臣以刑名諳習請留部會有疾乞假兩  
歸四十七年冬入都補御史十二月特旨以四五品  
京堂用擢通政司參議五十年審釋監禁待質之犯  
特命專其成四月權刑部右侍郎尋命扈從灤河覆  
校文津閣四庫全書會林文爽逮京師侍廷鞠晝夜  
無少間旋以勞瘁卒官性孝友篤於宗族尤好獎掖  
後進與錢辛楣程魚門等友善詩酒酬唱無虛歲卒  
居廉介清潔門無雜賓退直後青鞵布襪如諸生暇



則讀書自娛古文章疏於宣公溫公韓范諸公外尤  
愛范忠宣胡文恭詩賦出入漢魏六朝而以流麗為  
主晚乃訂其詩文為七錄齋詩文鈔二十卷茶餘客  
話三十卷阮氏筆訓若干卷筆訓未見茶餘客話梓  
行最廣而有繁簡兩本七錄齋詩文鈔僅嘉慶間梓  
行詩選八卷餘概未刊其行世者亦不多觀聞邑中  
舊家所藏約一二部其原書鈔本則僅此一部而已  
是書首詩鈔次文鈔各十卷詩鈔每卷各以古今體  
分卷一古體四十二首今體二十二首卷二古體二

續修四庫全書

卷

集部總集類

十二首今體三十六首卷三古體十九首今體二十  
五首卷四古體二十三首今體三十七首卷五古體  
十八首今體六十一首卷六古體四十一首今體二  
十八首卷七古體十六首今體四十六首卷八古體  
三十五首今體五十九首卷九古體十七首今體五  
十六首卷十古體二十三首今體四十六首都古體  
詩六百七十二首以其每卷分體言之或編次先後  
以年為序再律以年各有集之例或十卷各有集名  
惜祇卷一有十載刪餘集上卷二有十載刪餘集下

卷三有吳勗集字樣餘未注明殆已訂而未完之稿  
也詩以長歌勝而七律亦極瀏灠淵茂如咏禹陵云  
蒼巖百疊護屏藩蔓壑枝拳手自攀呼吸九霄通帝  
座雲烟千載簇神關刑塘尚有威靈在寢殿都歸想  
像間見說祇今風雨後猶聞劍佩響空山古雅典正  
無具詩中才學識三者而有之其他諸什亦多類是  
至文鈔亦各以體分類卷一賦二十篇卷二頌六篇  
連珠六篇卷三劄子六篇表一篇檄文一篇卷四論  
三篇序十五篇記五篇卷五書啟十二篇卷六說十

續修四庫全書

卷

集部總集類

篇跋三篇引三篇卷七傳四篇墓志四篇策十篇卷  
八壽序十三篇卷九哀言十九篇卷十西曹議稿十  
二篇都文一百五十三篇所謂西曹議稿者乃官刑  
部時秋讞平反之文也惟是全書編次文各為篇雖  
有先後而無卷第若以時考之大率居官時作而代  
言者尤眾惜題下並未注明代某意者隨得隨錄未  
及編次之歟何零亂之如是也文以理氣勝而典制  
之文尤能得漢魏遺響而宛轉曲折處更別有會心  
譬之山水然峻者行者感者野者澹者流者滿者漫



者千態萬狀罔弗畢倫大抵只如其意之所欲言而縱橫百出入於百家諸氏而執則森然其諸昌黎韓氏所謂材全能鉅者歟惜未梓以行世也

附錄傳記參攷材料

淮安府志

阮元擘經室二集刑部侍郎唐山阮公傳

續修四庫全書總目

卷

集部總集類

柘溪草堂集不分卷 家刻本

劉啓瑞

寶應喬萊撰萊字子靜號石林康熙二年鄉試舉人六年進士除內閣中書舍人十一年充順天鄉試同考官以父老終養尋丁憂服除補原官十七年舉博學宏詞試一等授編修明史粵西平補行鄉試奉命主考稱德士還充實錄纂修官再試詞臣名列第四間日覆試名列第五命充日講官知起居注遷中允纂修三朝典訓進翰林侍講再進侍讀時淮揚久罹水患臺臣有請濬海口者朝遣官行視還奏如御史

續修四庫全書總目

卷

集部總集類

言河臣翼董其役而朝命于成龍河臣失望乃別創一議奏請築隄束水使高自高郵歷興化白駒場入海禍速且巨石林為議駁之有四不可議復爭於朝上達其言卒寢河臣議以此遭衆忌中以蜚語罷歸歸闕廢園曰樵棹園壘石疏池刺小船往來讀易其中著易侯二十卷已著錄入四庫全書為人明敏表裏洞達無城府友愛兄弟篤於故舊又疎於財急人之難如不及尤喜汲引才士至桑梓利病如築子嬰隄啓閘涵洞募派夫役等事尤侃侃言之鄉里多蒙

其利卒之日朝野莫不悲之其詩文集名應制集南  
歸集直廬集使粵集歸田集柘溪草堂集集多不傳  
惟食舊德齋劉氏藏有使粵集已著錄此則北京人  
文科學研究所藏也當康熙十七年應博學宏詞試  
時石林草賦最傑儕輩士亦多以賦摩推之既入翰  
苑出行篋所弄者示汪堯峯琬堯峯極稱之謂其命  
意則根体要摘詞則趨雅正故能麗而不淫典而有  
法信乎其華國之選因促其付梓以餉後學此篇是  
也篇首天象賦歷取史記漢書音書諸家之說益以

續修四庫全書

卷

集部總集類

晚明徐文肅之推闡不落纖緯無稽之窠臼益足輔  
翊宣城梅氏之掎討次石鵲山房賦係為汪堯峯所  
作石鵲者堯峯隱處也次太和殿賦次太液晴波賦  
俱屬遣辭涵雅儷事切確典則淵茂激澁幽奇方之  
班馬相去未遠次玉泉山觀荷花賦次合歡樹賦次  
刺梅園松賦次健松齋賦並約而不繁雅而不俗物  
色則似潘仁安之秋興遊覽則若王仲宣之登樓雖  
云未遠庶幾近之矣末殿以萬柳堂賦萬柳堂者益  
都馮相國之別業也在禁城之東地廣而僻其中有

山有池有堂有亭有橋有船且多楊柳因以名之而  
為之詩文以咏其盛者前有陳其年毛大可皆樸事  
摘詞窮妍盡致二子者並海內知名士而石林賦與  
之將才亦相稱說者謂江左文采照耀寰宇石林蓋  
為其間之雄者信乎堯峯稱其為華國之選也

附錄傳記參攷材料

寶應縣志

寶應耆舊傳

續修四庫全書

卷

集部總集類

喬氏家乘

睦州存稿八卷首一卷 同治四年家刻本

劉啓瑞

山陽丁壽昌撰壽昌字順伯號菊泉儉卿晏子少聰慧嗜讀書稍長作怪石歌用昌黎石鼓歌詩韵同里潘四農德輿激賞之賦長歌以贈養一齋集中贈丁郎詩是也道光甲午應歲試取古學第一入縣學再試補廩膳生甲辰中式順天榜舉人丁未應禮部試中式殿試賜進士出身改翰林院庶吉士庚戌散館以主事用分戶部學習貴州司主稿兼筦權稅鈎稽

續修四庫全書

卷

集部總集類

綜覈吏莫敢欺時粵賊陷金陵順伯以主事上書請禦淮揚之寇言切時弊世服其識在部日久多所建樹旋升山西司員外郎已未任順天鄉試同考官悉心校閱得人稱威擢四川司郎中加四品銜同治壬戌擢福建道監察御史敢言直諫不可干以私甲子授嚴州府知府以在部勞績加道銜蒞任未逾歲遭邑水浸極救不遺餘力竟以勞瘁卒官同官莫不惜之生平章思著述鉛槧不去手詩才天授有道園遺山風格古文取法歐曾疏暢條達以經史為本根亦

不廢儼辭古藻學務平實力闡漢宋門戶之陋深明

許鄭故書蒼雅小學兼取程朱大儒義理精微著易

會通純懿清明不取漢儒之爻辰卦氣亦不取宋儒

之河洛先天蒼萃群言契十翼之正旨上下經屬草

已完餘篇未畢十三經正字說文諧聲表皆草創未

卒業又撰古本大學通釋資治通鑑輯論文選續抄

山陽圖經山陽文徵等序目具存甄錄未竟既歿父

儉卿為輯其道墨都為一集名睦州存稿睦州者傷

其止於此郡也集首冠以臺垣疏稿別為一編以示

續修四庫全書

卷

集部總集類

尊君次靈鶴書巢初稿則少作為多次竹均軒詩稿乃居京時作次思尊館文稿為補官前作次越石軒騰稿為守嚴州時作綜為八卷而疏稿不與焉君以詩文休言卷一之三為詩卷四五為賦卷六七為雜文卷八為雜著每集又各冠以小引以識是集之端委順伯稟承家學博涉古今既擅詩賦尤精考証父儉卿與儀徵劉孟瞻文淇寶應劉楚楨寶楠等友俱以樸學名於時為海內仰望著有順志齋叢書順伯得其傳復與諸長老遊所詣益精萃所為許鄭之學



與劉伯山毓菰劉封僂恭冕等較固相去未遠其所  
著說文諧聲表雖不傳而其略例見於集中其發明  
諧聲四例多為前人所未及略謂說文諧聲之例有  
四一曰疊韻諧聲江河之類是也二曰雙聲諧聲需  
虧之類是也三曰部首諧聲莫莽之類是也四曰一  
字兩讀諧聲斤斤之類是也凡象形會意指事轉注  
段借之字多兼諧聲小徐本有聲字者大徐往往刪  
之即小徐本無聲字而實有聲之可尋許氏所謂某  
亦聲者或著或不著蛛絲馬蹟無不可求惟近人多

以非聲之字為聲於是六書止存諧聲一書而說文  
本有之諧聲反晦矣其說頗精確可采足補顧亭林  
江慎修段懋堂等之未備其餘諸作亦大半類是而  
釋穀後序為楚楨作者其說益集詰訓之成如謂物  
之大者曰王王蛇王雉是也曰蜀蜀葵蜀雞是也曰  
戎戎菽戎葵是也曰胡胡豆是也曰牛牛斄牛藻牛  
蘋牛棘是也曰馬馬斄馬藻馬棘馬藍馬馬馬蜩馬  
蛟是也曰龍紅龍龍萬是也曰虎虎杖虎萬是也曰  
鴻鴻蒼是也物之小者曰童童梁童牛是也曰妾妾

魚是也曰婢魚婢是也曰荊荊葵荊桃是也曰楚楚  
葵是也曰鹿鹿藿鹿黎是也曰羊羊棗羊桃是也曰  
兔菟葵菟葵菟絲是也曰鼠鼠莞鼠梓鼠黎是也曰  
燕燕麥是也曰雀雀麥是也由此推之則釋穀中之  
虎豆馬豆皆豆之大者也燕麥雀麥皆麥之小者也  
諸家之曲說不辯而自息此則經傳釋詞之所未及  
而與釋三九之義有可相發明者也昔王石臞著廣  
雅疏証後病疏証考証瑣碎欲求其會通因作釋大  
一書以貫串各家之詰訓抽其條理釋其正變而世

人掣討小學者其法為之一變當顧伯時是書猶未  
刊行而顧伯乃能獨下己意與王氏不謀而合母亦  
心與古會歟故特表而出之以見其學問之深邃焉

附錄傳記表攷材料

淮安府志

山陽縣志

弟壽祺撰行狀

金臺集二卷 衣德堂許氏原刊本 劉啓瑞

江都許承宣撰承宣字力臣號筠庵康熙丙辰進士選庶吉士授工科給事中首陳揚州水利賦役二疏劉切詳明大裨桑梓辛酉典陝西鄉試還京條奏秦晉間利弊六事上之並請刊御製文集及廣捐修學宮之例悉見嘉納後假歸卒於家當居官時嘗自輯其應制之文館選之作與夫雜文等都為一集名金臺集凡二卷首殿試策次御試詩賦論次館選之作曰疏曰表曰頌曰箴曰賦曰記曰露布曰議曰論曰

續修四庫全書

卷

集部總集類

說曰連珠次雜文曰史論曰序曰書曰題跋曰祭文計文六十有四而各體悉備每文又各自起訖附以評點以見其精華之所在蓋猶未脫制舉文之習也筠庵少寢食於史漢浸淫乎六朝既入館選益勤詩賦嘗承制為文諗悉章奏故集中諸作率多典冊制誥之文頌騶奏進之篇而雜文居其二三焉昔李申者選駢體文鈔論制作之文有云夫拜鵬殿陛敷頌功德同休對越表裏詩書義必嚴以閤氣必厚以愉然後肆以精微之思奮以瑰燦之辭故高而不樸華

而不縛雄而不矜遠造而不靡馬班以降知者蓋希

或猥瑣鋪敘以為平通或詰屈彫琢以為奇麗朴即不文華即無實未有能振之者今以是集相較固未能上毗班馬並美燕許然文中無猥瑣鋪敘之習詰屈彫琢之奇要亦為不可多得之才故李氏選皇朝文典時擷其作入選亦十數篇云然是書以金臺名集而所選又以典制之作為主是欲以應制之篇別為一集者第昔人如歐陽文忠公蘇文忠公蘇文定公在館閣時其應制之作非不多而未嘗別為一集

續修四庫全書

卷

集部總集類

後世讀歐陽氏蘇氏王氏集者亦第以其文讀之而未嘗以應制之文讀之斯則筠庵金臺集之選毋亦體製非古歟

附錄傳記參攷材料

嘉慶重修揚州府志

阮元撰廣陵詩事



蔗根集十七卷 道光丙申清美堂黃氏刻本

劉啓瑞

甘泉黃錫麒錫麒字也園一字治原邑諸生家世業饌杞楊風雅嘗開館刊上號名群流拈題賦詩歲無虛夕時人比之小玲瓏山館馬氏馬既而戰影家江折節讀書性夙明慧造詣益深尤好吟咏工律至遠高郵金長福嘗稱謂其天骨開張通眉秀慧胸藏鳳毛學成麟角出其餘技播為聲歌冬郎十歲即號詩人元稹英年便呼才子長福為楊郡先達與顧千

續修四庫全書

卷

集部總集類

里等友善宏獎風流不輕稱許而獨推崇也園如是世人咸服其知言也園嘗輯朋盍之詩編紉之作衷為一集名曰蔗根蔗根者以味之甘者莫若蔗蔗之甘者莫若根詩亦猶是焉凡枝條之老茂榮液之光潤清而彌韻澹而愈旨者始得詩之三昧焉故是集所錄咸以此為準繩集中都十七人曰儀徵汪端光劍潭曰金樹吳鼎山尊曰儀徵潘志華石甫曰金樹金望欣秋士曰儀徵汪全德竹素曰儀徵張安石樵曰六合朱穀昌福生曰寶應劉寶楠楚植曰甘泉

續修四庫全書

卷

集部總集類

吳慶恩益山曰儀徵潘宗統小江曰金樹金望華桐孫曰金樹朱葵照筠孫曰六合厲式琯紫筠曰儀徵汪彥樹夢梧曰甘泉黃承錫曼甫曰甘泉黃錫慶也園而也園自作亦附見焉集共十七卷仿畢秋帆吳會英才集例人各一卷或數十首或百餘首合之則為一集分之則各自為集以免互相禡廁又仿其意編次各家之詩略以詩境之進退爵位之高卑科目之有無為序並列其郡邑名字以裨世之知人論世者之徵若夫所選之詩則寓有表微闡幽之意或先達宗工夙負騷壇重望而全集尚未梓行者則先為刊登若干首或獨介之士撫此苦吟積成巨帙無力問世者亦擇其佳篇而傳之或全集已自刊行者則不復錄所以杜標榜之習也至於未附已作乃所以景仰諸賢之意然不免於古無徵矣其選集大旨嘗告之金長福故長福序是集復述其言云夫詩為文章之一休漢魏六朝唐人尚矣宋元以來互有得失歲歷綿暖條流遂紛作者代興淵源斯判如奎壁合曜各稟奇光離渙同流厥分五色精神獨造面目



迴殊近世區別存亡毛舉善敗災黎禍棗匪濫則偏若夫別裁偽體標舉正聲摯虞總論既罕傳書本穆玉璽猶傷俳體講貫資乎善本適選視乎專門僕於師友之間鑽仰所逮泚質譽其貞諒老成誦其典型或置身通顯書名冊府或困心鉛槧息影澗阿其人皆文望夙秉神采冠時名山遺墨蒐及蕞殘篋衍新詞珍逾球璧孤裳以集腋成裘密邇以兼采為味擷其菁粹都為是編至秘閣名公布衣佳士縑緗雖富縞紵未投蒙標榜之嫌昧闡微之旨又如閭章鉅製

續修四庫全書

卷

集部總集類

已見單行斷簡零篇未盈一卷若斯之類咸在所略之斯言也可以知其選集之梗概矣按黃氏為揚郡巨族素孚物望遠祖黃生著有字詒義府已載入四庫全書其族姪承吉春谷有夢陔堂經說文說詩集文集等斯並卓卓可傳者其餘亦多類是也國席先人之餘蔭師馬氏之舊規既宏多士益彰先達故是集所選既符吳會英才之例又合摯虞總論之旨方之前賢毋漸曩哲馬惜洪羊叔後板片散失同治重修揚州府志藝文類即闕其目近並邑人亦無有知

其書者是則書之傳與不傳斯亦有幸有不幸矣

附錄傳記參攷材料

同治重修揚州府志

寶應劉氏藏揚郡先賢耆舊傳稿

續修四庫全書

卷

集部總集類

退思堂詩存不分卷 北京人文科學研究所藏稿本

劉啓瑞

寶應葉世倬撰世倬字子雲號健菴原籍江寧上元繼遷清河最後寓寶應遂家焉舉乾隆三十九年舉人四十八年充四庫全書館謄錄五十年議敘知縣分發四川五十一年署長寧縣知縣五十三年以捕盜功遷浙江嘉興府乍浦同知旋丁母憂服闋還湖北德安府同知嘉慶四年遷陝西西安府同知十二年遷興安府知府教民蠶利溥全邑民因名其帛曰

續修四庫全書

卷

集部總集類

葉公蘭二十二年擢福建延津邵道二十四年調臺灣道二十五年遷江西按察使道光元年遷山西布政使十二月署巡撫在任三年百廢具舉旋以年老乞休未幾即卒生平薦好吟咏留心風雅既親政事不篇廢什嘗受業於寶應朱晴崑之門晴崑江左通儒也子郁甫彬尤有聲江淮間晴崑初授子雲以毛詩風上探三百篇之淵源繼授陶淵明集求魏晉之風尚年甫十七即工為五字律每有吟咏輒見懷抱太倉沈荊潭嘗稱其願將先覺境為語夢中之句

謂其可以言詩既出仕而舒嘯不輟尤與郁甫唱酬

者為衆居家則時相過從在官則郵筒絡繹當官乍浦時以使事入都與郁甫酬唱於陶然亭畔崇效寺側又逾年以憂去官家居三數年情好尤篤篇什益富及莅任湖北再以憂歸二年中無三日不相見無一日不咏詩或賓朋燕集鮮有不互相酬唱者迨服闋謁還郁甫亦計偕北上逆旅篝燈握管咿唔未嘗一日廢吟咏既至京師同寓櫻桃斜街寒夜擁爐夜參半不休集中唱和之作如同寓詩云千里招攜引

續修四庫全書

卷

集部總集類

席車到未且喜借椽居閉門寒夜爐常暖開徑兼旬雪不除行樂那須三爵酒論文恰共一牀書偷閒就正新詩過珍重丹黃倍起余郁甫和作云閉門却掃謝乘車移得新居是舊居差喜論文共良夜况當積雪滿前除侵人濕病難耽酒適意寒燈各檢書卅載交親今日最惟思別後轉愁余又子雲除夕與郁甫次杜工部杜位宅守歲原韵云傳舍久為家良宵莫獻花僕頑同策蹇人病似棲鴉酒澆氣尊少書傳雁字斜春回喜昨日寒已破天涯並雄深樸茂典麗淵

雅與邵甫詩相去未遠。邵甫素與汪容甫中劉端臨  
台拱交。樓心許鄭之學。著有札記訓纂等書。為乾嘉  
通儒之一。然風雅之道。亦所不廢。造詣入王孟之室。  
王偉居李杜之間。惟不輕作。故詩集不行。子雲與邵  
甫交久。嘗受業於晴窗。故其詩之淵源。有自切磋有  
方。其詩並卓然可觀。異乎尋常。而性情之作。尤超邵  
甫。如冬日入都感別呈大兄詩。其三首之一云。薄暮  
投野館。哀鴻聲斷續。憶昔就傳初。與兄晨赴塾。弱冠  
依舅氏。大被猶同覆。中歲忽筮仕。一楚還一蜀。江湖  
阻且長。六載征塵屬。前年歸舊山。相對更悲感。共作  
無母兒。駟隙嗟時速。鬢髮漸老蒼。幾時返初服。奈何  
聚日少。驪歌今更促。況兄病在牀。店鬼苦難逐。告別  
呻吟中。含辛倍踴躍。歷碌車上輪。我心同轉軸。一片  
友于之愛。手足之情。悉於詩中徵之。昔沈歸愚有云。  
詩必原本性情。關乎人倫日用。及古今成敗興壞之  
故者。方為可存。謂其言之有物也。今以子雲之詩。相  
較。蓋能得其性情之正者。是則子雲之詩。固可存。而  
其傳也。亦必矣。

附錄傳記參攷材料

清史列傳

寶應縣志



國朝金陵詩徵四十八卷續詩徵六卷 正編光緒乙酉刻本 續編光緒甲午刻本 劉啓瑞

上元朱緒曾輯緒曾字述之少受業於同縣孫佩鸞鈴遂精訓詁與金偉軍鼂陳雪峯宗奐往來最密每日晡輒出游書肆有所得必互相考訂旋舉道光壬午科鄉試大挑知縣籤分浙江補孝豐遷嘉興兼攝秀水以提倡風雅為已任建清芬閣以祀邑詩人重修朱氏曝書亭轉台州同知升知府卒贈道銜生平著述極富其爾雅集釋續宋文鑑中論注論語義証

續修四庫全書

卷

集部總集類

金陵舊聞筆譜皆經亂散失今所存者梅里詩輯昌國典詠曹子建集考異續棠陰比事北山集開有益齋集惟國朝金陵詩徵則一代之名流韻語搜采靡遺尤有功於桑梓即是編也先是述之輯金陵二千年來鄉賢之詩始自六朝迄於嘉道上下十數朝萃一郡七邑之鄉達寓賢閩秀方外放謫雅什志其里居表其科目紀其姓氏識其時代統名曰金陵詩徵既遭喪亂著述多佚子桂模守此遺編幸而勿墜然閩秀方外兩門大半俱燬逮及光緒乙酉里人馮夢

華等始為清諸大府陳寶印行以卷帙過繁暫以國

朝為斷名曰國朝金陵詩徵都四十有八卷詩家近

三千人卷四十以上為鄉賢卷四十以下為寓賢而

閩秀方外則合為二卷殿諸書後書例書旨悉遵舊

規不復為之改易人以時次詩以佳存各繫以傳付

綴評論方之襄陽耆舊於越先賢殆相同也書未梓

竣其子即世同里朱紹亭陳作霖秦際唐周嘉樸又

為續輯道咸以來邑賢佳什合為六卷名曰續編亦

附此集以行其例太半與正編同特閩秀方外寓公

續修四庫全書

卷

集部總集類

三門著作如林不敢濫登因付闕如此其異也考昔朱文公作言行錄呂成公作文鑑而宋代中原之文猷衰然具存厥功甚偉或選其詩而詳其仕履者若元遺山中州集錢牧齋列朝詩集朱竹垞明詩綜王述庵湖海詩傳均鳩合天下才士而成而非限於一郡一邑誠以一郡一邑之才固不若天下之眾或眾矣如金陵當斗牛之墟峙茅鎮蔣襟帶江湖才望冠於東南然而為之搜輯者又非易事且編次先後商榷體例尤非宿儒不辨而是集乃能獨擅其勝毋亦

如燕許大手筆歟

附錄傳記參攷材料

重修江甯府志

續修四庫全書總目

卷

集部總集類

清尊集十六卷 光緒十九年汪氏振綺堂刻本

劉啓瑞

錢唐汪遠孫輯遠孫字久也號小米嘉慶二十一年舉人官內閣中書幼聰穎十歲侍祖父受經通大義時浙江藏書家若趙氏小山堂吳氏瓶花齋皆散佚惟遠孫曾祖憲所置尚存即世所稱振綺堂也父以遠孫嗜學病中指楹書曰以畀汝遠孫自是務為根柢之學排日讀十三經注疏以心得者輯為考異於國語用力尤深嘗輯賈逵虞翻唐固之說附以王肅

續修四庫全書總目

卷

集部總集類

孔晁兩家為三君注輯存四卷於韋氏注解諸者駁之義缺者補之詳義有未昭晰者詳說之搜輯舊聞博求通語為發正二十一卷以公序本及他書校明道本為考異四卷又嘗與嘉興錢泰吉為校史之約所校漢書地理志二卷泰吉謂可與大興徐松西域傳並傳家有水北樓瀕西湖春秋佳日焚香讀書以為常暇與里中耆彥結東軒吟社四方賢雋至者多觴詠樓中歲以為常此清尊集十六卷乃歷年諸家公讌所賦詩也考公讌賦詩始自建安其後金谷園



集蘭亭修禊集最著而蘭亭以王右軍之敘當時與會諸賢風流文采至今猶可想見然方其修禊蘭亭時群賢畢至觴咏之間作不過寄興於暮春之一日而未聞有賡續而為宴集之舉者逮孫乃別為創例賡續十年每月一集賓主八人每集作竟日敘譚紹修禊之故事主人命題賓客賦詩或詠古或詠物或誌勝游與夫書事紀時餞別感逝題不一例各隨所值詩不一體各從所長起至甲申訖於癸巳時凡十年集都百次合為十六卷詩共千餘首自未修禊之

續修四庫全書

卷

集部總集類

盛固未有過於此者其編次之例首重編年作詩之人皆以齒序每集總題之後人各按齒排列惟主人之詩另題列後有次韻者不復序齒均以原作列前此一例也主人命題原以賦詩然亦有作文與詞者若因其体裁有別另立門類題既重出且與編年之例不符因取每集所作之文載於詩前而詞則附諸詩後詞者詩之餘也此二例也會共百集詩什甚多茲編所選不過十之四五其有諸家專集已梓行者更多刊落不復重出此三例也每集之詩或所作本

少或所存較多故集中所存多寡不一又有異日補作者亦復彙入仍以齒編此四例也閨秀工吟間有擬作或所題圖冊亦以其題附見集中或詩或詞為擇其可存者依次附錄此五例也集中所收諸詩皆席上之所命題者至於一切投贈篇章概不羈入此六例凡集中之大旨與夫編次之梗概略可睹矣至於與會諸人共七十有六逮孫之外則張雲璈仲雅查枬春山景謙福泉趙銘筱珊嚴杰鷗盟李富孫鄭沚張廷濟村木沈鏐聽篁汪阜覺所胡啟書襄梁祖

續修四庫全書

卷

集部總集類

恩久竹諸嘉樂秋士吳疑榆樓胡元杲秋白陳文述雲伯黃士珣鄭泉吳衡照子律孫同元雨人錢師曾蕙窗李堂西齋端木國瑚鶴田孫錫慶雲壑黃安濤霽青呂璜月滄趙錢雪門孫穎元華湯貽芬雨生徐楸問蓮莊仲方芝階孫熙元邵庵章黼次白鄧鶴徵雪舫胡元熙春如楊文蓀芸士吳春照子祺范玉琨吾山戴銘金銅士及慶源積堂周三變南卿陸費瓌春帆陳永泰詒庵張玲泉同莊葛慶曾秋生羅文鑑秋墅姚伊憲古芬張應昌仲甫王蘭義亭李元煥雪



江趙慶煥秋舫梁紹壬晉竹吳振械仲耘夏之盛松  
如張之果東南汪鉞劍秋查人漢青華汪秉健小逸  
朱紫貴立齋陳世榮季竹馬振裕惇園胡珥琅園仲  
湘子子湘鄒志初東園程庭鷺序伯項鴻祚蓮生朱  
步沆沆泉方隲雲泉魏謙升雨人戴熙醇士費丹旭  
曉樓屠秉修伯汪适孫又村許廷敬君修汪邁孫少  
洪金城杏樓金壽訪村並一時之知名士也

附錄傳記參攷材料

續修四庫全書

卷

集部總集類

清史列傳

杭州府志

蓮漪文鈔八卷 咸豐戊午刻本

劉啓瑞

烏程汪曰楨輯曰楨字剛木號謝城又號薪甫咸豐  
二年舉人官會稽教諭精文學又精算學尤習古今  
推步諸術初撰二十四史日月考上起共和下與欽  
天監頒行萬年書相接各就當時行用本法推算詳  
列朔閏月運大小並二十四氣略如萬年書式為五  
十卷又附古今著述推步諸術考二卷甲子紀元表  
一卷搜羅書逾數百部致力幾三十年其後莫友芝  
見其書謂可名家而惜其卷帙過繁乃刪為歷代長

續修四庫全書

卷

集部總集類

術輯要十卷考二卷生平著述等身以書籍朋友為  
性命修金所入悉以購書有荔牆叢刻行世又嘗修  
烏程縣志南潯鎮志見稱於時兼通音韻之學好填  
詞所著又有四聲切韻表補正五卷推策小識超辰  
表三卷如續引蒙八卷隨山字方鈔一卷荔牆詞一  
卷均多梓行此則其所纂筆者謝城當修南潯鎮志  
時見里人詩文集等甚夥凡百餘種采葺既畢因取  
未刻者十種編為文鈔八略卷以文體為次擇其尤  
者入錄名曰蓮漪文鈔刊附志後蓮漪者董徵君草

堂舊名也謝城自湖州府遷居南潯賃廡董徵君草堂故址因以名集志其地也其編次以答書居首次記次釋次考次序次跋次書後次議次論次說次傳次紀略次書事次事略次碑志次墓表次行述次哀辭凡十有八類同類者以十家之時代先後為序十家者施國祁楊鳳邑張鑑孫燮沈在沈登瀛邢典紀慶曾董孟舟丁桂是也此十家事迹可考者僅五人國祁字非熊諸生工詩古文善填詞尤熟於金源事實嘗病金史蕪穢因詳加考訂積二十餘年成金源劄記一書又以餘力為元遺山集箋注十四卷及金源雜興詩皆行於世鳳邑字傳九諸生少以西湖秋柳詞有名於時經學小學皆有根柢尤熟諳明末事嘗為南疆逸史跋十二篇補溫春臨之不備而訂其誤阮元編經籍纂詁鳳邑與焉鑑字春涪嘉慶九年副貢生嘗肄業詒經精舍為阮元所賞命佐編兩浙賑災記詳贍足為後世法最熟海道著海運圖言侍郎英和取其書以措諸實事所著有古文尚書勝說等三十餘種均為世所稱道者變字呂楊號愈愚歲

貢生著有愈愚文集在字子敦精西北輿地之學著新疆私議謂國家開邊萬里常患饋餉難繼省餉必須屯田屯田必講水利某山出某水某水經某處灑灑數千言如指諸掌大興徐松亟賞之謂非具有絕大識力不克臻此其他諸作亦多類是然此皆屬可考者其不可考者亦五人則沈登瀛邢典紀慶曾董孟舟丁桂是也据卷首錢泰吉序謂斯五君者皆敦學行動述作或窮老一鄉或早歲無祿遺著未行名不及遠非謝城之勤勤論著亦不能知其足傳於後斯則此五君之事迹不可考也久也苟非謝城之輯恐遂已湮沒矣至於是書之體制要當與中州名賢文表金華文統之屬相擬蓋別錄諸家遺文另為一編與志乘相輔而行者也

附錄傳記參攷材料

清史列傳

諸可寶撰汪曰楨傳



唐音審體二十卷 光緒癸未後知不足齋刊本

劉啓瑞

常熟錢良擇選良擇字木庵湘靈陸燦族孫弱冠游京師即負詩名為諸公貴人所賞時有大吏出使海外請木庵與偕往又同朝貴某使塞外絕域足迹幾遍天下然訖無所遇合木庵無幾微不自得讀書痛飲酒以昌其詩先是木庵之大父嗣隆嘗偕湘靈問詩法於顧仲恭仲恭曰詩從讀經史中出者上也從讀賦中出者次也從讀詩中出斯下矣吾不能詩尤

續修四庫全書

卷

集部總集類

不能時人之詩詩有作之旨經所謂溫柔敦厚者是已若時人之詩今在君家牧齋官保之門當是時游牧齋之門依以揚聲者以天治為溫柔以堆砌為敦厚木庵少年才士不能無染於習後思顧仲恭語悟而求之韓杜更進而求之風騷漢魏陶謝更進而求之左馬國班涵泳濂洛關閩之學尤好南華楞嚴而悉以供其詩詩多至萬餘首每所見進輒取而焚之其存者僅百之一二曰撫雲集凡十卷湘靈為序而行之並告之曰吾年垂九十後起寥寥無可傳衣鉢

者斯文絕學汝其勉之越三年而湘靈歿木庵追念

從祖既亡吾道將墜且己身工詩已五十年習聞長

者指授不可無所發明因取唐人詩賦手錄一編名

之曰唐音審體體者賦詩之成法也千古奇才未有

不用法而能自成家者自唐以前其體未備自唐以

後其體漸紛規矩繩墨斷以唐人為式因審其體類

各加品評首冠以古題樂府次新樂府詩次古詩次

律詩次古賦次律賦而古詩又分四言五言齊梁體

七言四類律詩又分五言應制省試五言長韵五言

續修四庫全書

卷

集部總集類

絕句六言七言七言長韵七言絕句九類都二十卷每體之前又均有總論一則辨正體裁剖析謬誤為後學之矩矱間有指摘訛誤之處唐突前人固所不免然皆不得已而辨正之者固非為訐直也其選詩之例專以唐人之詩為斷不及隋世五代而唐詩亦選采簡約條臻各體不悉甄錄此一例也賦者古詩之流有詩不可無賦然是編以詩為主故依杜集之例賦居詩後此二例也是編以辨體為先而體有古今之異樂府居首古詩歌行次之今體詩又次之古



賦律賦又次之一體之中復有多體但以分體為次第不論時代之先後此三例也前人說詩有箋有注唐詩傳世既久諸家注已詳盡不須復行故實是編但釋其文義而已然有不必要釋者詩義本自了然無煩贅也有不宜釋者微辭妙旨可以意會不可言傳強為之解則索然無味也有略釋者長篇指其章法短什挾其命意不須瑣瑣及字句也有詳釋者古辭與義章析句解前人有說可據則據之前人無說可據間以己意參之務求辭義貫通所謂以意逆志也

續修四庫全書

卷

集部總集類

有特釋者取從未疑案而發明之此千百中之一二也此四例也至其選詩之法亦有三端一曰尊其創格唐人創格甚多如變齊梁為古詩變古調為律詩變古題為新樂府凡前代所無者皆考其格所由創而存其說以誌世變庶後人可據以為式一曰存其面目唐人自成一家者實開千古未有之面目此唐以後所無也如不可捉摹是太白面目無所不有是少陵面目無人不曉是樂天面目奇闢是昌黎面目寒峭是東野面目詭麗是長吉面目諸如此類不可

枚舉專取所長庶幾讀者如見其人一曰汰其熟調中晚之世詩語愈工詩意愈庸如丁卯碧雲浣花諸集詩家之鄉愿也雖有佳什姑置弗採此其大略也即此亦可以知其選書之要旨矣按詩至有唐為極盛詩體又莫備於唐故家弦戶誦迄今弗輟惜各家選詩互尊己見此是彼非紛無定論本庵乃以相靈心得筆之於書審其體制評其得失為後世軌范其嘉惠士林豈淺鮮哉

續修四庫全書

卷

集部總集類

附錄傳記參攷材料

李桓編國朝耆獻類徵四百二十九卷錢良擇傳

徐州詩徵八卷 光緒辛卯徐州府署刻本

劉啓瑞

臨川桂中行輯中行字履真邑諸生當咸同間天下多故中行以諸生赴皖從軍曾國藩見而器之積功獎知縣歷任合肥蒙城阜陽諸縣事國藩奉命北征擒寇以擒黨多蒙城人令中行清查蒙城圩寨中行親歷田隴誅其渠魁而無株連以功保知府九年補徐州府知府時初罹水患飢民流離邳宿尤甚中行以工代賑修沿運官堤民捨二百餘里濬邳州艾山河築宿遷六塘埝民獲其值以自贍水患亦除府界山東河南安徽三省犬牙相錯素多盜中行廣設方略嚴治窩戶奸宄為之衰止徐故貧瘠兵燹後士風尤不振中行為條教勸民務農勸學躬至郊野獎厲力田又建彭城書院廣儲圖籍擇其師士貧者資給之數年文風大起尤留心社會以裕民食故徐州倉儲為列郡之最治郡十二年徐人愛之如父母嘗臥病士民爭禱城隍願減算益其壽及以卓異荐調蘇州旋授岳常澧道耆老相率攀留不可得則繪其像

續修四庫全書

卷

集部總集類

河築宿遷六塘埝民獲其值以自贍水患亦除府界山東河南安徽三省犬牙相錯素多盜中行廣設方略嚴治窩戶奸宄為之衰止徐故貧瘠兵燹後士風尤不振中行為條教勸民務農勸學躬至郊野獎厲力田又建彭城書院廣儲圖籍擇其師士貧者資給之數年文風大起尤留心社會以裕民食故徐州倉儲為列郡之最治郡十二年徐人愛之如父母嘗臥病士民爭禱城隍願減算益其壽及以卓異荐調蘇州旋授岳常澧道耆老相率攀留不可得則繪其像

祀之建湖南按察使光緒二十年卒附祀徐州曾國藩專祠清史入循吏傳中行當治徐之七年集郡之

父老采其詩什觀其風化成徐州徐徵八卷始自順治下迄光緒凡銅山蕭縣沛縣豐縣碭山邳縣宿遷睢寧八邑之詩咸在甄錄詩家二百五十四人錄詩千餘首都為一集卷一之三為銅山詩卷四為蕭縣詩卷五為沛豐碭山邳諸縣詩卷六之七為宿遷縣詩卷八為睢寧詩而八邑閭閻秀之詩亦附焉卷首無例言不知其書之選例然抽繹大旨固與各家所選

續修四庫全書

卷

集部總集類

郡邑之詩例同一為詩家先後以邑界分同邑者以時代分同時者又以科目有無者為次二為詩家篇什擇其佳者入錄其已有專集行世者但錄其尤異無者則雖零楮斷簡亦在蒐羅之列以寓表微闡幽之意三為各家詩首倣元遺山中州集錢牧齋列朝詩集之例係以小傳詳其姓氏爵里著述軼事以便考攷徵獻者之資四為是集所錄以八邑之人為主具有流寓諸賢或與邑中前輩結詩社訂石交者或設教八邑而後輩資其指授者其風流文采固可仰

望然為郡邑限制計概不入錄之四例也其全書之大旨或存是矣考昔人選詩文而為總集者始自梁代昭明太子高齊士學士嗣後唐有河嶽英靈篋中國秀諸集宋有杜清碧之谷音金有元裕之之中州明有錢牧齋之列朝詩選或綜幾朝或集一代然此可為詩學之津梁而非采風之遺旨清初王漁洋始有濟南詩選一郡中取華泉滄溟二家吳梅村有婁東詩選一州中國於門下者十人宋商邱詩選偏於大江南北而所收祇一十五子不專一邑人亦略存

續修四庫全書

卷

集部總集類

他如陸敦先之虞山詩約潘蜀藻之龍眠風雅專一邑矣而所收之人準諸十五子之例未有網羅蒐葺舉一郡一邑之詩薈萃成帙而如徐州詩徵之精且博者況中行以諸生久歷行間勞形簿書而獨能提倡一郡之詩為之滙萃成如此巨帙是亦難能而可貴者矣

附錄傳記參攷材料

清史列傳

臨川縣志

續修四庫全書

卷

集部總集類



致用書院文集不分卷 光緒丁亥戊子己丑致用書院刻本 劉啓瑞

長樂謝章樞編章樞字枚如少倜儻以經濟氣節自許所為詩文槩礪輪囷有揮斤八極推倒豪傑之概顧不屑以文字名世於時俗好尚尤不措意年將五十始領鄉荐又十年乃成進士嘗慨然於中興日久外患將作故於廷試日縱筆論文鄰懇款千百言聞者以為迂濶不近於事情抑下等時枚如已以貲納為內閣中書升侍讀矣憤而掛冠歸遂以著述教學

續修四庫全書

卷

集部總集類

為職志歷主漳州講席白鹿洞書院最後教授閩省致用書院凡十有三年致用書院者王文勤凱泰所創也憫閩士之溺於俗學欲使之通經而達於當世之務枚如實贊其議既主講席悉心校士其論學宗旨大較以治經重家法為文必宗經治事從經義出而言之本則一準於周易之修辭立誠其約而精蓋如此其立教也恐近世學者侈談經濟文章而墮於夸靡陵競之習也由是為課業之程曰有耻曰近情曰有恆曰不苟務斂之於切問近思之地使知所

以自重其身又閩近世學者易視訓詁攷據而狃於依附蹈襲之風也由是為校藝之程曰自見曰獨到曰審諦曰推闡務導之以戒欺求慊之方使知所以自立既行之十餘年閩士多所成就枚如復輯其課

文之佳者合為致用書院文集一編凡枚如之所以教士者士之所以受學者悉在焉其例一以阮文達學海堂集為準先以年序分光緒丁亥戊子己丑為三編次以題序約分經學小學詞章為後先次以人序亦分諸生郡邑為後先大旨以通經致用之文為

續修四庫全書

卷

集部總集類

主以合乎王文勤創始之意而制藝之作不與焉昔姚惜抱年八十三元旦雪中作疑年錄序以為古名人年壽大者闢功業之盛衰道德之顯晦小者文章術業亦可以年之少長考藝之進退惜抱年高而篤於文故能發為此言枚如以八十高年猶孜孜矻矻誨人不倦士亦彬彬向學措諸實用於文章術業既可謂與諸生相共而諸生之勤功業修道德尤為枚如之所循誘而成者殆合古人二者而一之其難能可貴固已為海內之所欽仰而難能可貴之由亦可

於是集規之是固不僅為閩士校文之集而已也

附錄傳記參攷材料

賭棋山莊集八十壽序

續修四庫全書總目

卷

集部總集類

國朝松江詩鈔六十四卷 嘉慶戊辰姜氏致和堂刻本

劉啓瑞

松江姜兆紳輯兆紳字健翹又字塤傭號孺山晚自號如三老人少好學為文沈博絕麗每一伸紙輒千餘言乾隆庚寅舉於鄉累試春官不第丁酉考取景山教習尋入山西學政百公幕校閱文字辛丑大挑二等壬寅署溧陽訓導甲辰調舒城教諭旋告歸一意著述樂志林泉成書十數種尤以孟子篇敘七卷為最著儀徵阮元欽程瑤田嘗移書訂論互相商討

續修四庫全書總目

卷

集部總集類

其見重於時也如是晚年留心鄉邦文獻嘗輯成國朝松江詩鈔六十二卷松江駢儷文見八卷松風餘韻補遺三卷均梓行尤以詩鈔為最工據行狀謂於嘉慶甲子迄於戊辰凡越五年而後成則其工也可知矣先是邑人姚聽巖有松風餘韻之選自晉迄明詩家六百餘人得詩若干首鄉邦著述得此益顯逮及孺山之世又越百六十餘年風雅一途彌徵大備孺山因師其法輯為此編合一千五百餘家之集考一百六十餘年之事次第姓名更改籍貫臚鈔晨寫

証訂謬舛稿凡三易而後寫定其編次先後則略以時代為序卷一至十三為順治朝人卷十四至二十五為康熙朝前三十年人卷二十六至三十四為康熙朝後三十年人卷三十五至三十九為雍正朝人卷四十至四十五為乾隆朝前二十年人卷四十六至五十四為乾隆朝後四十年及嘉慶初年人卷五十五六則為名媛卷五十七則為方外卷五十八則為名宦寓賢卷六十則為家集卷六十一至六十四則為遺民一一隸定悉加考証而籍貫異名更為重

續修四庫全書

卷

集部總集類

釐考清初松江轄境僅華亭上海青浦及金山衛數地自順治十二年華亭分婁縣雍正四年上海分南匯青浦分福泉華又分奉賢婁又分金山乾隆八年省福泉四十年罷金山衛地理劃分名稱不一因此各家籍貫隨時代以俱異孺山則悉為考較改訂今名以便世人易知此其所以異於各家標選政者其全書條理亦有與各家異者於此益見其苦心孤詣卓然不群焉全書條例都二十有二端今綜其大凡約為四則言之一是編以詩存人以人存詩故所鈔

者各就其人之本色存之或其擅長者存之而要以合乎溫柔敦厚之旨者為主二是編次第以時為序有科目者以鄉會榜先後為序諸生則以歲科案為序監生布衣則以時約略次之三名媛之詩取其有關於忠孝節烈者入錄方外之詩則擷其有合乎儒理者始采寓賢之詠必關乎地方名宦之吟必關乎功績至勝代遺民詩本少見因另為一編以見節操家集所附則朱竹垞選粹父詩之例也四各家詩首悉冠小傳自忠孝節義政事文學以及嘉言美行罔

續修四庫全書

卷

集部總集類

不具載庶世之覽者得以知人論世至姓氏下摘錄評語品藻全詩則又朱竹垞明詩綜之例也凡此條理全書大概或備於是矣按一郡一邑之詩編次而為總集者所在皆是特視其條理如何定其存否松江為人文淵藪標選政者比比是如王蘭泉有青浦詩傳曹北居有上海詩鈔馮墨香有海曲詩鈔王碧山有續松風餘韻吳陶宰有淞南清氣集均皆卓卓可傳舉世服為善本者孺山乃繼其後言其易則諸家書可以取資言其難則絕美不易而此編乃獨能



如是精華母亦昔人所謂前修未密而後出轉精者歟

附錄傳記參攷材料

姜皋撰先儒山府君行狀

松江府志

續修四庫全書

卷

集部總集類

國朝詩鐸二十六卷首一卷 同治七年永康應氏采芝堂刊本

劉啓瑞

錢唐張應昌輯應昌字仲甫號寄庵原籍歸安嘉慶十五年舉人官內閣中書應昌孝友恂謹舉止若寒素鍵戶著述肆力於春秋者三十餘年嘗謂屬辭比事春秋教也聖經書法必膜屬其辭排比其事乃明若以例說春秋則拘泥穿鑿害不勝言蓋史所謂例乃策書之大体簡牘之恆辭於聖經筆削無涉也先儒傳說字字鑿生議論至謂聖人改正胡貶大主誅

續修四庫全書

卷

集部總集類

賞諸侯黜陟列國証聖已甚而卒於全經不可通於是偏取三傳以下及國朝諸儒書四百餘家彙輯辨說於卷首分隸辨說於各門破其褒貶穿鑿之例折衷一是成春秋屬辭辨例編八十卷吳縣吳鍾駿稱其網羅舊聞比之李鼎祚周易集解銜是禮記集說同治九年同里詹事夏同善等進呈是書得旨嘉獎有耆年好學之論是年重宴鹿鳴十三年卒年八十五其他著述有補正南北史識小錄壽葵堂集國朝詩鐸等俱行於世詩鐸者取道人以不鐸徇於路之

意以詩化民成俗者也。昔周礼小宰徇以木鐸，鄭君  
文事奮木鐸，武事奮金鐸，呂覽奮鐸以令兆民，淮南  
告寡人以事者，擊鐸。古者上之諭下，下之達上，無不  
以鐸。劉成國云：鐸，度也。孔子著六經以教萬世，儀封  
人謂天將以夫子為木鐸，鐸不專屬乎詩，然於詩之  
教也尤宜。詩者六經之一也。今之詩猶古之詩，太史  
采十五國風，謠以知俗之美惡，政之得失。漢魏樂府  
枚枌陳思得其遺意，永明以下風調靡靡，唐陳伯玉  
始為感遇，少陵崛起，直繼國風。次山春陵，參乎小雅。

續修四庫全書

卷

集部總集類

元白張王聲新意，古李長吉采王歌，聶夷中田家詠。  
杜荀鶴時世行，嗣響不絕。宋呂東萊編文鑑，所取詩  
多田里疾苦，鐵厓西涯變為史論，古義寔微逮。及清  
世益宏丕緒，凡館閣詞臣膠庠俊秀，山澤漁釣之人  
皆有所興起。苟見聞所及於土俗民風，農桑水旱無  
不播之聲詩，以求合乎六義，雖格有高下，意有淺深，  
然其惓惓忠愛通朝野上下之情者，則一惜其文散  
見各家，披尋匪易。又或獵其春華，棄其秋實，未能得  
作者立言之心。仲甫因取國朝諸人詩集，專擇其關

乎警覺之義者，錄之於篇，名之曰鐸，以宣民隱，以資  
吏治。以厚風俗，以清政原，可以勸可以懲，上之以裨  
執政明目達聰之化，下以作愚氓發聾振聵之資，其  
用意蓋至深且大，而其分類亦至詳晰。都一百五十  
有五類，曰歲時、輿地、政術、總善、政財、賦米、穀漕、漕  
船、海運、錢法、鹽筴、關征、貢賦、海塘、河防、江防、水利、農  
政、田家、樹藝、蠶桑、木棉、紡織、丈量、催科、稅斂、力役、科  
派、擾累、捕捉、捉車、驟、捉船、官馬、馬草、刑獄、盜賊、兵事  
武功、將帥、兵卒、軍餉、軍器、屯田、邊防、苗徭、島夷、懷遠。

續修四庫全書

卷

集部總集類

會匪、捻匪、棚客、民左、道民、變弭、亂災、荒饑、水災、海嘯  
江溢、河決、旱災、禱雨、風災、雹災、雪災、雷異、日食、地震、  
佳決、潮災、旱災、喜雨、蝗災、蛟捕、虎勦、災查、戶口、賑飢、平糶、蠲  
免、流民、蠲男女、用人、察吏、官箴、大吏、守令、吏胥、差役  
循良、歌頌、酷吏、清廉、貪贖、權奸、世祿、仕宦、考試、愛訓  
士勸、民迎送、伺應、諂媚、諛頌、富貴、貧賤、忠臣、孝子、友  
悌、貞節、義行、靈異、物性、高隱、曠達、止足、驕倨、奢侈、吝  
嗇、惑溺、純樸、勇伎、凶惡、家訓、格言、名論、果報、讀書、交  
際、施予、崇儉、節飲、達色、戒氣、嗜古、賭博、風俗、祭祀、婚



嫁喪葬掩埋行旅。亂離疾病醫術。鬼神燒香戒殺愛物。商賈淘金采礦。采銅鉛鐵。采石采木。采煤炭。采薪瘠土。貧民婦女。夫婦憫孤兒。戒溺女。憫婢。馭僕。蕩子狎客。倡優。官寺異民。釋道物產。鴉片煙。錄詩五千餘首。詩家近千人。每家或錄一二首。十數首不等。要以其佳什為限。同題者以時次之。同時者又以其科目前後次之。無者則以其行輩為次。相間序列。襍而不廁。閨秀方外。又另為編。別附於末。復輯詩人名氏爵里著作目一卷。冠於首。以為考文徵獻者助要之。是

續修四庫全書

卷

集部總集類

書之尊。以事標類。以類統詩。以詩存人。彙聚而區分。宏覽而精擇。旨微意深。功在化人。以裨風俗。以振詩教。重乎道。人本鐸之遺意。固不徒蹈詩選之積習也。

附錄傳記參攷材料

清史列傳

詁經精舍文集十四卷 揚州阮氏琅環仙館刊本

劉啟瑞

儀徵阮元輯。元字伯元。號芸臺。乾隆五十四年進士。改翰林院庶吉士。五十五年散館。授編修。累擢詹事。日講起居注官。文淵閣直閣事。山東浙江學政。內閣學士。禮部侍郎。浙江巡撫。漕運總督。湖廣總督。協辦大學士。休仁閣大學士。謚文達。生平淹貫。群書長於考證。所著所輯。均十餘種。為海內人文仰望。當提督浙江學政時。試士兼用經古小學。識拔高才。聚諸生

續修四庫全書

卷

集部總集類

於西湖孤山之麓。分撰經籍纂詁一書。都百有八卷。以觀唐以前經詁之會通。及由少司農巡撫浙水。遂於西湖之陽。立詁經精舍。選兩浙諸生學古者。讀書其中。精舍者。漢學生徒所居之名。詁經者。不忘舊業。且勗新知也。復祀漢儒許并。重鄭康成。本主於其間。以正趨向。又延王少冠。昶孫觀察。星行為之主講。而芸臺居其首。創為月課。試士三番。問以十三經三史疑義。旁及小學。天部。地理。算法。詞章。各聽搜討。經傳條對。以觀其識。暇日聚徒講議。服物典章。辨難同異。



以附古人教學藏修游息之旨簡其藝之佳者刊為  
話經精舍文集凡十四卷錄文詩都數百首作者均  
一時之才雋之士如陳鴻壽陳文述方觀旭嚴杰查  
揆李富孫李遇孫崔應榴朱為弼張鑑胡縉丁授經  
丁傳經嚴元照徐養原徐養灝何蘭汀洪順煊洪震  
煊葉之純許乃濟屠倬陳鱣張廷濟張燕昌吳傑童  
槐姚文田湯金釗錢昌齡許宗彥等未及十年多致  
位通顯入玉堂進樞密出則建節而試士其餘登科  
甲舉成均牧民有善政及撰述成一家言者不可勝

數東南人材之盛蓋莫之與京焉考淞水為人文淵  
藪學問素著清初若黃太冲胡渭生萬充宗之於經  
萬季野吳志伊之於史袁惠子徐敬可之於算張鏞  
虎朱錫屯姜西溟查悔餘之於詩古文並流美方來  
希風業哲繼之者全謝山吳中林杭莖浦咸方聞博  
物著述垂範迨芸臺視學吳中以行誼經術屬士士  
風曠然一變既而撫鎮是邦又開話經精舍學術於  
是大行凡鯁生末學無不奮進自謂不及二年已成  
巨帙厥後各有所成莫非溶涵陶冶而出者迄今學

風猶宗尚之斯則此集之行特其筌蹄而已

附錄傳記參攷材料

清史列傳

國朝金陵文鈔十六卷首一卷敘錄一卷 光緒丁酉刻本 劉啓瑞

江寧秦際唐輯際唐字伯虞光緒時上元舉人天才特敏角藝流輩亡慮了十數一時場屋士咸以謂張驚之萬選溫岐之八义不是過也顧扼於春官房考嘗馳書二千里所以慰企良殷然不復上學涉亦富熟國家掌故某時某地某人某政與朋友襟坐輒據臂出之在堂滿堂在室滿室為時江寧克復未久創痍在目文教廢弛識者憂之伯虞與陳作霖鄧嘉緝

續修四庫全書

卷

集部總集類

顧雲蔣師轅何延慶朱紹頤等相與結社唱酬提挈風雅而以翁長森為歸長森為選其詩付之梓氏名曰石城七子詩鈔伯虞又與作霖同編國朝金陵之文上起順治下迄光緒都為一集名曰國朝金陵文鈔而命作霖為之敘錄歷述各代文體之嬗變作家之盛衰宗派之流別遭遇之隆替識者謂不減班馬之自序焉其編次之例約有四端一金陵自六朝以來治古文辭者代有其人而清世為尤盛茲編則一依國史館傳首顧崑山之例以遺老為冠其餘視年

輩科分蟬聯鱗次論世知人庶軻得其大概二單行儷語殊塗同歸昭明選樓兼收二美景行前軌甄采其尤其說經之文博古之錄亦間收一二貴在因人以存文因文以傳世亦青浦王氏之義法也三諸賢小傳見金陵詩徵及府縣志者十之七八重臺駢拇於義無取概從刪落以省繁蕪若夫昌黎志墓之作東坡表忠之碑襄陽耆舊中壘列女清芬大節附驥益彰牽連得書維桑所繫匪獨文字有靈亦將來志乘之張本也四是書志在闡幽凡專集久已風行則

續修四庫全書

卷

集部總集類

擇其有關掌故者錄於篇其有著述等身遺書在笥與其傳鈔於洛下不若永壽於名山博覽旁搜多多益善矣至其編次之序一依時代先後為主卷一為順治初文卷二為順治季文卷三為康熙中文卷四為雍正中文卷五為乾隆中文卷六為嘉慶中文卷七之卷八為道光初文卷九之十一為道光季文卷十二之十四為咸豐中文卷十五為同治中文卷十六為光緒中文錄文都五百餘首作家二百一十有八人凡江寧三百年来文獻之微可謂悉在是焉以

名文鈔而不知名文選者乃所以別於選家之旨也。按江甯居金焦之西為東南一大都會其浸淮湖其山茅蔣長江貫於腹總水陸之所匯而北走中原地勢雄奇篤生人傑吳晉以降元明以前文質彬彬雅之儒軌轍相循要惟清代為極盛蓋舊京縉紳易代未湮而鴻博之科名試之典相為鼓舞人才乃益以舒舒觀於是編之輯彌足以信而有徵況伯虞為七子之雄其詩文亦為清末之殿其編次之良窳固不待後人為之品評矣

附錄傳記參攷材料

重修江甯府志

翁長森編石城七子詩鈔

吳江沈氏詩錄十二卷 乾隆五年原刊本 同治六年重刻本 劉啓瑞

吳江沈祖禹暨弟彤同輯祖禹字所揆彤字冠雲為從兄弟行俱以學業文章顯於世並為儒林所宗仰而冠雲之名為尤著世所稱果堂先生者是也沈氏自元末遷吳江世以德行為鄉里重望或以功著或以言傳繩繩繼繼代不絕書而各代詩文亦多為儒林所稱誦載之於各家總集者如錢牧齋之列朝詩選朱竹垞之明詩綜殆數十人閱者每歎吳江沈氏

風雅之盛莫之與京所揆與冠雲發先世之手澤裒友朋之舊藏集為吳江沈氏詩錄十二卷以見沈氏一門之盛始自明世成化迄於清代乾隆為時三百餘年閱十有一世前後七十公附闡中二十一人人各有詩詩各可傳凡廟朝之忠愛家庭之孝友親躬接物之廉讓與夫憑弔古人登臨遊覽吟弄風月以及美人香草歎逝傷離一流露於楮墨間彙而讀之如與前民揖讓泳游而閨房林下亦因言而見其貞靜閒逸焉是誠藝林之極盛也已其例以行輩為



次同輩者以兄弟為次每人各著其事迹言行綴為小傳冠於各人詩首間有評論以見詩律每人選詩或數首或百數十首不等要以其佳者為斷而閏秀又另為一編附於卷末十一卷以下皆是也按古今父子之能詩者如魏征西之有丕與植庾肩吾之有信蘇許公之有頴為最著兄弟則如應瑒應璩丁儀丁廙陸機陸雲至唐之五寶宋之四韓稱尤盛焉而杜審言之有甫則祖孫並著王融前後四世有籍則祖及孫曾俱以詩名於時然求其萃於一家歷數傳

而未艾者史書中亦不易得也今吳江沈氏以一家之言乃已衷然成此巨帙方之前賢殆有過之況自乾隆以後可傳者猶不乏人倘再輯而梓之其卷帙之富當較此為更盛矣沈歸愚序是集謂吳江沈氏不獨以詩名如太常公之直言諫諍顛跌不悔檢討公之根柢學術發為文章光祿公之請立國本會事公之折獄平恕副使公之端本化民副憲公之撫馭方畧或載明史或載於名賢墓誌諫狀與學士多問者之傳述具有磊磊不可磨滅者在詩特文辭之一

斯言也益徵沈氏之其表永紹固亦源遠而流長矣此編僅其述祖德之一而已

附錄傳記參攷材料

清史列傳

同志重修蘇州府志

宋四六選二十四卷 同治四年刻本 劉啓瑞

南昌彭元瑞選元瑞字芸楣乾隆十八年舉人二十二年進士改庶吉士授編修入直內廷累遷侍講江蘇學政內閣學士禮部侍郎三通館總裁四庫館副總裁經筵講官兵部尚書太子少保協辦大學士謚文勤少負雋才多讀書工詞翰尤留意駢儷文嘗搜輯兩宋獨語編為宋四六選二十四卷皆在四庫館所見諸家秘笈而成都分類十有六曰詔曰制曰賀表曰進表曰謝除授表曰禱謝表曰陳乞表曰賀除

續修四庫全書

卷

集部總集類

授啓曰禱賀啓曰謝除授啓曰荐舉啓曰禱謝啓曰通啓曰回啓曰上梁文曰樂語錄文都七百六十有六首悉屬可傳之作至賦為有韵之文誥檄國書露布詞科諸體擬作原野青詞表本疏榜之文於義無取凡此傳碑序記之辭亦近繁縟均不入錄以見選例之純焉考宋世儷體實異於唐尤異於六朝揆其風尚自成一格蓋儷體之興始於六朝風聲變於樊南派六岐於趙宋楊劉沿於古意歐蘇專務以氣行晁無咎之言情王介甫之用古門山有手至海何人

泊乎渡江之哀鳴者浮溪為盛盤洲之言語妙天下

平園之制作高禁法條延秀牋牘壇場陸務觀風騷餘力尊幕中之上客捉刀競說三松封席上之青奴標準猶傳一李後村則名言如屑秋崖則麗句為鄰臞軒南塘貧窶象麓雄於末造訖在文山三百年之名作相望四六家之別裁斯在惜乎歐公標復古之風而豐興格律之禁後世狃於積習誤認宋世多工古文而多不考其文体之嬗變與諸家之文辭蓋駢儷之工固亦不減隋唐焉文勤既潛心駢儷留意歐

續修四庫全書

卷

集部總集類

慨人世之謬承忘前賢之鑒積因選為斯集俾世之好古者有所取資復輯宋四六話一十二卷與之相輔而行云

附錄傳記參攷材料

清史列傳

國朝駢體正宗十二卷 嘉慶十一年曾氏貢雨節屋刊本 劉啓瑞

南城曾煥輯煥字賓谷乾隆四十六年進士改庶吉士四十九年散館改戶部主事五十一年丁父憂服闋充軍機章京五十五年遷員外郎五十七年京察一等授兩淮鹽運使嘉慶十年以失察楚省漢口峴擢價病民部議降三級留任十二年升湖南按察使十四年正月調湖北按察使十二月遷廣東布政使二十年擢貴州巡撫二十一年以母老乞養歸旋丁

續修四庫全書

卷

集部總集類

母憂道光二年服闋授兩淮鹽政六年罷官十一年卒所著有賞雨節屋集等此則其所輯國朝諸家駢體文也上自國初下迄近世都四十有三家曰蕭山毛大可奇齡宜興陳其年維崧仁和毛稚黃先舒錢唐陸麗京折吳江吳漢槎兆騫仁和吳慶百農祥山陰胡稚威天游仁和杭大宗世駿會稽胡希張凌華亭黃唐堂之雋吳縣陳和封黃中錢唐袁子才枚定興王芥子太岳昭文邵荀慈齊憲武進劉圖三星煒大興朱石君珪錢唐吳穀人錫麒江都汪容甫中金

匱楊蓉裳芳燦金匱楊荔裳撰武進趙味辛懷王長

洲沈芷生清瑞無錫顧立方敏恒會稽楊六士夢符

曲阜孔昇軒廣森陽湖孫淵星衍儀徵阮芸臺元長

洲王惕甫芭孫陽湖洪稚存亮吉歙縣凌次仲廷堪

新安朱滄湄文翰陽湖劉芙初嗣緒全樹吳山尊萬

臨川樂蓮裳鈞歙縣金明甫式玉仁和查樸史初撰

鎮洋彭甘亭兆蓀仁和胡以莊敘平湖朱某堂為弼

吳江郭頻伽慶元和顧千里廣圻長洲吳巢松慈鶴

儀徵汪竹素全德錄文都一百七十有一篇次為十

續修四庫全書

卷

集部總集類

有二卷次第悉以其時代為序同時者以其科目之先後為序無者則以其行輩之先後為序錄文或一二首或十數首不等要皆華而不蕪典而不俗合乎駢儷之正宗者始入錄焉按駢儷之文肇自六代一變於唐再壞於宋至於有清始復大振其間如杭大宗汪容甫孔昇軒孫淵如洪亮吉吳穀人諸家並足躡蹤兩漢凌駕徐庾方之前賢實有過之賓谷斯集之選適為有清駢儷正宗之數合精取華不偏不黨尤可為後世法故是集既梓風行海內學者以此為



指歸選家以此為別裁焉自是厥後踵起者多吳山  
尊選國家八家四六文鈔即以此為準則並以曾文  
入錄稱為江西文伯其稱許可謂甚至要亦曾氏之  
精粹使然觀於此集之選益足徵矣

附錄傳記參攷材料

清史列傳

續修四庫全書

卷

集部總集類

唐駢體文鈔十七卷 嘉慶二十五年海寧陳氏刻本

劉啓瑞

海寧陳均輯均字受笙嘉慶十五年舉人考取官學  
教習敘知縣弱冠即客京師與名流相往還時太常  
馬履泰視學秦中邀與偕行徧歷雍涼之勝詩益工  
尤嗜金石文字考核精審與趙魏相伯仲間作畫亦  
與吳罔埒祭酒法式善品十六畫人均在其列最擅  
駢儷取法徐庾得其神似嘗采唐人文集類書碑誌  
輯其駢儷之文都為一編凡十七卷名曰唐駢體文

續修四庫全書

卷

集部總集類

鈔以人為次先帝王次士大夫次布衣韋帶之士次  
釋道閹秀而失名者殿之計一百三十有八人曰太  
宗高宗睿宗元宗肅宗代宗哀帝武后王績陳抃  
李太白長孫無忌房彥藻杜之松歐陽詢褚亮顏師  
古岑文本許敬宗劉孝孫上官儀孫思邈張昌齡盧  
照隣朱敬則張鷟王勃李善長孫訥言楊炯駱賓王  
陳子昂崔融張說王隱客姚崇柳冲盧藏用武三思  
宋之間李嶠路敬潛李邕李孝倫張景源張九齡孫  
逖李華蕭穎士王維申屠液張巡道奚珣劉長卿李

白高適杜甫賈至張謂元結王邕獨孤及宋儋張景  
毓竇公衡常衮于郇杜倚韓翃權德輿李約梁肅顧  
況裴度令狐楚李遜韓愈劉禹錫武少儀段文昌李  
季貞呂溫李翱元稹白居易皇甫湜符載劉肅李德  
裕張鷟元傑舒元興裴通樊宗師沈亞之杜牧鄭畋  
余知古薛逢李商隱溫庭筠段成式李為李群玉孫  
樵皮日休陸龜蒙陳廋司空圖顧雲吳融羅衮韓偓  
鄭準王緘李茂貞黃滔李琪劉煦楊凝式張昭殷觀  
陳喬徐鉉韋莊歐陽炯羅隱王德建法琳元稹宗密  
山元卿杜光庭馮貞素朱莘周夔周彥之李令琛而  
闕名者不與焉受筌嘗論唐世駢文休有正變唐初  
真氣鬱雲仙根聳陰宏崇闕館無殊樂賢之堂文學  
待儲有甚博望之苑遂以丹青秘府斧藻芳林崔李  
門其詞鋒常楊製其繡段公等可壓四友締歡哲人  
不違四傑踵武讀遺封賦者老成比之景靈聞穎士  
風者童子羞稱曹陸王勣則五吏寫文郁渾則百篇  
應舉或繁花在齒或懷墨盈衿或丹地珥毫制綜九  
載或粉司隸事判號五花才子百五十人作者三十

六休莫不鼓鈞淬鏘鑢韞在胸截貝編璫鋒針應手  
雖復孫孔襲華吳富尚質伯玉出而王楊調息昌黎  
起而燕許軌更原其初終取其正變然江流不廢未  
聞目以狂瀾光燄常存昌嘗譽其先烈此燕公集賢  
之論皇甫諭業之篇繪聲如聞喻形彌肖者也斯論  
也不僅唐世儼文之正變與夫源流盛衰可以窺見  
而斯集選擇之大概亦可於此論徵之矣所惜者書  
首未列例言無以攷知編旨文前不列小傳無以論  
世知人此皆為美中不足者要亦未足為病也

附錄傳記參攷材料

清史列傳

民國重修杭州府志

國朝松陵詩徵二十卷 乾隆丁亥袁氏愛吟齋刊本

劉啓瑞

吳江袁景輅編景輅字質中號樸村諸生幼好詩嘗受業於陳祖范亦得窺三唐門徑稍長遊學於沈德潛歸愚門詩益進歸愚既選國朝詩別裁集樸村因承其意復選一郡一邑之詩為國朝松陵詩徵二十卷上起國初下迄近世詩家四百四十有一人錄詩都四千餘首而寓賢方外閨媛復另為一編不相雜廁十八卷以下皆是也其編次之例一依國朝詩

續修四庫全書

卷

集部總集類

別裁集凡有科目者以科目之先後為次雖弟居兄先不為序順無科目者約計行輩年齒參差其間此一例也集中所采悉為已往之人若現存有名位者具不入錄以寓表微潛幽之意此二例也各家詩首冠以小傳倣中州集列朝詩集之例先書表字世系集名而科目之有無亦各繫之復引名公評論以綴其下以俾世人有徵文考獻之資此三例也詩之可傳在工不在多故所選各体以其精者為斷若已有專集行世者只采其有關於本郡之作或其集尚未

鐫而詩可傳者則采輯稍多此四例也若夫選詩之

旨論詩之言尤得歸愚之傳固不減唐詩別裁之序例略謂詩要先辨雅俗黃魯直曰凡病可醫惟俗不可醫予謂醫俗有良藥人特不肯服耳良藥者何書是也苟能多讀書則身心間皆古氣盤結一切塵氛俗念那有位置處杜老云讀書破萬卷下筆如有神此千古作詩之秘即千古論詩之秘又云詩可被之管絃者乃名樂府自漢以後其法已亡後人借古題發揮已意其篇什長短各自成調不必貌古也魏武

續修四庫全書

卷

集部總集類

父子李太白已然杜陵則另立名目并不借徑古人惟李于麟字句多少一一擬之便成詩魔矣集中樂府專取獨出新意筆力過人者若合樂與否吾不知也又云五古有三種阮籍陳子昂張九齡為一体宜於此興陶淵明後韋蘇州柳柳州為一体宜於山水間通杜子美為一体宜於敘事而其要總貴氣骨堅蒼詞句渾成近日漫稱選体勦襲潘陸顏謝字句敷衍一番初看似有古色按之不見用意所在本來性靈反被汨沒矣集中五古三體俱備吾鄉自有宗風



奈何隨人作計耶。又云七古有唐初体、李杜体、韓体、元白体、蘇陸体。其要不外離合二字。能合不能離。離音節鏗鏘。情致纏綿。皆為平調。若能合能離。則忽來忽往。若斷若續。如風雨雲龍。變化無端。而蛇跡灰線。仍極嚴謹。斯七古之能事也。集中諸篇。宗法不同。要皆捺縱在手。曲盡離合之妙者。又云五律以蒼勁者為上。淡遠者次之。工秀者又次之。七律以氣骨雄渾。聲調高昂者為上。對仗工整。情韵悠長者次之。二者体格不同。而鍊意鍊局。鍊句鍊字。無不同也。又唐律

續修四庫全書

卷

集部總集類

起如聞迅雷。結如截奔馬。宋則著意中聯。不講首尾。矣。後人作律。多犯此病。大抵先有好句。而後足成之。耳。若宗盛唐。其病可免。予讀前輩詩。遇起結佳者。即中聯不用力。亦急登之。又云七律難於五律。五絕難於七絕。七絕貴有遺音。五絕非關人力。故龍標之外。多嗣響。右丞以後。無專家。集中七絕多於五絕。勢使然也。五言長律。唐人應制贈送。俱用此体。屬對工切。氣血動盪。非後人所易及也。今莊重題間。有格律工。整者。一涉應酬。便滿紙諛言。令人氣餒矣。雖有采錄。

寧從其略。又云詠物詩。絕無比興。就題賦之。縱極刻鏤。終無生氣。必將自己身分。或置題中。或立題外。觸景生情。隨時寓意。於我有相關處。即於物有會心處。而它人讀之。不但覺賦形惟肖。而且領悟無窮矣。試觀三百篇中。鳥獸草木。何什無之。求其獨賦而非比興者。百不得一。即此可悟詠物詩法。又云和韵詩。不宜多作。詩貴自然。若限定韵脚。是隨人顛倒做韵。非做詩矣。盛唐和詩。同題不同韵。早朝大明宮。諸作其較著也。至元白皮陸。因難見巧。悉次原韵。而諸公可

續修四庫全書

卷

集部總集類

傳之作。皆不在此。歐陽公曰。薛稷唱和詩。馮宿馮定李紳皆唐顯人。靈澈亦以詩名。後世而皆不及。萃豈倡者。得於自然。和者牽於強作耶。此集和韵詩。苟其人無他詩可選者。勉登一二。又云凡登臨弔古題。前有名作。苟能自出新意。亦可追配古人。若人云亦云。如業酒者。取前人滴粕。醞而流之。知不復醇也。予遇此等題。必陳言務去。而能道前人所未及者。方入選。總斯言之。不僅是集選錄之旨。可以窺見而一郡一邑之詩評。亦可於此徵之。再推之一代之詩。其言亦

足以為法故特表而出之以見樸村獨到之見焉

附錄傳記參攷材料

同治重修蘇州府志

續修四庫全書總目

卷

集部總集類

京江耆舊集十三卷 嘉慶戊寅張氏青苔館初刊本

光緒戊申同邑柳氏重刊本

劉啓瑞

丹徒張學仁王豫同輯學仁字也愚又字治虞號寄槎嘉慶丁卯舉人上詩宗尚錢劉風格高峻沈文恪曾學江蘇目之為才士豫字應和號柳村諸生好吟詠不求聞達論詩以王孟韋柳為宗高雅澹醇不為風氣所轉移嘗與寄槎讀書松存閣朝夕共筆硯一日寄槎謂柳村曰維桑與梓必恭敬止子讀而忘之乎柳村因與寄槎搜采潤州一郡之詩以為徵文考

續修四庫全書總目

卷

集部總集類

畎者助柳村出藏書二百餘種付寄槎寄槎為之考訂遂繹凡二十餘年又益以詩家五百餘五為商榷去取總以敦厚和平不失性情之正者為職志人各系以小傳或附以詩話如明詩綜例彙成十三卷名曰京江耆舊集柳村復為之提要鉤玄條舉綱列發凡起例都為八端以見本書編次之旨排比之法其意略謂考四庫館全書史部目錄京口耆舊傳九卷不著撰人名氏從永樂大典錄出所載京口人物始於宋初迄於端平嘉熙間其體例全仿正史但止載



事迹不列詩詞至曹彥和纂潤州集能克纂京口乾道集又有京口續集皆流傳不朽是集網羅訪失不憚搜求名曰京江耆舊集以存述舊之意此一例也京江自韋昭劉勰以後風雅日著至唐馬懷素開元初為昭文館學士陶翰為禮部員外郎唐詩紀事載延陵色融儲光義曲阿丁仙芝等十八人殷璠次為丹陽集不獨皇甫兄弟張承吉許丁卯戴幼公世傳佳句宋則蔡天啓肇沈存中括蘇養直庠劉漫塘寧元則郭天錫昇楊公亮景明各有傳作明初有顧利

續修四庫全書

卷

集部總集類

賓觀戈仲京錫至呂江峰高與熊南沙唐荆川諸君相倡和稱嘉靖八才子他若楊文襄一清新文僊貴王恭簡樵賀函伯琅張華陽祥鸞張性中存丁易同元吉韋秋山椿鄒佐卿汝翼陳從訓永年輩皆能扶翼風雅獎勵後學然諸家以外詩集湮沒者甚夥是集起自國朝近而有徵不敢遠引前代妄為附會此其二例也詩學之難好新奇者專尚纖巧喜流易者漸入粗疎誇堆砌者不惜鉅釘愛艷麗者徒知藻采求其本諸性情不失唐人宗旨者蓋鮮是集廣搜博

采共得六百餘家嚴為採擇必屬風雅正聲方登此選其新奇粗率堆砌艷麗諸作不復濫入以誇卷帙之富此其三也吟咏之家哀然成集可傳之作不下百數十首是集限於篇幅卓然成家者以四十首為率其餘或數十首或數首各因其人此其四也前輩名流或勳業赫奕或文章彪炳皆為一郡之望即不專事吟咏間錄一二首以人存詩至於隱士布衣閨秀方外偶然流露能寫性情亦必以詩存人不敢輕棄此其五也是集編次皆以科第為先後布衣附焉

續修四庫全書

卷

集部總集類

閨秀方外另為一集其人或有嘉言懿行異聞軼事者亦悉附入以備采風此其六也集中諸家有遷居鄰邑僑寓外郡者若周東會而衍移居陽羨楊石漁磊移居吳門於亦川震僑寓海陵時亦偶見然詩集流傳皆從其朔至於名公鉅卿高人逸士過斯地者固多可采之作然為簡省篇幅計茲悉從闕此其七也是集所選自順治初年起至乾隆乙卯止皆以故者方敢登入庶不失集名耆舊之旨其乙卯以後科名在嘉慶者於十一卷末附載至于勝國遺老國朝



尚存者另為編輯附載第一卷後此其八也之八端者或屬郡邑詩鈔之通例或為丹徒耆舊之特徵皆可於此窺見全書之精蘊焉按丹徒為山水之區秀所鍾才人學士往往發為詩歌以傳播於當世其錄之而為總集者當以京口耆舊傳為嚆矢此外無聞焉柳村嘗受阮文達命編次江蘇詩徵海內稱為善帙又復與寄槎同編此集蓋亦即倣詩徵之遺意其例固亦大率相類焉

續修四庫全書

卷

集部總集類

附錄傳記參攷材料

張學仁 鎮江府志

國朝正雅集

王豫 清史列傳

揚州府志

國朝畿輔詩傳六十卷 道光己亥陶氏紅豆樹館刻本 劉啓瑞

長洲陶樸輯樸字寧永號烏歸嘉慶戊辰進士改庶吉士授編修出為直隸永平府知府擢清河道署按察使兩次因公降調後回湖南漢黃德道歷官江西布政使入為太常寺卿再轉至禮部左侍郎年八十餘卒樸少工詞翰與董觀察國華齊名一等有陶董之目時東南壇坫千里相望王昶孫星衍趙翼吳錫麒輩各以所著傾動一時樸與為師友詩名播遠近

續修四庫全書

卷

集部總集類

其詩始學樊川晚似香山其遺際昇平克亨大耋固亦似香山也其任直隸按察使時嘗仿元遺山中州集例輯為國朝畿輔詩傳六十卷上起順治丙戌下迄道光丁酉得詩家八百七十有五人而生存者不錄梓於道光己亥即是此本也其例約有四端一載輔人才應運而生順治丙戌會榜已得一百餘人康熙己未乾隆丙辰兩開博學鴻詞科得人尤為極盛茲擇其科目最早勛業最著如李蔚者冠諸首其同時俊彥科目係在前朝者則詮次較後以示區別二

山林隱逸勝國遺民如孫奇逢倡道蘇門高不仕之節者畿輔通志既已入錄茲編亦復羅列其受業講學者亦依類編次猶元詩之存元遺山明詩之存陶南村也三八旗分駐京師氏族則聲瀋陽熙朝雅頌集既已蒐採茲編則擇其尤者入錄其有四方名士因射策而占籍畿輔者亦不復為之町畦遵太學題名碑籍焉四是集雖主選詩義在存人凡二百年來名公巨卿固宜搜采而布衣韋帶之士亦不偏廢有別集者錄別集名無者則依其出處著之或總集成

續修四庫全書

卷

集部總集類

詩話分別注明引書殆五百餘種焉此其大較也若夫選詩之抉擇蒐采之謹慎編次之後先攷證之精確或遵各家通例或為是書特色均皆隸定有當無間前賢論清代畿輔詩者當推此編為首選矣

附錄傳記參攷材料

清史稿

同治重修蘇州府志

駢文類纂四十六卷 光緒壬寅思賢書局刊本

劉啓瑞

長沙王先謙輯先謙字益吾學者稱葵園先生葵園有歸里所築居也壬子後自書曰遜不書名少孤苦出為長江水師營掌書記受傭以奉母尋謝歸以廩膳生舉同治甲子鄉試乙丑成進士改翰林院庶吉士散館授編修累遷左中允司經局洗馬翰林院侍講石春坊石庶子左春坊左庶子國子監祭酒性澹榮利既歸田一以正學為後進導主思賢講舍城南

續修四庫全書

卷

集部總集類

嶽麓兩書院教士務文行合一平生於學無所不究門庭廣大合漢宋塗轍而一之其於崇經術治國聞致力猶篤在文館成東華錄東華續錄數百卷視學江蘇成皇清經解續編千餘卷南菁書院叢書一百四十四卷其著述則有尚書孔傳參正三家詩義集疏漢書補注後漢書集解新舊唐書合注元史拾補荀子集解莊子集解五洲地理圖志略日本源流考外國通鑑等其撰集之書則有合校本經注續古文辭類纂律賦類纂止四家四六文鈔六家詞鈔等而



駢文類纂亦其一也。葵園少時嘗讀柳子厚永州新  
堂記。至於通延野綠。遠混天碧。說曰。此儷語也。而儷  
則散文。深疑不類。其兄敬吾聞之。謂曰。他日可與言  
流別矣。及長。遊藝林。涉文翰。見夫姚氏古文類纂。無  
收詞賦。梅氏古文詞略。旁錄詩歌。以為用意則深。論  
法為舛。駢文之選。莫善於王聞修法海。李申耆文鈔。  
傾瀝液於群言。合爐冶於千載。顧王則題目太繁。李  
則限斷未謹。所居之代。抑又闕如。不足綜古今之蓄  
變。究人文之終始。葵園因為之剖析條流。甄錄尤異。

續修四庫全書

卷

集部總集類

推賓谷正宗之旨。更溯其原。取姬傳類纂之名。稍廣  
其例。上始楚騷。下迄近世。錄文二千三十有九篇。作  
家三百一十有三人。為卷四十有六。為類十有五。曰  
論說類。曰序跋類。曰表奏類。曰書啟類。曰贈序類。曰  
詔令類。曰檄移類。曰傳狀類。曰碑志類。曰雜記類。曰  
箴銘類。曰頌贊類。曰哀弔類。曰雜文類。曰詞賦類。每  
類又各冠以序。識其源流。各分以目。別其條理。論說  
類為目三。一曰文論。斯文聲興。體隨時變。趣尚偏異。  
流失遂生。達識雅材。持撫利病。彥和子元冠絕倫輩。

山谷之論河間之評。二家並重學者。攸資彥和書宜  
全讀。子元頗有芟取。文饒文章論。為隱侯而發。而沈  
傳靈運舉斯立言。子元以為全說。文体備言音律。可  
為翰林補亡。流別總說。次諸史傳。實為乖越。以既為  
本限。仍居史論之次。凡若此類。所宜旁通。二曰史論。  
終篇論事。發端馬遷。後來各家。沿襲成体。既趨偶儷。  
彌益煩蕪。故史通擬之。高士綺紉。壯夫粉黛。但文之  
為体。有舉莫廢。其有聯詞切理。此事愜心。未嘗不競  
賞巧工。傾目浮藻。又鴻儒考古。激想抽毫。辨難既紛。

續修四庫全書

卷

集部總集類

溢為繁縟。才力所極。自呈炳蔚。雖波瀾莫二。而涂軌  
已別。此則循載筆之往式。導史評之先聲者矣。趙皮  
書後諸篇。或紬繹它作。更端引申。或留連前史。因事  
寄意。名同跋尾。義主衡論。今彙名取義。使以類從。三  
曰雜論。如稱舉時美。推覈物情。鍼砭俗流。抽尋往籍。  
萃茲眾理。歸於一編。亦文林之柯則也。雅川尚博。諸  
篇與解嘲賓戲同科。蕭樓設論之目也。傳喻廣譬。儷  
式連珠。以体不純。二總列於茲焉。序跋類為目四。史  
家類傳。乃有序文。所以領厥宏綱。陳其命意。休文思



倖昭明選之於前唐宗后妃志堅採之於後並目序以論亮為舛矣若私家撰述條別實繁觀華亭之弁言亦龍門之遺意也士衡標目豪士指刺齊同賦酌雅文序兼史筆去賦存序亦其類也梁元志傳因襲史裁雖殊識大而例歸一貫它若金石之刻訂其舛謬傳記之書證其得失並文人所有事史籍所取資案法海錄序以詩文宴集區為二門余謂應奉之製唯主頌颺陪從之篇尤重肅穆爰就其中合采前美昭示後儀若尋常詩文序跋亦分兩事一曰酬應

續修四庫全書

卷

集部總集類

之作挹清黃憲之坐問奇楊雄之亭誼重淵源感深投分迨蕞蘭有已敗之色而卷施餘不死之心期以片言借之千古它如紀榮遇於畢生述明德於既往貞烈之曜履苦而說甘述作之工推微以致顯皆義主表章而事緣請屬此以情為根而文周其用也一日拔張之作必植根忠孝通鑰經史藝林萃藪洪纖皆適用之資國士遺編顯晦歸後賢之責此以文為本而情暢其流也至於觸感無聊申紙寫臆屏居生悟緣虛入實汎長風而不息則回戀故巢望晨星之

漸稀則感傷知己亦有朋好往還襟情契結登降巖壑興寄園亭歎逝者之如斯撫今惟而易墜相與招繪事賦新詩更揮發以詞章庶昭宣其情緒一卷之內陳迹如新百年之間古懷若接皆無假故實自達胸懷由耳目以造性靈驅煙墨以籠宇宙文之為道斯其最勝者與表奏類為目九數奏始於尚書上書沿於戰國秦并區宇列為四品表以陳事章用謝恩初驗政事曰奏推覆平論曰駁漢云封事起自宣帝不關尚書亦曰上疏用之王侯達於天子總駁於議

續修四庫全書

卷

集部總集類

而典午古今尺議尚以駁名陳謝用章而齊陳賀慶表文亦有章疏魏國奏事始或云啟唐世奏謝無稱為狀六代白簡謂之彈事蓋按初之變名宋朝上書或云劄子是書札之譌字並奏之流也進言稿文戰國為威漢初沿其波制策發問炎靈肇端歷代循其休又有奏對策對之異焉本朝華華崇實凡有進御統謂之奏平論大政亦或用議成書賀捷皆上表文殿試朝考分題策疏觀乎人文取存古式而已書啓類為目四書啓者通上下之辭也皇儲貴胄降札達

誠體性明睿文詞雅潤飛翰染楮咸可覽誦親貴酬  
獻才雋歡陪先生願賜情申慕戀或勝詭入譏吳繁  
競進榮辱倚伏機穽俄生躓屈求信難離增歎斯則  
皇軌不一恒必有之至於折衝之事經畫之宜倚馬  
援毫捉刀入幕亦有請命鄰封薦賢當路推功間帥  
致美大府並表裡史乘裨助參稽若文史為用理體  
滋繁課實談虛悉資考鏡自餘襟述總為一篇編謝  
惠儼言感於六代休不可闕略倂前式唐世溫段之  
徒時復間作並徒斷棄又其時風會波頽文咸干請

續修四庫全書

卷

集部總集類

望門投謁呈身貢函昌黎不過三趨宰相之庭薛逢  
乞恩死作掃除之鬼此類悉予刪除無俾害道贈序  
類為目一以言贈人荀子比之金珠擇言而進魯侯  
以侑觴酒泊乎唐世乃有序文發摭今情敦勉古義  
斯朋友之達道也獻壽有文沿於明代貴在不溢美  
不虛稱反是則濫矣王氏法海贈別序自為編姚氏  
類纂因之增入壽序蓋仍其例云詔令類為目四文  
心雕龍云昔軒轅唐虞同稱為命降及七國並稱曰  
令秦并天下改命曰制漢初定儀則命有四品一曰

策書二曰制書三曰詔書四曰戒敕敕戒州部詔誥  
百官制施敕命策封王侯休至晰也案藝文類聚云  
策書策者簡也以命諸侯王三公制書帝者制度之  
命也其文曰制詔三公敕令贖令之屬是也詔書有  
三品其文曰告某官官如故事是為詔書戒書戒敕  
刺史太守及三邊營官被敕文曰有詔敕某官是為  
戒敕也其義頗異攷西漢賜書輒稱制詔是詔無制  
矣武策三子誼主申戒是策亦敕矣劉勰云戒敕為  
文實詔之切者則敕即詔矣高漢手敕太子知此又

續修四庫全書

卷

集部總集類

不僅施州部也逮及六朝世異封建禪代元錫依倣  
策文唐宋敕書或施之一人或專賜州郡詔則偏諭  
天下制以黜陟封贈其大較也然舉例數文隋高祖  
報李穆應目以敕唐太宗賜李靖陪葬應稱曰制而  
皆以詔名知散文通矣逮除用制實病文繁劉子元  
謂褒貶之言哲王所慎諒我其義兼戒勉者取之餘  
屏不錄制策以咨多士勸其書思對命令於釋名驅  
策諸下之義敕令亦上臨下之辭並以附焉藝文類  
聚云諸侯言曰敕劉彥和云契數五敕故王侯稱敕



自教以下則又有命詔重而命輕者古今之變也。攷六朝文例有令無命。雕龍所稱殆謂令耳。檄移類為目。二劉彥和云。檄移為用事兼文武意。用小異而體義大同。又云。檄者。曉也。宣露於外。瞭然明白也。或稱露布播諸視聽也。攷文章緣起。馬超伐曹。操賈宏為作露布。雕龍以為檄之別稱。信有徵驗。魏晉以降。代有檄文。不名露布。彥和身居梁世。尚無殊解。然則露布為獻捷專號。必在李唐之初乎。茲從其後起。分為二流。以同在全革。仍總諸一例。本國伐叛。但云下行。

續修四庫全書

卷

集部總集類

其小征伐。則用移牒。皆檄之流也。稚圭北山意嚴詞正。節壯高隱。義激頑夫。筆陣助其驅除。山靈增其颯爽。雖斯體之附庸。實文人之魁桀矣。甘亭移牒。城隍助驅貓鬼。幽明一也。故並附焉。傳狀類為目。一行狀者。生而顯貴。沒申史官。具畢身之事實。俟後來之甄錄。沈約齊司空柳世隆任昉齊司空曲江公兩狀。李氏駢體文鈔采之。鈔自類書。故非完本。不堪垂式。所宜割捨。傳之為體。義通存沒。蘇子瞻方山子。歸熙甫筠溪翁。皆在生存。便為紀述。蘭成丘崇亦其例也。碑

志類為目。有四。山川寺墓。刻石勒文。所以揮發冥靈。導揚徽烈。隋唐以往。釋老競鳴。宏開教宗。於斯為盛。曹頌王銘。信遺編之雙秀也。至於紀功述德。意主拔張。刊樹墓門。標題神道。皆以傳名業於靡泯。貫榮哀而同致。表之言表。碣之言碣。其義一而已矣。埋隧鐫詞。體幽用顯。但欲洛陽購紙。爭讀太沖之文。豈待元武辨銘。共識甄邯之家。碑記類為目。一齊梁文苑。始初記體。樹寺造像。休文有作。孝標山栖。亦名曰志。志記一也。碑記之流。蓋於茲託始。唐代亭堂石瀑咸被。

續修四庫全書

卷

集部總集類

文章斯則。記例宏開。不僅山川能說矣。又或追存曩迹。暢寫今情。逮乎國朝。其流益夥。但進集之記。恆與序相出入。董子說泛月。嚴舟亭序。李恣伯遊龍樹寺記。即其證也。大抵專紀述者。乃登記目。綴吟詠者。方以序稱。此雖流別之至微。所當部居而不雜。箴銘類為目。一雕龍之論銘箴也。曰箴全禦過。故文資確切。銘兼褒讚。故體貴弘潤。又言戰代已來。棄德務功。銘詞代興。箴文委絕。余謂語其體。則箴峻而銘紆。言其用。則銘廣而箴狹。六朝作者。競趨辭賦。彥和當日已



歎箴銘單施今之為銘者時亦有焉禦過之文宜乎  
鮮矣頌贊類為目二頌體權輿並出周世魯祀文公  
奚斯有作臣下褒揚於茲託始仲山出祖吉甫贈言  
朋友歸美亦其肇端考父述商首闡前代之懿三閭  
翫橘爰及品物之微後來作者雲興約歸四例士龍  
頌漢奏童通情斯屬文之別調也贊之於頌名異實  
同孝若東方畫贊序謂慨然作頌末稱用垂頌聲固  
已混同一致彥和有云結言於四字之句盤桓乎數  
韻之辭其頌家之細條乎哀弔類為目三誄與哀辭

續修四庫全書

卷

集部總集類

彥和區分二事其論誄也曰傳體而頌文榮始而哀  
終論哀辭也曰以辭遣哀蓋不淚之悼故不在黃髮  
必施天昏余謂誄與哀神主哀之神主哀之作誄以累德施之尊長  
而不嫌僭辭以敘悲加之卑幼而覺其安許竹簣高  
夫人哀辭炳焉述德之文亦非不淚之悼務盡今悲  
稍變前式矣蘭成思舊雖以銘稱亦誄之流也故以  
次焉雕龍云弔者至也詩云神之弔矣言神至也故  
弔祭為類君道之弔在容甫之弔黃馬因文寄意並  
弔之別體謀文類為目三彥和論謀文曰宋玉始造

對問東方廣為客難楊班之徒迭相祖述枚乘首製  
七發子雲肇為連珠凡此三者文章之枝派也統以  
謀文之目今依而次焉詞賦類為目二詞者屈左徒  
諸人所造也阮文達云子史篇翰實有不同楚國多  
材靈均特起賦繼孫卿之後詞開宋玉之先六藝於  
此分途萬世咸歸圍範劉孟塗云騷人情深猶能有  
資於散體豈芳草性僻不欲助美於駢文蓋徑有未  
窺抑知者猶寡二賢之論斯知要矣賦造端於宋荀  
宏休於揚馬自茲以降雖程裁迭變而意匠無殊蓋

續修四庫全書

卷

集部總集類

駢儷之道言哀不深則情韵無抑揚之美取材不富  
則體制乏環偉之觀自非抗心逸步縱獵詩流鮮不  
騰誚於拙王蒙羞於儉腹故以終焉總斯論也其編  
次之梗概略可睹矣考駢儷之文每代屢變漢魏之  
間其詞古茂其氣渾灝縱筆驅染文無滯機六朝以  
還詞豐氣厚羨文衍溢時病煩蕪宋元以降詞瘠氣  
清成語聯翩祇形彰滑明初劉宋略倣小文自時厥  
後道益榛蕪雖七子大家闕為斯式華亭崛起晚宋  
抗志追摹詞藻既富氣体特高明又稱工非溢美矣

清代古文材賢踵武格律研而逾細風會啓而彌新  
參義法於古文洗俳優之俗詞選詞之妙酌穠纖而  
折中行氣之工提樞機而內轉故能洗洋自適清新  
不窮僵體如斯可云絕境洪李之作無間然矣葵園  
此選彙歷代之珠璣張百家之錦繡凡源流莫不盡  
識蕪穢咸在刪除執此一編而駢儷之文均在掌握  
方之曾李實有過之

附錄傳記參攷材料

續修四庫全書

卷

集部總集類

吳慶坻撰王葵園先生墓志銘

新安先集二十卷 同治十三年朱氏家刻本

劉啓瑞

平湖朱之榛輯之榛字仲蕃號竹石先世新安人曾  
祖鴻猷始遷平湖子孫仍襲新安籍示不忘祖也同  
治三年竹石以陰釋褐補蘇州府總補同知敘海運  
勞保以道員遇缺題奏賞二品頂戴自是宦蜀垂四  
十年不出吳下先後權臬之命至十二下兩攝藩條  
一視闕度剛明廉肅能勤其官而尤以筦蘇滬釐務  
為最久晚年補淮揚海河務兵備道未及赴而卒生

續修四庫全書

卷

集部總集類

予以能吏名頗雅不欲以吏才見孜孜矻矻日求學  
問而尤以闡發先德之幽光為職志先是其伯祖某  
堂為弼有新安先集之輯刊於淮陰某堂世之通儒  
也最為阮文達所賞文達選兩浙輶軒錄錄朱氏詩  
殆九人稱其一門通德世罕與匹某堂因師其意廣  
為搜羅惜甫梓行板旋燬燼厥後其祖若父均有續  
輯或已輯而未梓或已梓而散佚俱不獲傳傳者亦  
僅逮及竹石始為廢修哀先世之遺集彙為一編斷  
自國朝迄於近世而某堂之詩亦與焉都二十卷錄



詩家二十有二人以世為次每家或一卷或數卷或數家合為一卷不等要以視其詩之多寡為定卷一為朱昌周朱昌緒朱明儀詩卷二為朱蔚朱荃詩卷三為朱履端朱英詩卷四五六七為朱方藹詩卷八為朱鴻猷詩卷九為朱鴻旭朱維誥朱鴻愷朱鴻威詩卷十十一十二十三十四十五為朱為弼詩卷十六十七為朱為霖詩卷十八為朱為變朱本晉詩卷十九為朱善旂朱善驥詩卷二十為朱善張朱善鳳朱善賓詩每家錄詩或一二首或數十首或百餘首

續修四庫全書

卷

集部總集類

不等亦以視其詩之良窳為定有專集行世者錄選本無者雖零縑斷簡亦所不廢藉以寓其表微闡幽之意焉每家又兼附小傳詳述其別署仕績功德著述俾世之考文徵獻者有所取其出處則多采之兩浙輶軒錄無者則取諸各家詩話序記題跋暨志乘家傳墓志等類未詳者闕之以免杜撰蓋方之某堂舊輯不僅編次加詳且卷帙又倍出焉朱氏為新安大族累世書香代有作者逮平湖後益宏丕緒繩繩繼繼史不絕書吳棠序此集謂新安一編作者彬彬

香南浚谷兩先生鉅書中秘雍容鳴盛談藝者宗之而春橋某堂兩先生尤為時推重春橋草堂集縣密雋永取法金風亭長得風詩之遺某聲館詩如金鐘大呂洪響一振萬籟俱寂至其咏古銅器諸作大類翁氏復初齋閒書論之春橋名家某堂則大家也至如史山樵唱之興懷明發輾轉寤歌似山堂集之軫恤民瘼喻情挹指抑何其蕩然胞萬也蓋其得於天性者厚而家教之美聞修之勤悉於是流露也朱氏家世固不僅以風雅顯吾知言風雅者必將於是取資已斯言也不僅可以述朱氏之清芬且可為是集之的評故特表而出之以見其概焉

續修四庫全書

卷

集部總集類

附錄傳記參攷材料

葉昌熾撰江南淮揚海河務兵備道朱先生之榛

墓志銘



詩比興箋四卷 咸豐四年家刻本 劉啓瑞

蘄水陳沆撰沆字太初號秋舫嘉慶二十四年一甲一名進士授翰林院修撰道光元年充廣東鄉試正考官三年充會試同考官轉四川道監察御史六年卒沆天才亮拔八歲能文出語驚其長老於學無所不窺尤篤好宋五子書嘗從婺源董桂敷歸安姚學煥講學與邵陽魏源友善病中自省恒書以相質其言有曰近自患病以來閉門謝客日坐斗室中初猶浮襟漸覺凝定性靈自炯諸妄徐呈於此之時以此

詩比興箋

卷

集部總集類

檢察病根則毫髮畢見以之涵泳義理則意味彌長足見為學之道靜虛為本深密為要又曰仲尼之門五尺童子羞稱五伯童子未必盡知學問祇是心胸見識已自不凡生成鳳翔千仞氣象我輩終身沈溺詞章豈不愧死工詩汪正鑒稱其懷抱深遠立心忠厚讀之令人孝弟之心油然而生當著詩比興箋以箋古詩三百首之法箋漢魏六朝三唐之詩使讀者知比興之所起即知志之所之昔孔子去魯而望龜山有斧柯奈何之歌又有遠山十里蟬蛩在耳之歌

詩比興箋

卷

集部總集類

又作荷蘭之操甚至聞孺子滄浪濯纓起興與賜高言詩切磋繪事告往知來是則魚躍鸞飛天地間形形色色莫非詩也由漢以降變為五言古詩十九章多枚封之詞樂府鼓吹曲十餘章皆駢雅之旨張衡四愁陳思七哀曹公蒼茫對酒當歌有風雲之氣嗣後阮籍傅元鮑明遠陶淵明江文通陳子昂李太白韓昌黎皆以比興為樂府琴操上規正始視中唐以下純乎賦体者不同是固古今升降之有殊亦緣世人誦讀之不省太初因本此意作比興箋專錄漢魏六朝三唐之詩有關於比興者分為四卷卷一錄漢鼓吹詞鏡歌十八曲枚乘古詩九首蘇武留別妻詩一首別李陵詩三首李陵與蘇武詩三首古詩餘篇十首樂府古辭七篇孔融雜詩一首曹操短歌行一首曹植詩三首繁欽定情詩一首卷二錄阮籍詠懷詩三十八首傅元詩七首潘岳詩二首劉琨詩二首郭璞游仙詩九首陶淵明詩三十五首附閒情賦一首鮑照行路難八首江淹詩十四首庾信詩十九首卷三錄陳子昂詩四十三首張九齡詩二十三首王

維詩三首儲光義詩五首王昌齡詩一首高適詩一首李白詩五十七首杜甫詩四十三首韋應物詩十七首卷四錄韓愈詩五十八首李賀詩二十首李商隱詩一首每首各為品評論其得失間有攷證亦臻允當如箋潘岳詩有云風以比興為工雅以直賦為體杓鑿各異方圓源流同符三百所貢詩史詎取鋪陳謂能以美刺代褒貶以誦詩佐論世苟能意在詞先何異與含象外知同導乎情則源流合矣此興絕於齊梁賦體衰於西晉濶翻布殺罪首士衡豈知士

續修四庫全書

卷

集部總集類

龍安仁四言猶現兩漢故欲辨升降之自當先明潘陸之分斯乃百代之源流匪直二家之優劣也既以見免忘蹄發明比興復恐分河飲水間存賦篇誠知二者之所以分又知二者之所以合則詩教明矣言至詳切可為詩史不僅徒為箋釋已者邵陽魏源序其集極推其所見之卓略謂自昭明文選專取蔡翰李善選注專詁名象不問詩人所言何志而詩教一敝自鍾鐸司空圖嚴滄浪有詩品詩話之學專揣於音節風調不問詩人所言何志而詩教再敝而欲其

與會蕭瑟嗟峨有古詩之意其可得哉離騷之文依詩取興引類譬喻詞不可徑也故有曲而達情不可激也故有譬而喻焉善鳥香草以配忠貞惡禽臭物以比讒佞靈修美人以媲君王宓妃佚女以譬賢臣虹龍鷹鳳以託君子飄風雷電以喻小人以珍寶為仁義以水深雪雰為讒構荀卿賦蓋非賦蓋也賦雲非賦雲也誦詩論世知人聞幽以意逆志始知三百篇皆仁聖賢人發憤之所作焉豈第藻續虛車已哉蘄水陳大初修譚蘭蕙其心泉月其性即其比興一

續修四庫全書

卷

集部總集類

端能使漢魏六朝初唐騷人墨客勃鬱幽芬於情文繚繞之間古今詩境之奧作固有深微於可解不可解之際者乎魏氏之言深得大初之旨固非為阿譽者惟是書首有龔孝拱橙手題略謂此實為魏公所為憶道光己丑家大人官京師廟上斜街魏先生館藤花廳之左室長夏箋詩一編日仄不息成此卷也斯言也或者如皇朝經世文編為魏氏所輯而署賀長齡之名歟姑存此以俟攷焉



附錄傳記參攷材料

清又列傳

續修四庫全書

卷

集部總集類

寶應劉氏清芬集十卷 家刻本

劉啓瑞

寶應劉寶楠輯寶楠字楚楨號念樓道光十五年舉人二十年進士授直隸文安縣知縣累署寶坻固安元氏三河知縣歷仕十六年多善政以勞瘁卒官所著有論語正義釋穀漢石例寶應圖經勝朝殉楊錄文安隄工錄愈愚錄念樓集寶應文徵等多梓行事蹟具詳清史稿本傳此則其所輯者先是未達時嘗輯邑中先哲詩文為象求集取象罔求遺之意上溯明季下迄近代凡有詩文都在甄錄厥家數十為卷

續修四庫全書

卷

集部總集類

百餘卷帙既繁不易付梓因改名為寶應文徵寫定清稿存以待刻復別出劉氏文詩合為十卷名曰寶應劉氏清芬集族人子猷為付之梓即是本也其編次先詩後文卷一之五為詩卷六之十為文都詩六十有五人文二十有一人各以行輩為次共十有二世均各附以小傳述其爵位事跡以便攷徵或有軼事可傳詩話可引者亦兼及之攷劉氏先世居吳至明洪武間始遷寶應累世有隱德鄉里稱為長者迨及六世有名貴號逸溪者始以文著故是集託始



於貴顯後代有達人史不絕書而練江永澄尤以直  
名著聲萬歷間嘗與顧端文高忠憲劉忠端講學東  
林排擊時政幾罹黨禍陷於不測其弟曲江永沁子  
蕙山心學氣節相將均為世所景行事跡具載萬斯  
同所為明史稿傳中降至乾嘉益恢先緒雲陔履旬  
端臨台拱以名孝廉為一代通儒著述遍於海內而  
端臨尤為學人所宗仰一時有五君子之目五君子  
者錢大昕靈文昭邵晉涵王念孫與端臨而五也學  
無不通尤精三禮其文以說禮為最多是集所載亦

最富且有為端臨遺書所未載者於此亦可見搜羅  
之博矣按楚楨為端臨從子克紹先業砥礪德行懋  
昭時譽昔宋劉元高編三劉家集祖孫父子一時之  
作則已撮拾殘缺略存什一而楚楨此輯不獨為劉  
氏復增盛事且上溯十有二世集三百餘年來之詩  
文其視元高勢相什功相百矣紹開鉅任何止為一  
家之書蓋亦為天下賢子孫之勸也是集既梓又乞  
金望欣陳方海為序未及刻而歿現藏其家

附錄傳記參攷材料

清史稿

清史列傳

劉恭冕撰先府君念樓事略

國朝古文彙鈔初集一百七十六卷二集一百卷 吳  
江沈氏世美堂刻本 劉啓瑞

涇縣朱珩輯珩字蘭坡嘉慶七年進士改庶吉士與  
幸翰林院柏梁休聯句宴賜什物散館授編修十二  
年充山東鄉試副考官尋擢贊善遷侍講與修明鑑  
以事降編修二十五年充會試同考官道光元年入  
直上書房屢蒙宣宗嘉獎有品學兼優之褒二年充  
會試同考官尋以母病乞養歸珩愛書如命治經蒐  
討古訓不隅守一家之說而必求心之所安儀徵阮

續修四庫全書

卷

集部總集類

元稱其腓字手弓諸解微實精確嘉興沈濤稱其言  
易參詳又詳皆用韵乾三爻終日乾乾與田人天淵  
韵說文引夕惕若寅寅亦韵初九潛龍勿用龍與用  
韵上九用九悔與首韵又言詩鄭箋申毛非改毛毛  
公訓詁用段借字鄭所改字即傳之段借字皆前人  
所未道珩以清代經學書散而不聚因摭拾各家文  
集札記分典章名物訓詁音韵四類為詁經文鈔七  
十卷續二十卷告歸後主鍾山正誼紫陽書院垂三  
十年以實學造士成就者衆著有說文段借義證二

十八卷經文廣異十二卷文選集釋二十四卷古文  
宗桐城有小萬卷齋詩文集七十卷又輯有國朝古  
文彙鈔二百七十六卷俱梓行而彙鈔尤為致力凡  
積三十餘年之工而後成書分初集二集計初集一  
百七十六卷二集一百卷以有無科目者為介凡有  
科目者列初集無科目者列二集均以其時代為次  
錄文殆萬餘首作家近千餘人每家或次為一卷或  
次為二三卷或數家合為一卷不等要以選其文之  
佳者入錄取精用宏舍糟去粕必合乎古文之旨者

續修四庫全書

卷

集部總集類

始取而駢文不與焉書首無序例書末無後跋蘭坡  
選書之意固無可考見而選輯之例亦因此無徵今  
就抽繹所得者言之初集以順治康熙雍正乾隆嘉  
慶道光各科先後為序每科又分會試鄉試博學鴻  
詞孝廉方正為序首順治乙酉鄉試以興化李潛為  
冠末道光壬辰鄉試以翟漱芳為殿此其一也明末  
諸公身仕兩朝其科目則在前明其仕籍則居清世  
或為貳臣或為逆臣者均另為一編附諸卷末六十  
九卷以下皆是也此其二也明末遺黎雖科目列之

前朝而入清後隱逸不仕者例與布衣同卷入之二集不與初集相廁此其三也布衣韋帶之士或累試而不通籍或甘守而不應試或名顯當世而膠庠不入或學著後代而仕版無考或身為名宦而以蔭達或貴為將相而以荐徵者凡此皆不出於科目遂悉闕入二集此其四也之此四端皆是書之弊弊大者若夫選文不錄生存編次務求允當則又各家之通例非是書之特徵固不必為之縷述然所謂特徵者厥為二集之編定實異於初集初集有科目可攷強

續修四庫全書

卷

集部總集類

半顯達文集亦大都刊刻訪求不難二集則遺黎文獻多不可徵隱逸詩文往往散佚且志乘或不載其事跡歲月遂無從攷訂凡此皆較初集為難而蘭坡獨能搜采靡遺攷證精當蓋非具有絕大識力者不克臻此攷其間如明李遺猷國初碩儒高隱不出著述多若存若亡莫可稽覈或傳寫之本僅存於鄉里外人無由得見者如查伊璜繼佐談孺木遷馮已蒼舒應潛齋楊謙黃晦木宗炎黃縮齋宗會朱日觀爾遂查韜荒容或雖經刊行而久已散佚者如陳士業

宏緒傳青主山吳日千騏傳平封占衡蔡九霞方炳鄭介夫廉或名重當時並專集僅於它處偶存一二篇者如李成齋騰蛟林確齋時益彭中封任曾青藜燦鍾廣漢淵映林同人侗皆廣為蒐羅藉以寓其表微闡幽之意於此益見其書之不易為也至於書名古文蹈世俗之積習科目別次落翰苑之謬承固未免為是書之微瑕要亦未足為通病也

附錄傳記參攷材料

續修四庫全書

卷

集部總集類

清史列傳



當湖文繫初編二十八卷 光緒己丑平湖志局刻本

劉啓瑞

平湖朱士林輯。士林原名霞，字禮卿，號小雲，家貧力學。嘉慶庚申舉於鄉，辛未以第一人成進士，改翰林院庶吉士，散館授工部主事。道光壬午充雲南副考官，歷員外郎、郎中。戊子擢山西道監察御史，時運道淤阻，疏請籌濬，徙陽運河轉掌京畿道，旋署給事中，疏請籌脩京倉積儲，見諸施行。壬辰擢永平府知府，升清河道，旋署直隸按察使。甲辰以憂歸，性嗜書，家

續修四庫全書

卷

集部總集類

藏萬卷，風晨雨夕，輒手一編，嘗慨平湖先達遺文散佚，與邑中名士如顧廣譽、葉廉鈞、賈敦艮、陸漢章、遠紹、旁搜，悉心商榷，得文百餘家，錄五百餘首，彙為一編，名曰當湖文繫初編。邑經兵燹，什一千百賴以長存焉。是書初分卷二十，有四梓甫竣，遭兵燹，板燬不行。逮光緒己丑，其孫仁積始乞邑中志局重為付梓，方獲印世。仁積又釐其文体之未分者，析為二十有八卷，略以文体為次，曰賦、曰騷、曰議、曰說、曰辨、曰考、曰解、曰序、曰引、曰跋、曰書、後曰題、辭、曰記、曰疏、曰表。

曰策、曰條陳、曰詳文、曰書、曰啓、曰傳、曰書事、曰墓表。

曰墓誌銘、曰行狀、曰諱辭、曰祭文、曰禱文，都文体二十有九。每体各以其作家之時代為次，先陳次宋，次元，次明，次清世。同時者又以其人之先後為次，均各

於每篇之首著其姓氏。時代復於總目之後，另為當湖文繫作者姓氏科第官爵著述目一篇，以便攷徵。其例益至善也。按平湖文教素著，自六朝迄於宋元，代有文人在。陳如顧野王，在宋如魯宗道、魯詹、魯嘗、魯可、簡、趙、孟、堅、魯應龍，在元如姚桐壽、屠曾等，或以

續修四庫全書

卷

集部總集類

文章著名，或以功德顯世，均屬卓卓可傳者。及有明宣德間，置治以來，名儒輩出，功業日隆，迄於有清，更宏其緒，載之國史，傳之耳目者，何可勝道。惟是世遠年湮，典籍易闕，不獨布衣諸生文未刊播，掩沒而不彰者比比是。即當其時，聲名顯著，刻集流傳，而歷時稍久，素本無存，遺書散失者，又何足勝數。是則是集之輯，益為急務，不獨攷文徵獻者可藉此以緣知，且寓有表微潛幽之意焉。惜書首序例闕如，無以攷知全書体要，是亦為美中之不足也。

附錄傳記參攷材料

平湖縣志

續修四庫全書

卷

集部總集類

沙州文錄一卷補遺一卷附錄一卷 民國甲子上虞

羅氏印本

劉啓瑞

續修四庫全書

卷

集部總集類

吳縣蔣斧輯斧字伯斧先世吳縣人後遷山陽遂家馬以寄籍仍冠原縣示不忘祖也少明達有大志與縣劉鐵雲鶚羅村言振玉等友善相與攷證群籍辨識古器一時有癖古之目既長納貲為郎留京師日流連於廐肆有所得輒出示友朋互相訂正嘗得唐寫本唐韻殘卷一冊舉世託為奇珍王國維攷訂為唐孫愐天寶十載重修之本殊有裨於小學固不徒為玩好之物伯斧亦自有記王說益本於此時甘肅燉煌莫高窟出唐寫本卷子甚夥多為法人伯希和所得會伯希和至京師伯斧與羅村言等往觀手握鉛槧遠錄珍籍至多既擇其尤者影印又別擇其有關沙州文獻者錄為一卷名曰沙州文錄錄文凡二十有一首曰孔周碑李大賓碑吳僧統碑陰嘉政碑索法律碑翟家碑李明振碑金山白衣王勅瓜州牒馬軍武達兒上司空牒陳彥口等獻物牒僧龍訓等上司空牒又謝司空賜物牒又上司空獻酒牒曹仁

仲秋狀又獻物狀曹夫人讚曹良才畫象讚曹元忠  
刻經象記宋刻陀羅尼記西夏刻經記要以唐寫本  
居其大半每文後又自附考証一首尤深精確按沙  
州越在西陲自唐天寶至德以後兵革間阻聲教隔  
絕雖因守數十年而至元和之季終於淪陷宣宗收  
復河湟時唐德已衰羈縻而已史冊所紀若存若亡  
五季以降中國亂離宋雖混一字內而郡縣之置不  
能西及甘涼紀載之文宜其多缺誤也大興徐氏記  
西域水道搜采碑板遺文以証史傳隻鱗片羽讀者

莫不珍若鳳毛今得此篇所錄亦足攷見沙州沿革  
而補正舊史是豈僅凌駕徐氏之上而已哉厥後羅  
耒言於日本大谷伯爵及狩野直喜博士處所見又  
倍於蔣氏命子福蓑錄之得文凡五十有五哀為補  
篇一卷要以經牒書狀戶籍契約之文為多別以其  
告身公牘牒狀錢券之文編為附錄一卷得文凡十  
有三均附是篇以行蓋所以補不足也

附錄傳記參攷材料

新修山陽志稿



金陵名勝詩鈔四卷秦淮詩鈔二卷 道光壬辰李氏

寶仁堂刻本

劉啓瑞

江寧李鰲輯鰲字滄容號默夫少以詩名為鄉里長老所稱賞家秦淮河畔朝夕倘佯其間日事吟咏每有篇什咸得性情之正不假雕飾論者謂其得於山水之助者為多蓋非偶然也時上元朱緒曾述之方有事於金陵詩徵之輯與金偉軍龍陳雪峰宗彝往來於書肆之間蒐輯散佚攷訂時代每遇秦淮輒訪默夫相與抵掌論談評論鄉賢事跡篇什佳否以為

續修四庫全書

卷

集部總集類

笑樂默夫退而私記亦頗欲尋輯秦淮題詠次為一篇以見金陵名勝之壯咏歎之廣迨道光戊子始告藏事計分為金陵名勝詩鈔四卷秦淮詩鈔二卷各以類次以別其体名勝詩鈔以地域分如卷一以鐘山蔣帝廟最高峯半山園幽居寺彈琴石東田九曲池攝山棲霞寺明徵君碑千佛嶺品外泉梁安成王墓碑靈谷寺明孝陵等為次者是也每地域內又以題咏之先後為分如詠鍾山者先楊繩武後張自超湯右曾夏之蓉詠靈谷寺者先王士正後袁樹沈初

朱質朱卉為次者是也每題詠前又冠以名勝略史

如鍾山下云鍾山在上元東北朝陽門外其週迴六十里其高一百五十八丈一名金陵山一名紫金山一名蔣山明嘉靖中詔改名神烈山者是也每詩作者之下又附以名字爵里著述以見其事跡如張自超下云字與歎高淳人著滄溪集夏之蓉下云字醴谷高郵人著半舫齋集者是也之四端也名勝詩鈔之体例或者略盡於此矣至秦淮詩鈔則以人次起自國初迄於嘉道凡遠近遊人之來秦淮題詠者悉

續修四庫全書

卷

集部總集類

著之於編或就亭壁所記者錄之或就各家詩集所載者輯之都詩四百餘首詩家二百餘人每家或錄一二首十數首不等不論体裁不評佳否但以其時代為次卷帙雖減於前篇而詩什則有過之無不及也其他諸体一準前例無稍異也金陵為江南名邑六朝曾為帝都歷代題詠史不絕載其有錄之而為一集者如南唐朱存宋楊備馬之純而陳軒金陵集尤稱博洽惜均不傳降至清世題咏尤眾前後母慮數百家蒐而葺之要為急務此滄容之微意也然滄

容菟詩雖勤闕漏猶或不免即以朱緒曾所輯金陵詩鈔而言題金陵名勝咏秦淮風月者何啻數百人尚猶限於江寧一隅若推而廣之天下過金陵者不翅千萬人豈僅如滄容所選者數百人而已哉

附錄傳記參攷材料

重修江寧府志

續修四庫全書

卷

集部總集類

國朝嚴體全膏八卷 乾隆五十九年馬氏大酉山房刊本 劉啓瑞

石門馬俊良輯俊良字嶠山乾隆辛巳進士初任衛州教授後官內閣中書幼穎敏九歲工詩稍長博極群書下筆數千言立就通籍後以著書自娛以育材自任當道爭延為書院山長如山東繁露山西汾陽江西白鷺廣西秀峰皆有所造就晚主廣東端溪及越華講席歷年最久培植尤多諸生登甲乙榜者數十人性慷慨有以貧困告者必力為賙卹在粵時遇

續修四庫全書

卷

集部總集類

姪婿吳某流落無依給貲俾營生計未幾吳死遺孤三歲俊良携至書院撫養課讀以至成立時皆稱其高義又嘗搜羅秘笈刻為龍威秘書十集書凡二百餘種舉世稱為善本此則其所輯者又名曰拜賜集以所錄率為進奉文字取拜賜對休之意也初俊良官中書時嘗承命為撰擬文字既熟於朝章國故又習於典制例則因搜羅邸報抄畚別集凡有關於廟堂之製奏進之篇者莫不迺為一編以為楷式歷時既久裒然成帙次為八卷以共諸世惜首無序例無

以知其全書大要。然就編繹所得約有四端。卷一之五為國朝奏進之文。卷六之七為漢宋梁周唐宋之文。卷八為補遺及宋四六摘句。此其一也。奏進之文不以人次而以体分。先進表次頌序次謝摺次賀表次貢表次展賧疏。每文之下又各著其姓名。字。此其二也。文字格式悉遵舊章。起訖句讀詳為分析。有注文者錄注文。無者闕之。或有銜名而無撰人者亦仍之。此其三也。前代之文以時為序。或錄自蕭統文選者亦附見。李善注文或錄自彭元瑞宋四六選。宋

四六話者亦詳其出處。此其四也。四者之外如文下必注年月。文末間附系語。斯則其小焉者。夫拜賜殿陛數頌功德。同体對越。表裡詩書。義必嚴以閤氣。必厚以愉。然後緯以精微之思。奮以瑰燦之辭。故高而不撤。華而不絳。雄而不矜。逶迤而不靡。馬班以降。知者蓋希。或猥瑣鋪敘。以為平通。或詭屈彫琢。以為奇麗。朴即不文。華即無實。未有能振之者也。此李申耆序駢体文鈔之言也。清世聲興。乾隆最盛。雖未能凌駕兩漢。要亦兼範唐宋。鎔鍊精采。鉅麗宏暢。若于文

敏彭文勤紀文達曹文正其尤偉者其餘諸臣亦復鴻通博瞻聘其紛綸藻耀之才翰寫丹款雍容揚掄典則豐蔚才與時值故如斯也是篇所錄悉以康熙為限以故文皆精實体大思嚴可為數奏之楷式典章之規模焉惜乎書名國朝而卷六以下錄及前代時世不分識者病之至於汪傳懿編駢体南鍼時譏是書門類不分繕閱未便且篇目不多要未足為知言也

附錄傳記參攷材料

石門縣志



學海堂初集十六卷二集二十二卷三集二十四卷四集二十八卷 初集道光五年刻本 二集道光十八年刻本 三集成豐九年刻本 四集光緒十二年刻本

劉啓瑞

儀徵阮元等輯元字伯元號芸臺乾隆五十四年進士改翰林院庶吉士散館授編修累仕至內閣學士浙江巡撫湖廣總督雲貴總督兼署廣東巡撫休仁閣大學士晉太傅銜謚文達事跡具詳清史稿本傳芸臺撫粵最久篤好風雅啓掖後學獎拔寒畯開學

續修四庫全書

卷

集部總集類

海堂於粵秀山以育多士學海者昔何邵公學無不通進退忠直章有學海之譽與康成並舉取以名堂以勗士類又東粵地濱南海海為百川所歸與學海之名可以相毗道光四年堂廡新成因取歷年書院試課之作合為一編以倡風雅先是芸臺撫浙開話經精舍於西湖孤山之麓得士稱盛嘗哀其課之作都為一集名曰話經精舍文集海內尊為善本至是復仿其例次為初集十六卷略以經解論說序跋賦銘詩詞為類每類各著其文題作者及其地域學籍

續修四庫全書

卷

集部總集類

每題或一二首十數首不等要以選其佳者入錄卷十六以下則為附篇如新建粵秀山學海堂記學海堂種梅記與詩是也初集既成課士不輟未及二載移節而去迨道光十有六年堂中弟子吳蘭修升學海堂山長因師芸臺遺輯為二集都二十有二卷條例一遵前規復以元向所課藝未及輯入初集者收之二集集中如釋儒一切經音義跋何邵公贊等皆是其用江文通雜體擬古諸作則丙戌春芸臺閱兵舟中所點定者均按其體裁分別錄入復以芸臺行後諸藝止於道光十有六年者得數百首乞嘉興錢新梧為之彙選成此二集時新梧適遊粵也厥後山長屢更現撫不易咸豐己未番禺張維屏輯三集都二十有四卷光緒十三年番禺金錫齡輯四集都二十有八卷均遵用舊章廣宏體類間有小易無大更也按粵東僻處南服聲教久稽明陳白沙以理學為世倡其鄉人始稍稍宗之然於詞章訓詁猶未遑也逮芸臺督粵始大啓之尤以學海堂為歸集全粵之俊秀識諸生之賢否莫不循循善誘昭示大方或習

經傳尋疏義於宋前或解文字考故訓於倉雅或析道理守晦庵之正傳或討史志求深寧之家法或且規矩漢晉熟精蕭選師法唐宋各得詩筆雖性之所近業有殊工而力有可兼事亦並擅自是厥後風氣大開迄今學業文章幾凌駕江浙而上蓋莫非文達有以啓之也胡粵風者固當舍是無取矣

附錄傳記參攷材料

清史列傳

續修四庫全書

卷

集部總集類

湖南文徵一百九十卷補編一卷姓氏傳四卷目錄六

卷 同治十年刻本

劉啓瑞

湘潭羅汝懷輯汝懷字研生自少讀書喜形聲訓詁之學求得顧汪戴段諸家之書精研力索曲暢旁通乾嘉之際經師輩出風動天下而湖以南閭然無知鄭許說文之學者汝懷居石潭萬山中獨承其緒以治經必先識字極意潛思受成於心不假師資年三十四充丁酉科選拔貢生時其學已成著有周易訓詁大誼禹貢義箋毛詩古音疏證漢書溝洫志補注

續修四庫全書

卷

集部總集類

古今水道表十三經字原六書統攷等均具粗義例曾文正何子貞皆稱其有國朝經師之遺風性雅貌溫而氣愉與人交洞見肺腑久而益親言事嘗使意餘於詞婉約微至謙以諧笑尤以利濟民物為心駱文忠曾文正均甚器之文正視師江西欲召其入幕既至辟曰吾任為賓不受事復選芷江縣學訓導改選龍山縣學訓導皆不赴同治初詔編忠義錄褒錄死事者汝懷獨力任之先是新化鄧顯鶴輯沅湘耆舊集二百卷自唐以來湖南文獻可紀錄者探討



靡遺惜所錄悉為詩什而不及文章汝懷病之因師其意創為文徵於纂輯忠義錄之餘成此巨帙都二百餘卷凡元明迄同治六百餘年名臣魁儒才人節士之文采摭略備計文四千有奇作者八百人仿中州集例人為之傳列諸卷首誠楚南文獻一巨觀也其編次之法一以時代為序先元明文五十有三卷次國朝文一百三十五有五卷補編一卷同時者以體為分計元明文為類二十有二曰疏曰策曰議曰解曰說曰辨曰論曰記曰序曰跋曰書曰傳曰碑記曰神道碑銘曰墓志銘曰行狀曰祭文曰禱文曰尺牘曰公牘曰駢體曰賦駢體復分類為十曰疏曰頌曰表曰箴曰銘曰贊曰啓曰序曰引曰記國朝文為類三十有一曰疏曰策曰表附露布曰頌附雅曰銘曰贊曰箴曰議曰解曰記曰說曰論曰攷曰辨曰記曰序曰小序曰跋附書後曰書曰啓曰尺牘曰公牘曰傳曰碑記曰神道碑附墓表墓碣曰墓志銘曰行狀曰誄曰祭文附哀辭曰禱文曰賦每類或有駢體者附於本類之下不為重出其視元明文之分類益增

減互有不同焉至其編例著於卷首者凡十有五今綜為四言之文徵之旨存博而不在嚴故所錄之文義主寬廣不加選擇其有已刊專集者不妨從略無者雖零篇斷簡亦所色舉此其一也文家每輕視駢體以謂徒工藻績難語高古然二體並出經傳適用各有所宜故韓歐諸大集中並存不廢是編以二體分錄亦昔人以偶體為外集之義此其二也班孟堅謂賦者古詩之流以其詞比句協鏗鏘可誦猶古詩之可被管絃故謂同流當時無古文之名而詞賦詩歌統謂之文至文選始分賦詩文為三近有謂古人以有韵者謂之文亦一說也故編中列詞賦一類此其三也誦讀貴知其人知人貴論其世唐姚合編極元集於名字爵里及登科之年一一詳載後來編集之有小傳實仿於此是編文既類分小傳遂別為部帙正文略紀里貫仕履而逸事舊聞則附見之此其四也之此四端於編次之大凡或已櫟括盡之矣攷前人彙一州一邑之文而為總集者在宋有成都文類吳郡文粹及會稽嚴陵赤諸集在元有宛陵群



彥集在明有中州名賢文表新安文獻志全蜀藝文志三台文獻吳興藝文補及金華文統藝賢文軌古虞文錄柳州文志黎川文緒嶺南文獻海虞文苑諸集清代有粵西文載金華文略拓浦文鈔垂棘續篇諸集而湖以南作者林立獨未有專書毋亦闕典歟幸汝懷此輯表而彰之庶河嶽英靈之氣悉萃於是也

附錄傳記參攷材料

續修四庫全書

卷

集部總集類

清史稿

清史列傳

郭嵩燾撰羅研生墓志銘

越風三十卷 乾隆丙戌刻本

劉啓瑞

會稽商盤輯盤字蒼雨號寶意少有詩名所作新蟬詩紅葉白燕賦等為時人所艷稱雍正己酉舉京兆試明年登第改庶常授編修尋以祿養乞外任得廣西新寧州牧以親老改授鎮江郡丞既而權海州牧及南昌令南康太守調太平郡丞旋補施南郡丞攝守篆甲戌權鬱林牧太平守補慶遠守歷四年移鎮安甲戌補雲南守丙戌移元江明年進勦緬甸跋涉戎行感觸瘴癘受病而卒蓋以死勤事者也著質園

續修四庫全書

卷

集部總集類

詩幾及萬篇初效樊南既而出入杜韓元白蘇陸間歌行尤瓌麗縱恣跌宕自喜晚年採國朝浙人之詩篇排品隲始自順治迄於乾隆秉百餘年之篇什集十一郡之題詠總釐為三十卷名曰越風越風者春秋時十五國有風而越無風欲藉此以補其缺也昔毛西河舊有吳越詩選越郡詩選凡浙人之能詩者多在搜羅惜專尚浮華殊少雋意七子餘習濡染未除識者久已病之且西河以降逮及蒼雨又近百年其間人文輩出史不絕書錄之而為總集其事蓋不

可獲蒼雨此輯殆本斯意集中一洗陳詞流露真實  
尤較西河為善其編次之法一以人次依時而從有  
科甲者本科甲無者則攷其行輩為序閩秀方外另  
為二卷附諸書末二十九卷以下皆是也其編次之  
例大要有四一詩有恒裁思無定位詩中妙悟全在  
乎思意勝於詞方藝上乘唐詩含蓄宋詩流露祧唐  
祖宋時尚不齊茲選端取唐音間有流入宋格稍存  
唐賢風味者亦不議汰二詩中佳境要人自得原以  
不加評點為宜然一經品題倍顯精神茲集所附正

總修四庫全書

卷

集部總集類

緣此旨固不必拘我法以繩惟賞厭音之善而已作  
者評者兩無憾焉三秀野草堂元詩選曝書亭明詩  
綜各有小傳詩話使覽者得以知人論世茲集悉遵  
其法各著其表字里居科名爵秩倘遇有卓操可紀  
軼事可傳者略綴數語以佐塵譚四閩秀之詩固不  
乏香閨麗才然究恐文士嫁名難分真贋故所收從  
簡至於林下卷終繼登方外其詩或氣含蔬筍或語  
墮梅檀者概不多列焉此其大較也若夫錄詩兼及  
生存分類劃分家集則有異於諸家之通例而另創

一格矣是集初編時與邑人劉文蔚商權最久既成  
而蒼雨歿文蔚為乞其摯友王大治力圖剴刷復與  
鉛山蔣士銓商訂條例始完此編故書首並著大治  
編輯名其事並見劉氏所為序中按大治字又新號  
倍園山陰人監生著有浴惠堂稿事蹟具詳阮元所  
為兩浙輶軒錄中

附錄傳記參攷材料

清史列傳

總修四庫全書

卷

集部總集類

阮元撰兩浙輶軒錄

駢體南鍼十六卷 咸豐五年汪氏初刻本 光緒十一年汪氏重刻本 劉啓瑞

漢陽汪傳懿輯傳懿字石文一字絅庵先世安徽休寧人祖蘭始以官留居漢陽遂占籍焉少好學讀書甚勤以占籍格於例不得試家貧母老則輟舉子業習為書記以養閒援例得從九品銜雅工儷偶文又刻以廉隅自將當道爭延之禮敬每有加晚歲家居不復出日與知舊幅巾文履徜徉山水以為樂咸豐二年冬粵賊陷漢陽遂罵賊死旋詔卹賜葬入祀昭

續修四庫全書

卷

集部總集類

忠祠絅庵既工駢儷文又日夕橐筆於諸大府之間周旋進退技藝日精每有大典弘文輒出諸絅庵之手有請其法者曰無他技但熟習前人之文而已因出其所輯駢體南鍼付諸梓南鍼者其先世官京師時嘗錄邸報中慶賀乞請陳謝諸摺彙而存之為便檢閱者絅庵就其所存復為搜羅廣蒐部分類居始成此編名曰南鍼者以為後世法也書都十有六卷為類二十有六曰慶賀曰萬壽曰奏凱曰巡幸曰恩科曰科第曰興學曰除授曰陳謝御製詩文曰宴飲

曰冠服曰騎馬曰鳴杖曰住宅曰生辰曰銀幣曰珍綺曰食品藥品曰書籍曰圖繪曰墨刻曰法帖曰蠲

賑曰甄敘曰寬宥曰禡事每類錄文十數首不等均足為後世法者攷新唐書謂下之詞通於上者六而慶則有表謝則有章體專頌揚與奏議不同唐宋至今皆以駢儷行之大抵唐人主鎔鍊精采令狐楚最擅厥美嘗以之授李商隱宋則歐蘇諸公用經史成語翦裁屬對以開闔流逸見長清初至乾隆以來兼範唐宋乃益鉅麗閎暢若于文敏彭文勤紀文達曹

續修四庫全書

卷

集部總集類

文正其尤偉者顧所作率多藏之中秘外廷不得而窺或散在各家文集者又祇一人一時之事未足云為全豹至宣示中外而付諸置郵惟在官者乃獲睹士庶之家局於聞見之未逮求其薈萃群言專門成集標選政者或難之絅庵獨能創為此篇以見一朝之章奏雅故其難蓋什百倍於選詩選文者昔李兆洛選皇朝文典謂身在翰苑曾掌詔今猶苦蒐輯未備益以揚人所錄始成一集今絅庵身居草莽未廁清秘而蒐羅如此之備選擇如此之嚴其較李氏難



易為何如也。至於錄文，必求佳什，格式必遵原體，按品秩以次，謝摺按事迹以考作者。凡此之類，猶其餘事者，惜乎書甫梓板，遭賊燬，此則其子家政重刊者。

附錄傳記參攷材料

張裕釗撰汪絅庵墓表

續修四庫全書

卷

集部總集類

蛟川耆舊詩六卷續集六卷 咸豐七年張氏刻本

劉啓瑞

鎮海張本均輯本均字靜泉號郢荃邑增生善詩古文詞嘗賦長律百首時人驚其材藝所著郢荃詩草郢荃筆記均為時所稱賞而尤留心鄉邦文獻足資攷證者雪鈔露纂至老不輟先是其大父石癡懋建嘗有志於蛟川耆舊詩之輯以為邑中詩文自唐虞伯施世南後宋元明代均有作者而以有清為極盛前此邑人謝侍御瞻在有詩文草創之輯惜多畧漏

續修四庫全書

卷

集部總集類

所錄詩家僅三十有八人為卷祇三帙而據其自序所云以為日薄崦嵫急思就緒冀後人踵事而增故於名公詩文不無遺漏石癡因重為搜輯易以今名歷敘詩家姓氏上起唐代下迄清初增為六卷有曾經採錄者有尚須搜訪者旋以出宰閩南未竟而歿手澤流傳僅有副本逮及郢荃始復重輯時距石癡之歿已越六七十年其間詩人更多可采者因重為釐定卷帙仍舊而詩家篇什加多焉其編次之例約有四端一是集自唐宋以來籍隸鎮海者並皆採入

有遺漏者俟之續編二鎮邑詩家自謝瞻在輯詩文  
草創後邑中始有總集其已采錄者則間登一二首  
或詞人全稿未刊者則為補錄庶幾前輩流風得以  
不墜三鎮邑在南宋時進士凡五十人而沈氏父子  
兄弟稱獨盛如沈端憲為陸象山弟子以理學名家  
而遺稿杳無可得黃東發著述宏富為一代鴻儒而  
所存亦寥寥無幾今是集除蒐輯者外復錄鎮邑先  
輩遺詩失傳者姓氏著於篇以裨後人考徵焉四是  
集之詩既取存紳先生名家宗匠而布衣詞客夙有

詩名者雖逸音別調亦錄其遺草以覘其梗概故就  
其子姓造門請錄者有之而琳宮僧舍留題未載者  
亦魚采焉之四端也其書之大較或可於此識之然  
惜其書竟而歿未及付梓其子錫申藏生於咸豐七  
年方為刊行即是本也錫申刊時又補其先人之未  
備者輯續錄二卷附此以行其例一準於前而斷代  
則止於嘉道焉

附錄傳記參攷材料

鎮海縣志

本書續集張本均詩傳

松陵文錄十六卷 同治十三年刻本 劉啓瑞

不著編輯者名氏卷首亦無序例祇載校勘題名者十有四人首列遵義黎庶昌次桐城蕭穆次秀水陳其榮次浦邱汝鉞餘亦多為同光間人疑編者或與之同時及檢光緒丁丑續修吳江縣志其凡例有云藝文例集詩文前志亦然吳江自袁氏景輅輯松陵詩徵陸氏日愛輯續詩徵刊行同治十二年邑人凌淦李齡壽青浦熊其英已先有松陵文錄之輯故續志不另集詩文云云又知縣全福曾序有云凌君礪

松陵文錄卷 集部總集類

生未謂與青浦熊君純村同邑李君辛垞輯松陵文錄一書已成因及志事諸語據此是編之輯殆為凌淦礪生熊其英純村李齡壽辛垞三人無疑三人既與修志理無其傳今據選舉表攷知凌淦為咸豐九年舉人候選郎中覺羅教習又據志首修志銜名攷知熊其英為歲貢生李齡壽為廩貢生餘則卷不可徵矣書共十六卷以體分類卷一之六為論辨類卷七之九為序跋類卷十之十二為書牘類卷十三為贈序類卷十四之十五為雜記類卷十六為碑銘類

都分類為六每類前後以時為次如論辨類先王錫闡次潘耒章次張嘉玲次朱鶴齡次計東次周篆次潘耒次葉燮次張尚瑗次沈彤次陸耀次顧我鈞次王元文次任兆麟次顧汝敬次史善長次張士元次顧日新次張海珊次袁成次張履次沈曰富次鄭恭燮次鄭恭和次柳應埏其他各類亦如之每家錄文或一二首或十數首不等要以選其佳者入錄或有關於地方文獻者備采之都錄文二百四十有七首作家五十有六人始自國初迄於咸同凡吳江一邑

松陵文錄卷 集部總集類

之文大半在焉按吳江人文蔚起照耀寰宇其載之國史傳之儒林者未可勝計其所為詩文亦較之他邑為盛其錄而為總集者前後有袁景輅國朝松陵詩徵殷增松陵詩徵前編陸日愛松陵詩徵續編翁廣平平望詩存王錕咸湖詩萃王致望詩萃續編李王猷聞湖詩續鈔等均載之續修縣志藝文目者然惜多偏於詩什而不及文章今凌氏之輯始燦然大備為吳江一邑之文徵焉秀水全福曾序縣志謂曾讀松陵文錄一書義類一以桐城姚氏為歸庶幾知



体要者蓋非虛譽攷吳江文獻者當含是毋取矣

附錄傳記參攷材料

光緒續修吳江縣志

續修四庫全書

卷

集部總集類

兩浙輶軒錄四十卷補遺十卷 嘉慶六年仁和朱氏

碧溪草堂錢唐陳氏種榆僊館合刊本 光緒十六

年浙江書局重刊本

劉啓瑞

儀徵阮元輯元字伯元號芸臺乾隆五十四年進士

改庶吉士散館授編修累仕至浙江學政浙江巡撫

雲貴總督休仁閣大學士晉太傅銜謚文達事蹟具

詳清史稿本傳芸臺當嘉慶元年督學浙江時輶軒

所至輒采民風以規教化浙江為人文淵藪歷禩均

有達人而尤以清世為極盛詩什之富甲於東南芸

續修四庫全書

卷

集部總集類

臺按試所至或訪諸耆宿或詢之多士三年秩滿篇

帙充盈因編次為四十卷補遺十卷名之曰兩浙輶

軒錄存諸學官未及梓而去越三年復官浙江巡撫

適仁和朱朗齋錢唐陳曼生請出其稿願共刊行因

重為釐定付諸梓人即此本也昔芸臺有淮海英壚

集之輯舉世稱為善本至是亦倣其例而編次之始

自國初迄於乾隆地域十一郡詩家三千人悉屬已

往可論定者其例都十有二一是選因人存詩因詩

存人因詩存人者則詩在所詳因人存詩者則詩在

所略二前明通老凡已列明詩綜者不復錄其已有  
入清世至二三十年之久者則間為甄錄三是篇所  
錄自嘉慶丙辰至戊午凡三年隨收隨錄不拘時代  
已未以後續得者並增錄之其有山陬僻壤蒐采未  
及者則俟諸補錄或有詩名甚盛全稿已亡僅得一  
二首者均待另編四是編採錄時隨所得為後先有  
初編續編補遺之分茲則各編通以時代為次但期  
大致不甚懸殊中間小有參錯則所不免五是編仿  
諸家選輯之例首列姓名下注字號爵里詩文集名

間有經史各著別詳小傳訛舛遺漏則所不免六小  
傳所採凡志乘傳狀序跋詩話有足表見行誼傳為  
韻事者節錄之所以摭懷舊之蓄念發潛德之幽光  
惟無可攷者始闕之七選詩自一二首以及數十首  
多寡不一未能甄擇悉當要皆可見作者之性情學  
力讀其詩如接其人焉八諸大家宏編鉅集行世已  
久者略採數篇以備一家其有未刻遺稿者轉多錄  
之以防散佚九所錄詩或從彙選或從單刻或從傳  
鈔或從手稿不無字句不同之處悉依所得之本間

有一篇之中警句可傳而首尾或有未稱者稍為改  
易一二字以期完善十鄉會館閣之作別有体裁與  
抒寫性靈者有別是編概不撓入十一閨媛以德言  
為先務釋道以心性為宗旨詩其餘事本非所尚然  
既有所得不可湮沒仍照前人選詩之例綴錄卷後  
其餘無關風化者概從擯削十二作者姓名列目各  
卷之首又取各卷姓名分韻編次總列全編之首俾  
覽者欲知某人在某卷依韻求之即得取其便於檢  
閱也閨秀方外卷帙無多不復編韻之是例也全書

之宏旨或盡於此矣芸臺為乾嘉巨儒篤尚風雅所  
至郡邑宏獎多士以故按試所到風氣為開居浙江  
時嘗創詁經精舍編經籍纂詁一書習樵學者率多  
宗之而浙江學風亦為之一變是集之輯亦所以導  
詩教也厥後南海潘衍桐官浙江時亦倣其意而為  
續錄凡五十有四卷得詩亦相掎馬

附錄傳記參攷材料

清史稿

清文列傳

續修四庫全書

卷

集部總集類

唐詩諧律二卷 光緒十六年溧陽沈氏歸安官舍舍

刻本

劉啓瑞

溧陽沈寶青選寶青字劍芙別署白蘋洲長縣志闕傳事蹟無徵據書直有光緒十有六年刊於歸安官舍字樣又自序有判牘餘陰纂詩選與之語蓋寶青於光緒十六年時曾官歸安縣令也是書專選唐詩五律以韻為介起東迄刪為上卷起先迄咸為下卷其選詩要旨與夫條例均見於自序略謂五字全篇肇原漢代一章八句著錄唐人國家程士以詩宗規

續修四庫全書

卷

集部總集類

具在童子勝衣就傳取法攸宜比者選家務求備體第名近律勢見單行或樂府古氣風機放縱或長排短截節奏清新或借景言情反正不嫌重複或此唱彼和纖穠不限一途他如破首用平藉以振勢聯腰換字間可取妍在當時固自有体裁而今日則必遵功令又或鈔胥趨簡剗削沿謠四易成舉之率六變居穴之虎烹求麟止文以省而義乖解角玠珪音不殊而形異均非善本易誤後生蒙判牘餘陰纂詩選與網羅別集群玉堂胸汎濫全函散錢入手起貞觀



迄開成而後始王楊終劉馬諸家合盛中晚三唐都成一帙就上下平卅目次作兩編依韵選聲仍四十賢人之舊去滓存液得五百名世之篇辟五音無相奪倫和聲以應雖一字不甘苟且擇句維嚴既輯成書名曰諧律是則此書之輯乃為糾正攷試程式之用固非為專選唐詩者然攷唐詩五律体有數變沈歸愚於唐詩別裁凡例有論之云五言律陰鏗何遜庾信徐陵已開其体唐初人研揣聲音穩順体勢其製大倫神龍之世陳杜沈宋如渾金璞玉不須追琢

續修四庫全書

卷

集部總集類

自饒名貴開寶以來李太白之穠麗王摩詰孟浩然之自得分道揚鑣並推極勝杜少陵獨開生面寓從橫顛倒于整密中故應超然拔萃終唐之世變態雖多無有越諸家之範圍者矣以此求之有餘師焉沈氏之言固為其選別裁而發然別裁以人為次不以体歸無由知其論之當否今以斯集相較益信沈氏之言為確縱實青所選之意固別有屬然以之為唐詩五律選本要亦未為不可也

附錄傳記參攷材料

卷首自序

續修四庫全書

卷

集部總集類

[ G e n e r a l   I n f o r m a t i o n ]

书名= 续修四库全书总目提要（稿本）028

作者=

页数= 803

S S 号= 0

出版日期=

封面  
书名  
正文